




四庫全書存目叢書編纂委員會編

齊魯書社



四庫全書存目叢書

集部  
第七九冊



責任編輯：孫言誠 賀 偉

ISBN 7-5333-0615-5



EB21/01

## 四庫全書存目叢書·集部七九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 48.5 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第七九冊目次

## 集部·別集類

雅宜山人集十卷

〔明〕王寵撰

北京大學圖書館藏明嘉靖十六年董宜陽朱浚明刻本

..... 一

十嶽山人詩集四卷王十嶽樂府一卷

〔明〕王寅撰

南京圖書館藏明萬曆程開泰等刻本

..... 一一六

睡足軒詩選一卷

〔明〕邊習撰

〔清〕徐夜

王士禛選

私藏清康熙三十九年王士禛京邸刻本

..... 三二〇

世經堂集二十六卷(一)

〔明〕徐階撰

北京大學圖書館藏明萬曆徐氏刻本

..... 三二七

# 雅宜山人集十卷

〔明〕王寵撰

北京大學圖書館藏明嘉靖十六年董宜陽

朱浚明刻本

附《四庫全書總目·雅宜集十

卷》提要

杜之端公恩侯侯歸之雅宜前明高士其詩不多見詩  
其自書後面三首必遠一改改於拙拙焉古人長往送風以在  
其詩似律似古便讀自為佳是詩寫襟抱之妙於人言詞人  
較多分寸高遠逸於前可為余味是送卻但律意高  
對如聲亦多律比而注之自有一格與律詩初一收則其  
於牛而必於其古未言論遠引之士高古以之龍騰鳳逸  
是豈尋人所解為雅宜哉此二其公此詩何未見雅宜集之大  
為業乃以此以三詩一為山居四事一為時覽上三子作一為詩  
收夜宜五集中六之批律委詩集中次前於偏以少者考差之  
知此中世不為有藏之雅宜珍者下之山人詩以清淨見之  
言類東拉西扯且七言類杜亦不胡僧宗其詩亦類東拉  
西類岑參裏其詩亦不李太白健宗杜亦不顧讀讀詩一書未後  
於述其詩曰文不注遠氏詩不注讀詩未也錄其詩文其詩海  
龍亦相以通讀廣取徑高遠宗元以下諸公今入其書端惟不  
起之端以益其之端其於藏中已見今年二月花月一周年書以不  
勝感懷





雅宜山人集序

中憲大夫太常寺少卿前吏科給事中王履吉

余弟履吉氏弱冠攻古文辭才情俊逸川至雲起垂二十年著述蓋千餘篇余幼共席硯交師友蓬蒿環堵彈琴咏歌响响朝夕相樂也中歲慕祿仕散遊四方嗟乎遽意遂棄余而逝耶余悲夫才哲者之天傷顧余寒劣以獨存每讀其文未嘗不呼天而泣也乃選其詩八卷文二卷因年編次庶可考其進云

明嘉靖丙申七月一日

王履吉



王履吉集序

嗚呼觀今滄然雲興燦然星耀豈不有美於當世之士哉然性緣情汨志以習乖考之溫仁成德固已鮮儔矣姑畧言之自視有餘者驕視人有餘者妬驕妬所終敗于人國焉用士爲也得天猶辛若吾友王履吉氏適發鄉國早聞四方龍鳳爲章山海爲蘊不謂有餘既甚者乎然逡巡若處女俯詘若蒙士自余所覩未嘗失色於人及其遇一善覲一才若饑渴之於飲食不厭不止故年殆強仕而海內勝流什五齒交矣乃抱病長終玉毀牖下嗚呼慟乎人皆曰履吉之才不可再得也余獨曰履吉之清純不可再得也蓋傷人國焉其兄太常履約氏刻其詩余得而論曰古體五言沉鬱有色可憤可樂蓋類曹植鮑照七言跌宕瀏麗號幽吹而雷春雲蓋類杜甫岑參近體亦步驟杜參而自攜神情殆與盛唐諸家相雄長可謂詩人也特非其致也謂所取於履吉者非以此

嘉靖戊戌孟秋望日姑蘇顧璘序

王履古文集序

文無論世代遠近人士先後惟雅爲至二典三謨詞旨渾噩三百篇意興敦厚其至矣哉先秦郁郁西漢風淪亡愧于三代後之工詩文者代趨奇與人務艱深而文不秦漢若矣續宗前守吳課士而見王子履吉作而嘆曰江左有奇士若是是不可追軼秦漢乎而吳大夫士謂續宗曰吾吳有大雅士子得之乎曰得之矣信乎其才不下徐昌穀虞侍御來校士續宗進曰是吳有大雅士公得之乎曰得之矣信乎其致不道

大雅集序

高季迪然履吉以文行重江左蓋自弱冠至于今矣續宗與之友也益見其文渾類賈傳類枚賦類司馬詩古體類曹近體類岑參之簫韶既陳琴瑟洋洋鸞鳳離離春容之聲冲和之容翕爾而作鏗爾而闕無復濃艷侈麗之態絢爛華靡之習風神氣格自爲虞廷一雅調其非天下士乎夫調難乎其雅也履吉大篇雋永短章麗則粹然金輝瑩然玉潤其于秦漢蓋已升堂矣加之以年不可進之以三代也哉初予行古鄉射禮舉以爲賓行古鄉飲禮約以爲贊履吉雍

雍肅肅咸中矩度望之者起敬惟養之厚造之深故澄之不見其淵探之不見其涯而不出戶庭名動海陬也嗟乎有士如履吉乃不獲售一第以卒其命也夫古人以不顯仕爲百世士如孟浩然如陸龜蒙其名等山岳奚以售功名爲哉伯氏奉常履約輯其詩文若干卷門人朱浚明輩壽之梓曰知履吉者子也子其序之續宗有感于履吉也不容辭

嘉靖戊戌至日通議大夫都察院右副都御史前翰林檢討 國史官天水胡續宗撰

大雅集序

二

雅宜山人集序

前進士承德郎兵部武選司主事翰林院庶吉士袁宏譔

雅宜山人集十卷文二卷詩八卷上海黃宜陽與其門人朱溪明校刊厥兄大常少卿王守選友人袁宏序序曰雅宜山人者名龍字履吉吳人也自稱曰雅宜山人故以名集云山人負高志逸材弱冠即博涉墳藉沉精篇翰下筆衍辭壯思滔滔不休補郡學弟子負督學者最其文試必首山人然非其好也試于鄉輒弗利乃貢入太學山人由是得北海燕趙觀廟朝制度與

大雅集序

四方薦紳先生游上下其論議而文益奇歸而嘆曰夫神龍升于赤霄尺蠖伏于泥淖黃鵠一息千里而斥鷃終日不過蓬蒿此其志大小懸絕何如哉且夫屈信者時也利鈍者命也夫儒者握寸管挾方牘而揚聲名於億載彼得志者曳綬垂朱高爵豐祿以炫耀一時不知駒馳電滅雲浮草樹後世無稱焉此其與螻蟻何異哉由是買田石湖之旁築室其上臨流賦詩益窺古作者之奧而山人病矣乃養痾于虞山之白雀寺洩其精於聲詩而病乃大作歸不逾月竟

卒卒之前一日夢兩蝴蝶入袖寤而嘆曰吾殆

已矣夫莊叟之言殆謂我也嗟乎亦異矣山人詩初宗李白既乃宗杜故其詩才力雄渾辭篇麗瞻去輕靡而就沉著尚鋪綴而略陶鎔及白雀集諸篇則又興寄冲玄思調清逸遂窺陶謝之堂幾入王孟之室矣惜乎天抑其進有志未就故所著僅此然亦足傳矣山人長余八歲特相友善自山人之亡而嘆古道之日替也憶與山人兄弟啻杯論文窮日達旦謂古人之庶幾大雅之可作而竟已矣獨恨夫天之忌材不少

大雅集序

二

假也昔魏之文考唐之勃賀咸以才天近代如姑蘇徐禎卿信陽何景明沁水常倫閩鄭善夫亦不享年何天之忌材若斯豈天既畀之才乃奪之年耶嗟乎山人古之稱不朽者不以年也又何憾哉



余師雅宜先生講業楞伽山中浚明從遊甚久  
師志好山水故游樂多在石湖浚明無旬日離  
侍側師亦過爲獎愛每聞論文必曰文不法孟  
氏詩不法陶謝未也噫可以觀師之所趨矣辛  
卯歲游南雍得疾東歸竟不起嗟乎茲實天奪  
之速也逮將易簀顧浚明惓惓語曰白雀集可  
傳矣諸藁爾藏之石湖草堂浚明因收拾遺逸  
次其歲月緘寄于奉常涇峰先生將付之梓人  
傳諸海內奉常公令裏選成帙命浚明重加讐  
校刻之山中以示將來焉白雀稿爲張月鹿氏

雅宜集序

刻于松郡今散見集中云

丁酉七月望日門生朱浚明頓首謹書

雅宜山人集卷一

明吳郡王 寵

四言古詩一

嘉靖稿

贈涇府長史沈先生詩六章

帝啓寶籙迭授三正明明我祖配天作聖躬  
秉白旄犬羊遐屏再宅九隩重光七政本支萬  
年永膺駿命其逮我憲皇六紹龜鼎磐宗愈  
固諸王秀挺建涇于沂天弓燦炳青土苴茅儀  
章有等大野旣荒海岱維迥其於昭涇王玉裕  
金相河間雅樂詠歌洋洋采磬泗水斷桐嶧陽

雅宜集

載闡孔訓玄化遐新介圭衮冕穆穆皇皇其

帝嘉明德惟艱遂相允矣我師值茲明兩我師

伊何夙陪天仗虎節能轡再膺州將駿譽四馳

仁風以颺其我我宗藩翊亮惟傳如彼夏屋棟

隆斯固如彼金鼎玉鉉有度畏天之威握鬯纂

祚寶祐承休柯繁枝附其我師名宿謬謬骨鯁

佩玉鏘鳴方隅禮整正士在朝羣工思儆君臣

一德天祿終永有羽有蒙世爲明屏其

五言古詩一

正德稿

贈別家兄履約會試七首

吾宗素貧賤被褐垂百年哲兄自鷹揚尺水  
龍淵懷玉不得掩譽命逮九天車馬爛盈門  
勸駕以周旋辭親邁觀國撫劍遠游燕

其二

燕昭昔愛士縹緲黃金臺我 明懸日月北極  
自天開左抱遼海隘右指雲中迴龍翔冀寓縣  
虎視下賢才河馬叶羲至岐鳳鳴文來

其三

騫騰丈夫志婉孌骨肉情辟彼完山鳥羽翼今  
已成一飛摩天游一返顧巢鳴昔也同胞戀今

大雅集

二

茲萬里征蕭蕭聽班馬悠悠瞻去旌

其四

去旌日已遠我思鬱以紆冥鴻西北舉離歌東  
南趨父母憐我獨友朋慰我孤眷彼多露言揮  
涕想長途故鄉眇何許異姓乃爲徒

其五

徒旅各風氣語笑若爲親道出齊魯郊相逢燕  
趙人山川日非汝城郭屢經新驅車太行麓飲  
馬濁河津日暮黃雲合誰當慰苦辛

其六

苦辛浮客歎淒惻留子心連裾二十載茲晨方  
判襟疑義誰與析樽酒誰與斟茫茫江湖去徊  
翔樓故林吞聲一以別霄漢限飛沈

其七

飛沈各有時天命良不疑古人重千金徒倚戒  
堂垂遠行越山川能不令我悲努力加餐飯慰  
我長相思揮淚贈言邁辭盡意不披

侍燕大學士守溪王公作

鳳凰翔千仞覽德自委蛇哲人洞玄象約已潛  
無爲天倪亮有適好爵非所縻周公瞻東洛疏

大雅集

三

廣辭皇師綏章曳靈羽命服交文螭赤舄乃几  
几肅穆君子儀我公在朱堂式燕臨前墀吹萬  
天下澤樂育官墻私旣醉湛露泥有滄青雲披  
列簷華櫬下吐論光陸離傾心佇飢渴日入迥  
忘疲

席上贈顧參政華玉

滄海渾元化樓臺與天通使君赤城主五馬翔  
雲空鳴玉朝紫皇弭節咸池東仙人候羽蓋霧  
裏飛金童漢室列千石淮南參八公蓬萊戲清  
淺吏隱誰能同竭來浮客星掛席上北斗乾坤

鼓洪鑪日月光 我后天人操玉衡龍吟鬱  
首維南有會稽 帝曰汝茲守轄內十諸侯肅  
肅趨紫綬黑髮杖節施功名豈爲後簡書追王  
程登龍偶瑤席蒼然解金龜吳酒傾琥珀上陳  
黃虞風下感興替迹指麾顧榮落落落當世畫  
猶是 先帝郎名在弘治籍努力事 三朝願  
贈秦人策

寄贈陳翰林魯南

孔鸞有危巢玄圃三珠樹翔集無可依冥冥但  
雲霧憶昔蓬萊宮獻賦五不過一擊搏九天清

不雅集二

四

朝陪玉輅寵列歲星臣光受 龍顏顧丈人揚  
馬流戈劍森武庫春容儼儀刑灑落寓風度詞  
杯有根抵街勒歸善步王良範馳驅同文肅皇  
路前輩多名公并絳星辰聚九葉際重離白虎  
金輿駐日旰侍談經片言豁天悟古來功名會  
多在齒髮暮風雲忽騰驤崇朝展平素豈學濟  
南生白首徒章句洋洋雅頌風作者固有數  
天子錫彤弓諸侯歌湛露載筆忻有人商周足  
馳騫

秋日侍蔡師宴湯二子重

我師發林屋五夜翔天帆衣裳動雲氣猶自桃  
花島爭迎白鹿車冠蓋道相銜李邕傾後輩  
岸識虬髯湯也寔同社登堂袂交把驚座得文  
翁微仲在座琴瑟調大雅昔別春復秋心事一披寫  
麒麟已翔空吾道猶在野 聖人奏雲門江湖  
自蕭灑商飈薄炎赫亭午雷破壁崩奔三峽流  
危聳四座客賓跪請間觴玉饌轉狼籍平生狂  
奴態醉舞拓金戟回頭指葛強何似銅鞮陌

鄭博士自毘陵來酌酒贈言

蘇常百里間把袂苦不數子猷自何來矯矯重

不雅集一

五

山鶴薄宦多風塵官長自束縛十年一儒冠裘  
馬頗零落數口糴太倉金冷作糜薄玉色不受  
慘吾道付玄漠帷中寫瑤琴塔下翻紅藥時披  
古河圖乾坤炳然錯濟濟文翁肆沉沉馬融幕  
吁嗟俎豆風南斗挿雄郭丈夫苟有成豈必在  
巖閣荀卿三祭酒白首秉禮樂小人競腐鼠君  
子縻好爵持杯各披心古義豁寥廓

寄贈王憲副欽佩

鍾山表天闕紫翠摩荆揚長江走其下河漢森  
七襄精靈炳人傑樂只邦之光明廷冀大呂絕



壑璫豫樟卓哉丈夫特朱鳥相徊翔憶昔都下  
游白馬南宮郎清溪映甲第古木羅堂皇蕭疎  
楊雄宅羞怯陸賈裝五陵豪俠窟朱門擁貂璫  
夫子抱遺經玄草滿空床時從高陽侶斗酒換  
鵲鷄彈碁夜寥間撫劒天蒼茫顛倒尚方履氤  
氲官署香自顧草間人摧眉愧琳琅斗柄忽五  
轉旌車限河梁洛邑天下樞雄麗古帝疆人文  
圖書窟地軸嵩少陽絃歌億萬戶章甫三千行  
吾道有盟主中州耀星芒六經貫宇宙日月懸  
穹蒼維持藉公等湖海漫摧藏

不雅集卷一

六

答顧閼餘之

嘗聞公與侯子孫必復始天開忠孝門有美揚  
麟趾猗昔先大夫伯仲列旌纓腰懸朱雀符對  
秩古刺史五馬翼華輶聯綬拖金璽風流儼至  
今合香才華起餘之千里駒汗血雙瞳紫總角  
驚老師豪氣食牛兒筆倒三峽流胸蟠五雲綺  
插羽志先登拔劍須天倚獵精揚馬源極目屈  
賈壘文章我輩事古道薄如砥精靈含元氣渾  
沌後天死百年沉與浮洩雲無定止矧子方少  
年電邁絕九軌清廟鳴天球東房列垂天日日

高峰嶸契會青冥裏蹇予骭髀姿擊筑吳門市  
昨枉繹志篇瑤瑤安足擬蛟龍動長吟相顧鬱  
斗水

贈劉太僕元瑞

江漢國之紀南嶽涵春容金晶走月窟大澤蟠  
人龍劉公豈易得旁礪秀所鍾本家江東將銅  
虎冊帝封奇才握銳穎弱冠摧文鋒射策上玉  
堂天子維孝宗龍姿古堯舜千春會其逢一  
麾出郎署再歷粵與雍豈惟甘棠茂坐見俎豆  
龔名高貝錦織褱帶還山農張敞起亡命馬援

不雅集卷一

七

鎮蠻叩東山夢猿鶴西徼來奔衝窺圖伯禹穴  
真玉茅君峯玄牝抱虛一瑤華掇丰茸重離炳  
大角來職思彌縫公望允律吼台階佇升庸權  
奇甲在腹礪礪星羅胸朗朗百間屋森森千丈  
松天閑萬駟牝肅穆大輅從衛文秉塞淵和鸞  
舞噉噉秋高鐵騎疾猛士乘金墉黃河控鳴鏑  
青海沉邊烽經綸在名手田野庇踈慵

晨興

中宵雨衝黑晨興慨知秋空庭曳葛屨落葉辭  
梧楸冥冥白日翳淒淒玄雲浮鷗鷺劃起舞蹁

嘯其儔端居覽物化六御無停輒悠然眷卒  
歲蒙甘思我裘若華不可折注目崑崙丘總髮  
未聞道忽忽甲子周赤霄有天驥窮路多蹇牛  
古人去我久日月成阻修豈無萬里志蹇足空  
夷猶浩歌激宇宙烈士痛年道

雨

大火聿西流驕陽反爲雨青天斬頑龍空山劈  
鬼斧雷霆劃爭門一足商羊舞甘霖不擇地灌  
漑及瀉鹵枯禾月再暮欸忽華滋吐寧知真宰  
力廻幹玄功補百里交青葵沮洳膩膏土翻思

六雅集

八

朱炎赫湯火煎肺腑溝渠盡揚塵枯槁空區僂  
天下皆王民何事農獨苦但求終歲食焉能惜  
肱股我苗鬱盈疇我米粲在盆擊鼓吹笙竿蠶  
歌賽田祖生死帝力中不識堯舜禹

會文與湯珍子重郭邵漢才

弱齡事丘索雅志涉文淵十步幾九躋百慮靡  
一全踽踽獨淪寒偃偃疇扶顛永懷麗澤允時  
歌角弓篇中路值世括華珠爛相駢我冠講黃  
虞著論闡太玄不以葑菲賤不以菅蒯捐散帙  
恣所質披胸結縕綿龍翔爾方滯鳳附余何緣

授分寄二子管鮑可賢賢

還山作三首

久欲歸西山踴謫漫執掌青陽麗江臯茲焉諧  
所賞巖餘白雪停水接紅霞上地軸隱墳夷天  
池匯決湔鮫人靜安流玄牝遺清響秀色浴層  
巒虛光涵萬象川原信沃煦景物初駘蕩覽化  
自靡窮適性非外獎彼美丘園賁眷言興我想

其二

恭承休明日九軌今一家進則縮龜玉退則蟄  
龍蛇吾道苟不虧安用事咄嗟山川日間曠土

六雅集

九

風頗清嘉躡步陵絕峴流目翫歸霞鳴嚶藹以  
豫陽林萼漸花風光枝上汎日采水中華感物  
眷彌結悟空理已返永言詠玄寂聊以遣紛拏

其三

環洲信瓊瓏灌莽何葱蒨中有方丈室聊以酣  
清燕對嶺屯白雲房林繞碧箭時聞樵樵音日  
覽湖山變淥蟻歡獨持道書慵不卷玄言謝丹  
轂散髮邠瓊弁頗懷康樂游幸之子年戀寄言  
賞心人歲晚同茲卷

侍燕宗師安福張公分韻得平字

群流赴大壑列宿環天樞道以宗盟重義將君  
父俱我師秉斯文遭時佐黃虞清風振寶鐸朗  
鑒縣冰壺曰余抱寒昧濫彼孔庭趨升堂慚由  
也聞道愧參乎清觴侍文譙琴瑟諧以娛金塘  
拂茵蔕瑶川秀菰蒲風光麗遊艦雲鳥狎前驅  
去矣官牆戀落日佇踟躕

贈邢山人麗文

羣鴉啄腐鼠飛蛾競明膏鷄鳴啓朝市宇宙紛  
如毛寧知爰居鳥鐘鼓觸悲號鼎食非所性排  
蕩秋天高客有邢夫子玉立冠人曹環堵隘六

大雅集

十一

合長嘯凌九臯讀書洞元化耽酒冥風騷劉伶  
豈必醉與世舖其糟顛倒紫綸巾淋漓白雲袍  
歸來四壁立叱咤羞錢刀寶劍匣中吼精光射  
蒼條端木結車駟原生賢蓬蒿百年一蕭灑萬  
象同秋毫却哂飯牛人哀歌爾何勞山中有叢  
桂招隱日怱怱

旦發胥口經湖中瞻眺三首

瀛壖委道數地嶮隘山川渾沌自太古決溱開  
吳天仰飲咸池津俯灌東南偏龍宮竭蜺龍鱗  
室閼幽玄孕化巖陽吐酒虛霄象懸洪流既滿

沛列嶂亦迴延雲標海上闕石秀鏡中蓮開冬  
眷肅氣落木浩無邊黃鵠有奇翼八表恣周還  
儻遇浮丘公歛忽蓬萊巔

其二

夙有丘壑尚緬懷鸞鶴蹤揚帆忽天矯赤水驂  
亂龍五湖寫杯掌三州溢雲胸金屏匝地軸玉  
鏡開天容秩則四瀆亞浸維百谷宗丹丘駐日  
月瑤草連春冬絳氣恣縈薄青霞何復重仙人  
脫化處千載空芙蓉咄哉委腐鼠絕頂巢孤松

其三

大雅集

十二

遊子戀清暉舟師詭高浪水宿濟前湍蓐食凌  
窮嶂雲帆詫多奇霞石非一狀龍性已難馴鷗  
機彌恍蕩靈妃曳翠旗川后褰綃帳蒼茫天外  
殊傾洞風濤壯安流伯禹功長嘯鴟夷放昔人  
已摧頽宇宙空俯仰感往不復朝追來胡弗暢  
總轡萬壑巔振衣三島上彼美戰勝賢薛蘿遙  
在望

過石公山

島嶼屢崩奔石林突參錯朝雲正吐秀冬水亦  
漸涸槎牙能豹蹲蹙曲蛟龍蜃波濤激中洞嵐



霜紛上薄金膏赤日流石鏡青天霏表靈微名  
圖延賞詰幽諾蒼鼠不驚人丹楓時自落茲焉  
可投綸畢志甘塲藿

入銷夏灣

千山翫迴轉雙闕開嶙峋園作玉鏡潭流水桃  
花春雞犬自甲子衣冠乃秦民表裏重湖阻丹  
青四望勾孤峯表日觀群嶂摩天浪波光別駘  
蕩霞采相鮮新疑觴西王池誤攀織女津海鷗  
戲蘭薄游修瑩心神牙檣悲昔年玉釵寵今巡  
榮華無常玩山水有天真塵纓聊以濯慚爾握

不雅集一

上

歌人

登縹緲峯一首

宵夢昇天行明登縹緲峯園海湧鯨脊大漠冠  
鰲簪吳粵倦周覽乾坤滌浮沉千巖通拱帶萬  
頃逼侵滌歎蒸塞靈灝氣候異陽陰寥寥躡雲  
磴落洛捫河參鵬霄適靈嶽鳳野開煩襟僊佺  
空中語蒼虬煙際吟天衢非阡衍超駕有遐音  
覽化自靡足懷仙傷我心臨風寄瑤草遲爾崑  
山林

入林屋洞

白鶴已仙去碧山遺寶符齋心扣靈闕企石竚  
清都雲臺曩撐拄百人可跣趺白玉斲隆棟青  
蓮綴流蘇昔人鍊液處床第鬱金鋪石乳累而  
長交錯如珊瑚蛇行屢迴互磬折窮有無恨之  
秘生識烏篆空模糊時聞神鉦鳴地底越江湖  
冥濛翳日月窈窕通蓬壺悠然遂雲卧心將天  
與徒羽毛如可就千載有龍祖

丙洞

天傾霞石開日映雲門敞芙蓉秀絕壁幽茜排  
仙掌下窺黯無垠側眄紛有象丹藤蔓氷壑蒼

不雅集

上

苔蝕銀榜野鹿沲飛泉寒兔逃平莽攀蘿眷仙  
靈折麻私嚮往訪道空名山前途浩漭漭誰令  
濁世憂扣我凌雲想

曲巖

乘雲歎先登攀崖紛廣眴孤峯上寒日平楚騰  
餘燒天高風物緊地迫山川竅饑飈乍陸梁哀  
鴻相叫嘯企石揖雲帆披霞迎海嶠空水共汎  
瀾虛無自余照林深養谷神壁仄圍景曜光風  
爛芝苓玉髓滋蘿蒿樵隱自夷猶末路多奔峭  
懷哉用里公千春可同調

毛公壇

石門有遺管涔道時屢揭山迴谷續長地迥琳  
宮閣近峯巒交青遙岑盪虛翠丹井周前除雲  
堂儼昔位毛公颯羽翼白日翔鸞轡自非山水  
靈胡爲異人至石髓不盈握圖經滅餘字樵人  
引蔓行鹿子啣花戲羣螭不崇朝浮生漭如寄  
荷篠斷黃精終矣丘園賁

蔡師玄秀樓與諸友燕集

人龍來逢時林卧觀元化抗館碧山隈伏檻滄  
浪瀉連巖象雲構嵌空紛石架明霞麗壁璫澹

不雅集

古

瀑翻薨瓦其陰負縹緲其陽展銷夏山川恣凝  
流乾坤泮高下端居慰營魂散帙豐逸暇觚管  
間時操觴酌巡筵逕我公坐忘疲樂客窮玄夜  
時哉秉燭歡合坐同所藉

唐文伯虎桃花庵作

海內幾詞伯當筵逢酒儔竭來桃花塢披草成  
獻酬夫子嵇阮輩簸弄天地浮閉關嚼泥滓袒  
裼參王侯或時舞長袖迴拂隘九州神龍不自  
惜勺水甘垂頭蒼蠅顧營營一日千里游蕭疎  
竹林聚窅窕柴門求形骸兀土木辨難森戈矛

貫穿窮百氏驅馳感千秋氣酣劃感激雪涕懷  
伊周老鶴志霄漢雄劍奔兜鍪惜哉功名會律  
既日月道痛飲師古人談玄恣冥搜是時大火  
中偃息宜林丘松蘿在高戶齒昔披長流沉冥  
我輩事河朔同悠悠

楞伽寺

雲竹素所愛山林道難忘荆蠻屹水府五湖瀉  
湯湯連峰枕其腹翠壁森開張流峙兩參錯南  
斗迴文章絕境閼蘭若金天建旌旆嵯峨古楞  
伽颯沓開雲堂星河掛北戶日月經其陽法雨

不雅集

圭

不斷灑檀樾紛成行時時吐虹霓下飲平波光  
風帆日如織寶筏度迷方道林更愛客文燕依  
松篁脫屣石苔滑科頭飛雪涼朱炎久蒸薄卧  
暘雨月強掃除洞虛白盥浴披天香迴思隔朝  
市執熱眇相望

麒麟行

天王建已年尚秉正德朔聖人歛乘龍仁獸驚  
代作秦吳亘中原靈氣森噴薄山海天地藏華  
夷散脉絡茲焉各效珎元化恣磅礴計法按古  
圖環礪冠一角麟中圖五雲紫焰赤金錯長光

強記事彷彿徵永樂煌煌 九葉孫王璽 帝  
所度柱史儼載筆盛事光執削吾聞王者瑞乘  
哲士諤諤藁龍在巖廊圖像畫雲閣丹心日月  
傍星斗參磊落努力望諸公洗目青天霽

哭孫太初

叔夜天人流龍章混土木太初關中來鬚鬢騎  
白鹿恢恢天網外王立青山獨倒着蓮花巾虹  
霓忒成服腰頭虎聲囊自詫神仙籙高食太白  
雪屢憇車箱谷曾雲蕩其胸溟渤空兩目雄談  
豁古寺饑鼠窺深屋賦詩聲殷殷月黑魍魎伏

不雅集

去

鏗錡鍾律應突兀崖障轟斯人則云亡古調竟  
誰復昨者去蒼溪札翰一再讀百年付浮萍萬  
事驚轉轂天馬不受銜孤星墮南陸安石竟殞  
雞賈誼終遭鵬草堂淋何在落日玄猿哭三嘆  
豪士風淚掩高離坑

陳氏南樓宴集

荆吳古都會樓堞面勢堅奔流自天目下與震  
澤連股引環雉門金湯樹華旃山川麗繡錯斗  
野鬱星纏朝氣雖間歇豪俠爭喧闐名家列鼎  
食珠履肅初筵重堂隱歌笑復閣羅神仙向來

形勝地一一指掌間寒暑錯氣候雲霞媚人天  
掌中車渠盤凜栗冰雪拈微風汎菡萏香度舞  
衣前海內諸名公題詩琬琰鐫鄭莊特置驛山  
簡時迴鞭鳴鍾日高會飛纓爛相駢乃知南陽  
孔不徒守金錢素封炳青史高義到今憐

雅宜山人集卷一

不雅集

七

雅宜山人集卷二

明吳郡王

五言古詩二

嘉靖稿

送錢太常元抑祠祭顯陵

江漢朝百靈絳節集鄢郢興園奠其陽虹蜺  
媚光景象設開天庭環衛森五嶺齋房產靈芝  
玉醴出金井神游駕虛無劍舄存遺影灑掃祠  
官虔七鬯皇情耿太常典秩宗精白一心秉  
龍顏授玉冊殿上親祇領玄端佩衡牙陟降瑤  
壇靜風清靈旗翻天赤御氣罔宗裡日輝光松

雅集

紀變

栢載崇整山河扶棟梁虎旅肅藩屏還輶告成  
命珥節爲俄頃備聞古夔龍密布金華省彷彿  
弘治風廷論多骨鯁我輩飽藜藿散髮從箕穎  
皇帝紀元年嘉靖秋七月盲風白晝號酣聞亘  
明發勢從西北來突過東南蹶一鼓江河翻再  
簸海嶽拔黃沙暗中原白浪高觀闕古樹斬十  
圍變罔逃百鬼淮揚旣澎湃吳楚轉突兀蚩尤  
掣長旗天吳豎危髮中宵抱屋柱股栗不得歇  
三儀莽蒼色亂玄黃汨飛廉應南箕崇絲伏

金鉞神聖方膺圖地紀胡嶠元老滿巖廊  
理諒匪忽翻然萬家邑漂蕩魂惘惚蚪龍怒磨  
牙何處收爾骨翹首叫帝閭終思答天罰

贈邊丈太常庭實

趙舞罷七盤齊瑟掩雲和丈人坐華屋賤子按  
節歌寵也結髮時誦法丘與軻寒門寡墳籍長  
者希經過窮鳥閉樊籠舉翮摧四阿弱冠遂無  
成行吟粵江沱西游入金陵高闕排銅駝王侯  
爛星月帝業倅山河雲臺儼曾峻天人鬱森  
羅馳檐立道旁劍珮聲相磨赫赫太常公駿馬

雅集

二

金盤脍秀隼象山嶽腹庫開干戈雄名壓當代  
忝列李與何中州兩龍奮東魯一鳳摩離蟲旣  
掃蕩大雅旋琢磋天球及寶玖宗匠撻斧柯煌  
煌我明室典述業以義五緯貫中天四瀆揚  
其波後進聿雲興回輅良已多顧我凡馬姿九  
折長蹉跎孫陽謬翦拂浪費玉山禾詞場若可  
繼舞首爲鳴珂

奉同東橋顧丈夜宴賞菊之作

中歲無所成飄飄慕長生未諳鍊玉法采菊餐  
其英腰佩茱萸囊冠垂垂蘿纓霜中三秀茁石

上九華榮明公挺鸞鶴翻飛辭土京重此瑤草  
約遺彼濁世名玄夜共逍遙攜手游泰清折花  
竟誰贈俯仰千古情安得凌風翰一舉遂遐征

月夜登上方絕頂四首

五湖湧青蓮削出千丈壁空中構寶殿珠光相  
蕩射明月海上來照見半山赤千林似竦動鳥  
獸夜辟易飛馳入中天萬里掃空碧吳粵何茫  
茫俯視一氣白身列星辰間絕頂布瑤席舉杯  
酌銀河誤觸支機石回首招王喬吾亦成羽翮

其二

入雅堂集

三

吳山直牛斗豈必五嶽奇飛梯入青天虎視東  
南陸海水涌我旁太湖化為池波光蕩寶月萬  
頃堆琉璃魚龍百處現吞吐珠陸離歌嘯生雄  
風草木四山披腰佩豁落圖手掣蚩尤旗遨遊  
五城上極宴不知疲

其三

人道無端倪人世如蟻蟻冷然馭風行天路非  
阡術望舒稍西傾東海已吐日山川兩照曜金  
波中蕩漾仙人夜行游巖坐汎寶瑟吐故餐晨  
霞乘露采芝木嶢嶢金庭山中有煉藥室却笑

尚子平寧須婚嫁畢

其四

乾坤一銀海萬境羣動滅狂殺王子猷疑是山  
陰雪披襟當雄風酒後覺耳熱山精忽夜嘯谷  
響崖竹裂恹恹非人間身世殊陟絕結束昇天  
行星斗爲珮玦倒窺山河影嵯峨鏡中列始知  
飛仙人五嶽視丘垤紫霧何濛濛入口皆玉屑  
幾時丹砂成白日翔鸞節

乙酉送家兄履約會試二首

入雅堂集

四

富貴別離易貧賤去住難游子起虀食盡室慘  
不歡高堂有老親雪涕何汎瀾征馬爲躊躇僮  
僕皆辛酸煎門莽蕭蕭漸水流桑乾朔風旌旗  
裂胡雁愁羽翰念我南中人踈理不耐寒累夜  
絮征衣猶覺輕且單五雲夾重城聖人在金  
鑾日月儻垂照挾纊何足嘆

其二

古人貴逃名今人學干祿豈無遐舉心韞廑不  
充腹夢寐在山林苦迫臘與伏飢來不待驅燕  
趙莽馳逐所悲骨肉離不及雙黃鵠吐爲兒女  
仁長歌以當哭努力休明時望子光五族毛生

捧郡書簞子夾牛轂大道有屈信達節非術  
慰此堂上心日夕千里目

贈曲巖山人蔡師古

管登曲巖頂翠壁凌競行下屬帶林屋上千森  
太清崎嶇兔狐道斗絕芙蓉城天街太湖小日  
上東山橫奔濤激林響飛霧驚人聲雲光寫石  
鏡天籟摩風爭整駐浮丘鶴長吹子晉笙坐來  
握玉髓饑至餐瑤英當時山人輩金策相支撐  
前身蔡經是師受王方平結廬古巖下桃花滿  
前楹麻姑復千歲指甲猶自輕丹書拂蘇讀王  
女披霞迎親傳步虛唱彷彿鸞鳳鳴笑我晚學  
道碧山許藏名相期荷長鐫石上斷黃精

送陳子齡會試三首

隋掌有明月郢握本荆璆光華一曜世逝矣不  
復留中夜忽自驚絕壑失藏舟止者如鵲旋去  
者若雲流昔爲輔與車今成沈與浮彈劍作微  
聲颯颯寒風邁丈夫貴意氣豈在同衾稠

其二

夙昔卧林壑與子多緒言方軌共行遊遊彼竹  
素園古人不可作志節照當年垂爲日星文流

爲河漢源中夜撫枕嘆思與比翼塞龍淵不在  
握壯志成煩寃日月忽我道荃蕙寧久繁努力  
愛光景及子朝陽暎鳥飛不厭高獸挺各爭先  
策足據津要慰我孤窮魂

其三

黃金錯鑿劍結束千里裝驅車向燕趙日夕見  
太行天寒繁霜雪層冰阻河梁疾風沙礫奮落  
日人馬僵原野何蕭條旅鴈正南翔男兒當努  
力所願馳四方咄彼乳臭子尸居戒垂堂投袂  
從此逝中情慨以慷

分得滕王閣送盧駕部師陳

江漢紀南服衡廬奠朱方河山阻襟帶表裏望  
荆湘列雉鬱叅錯樹羽盡飛揚風清彭蠡瀨雲  
起昭丘陽帝子握龍節磐石荒楚疆中天抗瑤  
榭倒影垂虹梁鳴鑾謝千載遺構想靈光夫君  
勸王事流覽恣方羊霜妻百卉素日落千山蒼  
悼古志倘恍遭時氣騰驤北首睇辰極東指窮  
扶桑伏檻藐寰宇觀風歌吉祥言歸報明主端  
笏拱巖廊

送屠秋官文升校文還朝

哲匠握衡鏡南國叢楚材遭逢 聖明世推  
黃金鑒衡巫廟璫穴彭蠡折珠胎光華曜羣  
卓犖超塵埃言旋告祇命拜手贊康哉 帝御  
萬年觴紫氣溢三台進賢膺上賞緝衮須良才  
江南草正綠塞北花應開及子春服麗翔舞入  
蓬萊

石湖秋泛同段戶部子辛文太史徵仲

溟落類莊孤公洄依孔梓冥心委江海屏迹逃  
人徒鶴厲申獨往矍屈謝當途持此百年操居  
然山澤癯兩賢顧同調枉檝臨家湖駢筵屆秋

入雅集二 七

序嘯侶邁元夫初旭洩雲翳落景鮮霞鋪重霖  
豁朗霽商氣集高梧南陵綯丹碧北渚冒菰蒲  
瑤甍迤隱見羽節時有無陟峴禮精室乘峰眺  
名邪神超禮自逸世往迹與俱吊古指游鹿歡  
今懷過駒請君謝天伐畢慮收桑榆

同白下諸友燕東橋顧文家園四首

潦水慕神淵系條愛秋幹矜已諒有窮思齊乃  
無畔曰余早迷方學道徒漫漈戴盆以望天寧  
識河與漢折匠擅斧藻不遺溝中斷展席詰故  
權披文賞新觀汪江千頃流燁燁三英聚

非金蔽忘年坊驕貫俛仰愧良知當座興累歎  
願以皓首期從君詠文瀾

其二

金陵信都會壤麗表 帝疆大江自岷峨入海  
匯荆揚嶺巖石頭壘列峙鍾山陽觀闕摩蒼穹  
翔舞金鳳凰形勢扼九州發豪傾四方今夕復  
何夕躡履上朱堂影纓無醜士結珮皆人良綺  
思若霞飛玉度謁鸞翔辟彼隋侯室錯落垂夜  
光何必絲與竹清言間華觴投分寄諸子聊與  
爲大康

其三

東髮志典述臨文多慨慷思得千金駿疎轡當  
詞場先民日以遐宿草蔓周行大雅豈不懷輶  
迹浩縱橫 昭代自天啓婉婉羣龍翔赤霄無  
短翼玄纁有奇章煌煌華我 明姬妙相頡頏  
伊人各乘運風起雲飛揚漢落乃無成念之熱  
中腸眷我同心友摩厲不可忘

其四

悠悠水中魚飄飄天際蓬魚行逐江海蓬轉隨  
西東聚散無定端清尊難屢同如何千里客集



此一室中蘭燈吐華燄瑣闥窺瓊瓏棲鳥數夜  
驚談塵自生風銀河綴網戶玉露溥高空羽觴  
行無筭醕飲靡不充肅穆嘉容儀初筵逮有終  
滄海不厭深華岳不厭崇努力樹明德庶以慰  
我公

渡江望金山

肅舲汧洪濤掛席展奇峯頗懷濟川人復羨臨  
濠樂茲山絕地脉江海秀磅礴突起無曼延中  
流自澆濶太華巨靈擘龍門神禹鑿嶮峭由代  
工位置非天作仰干斗牛精俯枕川數絡中虛

不雅集二 九

釀靈潤外觀表封略樓宇盡驚騰風翠紛沃若  
潮音雜鐘梵人語怒蛟鯉陽侯戲其涯五采忽  
乘蹻趨捷慕飛係凌厲憐孤鶴余本水鄉士夙  
負滄洲諾一丘可棲遲萬事甘零落

贈家兄履約應召

駿命無遐遺荒服有嘉招伊昔投海甸解籍辭  
中朝鯁鯁遠臣慮懷懷去都諱炎州屢經復島  
邑窮招搖嵐煙化衣素瘴靄拂行輶佐郡豈不  
崇注心傾九霄恭承簡書召采秀備王寮承華  
際日月建禮集金貂游龍無異沼巢鳳必同條

生逢軒虞后玉几正垂綃餐和酌玄鬯舞象協  
英韶亮懷隨和寶入握彌光昭丹轍非所榮期  
在令名劬君子圖鼎勒宵人志棲鵲長歌擁耒  
耜聊以釋吾苗

宿龍江

促柱多危絃勞歌無緩調遊子倦風湍羈人苦  
奔峭昨汧楊子津今宿龍江微天高零露溥夜  
迥哀鴻呌爛爛金波翻耿耿玉衡照浙瀝兼葭  
渚微茫煙水嶠川后歆澄瀾海童舒遠嘯臨深  
念畏途鑑止希要妙百年何鼎鼎恐貽靜者誚

不雅集三 十

緬懷鳴夷遊側想任公釣解我樊籠役將窮山  
海眺

宴徐子仁宅

金陵豪俠窟樂遊鳳凰原青門臨上路爛若朝  
霞翬獻侶共行遊窈窕窺楊園神飈集珍木玄  
露被芳蓀蘭池夏氣爽桂棟秋雲屯嘉花既羅  
戶密蔭亦植援疏林抗北磴激浪飛南軒祭粢  
共馨披離離椒苾繁中堂理絲桐後檻樹旌旂  
初疑游龍翔忽訝驚鴻翻色授神已交禮防心  
詎煩主人卿雲流標勝儷璵璠已羅西園彥復

注北海樽縱橫逸藻奮契闊佳期敦復局相錯  
陳欽纓互續緒有來乃餅盤觴至若川奔曉畏  
夕月馳宵忘朝日瞰平樂諒虛侈高陽亦徒喧  
緝麗安可悉商確歌此言

與王工部玄成游泛分詠橫塘

疊鼓發橫塘浮鷁在中央秋榮正靡靡曉岫復  
蒼蒼遠樹謁墟落平川趨石梁江南采菱調吳  
娃浣紗妝日華波的礫霞采天蒼涼魚戲紋  
亂鳥鳴山簾長雲旗稍搖裔羽蓋亦悠揚傳厄  
已側弁徙樂更調箏上客金闥彥時飄仙署香  
真翔臨筵奉嘉藻願比雙明璫

牛首山

終南望咸陽少室通京洛神宇壯維藩佳氣鬱  
環嶠茲山何茜萃川嶺麗繡錯攢蹙亘千巖紫  
紆盤萬壑星辰互翻動雷雨或解作谷候異涼  
溫峯形殊今昨瑤草雪中華紅泉風外落江翻  
映組練日照輝金牖游行多聖仙翔舞集鸞鶴  
循山構累榭嵌空結菌閣飄飄曳靈瀟宵宵鳴  
天樂宸居紫泰清長場亘五柞登祇警神衛

方望肅王略弱齡耽名山雅志涉丹籥招隱  
淹留采秀憐沃若秉我上皇心排筌入玄漠

陪宴孟中丞有涯作

青鳥顧鸞斯神龍延尺蠖大觀乃遺形采士及  
葵藿揆予慙浮賤擔簦游宛洛情同過江枳化  
異入海雀謁謁青雲居朝寺麗綺錯肅穆棲天  
人森沈響鈴索孟公中州彥逶迤象山岳逍遙  
水井臺時傳臨海作解帶沐華園開樽睇蘭薄  
朝與山人期日晏褰珠箔縱橫飛爵歡下上論  
文樂玄纓非蘿帶朱門豈丹壑中飲獨彷徨念

我東臯獲

上方月夜與段子辛

棄世吾慕嚴薄游君類邴真心懽調同煙駕肅  
塵屏游行倦平臯遐思集秋嶺頽陽隱半規纖  
御曜圓景稍稍林霏交沈沈谷神靜仰攀星七  
襄俯弄波千頃歌翻雲外音舞動天中影野曠  
羈鴻號露下棲鶴警巖岑已嶇嶇吟嘯復孤永  
疑從靈園游燕此華胥境若枝已堪折雲裝爾  
須整遣彼弱喪情消搖任所秉

金子懋仁過宿橫溪莊

卜築山水隴懷疇松桂林雲卧有超思天游無  
近尋歡友念孤賞撰此丘中琴萋菲既文瀾玄  
邈亦道心甜石牽葉卷班荆息蘿陰嫋嫋夕颺  
急瀾瀾秋潦深丰茸已搖謝嵐靄轉蕭森西疇  
刈穫語北嶺樵蘇音景晏渚煙合天空赧氣侵  
攀翻寄真相敷奏據幽襟然薪繼以夕羅縷窮  
古今雅道久彫落佩子球與琳

秋日山齋

動息無並歡榮寂有交戰理來神以超物往性  
可繕竊察潛山樊逃虛賞清燕高齋瞰瑤宇伏

大雅集二

十一

檻散林甸庭翠集近巒天青森遠嶽迴衆近哀  
響鮮雲飄晴練秋容尚餘妍好鳥時遺嘯萸菊  
挺葳蕤楓楠被丹絢紫萼聊可采綠蟻懷獨薦  
庶矣日車乘彼哉魏闕繼述邇玄月陶因書布  
親串

飲顧淄川榮夫

昔掌淄川徭今航竹林賞解龜豈年及乘日非  
外獎偶會禽尚心彌肆雲蘿想經始中園廬蘭  
榜蔭閑敞清池過庭激紫蔓綠籬上蕙草抽新  
萌蒲獨牽宿莽差池喧鳥覆潏潏驚魚響息陰

聊舉爵臨涯時抱杖英英白雲存纚纚鮮颺蕩  
興遠集蕭晨蘊真愜吾黨蟬蛻迹已冥鸞翔意  
俱往方敦霞外交言稅區中鞅

穫稻

拙政期農扈肆樂慕歌陶鄭鋤既已揮陶車寧  
憚巾耆力望卒歲息饗報升新恭承義唐化束  
髮業王民進陟寡周器退畊甘隱淪先疇在南  
山蘭野錯龍鱗桑竹被廣隰葭菼夾脩津秋風  
奮隴首肅氣浩無垠翔陽通隱曜流靄翫窮旻  
惻惻無過客睢睢後時人千念攢永夜萬感興

大雅集二

十四

蕭晨亮矣固窮節薄言寄松筠

過毘陵訪鄭博士于漢段郎官子辛

吾慕鄭子真谷口揮其鋤吾希段于木偃卧梁  
王都富貴如浮雲天壤相與徒擊節千古下慷  
慨懷此夫聿來游名邦世哲頗同符博士既瓊  
屈郎官亦鴻狙鍛翮摧九天騎驢宦三吳道存  
神彌王時蹇德不孤被褐握瑜玉纓冠講唐虞  
典文粲成篇鬱若春華敷蘭陵多美酒解取貂  
裘沽舉觴望青天傲嘯丹陽湖翩翩雙白鹿倒  
載長檣糊寵也落魄生興在黃公墟左眄復右

羣觸目璆琳株謬忝本州役獻策金門移野兇  
志長林豈備王者驅婉孌二夫子握手不忍殊  
理棹待明發援筆書鬱紆

秋征二首

我行涉秋首整駕游 帝關迅商薄陰谷有淪  
興鍾山霖雨成江河四顧迷衍阡潯蚪失故穴  
黑蜨濯重淵林木紛偃仆饑獸更我前轅馬爲  
悲鳴徒御皆慘顏黃鵠振羽翼盤舞自翩翩而  
我獨何爲辱在泥塗間

其二

不雅集三

五

脩途錯昏晝曜靈匿朱光鳥雀夜各歸游子獨  
迷方征途迤邐見落落參與商前驅入谷底後  
乘超山陽沮洳見虎迹詰屈驚羊腸洪流屢崩  
岸欲濟無津梁徒懷千金軻未享五饋漿娟娟  
繁華子鼎食坐高堂王生驅九折臨路獨慨悵

贈袁補之計偕得北字

竹箭美江南驕驕空冀比蛇螭饒靈奇之子百  
夫特念爾羣伯仲高陽堪動色有珠皆駢胎有  
鳳皆聯翼朗朗天骨張萋萋文錦織汪汪清渭  
渟矯矯朱絲直翔飛逐後先暈采儀上國彈冠

入承明躡武跨丹闕休問隨風翔雲臺與年陟  
大人聿龍興多士肆陳力驅馳功名會炳煥聲  
聞勒時哉古所崇勗子以明德揆予抱樗朽植  
根鄧林側結綬期華顛夙昔剖胸臆金刀與一  
奮躡步慚卻克獨坐揮五絃飛鴻杳何極無爾  
金玉音願言長相憶

金陵遇朱子振之作

握蘭心悄勞停雲思延佇積此彌年慮居然遘  
逆旅羈鳥懷故匹潛魚念舊侶含情諒有慕欽  
賢詎無與伊人淮揚俊鳥奕鵷鸞舉輝光寔映

不雅集三

六

隣意氣夙所許鶴鳴子敦余緇衣吾好汝火旻  
麗朝陽金氣肅關暑雲起蒼梧陰波翻洞庭渚  
及爾嫵婉辰凄風薄涼年芳忽已邁蟋蟀鳴  
西序把袂猶鬱紆臨岐更酸楚遲爾南飛翼無  
俾音塵阻

飲錢二孔周宅桂花下

嘉樹蔭團團團團露華白本自招搖山植君青  
霞宅不意凌寒姿占此瑤墀隙高枝挂珠網早  
條數綺席萋萋布葉陰茸茸吐花積風飄遠近  
香月映盈虧魄既集佳麗人亦招隱淪客幸承

金樽薦親芳玉腕摘歌曲出瓊瓏舞袖隨寬窄  
條繁每冒欽花落常點額戲羽必成雙棲禽無  
單隻及此芳菲時荷君千金惜不醉且淹留看  
朱已成碧

寄朱子价

我有蛟龍劍一飛往海東大江隔雲霧精誠何  
由通紫氣入斗野薄蝕星與虹神物雖異處烟  
烟乎黃中所願比翼翔細緼播玄功惜哉時不  
遇甘與蓬萊同君子挺鸞鶴小人化沙蟲志節  
苟不虧尺土升喬高閑居覽遺編仰彼達士風

木雅集三

七

飄飄青雲端千仞安可窮茲意疇與亮思君日  
憶憶

分題天竺嶺送陸給事中浚明

竺嶺挺名嶠澄湖漾淪漪山川麗繡錯列觀何  
參差壯哉古帝疆江海爲湯池昇平盛歌舞雜  
還水陸嬉使君建華旆輕輦乘風移采士盡環  
寶謁澤靡所遺載覽東南秀發壤多靈奇廼知  
大藩地文獻嶸與夷

宿京口

三雄昔龍關江介表吳京長沙孤董喬大帝鼎

足撐築城鐵竇峻選士鬚胡纓強弩臨江守先  
鋒誇漢爭石頭踞哮虎北固吞長鯨壯哉山河  
麗樹羽摩太清崩騰魏晉事周折理亂情寧知  
樗蒲人嘯咤風雲生赤手扶紫極朱旗掃挽槍  
陰符草間讀鑿劍腰頭鳴時來雄圖騁地古霸  
氣橫霄征睇壁壘灑淚悲豪英金湯有遺構袞  
舄無常榮彈鋏歌此曲月落天旋衡

杜氏桂子讌

江南本佳麗列邸復華滋陽林氣候暖秋木散  
柔萸飄飄揚清芬分彼月殿枝上枝鳴好鳥下

木雅集三

六

枝拂華池飛英泛羽觴行座雙逶迤嘉肴充員  
方玉餽饌纂絲朱方出皇袖大谷進名梨主獻  
屢罄折賓酬亦佩垂論文悵日晏度曲窺雲遲  
傾賢自靡已我懷如渴飢眷言今日驩千秋以  
爲期

計偕別友生作

伊昔家江南少小漁數澤酣歌吳門市經過避  
仇客提攜弄筮篋日宴卜以夕此歡殊未央百  
歲期浪迹頗懷箕濮情疎宕王霸畫顧非偶世  
姿州里見推擇改服鼻胡纓首路千里適銜怨

辭密親撫劍遵廣陌踟躕生平愛離思崇朝  
樂爾同林羽彌傷孤逝翮夏首期來旋東臯刈  
薺麥

登焦山作

農山興孔志疆臺試荆遊憑高易以愼樂勝令  
人憂挂席滯滯險振衣陟浮丘威紆隱百疊澎  
湃經四周江形繞成帶海氣際爲樓天吳几下  
舞若木窓中抽遙窮島夷界近覽東南陬英  
冒芳甸春色謁神州凱風嘯晨鶴青陽喧渚鷗  
雲類魚鱗集潮湧桃花流隱淪旣已逝倥傯亦

不雅集二

九

空求悵悵千古心忽忽百歲道願垂任公釣聊  
謝張衡愁

寓興隆精舍作

夸士崇朝闕靜者依山樊榮寂各戰勝流止非  
同源夙懷蘊真趣林卧探化元薄游儲膏觀假  
息旃檀園清陰匝夏屋幽響激櫺軒開階獨鳥  
下爭院踈花翻玄津爲解唱碧篠可辭煩朝餐  
雲霞色夕飭楞伽言焚香振寶鐸作禮揚華懽  
道存豈累物神遠自遺喧寄語中林子賞心誰  
與護

祕省召試作

子真屏巖石曼倩狎金扉拘方道未廣處順天  
何違曰余少支漫叢集曲士譏雕蟲竊自醜大  
雅謂可晞玄珠冀象罔敞帝寧是非浩蕩江海  
間胡復解天飛雲羅匝四際不以翳微踰踰  
入鼎門仰睇日月旂中輝滌朱組列從森綴衣  
神靈邁軒宓下采盡封非醢鷄游甕益豈識衡  
與璣湯湯流辟雍翔泳荷所依方愧綠水薦還  
反滄浪磯

郊遊與諸公作

不雅集二

十

洛中曲水讌西京玄灞遊由來盛簪裾蘭藻麗  
皇州紫掖鳴珂散青郊結伴投三三駢王勒兩  
兩方華輶地擬河陽谷池穿太液流金張雲母  
幃許史鳳凰樓細柳全遮埽新荷欲礙舟厭逐  
豐貂飲還從卓錫遊雲峰猶辨夏鈴語似鳴秋  
梵樂紅樓奏天香紺殿浮賓疑馭風至思以采  
珠求名理山陽勝談天稷下道所嗟江海客躑  
躑且淹留

海印寺閣眺

茫茫平陸野鎮以醫無閭東臨指樂浪西亘接

昭餘翼土昔塵沸兵戎屢紛拏三后寶玉徙千載山河虛天旋尉緯應地拱海岳舒萬軌肅王會百雉壯宸居蒼龍翔玉闕玄武伏金渠絳氣薄浮景青氛銷故墟祥飈協律奏卿雲太史書飛游已寥廓周覽亦威紆我行睇神寓兼得陵浮屠且窮上國勝歸荷南山鋤

西苑

翠鳳翔文囿黃龍戲禹舟乘雲暢 皇覽御氣警宸游上聖豈蓄軫玄功惟委裘青霞冠玉嶠碧海溢金溝東出祈年館西望五城樓虹梁像

大雅集二

十一

漢徙芝蓋儼星浮帝女呈機石天童豎采旂神魚五色現琪樹萬年稠竹殿迴鸞駐椒庭降輦留園形圖貝宇方折寫瑤流望幸傾三島時巡聳十洲流觴洛水日張樂洞庭秋不及天池鴈年年奉藻旒

贈何太華納言許少華太僕

二華表秦望仙掌振河津下屬帶嶠阻上千薄金旻已奠黃帝鼎亦棲王女盆發祉篤 皇輔孕靈開異人何子如虬龍矯矯孰能馴時來吐風雲意若無崑崙許子瑞世珍玉纓金麒麟摘

藻麗春葩抗節屬秋筠彈冠際景運珥筆服王臣即事事齊軌爲德德並隣嬖孽承明闕容與星王墳晨風翻北阜感物戀所欽纏牽旣取累千里不及塵慙無握中璧何以遺嘉賓

贈鄭吏部子京

嬀后握璣玉夔龍集天階黃軒受魚圖吹律鳳凰來風雲迺玄感天人由化裁鄭子穆以夷熙若春登臺璀璨中所涵球琅皆瓊瑰揚暉及當年明兩燭天開出入平津邸雲冠切崔嵬洗沐晏郊園蘭逕羅蒼苔澄陂旣難滓惠風亦遺埃

大雅集二

十一

蹇余困微禽無用充海淮將隨桂水遠安馨平生懷

古意三首

軒騰閭雜客妖麗貴珠兒瑀弓王貝劔綠幘繡紋綦昨戲千金堰今遊鴈鷺陂蹀躞桃花馬爭轡溢中樞半醉上河梁紫燕若驚飛西望甘泉宮落日映采恩青雲連甲第熊虎畫門楣少婦理鳴瑟哀響沸重幃歡樂未渠央伏檻臨曲池却笑衛霍貴論功沙漠垂

其二



幽并游俠子本自重橫行被蒙龍顏顧知深  
命輕居庸一以眺千里黃雲生朝授龍驤重夜  
搗休屠營星飛湛盧劍風怒招搖旌鳥翼舒還  
卷魚麗縱復橫叱咤陰山動崩奔瀚海驚一矢  
天狼滅再矢旄頭傾銘功金作字奏凱馬垂纓  
意氣中朝羨賓從一時盈子雲殊未達方俟太  
玄成

其三

主父朝上書召甘泉宮公孫乘東海欵起如  
旋蓬王猛三秦豪賣洛城東馬周起徒步驤

不雅集三

其

首亂鬚公達人貴憑化一蛇而一龍碌碌不如  
玉落落非石同老氏得其真喜應入無窮長嘯  
出鼎門高步躡華嵩儻遇王子喬攜手入雲中

贈張山人子言

梅生隱吳市班子遜西京閉關抱霞想解結恣  
天行龍潛即人境道存豈華名之子巖壑秀浪  
迹長安城作賦擬左思慢世類長卿雲裝時獨  
往煙駕屢遐征非山看對奕綴嶺聽吹笙握隨  
溫飛溜餐霞屑瑤英高藻激文瀾素風飄龍綬  
詩歌必水樂爰值幽人貞離珮欲有問七襄媿

無成

酬別許太僕東侯

嘗聞道士說夙慕餐霞侶終朝采芝秀不盈筐  
與管窺洞企丹經披雲遲靈國倘恍二十年婆  
娑未輕舉踟爾嬰世羈公牒驚千里瑤光正紫  
甸神寶燭蘭時裁裁通天臺粲粲當塗子蓬首  
厠玄纓鵲衣簪珠履麋性良已驚雲情獨何取  
朗然遶世哲秘寶琢璜瑤大隱銅龍門冥心紫  
霄羽爵以名教崇道由虛無主拂軫欣調同披  
領覺塵洗余往諧山林子留限旌榮別促魂周

不雅集三

苗

章途再思迢遞何以喻悲懷茶苦猶如薺

出京獻家兄履約

首夏謁承明季月旋舊疆晨發警徒御銜悲登  
河梁引領望官闕中天麗瑤光羣龍儼齊轡蹕  
駕北斗傍小往愚在野大來賢者昌明明握玄  
鑒物理固其常念與親愛辭痛結迴中腸奈何  
同巢鳥不得雙翺翔羽翼既差池睽彼東路長  
別時思鬱紆別後魂飛揚濁河激湍險日夜流  
湯湯終風暴且曠臨川念垂堂逝者日以遠止  
者日以望迢遞千里餘河山兩茫茫儻若許素

歲晚南山陽歸當擁吾鋤爲樹杞與桑

臨淄行

虛危下流精萊沂迺東峙樂謝爽鳩墟助崇太  
公履山河控十二海岱錯表裏亡人忽龍翔累  
囚遂鵠起名垂天壤俱世往陵谷徙談餘鄒衍  
風節慕魯連耻市藏陶朱俠路曜姬姜子喧闐  
鬪鷄道烏奕鳴鐘里雄豪八方濫聲利三川擬  
寶瑟發東謳流黃織文綺大澤饒荏蒲濁河足  
鱸鮪欲歌決決風請自臨淄始

庚寅七月一日道中作

不雅集三

草

皆往日遲遲今來露瀼瀼金風警素節火旻謝  
朱光黃鵠離海渚白雲翔帝鄉我行倏俛仰逝  
節煥以涼常恐歲月晚彌嗟蘭蕙芳志士惜年  
駛征夫怨路長攢集千念端迴轉一日腸迴流  
觸湍怒弭棹遵河防臨川誦宣尼避雨景文王  
遲迴不得進坐使鬢髮蒼東山悲不歸蹊蹊戒  
無荒勞歌哀以促君子慕周行

晚步行春橋

瀟瀟泛星渚翩翩躡虹橋青山正落日霞采散  
層霄天吳靜不發廣川無纖縠蒼林起長煙千

又暴水納紫翠杳無端姿態欬橫超南嶠稻花  
吐北渚荷香飄禪室隱森蒼湧塔翔嶕嶢傲然  
睨天街鸞鶴紛相邀寢療屏中園煩心劇旌搖  
茲辰散輕策萬象同逍遙了得養生理長歌白  
雲謠

登伏龍岡

千金誠垂堂膏靡狎登高人命豈不寶重輕乃  
殊操寒子抱宿痾決歲屏羈蒿清秋志覽眺躋  
阜舒鬱陶霞嶺香繡壁風湖渙文濤山川列吳  
衡南紀信滔滔陽林未隕卉緜天被亭臯鮮騰

不雅集三

六

拂迥泛輕雲薄空翺日窮天際顯堂弄鏡中舳  
飄飄曳蘿帶楚楚牽荷抱嵐靄翠欲滴光爛手  
可挑我黍粢我田下澤種腴膏維茲雨暘若臥  
耕真罕遭山農式歌舞拔草自盤菽優游聊卒  
歲永與鹿麋曹

文表諸子夜宴山齋作

野墅足秋爽書齋依灌林共來山水地了得羲  
皇心紫蘭散幽馥丹桂敷夕陰鳴皋鶴愈厲抱  
葉蟬無音微雨集荷響疎風引松吟蒼煙罨林  
岫玄靄沉可參翩翩羽厄而粲粲華詞森江海

散鷺驚階除橫古今願紆塵外軫屢會丘中琴

李原承兄弟至

風麗北窓蕉筍簟波文綠白雲映遙天千片空  
鳴玉蹀躞松欲舞焚焚藤如束山空鳥言靜雨  
沃苔錦繡楓楠翠猶藹藹紅相續秋晶晃秀  
林霽色澄遠綠主人亦何事瑤琴奏幽曲意得  
在高深理遺齊榮辱棲遑一丘中迴薄天地足  
晚與靜者期開樽命醺醪

月夜與補之子任日宣登闔門城樓

列雉森海甸麗譙屹中天山川振襟帶方位周

不雅集三

廿七

幅員華月鏡千里覽見東南偏蒼蒼寶玉氣霽  
靄都虛煙霸跡幾興伏徂運悲逝川惜哉萬夫  
雄隨彼往化遷唯有烏棲曲哀怨至今傳

王子履吉病起家兄弟往越溪莊相看

袁孝

南湖新水綠仲月天挑落輕舟焉所如有客  
臥山郭憂虞曠故歡言笑諧今諾憐君體虛  
羸况苦煩疴作茲晨喜無恙共此花下酌園  
桑已抽條徑竹初含籜溪清數游鱗塲廣觀  
舞鶴舒散鬱抱開佳賓勝良藥蠶稼勿苦辛

文史可娛樂願保金石軀時來慰寂寞

養洞山莊袁氏伯仲過訪永之有作奉

次一首

垂簾閱神馳馮几觀花落養洞中林移拏棲  
近郭久違西園譙亦垂北山諾是時春向暮傾  
家事田作歡友欸柴扉梧楸携茗酌野服初製  
荷山冠始裁籜憐君佳伯仲翩翩集鸞鶴對此  
群玉林餌我萬金藥已諧伐木期更賞臨濠樂  
願君敦久要古道今寂寞

越溪莊畜有四鶴作四鶴篇

不雅集三

廿八

山人挾四鶴來自滄溟隈丹頂爛璀璨羽衣威  
翬翬奇形應圖相靈化乃仙胎月林同晃曜雪  
鷺更徘徊托巢本玄圃飛響聞瑤臺玉轡神仙  
騎金籠鸞鳳媒嘗傾吳市舞曾駕衛軒來雷鼓  
雙飛出遼陽千載回寒予浮海志愧爾凌雲材  
偶集南澗止同翳北山萊夜宿松龕共朝遊竹  
嶼陪鏤鏘九臯和掩抑孤琴哀我願駕此鳥三  
清朝上台冠將星斗綴衣以虹蜺裁肅肅紫宮  
啓我闔闔開雨師遥灑道風伯為澄埃王喬  
烏影至羸女簫聲催始識鈞天樂還泛瑤池杯

寧效逃名子林間方鑿坏

寺門望虞山

禪門吐雲氣前與虞山通大海蒸巨壑煙嵐日  
籠葱蓮花挺秀壁繡障羅高空飛泉四時雨福  
地千年宮蛟蜃時出沒青天乍舒虹是節屬夏  
首灌不敷手甘鶯啼紫巖曲鹿驚青林中薰風  
蕩蘿薦沃雨鮮篁叢寒予抱沉痾未得窺靈壠  
還期覽日出夜半千崖紅

四月八日

釋迦產西海李耳降東周聖人闡宗教吹萬羣

大雅集卷二

北

生休傳言佛誕日供養溥十洲白雀古道場千  
載闕神丘左抱虞山陽右枕滄海流大士見毫  
光青霄樹旌旆麟翰總踰舞人靈華飯投日月  
經網戶雲霞祭朱樓建此靈山會浩蕩人天游  
我師拂淨水廣陌香塵浮普施一切眾士女填  
道周而我抱沉痾龍堂願精修津梁儻有悟永  
作逍遙遊

憶故園作

山空鳥聲樂日晏病客眠  
翹翹白雀院較耕石  
湖田遙想蠶事作桑者日閑閑  
綠竹粉猶膩紅

樓欄欲飲游條詠綠水戴勝鳴高天飛絮乘風  
颺新荷貼水圓故園風日好嘆息此芳年

雅宜山人集卷二

本雅集卷二

三

東山閣藏書

江山集卷三

明吳郡王

七言古詩一

正德稿

陽春詞

春到江南春可憐東郊西郭得春先  
初飛蛺蝶猶疑夢忽見梅花各問年  
鸚鵡洲邊芳草積鳳凰樓下百花然  
王孫拾翠爭相問美女尋春總  
獻妍千金買得飛龍馬八寶裝成軟玉鞭  
啼鳥亂羣還自對游絲爭繞暗相牽  
勾吳樓閣如天上別有紅妝笑相向  
雲屏珠箔正昭回錦樹瑤

本雅堂集三

花次第開傾國能誇神女賦凌雲還有茂陵才  
欲移角枕鮫綃帳先挂冠纓翡翠釵春色年年  
歸有期勸君須惜少年時春去春來人不見花  
開花落日相思昨日朱顏渾似玉今朝白髮已  
如絲年年暗受傷春病不與楊花燕子知

九日過唐伯虎飲贈歌

唐君磊落天下無高才自與常人殊騰驤萬里  
真龍駒黃金如山不敢沽秋風日落嘶長途我  
亦垂眉下帝都終軍錯棄咸陽繻鯨鯢失水鱗  
甲枯仰天擊劍歌烏烏男兒落魄日月徂相與

把臂揮金壺滿堂賓客照珊瑚江東落落偉丈夫  
千年稽阮不可呼後來豪飲非吾徒氣酣爭  
博叫梟盧四座飛觴傾五湖人生長若今日娛  
何用錢刀衣紫朱坐茵未煖行已晡得不取樂  
窮須臾君不見少陵不保千金軀醉後子細看  
茱萸

觀李太白像

秋月出海珊瑚明舉眼忽見太白精雲光錯落  
照顏色草堂拂拭蛟龍驚修眉玉頰桃李春風  
鬚如戟真人屋梁落月想像真彷彿猶得交

本雅堂集三

其神我聞王孫帝子皆如龍天然不與凡骨同  
江湖落魄黃金盡昂霄吐氣成飛虹蓬萊閭苑  
在掌上長覺兩腋生清風天子不能屈四海不  
足容飄飄九華山自有青芙蓉獨留神采照天  
地令人萬古如相逢

題文丈衡山所藏趙子昂畫馬圖

神馬來從渥洼窟王孫貌得真龍骨天池洗出  
霹靂聲恍惚似與蛟龍爭奚官廝養不敢近騰  
驤蹴踏久乃定朱衣輕拂照紫雲五花隱起生  
龍文黃帕高封碧玉鞍紫絛未挂千金勒九重

一笑獨當御天閑萬馬無顏色我聞漢武驂龍  
媒又聞唐家師子花常思此物在天上何乃匹  
素開風沙驛驕自是萬里足豈應流落天之涯  
嗚呼天地變化兮雲霧晦冥吾知此馬之爲龍  
兮終當飛入於滄溟

寄贈顧懋涵

少年落魄無所成碧山猿鶴聊藏名舉世於我  
如浮雲喜君意氣偏相傾雄姿逸態江東英秋  
水照曜珊瑚明胸臆萬卷禮樂留筆倒二峽詞  
華驚君家世擅文章伯海內長句推李白驂驪

本雅集三

駟耳不虛種龍駒騰騰汗溝赤楚天直謁蒼梧  
帝梁園笑傲鄒枚客紅顏白面繞二十江海蒼  
茫久蹤跡在門對長江開讀書遙住鳳凰臺  
五湖舊業生青苔胡不長歌歸去來

石湖中流酌酒酣暢

總道金門隱方朔何如東山臥謝安青雲萬里  
絕鳥道凌競側足千峰攢饒蛟磨牙走其下飛  
蛇接翼相勾盤平生蕭散不經事清湖縱酒哀  
絲彈羅屏合香出煙霧金鏡泓漾生波瀾孤洲  
斷听疑盡出菱葉荷花俱已殘百觴自誓鵬

舞九月不柰貂裘寒丈夫未用頗適意長房  
愛壺中寬君不見翠華搖搖滄海西長揚羽獵  
闕旌旗子雲勞獻河東賦正是君平賣卜時

都下苦得佳藕彭進士寅甫夢啖特異

明日三江毛學士出講筵所賜設客寅

甫徵夢賦詩邀予和焉

秋風初入蒲萄宮天池秀出雙芙蓉玉雪爲根  
下鋪錦清波百尺窺瓊瓏苑人跪獻列時品玉  
箸光凌金盤中至尊愛坐石渠閣臯夔退食  
常從容御厨絲絡走中使一體厭飫君臣同長  
卿奏賦頻消渴夢得江南藕堪折三年因頓京  
洛塵一夜快嚼陰山雪脩然落筆潤肺肝五色  
雲霞吐奇絕竭來示我目睛亂野人迹賤中徒  
熱何時高議金馬門待君一鼓張儀舌

酒酣贈王仲回歌

斗牛之墟真陸海河伯獻寶朝元宰珊瑚火齊  
光燭天百年吐翕精靈在仲回突出尤崛奇著  
書擬學樊宗師殷盤姬誥洞五內灝灝噩噩塞  
陸離閨風浮游拾瑤草赤水罔象搜玄珠人文  
浩蕩踵今古日月環行江海紆我今淩落抱鉛

本雅集三

四

槩羨爾快斫生蛟螭酒酣瞠目兀相向軋端坤  
倪恍摩盪荆蠻落照孤懷壯揚眉擊劍歌聲上  
泰階奕奕魁三象石渠虎觀排銀榜萬里風雲  
欬俯仰如君豈得終踈放

七言古詩二

嘉靖稿

七夕戲作白紵詞二首

舞衣初裁如白雲滿堂香氣吹氤氲游龍驚燕  
迥不羣朱顏微酡酒半醺銀箏促柱斜斜分鸞  
吟鳳語未始聞秋風蕭蕭水云云玉杯澹瀉青  
霞文餘光翻映桃花裙高陽酒客心如焚瑤釵

不雅集三

五

挂纓日欲曛邯鄲才人何足云

其二

雙旗欲度河榮葵長空萬里倒列星玉簫聲斷  
錦瑟停七襄宛轉雲冥冥美人飄飄翔紫庭中  
宵露坐羅圍屏舉觴屬君君試聽願爲枝上雙  
鷓鴣當筵一笑干黃金高堂燭滅風不寧衆賓  
已醉淳于醒今夕何夕諧百靈

伍疇中所藏畫山水歌

伍侯愛畫有奇癖驅走江山入胸臆堂上遙飛  
禹穴雲空中欲墮芙蓉壁遺縑斷紙總神妙粉

墨蕭騷見標格此圖盈咫新得之下筆依稀宋  
人迹老檜如蛟螭起舞洪波噴箭何崩迫天寒  
野陰風怒號萬里不動黃雲高蓮花之峰却倒  
立龍門積石如秋毫滌夷獻寶出紫貝金人捧  
劍纏蒼絛侯也卽今驚仙鶴燕趙茫茫濁河隔  
月窟長流太白精落星或化支機石此圖母乃  
鬼神忌元氣晶光蕩相射嗟子潦倒甘數澤手  
持珊瑚調鮫客他時儻憶滄浪吟蓬萊應見安  
期烏

病起對鏡作

不雅集三

六

閉戶十日病骨僵手龜髮條面色蒼朱顏綠髻  
不相待俯仰天地爲淒涼男兒勲業竟何在鏡  
中摸索求亡羊古來相馬失之瘦龍文虎脊空  
騰驤憶昨結客少年場呼鷹走狗勢陸梁金盤  
賭酒爭五白銀燭嬌歌彈陌桑謂言富貴唾手  
取吹毛插翼森開張十年獻賦不得意貂裘寶  
玦無晶光平生酒徒漸零落羣盜陰符垂虎囊  
學書無成學劍晚岐路側足心周章百年冰炭  
滿懷抱萬里鴻鵠方翱翔明朝散髮武陵去夾  
岸桃花烟水長



方巖歌

武夷山高高入天南斗錯落迴星躔聯峰沓嶂  
總皆萃海門平界華夷巔方巖特出羣山前金  
屏九疊銀漢邊絕壁橫開甲乙帳天池倒映芙  
蓉園靈芝煌煌餌白鹿古剎曩曩啼清猿虹蜺  
喻歛雜蜃氣雷雨搏激驚中原地靈人傑理則  
有郭侯昂昂氣衝斗年纔三十叅列宿金印蟠  
螭繫之肘長洲逶迤古會稽百里清風扇江右  
驥足猶淹龐統才鸞刀已露庖丁手當時自是  
巖下人素心久與煙霞親東山一出落塵網天

木雅集三

七

閑紫旆銀麒麟北窓死在烏皮几古洞猶挂蓮  
花巾時時夢度三山月丹崖石柱遙明滅巖中  
之仙笑相招整頓六合須英髦丈夫勲業貴不  
朽雲臺翫薛摩天高相逢未可談巢許解佩還  
應贈寶刀

五憶歌有序

丙戌病暑城居如甌伏枕書空游神六  
合戲作五憶之歌以解煩蒸亦猶執熱  
者之思濯平

我所憶兮匡廬泉飛空直下吞爐巔銀河爲源

彭蠡委萬古騰沸東南天左潒右肘五老峰  
雲濡足愁攀綠崖傾石走霹靂闢枯藤怪剗  
龍懸丹青洗出屏風疊跳珠濺玉聲鏘然誰能  
置我巖石間仰面落雪水底眠酒酣戲作五里  
霧山精嘯雨中旋嗚呼我歌兮歌始放九江  
茫茫日在望

其二

我所憶兮泰山松秦皇避雨駐六龍根如鐵石  
皮青銅千秋萬歲枝蒙莊瞠瞠挂日扶桑小隱  
隱叅天翠黛濃鸞雛鳳轂不知數和鳴下上如

木雅集三

八

笙鏞潮聲直與東海應絕頂正見蓬萊峰金膏  
玉液散入地扶苓芝草生隆冬采而食之可不  
死雲車何日來相從嗚呼我歌兮歌正長黃河  
日暮流湯湯

其三

我所憶兮峨嵋雪六月陰岷東欲裂仙人赤脚  
翠巖行鶴氅飄飄玉光潔迴颼吹散五溪去落  
絮飛花滿城闕滴博蓬婆西海頭陰風慘澹旌  
竿折萬里黃雲凝不流層冰皓皓冬夏結我思  
仗劍游其巔石棧天梯殊斗絕六龍迴日不敢

過寒光凜冽千丈鐵嗚呼我歌兮歌益豪太白  
不動金天高

其四

我所憶兮渭川竹大澤深山千畝綠氤氲上接  
函關雲離奇錯峙藍田玉翠鳳歲蕤振其羽蒼  
龍天矯羣相逐哀壑陰森白日寒長林高下青  
山巖野老都迷釣玉溪山人失却王官谷石上  
蟲書繡古苔空中匹練懸飛瀑安得清狂似子  
猷挾策西行騎兩鹿嗚呼我歌兮歌且舞長袖  
褊褊隘環堵

不雅集三

九一

其五

我所憶兮黃鶴樓瀟湘洞庭生素秋登高決皆  
極萬里烈風震蕩無時休九疑連綿似屏障白  
日黯慘蒼雲愁東攀若木枝龍從西望雪嶺寒  
颼颼朱簾繡柱九天上倒影却射滄江流仙人  
坐弄紫玉笛往往飛花鷓鴣洲青蓮居士莫撻  
碎便須縱飲成糟丘嗚呼我歌兮歌愈急鴻鵠  
冥冥楚天碧

壽大理少卿上海董公

上卿磊落當代儒曾陪時龍躡九衢我冠鳴玉

德之隅法從侃侃臯陶謨抗聲槐棘極  
翻然逸興懷五湖歸來散髮林壑徒彈棋握槊  
歲月徂詩篇散落錦繡鋪放懷傲睨天壤俱王  
喬美門行可呼相期汗漫千春娛

天驕行送裴博士赴召

天驕奕奕北斗傍元精變化爲乘黃人間豈合  
有龍種玉勒金羈須帝鄉先生自是人中龍蘭  
筋權奇方兩瞳三年薄宦飽苜蓿已見千里霜  
蹄空絳帷蕭颯青羶冷長纓飄飄曳方領安定  
能移吳下風賈生滂汲長沙并官中聖人常

不雅集三

十一

仄坐羣公推轂時相和玉詔頻煩勅使傳金鑾  
舞蹈稱觴賀萬里青霄一日騰三台八座從此  
升關西夫子終扶漢莫使前賢專美稱

徐將軍第牡丹障子歌

長安甲第如雲起千門萬戶煙花裏玉砌朝朝  
拆錦叢碧窓夜夜添珠箔中有名花出上林不  
數姚黃與魏紫赤日蒸成海嶠霞香雲亂颼秦  
淮水濃妝淡掃各不同腰支朶朶如游龍似向  
沉香亭北見遙疑姑射嶺頭逢狂蜂游蝶都雙  
隊舊恨新情劇萬重公子王孫解惜春祗愁豔

骨隨風塵生綃畫出窮殊態總是當時絕世人  
風神已寄丹青外筆法難將形似論橫斜向背  
意自得暗想春光錦屏側紅燭高懸舞袖翻銀  
箏促柱歌聲急張顛草聖應露頂淳于先生可  
一石不嫌狂客吐車茵花時來醉長干陌

可泉歌贈胡府君

秦中自昔稱陸海太乙終南鎮常在飛泉僅出  
卦爻山千古靈源鑿真宰狀流直與河洛通龜  
龍蟠結巢其中圖書已出更淳蓄日月相盪空  
冥濛英靈特降天水公文章五色今詞宗深山

不雅集三

十一

大澤得銀甕明堂法座懸金鏞起家東觀致身  
早承恩獨視明光草翠金傳羹出尚方銀鞍覆  
帕分天阜歲星浮沉紫微側宦游隨意天南北  
三峽秋濤楓樹林五湖春水桃花色興酣落筆  
龍蛇走藻翰江山氣衝斗風采遙凌白傅前循  
良豈在文翁後平生久與泉石隣朱園鳥鼠相  
隣岫飛流濺瀑時入夢清風颯颯吹綸巾重爲  
歌曰泉兮泉兮清可以濯纓濁可以灌園繁廻  
却抱碧山麓浩蕩疑接天河源佇看霖雨遍六  
合此泉將與蟠谿渭水終乾坤

楞伽精舍同宿東橋顧文贈歌

千將鏤鄒世罕得虹光熒熒日月側騰躍萬里  
浮雲空秋水鵝膏淨如拭天生奇器貴斬斷神  
龍變化驟兩翼丈人胡爲臥空谷白飯黃精鍊  
顏色憶昨朝帝蓬來官多冠繡斧超拜崇太  
行以北黃河東十郡負弩旌旗紅男兒建節控  
全晉峻陵白日生雷風挂冠却出金馬門奏書  
承明辭至尊鹿車手挽載圖籍公卿觀者如雲  
屯人生一龍還一蛇邵平歸種青門瓜祗今對  
宿東山下寧知豹藁摩高牙寵也江湖隱淪客  
窮途骯髒俗眼白乞鉢長依蘭若林吹竽恥入  
王侯宅中宵獨識少微星百年喜遇文章伯功  
名富貴亦何有鴻鵠冥冥薄南斗丈人不惜解  
金龜明朝還醉山中酒

不雅集三

十一

楞伽山夜同何吳二子掃雪烹茗作

楞伽一夜三尺雪疾風瀕洞茶磨裂五湖粘天  
凝不流虎豹咆哮萬木折短衣蠟屐荷長帚絕  
壁巉巖力抖擻支撐桃竹杖兩莖快斲藍田玉  
數斗何吳二子皆好奇山僧顛倒袈裟披十步  
回頭五步叫複磴懸崖相把持歸來急試煮玉

法夜半紅爐炙天熱中冷惠麓浪得名金液瑤漿果奇絕稽康自是餐霞人管城食肉骨相屯且須痛飲盡七盃鍾鼎山林安足論

池州章汝愚家九華山之陽邇來游學

吳中盛談峰巒之勝慨然長懷作九華

山歌

平生寤寐九華山不謂今逢九華客上談絕嶂下瀑泉已覺風雲生兩腋蓮花之峰九十九江海爲池插天碧合水千里連荆吳嶙峋四面開旌戟神光絕頂最上頭傳是金仙此脫骨至今

本雅集卷三

十三

白日虹霓生青天倒映五色石飛流挂澗不知數雷聲霹靂蛟龍格散作銀河下五谿東走長江西七澤六月陰崖雪不消三冬琪樹花猶白齋房乞鉢饌紫芝古洞朝元奠瑤席笙鶴嘈嘈空外音鹿麋隊隊雲中跡嗟予濩落無所成狂心時夢升天行名山或有異人遇跪受寶訣求長生浮名詡詡何足戀斤鷄騰躍蒼蠅鳴青鞋布鞵已結束桃竹胡藤相拄撐遨遊五嶽從此始他日寧慙尚子平

午谷山人歌贈周別駕

終南太乙開咸京丹崖繡壁如削成白谷橫通子午道黃河吐洩金天晶高垂鐵鎖猿鳥窄倒插屏障蓮花傾青林漠漠山鬼嘯紫雲隊隊仙人行中有太古巢居人披霞散髮攜道經時窺古洞獲竹簡獨荷長鏡斲茯苓形骸骯髒雜土木胸次錯落羅星辰邇來強起爲赤子飄然乘霓朝帝庭會稽山水聊佐郡騎驢高嘯窺東溟壯游欲躡子長跡探古快讀秦皇銘當時巖壑依然在芝草琅玕幾樹青與酣吃望長西北眼中簸蕩涇水碧皇子陂邊落日明藍田關外

本雅集卷三

十四

秦雲白谷口子真謾招隱清廟明堂須材石他日功成更拂衣相邀福地燒金液

漢東太守行送沈師感齋先生

漢東太守青瑣賢手持三尺玉案前臯陶筆削蕭相律王法象魏江河懸邇來外補出斬汚蒼蠅飛飛羣刺天量移自是天子聖盤錯彌彰利器堅汝鄧山川接鄢郢隨州百里桑麻境落日中原士馬間青天粉堞旌旌整丈夫腰笏領方州朱旛皂蓋迎新侯長卿昔日行吟處乳燕飛花喧郡樓漢東小兒齊拍手使君下車家歷酒

五馬驕嘶不動塵神龍蟠結聊回首卽今臺閣  
羅英髮蕭生雅志歸本朝天球銀甕豈虛擲  
見明公登九霄

月夜臥湖梁之上詠蘇長公赤壁賦諸  
子和而歌之樂也魯人適致白魚乃遂  
觴于松下而賦是詩

長公胸中足礪礪橫歷江山發長懷一時感遇  
迹已陳千年古月今猶在古月今人代不同欬  
忽浮雲日千態我曹高臥石湖梁髣髴赤壁江  
流長長公不死修來往風馬雲車游帝鄉琅然

不雅集卷三

十五

夜詠窈窕曲驚起沙上雙鴛鴦四山草木媚毛  
竦星河爲之久低昂綃人無聲老蛟泣水面金  
躍蝦蟆光氣酣風急月正午便須一飲傾千觴  
白魚出水如人長鸞刀飛割猶強三三五五  
坐松下翛然落雪陰山涼古來賢達皆如此何  
必山林減朝市嵇康不厭黃公壚酈生放誕高  
陽里人生有身貴自適枉向侯門躡珠履君不  
見夫差宮勾踐壘狐兔紛紛嘯山鬼

上方觀月出歌

南州溽暑醉不醒思臥倒景窺滄溟葛裙兩髻

跨白鹿直上東山行翠屏屏迢迢幾百尺一  
幅平湖月東出驪龍弄珠吐復吞橫抹萬里玄  
雲屯劃然一躍忽干似青天掃盪縣金盆巖鳴  
谷應海水涌星河射人森欲動翠旗金支交蕩  
摩貝闕銀宮光瀕洞茫茫塵世愁我心便欲耽  
却惆悵形蓬萊方丈在何許驂鸞馭鶴多仙靈  
四筵賓客爲起舞舞衡特善漁陽鼓人生反覆  
何足憑龍或爲蛇鼠變虎清風明月鎮常在山  
川似與人相待勸君滿飲吸金波河橫月落柰  
君何

不雅集卷三

十六

題陳道復谿山障子

天台秀出鴈宕峰削壁飛泉如白龍跳珠散落  
四時雨偃蓋反走千尋松陰崕復洞絕地脉明  
湖玉鏡開天容山深或聞虎兇關日落但有漁  
樵逢陳郎不減阮嗣宗雲霓蜺曲蟠其胸黃公  
壚頭枕麴臥蹶起掃出金芙蓉高山流水有深  
意却思荷蕢還山農

送祝大參遙緒之嶺南

鑄鼓吹發吳門玉節牙旗煥粲潘總道旬宣  
光乃命更傳文采出仙垣仙垣昔日徊翔地鳳

簾宸游簪筆侍嶺南爭識歲星臣海外驚看

玉皇吏尉陀城上望神京祗見台階北斗橫枕  
柳樹暗玄猿挂荔子花深翡翠鳴丈夫黑髮擁  
朱輪出入明敷報主身慚余偃臥滄江上老  
作明時棹散人

流螢篇

熠燿流螢度草堂耿耿銀河秋夜長縈迴拂棟  
光難定窈窕穿花燄更藏山人書劍黯生塵樵  
悴年來白髮新枉將艷采投虛寂却似餘輝借  
比鄰流螢流螢殊可憐琉璃甲帳水晶簾映看

不雅集三

七

寶曆千金笑照看蛾眉百倍妍合德宮昭陽殿  
天人親撲桃花扇幾迴邀得九重歡鳳輦淹留  
傳夕箭今日胡爲溪水頭風篁烟柳共新秋不  
歸天上瓊樓隊却伴山中病客愁

去年此日

去年此日雞籠山臥病禪林長掩關今年此日  
越溪上窈窕銀塘楊柳灣召劍行遊多苦辛何  
如只作灌園人東巖桂發露華白北渚荷翻秋  
色新秋色盈盈動秋水一片琉璃澄見底雙雙  
鴻鵠隱蘆洲隊隊魚戲蘭汀復有秋山千疊

青穹隆靈巖羅畫屏繚繞如圍謝公野虛無  
對楊雲亭少年枉汙洛京塵費盡黃金季子貧  
乃知窮達皆由命負却山莊蘿薜春

送李別駕之楚雄

含香久列尚書署按節俄題別駕輿江左提封  
吳子國滇南夷落楚人墟兩地山川踰萬里王  
壁巉巖天外起王陽叱馭輕羊腸諸葛懸軍渡  
瀘水王臣出入總賢勞腰間寶劍纏蒼繚紅旌  
閭俗蠻溪繞翠憶行春瘴嶺高齊雲樓下促離  
觴絃管聲中別恨長佇看西南傳異績皂囊飛

不雅集三

六

奏入明光

雲間何元朗暨其弟叔昆過訪山中作  
雲間二何豈易得鳳毛鸞翮輝五色少年已驟  
曹劉場建安風骨森開張昨來臥病長千里東  
吳顧老中丞第瑤篇時得伏枕窺齒齒芙蓉出  
秋水空山忽枉李膺舟海帆乍落越溪頭風神  
迴覺人如玉林壑兼憐月似鈞清夜論文更漏  
永露下時聞羣鶴警當今作者誰騰鸞正德嘉  
靖追開元李何已擅文章伯斗正芒寒光奕奕  
寒余衰颯老馬頻捕魚織葦滄江隈驂騑綠耳

却迴顧萬里絕軼無纖埃二何二何真逸英金  
鑪球玉自元聲當令雅頌侔姬妣清廟朱絃奏  
九成

李陸叔平冒雪過訪贈歌

山人夜擁蒲團坐萬木風翻鳥巢墮吳山雪暗  
天嶺迷笠澤水堅虎豹過故人忽動王猷興孤  
舟力與風相競柴門泥濘一尺深落葉都迷蔣  
生徑病中把袂喜欲驚登堂一笑春風溫紅爐  
炙手茗杯熱高談中夜舒琴樽人生離合那可  
期歲月不待浮雲馳孟公高會投車轄山簡沉

大雅集三

九

酣倒接羅古人清狂總如此身外浮名安足齒  
蒼蒼木石支離生粲粲纓裳當路子乾坤滌蕩  
萬物均高鵬低鷄皆天真當年行樂貴適意豈  
在貂珥丹朱輪與君共醉山中雪梅柳風光已  
潛洩他日來聽湖上鶯典盡春衣爲君設

山莊多鶯秋來轉劇空堂獨坐悠然有

感作

越來溪上柳翻翻無那秋鶯千轉喧聲已協  
銀簧奏鳳瑟俄驚玉指繁鳳瑟聲曲曲新山  
堂獨坐黯傷神幾編玄草盈書囊十上烏裘積

旅塵野人那解識宮商忽聽流鶯却斷腸上林  
苑裏花光滿太液池頭柳浪長此中鶯語更嬌  
妍唱徹新聲入九天宮中百伎停仙樂馬上千  
官駐玉鞭天上人間總是鶯人生哀樂自多情  
從今掃却浮名累鎮日鶯歌濁酒傾

顧貞叔冒雨夜過山莊作

憶昨共醉金陵酒酒狂走馬章臺柳趨捷自擬  
并州兒雞山武湖入吾手白下清秋一分袂回  
首龍江傾雪涕君留還弄長干月我歸却抱齊  
侯癘偃臥空山春復冬孤雲野鶴對衰容荒村

大雅集三

十

夜雨雞聲寂絕壑寒颼澗水淙豈意扁舟下剡  
溪登堂秉燭思悽迷芙蓉灘上鴛鴦宿篁竹叢  
中鼯鼠啼昨夜君從銅井來太湖萬頃波濤迴  
奇峰秀壁一入耳令我久病心神開與君只訂  
遊山約萬事悠悠付玄漠老作江湖一散人還  
勝金門隱方朔

題王叔明仙山障子二首

韓衆騎白鹿松子棲金華青崖煉玉液紫洞餐  
晨霞飄飄九芝蓋欸忽五雲車瑤水烟中衍蓬  
海上家寒子學道慕長生聞之怛然心膽驚



黃精未花白髮長，緱嶺悵望空。鸞笙登堂忽見  
仙山，障千巖萬壑，森相向。絕磴巉巖有異人手  
持靈草，彌猴狀松間道士抱犢眠。斑麋四五游  
其前，茅簷瀟灑在雲際。上有瀑布垂青天，對此  
不覺心神開。恍然坐我丹丘隈，空中似見青鸞  
舞耳邊。已聽玄猿哀我生，我生胡墮塵。胡不棲  
我五嶽之上，十洲之濱，往來漫有凌雲氣。徒似  
相如賦大人。

其二

廬山五老臨鄱陽，上有九疊屏風張香爐。籠葱

木雅集三

廿一

吐雲氣，瀑布矯若驚龍翔。層巒複嶺不知數，絕  
頂晴明下烟霧。根蟠雄據千里紆襟帶，橫開九  
江注。此中靈異多仙跡，瑤草琪花冬夏碧。琳宮  
梵宇散其間，或有當時避秦客。十年欲往心如  
焚，舉翮四觸籠世氛。石梁洪井長在夢，空中暗  
禮匡廬君。開圖想像名山狀，千丈芙蓉插堂上。  
古寺森沈煙栢林，平湖滉漾桃花漲。黃鸝山人  
諧我心，丹崖翠壑蟠胸襟。從茲拂袖雲林去，苔  
澗泠泠揮玉琴。

王子元肅有精廬在廬山下去白雀不

數里緘書報之不遇返棹悵然寄以長句

昨來棲臥廬山雲，撫枕中宵苦憶君。荒涼白雀  
古蘭寺，鐘聲呪梵空林聞。朝雲吐吞蛟蜃氣，旭  
日澁潏波濤文。佛樓岌業列峰抱海甸，蒼莽孤  
村分棟花風動。雪乍捲麥秋氣爽，天無氛緘書  
報君。君不遇孤皇，躑躅求其羣。聞君山中有精  
舍，面勢正直蓮峰下。修篁萬挺球玉鳴，懸泉百  
道飛龍挂。房櫳窈窕閒，且清花木玲瓏秀。而野  
清風澹蕩堪揮塵，白日陰森可銷夏。此中共爾

木雅集三

廿一

靜談玄快讀數過逍遙篇。林間飽啜蒼耳飯，石  
上一枕青苔眠。不知塵網在何處，翩翩自謂瑤  
臺仙。差池萬事總難料，振衣欲往空茫然。我今  
暫返越來溪，抱甕山中還灌畦。秋高更禮廬山  
頂，期爾縱躡青雲梯。

雅宜山人集卷三

雅宜山人集卷四

明吳郡王

五言律詩一

正德稿

立春日酬蔣子雲寄贈之作

忽此陽春候懷君白雪歌江山孕靈氣鸞鳳吐  
天和文體中朝變才華此日多長揚陪羽獵賦  
或寄羊何

陳道復舟訪遂攜同汎二首

我家濠水上落日嘯清流鼓柁慚相問傾杯忝  
共遊江空時影鴈風蕩半扶鷗恣意乾坤闊蒼

不雅集四

蒼橫醉眸

其二

碧海孕明月天河倒列星光從波面湧清逼酒  
顏醒遠岸依沙白長林卷霧青百年渾得幾行  
醺莫教停

雪夜宿王祿之書閣

江湖頻甲子雪霰集陽春澹蕩年情迥團藥酒  
伴親簷花吹卷燭角枕絮連茵處處拈杯戀狂  
歌愧此身

湖上

望向故山去雲披心亦開蛟龍元不擾木鴈本  
非材赤日冰湖動青天雪嶂迴百年餘戰勝鷗  
鷺莫輕猜

隱

心與跡俱隱目隨雲恣行江湖元自闊龍檻任  
須爭山意猶含雪林歌稍變鶯天涯望春色醉  
倚越王城

登靈巖絕頂二首

鳳翔翔天外龍宮倚日邊君王罷歌舞我輩白  
山川翠壁琴臺倚丹楓石洞懸紛紛見麋鹿慙

不雅集四

悅枕輪前

其二

氣肅秋如洗山高興不羣太湖紅浴日林屋翠  
蒸雲河漢杯中瀉荆蠻掌上分下方鐘磬晚半  
嶺隔氤氲

錢孔周設燕病不與

菊蕊傳新酒蘭亭游上才醉吟彤管弄起舞綵  
屏開獨有楊雄癖空懷袁紹杯紅梅消息近歲  
晚重裴徊

子重設燕亦不與

長卿聊臥疾芳宴一何頻  
翠管新迎臘金盤巧  
鬪春插花應笑我耽酒更何人  
落日南山望蕭蕭頭上巾

雪後石湖與諸友同汎二首

共有丘中好而揚江上舲  
花潭水漾綠松嶺雪  
含青霽色迴銀漢鮮雲卷畫屏  
子真歸舊谷爲報北山靈

其二

多才自潦倒孰謂古人無  
雪照王恭整雲開范蠡湖  
故山饒酒伴修竹有行廚  
且逐林中鹿安

不雅集

三

能轅下駒

懷蔡師二首

不到碧山久搖心禹洞林江形  
雄楚粵地險控  
高深水落魚龍遠天寒橘柚陰  
巖樓有安石時動白頭吟

其二

牛驥非同皐高賢自絕羣  
啣杯林屋乳拂袖洞庭雲  
詞賦山精泣樓臺海勢分  
侯芭如可教欲受太玄文

與湯子重游虎丘作

武陵不在遠人事故相違  
雀舫多君興驚花日夕  
稀翠憐平水樹紅指麗人衣  
江山與歌舞一見一魂飛

大氏新堂成

瀟灑楊雄宅維新君子堂  
暉光晴日麗高敞夏  
雲涼上客誇鸚鵡香雛宿鳳凰  
棟梁君不愧廊廟意難忘

雨

霖雨能催夜窮冬恐不勝  
高城悲斷角寒楚下  
鷗鷹青海聞傳箭黃河憶度  
冰龍庭須遠遁神

不雅集

四

略武皇能

雪後登道山亭

初日散瑤臺丹青雪際開  
高深分兔苑向背寫  
蓬萊天外峰巒近雲中磴  
道迴鶯花日夕至莫負此啣杯

歲暮燕諸友

吾黨慕自然狂歌春酒前  
青氈聊卒歲紅燭樂  
當年身外皆芻狗杯中  
有聖賢此生何必問漂泊任皇天

戊寅歲立春日

淩落竟何成江湖春復生百年談笑去萬感物  
華驚杯酒青絲送鶯花綵勝迎人生渾得醉安  
用爾浮名

病

長卿復何望祇守茂陵田玉曆梅花外春心藥  
裹邊聲華渾似夢水月欲窺禪鼎鼎百年內千  
金誠可憐

端居

端居何所事盡日對花枝曲院人稀訪輕袍帶  
緩垂雲霞幽處得日月靜中私莫笑愚公僻悠

大雅集

五

悠興所之

懷顧台州華玉

總道天台守能迴寒谷春島夷通鳥道海市泣  
鮫人雲木吟蒼珮山河擁絳輪千年重領郡康  
樂是前身

幻住菴作

春水抱林流綠源曲逕幽石牀喧鳥覆霽宇法  
雲游寶思虛空發玄機罔象求馮將百年計長  
此托靈丘

虎丘東閣

春色馮高望山河指掌開半空環緯象絕地湧  
樓臺法雨迎風盡香雲拂霽來登臨千古勝把  
酒氣雄哉

送湯二子重遊茅山

餐霞懷往昔采秀歷名山五嶽披雲近三花拂  
洞閒鸞歌飄象外鳥篆落巖間日夕望真氣青  
牛應駕還

錫山舟中對月

春水無邊闊揚帆月窟遊煙花迷四顧杯酒謔  
中流川勢分襟帶檣標犯斗牛平生搖蕩興長

大雅集

六

嘯下滄洲

鄭博士官舍夜集

久別情何限相逢各惘然夜堂人影寂春夢燭  
花燃縱飲杯無算重臨月正圓百年萍梗迹四  
海暫牽連

登毘陵城

際海通喉舌環都切股肱乾坤危堞倚花柳麗  
譙登北拱黃圖壯東來紫氣疑三吳元直斗文  
采識飛騰

白氏園燕集

金谷王孫燕名園選日開地藏南國岨花借上  
林栽峯勢三台象賓遊四海來玉杯淹坐久深  
媿鄴中才

晉陵夜泊懷鄭博士

入舟渾不樂追憶轉蒼涼帆帶春鷗沒江連夜  
雨長百年雙旅髩一日九迴腸馮藉關門水西  
傳淚幾行

望至惠山適雨霽

旭日開春霽殘雲變午霞登臨如有待山水更  
重華石乳初懸溜流嚶復滿花林中有肥遯吾

不雅集四

七

欲傷生涯

惠山作

鼎食非吾事冷冷冰雪腸煮茶師自得斫屐興  
偏長花氣熏泉竇山形拱石堂江湖自有樂高  
詠和滄浪

還舟望亭與諸友夜集

叙遊方歷歷惜別更茫茫湖海誰投分雲霄幾  
斷行不眠從秉燭忍淚竟霑裳易得窮途感無  
嫌阮籍狂

還舍作

頗愛嵇生曠嘗高司馬遊圖經隨意讀山水與  
神謀舉世悲籠鳥全身學海鷗此生知得遂天  
地淋悠悠

上巳燕劉復孺

公子娛賓日山陰祓楔朝石欄紅藥並香饌紫  
芝調茶乳先春鬪雲英弄水嬌世途那可測杯  
酒漫逍遙

南峰

四月鶯花去重遊似逗春磴危青霭濕郊霽綠  
苗勻表石天爲闕凌霄地阻塵秋毫臨萬象高

不雅集四

八

虞太傷神

雲寺

古寺傍修篁瓊瓏谷韻長空青搖水殿虛白闕  
雲房嵐氣山椒潤苔花石筍蒼坐耽清淨樂身  
世益茫茫

天平山

萬嶺遙躡伏天平勢自雄翠屏藏洞穴紫霧盪  
虛空戈戟龍門拱風雲鳥道通蒼蒼殊不極長  
此鎮吳中

金山寺

山雨疎疎點藤花滿寺門天香披畫室靈影湛  
清樽磴接丹臺古碑殘綠字存可憐春草意早  
晚遲王孫

枉過諸友

上客光盈座清言北海樽謾勞車結轍深媿席  
爲門竹雨滋新翠江濤長舊痕百年知已在落  
落任乾坤

郊外

萬物總浮寄胡爲車馬間雲將心不染川與影  
俱閒沮溺自遺世巢由寧買山風光處處好隨

不雅集四

九

意不知還

寶帶橋

春水桃花色星橋寶帶名鯨吞三島動虹臥五  
湖平表裏關形壯東南海勢傾當知題柱者猶  
是一書生

畫馬

天上飛龍脫關西白鼻騮承恩披玉鐙弄影浴  
金沙舞獻甘泉酒驕嘶內苑花丹青流落處驚  
馬尚堪誇

尹山精舍作

古殿深巖曲朱門碧水開鈴聲衝鳥落幢影拂  
雲迴院入斜丹檻賓迎滑錦苔東來車馬道聊  
爾滌浮埃

宿郭漢才舟中題贈

郭泰君何忝同舟愧李膺亂星翻疊浪宿鷺起  
迴燈鐘鼓沉沉酌烟花澹澹凝英雄知不數前  
路看飛騰

寄題楞伽新竹

問訊楞伽竹東風吹滿林鳥巢春谷暗龍嘯夜  
湖深石壁看雲氣山堂坐翠陰平生嵇阮興高

不雅集四

十

醉聽浮沉

午日

病中聞令節惆悵把榴花碧氣清珍宇朱陽散  
錦霞虎形齊佩帶簾影薄籠紗緩酌無妨醉悠  
然領物華

懷故山

喜看高士傳夢繞北山棲翠竹牽雲幄丹藤飲  
澗霓湖平吞海若谷響和天雞萬事何勞問行  
藏志已齊

湖中作

久爲樊籠累，彌深山水情。  
風帆凌噴薄，雲日蕩虛明。  
塔湧三天近，湖高萬象傾。  
祗疑臨海嶠，遙望石梁橫。

楞伽竹下

林中開枕簟，蒼翠畫屏圍。  
山鳥時窺座，榴花乍點衣。  
清風吹洞越，殘露滴霏微。  
依然鶴在人，胡不歸。

聽張二琴

銀燭然清夜，瑤琴御上賓。  
鸞皇翔意表，山水澹天真。  
舞榭窺明月，歌梁纂素塵。  
丹心如可寫，高

雅集四

十一

奏暗相親

水

吳國已成澤，茫茫雲夢吞。  
山河衝湯激，日月感崩奔。  
積氣翻坤軸，長風嘯海門。  
三江神禹跡，疏鑿更誰論。

虎丘作

平楚江河漏，炎方霖雨繁。  
排雲攀古磴，倒景嘯飛軒。  
靈氣通丹穴，天風弄綵旛。  
清虛自無暑，吾道貴丘樊。

白貞夫舟燕

長沙無那濕，河朔好啣杯。  
落日歌鍾發，輕風舞袖迴。  
金塘披菡萏，玉鑑出楊梅。  
處處燃紅燭，仙舟未擬回。

雨

把酒臨江雨，披襟當楚風。  
簾紋搖水際，帆影落樽中。  
赤電騰餘照，青霞劃半空。  
新涼殊可醉，蕭灑淨房櫳。

送孫太初卜隱茗溪

梅福藏吳市，子長游會稽。  
客星南逼斗，劍氣上干霓。  
山水圖經選，鸞皇椅竹棲。  
乾坤自無限，隨

雅集四

十二

意草堂低

西山歸汎

川氣晚生涼，荷花樽酒香。  
沙明雙鳥白，峰暗九龍蒼。  
斜日晞縣舄，輕雲逐去樯。  
傲然如有得，高詠獨揚揚。

夏日集徵仲宅

翠竹彈基處，華堂命簟時。  
清虛同志樂，蕭灑任情爲。  
弄水銀牀瀉，調冰玉盃滋。  
東林有新月，應得好風吹。

子重園亭



溽暑醉如酒，薇花喜照人。  
玉盤臨竹洗，香饌雜冰陳。  
紫燕窺雲幕，丹霞抱日輪。  
三杯還露頂，踈嬾任吾真。

道山亭避暑二首

天上應無暑，虛中自御風。  
石林飛結搆，金澗澗瓊龍。  
南火朱光歛，西山碧氣通。  
劃然長嘯發，仙鶴下崆峒。

其二

共賞焉欄樹，俱憐嵌石雲。  
挂衣巖巖落欹枕，夏鶯聞湧剎龍宮。  
直翔帆雉堞，分高明時可處浩。

雅集四

三

蕩興難羣

咏微仲齋中竹

虛心冰雪幹，香葉孔鸞巢。  
素壁餘雲氣，朱甍卷露梢。  
風清金石奏，節重歲寒交。  
會見昂霄漢，誰能混草茅。

溧陽史恭甫遠致陽羨茶惠山泉

夜發茶山使，朝飛乳竇泉。  
沉逢春酒渴，轉憶竹林眠。  
鍾鼎非天性，煙霞入太玄。  
百年江海癖，何幸賞高賢。

黃太倉汝爲宴天妃宮二首

巖邑表東海，名侯握籜符。  
自公豐逸豫，延賞溢文儒。  
島日林間吐，潮流天外紆。  
平生慕靈氣，高嘯入蓬壺。

其二

首夏霽清暉，琪花應未飛。  
迴鑾披玉館，列桂肅金扉。  
琴作鸞皇語，雲飄龍虎衣。  
山公殊戀賞，不醉且無歸。

送吳三敬方之京

季子之上國，南冠獵暑纓。  
秋風高隼疾，江館候蟲鳴。  
紫闕天爲帶，黃圖玉作京。  
早逢揚得意，知

雅集四

四

爾賦先成

王侍御敬止園林四首

杜韋天尺五，歸臥海東偏。  
玉麈開蓮社，金貂貫酒錢。  
園居馮水竹，林觀俯山川。  
竟日雲霞逐，冥心入太玄。

其二

共有王猷好，同酣修竹林。  
山光雲几淨，水色畫堂侵。  
斷續冬花吐，瓊瓏好鳥吟。  
輞川如有待，那得戀朝簪。

其三

卽事罕人力林居常晏然天青雲自媚沙白鳥  
相鮮徙倚隨忘返風光各可憐洞中淹日月人  
世玩推遷

其四

薄暮臨青閣中流蕩書橋人煙紛漠漠天闕敞  
寥寥日月東西觀亭臺上下搖林深見紅燭側  
徑去迢遙

過故友吳嗣業東莊二首

濁世佳公子東林舊飲徒死生何契闊陵谷重  
荒蕪賢聖同芻狗乾坤閱傳符平生醒酒石醉

不雅集四

五

裹一跣趺

其二

短褐竟長夜青山空玉顏酒杯元水次茶竈只  
林間別葉驚秋早歸花點石班西州門外路今  
日誤追攀

秋望

南紀望不極蒼梧秋色來風清炎海沸天決瘴  
雲開日月唯高枕江湖對把杯南飛有黃鶴辛  
苦塞門迴

未尚之兄弟山居燕集二首

諸吏挺竊鶴築館象蓬壺書閣排雲峻朱堂  
石孤傍巖磴玉局倚洞讀靈符日夕琅玕長清  
風儼畫圖

其二

留歡方卜夜弄月喜登樓石壁金波動霜天采  
暈浮人如剡溪興山作洞庭秋笑殺高陽伴淋  
漓倒着裘

端午日

梅雨冥冥墮其如佳節何曉寒欺麗殺香露鬱  
輕羅拂鏡榴花落垂絲纈采多土風觴此日予

不雅集四

六

亦醉而歌

荷花蕩

解纜芙蓉坼飛觴綠水延狂悲金縷曲醉隱玉  
壺天織女宵期逼銀河浪靜偏挂帆逢七夕若  
個是張騫

寄衲衣曉上人并往四韻

金池泉凍石琪樹霞成花人世徒形役雲門自  
歲華貧齋慙鬴鉢寒計乞袈裟莫笑縣千結毫  
光五色霞

贈唐伯虎

舉世皆羅網憐君獨羽毛百年渾醉舞萬象總  
風駭長袖嬌紅燭飛花灑白袍英雄未可料腰  
下呂虔刀

寄王儀部欽佩

千年江總宅流水祗依然文物今重見光華迥  
出前鳳凰春望外鳩鵲雪殘邊日夕凌雲思新  
篇白下傳

月

片月出河漢纖纖新畫眉關山纔辨色烏鵲莫  
驚枝玄武光芒爛勾陳指點疑浮雲高不動孤

大雅集四

七

夜忍相欺

歲暮

茲歲復幾許繁陰鬱不開銅池常捧雷玉礪半  
侵苔杳霭日頻晏蒼茫春又來陽鳥那可見黃  
鵠有餘哀

天界寺

帝里紅樓院翩翩舞纓來江山窺隱見雲物指  
昭回石竹開棋局天花送酒杯秋光滿吳楚萬  
里一登臺

碧峰寺

慮澹已輕物逍遙唯賞心斷雲留古嶠鳴水  
空林鳥弄珠旃影秋生玉殿陰翠微經石轉長  
嘯有遺音

酌酒與林職方志道

漢署含香嬾匡廬卜社頻碧山兼吏隱秋水照  
風神雪簾連修竹輕袍狎故人當杯應爛熳海  
內幾陳遵

觀音門

石頭元作壘江海瀉爲池百二河山在東西日  
月窺雲中悲鼓角天上立旌旗萬歲蓬萊闕無

大雅集四

六

勞仗數移

觀音閣登眺二首

落落乾坤眼茫茫江漢人名山勞夢寐絕壁掃  
嶙峋海氣蒸衣桁巖花落酒巾馮蘭莫長嘯波  
蕩伏龍津

其二

鐵鎖懸崖窄朱甍卷浪流荆吳渾水窟天地亦  
浮漚窓湧蓬萊日雲連白帝秋盈胸開萬古吾  
道付悠悠

盧龍觀

秋林隨驚馬古洞看彈碁淮海青天瀉鍾山玉  
殺披鹿場雲影淨鶴徑石梯危處處飛仙接簫  
聲不斷吹

三宿巖

山斷雲根露江淘水竇空九疑虛背向八解紉  
璽瓏日月苔紋古煙嵐屢氣通無由具袍笏空  
憶米南宮

渡江

漠漠開帆色飄飄犯海雲乾坤流不息今古畫  
中分倒日窺鮫室晴霄數鶴羣還瞻鳳臺領佳

氣正氤氲

舟中望焦山

獨折東流勢須知地軸尊山虛蒸日氣沙淺露  
潮痕玉柱扶天闕銀屏障海門百川勞計會萬  
古正乾坤

陪顧台州華玉宴虎丘二首

畫刹三秋望朱旗五馬來雲扶閣道出天傍斗  
城迴氣暖山重霧花迎菊解開庾公殊不淺高  
眺更登臺

其二

置酒臨芳甸調絃出五雲層樓披日觀過雨  
峰文作賦秦公子臨池晉右軍獨慚流落羽叨  
入鳳凰羣

錢二孔周宅桂花下同酌邢麗文

款曲傳杯酒參差隱桂蓼花繁秋自媚香滿意  
俱融雲日當軒麗風光別院通淹留嘉樹賞酣  
暢故人同

張十二子饒山亭二首

野性山林僻高人水竹居焚香耽燕寢臥病習  
玄虛秀嶺迎賓座閒花落道書逍遙雲物賞人

世上皇餘

其二

水作園流寫山飛斷壁來海中三島並天際九  
華開玉髓窺玄洞清風倚嘯臺習池秋更好頻  
進菊花杯

海雲寺

名山時訪道絕壑愛觀泉徑隱千重竹林窺一  
帶天疎花遲候發好鳥洞音傳悟得無生樂行  
藏不離禪

第四峰登眺

絕壁已天半迴峰猶翠微  
磴危尋繹迹風引雲衣  
野燒孤烟直川光落日  
霏樵歌渾自好應飽北  
山薇

月

半暝坐西嶺青天搏月華  
長林輕捲霧覺浪迴生  
霞落落山河影飄飄星  
漢槎漁師下前瀨吹笛  
遍天涯

酌悟道泉

名泉真乳穴滴滴滲雲膚  
白石支丹鼎青山調水  
符靈仙食玉法人世獨  
醒徒長嘯千林竹清

大雅集卷四

廿一

風來五湖

望卞山懷劉元瑞

落日賦招隱懷哉劉伯倫  
下山雲不斷若水色相  
新鸞鶴諧真賞瑤華贈  
美人樵風吹未穩空隔  
武陵春

上方寺

山水雲門會林篁石道微  
毫光空翠落花雨瀑泉  
飛塵麋黍金鏡莓苔積  
寶衣浮湛竟何益轉覺  
此生非

巖上人房

巖棲三鳥隔林臥五湖流  
吐納雲霞迴空蒙天地  
浮鏡機紛入象寶思湛  
窮幽萬事徒龍蟄無生  
安所求

鹿飲泉

山似屏風疊谿流鹿飲泉  
綠源疲磴滑掃石愛雲  
鮮香雨諸天灑旃林百  
道穿清風激天籟心賞  
忽泠然

玄秀樓

山川覽不極日夕吏公樓  
貞觀虛中揭玄心物外  
游十州何處所七澤迴  
同流把酒渾忘我飄

大雅集卷四

廿一

飄只海鷗

毛公壇往包山寺茂林曲  
塢山水迴五

吾慕食霞子高高卧翠微  
五雲翻石壁三秀鬱金  
扉禹穴藏符近包山擁  
錫依氤氲亘十里牽葉  
挂蘿衣

包山寺

石嶺自迴合天開寶樹林  
雲藏靈影曳風竹磻泉  
吟白石參龍象青山習  
道心網羅空縹緲意吾  
意在高深

雪望

宇宙開濶霽山川混太虛玄陰時噴薄春色已  
吹噓鏡徹明河外花繁落木餘梁園今已矣蕭  
索病相如

雪宴竹堂寺

遠公偏愛客高會兔園才畫室香貂滿天花寶  
樹開林端迷塹谷象外微樓臺對此復能醉長  
歌廿草萊

雅宜山人集卷四

不雅集四

廿

雅宜山人集卷五

五言律詩二

明吳郡王

嘉靖稿

和黃勉之懷五岳之作

嵩岳

嵩山有瑤草白玉如膏流何日攀緱嶺相携臥  
石樓吐雲騰斗極飛翠滿神州笙鶴飄飄去青  
天子聖遊

泰岳

五岳視侯秩無如東岱尊六龍開御道三觀挿

不雅集五

天門舉手蓬萊近湯胸齊魯吞安期煉玉處唯  
見五雲屯

華岳

每憶仙人掌兼聞玉女峰兩崖夾日月西海出  
芙蓉窈窕黃河曲蒼茫白帝封手中九節杖恐  
或化為龍

衡岳

衡峰七十二削出祝融孤秀色浴江海神光照  
楚吳石開金齒茁芝長赤珊瑚何日登真籙腰  
懸朱雀符

恒岳

玄岳倚北極翠屏千障廻山寒太始雪地闊單  
于臺石室金膏闕玉華仙掌開儻遇通微子騎  
二青龍來

首夏同吳丈次明湯君子重家兄履約

看竹石湖草堂作四首

掃竹天花墜看雲石鏡摩百年渾浪迹一月幾  
酣歌詞賦雕蟲拙山林習氣多角巾全不整長  
日臥藤蘿

其二

大雅集五

盤谷藏修竹虛堂吐白雲映空搖水碧面勢坳  
峯文露頂參龍象冥心入鳥羣金繩如有覺寶  
地會平分

其三

烏皮聊隱几紫籜漫裁冠曝髮雲門嘯澄懷法  
界觀風花時點點竹對靜珊珊直作匡山社金  
池繞絳壇

其四

酒聖能齊物鶯歌解損神雲霞千挺竹江海一  
畸人濩落遲聞道浮游得采真故山芝朮在終

不誤風塵

送陳子魚游齊雲巖

東南饒暑濕宜歛獨高寒秋色千巖競江流一  
線盤傳香歷金闕掃石拜天壇道氣如君少真  
堪躡紫鸞

聽琵琶

紫塞傳胡語崑丘學鳳鳴春風吹白雪總是斷  
腸聲司馬千行淚明妃萬里情當杯愁側耳天  
外暮雲橫

天王寺竹林

大雅集五

雅志愛雲竹相看如故人瓊瓏動風色瀟灑見  
天真枕簟開新夏鶯花逗晚春欲將踈懶性一  
問遠公鄰

南峰往北峰

南北峰相直中蟠萬石林諸天飛采翠眾壑異  
晴陰竟日烟霞拂長風虎豹吟此身飛鳥外散  
落步虛音

一雲寺

龍宮已灰劫檀樾自垂榮合沓山形抱瓊瓏石  
筍生流鶯穿葉語老鶴護巢鳴把酒松門坐林



泉無限情

支硎山

支硎特峻秀平地插芙蓉面面開霞壁層層折  
劍鋒白鵲巢野竹蒼鼠戲長松遠憶道林輩低  
頭禮數峰

紅蓮盛開漫興二首

菡萏照碧水芙蓉開紫房娟娟倚秋色冉冉下  
雲光意態風前劇腰支掌上狂菱荷高日影雙  
浴采鴛鴦

其二

雅集五

四

秀色不忍見朝雲疑有無湘妃行拾翠天女笑  
投壺日映霓裳舉風迴玉袖扶若耶溪更好轉  
憶向江湖

與諸友賞蓮酣飲達旦

酒思亂花前留歡蠟炬然齊歌綠水曲總是紫  
霞仙江海逢今夕星辰聚此筵聽雞還起舞誰  
看祖生鞭

甲申七夕楊子任携酒花下

共結蓮花社相携竹葉樽高枝橫玉豔密蓋翠  
雲屯大塊吹秋氣明河過雨痕今宵不緊關

道看天孫

同諸公泛石湖遂登草堂燕集二首

秋水何人愛清狂我輩來山光浮掌動湖色盪  
胸開黃鶴輕千里蒼鷹下九垓平生濟川志擊  
楫使人哀

其二

五歡未能去一丘還可棲山童調白鹿野飯射  
斑雞竹懶宜高臥花狂欲醉迷明時棄巖谷聊  
得葆天倪

月夜同酌吳祈父

雅集五

五

長風吹古月突過海門來桂子帶星落荷花承  
露開江湖多白屋霄漢有瑤臺寂寞談玄所侯  
芭共酒杯

卽事

漢庭方禮訟魯國自儒冠肉食雲臺議山居世  
態看斗斜天駟病江迥蟄龍蟠不願論朝市秋  
風理釣竿

月

月色太無賴高樓應斷腸乾坤靈影外河漢使  
星旁歷歷白榆種冥冥烏鵲行中宵更牢落縣

韓近西堂

秋

吳會總秋水江淮多白雲  
紛紛麴塵色片片雪  
峰文浩蕩尊鱸興飄飄  
鶴鵠羣青天一長嘯吾  
欲訪茅君

臥病

臥病淅牢落高天月倍明  
清秋萬感集白髮此時  
生老驥窮途撫饑烏子  
夜城胸中足礪礪澆  
酒未能平

得顧憲長華玉書高譽吳中文士然皆

大雅集五

六

輒軻未達感賦此

長嘯宇宙內何人解愛才  
海門吞百瀆斗野燭  
三台玄豹江東霧黃金  
天上臺前賢重推轂慚  
媿獨駕駘

瘧

病怯濟侯瘧秋生宋玉悲  
藥囊淹甲子酒盞負  
花枝江碧鳥頻浴天青  
雲對垂登高還幾日搖  
蕩北山期

送王子美

帝室五雲外子行如轉蓬  
關河秋水開驛路菊

花叢風急盧龍燒霜高碣石鴻金齏調玉鱸還  
復念江東

雨

黑入滄江雨紅催碧樹林  
秋聲楚塞闊殺氣海  
門陰鷹隼翻韞急龍蛇  
徙宅深壯心慚日月擊  
破唾壺吟

雨過

江雨夜來過長空洗更青  
雲光任錯落鷗態足  
娉婷西陸團金氣南山  
擁翠屏端居美鴻翼萬  
里正冥冥

大雅集五

七

曉

城烏猶未起吹角滿江東  
星月秋山白雲霞夜  
海紅蠻歌舟楫動野哭  
井閭空世事催虬箭生  
涯只鳥籠

夜酌

久病樽無綠吹燈花吐紅  
今宵一開蓋細雨正  
鳴蟲宇宙醯醢似行藏  
木雁同醉歌齊萬物轉  
覺與冥濛

秋髮

秋髮不盈把霜容怯鏡臨  
形骸真土木骨法合

山林酒興黃公肆悲歌梁前吟紫更顏色好  
絕不勝簪

九日病坐江樓二首

早起候雲物秋光渾可憐江山如自喜風日更  
相鮮霜薄青楓外天長白鳥邊登高筋力減未  
付酒家錢

其二

無限碧山興移時獨倚樓天清五嶺瘴雲結九  
疑愁急急南征雁茫茫東逝流壯懷空萬里極  
目海門秋

不雅集五

八

九日聞諸公竹林宴戲簡一首

九日逢秋霽羣賢集酒徒雲林干挺竹玉饌四  
腮鱸日落山河爭風高雁驚呼茱萸都插遍還  
少一人無

寄山僧

病起轉不樂南山思舊果彌增阮藉放休解子  
雲嘲枕上百泉鄉意中千嶺交題詩道門侶絕  
壁爲誅邪

送泉上人住持西山天王寺

建幢開福地飛錫下青天呪嶺紅泉出縣燈白

石然太湖航寶筏林屋扣金仙爲訪毛公在相  
攜入紫烟

寒食

細雨作寒食山風吹李花年光隨燕雀吾道只  
龍蛇雲薄三江渚春闈五柳家無官居騎省有  
髣已生華

寓大雲庵贈茂公

趺坐長眉老稜稜插五峰池開通寶筏巢古挂  
雲松拄杖胡籐斷絮袈金縷縫經行那出戶堦  
鮮自蒙茸

不雅集五

九

登望湖亭

寶塔孤撐日華亭迥冠山禹功饒震澤吳服拊  
荆蠻今古悲歌裏乾坤落照間雄風高處急莫  
放酒杯閒

湖上觀晚霞

赤城眇何在標出海雲端寶氣三天湧金沙五  
內餐騰光衝白兔散影逐青鸞更憶蓬萊殿仙  
人掌上盤

渡江

秋水百川灌雲帆雙翼飛大江雄地紀旭日射

天扉裏黃圖壯東南紫蓋非英雄徂落盡宵  
漢仰垂衣

夜譙方山人質父館

短燭謀文譙寒芒炳客星名流酣白社絕翼會  
青冥今古誰詞伯江湖只草亭太玄聞已就問  
字日盈庭

再次質父韻一首

方也有道士雲臥無窮門不擾蚪龍性渾忘桃  
李言大才甘淩落短翮飛翻尚恠蒙在叟栖  
栖吏漆園

宿雞鳴山

昔誦北山文今棲鍾阜雲秋林時夜嘯天樂忽  
空聞弟子胡麻薦頭陀屬席分那知江海客不  
亂衲衣羣

登塔望玄武湖

曉日雞鳴塔秋光玄武湖石鯨吹颶颶天馬浴  
虛無太液金溝瀉鍾山玉壘紆載歌 皇祖烈  
永寶萬方圖

江夜

江海夜突兀人烟時有無潮聲喧鼎沸月采爛

金鋪地勢中分楚天形半倚吳哀歌撫長劍注  
目客星孤

龍江關

荷戟一夫守懸瓴千仞餘風雲開壁壘山海護  
儲胥御蹕交黃道危譙切紫虛遙憐棄繻者何  
日策高車

江中望鍾山

地險雄千古天王守四夷水當銀漢落雲遙  
盡屏移野曠獵貅竈風閑龍虎旗西游有狂客  
擊楫大江隈

雞鳴寺

帝城迴北斗古寺冠東山畫刹入天外紅樓日  
月間官花逐吹落苑鳥聽經還借問乘車者何  
如此閉關

徐將軍園林三首

當代麒麟畫先朝肺腑親鑿池分太液開閣威  
平津羽扇談名理鶉衣列上賓信陵高宴會日  
暮擁朱輪

其二

禁城還水竹華館別山林肯信金貂貴能調野

鶴心巖花相映發雲木自虛吟劃對仙人掌翻  
疑華嶽陰

其三

夏木成帷幄秋岷駁錦文池翻江外浪亭宿海  
東雲客醉分巖散鶯歌隔塢聞鄴中賓從集飛  
蓋擁夫君

雷

九月霜氣緊南山中夜雷聲璫萬嶺下勢劃九  
天開突兀蛟龍鬬馮陵風雨來野人錯料事偷  
眼望三台

大雅集五

三

燕徐將軍園林

西第觴公子東園屬上才秋光禁禦接紫氣夾  
城開淮水穿林寫鍾山擁座來祇疑天樂奏促  
柱送霞杯

江上

客子貪利涉開帆爭暮潮山廻北固壘霞作海  
門標怒浪排風立神魚映日跳秦皇竟何在鞭  
石未成橋

林屋蔡師衡山文文偕計北征輶車齊

發敬呈四首

北極開黃道南星占少微大才元瑞世明主  
正宵衣策射麒麟榜天廻日月旂兩賢終特達  
窟穴借光輝

其二

海國雙明月天山兩鳳皇南冠誰領袖吾道重  
行藏觀閣徵芳草虹蜺插劍裝平生寸心赤持  
此報明王

其三

對塵青蓮社傳杯修竹林江山摘藻思風雨動  
龍吟鄴下偏雄傑周南久滯淫雲門陳古樂清

大雅集五

三

廟待遺音

其四

祖帳桃花水征旗楓對林山河千里目師友百  
年心舉世誰相假離羣自不禁南飛有黃鵠側  
翅一哀吟

夜憩行春橋

夏夜煩林莽星橋躡大虛市朝真翕翕江海一  
蕭疎白露橫空下金波滿意舒王喬殊可接騰  
跼五雲車

新築石湖草堂二首

山枕五湖水堂開千樹林棟梁天下任鸞鶴野  
人心獨插南峰秀平臨北斗侵吾生嚴邴慕瀝  
酒一披襟

其二

蘿帶還初服山樽落草堂獻書長不達招隱得  
相將勒字芙蓉壁繙經此處羣房百年何自苦表  
劍欲摧藏

劍池

伏檻觀奇壑輕身搏翠屏山虛雲裏泉石闌水  
泠泠錯落金鳬影翔翔鐵鳳翎風胡去已久神

不雅集五

古

劍泣精靈

酌陸羽泉

曾甘惠麓水今酌虎丘泉石乳疑食玉茶經似  
草玄登臨悲代謝著作總流傳扶醉下山閣千  
林落日懸

瓜步山

瓜步臨江出鍾山不隔雲風蘆吹浙瀝沙鳥拂  
氤氲北控淮徐阻南瞻斗極分輕帆移過穩把  
酒玩峰文

石頭城

玉壘疑連漢牙旗總插雲樓船橫海出斧鉞白  
天分龍虎中原氣山河大地文我皇開日月  
萬古淨妖氛

白鷺洲

芳洲多白鷺晴雪點青山翻弄桃花色翩翩故  
不還雲霄唯鶴侶人世自鷓鴣班予亦浮游者論  
交江海間

入金陵首晤淮海朱振之酌酒作

平生江海氣淮上得朱雲浩蕩天雞舞冥濛野  
鶴羣英雄那鼎食宇宙屬人文斗酒長安市嘗

不雅集五

辛

騰擊筑聞

雞鳴山話家兄涵峰

旅食京華邸猶能卜竹林諸天花雨外一逕翠  
巖陰風土思歸嘆雲霞出世心鶴鴒飛自好不  
覺動長吟

携友生登馮虛閣作二首

鍾山當日表裏見神州魏闕摹天構長江映  
漢流風烟三輔晚雲氣五陵秋恥作窮途哭馮  
軒嘯酒儔

其二

山人難偶世大觀一登臺盡秋天花綴青林若  
木栽傳杯河影落拂鏡海圖開會一高峰頂焚  
香禮上台

席上贈錢二孔周二首

堂上起秋色塔前迷橘林鷓鴣冠將老世鹿柴與  
冥心點筆風花亂藏書洞壑深鯢鵬與片鷄寧  
解問浮沉

其二

共上淮南隱相逢桂樹留停杯黃葉下鼓瑟白  
雲流鳥思簾櫳夕天清梁棟秋對君殊厭落江

不雅宜集

六

海一虛舟

山中送袁子邦正兼寄永之秋官

二月鳥嚶嚶山家花滿林那看南浦別愁動塞  
門吟渤海紅雲近居庸紫氣侵惠連應憶我腸  
斷北來音

奉和少宰崦西徐公省中藤花之作

列殿鈎陳座鳴環玄閤仙詞疑咏紅藥調已入  
朱絃靈木千年壽繁英四照妍上公垂顧拂長  
托紫雲邊

阻風白馬湖簡朱振之

白日狂風嘯青天退鷗翻浪高湖色怒鄉近客  
心燔烟火踈淮甸雲霾蔽海門故人一水隔愁  
絕浣花村

沈湖同蔣子雲作

湖水淨如拭山嵐青滴衣鈎簾盡圖展把酒晴  
霞飛孤笛烟中起片帆天際歸知君棄金鞍從  
此擅漁磯

湖雨作示日宣

萬木黯成雨千崖殊欲秋魚龍呈水戲巖壁亂  
雲流蓬累棲窮士天心共海鷗侯生居語汝吾

不雅宜集

七

道在滄洲

自石湖至橫塘山水廻合可賞二首

山水繡相錯清暉如可餐峰形分塢塢沙曲擁  
灘灘西蕩荷香拂南屏秋氣寒嘯歌終日裏懶  
散不簪冠

其二

人家叢水竹厥土沃塗泥澤逕菱花覆霞莊稻  
葉齊漁人千網集開士五雲栖草廬長林下持  
編且牧羝

山院荷花並開作



三絕絕世立雙矯入鏡開真堪金屋貯疑是釣  
天來院靜似欲語風回如更猜絲雲空錯落流  
悵遶陽臺

溪上

日落半天紫秋高千嶺蒼巾裳淨水碧桑竹繁  
霞光路散驚巖雪虹飛恍石梁甦甦一溪柳圍  
覆野人莊

雨坐石湖草堂

坐對南山雨高樓北院雲堂虛飛竹翠霧暗失  
峰文谷響岳中應濤音天外聞名香散寶冊浩  
木雅集五 十八

思正氣氤

午

日午閉關臥白雲空院幽鶯啼不離竹山氣忽  
橫秋簷宇清虛入軒窓紫翠浮巖端有桂樹此  
地可淹留

客至

客至纓冠懶堂開拂薜幽池荷紛歛夕巖竹競  
鳴秋藻思飄霞外青錢挂杖頭寒余江海士言  
接鳳皇遊

春日山中

水綠天濺霽山青花斬新薄衣初試履耽酒任  
歌巾 聖世支離客泥塗甲子春放歌林木動  
巖臥有真人

觀水漲二首

翠浪欻然涌石湖千頃開氣吞具區數掌弄吳  
王臺山向鏡中出帆從天上來曾逢問津者河  
漢幾年回

其二

手持秋水篇散髮對平川日出海門近天低象  
緯懸人行石鏡裡鷗舞浪花前余亦挂帆去蓬

山朝列仙

木雅集五

九

次韻馬司成賦孫中允松江園居二首

園接九峰翠池分三泖波青岳隱叢桂白日臥  
高蘿林曉霞光粲窓寒竹蔭多金華榮侍從那  
得戀漁蓑

其二

潮落門前浦雲連海上山丹厓觀化靜紫洞著  
書間松雜瑤流響蒼生錦石顏蓬壺在几席窮  
日任躋攀

其三

層臺披日觀復館淨霞居石室雙編暇庭闌戲  
綵餘池翻逸少研壁隱馬遷書畫遺區中果來  
觀濠上漁

寺游

秋色滿諸天秋湖蕩枕筵香從霞外落思入定  
中玄芝饌延狂客松龕兀酒禪欲知清淨賞萬  
竹映飛泉

雨後集諸子

雨聲催木葉秋序迫茱萸林吼風傳谷山蒸雲  
起湖客題幽澗竹人老故山蕪不盡窮途恨狂

歌擊唾壺

文內翰徵仲攜秋蘭過山齋作

美人涉秋水結我紫蘭心雜佩耀奇服幽香披  
道襟窓虛山翠積石古澗藤陰坐對忘言久臨  
風揮玉琴

上海董子元夜訪山莊作

遠客舟初繫田園菊正開古堂秋霧集幽壑夜  
聲哀花豔驚燒燭山空靜舉杯草玄吾豈敢應  
媿問奇來

楊虞部子任過山中

愛爾羽儀好慰吾江海思新銜題粉署初命出  
形埤野野芙蓉發山堂菊蕊遲丁寧一卮酒莫  
自負明時

張子月鹿自海上遠訪越谿莊觴之芙蓉難作

挂席翔雲海看山到越谿千崖肅秋氣一塢靜  
霞棲鶴舞山人醉花繁坐客迷臥疴經歲久爲  
爾強扶藜

丘中二首

沙際一羣鶴丘中獨隱家川明霞散綺巖腹挂

不雅集五

廿一

交花山愛秋嵐紫人憐霜髮華將隨勾漏令學  
道訪丹砂

其二

竹覆愚公谷鶯啼謝客巖秋華粲禾黍曉霧沐  
楓杉列岫疏高館垂楊拂過帆焚香北牕下危  
坐讀仙函

晚過竹院

竹院迷青靄祗園橫翠微松門晚霞抱雪壁秋  
花飛湖迥習池似臺荒吳苑非蒼蒼暝蘿合還  
趁漁樵歸

霽

獨鶴舞空院明霞霽  
遠天林疎秋色淨野曠曉  
風鮮巖接交香桂窓  
座透瀑泉山樓成偃蹇孤  
質自冷然

中秋對月懷長公作

林窗清輝夜熾瓏白露  
秋湖翻珠吐蚌天迥玉  
成樓一鏡千山徹孤輪  
萬里周不知王子晉何  
處鳳笙遊

十六夜對月

玉魄當空滿銀潢拂迥  
流山河靈影動今古鏡

八雅堂集

卷三

光道萬壑星翻彩千林  
對發秋今宵駕玄鶴遊  
徧五城樓

秋曉

花露曉猶沾鶯歌秋轉  
繁白雲舒四望朱槿照  
中園晶瑩天光徹悽清  
野聽喧唯應待鸞鶴玉  
洞去朝元

碧峰禪師葺雅宜行窩作

祇苑潮音接旃林海氣  
虛花餘春鳥弄山變夏  
雲舒大地鶴鷄隱清時  
水竹居棲霞處處好隨  
興是吾廬

霽

林霽鳥聲樂池平魚藻  
繁南原一以眺謁謁麥  
花翻靜讀高僧傳聞書  
大士旛何如謝康樂養  
疾在中國

午

午簾轉桐日山齋飄棟  
花飛塵綠水隔俗駕碧  
山遮臥看盤空鶴飢餐  
出海霞翛然清五內祗  
待長金沙

曉

曉日明皎浦晴雲拂鸛  
巢天清飛閣響閣迎亂

八雅堂集

卷三

峰交海對籠荒戍墟烟  
澹遠郊行藏揔蘭若一  
任子雲嘲

雨

香雨濕金沙輕陰蔽日  
華山蒸飛殿霽海潤簇  
樓霞地僻喧啼鳥林深  
尚落花戴窺清淨理畢  
志梵王家

寺晝

綠樹陰陰合清池湛湛  
平緒經談孔雀拋卷聽  
流鶯日映金輪轉雲依  
芝蓋生冷然慧門賞玄  
覽自虛明

河陽良上人饋松英

蜂房攀蜜髓，猿壁掃松花。  
遠饋餐霞子，猶餘春露華。  
泉香石罅乳，鼎熟雨前茶。  
不羨朱門肉，還來就釋迦。

晏起

野淨露光沃，簷虛池影糊。  
幽人日晏起，好鳥窓中言。  
遶舍對如幄，當門山作藩。  
孤村隔流水，何異桃花源。

種豆

捨身白雀寺，老作灌園人。  
土裏重湖潤，山藏曲

雅宜山人集卷五

十四

塢春日高樞發，采風暢豈惟新。  
濁酒荷鋤倦，長歌滄海濱。

雨夜日宣正上人集寺居

微雨潤虞麓，空堂出海雲。  
散花窺戶入，清梵雜澗聞。  
嵐重香凝濕，林昏鳥喚羣。  
共來修淨業，讀盡馬駝文。

雅宜山人集卷五



雅宜山人集卷六

明吳郡王

七言律詩一

正德稿

上大學士守谿王公四首

淮海維揚數具區，咸池靈氣括人俱。  
題輿八座璣衡轉，端委三朝日月扶。  
志決臯夔勤袞職，學宗姬妣弼文謨。  
石渠金馬從容地，玉几馮虛聖眷殊。

其二

昭代文華七葉光，天人羣會翼先皇。  
河圖琬琰台階列，大呂黃鍾闕廟揚。  
千古晶英躔斗宿，萬年禮樂盛明良。  
橋山玉殿松楸拱，元老儀刑肅典常。

雅宜山人集卷六

十一

其三

威鳳冥翔萬里毛，青山間曳白雲袍。  
五湖下上天池迥，一柱東南日觀高。  
玉洞朝霞食石乳，璞溪秋水弄漁舸。  
謝公不倦林泉賞，無那蒼生屬望勞。

其四

天上縣車秉括尊，星移石動嶠龍門。  
泰山不動

羣峯迷滄海無倪萬壑奔台袞提攜慙淬礪草  
茅淪落悵乾坤重堂曲譙旌旆倚澹蕩春風煦  
酒樽

寄贈劉按察元瑞

銅柱參天高掛冠五湖龍窟去漫漫南流寓  
嗟王粲吾道行藏卜謝安白晝豺狼人立鬪碧  
山猿鶴笏支看雲飛玉峙輸公輩笑爾冲冲行  
路難

彭蠡四首

彭蠡當年勤我師高皇親秉白旄麾荆人久

大雅集卷六

三

已共王祭劉淠翻然拔漢旗海內河山朝北斗  
帳前龍虎殿南維爾曹撲滅須臾事不動綃衣  
萬古垂

其二

匡廬拔翠對南昌赤土苞茅削尚方王庶故應  
雄楚粵展親曾見錫珥琅金勝自足安天下寶  
珎空憐泣路傍骨肉相離非浪計忠良努力在  
諸王

其三

塞帷杖鉞中丞寄社甲分旄守令趨殺氣橫衝

昏翼軫羽書飛急感江湖臨川取道朱旗閉安  
慶勤王玉壘孤巢穴已傾師未捷千年劉李笑  
兵圖

其四

江左羣龍萃吉安指揮能事氣衝冠吾儒未必  
皆邊豆門閤于今盡綺紈天下安危公等在殿  
中台衮史書看獨憐孫許今祠廟永夜丹心貫  
斗寒

南都三首

萬年曆服開基地八葉龍顏有道孫玉輦乘春

大雅集卷六

三

迴日月朱方修瑞式乾坤寢園恰及櫻桃薦天  
府猶看御甲存鐵馬汗趨爭草昧衿衣端世奏  
雲門五鳳樓有  
高皇御甲

其二

錦纜牙檣萬里遊天吳海若翼王舟襲城七聖  
空迷轍弱水三山未穩流寒北風雲連朔漠周  
南節鉞自公侯兩京角立分形勢居重還須扼  
九州

其三

虎旅龍驤捕漠貂飛騰誰數霍嫖姚金繩寶校

超天駟赤羽盤囊射海鷗北虜只今頻歎塞總  
戎應得數趨朝仲山吉甫男兒事麟閣雲臺傾  
九霄

立秋日

南紀清秋殺氣遙扶桑銅柱峯高標風悲畫角  
關山迥雲去蒼梧畢斗搖正憶郊迎虛玉輅卽  
愁邊守醉金貂黃河白草蕭蕭去胡馬千羣出  
射鵬

夜酌與吳丈次明

季子清狂老鵬冠興來把燭過盤餐星窓淡沲

木雅堂集八

四

銀河影兩檻霏微玉露團帶索懸衣窮日醉隣  
雞野哭萬家殘未聞扈仗拋金甲玄武蒼蒼直  
北看

簡文二丈

淪落衣冠尚典刑苦心劊向獨傳經祗今羅網  
彌天爾肯道江湖有客星金石風流傳藻翰蓬  
壺雲氣逼丹青詞林根抵歸能事人世膏騰笑  
獨醒

秋懷五首

南紀風雲接素秋淮揚中斷大江流鍾山秀拱

蓬萊殿海日低懸鳩鵲樓羽騎驂交尾伏朱  
衣呵引翼華輶五陵鞍馬金張籍出入銅龍握  
槊游

其二

露下天清秋氣凋孝陵松柏蒼蕭蕭山河勢  
遶朱旗列寢廟神遊絳節朝寶劍夜飛雲氣閃  
玉衣晨舉日精搖璿心璣思謨千古只在重華  
協聖堯

其三

鳳管龍簫清且悲南徐北固自逶迤海門直指

木雅堂集六

五

聯三象日馭巡行逼九疑入計衣冠冠劊璽綏防  
秋兵馬失旌旗長卿諫獵無消息悵望江湖有  
所思

其四

湏洞風塵未休淒淒江漢仲宣樓摩天鴻鵠  
終辭網跋浪魚龍岌岌舟黃竹冷冷連楚澤白  
雲冉冉接昭丘金輿玉座千年跡流恨荆揚古  
帝州

其五

白帝風高萬古吹百年鼎鼎獨何爲炎方雲霧

兼天迥絕塞星河倒地垂素紹沉冥應累月長  
卿消渴亦多時金莖玉屑食靈氣碧水丹山結  
漫期

新葺草堂簡二三鄰曲

清狂自是耽風竹大隱何須倚市門背郭堂虛  
聊習靜浣花溪遶卽成村久拚江漢支離臥莫  
訝蛟龍窟宅尊北里南鄰俱酒伴祇應身世老  
清樽

六月十日諸表攜酒相過

堂上書生據槁梧一樽衰肺覺全蘇從知袁紹  
不雅集六

逃河朔更賞王戎懸酒壚酒難忘頻煦沫此  
身無賴祇江湖不妨久坐論肝腑紅燭淋漓清  
夜徂

虎丘北閣登眺

霽雲斜日晚暉暉開蓋山樓坐翠微閣道迥臨  
千嶂出海門平指百川歸丹青臺榭還今古錦  
繡山河接杜韋佇望快瞻龍虎氣狂歌聊拂芰  
荷衣

荅子重枉過草堂兼攜酒貲之作

清夏茅堂霽色鮮紫薇修竹淨娟娟陳平已愧

淹車馬陶令何須乞酒錢鶴鶴摩空終遠去燕  
鶯交語劇相憐閉關不解人間世露頂同叅醉  
後禪

袁氏山堂雨坐

六月虛堂雨氣浮翠巖丹壑迥生秋雷霆破地  
時酣聞河漢經天却倒流古木蒼藤森自得斑  
鳩黃鳥坐交愁羣峰更覺烟嵐外指點陽臺最  
上頭

紫薇盛開率爾遣興

江館薇花也解紅玉堂金署五雲中山林鍾鼎  
不雅集六

從吾好露葉風枝訝許同旋有狂蜂紫下上故  
臨修竹隱房櫳丹霞赤日心傷麗文簾清樽興  
不空

酬文丈徵仲寄題草堂之作

周南流落萍無成獨抱枯魚愧此生白日縱酣  
遺暑濕碧天高嘯盪雲行蒼蒼苔竹逃中散片  
片飛花病馬卿在沐瑤篇相問訊草堂驚起夜  
光明

陳氏遐矚樓作

連山大壑赴吳門高閣臨衝紫翠屯河鵲南飛



斜北斗天雞宵舞動朝暾萬家城郭朱甍迥千里風烟碧甸昏愧我難登徐孺榻却來時倒五公樽

暑憶故山

炎蒸三伏醉龍鍾湖上青天夢雪峰絕壁上千雲恣吐古巖中洞浪交淙千林昔日藏修竹萬壑披衣倒碧松偏袒科頭時大叫狂來真欲躡飛龍

紅蓮

紅蓮綠水色相鮮承露金莖婀娜邊霧氣半籠

不雅集六

八

香冉冉日華初傍意娟娟衆中特立分明見掌上陽狂太劇妍却憶驪山行樂秘金鋪玉甃瀉溫泉

雨

七月七日雷雨作三江五湖龍出門機石焚焚天漢湧白榆黯黯畫簾昏清商應律乍蕭灑暑氣蒸雲俄吐吞閣道流虹尋掃霽雙旗中夜度天孫

夢銷夏灣

萬山迴合太湖心玉鏡沉沉天地深鸞鶴難馴

雲壑性蛟龍時動海門吟咸池滉漾扶桑影絕壁冥濛楓樹林千里峭帆驚掣電夢中親指巨鰲簪

懷顧台州華玉

朝天旌旆隔年行迢遞經秋旅鳳城幕府簪纓瞻使節諸侯玉帛後王正龍文五色雲虛遠虎旅千屯月正明賈誼憂勤心獨切庾山蕭瑟賦須成

石湖作

勾吳山水秀西南雲白天青萬嶺含峭壁搏風

不雅集六

九

時捲浪中流湧日恣成嵐金支翠節虛無見貝闕銀宮縹緲參漾漾乾坤祇自役草堂長枕百花潭

楞伽精舍話子重

精舍橫開千竹林翠微隱瞰石湖陰隔窓雲霧窺青壁入戶山泉寫玉琴向秀真爲攀鳳侶孔明聊作臥龍吟草衣木食吾從事江海眞冥遲暮心

辱蔡師寄詩悠然有懷

高才落落動雲霄采薇食芝臥聖朝玄草萬言

林屋闕少微中夜洞湖擣凌風散落鸞皇引度  
海虛瞻烏鵲橋解道東山足雲霧肯安石狎  
漁樵

伏軾

伏軾長途日月驚雲閑水落澹秋清數聲悲角  
凌霄語百丈浮槎犯海行金馬銅駝甘臥病山  
雞野鶴解藏名一杯已足鷄中散五嶽終期尚  
子平

夜飲袁二尚之

檢書燒燭成高宴奪雉呼盧縱酒狂江左英雄  
木雅集六

還蹭蹬天南星斗鬱低昂彈歌易下清秋淚燕  
寢初凝午夜香萬事無端渾得醉側身天地更  
茫茫

子重久不相過奉簡一首

原生當日翳蒿萊端木親曾結駟來總道難淹  
佳客座不妨頻喚隔林杯塞門霜霰迴鴻鵠天  
下風塵暗虎豺扣角狂歌徒自苦百年襟袍向  
誰開

寄鄭博士于漢

冰雪峻嶒把臂時銅盤吐日夜何其銜杯每恨

當年別伏櫪長懷國士知羸馬敝車遭訪怒巨  
川喬嶽見襟期漢庭閒却尚書履滄海蕭蕭兩  
髭絲

石湖

石湖秀色那可柰蛾眉掃鏡丹青開飛浪九天  
蹴牛渚落霞千里臨高臺吳王醉臥不復曉西  
施東去何時來當杯未足轉愁夕霜露沾衣鴻  
鵠哀

蔡師西山草堂

震澤波濤天地迴百花潭水草堂開只同康樂  
木雅集六

披雲臥時許侯色問字來南極客星浮禹穴中  
宵海日見徂徠山林鍾鼎渾何礙白石長歌空  
自哀

夜酌與諸公

湖海茫茫雲外迹乾坤落落夢中身浮沉愴世  
更懷古出處驚心森會神杜曲委蛇草玄客山  
陽酣嘯竹林人百年吾道同盟在達曙狂歌應  
自真

林屋道中

海嶠雲霞虛翠屏闌風吹袂采真行壺中樓閣

天齊動石上瑤華冬自榮遂有浮丘來馭鶴似  
聞子晉解吹笙金庭玉柱千年閱日月嶢嶢愧  
此生

摩中覽古

帝子樓船天上來渚宮懸殿海中迴山河錦繡  
千年觀歌舞風塵萬壑哀澤國魚龍吟落日荆  
蠻雲物悵登臺茫茫今古渾無賴直北長安首  
重回

縹緲絕頂

絕頂親攀日月行五湖如帶自迴縈山川歷歷

木雅集卷六

三

分南服今古茫茫混太清萬里風烟臨海嶠百  
年身世悵浮萍未驂鸞鶴雲車遠尤坐松杉濁  
酒傾

月夜寄城中諸友

白沙翠竹淨江村草閣虛無對海門絕壁金波  
湖上下中天珠斗浪崩奔蛟龍隱見林光動島  
嶼沉浮水氣吞忽憶高陽諸酒伴劇憐風月限  
清尊

玄秀樓雨坐

空濛樓閣淨仙居風雨冥冥翳太虛浪鼓雷龍

時叫嘯氣蒸山澤恣吹噓茫茫帆色渾無際片  
片鷗羣迥自如曲檻疎簾雲霧裏夾旬高臥散  
琴書

辛巳書事七首

若庸碣石控胡門玉几由來比極尊閣道逶迤  
經海岱天河隱見出崑崙斗間遂識三階列日  
下從知九軌奔奠鼎卜郊非浪事萬年圭鬯保  
文孫

其二

泰陵松栢五雲高再見姮娥握赤刀南斗龍文

木雅集卷六

三

占王氣中原馳道擁旌旄委裘不亂遺謨遠磐  
石相維諦構牢弘治名臣天愬在元功應數舊  
蕭曹

其三

龜食庚庚夏啓光龍顏日角映扶桑九朝琬  
琰陳東序萬國山河履職方總道翔麟傳寶錄  
卽看天馬度銀潢軒虞落落洪鈞轉矯首滄溟  
望八荒

其四

漢水東流夢澤開雲蒸龍變劃爭迴襄城七聖

翔空下少室三花拂駕來河伯寶圖森地軸上  
金玉冊自中台千秋萬歲應思沛帳飲歌風擬  
築臺

其五

明光甲仗下金雞中使星輶降紫泥三殿絲綸  
垂象麗九霄日月覆盆低雲扶寶鼎黃風穆天  
遶璣衡舜政齊更喜求賢溫語切龍光長指釣  
璜溪

其六

內侍傳宣總插貂虎賁絲絡迺乘輶爾曹肉食

大雅集六

四一

終無賴天下軍輪半已凋朔雪炎風歸紫極銅  
駝金馬鬱青霄萬年曆服超三五努力夔龍翊  
帝堯

其七

曉仗彤雲拂羽旗大行重引漢官儀紫衣簪筆  
鉤陳肅白虎譚經刻漏遲卽喜春王傳正朔似  
聞天樂奏咸池南星錯落江沱遠北斗瞻依藿  
食私

答文二丈徵仲見寄之作

偏側乾坤只蟻封短衣觸熱日憧憧山林掃迹

虛雲氣河朔藏真元酒容顧我遲迴甘尺蠖卽  
今高臥有人龍踈簾玉簾開臺素瀑水懸崖夢  
雪峰

山中荅子重見贈之作

土木形骸時所賤山川襟抱獨須開卽看冰雪  
溶溶瀉已覺鶯花逐逐來海內風塵頻縱酒天  
涯兄弟幾登臺高陽失侶勞相問谷口揮鋤且  
未迴

黃葵

雲白天青秋可憐黃葵弄色尤相鮮楚妃結束

大雅集六

三一

迴殊舉姑射逢迎疑是仙承露金莖餐沆瀣凌  
風玉袖闢嬋娟蕭疎獨映揚雄座物色年華解  
入玄

七言律詩二

嘉靖稿

夜燕石湖草堂

風竹泠泠虛草堂春星歷歷淨琴張冥棲自許  
專丘壑痛飲寧辭典鶻鶻歌曲玲瓏花鳥恨舞  
衣颯香薜蘿長十年獻賦頭蓬葆明發天台度  
石梁

山居

山鳥羣飛多好音蒼苔白石淨中林前峰麋鹿  
窺人過半壁藤蘿礙日陰萬里冥冥黃鸝羽百  
年落落紫芝心未論戰勝違朝市遮莫狂歌任  
陸沉

楞伽山樓

山樓朝日盪雲胸坐見桃花映遠峰黃鳥弄音  
晴靄靄碧天生媚水溶溶齊梁殿閣丹青古吳  
粵山河錦繡重謾說平生飛動意十年空聽上  
方鐘

春半

南山吐氣朝氤氲萬樹桃花和白雲紫空蛺蝶  
已無數穿葉流鶯凡幾羣獨客琴中哀鶴操野  
人衣上采霞文天涯兄弟勞相憶春半音書什  
未聞

竹

愛汝南牆竹千挺碧巖高下風琤琤羣飛好鳥  
似人語一片春湖如掌平蒼苔濁酒已忘世落  
花遊絲空攪情猖狂頗慕蘇門嘯踞石時為鸞  
鳳鳴

清明日寄家兄涵峰

清明野寺春風顛忽憶曲江花滿烟燕雲朔雪  
音書外與女吳兒蹴踘邊捧日長瞻天北極荷  
鋤新上壤西偏五陵豪俠如相問豐草長林只  
醉眠

夜話金元賓楊子任吳祈父

月白山青花夜明斗斜人語鵲枝驚虛空不住  
雲霞思落魄相期江海情萬里驍騰祗自笑百  
年潦倒向誰傾他時儻憶山陽社為問窮途阮  
步兵

郊臺

酒酣更上吳王臺却憶霓旌萬騎來閨世浮雲  
千古盡麗天春色五湖開平原細草游麋鹿落  
日陰風嘯虎豺跋扈飛揚總黃土當筵須罄掌  
中杯

暮雨登上方

昏黑馮陵到上頭諸天風雨颯高秋千峰楚粵  
微茫見百瀆東南浩蕩流寓世形骸須縱酒盪  
胸雲霧幾登樓端居不為明時恥浪迹將騎黃  
鵠游

雨

紫薇村邊暮雨急茶磨嶺上春雷行湖中風浪  
忽驚慘天畔花柳獨分明當門銀杏總舒葉隔  
竹班雞時雉鳴忽憶王孫遙萬里山中蘿薜解  
含情

送袁斯正游茅山

句容削出三茅峰上有三仙騎玉龍華陽洞口  
瑤華滿貞白祠前春草濃石壁烟霞迎海日天  
人笙鶴下雲松憐余爲采千年藥與子相攜九  
節筇

憶金陵寺游卻寄劉中丞元端

孔雀壇高落日黃鳳皇臺迥萬山蒼漢家城闕  
天中起法界雲霞海外翔紅樓石院調仙樂碧  
澗秋花禮道場却羨中丞投笏去欲將彫朽附  
慈航

寄王侍御敬止侍御吳人產于燕嘗使

朝鮮賜麟服後以直道謫岢州今老于

吳

宮袍錯落紫麒麟曾是先皇法從臣海外文  
章傳諫草天南魍魎識星辰荆蠻流寓真吾土  
燕趙悲歌見古人綠水名園春更好挈壺花下

件垂綸

寄徐錦衣君叙

今代麟臺誰第一中山王業照乾坤小宗尚覺  
貂蟬貴巨室從知德義尊翠竹碧梧光戚里回  
琴點瑟奏朱門腸斷雞山玄學社萋萋春草憶  
王孫

曉

日高風細林中眠乳燕班鳩鳴半天傷春老去  
怯花鳥痛飲朝來中聖賢流水高山心不競白  
雲飛絮夢相牽當門柳色青無賴誰爲淵明乞

酒錢

送郡伯胡公入朝二首

朱旂玉節朝元會金馬銅龍侍從年天上五雲  
新日月禁中三島舊神仙風塵荏苒周南滯郡  
邑謳歌洛下傳出入兩朝今仲甫中興九葉在  
周宣

其二

兩岸旌旗東海頭中流簫鼓使君舟手持絳節  
朝天子腰佩銅符夾帝州御柳欲迷鸚鵡觀  
宮花應繞鳳皇樓先朝侍從皆伊傅況復

今王夢寐求

寄題袁邦正白蓮草堂

白蓮草堂涇水頭出郭况有林塘幽西山爽氣  
足遐眺虎阜流雲堪臥游錦軸牙籤春燦爛青  
藜玄草夜精修江湖已識風雲器壁上龍光看  
佩鈎

山堂

過雨山堂蒸翠雲四簷簾竹鳥聲聞青天不動  
峰文坼錦石相鮮澗道分流水桃花真隔世草  
衣木食自為羣籠鷺爲帖關幽興却憶風流晉

不雅集六

十一

右軍

飲顧貞叔

看竹時過顧辟疆玉盤冰盃出華堂呼盧當識  
江東俊脫帽寧嫌草聖狂列嶂谿山雲朶朶四  
筵歌舞月蒼蒼山公自信能騎馬不道城南歸  
路長

溪上

白鳥青谿蘆葦林日光雲氣晝陰陰江湖已得  
儵魚樂霄漢空懸鴻鵠心結髮入山非慢世放  
歌沿瀨有遺音吳官越館皆灰劫漁子樵夫自

古今

夏日草堂撤去窓戶肆設簾几清風洞  
越藤竹交蔭悠然有得作

錦石踈花暑氣清翠巖丹壑夏雲生已添海燕  
梁間語直看湖帆鏡裏行四壁驚風弦索響千  
林修竹簾紋明令人却憶王車騎更覺西山爽  
氣橫

諸友夜燕山亭達曉

白鶴青巖秉燭游石湖星斗映天流多才潦倒  
如河朔此夕山川即庾樓殿閣鍾鳴蒼靄散海

不雅集六

十一

門日躍赤光浮栖栖寧戚何爲者長夜哀歌獨  
飯牛

橫山下種瓜作

山田磬確苦多沙學種東陵五色瓜激澗卽看  
穿石竹插籬偏自愛藤花囊中未得餐霞法谿  
上時畱泛海槎長日輟耕無一事只須牛角挂  
南華

伐竹

空山伐竹聲丁丁恰有黃鸝相和鳴前峰雲起  
思俱逸滿座風生身欲輕支遁買山非達隱李



嘖耽酒不須名平生浪迹思江漢欲作天台避  
暑行

端陽過錢二孔周

爲愛堂前嘉樹林脩然如坐翠微陰閉門丘壑  
堪忘世觸目禽魚總會心縱酒尚憐豪士態擊  
壺休詠白頭吟榴花艾葉催時序甲子泥塗已  
陸沉

還山作

臥病擁塞夫差城却如野鹿縻長纓荷花菱葉  
已秋色白鷺青山非世情竹裏僧廚蒼耳飯江

不雅集六

廿一

東客思紫葢義葛巾不蔽蕭蕭髮高臥長懷漉  
酒生

岳公房古藤石壁清陰可憇

石壁橫開蒼玉屏古藤蟠曲似龍形林篁背日  
寒蕭颯洞壑興雲晝香冥采葛時聞歌隱隱枕  
流長愛耳冷冷支離不願論鍾鼎白日山中煮  
茯苓

立秋

黃竹白雲淒已秋中天大火欲西流著書自信  
山林拙耽酒都忘日月遒鵬鵠翻騰荆楚闊魚

龍漫澗洞湖浮清風似減文園渴荷策將期廬  
霍遊

題元賓書齋

書齋白日有雲氣臥看參天雙杏林布衾陶器  
甘鼎食流水高山鏘玉音簷下鹿麋時寓宿洞  
中鸞鶴幾招尋西鄰濁酒荷鋤倦與汝磨歌梁  
甫吟

胡夜

水月蒼蒼相蕩摩四天風起碎星河往來直欲  
吞雲夢老去寧辭著菱荷綠酒藏真時嘯傲青

不雅集六

廿三

山作伴夜行歌金輿玉座千年事腸斷吳江東  
逝波

晚

翠竹紅霞霽景鮮週天日月見雙懸解衣盤礴  
龍鱗石露頂蕭疎玉屑泉多病馬卿真慢世長  
齋蘇晉欲逃禪江湖何處無魚稻休問唐生躍  
馬年

得維揚朱大參升之暨其弟振之子子

价書賦寄

鄴中父子總超傑謝家兄弟尤翩躚德星一族

射淮水琅玕幾對生藍田鏗錡恰中清廟瑟博  
雅宜抽金匱編鵠雛鸞驚當江海我輩且泛鷗  
夷船

甲申七夕予任携酒賞蓮迄今丙戌三  
七夕矣予任臥病獨坐花下悵然有感  
而賦是詩

憶昔秋携花下樽草堂白晝雨翻盆多情却臥  
維摩榻國色猶誇處士村三伏炎蒸稀見面百  
年離合幾消寬雄飛雌伏須臾事擊劍悲歌強  
自吞

大雅集卷六  
送顧介臣入南雍

雞山下瞰玄武湖碧水如玉流金鋪彤宮紺殿  
日月麗冊府儒林江海紆綏子飛騰鵬鷲急嗟  
余淩落蛇龍俱圖南萬里望努力入關便棄終  
生繻

和文待詔懷昭慶寺之作

明光起草五雲邊猶憶同參雪寶禪花雨石牀  
聽說法竹林茶鼎愛談玄拂衣未許還廬社飛  
夢時能墮輞川借問玉皇香案吏何如兜率  
鍊形仙

七月

七月流火雲英英渚青沙白湖水明炎氛掃蕩  
日月朗風物蕭疎天地清萬里飛鴻時目送一  
杯鰕菜足生平秋山木落見東海若個從余攀  
赤城

雨

秋堂雨坐竹千林空谷琤琤哀玉音宿霧簾櫳  
圍合香吐雲山壁映蕭森花枝沾濕鶯交坐水  
國蒼茫龍或吟咄咄書空無限意潘郎今已二  
毛侵

山中

西山木落秋已分千峰萬峰新霽文望中澹澹  
入無色空外冷冷如有聞白羽低翻碧湖水蒼  
松靜度青天雲茹芝采薇有高士擊節長謠鸞  
鶴羣

登吳山作

叢篁古檜陰凄凄斗然一道青雲梯太湖杯傾  
兩山小一水線曲千峰齊林端風色怯虎豹石  
上泉聲逢鹿麝誅茅絕壁吾有意耶與山翁時  
祝雞

題山人家

山人抱甕石湖陰苦竹藤花密作林顧汝真成  
麋鹿性令余消盡市朝心遶門流水禽魚得入  
座東山巖壑深漸喜浣花成近局短衣高笠自  
浮沉

病起還山諸友崇酒相慰

閑雲飛鳥一身輕却笑嵇康論養生累月竹林  
踈酒伴新秋石壁尚流鶯廬山結屋狂司馬江  
左逃名醉步兵寄跡乾坤何足問玉杯銀盞爲  
君傾

不雅集六

共

諸友攜酒饌過越溪

子雲宅邊時載酒杜老墻頭多濁醪風流迥集  
高陽侶衰颯慚非北海豪病起漫扶蒼竹杖醉  
中相把白雲袍柴門不斷青山屏好看千岬秋  
氣高

衡山內翰許舫過越溪奉問一首

焚魚學士往不返掖垣空瑣梧桐陰青簾白舫  
蕩秋色菱葉荷花懷好音今日碧山真不負何  
時丹壑辱相尋荷鋤自理蔣生徑高樹嚶嚶黃  
鳥吟

夏日錢二孔周瑛上人過集

丈人晚就招提隱支遁還參名士流訪我桃花  
崑下客攀翻天鏡閣中遊檀林風細琅玕簾雪  
片冰敲白石甌鶴蓋軒車還自熱科頭箕踞乃  
吾儔

三伏懷家兄作

三伏炎蒸醉如酒十尺荷花高可憐火雲射日  
轉相亢翠壁含風時灑然多病不堪河朔飲沈  
冥還憶竹林顛征西旌節翩翩遠腸斷中原羽  
檄傳

不雅集六

共

雨

高山吐雲雷出門翻却玉女洗頭盆草堂颯爽  
動秋色病客穩臥忘朝飧歛歛溪迴五柳拂蒼  
蒼峰暗九龍蹲蕭條兄弟拋天末空對芙蓉悵  
酒尊

晝寢

青山索居堪永世白日高臥久公羊百年將半  
未聞道一壑幽栖真葆光鱣章長林獸爭挺清  
谿錦石魚相忘秋高肺病可消減還卜振衣千  
仞岡

蔣大參子雲文內翰徵仲王祠部直夫

過訪山中作

空山臥病披白雲荆扉忽集鸞皇羣  
客星炯炯在河渚傲吏翩翩遺世氛  
落日風清玄谷籟平湖雨濯繡峰文  
野人惟有東林月今夜清光分贈君

諸友携菊載酒至

菊花滿叢酒滿觴嘉賓弈弈森琳琅  
蒼松白雲秀絕壁玉鳬金雁喧迴塘  
自疑豪宕類北海轉覺村野如柴桑  
齊觀大小總天地且與斤鷄相

翺翔

袁子尚之文子壽承毛子九疇過飲作

高秋爽氣風霞新青山入座開嶙峋  
虛舟川上本無繫濁酒林中還自真  
百尺垂楊停燕舫一羣啼鳥響嘉賓  
諸公自是烟霄侶肯憶支離江海人

臥病書事懷左給事中家兄履約時監

軍關西

江湖病客遙可憐碧篠紅渠相映鮮  
長卿偃仰薄官秋陶令清狂無酒錢  
未見高禰祠五柝似

聞烽火達甘泉繡衣使者銜龍勅日暮關山何處邊

簡袁五永之

翠壁冥濛日吐雲湖中雨色未全分  
清時自覺山林逸野性偏於鷗鷺羣  
小艇迴谿期泛鶴夕陽高柳遲論文  
衰容已謝當年子他日同飯滄海君

雨後泛湖過楞伽寺

湖上羣峰環翠屏雨餘泉壑杳瓏璫  
鷗鳬故傍山人艇江漢誰占處士星  
野寺松杉叢古殿竹

林風日淨虛廳空山自結荷衣侶石榻來繙貝葉經

閑居

迭舍扶疎千樹林古堂鶯語畫沈沈  
山童佐舞調雙鶴病客閒居戲五禽  
阮籍猖狂鸞禮法仲長樂志薄朝簪  
馮高更覺青冥遠弋者徒聞黃鵠音

席上贈天池山人陸采

天池山人氣宕奇擊筑同酣湖水湄  
紫髯灑灑飲無算白眼茫茫知是誰  
門對西山霞日爛坐

臨秋登澗花垂呼鷹走馬長千里却憶狂遊白  
下時

立秋日病起作

病客朝來梳葛巾柴門今日秋風新  
英雲采白於雪靄靄山光青近人  
靜列圖書千挺竹老甘溪澗一杯  
葦遠期拂袖名山去玉洞金堂寄  
此身

宗伯昭過訪作

盛世徒嗟麟在野空山喜見鳥求聲  
嚴平總棄人間世郭泰終懸海內名  
石壁寒雲蒼栝秀霜

大雅集六

三十一

林落木紫芝榮相看歲晚堪攜手轉見江湖浩  
蕩情

山中答顧中丞華玉見寄之作

湖上秋風吹錦林丹青巖壑迴蕭森鏡中魚鳥  
忘機久象外雲霞觸思深濁酒蒼苔願嬾性高  
山流水愧知音清時投笏誰能侶贈爾冥鴻萬  
里心

秋日

木落風高征鴈羣渚青沙碧石湖濱山堂颯爽  
翻黃菊石磴巉巖掃白雲賈卜君平非辟世閉

門玄晏實耽文深林絕壑高眠穩不道雞聲中  
夜聞

尚之過飲菊下有作奉同一首

菊花爛熳開滿堂白雲翠壁搖秋光管寧榻靜  
坐終日陶令籬踈時一觴野鶴向人紛自舞浴  
鷗喧渚澹相忘老農饌客唯麤糲祗賞南山萬  
壘蒼

壬辰歲至日諸友過飲作

柴門病起逢陽生雲晶日采搖虛明桃花蒸暖  
劇欲吐楊柳籠烟殊有情看竹已應憐子敬當

大雅集六

三十一

延總復似公榮越溪春色渾翻動次第風光把  
盞迎

九日衡山內翰燕集溪堂有懷酒峰伯

氏

十日風雨今日晴秋湖倒映千峰明溪堂烟烟  
德星見嵯壁冥冥嵐翠生風花節序轉姿媚人  
物山川稀合并手把萸杯獨惆悵天涯鴻鴈想  
南征

劉司空南坦自呂山遠寄松英藥餌

當朝曾插侍中貂步履星辰上紫霄忽憶故山

還拂袖閒臨流水臥吹簫坦林晝雪圍松蓋并  
壑春陰長藥苗寄我遠從丹洞口報君惟有白  
雲謠

雅宜山人集卷六

大雅集六  
三



雅宜山人集卷七

明吳郡王

五言排律一

正德稿

虎丘東溪漾舟

獻策未能遂春山數展遊兩行花對發一鏡水  
平流似得桃源去何慚刻曲幽高枝懸幕下落  
翠把盃浮擁棹波紋亂迎檣燕語稠雲光披石  
磴霽色滿汀洲山簡何辭酒知章况有舟機心  
吾已矣舞袖拂沙鷗

石湖作

大雅集七

自得名川勝沿洄殊未窮秋高千嶺出地闊五  
湖空古堞雲橫雉縣梁影卧虹樓船催畫鼓野  
寺落丹楓綺席波光蕩紗牕霧氣通山人何惜  
晚歸路使樵風

五言排律二

嘉靖稿

文二丈內翰過山莊作

蔣逕薜蘿合仲園山水園憐君棄金馬數為訪  
荷衣酌醴枯魚饌調羹菰米肥溪溪水華爭嶺  
嶺秋霞飛林茂鳥聲樂山空人事違靜知觀槿  
暇歌識采菱歸密篠盈丹壑高花落翠微相招

桂樹隱共息漢陰機身世杯中物生涯湖上磯  
洋洋泌之曲客去掩荆扉

山居即事

靜鍊齋心後焚香清燕餘鮮雲常抱石垂楊半  
拂渠蘿壁夏陰合槿園秋氣初巖花枕上落山  
翠鏡中舒余秉棲霞性賴茲脩竹居人如叔夜  
懶道奉老聃虛室有盈觴酒門無結駟車石壁  
莓苔古金塘茵茵踈瑤琴山水奏竹簡鳥魚書  
陸生卜好時陶令愛吾廬庭擾冲霄鶴溪翻樂  
藻魚不鳴還學鴈全生本類樗已矣衡茅下眷

言終荷鋤

不雅集卷七

三

新秋夜坐

流螢乍拂棟明河初亘天空山今夜坐秋思獨  
娟娟衆壑流清響千林迷白煙草蟲喧石壁海  
鶴唳芝田默默撫玄化潺潺聞暗泉朱華行已  
矣金氣肅無邊久卧馬卿疾彌催潘令年浩蕩  
風塵裏蹉跎江海前黃金臺縹緲白壁涕潸潸  
已謝先容木徒贈繞朝鞭生平紫芝戀果協青  
山綠明發懷禽尚臨風意慨然

遊覽與二三子作

芳挹北山桂飢茹南澗芝悠悠二三子空谷白  
雲期爭業青蓮宇澄懷秋水陂閒來展玉冊興  
至引藤屨自取山人適而將玄化窺朝隨野驪  
出暮與落霞之龍性誰能擾鷗機本不疑形骸  
元土木悔吝延磷緇是節方流火涼颼清我肌  
露華盈北渚月采耀前墀松作笙簫聽川將縞  
練披酣歌似河朔清燕類南皮若問窮通理蒙  
莊吾所師

山居簡湯二子重

山空更秋雨人嬾復懷痾悵矣采芝暮悠然伐

不雅集卷七

三

木歌鏡窺潘鬢改室暗范塵多哀響踈櫺度殘  
鐘夕靄和峰當蘿戶列泉繞薜堂過倚樹調玄  
鶴臨流弄白鵝崩橙橫斷岬急溜瀉圓波林芳  
坐銷歇歲晚將如何

酬張子言寄遊西山之作兼呈王子美

朱子价

茲山拱帝州聞爾麗春遊北枕居庸塞東馳遼  
水流金屏障魏闕玉壘壯神丘海日呈仙掌霞  
天映石樓龍輿曾此駐鳳吹至今留香刹千巖  
起珠林萬壑稠懸泉飛噴玉空樂亂鳴球紅憇



桃花磴青依蘭葉洲九仙芝蓋集三日羽觴浮  
夜宿星龕靜朝攀霧洞幽采真隨白鹿望氣識  
青牛寶思名山發瑤章下里酬羊何應共和私  
阮本同儔獨有南冠客年年滄海頭

曉

綠荷遙挺蓋紅蕉半卷書秋風二蕭瑟簷影散  
扶疎宿雨澄氛霽朝陽翔太虛人煙雜魚鳥山  
翠滿庭除碧委梧桐始紅催苗苗餘天心察羣  
卉貞性在幽居峰態隨霞變瀾光與日舒莫將  
憔悴色貽笑楚江漁

雨後

林園過雨後澗壑淙淙靜院霞光落虛簷翠  
影還夕陽時漏竹秋聲併在山銀塘荷葉晚錦  
石蘚花斑壁挂秋琴冷人同野鶴閒傍崖流石  
乳臨水秀松顏只此自怡悅那知人代間

七夕與朱子日宣正上人

河橫見機石月靜敞針樓山人不乞巧風物自  
觴秋哀響激林壑蕭氣警衣裘婉變色子集清  
淨野僧留湖練光初動煙綃撲未收停卮聽鶴  
唳褰幌看螢流有客歌商頌聲如金石道

五言絕句

嘉靖稿

秋夕四首

秋風日夜清房櫳有佳色悠然策窓下落落羣  
松直

其二

山月照石壁爛熳舒金波颼颼梧桐委孤鳳其  
如何

其三

白露警秋鶴哀音中夜聞瑤琴爲掩奏飛響入  
青雲

其四

巖扃夜犬吠寥寥人境空羣動皆已息孤嘯深  
山中

山中折杏花寄元賓

山中杏花開上有黃鸝語折寄同心人相思渺  
何處

堯峯十二咏

半峯亭

孤亭倚翠微青青四山抱期與鹿皮翁石上餐  
瑤草

清暉軒

康樂戀清暉徘徊碧霞裏而我愛名山學道終已矣

碧玉沼

山中百道澗噴薄落金池倒見芙蓉碧洋洋堪療飢

觀音巖

攀厓采石髓躡磴訪金仙壑壑香花滿祗疑堦率天

白龍洞

不雅集七

本十

白龍卧巖洞霧雨長冥冥或化白衣老空山來聽經

多景巖

群峰翔龍鳳效奇多景巖道人勞應接長日倚風杉

寶雲井

月照前山寒夜半吸深井鏘然古銅瓶投盡千尋綆

偃蓋松

蒼松偃巖皆屈曲如蟠龍有時風雨來天上聞

笙鏞

鐵塔

鐵塔翔雲表飛從海上來瓊瓏七寶碎面面毫光開

妙高峯

獨立峰之巔群山伏在下遨遊青天中雲螭爲我駕

東齋

旭日散高齋離離檀樾影焚香對寶冊古院蒼苔靜

不雅集七

七

西隱

結菴西岩中落日丹霞爛群峯閣將夕紫翠交凌亂

六言絕句

嘉靖稿

楞伽之麓有堂三楹堂前有竹數百挺竹間有泉余與諸友所遊憩而藉以遺世者也掌之者僧方正遂謂之曰古泉上人余倡爲短歌二章諸友和歌之云耳

我輩慚非玄度羨君不減支林古木脩篁道院

清泉白石禪心

其二

清夜泠泠琴筑春風片片桃花洗耳直超千古  
臨流共演三車

七言絕句一

正德稿

春盡二首

榮華夢想今何在江海飄零未有涯可惜少年  
留不得東風二十五迴花

其二

花枝酒盞獨無因兀坐騰騰過九旬百歲韶華

木雅集七

本

金不換若爲狼籍此番春

詠馬三首

支公櫪上憐神俊漢武關西產渥洼笑我騰驤  
何處用齊雲樓下醉穿花

其二

紫勒紅纓雪色毛可憐驕態點頭高能窺新月  
藏朱閣慣惹花枝骨白袍

其三

春色平臨雪際開山河如錦馬頭迴垂鞭杜曲  
看花去下鐙臨卽黃酒來

送伍主事疇中

仙吏朝天畫鷁催石湖飛雨錦帆開謝安強爲  
蒼生出還繼東山酒伴來

宿龜山三首

海嘯湖傾天日黃片帆指落龜山陽長年三老  
遙相問公無渡河且徜徉

其二

淇淇長江楓樹林仙家遙住翠微陰舟中扣點  
屏風疊天上瓊瓏山水音

其三

木雅集七

本

浪打天門蹙百川風雲湧洞濤無邊未騎白鶴

三山去猶伴沙鷗一宿眠

歸途覽勝追懷遊事八首

雲飛玉立恣奇遊海上三山十二樓此日圖經  
窺禹穴他年雞犬卜丹丘

其二

十日窮懽辭碧山片帆輕拂五雲還桃花流水  
仙門曲回首重迷銷夏灣

其三

雲作樓臺石作蓮青天不動畫屏鮮棹歌一道

滄浪去指點虛無范蠡船

其四

一柱支撐高浪中丹房石室閼靈瓏即看天目  
雲間對更取峨眉雪嶺通

其五

千里萼羹縮項鱸黃甘朱橘不論錢舵樓把酒  
山川滿高嘯何如李郭仙

其六

東南流水蓄三吳浩蕩排空砥柱扶日月高懸  
騰寶氣山河長拱衛靈符

八雅集卷七

十一

其七

七十二峯森插天丹青畫出劇堪憐蛟龍伏窟  
湖如掌獨掛雲帆向日邊

其八

覽往未償山水志機心應愧孔鸞群食芝餌木  
他年計暗向空中禮白雲

七言絕句二

嘉靖稿

湖上八絕句

石湖春色太可憐却似美人明鏡前錦甸平鋪  
鴨綠水白雲飛動蔚藍天

其二

星橋北掛瀉春流映出黃山水面浮霞石天青  
飛練鵲桃花氣暖醉輕鷗

其三

春山面面翠屏開盡繞吳王百尺臺一代霸圖  
憐燼滅五湖流水恨東廻

其四

越來溪上柳千絲畫鼓游船晚更移一曲紫雲  
歌越女雙鬟白雪舞吳兒

其五

八雅集卷七

十一

三月暮春春服成含風疊雪越羅輕生憎乳燕  
撩春色轉遣飛花蕩酒情

其六

數松磊落千尺強恰如天際羣龍翔吟風嘯雨  
中琴瑟大澤深山藏棟梁

其七

登山臨水春將歸獨樹桃花猶未飛玩世繁華  
真歛忽後時顏色轉霏微

其八

古木朱藤踈着花淡雲斜日淨江沙黃金臺上

無推轂白石山中有歲華

題文待詔山中詩卷

康樂流傳臨海作一時文采魏羊何只今寓直  
金鑾裏還憶東山舊薜蘿

丙戌春寓楞伽精舍木芍花盛開忽雪霰

交集山僧折枝作供戲效白體賦二絕

山房昨夜杏花開惡霰狂霾橫妬來折取一枝  
禪榻畔紙屏聊當避風臺

其二

十載空門苦行深銷除不盡惜花心一枝傾國

渾無賴老衲狂來擊鉢吟

散步楞伽諸院口占短句

高下禪房依碧山花枝羃歷鳥間關風光處處  
能牽惹野鶴孤雲不記還

草堂新製紙屏燕坐悠然作

紙屏合沓白雲圍無數風花蹴燕飛縱有道書  
拋不讀北山長日閉玄扉

江上望海門雜歌五首

海門日出天蒼涼翠壁紅霞奇錦張羣仙夜飲  
西王母清曉雲中騎白羊

其二

手持金策振鈴鈴背插龍泉湛七星累月清齋  
餐翠栢數千文字寫黃庭

其三

帝里嵯峨鵲觀仙家偉元金銀臺九天光彩  
亂撞射五色雲霞時往來

其四

金山山下龍門開白日波濤萬里雷三老嘯風  
輕掣過天吳罔象劃爭迴

其五

鞭石仙人去不返青天欲渡愁無梁我今飽撥  
金光草耳後生風一日翔

八絕句

丙戌歲家兄復約釋褐南宮歡喜口號

彩帖泥金日下傳蓬門花柳闔雲煙十年破篋

長楊賦草褐宣呼玉座前

其二

高懸日月黃金榜對列星辰白虎宮即喜今王  
頻策士須知江海有孤忠

其三

北極長安迴北斗南天雲樹引南枝曲江風日  
渾如錦可遺池塘春草知

其四

天上五城十二樓龍翔豹變玉京游中興九葉  
重瞳主黃甲當朝第一流

其五

御柳春風想玉珂官袍新剪內家羅他時戲彩  
高堂上不數山人著芟荷

其六

騷耳驂騑天下奇十年伏櫪幾摧眉騰驤不美

木雅集卷七

十四

黃金勒要識龍駒千里姿

其七

平生自許赤心存謂帝真趨金馬門海日朝  
鳴南岳鳳天池春化北溟鯤

其八

磊落衣冠報主身酒壚風竹漫藏真古來麟閣  
嶢嶢客多是江湖翫麟人

送陳太僕德英歸省閩中四首

三千騏牝蹴天閑光射房星北斗間總道君王  
賜顏色特教洗沐武夷山

其二

武夷靈山天下聞曲曲峰巒生紫雲萬疊摩空  
將獻壽一星南極正垂文

其三

金魚象笏孔鸞袍卿月青天度嶺高孝子忠臣  
今疊見山林鍾鼎興蕭騷

其四

南歸應上越王臺繡壁金城一面開莫道浮雲  
能蔽日燕關紫氣正東來

庚寅歲九月廿六日寓治平寺高齋紀

木雅集卷七

十五

事

高齋盡日看雲生枕上平湖一片明二十年來  
長嘯客山中松栢解知名

新築越溪莊薛與忠過訪喜賦三絕句

復嶺重湖錦繡中翔龍舞鳳下虛空倚天一劍

風雲壯指掌全吳氣勢雄

其二

萬壑千巖當我門風流寧帶浣花村浴鳧飛鷺  
停書舫草服黃冠啜瓦盆

其三

桑者閑閑竹嶼深春風蠶月柳成陰黃鸝紫燕  
鳴相和此是雲山韶濩音

古泉新齋對丹楓作

紙窓斐几竹間房一樹丹楓倚夕陽  
啜盡茶甌猶不去野人偏自戀秋光

秋日過千上人山寮作

石菊菖蒲淨小寮跣趺相對篆烟消  
冥心久入空門侶不記人間有市朝

途中作

春盡官河春水生兩行垂柳欲藏鶯  
離家一月

大雅集卷七

上木一

腸千結解道梁園病馬卿

雅宜山人集卷七

雅宜山人集卷八

明吳郡王 寵 撰

七言絕句三

嘉靖稿

贈錢光祿元抑掛冠還山十首

春明門外玉河橋軒騎如龍半下朝  
總道群公餞光祿山林鐘鼎各逍遙

其二

太常曾奏數行書野鶴山雞只自如  
玉冊金章光使節赤墀青瑣夢蓬廬

其三

大雅集卷八

上

美殺漕湖即鏡湖桃花流水入虛無  
南歸不向君王乞元是滄浪舊釣徒

其四

芙蓉闕下解朝衣白石山中長薜薇  
借問季鷹思玉鱸何如方朔隱金扉

其五

漢主龍飛乘紫霓嚴生苦憶桐廬谿  
錦袍不易羊裘暖一壺應將千乘齊

其六

濁酒一杯琴一曲圖書千卷竹千竿  
江東自古



多高逸不見吳門梁伯鸞

其七

天下山川數會稽千巖萬壑使人迷黃冠勸賜  
雲霞主別有仙書降紫泥

其八

稜稜骨肉稱山林流水閒雲淨道心芝草琅玕  
能久壽洞天福地合投簪

其九

玄晏先生好著書懶心久與市朝疎君看黃鶴  
冥冥去肯羨群鴉腐鼠餘

其十

寵也江湖落魄生玄心時夢采真行何時共隱  
屏風疊騎二茆龍朝太清

虎丘送許仲貽

旗亭卮酒送君還去鳥流雲信宿間日暮銷魂  
此爲別望君重上虎丘山

偶題

飛花一片逐行雲三月韶華忍見君恨殺越來  
溪上柳萬絲難繫鳳皇群

送叅政可泉胡公五絕

東望海門多五雲牙樯錦纜日邊分仗鉞乃知  
牧伯貴賜袍新出孔鸞文

其二

虎符連鎮浙西東千里山河錦繡中漢代文宗  
讓司馬河南治行有吳公

其三

吳門車馬若雲屯看送關西胡使君曾是玉皇  
香案吏名山處處勒新文

其四

文采風流天下傳中流盡鵠仰神仙千篇詩草  
遺吳郡百里棠陰盡海壖

其五

五嶽七星瞻我公樞衣質難數越風百年志業  
官牆外千里雲霄涕淚中

桃源縣見桃花作

桃縣桃花千樹新西風惡浪大淮濱故園春色  
穠於錦腸斷天涯旅泊人

贈丹泉子二首

丹泉上與銀河通百道飛流元氣中復洞懸崖  
雷隱隱玉張瑤草雨濛濛

其二

大滌山人餐紫霞不須勾漏訪丹砂倚天翠壁  
猿垂飲噴壑銀濤鳥戲花

雪

姑射仙人衣鶴翎空山行雪思冷冷平沙歷亂  
開銀磧削壁欹崆掃玉屏

阻風清河寄日宣

誰解清河是濁河出門旬日倦風波越溪柳色  
重重翠憶汝臨流弄白鵝

憶山莊舊事作

不雅集卷八

素業湖邊十畝桑柔枝沃若競提筐黃鸝紫燕  
相將語應識山人舊草堂

寄元賓初父時二子館于陸墓

長蕩遙連齊女門春來花柳似雲屯羈人枕上  
江南路昨夜相逢陸墓邨

清明

湖上千家插柳枝清明風日落花時鞦韆蹴鞠  
無情緒禪榻茶烟有髻絲

寄題袁尚之齋中合歡葵

舞衫疊翠雙迴影宮額塗黃兩闌新寂寞揚雄

玄草室合歡花笑獨眠人

歲暮

青山釀雪長陰陰歲暮蕭條樓北林朱門獸火  
炙天熱不動袁生高臥心

夜

空山欲雪夜燈孤敗絮蒙頭擁竹爐斗室團圞  
翻耳熱不知窓外有重湖

月

娟娟霜月夜寒侵宿茶澄湖入望深白笑山中  
雲卧客一床林影類棲禽

不雅集卷八

五

越溪莊作

翠竹黃花湖上村西風喬木撼柴門誰人解識  
支離子草屨牛衣自牧豚

雞鳴山夜聞笛寄日宣

雙笛飄飄入紫雲空山哀調不堪聞可憐明月  
人千里摘得梅花特寄君

歲首諸子燕集

歲首江湖雪霰來柴門野客物華催相過莫厭  
杯千匝此是春風第一迴

初夏

夏木沉沉綠蔭濃後峰鶯語應前峰石林曲几  
閒調息消盡浮雲意萬重

夜

山腰小閣夜焚香烟滿平林月滿床十里春湖  
明滅外竹枝歌散一天長

新茶

吉日分蜂穀雨晴乳茶芽筴試新烹五侯甲第  
誇鬪鼎不識人間有大羹

三月十三日晚霽與日宣偕上人循吳

山麓徐行看杏花作

不雅集六

六

漠漠春陰睡思慵興來扶策過前峰日斜更倚  
風篁磴試望誰家花正濃

其二

宿雨初收麗晚霞江煙澹澹薄籠紗山家翠壁  
圍春色野客敲門看杏花

雨

南園踈雨看移橙石逕蒼苔舞鶴迎一片笙簫  
聽漸遠畫船歸盡晚川平

上巳

錦繡山河碧玉天傾城士女簇花鈿年年祓禊

春湖曲解道江南樂土偏

雨過

軒窗雨過綠交加山鵲羣飛噪晚霞爛熳一番  
春夢覺東風時掃日南花

弁公房看牡丹

水瓶香鼎畫垂簾一樹名花繡佛前不似洛陽  
姚魏色太清宮裏玉華仙

還山

十日春城醉牡丹酒痕狼籍舞衣殘今朝還入  
空門侶白拂徐揮講涅槃

不雅集六

七

同王子美湖上看月二首

百尺星橋卧綵虹青天飛鏡水涵空憑君看盡  
人間月誰似湖山枕簟中

其二

酒榼茶鐺步步隨春江花月夜何其故人明日  
京華去任說山公倒接羅

鶴窩

紅杏花東理鶴窩短牆疎竇護雲蘿百年丘壑  
應憐汝萬里煙霄可奈何

晴

山齋晴日煖蜂遊攢地飛花點點愁隔塢緋  
驚一簇却疑春在水西頭

春夜醉卧偈公房口號

酒後參禪最上乘空山獨夜思騰騰分明記得  
前生事曾是楞伽寺裏僧

越溪莊十絕句

湖上堂開桑竹林山人日坐翠巖陰百年落落  
皇王事一壺冥冥遲暮心

其二

山水迴環隱者栖丹青畫出越來谿千重柳色

六雅集八

八

鶯難見夾岸桃花客到迷

其三

勾吳名山如錦屏百里合沓迴青冥龍翔鳳跼  
盡奇態日夕嵐光朝戶庭

其四

星橋南挂象天河春水桃花湧漫波一曲漁歌  
江海調不知清廟有雲和

其五

翠栢丹楓參政祠衣冠賓從想當時唯餘天鏡  
樓中月還與山人照酒卮

其六

古丘盤屈臥龍長何似藍田華子崗落日登臨  
一長嘯却驚空谷有鸞皇

其七

吳臺越壘屹相參錦繡山河幾戰酣千古霸圖  
狐兔穴野人長弄百花潭

其八

草堂正面湖之陽白日千帆明鏡翔丹崖繡壁  
芙蓉坼錦浪文鴛杜若香

其九

六雅集八

九

茶磨楞伽倚翠微雨花長共白鷗飛東林為設  
淵明酒狂客時過舞衲衣

其十

越王城邊高柳陰中有幽人涵道襟酒杯書卷  
林間樂煮石餐霞塵外心

冬日二首

列岫盈窓紫翠屯孤烟時起灤西村日長幽鳥  
如琴筑院院松蘿靜掩門

其二

媚眼風光恰似春白沙黃秋水粼粼軒窓遍啓

拋書坐鸞鶴襟期土木人

臘月二十四夜觀野燒二首

山頭野燒似星攢贏得兒童動地歡歲暮風烟  
江海思越城橋畔一憑欄

其二

千冢然火照田蠶翠壁丹厓燭影含旋喜春風  
催節序不知身世老江潭

昨與袁與之談荷花蕩之勝與之云未  
識遂賦六絕句呈覽或可當卧遊耳

荷花蕩裏采蓮歸九龍山頭暮靄微輕身倚櫂

下前浦花氣人香逐浪飛

其二

青山如屏碧水迴萬朵蓮苗參差開歌船舞棹  
垂楊畔十里繁華錦繡堆

其三

藕枝如玉翠蓮房白白溪魚紫荇香落日舵樓  
傳玉堦掌中平列萬山蒼

其四

蕩裏人家齊賣蓮十五女兒工數錢柴門一片  
花如錦野老風前高樹眠

其五

吳王城中十萬家赤日搏空蒸紫霞山人散髮  
弄秋水自狎鵝羣兼看花

其六

蔣福山瓜蘋玉如水盤削出錦筵舒持杯忽憶  
東陵子昨日王侯今荷鋤

春日吳子雨過山居作

雨重烟濃山更深半窓樓閣畫陰陰道書一卷  
香凝楊巖翠千層鳥墮林

湖上逢曹子繩之

童子論文二十年舊游淩落已茫然石湖三月  
鶯花雨忽漫相逢野寺前

西陲告寧喜家兄還朝五絕句

五月神京喧出師天王赫怒勦獯夷近臣拜  
捧金龍勅大將高懸白虎旗

其二

我明赫赫雷行天萬里折衝香案前半夜胡兒  
鳥獸散邊人馬上髑髏懸

其三

紫微舍人尺五天西征書記何翩翩即看玉節

臨關右旋喜朱衣朝日邊

其四

自古咸陽稱帝州終南萬疊黃河流使節方羊  
覽形勝書報山人聊卧遊

其五

秦中魁壘多奇夫深山大澤蛟龍徂籌邊儲將  
正今日還有封囊薦剡無

曉起飲蕉露作三首

紅蕉含得金莖露翠葉疑擎仙掌盤一勺靈漿  
和玉屑清風颭颭擬騎鸞

本雅集

卷十

其二

每羨靈仙握石髓嘗聞丹洞吸朝霞我亦山中  
餐沆漚他時五內發金沙

其三

管城知非食肉相王烈嘗逢石乳流山林鍾鼎  
亦何意玩世總作逍遙遊

石民望朱日宣正上人雨集草堂摘芙蓉作二首

其一

名花綽約映彤簾一院苔痕翠雨霑野老過牆  
桑落酒山家留客水精鹽

其二

玉箸流膏紫蟹肥山堂開醖白雲飛柴門靜掩  
無塵到舞鶴當皆弄雪衣

董子元宅有牡丹名舞青娥賦詩奉乞  
見說名園多異花春風春日闌妍華若爲乞得

青娥舞分取巫山一片霞

張子月鹿彭子孔嘉金子元賓吳子祁  
父過越溪莊命酒芙蓉灘作

千朵芙蓉開錦屏長林暮靄青冥冥嘉賓映坐  
鸞鳳集野老扶藜土木形

本雅集

卷十

秉燭花下再賦一首

銀燭紅粧相映輝美人嬌醉舞羅衣一林香霧  
空濛合恰似巫山行雨歸

湖上

群峰合沓錦屏圍樹色泉聲帶晚暉盡日擎舟  
無一事平川十里看鷗飛

西齋雨坐與日宣三首

西齋晤語靜焚香寂寂山家秋晝長千朵芙蓉  
映修竹一羣沙鳥浴迴塘

其二

屈指重陽只三日無那風雨喧秋江茱萸滿枝  
菊半吐况復新菊香滿缸

其三

肺氣秋來覺漸蘇此生無恙甘江湖左手持螯  
右把酒仰天擊缶歌烏烏

越溪芙蓉盛開初不可風童子日摘三  
花作供二首

美人縹緲欲凌波日對三花可奈何爲爾多情  
更多累紅妝惱殺病維摩

其二

葉葉花花曉露新天姿奇艷絕風塵還疑金谷  
園中種何似昭陽殿裏人

冬日過高齋

暫往常爲竟日留此身無繫只虛舟青山百疊  
湖千頃肯易人間萬戶侯

蚕忌

鶯老花殘不記春閉門蚕忌動經旬寧知盡閣  
鳴箏女墮地粧成錦繡人

草堂作

紫端新浴墨波香竹覆南軒翠蔭涼一縷爐烟

凝不散數聲鶯語弄偏長

戲簡補之與之

伏枕聞君樂事偏鉤蟬金鴈捻堪憐何時共醉  
桃花塢解盡春衣當酒錢

落花

花枝瞥眼又闌珊誰乞黃金反少丹一院殘紅  
堆不掃春風開落兩迴看

課農

風雨冥冥花未濃野人湖上課春農酒酣不見  
高陽侶愁殺山齋獨聽鍾

踏青

茶磨山前水似苔紅鞋隊隊踏青回衣香花氣  
熏人醉蛺蝶蜂兒撲面來

嘉靖癸巳三月晦日將往白雀寺與碧

峯禪師虞山泛舟二首

層巒疊壁映朱簾風軟塵香四月天十里山塘  
看不足翠屏合沓午雲鮮

其二

遠公相對靜移舟山似芙蓉水似油白雀白蓮  
堪結社送余還過虎溪頭



宿白雀寺二首

木魚聲起梵音長  
子夜焚香禮道場  
病客齋心渾不寐  
萬緣都掃事空王

其二

繡遍華嚴幾卷經  
殿堂突兀帶春星  
此身已習禪林侶  
破衲枯藤野鶴形

王翁竹泉過訪頗談仙莊之勝贈五絕

句

白髯瀟灑葛巾長  
可愛仙翁鸞鳳章  
十里相望雲不隔  
丹泉綠竹午橋莊

木雅集

卷一

其二

短棹經過荷茗爐  
荒村古寺訪潛夫  
仙莊自秘長生訣  
笑我青山調水符

其三

丈人折行意交傾  
伐木丁丁山鳥鳴  
玉塵徐揮風骨爽  
碧瞳相對道心生

其四

偶隨白鹿下仙莊  
衣上猶餘竹粉香  
見說萬松森絕壁  
清風終日奏笙簧

其五

人世分明有洞天  
野人逸興忽翩翩  
嵇康久願從王烈  
石上同餐玉髓泉

白雀返棹李王二子送余過虞山下作

六絕句

遶郭園屏十八里  
尚湖華蕩舒其前  
山明水麗照斜日  
一片天池千朵蓮

其二

紫蒼疊壁錯奇錦  
琉璃千頃搖青空  
把酒掀簾一長嘯  
真堪狂殺米南宮

其三

木雅集

卷一

隨山高下野人家  
春夏林深不斷花  
可柰流鶯千百轉  
陰陰綠樹映紅霞

其四

朱樓紺宇鬱相參  
倒影斜飛墮碧潭  
落日畫船搖曳處  
上風還自樂江南

其五

晴空飛雨灑輕帆  
倚棹遙臨拂水巖  
十里煙嵐翠欲滴  
令人思卧桃花岵

其六

故人相送且夷猶  
煙渚微茫起白鷗  
他日更期

徐孺榻今宵還醉李膺舟

送陳九臯遊金陵二首 臨終作

鳳凰臺高高入雲一匹素練長江分腰間紫氣  
動牛斗倚劍長歌遙送君

其二

金城玉壁帝王州對起雲中鵲樓看君草就  
三都賦遲爾同爲五嶽遊

雅宜山人集卷八

雅宜集

十八



雅宜山人集卷九

明吳郡王



賦頌序扣

迎春賦

欣陽和之迴馭穆上皇於東方瞻山河以占氣  
兔朝霽而蒼蒼澹萬里之風煙霽容與而含光  
何芳春之乍臨而膏沐之滂汪也於時皇風載  
夷長吏崇規矧三吳之靈境表都會於南陲山  
川環帶風氣華靡百花洲上春雲麗鳥鵲橋邊  
春日遲春雲春日共交輝無數樓臺向景披紛

雅宜集

九衢之紆直貫金城而交馳抗飛梁於鵲首跨  
綠水之逶迤若個陌頭無擁面若個遊人不解  
眉共傳春色天涯至爭道春光今日宜龍嚼寶  
勝飛雙隊鳳吐流蘇拂四垂粲綵花之歷亂紛  
羅葉之葳蕤窮剪綴於萬態絢丹碧之陸離玉  
斂弄影娉婷女紈袴棲香輕薄兒高調遏雲而  
羣奏繁絃應手以逞奇莫不目眩神竦耳觸心  
悲則有王孫接騎公子交嬀千金換馬尾搖絲  
八寶裝鞍光照地飛鞭誤觸綺羅車敲鐙誰知  
臺府吏慕驚鷺之野偶願鸞皇而接翅弄袖妝

妍傾身伴醉異目成之我與又恍惚而靡遂雲  
開朱閣對芙蓉日射彤簾藏翡翠芙蓉翡翠一  
時新總是江東絕世人動館娃之春思慕西子  
之芳塵蟬髻新傳宮掖樣雲光恰似洛波神每  
嬌羞而掩態或搖曳以呈身翩翩飛燕能輕舉  
嫋嫋遊龍不可親默含情而未吐恨鬱思以何  
伸袒道春歸春意濃寧知春到春心亂嘆佳期  
之寂寞悲年華之屢換朝朝瑤圃愛花開夜夜  
蘭堂看月滿花月始始能幾時榮華冉冉嗟將  
半信春思之飄揚亦春愁之瀰漫年年風景倍

大雅集卷九

傷春歲歲彫零無故伴於是僕本賤人沉淪江  
海見沙際之春歸驚天南之歲改紫禁春光不  
可攀朱顏春色那能待悵日月之易道撫功名  
之安在齊雲樓下幾逢春祖是當年原憲貧差  
池春羽慙黃鳥憔悴春衣懸紫鷄吁嗟平弱柳  
絲絲拂建章宮花朵艷艷長楊人生不及春花  
柳長得天池繞鳳皇

觀物賦

家兄有金鑪朱几各一予觀而愛之因命賦焉  
其辭曰

信茲物之佳麗超羣美而莫當液金精以鍊質  
聘寶刀而呈祥文章並發規矩齊良爾其委蛇  
甲帳燕寢洞房或玄談於素室亦雲會於朱堂  
隨宜不滯應用無方薦右座之錦席飄南海之  
奇香丹敷掩色紫蘭罷芳瑤華之器君子之光

參差賦

余聞王卿子美文子壽奉皆善吹簫賦以贈之

曰

彼江南兮紫管洞罕節兮條適提會兮象牙  
爛朱脣兮金鏤承公子兮光御發官商兮清秋

大雅集卷九

三

亮明月兮翔東美要眇兮雲中攜佳人兮燕後  
宮臨曲池兮伏丹櫓吹激楚兮順揚風霓裳飄  
飄兮鸞皇若逢紛余去故而就新兮四海焉窮  
蹇誰留兮中止忽婉孌兮聲靡眷寶結兮同心  
矢借老兮君子終啾啾兮縱所之朱顏倏忽兮  
能不悲人生幾何兮朝露晞歡樂不常兮日月  
馳安得千秋兮永若斯亂曰繁音促薄兮蕩人  
心固象相求兮窮高深神歸來兮勿周章彷徨  
四出兮恐弗勝聊逍遙兮澹容與哀中則兮樂  
不淫

士官侍御史出按遼陽以不阿法抗中貴諫  
杭丞再丞岷之都許驛徙知永嘉判高州竟致  
官歸吳焉公疏朗峻潔博學能文辭遇事踴發  
當 孝宗朝我冠簪筆儼然柱下有古直臣風  
一不當當路意三投炎海折翼而下可畏哉戒  
途之難也公則茲焉若遺逍遙以嬉乃築室閭  
閻之城背廨市面水竹斬蕪蕪莽取勝自然頗  
愛潘安仁閑居之篇附于拙者之政寵遂賦之  
以譎厥事焉其詞曰緊蹙蹙之王臣秉靖恭於  
爾位企遐風於往哲干青雲而高議際明時以

不雅集九

五

自奮謂諤諤其無忌冠切雲而直指惟一人之  
余媚鎬鄧利而鉞刀揮毛嫱都而嫫母恚信人  
情之翩翩寵愛累其奚自睇天門之遙遙臣得  
罪而遠去信犬吠而掉尾虎磨牙而蹲踞快一  
斥之不復薄炎荒而窮馭占巫咸兮則膏決唐  
生之猶豫爾乃稅鞅故國徊翔首丘豈宇宙之  
迢遙何余栖栖而倦游我蔭有廬我耕有疇彼  
季子之奚人逃卷衣於長洲洵伯通之不羈賦  
五噫而聿道經山川之故墟眷君子而夷猶撫  
嘉木之翳翳接吳會之長流羅以爲圓言旋干

休乃有滄浪之池夢隱之樓臺以遐觀堂則若  
墅竹栢得真橘柚皇封郁李張梨櫻胡棠棣齒  
茗茶糜丹爪綠羊華實駢羅溝塍錯互於是風  
妍景熙六合澄朗時鳥變聲鮮雲如掌曳山簡  
之接羅披王恭之鶴氅良儔言集恣意偃仰修  
山陰之故事和蘇門之遺響朱果在摘頰鱗挂  
罔醅醪載浮圖書弘敞信巧拙之何居澹玄心  
於天壤眴鴻飛之冥冥知下上之決滌彼爰居  
之逍遙奚鐘鼓之爲響吸元化以潛神漱瑤津  
而獨往永寤歌於聖明錫萬年之鳩杖

不雅集九

六

送大學士延陵吳公展墓還 朝頌

遙遙延陵千襍篤祐有聿其興作我 明輔我  
輔伊何峻德以升維鼎有鉉 天子所馮維北  
有斗元氣酌斟掌制代言式玉式金臣拜稽首  
籲天而呼臣則何能先臣是謨襲訓蹈方以幸  
無辜祿弗代養臣心如刺有最者原文走兎狐  
乞臣之身我糞我驅 帝曰咨嗟若疇在余汝  
往欽哉端而來而爾書煌煌相臣啓行其從如  
雲東南干征祖考咸喜孝孫歸止神旗豹尾六  
轡耳耳天平之阡其氣鬱鬱翁仲石馬有光如

虹日吉辰良協千著龜鳩我祝宗麗牲于碑  
孫來享載弁球球肩膺胎駘鑄以羞有玄有  
清其酒思柔降登受昨賚爾思成翼翼孝孫維  
王之楨錫之萬年秉國持衡爾駕爾車 天子  
爾思孝孫稽首握鬯涕洟豈不永懷畏此簡書  
肅我徒旅敢違寧居前驅舉燧後乘抗旌注心  
紫闥結慮承明如渴如飢軼我皇情胡不夙夜  
僕臺倍程維我相臣既孝既忠秉心塞淵以奏  
膚公孰不有君孰不有父允矣哲人萬邦作矩  
昔周之宣爰有吉甫燕喜孝友載歌于雅於朱

大雅集卷九 七

我明主聖臣良穆穆皇皇于周有光小子作頌  
誕告多方

方齋袁君六十壽頌

嘉靖丁亥方齋袁君年既六十其子袞與龍同  
學書相愛徵所以壽君者於龍君少時與家大  
人同學於張先生氏絕相愛也家大人嘗言君  
之雅馴自童已超儕輩遠甚同學生不下數十  
百人獨君為高第弟子儼儼翼翼同學生皆嚴  
事之惟謹稍長即把握門戶以儒行飾賈業頗  
事廢舉操奇累贏乘時變化有計然之畫以故

貨用鼎盛而君獨晏如雍容談詠不礙圖史中  
歲仕為崑山監學訓科即謝去事母極孝與弟  
懷雪君雖白首猶如童時下上出入怡怡也可  
謂敦嫻孝友篤行君子者矣有子二人從子四  
人皆峻挺奇拔鵠峙鸞翔古之八荀五寶莫可  
儔焉維君斬立夙成劫劫自樹葆光蓄祉以庥  
後昆天之所以申錫於君者焉可涯已是宜頌  
頌曰

大雅集卷九

河流經天岷嶓吐之有粲琳琅藍田沃之天錫  
袁宗維君鍾之君鍾維何亦既孝友奮自童髫  
要于白首始潔好修握我瓊玖玉立而碩野鶴  
昂昂魁殊秉哲百夫之良如壙斯崇如棟斯強  
載拓高門閱譽騰翔羣髦挺發振振麟趾神啓  
其胄享有多子駿躍天衢一日千里袞袞公侯  
爰卜其始繫君之遺碩大迺延辟彼良農薦藜  
寔先食報于德於萬斯年彼蒼可徵燭微洞玄  
豈曰難謀仁者獲焉小子作頌敢告司筵

秦漢文序

嘉靖癸未天水可泉先生來刺我邦憲古振文  
式崇化本數進諸生館下追琢顰厲範以矩矱

越明年出所編次秦漢文授之讀既受卒業寵  
踞而請曰是編何居先生曰五經其炳矣日月  
宇宙弗可湮已近古而閎麗者其秦乎其漢之  
西京乎今士以文進古之制也而業之者弗古  
是程吾惑焉攬撫經傳苟以徼于有司其尤疵  
者口耳乎帖括剽裂乎佔俾秦與漢無庸及焉  
吾怪其涉之流而不飲其源也將浚之使遂闢  
之使廓而毋用是誦誦促數也文其有倡乎寵  
曰然則左傳國語尚已何遺焉先生曰左傳國  
語其旨奧其辭簡其爲書也聯屬而成章經之

大雅集九

九

翼也小子識之爾烏得而選諸寵曰然則西山  
真氏之所輯者不旣躋乎先生曰夫文也終始  
有體節奏有變繁簡有裁經緯有章辟之樂焉  
一音弗備樂弗諧矣吾竊疑其析而不屬也離  
而不理也懼學者之窺其一而遺其二也寵曰  
然則東京以後不亦有可錄者乎先生曰氣未  
見其渾也體未見其雅也間有之吾懼學者之  
作法於涼也故略而僅存焉寵既聞命爲之刊  
其訛而是正之郡人湯氏愿而好修請以梓梓  
成寵敬以所聞者載諸首

送大司寇莆田林公還閩序

正德辛巳、今天子旣嗣大歷服曰咨宰臣天  
既命予有家亦賚予良弼越在閩粵之野茲惟  
共工乃諧僉曰休哉則使使自京師東南馳數  
千里起家拜公爲工部尚書嚴督之駕公䟽辭  
天子弗允再䟽辭再弗允連三䟽辭黼黻益不  
使節交至越明年嘉靖壬午公力疾驅道遷刑  
部尚書俾帥若屬以掌邦禁居無何公謁告入  
乞身于朝 天子挽之益牢公弗克起又明年  
癸未七月上可公行於是天下之士相與議公

大雅集九

一

之出處臆決唱聲各持一談曰方今天下皆進  
而公獨矯之以退天下皆園而公獨斲之以方  
要亦異夫人而已矣則又曰君仁臣恭禮之經  
也一龍一蛇時之化也公何心哉其視天下如  
浮雲之飛揚往來於太虛也而天下望之如鳳  
皇之翔于千仞搏扶搖而弗下也公何心哉之  
二者皆非也公之心天下之心也夫自結髮入  
朝弼亮三世德邵功焯屹爲元臣旣卷而懷王  
鼎重輕彷徨海隅以俟其清旣而際明君履文  
石幹旋天機經緯六符調之齊之大羹其和迪

我高后繼明緝熙千載一時也而公豈自失厥會就高尚之名而薄金匱之業哉故曰之二者皆非也繫公之行殆必有掣千事而局千時者矣掣則肘不可以運掌局則道不足以廣謀孔孟其猶病諸而獨今之君子乎此所以不得已而行而不能以三年淹也寵不佞何足以窺公而衆言淆亂敢以是折衷焉謹序

送天水胡公序

叙曰自秦郡縣天下而有郡縣吏秦吏大抵皆酷也漢良吏爲盛班固氏傳循酷而吏道備矣

大雅集卷九

十一

余讀循吏傳論考其世未嘗不喟然嘆也蓋鈞姦擿伏取威討聲赫赫乎若揭日月而行者世所稱良也至若風學敦禮植本培化使民回心而嚮道漢吏亦無幾焉夫以循名者猶然而況其下乎我皇明受命溥將疆理萬國循吏如林然窘於期會書牒者繁焉故聖人作而化室禮樂衰而風微薦紳先生所扼腕也嘉靖癸未吾師天水胡公自皖守徙吳吳啓於泰伯春秋時有季札子游輩興故其民以廉讓文學相高猶有先王風也然瀕海下濕土浮而民惰卒難帖

服亦其地然也公下車葺泰伯之宮崇子游之祀廣厲學官躬帥諸生習射鄉冠祭之禮飭匏絃管祝金玉之器磬折盤辟示以揖讓執經講解與相問難酬答褒其異者降爲主客之儀不替月而吳之風泱泱矣夫吳號難治以金穀溢騰賓傳狼藉吏隸舞法誚刺叢興也而教化獨闕焉豈非隆本抑末顛倒無當哉公超然遠覽獨追古之人而與之上下暮晝奮以泰伯子游爲必可師而進我吳千三代之列故化易行而功則倍信道不惑之驗彰明也使吏天下郡縣者皆如吏吳之吏王道成矣迺夫廉以遠利明以讞獄詳以理賦嚴以督姦儉以節費恤以柔民皆炳然爲天下稱首而求所以綱維鼓運回斡轉易則唯古之道也故略而弗著焉乃丁亥之秋聖天子擢公爲山東左參政吳民丁壯號哭老人兒啼曰公去我乎民將安歸於是其門人王寵識公爲政之大者以序其行以爲他日傳循良者告也

送王子祿之會試詩序

尸子曰凡水其方折者有玉其貞折者有璣也

大雅集卷九

十一



蓄寶之淵必異常流彼漫渙而崩奔者是礫石也。已故寶彰于蓄士見于歲豈待登清廟綴玄冕而後窺其景曜坐明堂華紫幃而後挹其風。繁哉王子祿之產于名家胚胎前光出遊鉅人斧藻令德羈貫隸學官弱冠舉于鄉聲華漸起顯庸可俟王子方挾冊從諸生講受侃侃翼翼矩折規旋濯纓清流掃軌塵雜汎濫羣籍操追古人視世之穢汗渙忽不啻鷄雛之騰于九霄而下睨鵠鳶也。即使王子服官盛時鵠起當路其必爲矯矯激揚玉潔珠光而不爲脂韋矣。梯

不雅集九

三

自混瓦礫斷斷明矣。歲己丑天下士羣試禮部。王子以戊子嘉平月先事北征告別于嘗所來往各爲歌詩以贈之。余與王子有一日之長偕引首篇易不云乎素履往無咎王子慎之哉。

送給事中陸君浚明校文還朝序

嘉靖戊子 皇帝履大寶之七載也。天下士當羣比于鄉廷臣建議以人才國家所急而悉自便制曰可于是工科給事中吳郡陸君浚明承命典制之試事事竣還朝其游王寵揖而祝之

曰給事 天子肘腋臣也典文重寄也。泐天下名藩也是三者世所華豔焉而萃之于君君自諸生卓犖淵偉已隱然望東南既連起危科讀書中秘天下想聞其風聲以是握鑑而照操衡而度測之士無留良矣。休哉乎陸君寵竊聞之上臣事君以人其次以身以身者一世之臣也以人者百世之臣也。然惟宰相爲能以人唯有司爲能以人有司羅天下之才以致之宰相宰相度德程能以詔王廢置而布在庶官庶官以和百揆以序是宰相與有司之權鈞重也。卽有

不雅集九

十四

司非明且慎焉天下之才不必盡得相雖聽聽於上無能爲也。則有司基重譬之棟明堂梁清廟榱桷豫樟千尋之名材羅于肆下而工師可擇卽所采者皆液楠空中輪囷離奇規矩弗能經斧藻弗能施工師亦柰之何哉夫能取者必能用陸君今日爲良有司能取天下之才矣。他日履台握斗進退庶官以弼成我 聖天子之治將不爲賢宰相矣乎。是又可占已詩曰于以采蘋于澗之中于以用之公侯之宮陸君以之又曰思皇多士生此王國王國克生維周之楨



五扣贈別袁子永之

嘉靖乙酉吳郡袁子永之年二十有四領薦應天第一既而偕計北上客有觴于道者曰子行矣應龍天飛颺雲爲翼懔懔欲忽摩于無極余焉測子之所際邪願扣子之志汎觀流示華實殊軌秦粵異轡久要之言微于遠詎可乎遂言曰夸夫徇權曲士射利驚鵲起濁世一致取樂當年奔逸逸駟窮靡極曼以明得意子其避諸袁子反視仰膺若無聞者

客曰奮跡南紀悲聲紫閣 天子及坐羣公扣

入雅堂集九

十六

謁射策彤墀爛若星月雄壓九服縮頸吐舌高步玉堂致身截辭履台踐斗唾手可掇請爲子祝炙手附熱袁子曰遐舉乘風顯宦待時余何心哉

客曰星緯曜天川嶽炳地哲人含靈金精玉思總統前聞妙握能事虎觀增光石渠長價掃蕩雕蟲力振大雅一言九鼎百代凌跨茫茫周秦高視不下淵雲之徒鎔冶渾化願子登壇取威定霸袁子色喜曰華矣雖然僕願食其實也客曰經緯六符均調八氣大厦構天寰海仰庇

玄澤湧流仁風遐被翊我昌明勒功金匱子孫黎民尚亦有利君子樂之是謂得志辭未及終而袁子曰善

客曰太山峩峩蔚彼孔林載登其堂石磬瑤琴欲往從之道阻且深東望徂徠實勞我心願子停輶爲我躊躇竹簡壁書庶幾啓予勿謂聖遠人抱玄珠袁子奮然曰美哉言乎茂以加矣山有木工則度之我有心客則獲之請綴厥詞以爲我規投文一囊而車騰馬馳矣

雅堂集九

十七

雅宜山人集卷九

雅宜山人集卷十

明吳郡王 寵 撰

雜文

明故承直郎應天府通判祝公行狀

曾祖煥文贈山西布政司左叅議

祖顯山西布政司右叅政

父獻

公姓祝氏諱允明字希哲蘇之長洲人也祝之先出古太祝以官氏或曰武王封黃帝之後于祝蓋以國氏也春秋時稍見於鄭衛漢有九江

雅宜集十

祝生歷唐宋多名士而江閩之祝最著其籍長洲也自元大德元祐間有碧山府君者由松江來爲漕府經歷陞平江路總管有五丈夫子季九鼎因家焉生子潛潛生景彰景彰生煥文煥文生顯明正統間起家進士官給事中累陞山西布政司右叅政生璵娶兵部尚書華蓋殿大學士武功伯徐公有貞女生公公有殊質絕倫五歲作徑尺大字讀書過目不忘九歲病瘍寢處有古詩一編因偏和之名已隱起稍長益閱肆博洽其于書自六經子史外玄詮釋典稗官

小說之類無所不通旣天才卓犖橫從四益重以內外二祖咸當代魁儒龔錯夾持浸漬穠沃覃思發藻虎躍龍翔蔚然名家超追百代太僕少卿李公應禎風裁峻整慎與可人時以中書舍人奉使過吳妻之子焉弘治壬子王文恪公典文南畿公遂膺薦文恪以得公爲華累試南官輒不利然聲實益恢典述崇積閉戶掃轍萬言騰涌儒林傳譯寶于隨和當道奇其才將特薦預史事公以獵資僥榮不屑也又數年選知廣東興寧縣興寧民尚譁訐訟牒旁午公至懲

雅宜集十

其一二尤無良者姦黠斂迹故多盜竄處山谷時出焚劫爲民害公設方略捕之一旦獲三十餘輩梃鼓不警土俗婚姻喪祭多違禮疾不迎醫而尚祈禱公皆爲條約禁止暇則親泣學官進諸生課試講解領之南彬彬嚮風矣嘗攝令南海治之如興寧丙子己卯再鄉試公皆參典文衡得士之盛與有勞焉在嶺南幾年以當道刺薦陞應天府通判專督財賦公悉力經總民不擾而事集居無何乞身歸築室吳城日華里益事著述洞觀天人或放浪山水間悠然樂

也書法上軌鍾王下視近代晚歲益出入變化莫可端倪酒酣縱筆神鬼怪幻墨客填門購之厚直以嘉靖丙戌十二月二十七日卒距其生爲天順庚辰十二月六日春秋六十有七妻李氏封孺人子男二人曰續由進士官給事中累陞陝西按察司副使次側出幼未名女一人嫁潮州府經歷王穀禎孫女三人公爲人簡易佚蕩不耐齷齪守繩法或任性自便目無旁人然默而好深湛之思濡毫展卷游心玄間宿衆雜還疑神反視川奔雲爛捷若宿構殆天所殊昇

卷十

三

平生平雖湛浮不羈亦以漢落難偶大觀道遇傲睨當時軼出塵壒非可與拘方之士道也母徐夫人歿事繼母陳極盡誠孝與人交坦坦無他腸延獎後進不憚折行尤不喜蓄藏咄嗟揮霍囊土金帛若其經緯術略局于薄宦曾不僅試莫能殫述端可慨已所著有祝子通若干卷祝子罪知若干卷祝子雜若干卷蠶衣一卷浮物一卷成化間蘇材小纂若干卷野記若干卷語怪若干卷語怪四編若干卷江海賦渠記一卷金石契一卷興寧志五卷詩文集六十卷

集若干卷寵不佞辱公知愛最深輒與其子副君參撫遺行一二以備采擇辭不詮次莫可發揚功德惟大君子賜之銘以傳世信後幸甚謹狀

方齋袁君室韓孺人行狀

君諱嘉字臣器吳邑人曾祖諱某祖諱某考諱某母俞氏生母趙氏君少警敏授書史輒不難背誦師里儒張南伯先生同游者無慮百輩獨斬出不羣家素儒伯氏教諭君尤踴厲自喜乃弗售君計門戶支拄棄去卽賈服甫冠失怙殖

卷十

四

滋落君與其季懷雪君兩孀相持抱掃地赤立侮訐日省拮据有無外彌內縫茹荼履葛矢以亢宗奉趙氏尤謹毛瑣事弗吝弗敢行善先意色養母子洩洩樂也久之益厚藏堂構整秩里中誦之然弗與弟析白首彌驩中歲諸子挺發皆童小絕姿珠駢玉列驚異長老君禮謁鉅人名師益廣蓄古圖書傳記羣之閑館豐之鼎儀息游肄讀各有次所君所居爲吳利區率皆算角逐鷄其奇贏不大競禮讓文術君獨楚楚好修矩閑尺檢儼以典雅自將數過從四方賢豪

士人稱述名言故實慷慨急難纒纒弗能休人有過輒面折不作澳忍態人故目之曰方齋子好吟咏頗識奇字嘗仕爲崑山醫學訓科尋謝去晚歲結里社以道義相勗月一再集雅歌投壺雍容醞藉方意其遐享而遽以死也悲夫孺人諱某姓韓氏父彥哲官德州同知母蔣氏年十九歸于素生而疑厚愷祥稱名家女事舅姑孝處妯娌和方齋君與其季友愛雅稱吳中搗柔將美孺人與有力也體素羸多疾內政斬斬弗少弛教諸子慈不愆義初方齋得瘍疾危孺

全集卷五

五

人憂之五日不食以嘉靖庚寅二月十七日死方齋疾益篤以五月二十三日亦死兩喪相繼婚友匍匐驚赴皆哭之出涕曰二善人亡矣嗚呼痛哉方齋生成化戊子二月廿二日享年六十有三孺人生成化乙酉十月廿二日享年六十有六子二人長卽衮領應天府戊子鄉薦娶盧氏次裘吳縣儒學生娶陳氏女四人適周孝沈山范相一尚未字孫男二人夢麟夢鯉女二人尚幼寵與衮同閑兩家世相驩家大人視方齋君兄也於寵爲丈人行諸子辱朝夕游往來

門屏其狎悉其行不誣君與孺人雖不究遐齡高朗令終逝矣同婦子姓駿發咸抱國器何憾矣衮衰崩裂摧頓痛毒彌結豈爲二老人勤一生以迪子迄享其成而連以不祿卽鍾鼎之養奚何逮焉此其心殷殷莫解可哀矣衮衷卜以辛卯十二月十七日葬寶華山先塋之次以孺人祔惟先生憐而賜之銘以揭二老人之懿行以慰衮衷之悲使永永托不朽卽衮衷亦何憾焉謹狀

太學生吳君墓志銘

全集卷五

五

嘉靖二年九月十五日太學生吳君卒歛之三月得其年十一月六日葬薦福山感慈塢之原先是君顧言曰以王寵銘寵與君居同閑也君齒列大行寔子弟畜我晚更折年輩取下日亟過從訖數年雅相驩甚君生平名能交鉅人偉儒自結髮游悉琅琅可數天下有聲者也寵尋稚懼爲君羞而獨以其死累余其曷敢辭君諱懽字次明世吳人也高祖可安鳳翔府同知曾祖伯經太醫院醫士祖澄父朴字世六母周氏繼王氏盧氏世文君無子選羣從中立君爲後

幼而朗澈受易於賀其榮先生弱冠進隸學官  
為弟子部使者取其文簡之廩食數薦京師即  
數弗利以年資入貢太學未卒業而死君綜博  
信古耻齷齪事經生佔畢為文簡奧精深剝去  
枝蔓弗以媚時詩清越可誦書法宗顏魯公尤  
華鑒古器物書盡飲酒博諠輒纏纏談所經見  
奇譎瓌麗有味乎其言之也聞佳山水奮袂導  
往屢俎採肉頤指而撰雖老以儒窮而賓筵狼  
藉謠舞擊壘乃有豪貴人態娶李氏繼錢氏子  
男二人長增娶賀氏先君卒次封聘楊氏皆錢

金華集十

十一

出女一人嫁聞詩李出孫男一人文才五歲距  
其生為成化丙戌十月九日春秋五十有八君  
任曠不拘酒貲外未嘗問家人生產死而弱息  
疊疊無以朝夕天既嗇其身而忍不豐其後乎  
則涕為之銘銘曰

德則孔嘉而命弗加而年弗遐顓天乎累嗟兒  
呱婦髮攀彼靈車天曷劉斯尚綏有家

序班湯公合葬墓志銘

龍與湯君儒暨其子盤均隸博士為弟子湯君  
雅馴闇闇內修人也盤駁踣父子並著名字七

是儒喪其父鴻臚公卜葬堯峯未有銘后十年  
喪其母鄭碩人將合葬乃自為狀謁銘於寵寵  
讀其書則喟然而嘆曰夫文猶水平水無源漢  
潦爾矣文無自謬悠爾矣夫文猶水平湯氏再  
世執文朗秀而斐則先鴻臚之自也鴻臚公世  
吳人諱珪字文潔別號素軒雅善詞翰嘗以詩  
謁徐定國定國異之純皇帝時定國推轂為  
鴻臚寺序班直文華殿光顯矣居文華以親  
老弃其官歸性篤孝親沒尤嚴烝嘗享年七十  
有七碩人曹長洲諱安字妙安婉若而嫺相鴻

金華集十

十一

臚公為好速育年八十有七生子一儒吳縣學  
生娶陸氏女二嫁賀放計男孫男一盤領應天  
辛卯鄉薦娶陸氏孫女一嫁陸鏜曾孫男一元  
曾君子謂鴻臚公於是乎君子矣以親故靡戀  
纓轍脩然卷懷卒以遺其後人詩曰孝子不匱  
永錫爾類鴻臚公有焉鴻臚之父濱號順菴大  
父彥祥贈大興縣尹母袁碩人公本袁出即袁  
碩人之猶子也順菴翁乞以為子生正統甲子  
閏七月十六日卒正德庚辰十二月二十四日  
碩人父信母盧氏生甲子八月二十日卒嘉靖

庚寅十月二十日葬之日為壬辰十二月廿九日銘曰

業華文華三光紫微載筆入侍璚珮朱衣亦既華止言過其歸有懷二人寧就瑣闥發不盡藏殖祉彌昌廼昌厥胤球玉琳琅烝烝鴻臚淵畜流光我作銘詩勒之玄堂尚後有徵千禩考祥

張君汝益妻李孺人墓志銘

嘉靖己丑四月庚寅上海張君汝益喪其妻李孺人卜以卒之年十二月甲申葬曹烏涇之原附先姑氏兆謁銘於寵維汝益與寵世雅善寔

全集卷九

九

耳悉孺人之賢不誣迺按其兄祠部君宗文所為狀叙而銘之孺人諱素明世松之華亭人曾祖謙祖常父東封祠部主事母戴安人幼則凝重寡言笑父母特愛之選所歸得少叅張公冢子鳴謙汝益氏既歸事姑陸恭人及少叅公之母潘孺人肅有婦道時少叅公令鄱陽潘老弗能俱留孺人侍少叅公喜曰吾弗能躬養吾母得吾婦侍無憂矣無何陸卒哭之盡哀獨奉太孺人操家斬斬有節法少叅公宦遠無內顧心繼陸以孔孺人事之如陸侍潘凡十載潘卒孺

人哀之亦如陸少叅公歷宦澤潞湖湘間孺人問訊饋遺使道路相望公既歸老孺人益專意養及臥疾夫婦相與悲號醫藥無不至踰二年衣不解脫夕不假寐公卒奉孔恭人尤篤孔得疾侍婢莫敢嚮邇孺人親為洗滌弗厭孔卒孺人以勞邁疾越七月竟死哀哉孺人平居有禮事少叅公之弟與其妻皆如舅姑禮相其夫事不可不多所贊決處夫之弟與其妻歷二十載無忤言其賢類如此寵結髮與汝益交汝益種學績行高自對立以丙子領鄉薦將顯名當世

全集卷九

十一

寵每惡焉退見其子仕才弱冠也補博士弟子尤俊朗可念則孺人之所以相厥夫迪厥子其賢又可徵也已孺人生成化丁未十月三日年四十有三生男五人長即仕次化儲引歲燕貽女一人受姚蕃聘銘曰

婉婉有儀高門于嬪事我三姑偃僂屈身左右君子為時聞人亦既多男有瑤有珉胡命弗遐沆顯而屯尚有褒貶賁爾幽窈

從母朱碩人墓志銘

吾從母朱碩人嫁于梁為冰溪君之配年七十

有七而卒吾母同產兄弟五人皆出我外大  
翁妣陸氏碩人最長吾母季也吾母年三十有  
七而亡吾時童髻未甚哀也稍長始知悲慕每  
自痛生平不知有母子之樂見人母子慈戀嫗  
煦相保持未嘗不愴然心摧也獨時時見碩人  
儀容聲咳髣髴吾母之存而今又已矣吾痛曷  
有既耶碩人初歸梁方赤盛賓客鼎食冰溪踞  
跪自便不甚事事碩人襲之外內斬斬有理累  
乳皆女不宜男側室竟生二子晚歲冰溪君卒  
碩人依季女以居益精內典日掃一室焚香禮  
佛口不茹葷足不闔戶如是者數十年二子長  
軋娶某氏早卒次子坤娶某氏生子某碩人愛  
之如已出坤事碩人如所生母子雖析處慈孝  
訥訥如也女二長適劉某次適顧言碩人所依  
以居者甚得子婿禮某等將以某月某日奉碩  
人柩安厝于其鄉合冰溪君兆寵爲之銘銘曰  
莫莫葛藟施于樛木洵美碩人綏此百福克有  
令子亦既有孫本支蕃昌以光梁門我銘其幽  
以詒後昆

弔吳嗣業文

弘治間故禮部尚書兼翰林學士謚文定吳公  
以天子官師掌制內閣道德文章伏天下天  
下縉紳士大夫之欲銘功德多聲光者踵交躡  
于門然其家一如未貴時不翕翕熱雖文定之  
教使然乃子弟之賢可徵已嗣業視文定爲伯  
父尤名能守家法而文采醞藉弗墜益彰稍束  
髮即屬其碩士秀民以嬉磨礱浸灌務敦儒素  
視聲勢烜赫一切掃刮絕去簡夷混同無賤貴  
皆可誦誦逮文定卒不覺有絲毫異嗚呼亦賢  
矣哉世以氣力相取下席有尺寸之蔭雖平居  
故歡比反眼若不相識撞搪凌轢以爲快樂者  
皆是也及一旦失勢奪怙則更竄縮避毒迺不  
若齊民焉嗚呼是特反覆手耳日相環於天下  
而人不悟顧蹈襲爲常何哉聞嗣業之風亦可  
以自媿矣嗣業美風儀倩盼而髯鬚停玉立儼  
若僊輦然性逸曠喜自便飲酒舞歌履舄交錯  
巢盧呌嘯罰籌如蝟連日夜不厭卒以此得疾  
死死時年四十八余少交嗣業淺嗣業則爲余  
盡哭之過時而悲弔之以文曰握手醉言肉肺  
肝以相示也簡禮任率恣詼調以爲樂也挾日



必合合乃忘其所之也斯人則亡疇復得夫此類也二孤纍纍孰撫其遺也偉矣簪纓孰振其宗也落冕浮沈嵇阮爾徒也蛟龍岌岌頡頏斯爾逼也腥鱗腐鼠臭穢彼類也嗚呼嗣業何日而忘也

### 吳增哀辭

吳增吳人也父耀字次明吳爲吳望姓業儒醫次明種學績行能文辭所與游盡名人偉儒增其冢子也初次明生子連弗育幾數乳乳增輒育稍長皙白而豐蘄然見頭角望知爲名宗兒

### 全集

### 卷一

也既家世流風厥父更踔厲弘肆實言溢座狼籍文采增則內師外沃浸耳注目勿訓以迪秩秩自將朗潔始好稍離保媼弗弄弗嬪人咸舉手賀曰次明子後後乃秀無憾也同閨賀博士放薦以女吳賀居共堵且睦賀無子強增以婦授室一年而死遺孤甫七月嗚呼哀哉余悲次明之始于艱而終不得其倚也痛增之洵慧而夭折也余視次明丈行次明折年輩以相取下故得驩父子間而今又交傷之也作哀辭以遺之以舒其悲思以昭增德云騷皇矯矯兮巢有

雛毛羽翬翬兮五色敷嗚呼增兮抱繡襦髮漆黑兮眉目殊婚友嘖嘖兮振爾吳瑤環瑜珥兮庭下趨一日不見兮將誰呼有兒在室兮泣呱呱爾父爾母兮獨何辜十有七兮即長途籲天靡從兮五內剝修短舛錯兮罔賢愚禍福無端兮理則迂魂飄飄兮竟何徂骨肉在茲兮將誰徙死者其已兮不可俱割哀忍痛兮善自扶庶亦不亡兮視此孤

### 張先生傳

### 全集

### 卷一

張先生者吳閭門里人也吳爲東南會閫則扼要據便輻湊天下水土百物其丈夫習化居罕文而多薄先生長于市人獨深藏好書不耐閭里浮沉故亦高貴縱不問生產作業坐一室左右僅篋而校摩之假易所無輒手自謄寫攻苦食淡洋洋如也家嘗治雷工騎樂糞掃先生筆干檐下坐自如子適來請之延愕起其沈精弗撓類此居無何或挾之商于蜀先生奇其行心獨樂之起東陞西邇岷江幾萬里往來登覽悉論纂其山川風土之勝橐中裝空無一錢還尤篤孝友垂白饗祭未嘗不淚霑衣也弟頗驚時



作許言輒解以和兩人終不得盛氣語大抵朴  
茂醇篤類古之長者以其學教授里中門下積  
十數百人有疑難走往質之卽刺刺語弗能休  
或抽其架上書指示無不滿意去我冠獵纓蓋  
儼然稱師者幾十餘年後生小人亦頗嚴憚焉  
年七十九卒先生名翼字南伯云

贊曰自周官法壞而閭師之職廢率桀鰲無耻  
者充焉豈其人哉豈其人哉若先生者殆古所  
謂三老孝弟者與明王在上可以邊豆于庠矣  
余故撫其行義著于篇

本雅堂集十

卷十

張琴師傳

張琴師吾同閭人也楠其名大本其字大本無  
它長獨於琴則專握門戶浙東西之操縵者咸  
奔走之名琅琅聞江湖間也然不大業家年五  
十四以窮死悲夫大本嘗謂余言始習琴於陸  
墓張氏陸墓張氏吳之最名能琴者也大本羈  
貫而操張氏師年已七十餘矣遽曰孺子繼我  
孺子繼我遂倒其譜授之既乃涵精操思窮幽  
析微宵吟晝揮手與心維儼乎其若幾殆乎其  
若迷積之三十年而汪洋恣睢睢眇眇希夷濁清

疾徐惟我之施鸞虬鏘鳴若或鼓之鬼神嘯啼  
不可端倪蓋於是而陸墓之傳益恢以奇也豈  
韓子所謂造其堂而嚮其闕者耶嗚呼琴亦藝  
也古聖人兼焉今之君子不暇焉然其靡蕩游  
至有類夫學道者之爲吾是以有感也而大本  
坎壈困躓纏其身以死若造物者尤焉吾是以  
重有感也今天下名都沃區侯王肺腑游琴其  
門者如麻出則陪輿入則交寫突梯滑稽軟媚  
脂韋以私其金錢以席其寵靈而藝不必大本  
若也聞其名皆嘆惜縮瑟而即遇之羞不敢露下

本雅堂集十

卷十

乃大本則弛置自便都不識規伺人飲酒呼歌  
揚揚如也唯其獨得於中而與世抹殺其窮而  
死也則宜

贊曰雞鶩爭食靈鳥不顧有嗔其音愛合韶濩  
洩彼天和師曠往憩洞庭斯張帝聿其怒于博  
干鐵樓之故伍琅玕之林崐崙之圃

張鼎用字說

吾師古閩先生張公以明經興學閩德夷量流  
聲當道來範我邦三吳秀民衆至雲蒸咸願服  
儒衣冠肄業館下感道懷和千里風動厥子鉉

玉質象賢歧嶷嶄嶄旦夕在門昵我兄弟禮冠  
三加爰字鼎用命寵作說以章祝規乃不獲辭  
而爲之叙曰夫鉉之於鼎以貫耳也引重致用  
非鉉不舉鉉可忽乎哉周公曰鼎玉鉉貴之也  
今夫鼎有耳其隆有腹其容有足其崇巖廊之  
下清廟之旁天子省犧宗伯視調以饗上帝以  
養聖賢我后之靈上格于天穆穆賓師肅秩禮  
建乾坤清夷九土晏然阿衡元臣扶日察璇匪  
唯鼎功鉉有勞焉故黃帝采銅于首山文王眞  
位于郊廓萬禩永寶神明相之張君鍾武夷之

木雅堂集

卷一

靈秉異德之晶敬承我師蒙養以貞不出戶堂  
而屹乎重器矣旣乃磨礪平日月根柢乎仁義  
濡漫乎典墳鑄錫乎英傑奮發乎文章時則有  
烏獲孟賁扛之明堂軒姬之主有不肅以袞冕  
歌以樂章裡郊假廟永爲我光者哉吾固爲張  
君願之也是爲祝

四子述壽論

天水胡博士先生吾師可泉大參公之尊翁也  
先生嘗宦蜀爲博士挂冠還山若干年矣今茲  
歲在戊子齒躋八袞門下士吳郡黃生省曾素

生聚王生敷祥文生彭九數輩圖獻萬年之觴  
于堂下而闕以遼邈也乃相與揚擢讚述各吐  
胸臆黃子曰雍州之域土厚水深古稱陸海表  
以大華終南朱圉鳥鼠之山帶以渭河涇渭之  
川表裡經緯阨塞險巖其丈夫多魁壘碩頤山  
立而都顛實揚休俟俟弗撓先生稟靈含和尤  
撥厥英詩不云乎終南何有緇有堂君子至止  
敝衣繡裳佩玉鏘鏘壽考不忘先生以之是宜  
壽表子曰井井駿命物畀之幅壽取有餘淫用  
不足優哉優哉可以卒歲先生抱王佐之略蓄

木雅堂集

卷一

曜世之寶韜其景炎弗登于朝浮沉下庠鳴鐸  
一隅暮出蚤歸養之脩如深耕而廉穫閑積而  
薄發天之蕃錫吾不知其所屆是宜壽王子曰  
天降時雨山川出雲江河之潤浸淫九里玄功  
冥冥匪人覩聞先生迪成哲嗣作王之楨文惟  
國華德寔士程累典大邦出敎雄藩循良之風  
扇于東南慕義者謳吟飲德者尸祝考績論烈  
烏乎無自哉聞之對陰德者必荷顯祿其先生  
乎是宜壽文子曰西北神明之奧厥多僊靈靈  
處林棲呼噲吐納蒸之以靈芝潤之以醴泉熙

神練色千歲童顏揔轡乎瑤水之陽弄景乎仙  
掌之巔無爲自得體妙心玄先生其驪駒塵埃  
之外矚然與日月齊光者乎烏可以常算紀衰  
哉於是有王生寵者顓蒙偏塞文質無所底聞  
四子之論莫能贅辭遂撰次而書之以爲先生  
祝

山中荅湯子重書

昨奉教誨銷揚偉麗怵心劇自信文之爛發者  
也且高叙山林之樂推獎不肖似欲趨而納諸  
風騷之域自顧惡劣展卷發汗然僕之逃窮伏

本雅集一

九

陳越在草莽心自樂之足下果余亮否也揔髮  
以來連不得志于有司樊維檻束動觸四隅似  
亦可憤然惟喜曠蕩不耐齷齪身世浮沈其拒  
而不受于懷也若隄之障水莫能暴蓄我生不  
有命在天戚何益也但家本酤徒生長鄆市入  
則楣柱塞目出則蹄足擗履呼籌握算之聲徹  
晝夜每一焦煩心腸沸熱以故山水之好倍于  
儕輩徜徉湖上樂而忘返莊周言逃蓬壺者聞  
人足音則跼然喜僕雖日羣鹿豕壤斷徑絕愈  
覺心神俱爽耳且生平無他好頗耽文辭登臨

稍倦則左圖右書與古人晤語縱不能盡解片  
言會心莞然獨笑飢而食飽而嬉人生適意耳  
須富貴何時誠日夕私賀恐後之不如今也尚  
安望哉子重乎非足下誰則知者頃來放浪無  
似日增駸蠢漸不覺有官司城府時行村野間  
聞閭師里胥行談途議則怛然驚疑他日雖欲  
衣冠揖讓更從諸君之列恐跟蹤羸率重爲執  
禮者譏笑矣神志散漫言不詮次刺刺覲縷聊  
酬來訊不宣

文內翰天池浴日硯銘

本雅集一

三

悲彼湯泉膏於若木有韞其光羣曜屏伏守谷  
抱玄琬琰在匱於文仲子提携天祿

硯銘

紫玉厠玄津流吐續藻翔龍斟燭昭代垂元休  
矢余志無爾羞

圭墨銘

錫爾玄圭荒彼黑壤

題聞德齋壁

古人謂一丘一壑可以忘世夸者慙之然使醇  
白離人機勝焦然坐馳若係逸駒雖彷徨四海

意愈感矣君子內祿而顛實反鑑而天朗解枳而神全虛游而我得斗室千里也奚其隘奚其隘袁子掃軌靜涵圖史溢棟昆季友朋一時驚鶩余嘗游袁子之齋曠焉塵釋方以爲莽蒼之間也世乃以尋丈度廣隘豈余與子之所廣隘耶

王履吉墓志銘

嗚呼悲哉王君已矣不可作矣君文學藝能卓然名家而出其緒餘爲明經試策宏博奇麗獨得肯綮御史按試輒褒然舉首一時聲稱甚藉

不雅宜集十

廿二

隱爲三吳之望三吳之士知君者咸以高科屬之其真知者謂能肆情詞藝非直經生而已然皆非君之極致也乃君之志直欲轍古人而逾之自非通古今周一世不足以充其所受也是可以一時一郡論哉君資性穎異將以勤誠於書無所不窺而尤詳於群經手寫經書皆一再過爲文非遷固不學詩必盛唐見諸論撰咸有法程余年視君二紀而長君自卅角即與余遊無時日不見見輒有所著日異而月不同蓋浩乎未見其止也而豈意其遽疾而死也嗚呼惜

哉君正德初與其兄履約並以僞造選隸學官媿聲儷迹翹然競爽既而履約舉應天鄉試尋舉進士而君每試輒斥以年資貢禮部卒業太學又試又輒斥蓋自正德庚午至嘉靖辛卯凡八試試輒斥而名日益起從遊者日衆得其指授往往去取高科登顯仕而君竟不隸以死嗚呼豈不有命哉君高朗明潔砥節而履方一切時世聲利之事有所不屑僂俗之言未嘗出口風儀玉立舉止軒揭然其心每抑下雖聲稱振疊而醞藉自將對人未始言學蓋不欲以所能

不雅宜集十

尚人故人亦樂親附之性惡喧囂不樂居廛井少學於蔡羽先生居洞庭三年既而讀書石湖之上上二十年非歲時省侍不數數入城遇佳山水輒听然忘去或時偃息於長林豐草間含醺賦詩倚席而歌翫然有千載之思迹其所爲豈碌碌尋常之士哉是其志之所存必有出於言語文字之上者曾不得少見於世而僅僅以文傳而其所傳又出於文場困躓之餘雅非其至者嗚呼豈不重可惜哉君孝友天至居常能愉悅其親而順之於道與兄履約少同筆硯食息

起居未嘗少離既各授室而無姻共食視室處之時恒倍也君卒時履約方官京師及是以都御史出鎮鄖陽便道過家以葬君原俾徵明爲銘君諱寵字履仁後更字履吉別號雅宜山人父貞以履約貴封中憲大夫太常寺少卿母朱氏繼母碩氏贈封皆恭人君生弘治甲寅十一月八日卒嘉靖癸巳四月三十日享年四十娶徐氏子男一人子陽太學生娶唐氏解元伯虎女孫男一銘曰維慧而明亦藝而貞胡不潰於成而卒困以衡吁嗟乎其名

大雅集

卷十

前翰林院待詔將仕佐郎兼修

國史長洲文徵明着并書

雅宜山人集卷十終



雅宜集十卷

兩淮馬裕家藏本

明王寵撰寵字履吉自號雅宜山人長洲人八舉不第終於諸生明史文苑傳附見文徵明傳中是集詩八卷文二卷詩分體編列而各以正德嘉靖稿字繫標題之下蓋約畧編年之意以自記所造淺深大抵才力富贍而抑鬱之氣激爲亢厲亦往往失之過猶文則非所留意姑附存詩後云爾

十嶽山人詩集四卷王十嶽  
樂府一卷

〔明〕王寅撰

南京圖書館藏明萬曆程開泰等刻本

附《四庫全書總目·十岳山人  
詩集四卷》提要

十嶽山人詩集序

詩文之有聲韻者也。即古之樂章。秦朝廷薦宗廟者也。虞之賡歌。周之雅頌。太和之業。治世之音也。茂以尚矣。世至春穉而詩亡。夫子刪之。取其合於治世之音者三百篇。名之為經。以立萬世法。其後至秦而詩多散失。漢儒搜拾附會。以足其數。今觀國風多淫佚蕪褻之詞。疑非夫子舊本。不然則夫子當時以放鄭聲。告顏子而樂記曰。鄭衛之音。亂世之音也。桑間濮上之音。亡國之音也。亂亡之音。夫子既放之而垂戒矣。乃又取之以為經。此理所必無也。先儒乃從而為之辭曰。惡者可以懲創人之逸志。若果云爾。則今之淫佚蕪褻之詞。亦皆可采。以為經乎。漢晉詩人多不達此。惟唐李太白不讀非聖之書。其言多天仙之詞。雖未必盡合於大雅。而其天資俊逸。真千古之詩豪也。哉。吾鄉十嶽山人王仲房。高才奇氣。屢試不第。而迺暢不平之情。以工於詩。平生所嚮。惟太白。故其詩俊逸雅有太白

之風而理趣更多玄解淝淝乎追古之大雅矣  
予嘗慨大江以南號為聲名文物之區而晉唐  
詩人如曹劉鮑謝王岑李杜諸人多產于岱華  
伊洛襄樊之間江南故未有名家如諸人者豈  
江南為澤國迺不及嶢嶢曠宕之區所產者哉  
新都界在萬山中地勢之高古稱天上而黃山  
白嶽直與岱華爭雄長故今仲房之詩則可與  
太白相伯仲孰謂世之產才有不關于山川氣  
化者仲房性疎狂翫辭多忤于時縱縉紳先生

八序

二

折節與為知己者稍不合則飄然拂衣而去不  
復顧予與仲房為知己之深恐其詩篇久而散  
失也遂取其素所見者梓之以備後來刪述者  
評焉軍旅之暇為題數言首簡云

嘉靖癸亥年中秋日績邑梅林胡宗憲

十嶽山人詩集序

十嶽山人者吾友王仲房別號也仲房有詩名  
在海內往游塞上過淮安余時守淮遣人追之  
廣陵江上而仲房回山中矣報書曰公有向子  
平游五嶽之興乎不佞當為禽慶交焉又數年  
余客瓜州汪司馬伯玉以書薦仲房于不佞而  
仲房不果來矣報書曰不佞有王子猷山陰之  
興乎公當俟異時雪夜焉又數年而仲房長逝  
矣余入金陵登孫楚酒樓酒樓久廢而仲房修

序

一

之余登斯樓念仲房不休為文記之海內同志  
謂余于仲房有生死交情之感焉有甥項思賢  
者高雅士也持仲房詩集而請曰往吾舅存日  
愛明公之文不啻山斗倘借一言弁諸首舅氏  
死且不朽矣余取而讀之寄先大夫河上及懷  
余蜀中詩皆余所未見者吾忍序仲房詩耶吾  
忍不序仲房詩耶竊嘆古今詩人衆矣獨李杜  
以氣勝太白之豪邁不群少陵之深沉有致所  
謂光焰萬丈長歷千古而不朽者也仲房師供

奉而得其逸師工部而得其雄如集中所刻近  
體歌行是也大都仲房爲人磊磊落落如青天  
白日其胸中駕陵一世往游塞上歷覽九邊有  
鞭笞匈奴之志少過夷門謂李獻吉之詩有李  
杜之遺者遂匹馬訪焉而獻吉大奇之以爲天  
下之士莫仲房若也今讀其所作稟經以製式  
酌雅以富言發揮造化之微鼓動江山之趣欄  
轡前古昭彰後來如百寶流蘇千絲鐵網倚密  
瓊妍要非適用又如淮陰將兵百萬囊沙背水

序

二

愈出愈奇俊逸如孫太初秀雅如張子言未有  
若仲房之氣也汪伯玉司馬曾爲仲房作傳言  
仲房博學而無所成名嗟乎仲房其節俠之流  
可名後世者耶曾太史公嘆孟嘗春申平原信  
陵之徒皆因其親屬藉于有土卿相之富厚招  
天下賢者顯名諸侯比如順風而呼聲非加疾  
其勢激也至如間巷之士脩行砥名聲施後世  
是爲難耳余觀仲房生平設取予然諾千里誦  
義爲死不顧世此亦有所長非苟而已也寧獨

詩之可傳哉項生起謝曰布衣之徒欲砥行立  
名非附青雲之士何可傳哉請書爲舅氏詩序  
萬曆辛卯秋日五嶽山人沔陽陳文燭謨



序

三



十嶽山人詩集序

新都人王子與武林人方子友也二子嘗異尚  
王子喜俠嘗義氣自許把酒說劍談兵託是為  
樂樂之終身不厭也方子抱拙嘗游方之外閑  
關逃墟據梧託是為樂樂之終身不厭也及二  
人樂而為詩王子起而操觚則方子辟易退舍  
不敢舐筆既而方子拂楮則王子訢訢嘖嘖輒  
加擊節二子私相謂曰子書成予序諸子書成  
子序諸一日王子蒞其篋篋充然滿也謂方子

八序

曰此非敝帚與予將投諸壑攸氏可乎方子勞  
之曰嗟嗟王子恥以一藝名世乎顧序而布之  
在我王子曰序謂何方子曰詩象物者也奚謂  
言志哉昔人嘗曰少陵聖乎太白仙乎長吉鬼  
乎元庸乎白俗乎言此數子象茲數物者才之  
謂也非志之謂也子嘗觀子其氣豪是俠氣也  
其語壯是俠詞也其調縱放而弗拘是俠風也  
子既以豪氣鑠予以壯語怖予以逸調炫予宜  
予之辟易退舍也王子咲曰聞子之論子誠拙

與予誠俠與子方事據梧而瞑而予獨以俠鳴  
予其獲已諸

嘉靖癸亥年仲秋二十四日武林八社友人十  
洲山人方九敘禹績

八序

二

王仲房傳

邑人汪道昆著

余家食業已聞王仲房比釋事歸乃益相習王仲房者吾郡中叔儻人也父賈淮北納高氏姬舉仲房於淮仲房名寅命曰淮孺少年英氣勃勃自負具文武才時李獻吉居大梁以著作傾當世士而少林諸僧習兵杖則扁鵲最精於是仲房馳一騎謁獻吉大梁會獻吉留關中不至居大梁一月則之少林扁鵲遂以其術授仲房

傳

一

什得五六及還歛補縣諸生頭獨攻古文詞不喜舉子業時處士程自邑從獻吉受詩詩名大起仲房則以自邑由獻吉重其人易高乃約客賦詩黃山白嶽間仲房爲約長郡中善詩者悉多仲房諸少年且北面之矣太守余公入郡蓋夙知仲房名將授室仲房遣其二子受業仲房不欲也謝曰母在寅未能從公子游於是余公過仲房於家遺之金供母肉帛部使者劉公行縣試諸生詩得仲房乃大喜引居門下從劉公

太平太平守請以郡沒青山田餉仲房凡數百畝仲房不可終不以諸生困故受他縣人田乃著別青山賦留舍中竟拂衣去劉公聞之自喜曰存德奈何從海內得王生將言王生於朝請得以布衣召用會劉遷去不果聞督學使者黃公合試七郡諸生則仲房舉首且超格授廩仲房固辭黃公笑曰此何辭他日洪毗上書願得超貢如嘉靖初法貢且及子會黃遷去又不果聞仲房歎曰人生駒隙耳奈何以是儻然者

傳

二

受命造化小兒吾將爲采真之遊矣乃求異人冀得不死之藥然卒無驗卽其家益貧海陽令林君急仲房屬邑中富人奉百金爲壽明日仲房往謝卻其金令私語富人仲房義不受金爲之置蒸嘗之田十畝其後仲房棄諸生籍周游吳楚閩越名山遠覽冥搜不遺餘力得當意居旬月而後返不問家所至則縉紳大夫爭致仲房惟恐不饒而滁陽胡莊肅中都劉晉初廣陵朱子份晉人喬景叔秦人馮汝強馮汝言浙人

蔡子木徐子與童元功方禹績蜀人毛元喜相結其驪仲房獨出入諸沙門不喜就館穀卽不自給務傾身振人之窮中年喜談禪習內典嘗執弟子禮禮古峰禪師長跪請曰寅往往遇異人無如師者師將安之師曰吾徧游海內五嶽者三乃今將歷海外五嶽而後出世仲房愈益嚮慕因自號十嶽山人云及海上用兵仲房客督府尚書胡公所諸客率誦事督府仲房以謬謬獨聞督府多疏節又不納仲房言竟以敗仲

傳

三

房西入歙家猶故貧就里中營佛子軒好佛愈甚會鄰省賊起數窺近關仲房客項氏家卒聞警諸項皆走匿不者箕踞自如仲房誓之曰卽賊乘夜至公家爲墟第聚族爲先聲毋自及也賊知其有備乃引去頃之賊復起土人匿不以聞仲房馳書告有司屬郡從事縣簿二人部民兵往賊且近按兵不行仲房入軍中讓曰公等不扼賊於險逗遛里中脫賊踰嶺長驅是以險予敵也他日簿責公等其將何辭第勒兵鼓行

賊且望風卻矣從事簿皆曰善乃乘連嶺賊聞之卻如仲房言會浙兵追賊及之遂殲盡里人語曰山人故喜子房畫策乃字仲房使果在行間於緩急何有仲房笑曰非吾事也吾逸儒入老逸老入禪乃今無所逃矣注道昆曰人言仲房才高獨達巷黨人猶有遺論夫名者實之賓也有道者逃焉古人不得志則龍蛇無用名矣世鮮知仲房者顧獨知仲房詩仲房嘗言知我者希則我者貴由是則可以成名而有不屑也

傳

四

隆慶元年長至日



十嶽山人詩集卷一目錄

樂府

東門行

棄婦吟

關山月

折楊柳

易水歌

短歌行

綈袍吟

蘇小小墓

悼虎篇

大堤柳

修城謠

鄰賊謠

門前路

有所思

卷一目錄

塞上曲

三首

任俠行

懷俠行

結客少年場

飲馬長城窟

惡少行

將進酒

行路難

三首

寄遠曲

斧冰曲

隙憾歌

平夷大合鼓吹

十五

邑侯陳公禱雨謠

孤兒行

賢節吟

節孝吟

節孝吟



五言古詩

廣情詩二十八首

七懷

任公釣石

詠要離

圯上

豫讓橋

詠陶潛

過任城登太白酒樓

石耳峯上雲

濠梁

售寶刀

游仙詩七首

留竹軒七首

送王德仁侍御謫肝江四首

卷一目錄

二

松花吟贈鮑子尚

詩寄吳惟善山中乞松花

送江民璞北試三首

寄童仲良侍御

寄東寧廖廉使

姑孰留別巡按沂東劉公三首

雨中盛仲交過訪冶城宮

陳情提學翠帛黃公

彈琴篇贈王元靜建陽舟中

偕項思湯入雁宕憩能仁寺日暮予渡錦

溪觀大龍湫返 武夷七詠

嘲友人 乳虎辭贈汪奉謙

園居除夕喜程師道至 二首

謝程太真贈豹皮 得新交程巨源書

早春程師道來訪 贈姪孫守貞

過宣城不遇汪中丞廷德留題翠微禪菴

寄邢慶元 送方子樞游武陵

草創大還贈青城毛太史

飲同甫梨花下

卷一目錄

三

大梁喜鄭子陽宋中至

贈倜儻生

武林城東園月夜童希臯送酒至

寄陳天錫括蒼

病起走西湖探芙蓉留醉酒家

顧瀛梁文憲從胡司馬西征附書信州守

江民璞 送項思湯北上

武林逢程來鳳自括蒼來

稚子釣魚 婚嫁詩

解憤 七夕園居懷方時文

臨安逢蔡士英大梁來

題岳東伯秋山圖

燕京再送伯玉司馬行邊 三首

東阿道中見杏花 呈邑侯李公 三首

送邑侯李公北上 四首

五游篇贈姪士龍

予時樵居東山得伯章書報惟順臥病定

光寺賦詩寄慰 謝江王卿贈石

卷一目錄

四

獨坐隱園舊日燒丹處有懷兄惟敘

送姪琬遊魯 戒酒詩贈何叔度

觀南原嶺北飛泉 金雞石

入南原 五首

贈鮑正卿彥卿憲卿兄弟

讀蘭亭詩視桓叔

期孫子直遊鄭仙姑洞

託金修之寄漢芝山靈之作

耕野詩爲姪仲昌賦 送程士元遊梁

十嶽山人詩集卷二目錄

七言古詩

五嶽歌 五首

劉將軍席上贈画師方痴

送許德先遊楚

過訪張濟之觀唐伯虎松陵圖

揚州酒家贈趙二玉賓

謝汪德弘画松

謝吳汝復秀才送黃山佛面竹栽隱園

个卷二目錄

時客長干寺謝姚光虞贈古松圖

三神山歌爲楊伯海賦

夜夢寶刀行

海嶽尋仙歌贈唐啓潛

金陵寄許絳州

公子行贈汪子登北土

遊石岫山仙崑 金婆樓行

相逢行贈閔大 華亭馮御史席上

王子新席上贈馮汝強

金陵苦雪簡金子坤

席上謝馮戶部汝言

贈汪大元齋 鼎湖行

丈八矛贈樊大

朱子价禮部席上分贈滇南檳榔十口兼

長歌二十六句率爾成篇謝之

謝劉山人画贈黃霍

元齋來別潭上

恒山歌送曹掌教之真定別駕

个卷二目錄

過胡丹丘藥室題呂仙圖

武林梅雨留孝甫

訪楊斗門城東書画樓留酌有懷詹伯章

漁人徐文練網得赤鯉贈予爲賦赤鯉行

以謝 賦朱允恭川上桂

贈東林老人項應衢

夢白堂爲汪仲淹賦

古爵吟爲汪尉宗賦

贈劉画師同源 亞父墓

恩怨吟

謝吳東之寄贈王圖書

三醉圖

邑侯中齋林公枉駕隱園失候

謝烈婦斷石吟

寶劍篇贈邑侯南沙熊公

病夫吟

醉隱歌爲姪孫莘老賦

紫雲庄贈二樵山人洪汝方

个卷二目錄

三

訪宣允則河上樓 贈星士周若水

薛家墩酒家贈詹子儒

毘陵官舍送余伯誠德升兄弟還龍城

莊玄育席上贈楊子充

金陵逢吳子充 登石門絕頂

王工部西園席上 贈鮑一鳴

宿吳次魯巢雲軒 老竹嶺

荅海陽林明府騰蛟登凌波臺

相逢行贈盧次梗

送潘象安讀書之采石

寶刀篇贈汪仲樂北遊

送管舍人子謙北試

謝按察使胡公柏泉送酒錢至

武林留別沂東副使劉公

送張公子孺穀落第還四明

席上吟贈汪襄陽伯玉

題洪守貞家藏張路椿堂圖上有左國璣

詩

維揚留別虎臣

个卷二目錄

四

送沈嘉則遊閩謁汪中丞戚都護

武林送元龜從軍晉陽

錢塘潮送俞子自還戔州

座上吟贈王鳳洲麟洲二使君

送管太學游蜀

送潘象安三游燕臺歌

箭月歌

送鮑子良隱居龍山兼呈淳安鄭明府

贈魏郡守王陽德 梁燕二子歌

薊門逢行甫

謝方景武雙吳鉤

三屯營留別郭建初

買刀篇

燕京逢張孺毅

黃金臺

匣中劍贈畢汝光

趙縱江席上聞談龍眠山賦詩定約

椿萱圖壽邑侯李公二尊人

賦孫從理溪上石

謝賜谷方方伯贈點蒼山石

寄倪石洲蕪懷亡友王武師

不卷二目錄

五

胡少保新祠行

答贈謝蟾臺還建寧

謝姪孫可則贈古鏡

瑞卿席上賦石屏歌

夢萱吟爲友人程克正

賦寄戴使君渾渾菴

登金吉夫望瀛樓

吳興金婆樓逢孫從儒留飲

藝茶行

望岱吟寄蹇理菴副使魯中

送詹伯章游燕

黃伯元携酒來訪白蓮寺

山陽趙生行

謝吳子荆寄墨

謝黃覺齋贈程大丘手臨俺荅圖

潭上吟寄招黃伯子黃山

城東道上逢汪公子子登

燕市逢孫山甫

送友人吳伯榮應試金陵

酒壚歌贈方祠服

不卷二目錄

六

黃白二石枕歌寄羅伯符

雪山水井歌

社日渡溪西逢族姪時習留醉酒家

醉夢松上崔

醉後戲画松竹歌

贈程生師杜

觀謝時臣陳子野松竹圖有懷

隋隄行

金陵逢黃汝會

許心陽席上

贈胡汝吉歐維禮

孫楚酒樓歌

南游篇贈鄭子陽



道上逢李季宣

金陵逢趙學甫

雙七首

南岳歌爲姪孫公亮賦

銅章歌

貧交行贈吳正之

閨難篇贈孫元質

買刀行賦謝孫君瑞

癸未除夕偶讀韓愈寄盧仝詩有懷古人

醉賦三百言

東津橋歌

題陸時達隱園老松圖

瑤上留別吳維敘

爲邵格之賦墨隱歌

卷二目錄

七

吳交甫雨中携酒錢偕陸長卿來訪王潭

倪廣文席上

尺木樓爲宗姪永和賦

過吳伯榮家東園

登程天錫借月樓

十松歌寄程子方

寄孫汝庭嘗上

十嶽山人詩集卷三目錄

五言律詩

醉賦

送鄭信之游大梁

詠鸚鵡

劉晉杓戶部邀飲觀音閣

逢宗兄元勳溪上談禪

寄兄福大宣城

留別沈鍊師子高白雲窩

偕真上人尋句曲葛仙鍊丹處暮還崇明

卷三目錄

寺

姑孰訪關西張尚德

送方生子瞻遠遊

贈諸葛魯儒

奉荅郡守東臺佘公

過盧恭甫上基庄 贈朱伯仁叔仁兄弟

句容逢金子坤

皇甫華陽邀余泛舟石湖

姑叔逢吳立夫 白下贈金子坤

燕子磯謁關將軍廟

贈王世華

歲暮過姑蘇懷皇甫僉使子循金陵長干

寺

雲間訪董子仁廣化寺

留別雲間守沂東劉公之姑孰 二首

贈吳之仲

過何禮部叔毗官舍談禪

送人從軍閩海

過崇化寺觀梅花水

金陵送隱上人印大藏經歸關中因懷喬

叅政景叔 二首

贈當塗簿李君

八卷三日象

二

善權寺別僧

贈本楚

括蒼留別二守皇甫子循遊雁宕天台

三品寺

余遊雁宕天台謝括蒼郡博鄉人李維德

送酒錢

伏虎菴書留菩上人

宿龍湫菴贈湛上人

雁宕靈峯菴贈病癰僧

武林八月十二日留別禹東遊閩

蘇君楫席上聽單歌兒彈箏

青田留別陳洛夫

武夷懷傅丁戌住南華

大王峯謁徐張二仙蛻骨處

曹德祥游淮索予佩刀

雨夕訪汶上范氏

送程尚時之池陽 道逢李遷之

程若虛過訪

汪中書子登募兵救吳邀余佐行賦詩辭

謝

荅方定之戶部

八卷三日象

三

法會上人古佛菴 過汪古矜湖上草堂

寄主客朱子价兼懷蘄使廖東雱

寄鳳原張都諫山陽

劉惟明來訪王潭 過張濟之園居

落第後過張子德山居

華亭倭亂喜得董子仁書

金陵留別楊伯海之淮南

亂後訪宋子明明府六合

六合留別宋子明 贈魏千戶

金陵月夜訪毛太史起

虎洞菴贈僧

祝戶部訪予吳山道院邀過寶石山居留

飲

送劉安元茗溪秋穫

席上謝徐太守子與解贈佩刀

過靈妙菴訪明源上人訊其師王芝上人

贈歸安少尹徐升之

弁湖池禪菴同元慧明源二上人看月

訪王芝上天池山值生辰

八卷三目錄

龍井試茶同程巨源 贈時行

白雲堂茶話

送吳潘二君提兵出鎮甌海

冶城宮聽孫伯諧吹簫朱子价主客適至

方山尋葛仙翁丹井便過定林寺

宿馬佛寺贈歡上人

武林送莫公遠 過高光州池臺

送唐啓潛伴汪元蠡游大梁

寄傅丁戌

送姪正麟之吳門

臨安秋夕

武林逢張德卿

錢塘江上贈別沈敘甫落第歸四明

訪葉應涵武林驛舍

寄丁明府青田

送宋子明明府改教漢陽

訪郎仁寶題壁

沈晉卿送余錢塘江上留宿舟中

有客金陵歸談金子坤

送伯魯遊金陵

武林訪唐啓潛禪館

八卷三目錄

五

張太初劉茂先月夜過訪吳山雷院

訪潘象安病後 送無壞上人游武林

正月三日福田寺逢立春

江信州民璞過訪二首

送廣上人還金陵長干寺

送慧先上人之天池訪王芝上人

東山樵舍

贈戴郡博

入城逢易子仁誦劉三老梨花月落酒初

醒之句偕訪城南山居

癸亥除日項德隆携酒過訪

訪劉三老賦蕪簡姪端夫壽夫二將軍

喜上人游武林便寄八社諸友

謝吳子荆送遊黃山酒錢至

潭上園種樹

寄無極講師宣城景德寺

朱夷白吳之仲董子仁過訪長干寺

許元復太僕過訪長干寺失候

金陵送叔平還明州

卷三目錄

六

過龍潭驛與原伯馬上作

登維揚觀音閣

真州訪朱仲開明府田舍

贈別陳郡博之判蒼梧

送詹玄象北遊

源上人重來潭上以詩嘲予黃雀菴未結

賦此解之

寄舊令熊公寧陵

詹玄象遊魯附一詩託尋亡友孫東蒙墓

上焚之

武林送許琴岡西還

吳興長谷徐明府席上

吳興訪允則不遇 飲允則北郭草堂

馬通政松里見訪失候

武林題主人壁

遊白岳金提點進表初回

靈峯寺逢張少岳 澗西菴贈月上人

送鄉人江汝化入蜀

三僧持齋供來訪三茅觀

偕明源上人訪張太初臥病吳山下

卷三目錄

七

寄柏泉胡冢宰 嘲山甫賣劍

送元蠡華亭謁朱太史

送江南仲奉叔父方伯之雲南

贈項積成家童子萬春

送祖胤上人還嘉禾

朱夷白遊歙歸便寄張濟之徐伯臣莊玄

育何叔毗張玄超董子元諸知己

江儀卿携酒來訪妙法寺

席上贈汪元湛

贈南溪吳金

謝郡守段公惠炭

送僧自如還星源省親

聞江方伯氏璞病贅疣詩以問之

病中游中丞汝潛過訪

送潘象安再赴李相國之招

寄許元復辭湖口令返吳門

寄岳東伯

寄王武師姑孰青山

訪黃尚文臥病

登蔚宗天籟閣

贈沈明府金叅軍

重過程懋孝園居

卷三目錄

過方宜之夜酌

醉宿方阜民家賦得床頭有寶刀

程太真席上

過姑孰有懷御史沂東劉公

留別戴長偉遊塞上

大梁贈貝山賈戶部

賦得長垣金峯胡明府堂下雀

戚都護元敬席上 燕市酒壚曲

中元日過三河宿圓覺寺

宿喜峯口墩樓 潘家口望喜峯口

宿漢兒庄

燕京留別蛟門沈太史

燕京留別舊尹林公

燕京送伯原還鄉

歲暮燕京懷寄故鄉諸友

燕市逢周廷直毛平仲

燕市逢鄉人徐東臯

淮陰留寄郡守陳五岳

卷三目錄

過姚光虞園亭留酌

金陵訪沈君典市上

還霍篇

寶林菴留別廣禮上人

秋社日過吳村宗人留酌

寄汪仲淹燕京兼呈兄左司馬

寄真州蔣二秀才兼簡諸弟

過彭城悼徐明府子升

寄袁太冲

過荒塚有感

訪鄭洞然岑坑 長坡逢朱允恭

寄陽和張太史會稽

鄭雲崑夜留鄰家有懷

漫題 寄方時文二首

訪吳克思水竹塢

孔雀寺問日照上人病

武林訪第文夫臥病

過青陽便訪程汝學訓導

遊塞上歸寄游少蘿

六卷三目錄

龍永逢時行 過桐江吊謝臯羽墓

屯溪市上訪南仲

種豆潭上園詩視文卿文貫時習

九日卓誠甫舟訪王潭失候

仙姑洞逢許太杓 洪守貞過訪王潭

送余食其還婺附書叔孝甫

燕人孫漢槎過訪因談左舜齊張子言盧

次梗諸舊交感贈

寄薊門楊將軍秉中

寄程汝尚宣城 白蓮寺贈性上人

再別君典禹金

歲暮子登伯原山甫伯生來訪二首

寄藥武仲

新春定光寺喜逢方君在

過小溪有懷項彪死賊處

送吳次魯遊楚 寄鄭子陽大梁還家

南原寄諸知己 南原逢畢斗文德儀

飲畢汝輝汝光池上

六卷三目錄

南原寺逢方僧 會勝寺

岑坑鄭洞然家逢許友雲

寄韞菴吳副使東甌

飲高登之席上便寄龍使君沅陵

田廣文席上

過冶城有懷鄭道士東儒

過王子新舊居 過亡弟文卿山庄

讓松草堂二首

沈太史君典白岳寄書期予酒先聖人待

之賦詩戲答

君典太史過訪潭上園

聞吳子荆留一念上人梅花塢過歲寄問

方桓叔秋夜過訪隱園

訪吳從吾龍峯道院不遇

謝齊公子仲望贈手製籜冠

金陵孫楚酒樓舊處送孫子真還山

金陵客舍陸在郊江南仲携酒來訪

金陵陳士延陳季強各携酒餞別長干

八卷三目錄

十二

蕪邑別青山社諸友

送吳正之游淮揚

姪孫應文久客淮揚繼子往覓寄問

過宗兄朱頂霍烈士墓有感

鳳升姪孫過訪賦贈

杓秋日偕吳次魯赴朱俊父考坑山莊之

約賦贈

南原寄方文泉

送胡仲魚游豫章 寄舊二守石里張公

送黃侍御健所北上 二首

簡伯玉汪司馬

仲冬送朱同甫之金陵

送姪孫應復遊婺附書汪公子子登

元夕後二日從道放舟來訪潭上

方有恒邀醉酒家 墨池見白鷺

訪金叅軍克溫璫上時年九十

璫上問金一吾臥病

答張壺梁寄書

方以和以初持父書來訪潭上

八卷三目錄

十三

程子方借居潭園詩簡諸兒索酒代爲戲

答

偕諸姪輩送程子方別潭園

葉鄩源游吳門詩託尋亡友許高陽岳漳

餘墓上焚之

答方伯雨過訪未遇有詩貽之

葉武仲朱公幹過訪

過武康贈孫貢甫兄弟

社日間姪士龍臥病

金陵送汪仲嘉落第遊維揚

荅鍾嶽方侍御寄書

送方晴瀾之塞上訪舊

寄金雨峰萬安十肆

送鮑彥卿赴南都武舉

送汝見之會稽

送龔少尹舜選楚府歸黔中

送項仲連之晉陵因懷郡守余公

留別孫從儒游大梁

八卷三目錄

赴約孫汝庭荆園

十四

過黃源吳氏訪宋遺墨

竹里館

訪伯可醉後賦贈

五言排律

入越

階下蘭

過陳紹堯城東園

武夷第二曲訪白玉蟾舊隱

送惠光上人之金陵長干寺閱藏經

吳山白鹿泉

問江廷瑩臥病

八卷三目錄

十五



十嶽山人詩集卷四目錄

七言律詩

武林寄方禹績職方山海關

武林寄王應文明府天台

武林逢友

七夕弘濟寺宿微天上人房

送王邦儀携家之蜀

海寧逢格之元蠡酒家對月

永嘉夏日借居玉皇樓

入卷四目錄

天台陳先生木重掌教

下建溪

春社後一日訪古矜兄弟洋湖泛舟

雲間懷寄南泠蔣參政

寄平湫許副使兵備雲中

過平望驛有傷東粵廖廉使

訪方元中戶部不遇

吳興訪徐奉化庚山庄

謝項仲連寄壺山茶

春社前三日送兄惟明之淮南

金陵訪余伯祥

結社白岳雪中送惠光上人先還福田寺

寄莊玄育

王將軍經携酒邀登定山

金陵道上寄馮汝言僉使閩中

金陵送青城毛戶部辭濟南守還嘉州

三泉林侍御遷大梁僉使歸省延平復經

新都

贈劉觀復

入卷四目錄

武林訪九山祝戶部

西湖雨後看菴花

讀沂東副使劉公食蓴菜詩乃寮友范公

自會稽湘湖携歸范公松江人劉公舊

守松江

吳山秋眺

送姪堯賢從軍南海

鳳山懷古

寄朱江州子价江信州民璞

寄白石蔡中丞大梁兼薦襄城令陳近衡

贈吳千戶撫諭虔南諸洞歸武林幕府

董子元避亂吳興書來賦答

臨安酒家送吳子充還金陵

武林喜逢吳宗高 夜飲王元靜客舍

送柏泉胡中丞開府豫章

吳山月夜聞雁 秋興 八首

舟泊嚴灘

武林諸少年席上送沈娃還金陵教坊

過女禪精廬舊武林歌妓

八卷四目錄 三

避寇城居憶家園紅梅

明源上人自天池持其師王芝上人訊音

山茗至詩草命予評選

隱園撫松有懷姪孫德甫

重過登源洞懷郡守東臺余公

登采石蛾眉亭

席上醉贈趙歌兒

金陵送何橫涇落第還華亭

維揚答鳳泉張給事寄書兼謝博山香爐

過顧尚書舊居公臨卒留草五岳篇寄予

宋禮部期訪長干寺送別以雨阻命僕馬

來迎辭謝 洞霄宮

張園菴花初開 留別胡紫霞道人

寄山樵中洲東明維揚

金陵送無絃上人印藏經還成都兼寄毛

太史青城 過元放池上

立春前一日飲汪將軍兄弟宅

得黎惟敬司馬歐陽楨伯郡博燕京寄書

八卷四目錄 四

寄沈湖葉僉使

送邑侯中齋林公北上

過元蠡舊宅

答徐文長獄中寄書兼呈丁子範

遼陽兵變 莫愁湖

寄馬通政孤山社有懷張侍御高光州

東甌逢施將軍引之

金陵送何叔毗禮部亂後棄官還雲間

武林聞新都賊報寄陸星井

戚都護約遊塞上留別社中諸友

淮寧侯李惟寅席上

薊門馬上望長城 出關遊榨子菴

燕市送吳子化之三屯營

燕京蛟門沈太史見訪

燕京劉念菴席上留別社中諸友

悼燕姬王蕊仙

燕京月夜劉念菴命女樂讌社中諸友余

以出城負約賦謝

八卷四目錄

五

飲陳子野邀笛閣

余伯祥席上賦夾竹菴

金陵趙姬席上

北遊還家過城西逢吳虎臣羅伯符留飲

酒家 寄淮安守陳五岳

寄唐甥鵬卿燕都 夕陽紅樹

寄西亭王大梁 喜得燕京諸故人書

席上對友人有懷胡少保

管將軍督餉北上豐干社八子賦詩餞別

余亦有賦

送江師晦游吳門兼問岳東伯

懷寄五岳陳副使蜀中

題方元素燕臺驥首送別卷

劉婆磯望廬子國 荅安慶二守寒公

讀潘象安秋懷詩爲懷縉紳諸知己之作

汪司馬省親南歸詩先約訪

壽松驛別梅禹金與叔時甫兄思振蕙懷

沈君典未至 寄汪仲淹北歸臥病

八卷四目錄

六

隱園菊殘姪以德君佐至賒酒賞之

寄丁從吾邳州

寄沈蛟門朱金庭二太史

武林送潘象安北遊

寄黃肖葵臨安

臥病武夷宮詩報徐廉使子與

送蕭訓導鵬改教蜀中

過陳達甫酒星亭 城東遇戴長偉

寄陳蘇山副使沔陽兼懷子五岳副使蜀

中

答徐庶使子與寄書

訪舊二守修吾馮公兵備池陽道經龍口

望九華公四明人

送謝性卿虞汝孝還閩兼寄武夷君

堂下鷹

赴獵人北山之招汪司馬舟繫潭上空返

贈程生起一五岳真形圖

萬曆戊寅元日登八仙臺喜姪士龍學易

相從

訪燕人宋惟上酒家

八卷四目錄

七

寄歐八山寶慶

訪伯王汪司馬問病

渙梁留別姚氏諸君

登宛溪梅叅政天逸閣

春夜定光寺對月喜雪

城東逢吳虎臣

予爲百歲曲自壽余食其手寫鐫石印寄

賦謝

南原招崔亭

南原寄珂上人講經肇林

戲贈少妓

寄友人李臨淮園中雙雀

訪朱梅山酒家不遇

元日潼關副使朱明虹使至

寄副使劉念菴燕都

上已獨酌有懷唐啓潛

寄許潁陽宗伯乞度牒

蕪邑市上招同鄉七子入酒社

臨淮李侯座上看古佛貝葉經有作

過冶城宮有懷王沈二鍊師

八卷四目錄

八

金陵留別張治卿鄭天民歐惟禮齊仲望

陳士延胡汝吉陳季強新交七子

爲歌妓徐翩翩賦得紅葉小牋

楊卿卿席上醉後賦贈

訪張海方臥病洞神宮

秦淮道上過邀笛閣有懷陳子野明府

寄江念所侍御

早春雪後送吳子善之淮南

咸都護由薊門移鎮東海書約汪司馬睦

州附寄三首

得塞叅政理菴寄書賦謝

寄陳五岳再官蜀中

除夜有懷倪廣文

歲除前三日喜得孫尚林端峯寄書

醉賦寄唐功伯潘隱玄程士元

賜谷方京兆招飲舟中爲陪諸大夫賀壽

之讌時在南原賦詩答謝

留別璫溪竹林社

八卷四目錄

九

暮春懷燕

板橋留別楊氏兄弟

荅雅堂汪戶部寄遂園詩

五言絕句

初春送喜上人歸金陵長干寺

渙陽送劉本通還燕市

王潭十首

大梁青樓行五首

遊朱俊父上陽山七首

八卷四目錄

十

六言絕句

臥病三首

過吳次魯黃源止耕堂四首

南原釣石二首

七言絕句

湘姬曲

彭城訪燕子樓

千金亭

賦方生子瞻雙劍

贈程錦衣 二首

荅金在衡訊歸

贈鄰人程鎮伴弟從軍鎮海

金陵送元龜游揚州

黃山白龍潭上醉後戲贈張通政寰

方生子瞻出美人童銀兒彈丸戲贈 二首

寄馬元孚

八卷四目錄

十一

蘇園席上聞吳學歌有懷主人蘇君敏

金陵送朱子价禮部出守江州 五首

燕子圖

秋夜同童侍御方承天劉秀才過莫氏禪

居 四首

徐大夫子與席上看寶刀

童侍御仲良席上贈歌妓周碧雲 四首

乞汪仲樂弓

過程師道新買青山

寄許元復乞篆刻風塵俠氣海岳仙蹤八

字

醉中賦贈

遣使雲間便寄莊玄育

訪廡上人黑菴

美人攤錢圖爲飛卿賦

客路喜逢劉汝賢 與明上人步潭上園

廣良上人還金陵託持一詩尋道士吳志

在石子岡墳上焚之

程起一東歸來別長干寺

謝楊工部送酒錢

八卷四目錄

十二

舟過睦州謝鄉人余五郎送酒

維揚送吳東之還家

謝都諫周汝言送酒錢

飛英塔謝松上人齋供

送明源上人往住孤山兼呈社中諸友

吳興留別孫從周之武林

偕張太初画師過西湖戲示舟人

吳充之席上

天台郭逸人來訪

謝壯士梁大文憲贈小刀

寄定之方方伯

送伯王汪中丞赴鄖陽 四首

再送象安北遊

臥病武林寄冶城沈道士

宿沈仙洞懷碧嶺真完老衲

友人孫山甫索草金元樂府

西湖過孤山林逋祠有感

別徐伯臣

送詹玄象訪舊之魯 二首

八卷四目録

十三

詠檀板 二首

寒食東山拜祥師墓塔

戲呈友人

送大兒讀書山中 四首

大梁却寄寧陵李明府

留別西亭王 二首

留別貝山賈戶部 二首

潘家口墩樓望月

送伯王汪司馬巡邊 六首

燕市逢沈小霞

燕市仲冬望日留酌毛平仲

燕京留別程汝秀伯仲 二首

彭城寒食吊范增墓

送汪仲淹遊燕 二首 真州贈楊鏡

有感 與太真夜飲酒家

寄張晉陽戶部彭城

寄方景武薊門 二首

寄楊叅將太平寨

八卷四目録

十四

寄維揚友人繆江厓

寄劉念菴副使

荅舊令可山熊公寄書 二首

寄歐陽禎伯國子 二首

武林送石汀殷司徒北上 四首

誤信 胡兒貢馬圖

過休陽訪查八十不遇 二首

送李文仲遊燕 二首

見程太真家奴黎罔

三關五首呈郡守徐公

得沈君典燕京寄書賦荅七首

孫家溪上亭留別孫從儒二首

城東逢金華金逸人

送郡守徐公北上四首

劍詩二首呈邑侯李公劍乃海上將軍所

贈

謝許小野畢南泉贈南原茶

汪司馬席上寄五岳陳副使維揚二首

八卷四目錄

十五

寄余子化

士元孟津歸道楊秀才寄問醉後三首

送郡守徐公之山東副使三首

悼亡詩二首爲余德音賦

釋氏大海古銅章二首

性上人舜白蓮寺遠遊賦詩二首留之

謝許子田贈刀

死交篇留別沈君典太史十首

送鮑正卿萬里遊二首

寄金陵少妓楊卿卿徐翩翩蕪間燕子樓

老妓趙燕如 石斗詩贈吳從吾

蕪湖逢遼陽友人 寄楊鏡揚州

寄黃君松陵三首

贈空明遊華亭寄張月鹿

金陵張壺梁飲餞妓家賦別二首

瑞上贈金少孺二首

除夕寄贈唐啓潛佩刀用典酒錢送歲首

武林送程克正西還

八卷四目錄

十六

送姪之蕃遊淮揚

過程懋學佛齋

方日升之山陰別予錢塘江上酒家

溪上酒家餞項仲連大武兄弟之維揚

送鍊師鄭騰鵬遊維揚



十嶽山人詩集卷一

詞文

大鄣郡王寅著

火海程開泰九川項仲連校刻

樂府

東門行

出東門朝露晞相逢諸少年承恩耀金緋我獨

貧賤行歌都市無光輝一解

生若衰草長望春陽周公去云遠豪士多皇皇

神鵬阻大風徒用羽翼垂雲長二解

卷一

入門拔劍出門遨遊明珠寂寞不如暗投妻子

牽衣裳勸君且自舒煩憂三解

勸君且自舒煩憂有命在天而實招尤富貴豈

磐石珍名乃良謀共妾守飢渴故鄉暫淹留四解

棄婦吟

傷哉貧家女父母共餽糜素笄無明璧素裳無

華絲當戶勞機杼那暇理蛾眉新粧世所艷婚

姻失良時感君千金意白首矢不移讒言勿媚

興對面生多岐朝爲同根草暮作拔心枝中情

耿誰訴蘭室空長悲含啼出門去四顧寒風吹

妾命固有定令德君勿虧

關山月

落日收風色邊城望月華年年隨漢將夜夜到

胡沙貂帳流光冷龍旂捲影斜此時正愁絕那

忍更聞笳

折楊柳

春朝出錦帷長條當戶垂又堪攀折日還是遠

卷一

游時風花欺舞袖露葉咲顰眉雙鳳空團鏡凋

顏羞自持

易水歌

天寒易水上兩岸黃蘆多昔時燕太子置酒送

荆軻所俱不肯待速發將如何水鳴訝擊筑風

響疑揚歌壯夫傷往事忍向此中過

短歌行

人生滿百壽命云長滿百亦迅我心孔傷松柏

尚摧芝蘭易霜仙人不見孰授丹方豈如飲酒

手不釋觴飲酒有道風義相當匪狎異類沈湎  
作狂伯倫執手元亮牽裳裸形擊缶歌咏羲皇  
掩耳豔曲閉目名倡繼日秉燭神怡氣昌隨順  
大化蟬蛻龍翔繁華勞瘁賤彼糟糠

綈袍吟

魏齊殺范叔逖信湏賈疑入秦逢張祿正當報  
讐時不識英雄人寧暇憐一寒綈袍意實賤怒  
宜髮衝冠七尺不足惜麗溺難忘恥反感綈袍  
贈得縱以不死馬食莖豆夾黥徒堂下兒戲胡

卷一

爲乎獨余咲此不平事酒酣擊劍歌鳴鳴

蘇小小墓

結心在西陵埋香鄰北浦墓上碧草長春風羅  
帶舞青驄往來人誰是多情苦

悼虎篇

舍爾林谷狎我路傍舍爾糜鹿懷我犬羊路傍  
有甯不如林谷犬羊有餌不如糜鹿昨日胡爲  
乎藜藿可衙今日胡爲乎乃縛乃噬嗟乎孰使  
喪其勢猛哉翻爲人所制

大堤柳

友人買妓爲妾婦不能容妾復爲妓予  
傷之乃賦大堤柳

大堤有柳翠條初繁君憐嫋娜移入君園灼灼  
大龜入園見妬還拋大堤君不能顧君恩無奈  
何肯忍辭君傍不受春風榮憔悴死亦芳向人  
何事猶攀折損盡容華誰爾傷

修城謠

歛邑附郡古未有城邇因倭夷流犯境

卷一

四

上邑令史君始築城以速成多圯邑  
令熊君復修之倭夷浸消鄰寇間起邑  
民幸得恃城爲安矣乃爲民作修城謠  
史君名桂芳熊君名秉元皆豫章人

滎陽令立學校汝陰令鋤奸暴我令少年先此  
二要美政次集民誦叢興新城告圯憂心如焚  
連雲續壁永爲完城二雉盛民寇警可守前有  
史父後有熊母衆所歌舞天福爾厚

鄰賊謠

嘉靖末年鄰藩之賊犯境上乃作鄰賊

謠歌之使守令聞之知所警也

賊穴百里間執竿以至暮載金以還乃驅婦女去哭聲徹蒼天天乎天乎善良寧不憐一解

昨日賊來林谷潛伏今日賊來白日殺戮火欲

燎原撲之在速條枚不伐廼成拱木二解

賊犯我境戰兢畏思我民未敢言守令安得知徒然田野上虛聲樹黃旗嗟嗟守令安得知三解

卷一

五

外賊之勢盛不可長內賊之應變連其黨相今之禍孔易養守令守令方催租賊不減民將逋四解

門前路

昔人割田以爲路後人奪路而復田予不忍使昔人之名隱沒而不傳故作門

前路

昔讓田兮路公人行今奪路兮田私耕吁嗟兮路雖奪名尚在田雖耕有主代

有所思

朝有所思有所思兮思古人夕有所思有所思兮思古人夕思古人望日之出朝思古人苦日之沒朝夕相代我思不竭古人去何速我生來何遲上下幾千載不獲生同時古人敢盡思紛紛多雄豪所思風調合三五惟吾曹思之不可見白首心徒勞

塞上曲三首

卷一

六

策馬出薊門一望風沙愁高山限華夷孰謂非天謀大河西北來東入中原流流爲塞垣口結石難爲浮旌樓臨清波將士此防秋朝朝戒修築勞勞何時休

誰知大漠外山勢中天橫羣木積蒼翠北面壓長城清川照馬影流入長城潭山川羨奇秀何事天驕生三衛號屬夷入貢乃虛名伏禍日當警况焉鄰

帝京

犯塞歲息兵仰闕屢通使納款非來歸豈容遂

所觀

聖恩本汪洋由今恐驕恣不如飽成兒養成干將器勿緩巖廊謀早消犬羊志

任俠行

古人好任俠任俠皆豪雄今人好任俠亦竊欽  
流風君不見在貴雖容接布衣向人終自負金  
緋薦達肯爲生羽翰片言尚惜解急難又不見  
處賤日望公卿門誤信通名即受恩折腰低眉  
爭取媚敢使恭承道傍戀今人任俠非古人本  
無俠骨俠非真王生王生本俠骨攬劍吁天心  
硃碑四君侯薛呼重泉生平難逢空白髮

懷俠行

君不見平原信陵兩公子折節輕財能禮士趙  
魏封疆自此尊秦楚之強何足倚又不見朱家  
劇孟起閭里聞名歸者如歸市借軀重諾急孤  
窮報讐讓德真遺屣爲俠孰易其孰難公子寧  
當布衣比予生本腐儒抱氣多憤怒世路賸不  
平出門向誰訴常懷古俠布衣人七首時逢夢

裏親牽衣一問當年事覺後徒勞轉愴神

結客少年場

余家宣平里寄生周瑜鄉少年氣豪宕惟趨結  
客場擊劍悟盡術彎弓賭穿楊江淮隘所觀匹  
馬游大梁大梁識從來其人尚風義侯嬴問夷  
門朱亥訪屠肆呼吊信陵墳醉哭灑雙淚歸來  
迺折節爲儒希致身苦窳伯王畧屢上不逢辰  
公卿稀憐才薦達有何人悠悠歲云暮兩鬢霜  
華新青紫志已違荷鋤甘老圃俗世賤披裘自  
慚不足數應悔當少年爲儒不如武生命一擲  
輕長纓繫驕虜丈夫重聲名豈爲封萬戶往事  
胡能追徒然每憤怒

飲馬長城窟

我年始弱冠即欲覽長城一朝喜都護尺書來  
相迎我從薊北來飛霜八九月仰登長城臺俯  
視長城窟馬飲窟中水水寒割人骨宿臺老卒  
向我言往年胡兒過石門胡馬亦飲此窟水犬  
羊十萬如雲屯長城高高上北斗胡兒安得向

南走聲勢伴爲關路攻移兵潛破偏坡口巖廊  
雄畧亦不稀報國誰爲揚

皇威奪來近地無容牧一望陰山一哭歸

### 惡少行

紅顏誰家子生託富貴場披褐賤羅綺下筋厭  
膏粱終日坐廣茵百戲喧高堂只此足懽樂而  
復肆猖狂有時出里巷車從何煌煌未嘗識章  
句意氣疑侯王家常匿亡命蕪并多善良金挑  
每桑野豈暇論名倡快志正壯歲含怒多道傍

### 八卷一

### 九

知名已長吏盈惡終爲殃法言爾宜聽速悔謀  
自臧

### 將進酒

君不見喬松挺秀無冬春龍鱗眼見摧爲新又  
不見高崖削石浮雲齊崩頽眼見爲沙泥二物  
堅貞亦易毀吁嗟人生非所擬華艷俄驚老醜  
臨百年波流旦暮耳仙人家在崑崙樓渡海真  
訣焉能求不如床頭醉綠酒日日休辭三百醜  
笑彼富貴人紛紛倚聲勢不知造化盈復虛焦

勞徒爲身後計彼非無酒任斟酌鄉里小兒狎  
戲譌歌舞自謂善歡娛翻使精神易蕭索我曹  
飲酒有大道萬事一勺消懷抱何須酥酪得醅  
酬不用還丹多壽考從來酒德孰爲可揚雄陶  
潛猶瑣瑣劉伶李白斯達神天地塵埃况有身  
大招安得招魂起共作佯狂醉酒人

### 行路難三首

女旣不能取宦乘聰繁華組女又不能滿載黃  
金爲大賈羸馬長年好遠遊七尺昂藏犯塵土

### 八卷一

### 上

妄負胸蟠濟時策敝帚徒誇乃何益世變公卿  
異古人朱門連雲不延客亦有能延者終自傲  
青紫折節傾片心而非古人比四君事業本吾  
曹更于何處求賢豪馮毛虞薛逢今日懸河之  
口爲徒勞

緼袍可爲衣采薇可爲餐一身保暖安足計忍  
見豪士之飢寒緼袍不足共采薇不足分豪士  
雖云重意氣結交何以通殷勤安得丹藥燒九  
還黃金待出高過崑崙山信手輕揮贈豪士如

斯方得怡心顏曾逢仙人授玄旨龍虎猶封丹  
竈裏到此琅玕長未成使我閉關愁欲死

蜀道尚可捫千盤瞿唐亦可凌波瀾嗟哉古今  
之交道視彼瞿唐蜀道爲尤難貴交好諛惑自  
誤賤交競私每相妬我生無偽惟有真誤剖肝  
腸付與人可憐輕此等鴻羽轉眼浮雲稀所親  
絕交甘爲一時棄掩耳紛紛不平事臨水依山  
僻定居伴狂萊笠混樵漁沙鷗麋鹿忘機狎交  
道從前總不如

寄遠曲

我所思兮在錢塘青樓自恨抱幽芳別來遺贈  
有何物寶簪金紐翠錦裳寶簪勿拋折金紐待  
予開翠錦裳兮勿輕着向他人舞春風臺別君  
未三月相思度三秋今將一掬淚灑落清江流  
淚珠灑落水片片菴花鮮五日結作鴛鴦字流  
到君家青樓邊非雕非織重如石君其取佩當  
胸前此字堅不滅君心堅勿移效彼萋蘿草託  
予松栢枝青青貞性凌霜雪千歲纏綿無解時

斧冰曲

昨夜北風虎豹吼堅冰凍合長河口吳機織得  
素綃成鴛鴦翡翠雙雙行船子負竹綆少婦船  
頭坐鴛鴦撲朝霜纖手斧冰破冰破寶鏡分菱  
花飛箇箇鴛鴦低垂纖手冷流波照見可憐影  
此時妖妓青樓眠夢在巫山十二前錦衾麝蘭  
薰未滅小衫汗濕春情熱

隙憾歌

烈女汪賜兒本新都人父客居巢生烈

卷一

十二

女時年十五鄰有狂童隙壁窺之烈女

憤欲死期以斷髮終身不字焉父母許

之烈女竟縊死予烈而哀之作隙憾歌

灼灼夭桃花十五香閨春從來人不識託根乃

失鄰一解

早行宜多露折柳圓可樊深居隙何生傷哉命

誠艱二解

視彼烈女心負身白于壁一聞青蠅聲即如穢

其白三解

白日隙方照紅顏身可無願言死如薺孰用生  
如茶四解

平夷大合鼓吹十五首

我

明治安已久武備浸弛倭夷勾連內逆深入

東南撫臣受

命當事者每見挫辱胡司馬宗憲以御史憤

激身冒敵鋒百餘戰五載而成蕩平之

績余恨未得從司馬草檄軍中知始終

八卷一

十三

之詳姑就所聞大戰鋪陳頌之以振威

揚勲風敵勸士名平夷大合鼓吹十五

章廼竊取短蕭鏡歌之義使後來爲樂

志者庶有所采焉

石塘酒

出柘林嘉善來斷髮朱衣震驚霆與雷御史憤

越位思餌毒酒謀何奇旨且多湛樂斯兵內攻

禍自貽乘勢載截如芟夷

出自嘉禾北門

保靖兵氣未鼓在昔畏敵如畏虎將令再申不  
敢前公怒上馬坐銀鞍諸吏留諫叩馬言出自  
北門矢不旋行伍胥激擁飛煙旌旗蔽日如從  
天湏臾獻馘盈五千

截柘林

巢穴震思東方望日出發海洋挂長綃候風揚  
柘林先機賊莫識浮梁鐵鎖已四塞火石交無  
羽翼天殄克颶風力

據龍山

八卷一

十四

樂清賊來破州縣我兵連截十二戰戰千里未  
大克至龍山賊轉力龍山得勢可制人諸將要  
地分兵屯戰日久兵不揚失此不克夫何望激  
家兵自騰驤雷轟颶擊賊莫當墩堡呼奔閉關  
藏延頸受屠馴牛羊剖賊心斷賊首啖心提首  
酌斗酒偏裨伏賀媿且驚公咲命酒歌賊平讓  
言何功赫赫

天威成

克南甌

石塘有酒南麂有食不知其讐反以爲德德我者死亦寧未德我者嗟嗟亦何逃其生毒餌雖免動足機陷成嗟嗟亦何逃其生

克後梅

閩中賊來越上越中賊兩相向兩賊勢成不可量公騎親逐環甲麾旌賊遠見之心膽驚賊稍却隔洪河嚴號令連凌波賊堅壁山之阿掩罔戰夜奈何同將士雨滂沱待明發雨而霧賊潛奔幸脫免嗟哉伏機已先布兇芳雖狡旁窟無

八卷一

十五

路

北關敵臺高

浙東賊勢如雲蒸浙西賊勢如雲蒸揚言北向擁金陵公含憂心殷殷鎮臨安日分兵北關築敵臺高衛臨安城臺上按劍怒神謀內縱橫城門四邊啓金鼓一無聲賊疑畏民不驚妖氛浸散待清平

圍桐鄉

宗將軍勇莫當貪深入哀戰亡賊乘勝圍桐鄉

兵正寡誠徬徨惟間謀謀斯臧宣

皇威結衷腸唇齒相倚令自傷孤邑圍解殃反祥

蕩乍浦

陳東擒麻葉縛二兇不還誰宰部落振虎旅約青旂四搗巢穴泣以馳泣以馳海波難劈望何爲鯨鯢三萬殞同時

圍沈庄

徐海張幟驅倭夷東南流血腥風吹中丞帷幄

八卷一

十六

心傷悲發獨謀冒身危賊弓唇亡齒誰衛却罪貪功志不細辟彼猛虎一蹯繫不決蹯尚吞噬沈庄合圍復能逝悔泣無及就人斃

焚舟山

蘆花舉新巢穴木石壘入雲列時出沒禍難滅向歲臘天雨雪一炬焚海爲熱樓船沉刃不血

叛賈降

叛賈夷爲家兵爲利勢久成益驕肆招之十年不肯至司馬謀渡海使感靡疑化兇志一朝自



縛伏轅門納欵泣哀希

天恩雖死尚作中華魂

克烏沙

岑港舊賊高脩藩烏沙新賊期爲援定齒響焦  
水陸分布舊賊果來斷其路伴爲舊賊招招其  
友新賊望舟從涉罔否叛賈殘孽從今復何有

閩海平

破鎮東挾閩藩王中丞望來援司馬憂給糧餉  
浮海分兵亟南向一傳先聲魄已喪售策交攻

八卷一

十七

即平蕩

江北平

浙之平閩之平民安堵樂更生公憂淮南尚未  
寧懸金健卒徵徐青果然賊入北海口先謀已  
負良弓手長箭星流敵遑走運河一線通要害  
貴嚴守嗟哉斯地賊可久非公孰能善其後

邑侯陳公禱雨謠

侯昔北觀憂留山甫 哀職無闕還我父母還  
我父母我愛已釋旱適時逢侯憂戚戚一解

有驕旱魃滌滌山川烈若自焚朝夕遑餐星符

亦召土龍非靈百神徧舉神孰有聞 二解

侯兮謀困仰呼蒼蒼民其何華若斯降殃白茅

犧牲持鬯以祝我思何人敢不益篤 三解

行彼周道仰呼勞瘁蒼蒼乃高潛然隕涕蒼蒼

終惠感侯素誠商羊一舞沛然甘霖 四解

黃臧炎塵綠回枯畝不饑不饑秋臨大有束皙

元城石卿洛陽侯兮能禱永稱三良 五解

孤兒行

八卷一

十七

古人孤兒行歌爲兄嫂苦欲寄泉下書怨失恃

與怙 一解

古人思親操歷山感鳥飛父母日云遠自將安

所歸 二解

不誦孤兒行願理思親操我父先背未盡子道

罔極之恩無時報 三解

我生孤何早尚未堪提携問父形容聞母懷其

思極徒爾夢見之 四解

賢節吟 賢節鄭氏邑人徐淮婦也

母早于歸家運中落黽勉有相何誠卑弱一解  
孝事舅姑後姑罔間胡天良人天不佑善二解  
豈惜死殉孰託遺孤忍生延祀齊以甘茶三解  
子兮孫兮中運復振蒼上有知佑善終信四解

入卷一

又十七

母早于歸家運中落黽勉有相何誠卑弱一解  
孝事舅姑後姑罔間胡天良人天不佑善二解  
豈惜死殉孰託遺孤忍生延祀齊以甘茶三解  
子兮孫兮中運復振蒼上有知佑善終信四解

節孝吟

節婦張亢芳婦莊氏也寡居而撫訓六  
子立矣母病醫莫治六子爭相割股以  
活母後鋤竹見金上題曰賜孝子金四  
字予聞其事而神之迺為作節孝吟

入卷一

又十七

母抱奇疾醫聖稀逢母寡代父訓罔極恩尤隆  
醫聖難賴呼蒼穹一解

蒼穹呼之呼良苦徒然呼之計割股股迺母之  
遺方寸暇忍惜即圖母股愈母疾二解

一子割股諸子以隨諸子股念皆母遺爭相懷  
又歡一割孰知兄弟有靈藥和糜次進疾速却  
三解

竹林載鋤中何瘞金金迺上錫孝子金天兩金  
憐孝子厚雖厚孝子亦彰節婦四解

節孝吟

程母汪氏歛程檀婦也檀有兄久遊忘  
歸檀往訪汪氏實相之行檀至燕不見  
隨以鬱死遺繼母及孤必建汪氏寡養  
繼不異親姑姑病死猶卧汪氏懷中建  
亦賴汪氏撫之成故其節孝傳郡中久  
矣予深嘉其事廼爲賦此

兄遊燕久忘歸弟懷歸兄母相之出門矢不顧  
中閨一解

卷一

又十八

棠棣獲遺連枝喜兄尚貪游弟亡矣中閨驚  
翼一分難復比二解

夫以兄亡婦怨罔興節孰能奪為保孤存辛苦  
忍為未亡人三解

遺孤日立繼姑日痛養姑之篤篤猶撫孤婦  
一身三世圖四解

五言古詩

廣情詩二十八首

阮籍詠懷詩八十二首李獻吉謂陳子  
昂三十五首李白五十九首咸祖籍詞  
嘆宋人知宗陳李而不知宗阮豈其未  
見阮作耶江淹亦有十五首庾信亦有  
二十七首獻吉何不言也予亦祖阮爲  
廣情詩以有遠游僅得二十八首志再  
有作于將來續焉

卷一

六

端居披載籍往事欽古人我生何太晚不與生  
同辰追思不可見夢寐時相親多爲燕趙士稀  
有魯諸生恍若顏面識盡將肝膽陳覺來失所  
在戚戚傷心神

聖人洞萬物凡洞信能神夫何六合外不論惟  
云存咄哉莊生言亦非達觀人六合即目前勿  
謂遠無垠常者固能論異者不足驚咸池越九  
萬難遽宛渠民乃于混沌始問見天地生  
紛然塵世人羣生天地內小大各任謀迷茫失

利害孰非千歲憂詎免一朝悔碎彼田野雀啄  
食胡用多充腸意忘飽遲飛逢網羅全軀落人  
手哀鳴其奈何

陽春棄絕調甘受巴人傳西子失國艷爭云嫫  
母妍聲色有定賞聰明本天然聞見在衆人胡  
爲多反遷有心各難測從來無足憐

子桑上呼天若哭還若歌莊生以貨粟忿色向  
監河覽事千古後一咲疑傳訛二君尚若此他  
人其奈何

八卷一

十九

末世日以降下士風寥然守令棄巖穴於勢固  
宜然平生桑梓交矢許膠漆堅一朝駕四牡意  
氣殊當年貴賤何所忌形迹自懷嫌羊裘豈易  
傲龍衮尤難謙萬古尚交道漢武誰能肩

丈夫縣弧志寧甘棲舊鄉弱冠事遠遊匹馬紫  
絲韁南國臨吳楚中原邁齊梁結交盡名流識  
面投肝腸邇來多泉臺宿草如人長一望道云  
遠絮酒未陳觴新逢寡所惟懷舊歌慨慷餘生  
縱百年知己那能忘

聃氏尊大道而乃病仁義焚符與破璽莊生亦  
流裔斯言敢云非惟在上皇世後來民僞滋仁  
義尚難治徂公愛養徂家口食以匱三四同朝  
暮喜怒由變異偽滋不可極聖人寧無防牢籠  
豈私智大道爲通方曲士徒信古信古非經常  
端居一室內謾言覽無窮予生半百後撫膺感  
流風賢豪漸淪沒世路今難逢紛紛負莫比邪  
佞各相從倘變孰猿雀蠅蝓多沙虫造化虛還  
汚願言盈復隆

八卷一

二十

寄生大江北十五即明經日誦萬餘言落筆驚  
縱橫俗學厭章句而乃嗜談兵強弓彎月滿長  
劍磨霜新時時憂塞垣已賦出門行親嚴志莫  
遂干用逐諸生十上苦難售破產漸家貧徒然  
七尺身兩失至無成壯夫氣徒在覲顏向時人  
命也其奈何仰嘯呼蒼旻

大鵬垂雲翼志惟在天池鷦鷯眇然羽巢林安  
一枝余也好遠遊生違上古時不得臣穆王八  
駿萬里馳爲御佐造父七萃同追隨攀陟玉山

巔長呼拜王母虎齒豹尾垂善嘯驚龍吼願乞  
戴勝歸用延千年壽五嶽尚難去局促徒白首  
室中無陂澤井中無大魚五世廟始怪萬夫謀  
斯奇范氏客已老力弱面還黎曲河珠能采高  
臺投若飛羣黨遂驚異後復誰敢欺少年紅顏  
子矜誇競一時冥冥不自識寧免傍人嗤  
勃鞞衣羽毛無翼凌風起因霄善嘯人笙竽響  
百里世人隔方隅聞言皆掩耳辟若醯雞微處  
甕即四瀛告以曲池水胡然能不驚鄙哉俗世

卷一

主

士休令大道開

憶昔弱冠餘舊京事遨遊秦淮菴葉渡繫馬倡  
家樓日日醉絃歌紅錦費纏頭早覺繁華非翻  
抱浮生憂鼎中丹砂煮海上琅函求藥與火俱  
誤五氣失真脩神盛乃爲宰能握即仙流陰符  
揣摩術鬼谷言良優

陽鳥翔即落顧兔死即蘇句芒今始握玄冥駕  
復徂晝夜與歲序速代胡爲乎丈夫失功業俗  
世何足娛奮當學久視要待滄溟枯變化齊龍

德仙爲上仙徒功業何足道終恐斯言虛  
得志則大行丈夫聲名垂失志則龍蛇蟠曲斯  
爲宜鬱鬱自抱憤混處徒妨時分當遠世間鱗  
角甘沙泥治亂非所聞無勞出位思終歲對妻  
子嬉笑神情怡蔬食衣薜荔寧憂寒與饑  
披裘行帶索擊壤歌嗚嗚交游漸契濶吾亦自  
忘吾道逢徃來者盡指佯狂徒任呼牛與馬隨  
應色愉愉呼者或能識應之聞若無悠悠宇宙  
內心與浮雲俱

卷一

主

蚤歲負高義齷齪卑風塵迂疎不自量揮霍咲  
家貧賣賦名旣賤躬耕力不任衣食倍上農老  
大勞謀生靜思何所謀惟可學嚴遵百錢日亦  
足下簾謝時人著書亦云倦高臥怡天真欲託  
城都市無能隱姓名

鄭新失蕉鹿廼以夢自疑夢廬得他人爭之訟  
士師華子病大忘徒然覓巫醫既寤怒妻子操  
戈逐魯儒夢忘豈真覺二者誠足嗤哀哉今世  
人足嗤盡如斯

有客扣我戶履穿衣敝垂誇言不少讓爲恨憐  
才稀聞言一變色掩耳仍大嗤君縱萬夫秀今  
異四君時骭髀無淑貌邪媚多諛辭方軸與廣  
幅爲輿阻驅馳南山有荒畝不如早言歸

狂生不解事一一就師求不獨兼二氏還思問  
九流學焉無所用于人如贅疣志願徒汗漫日  
月迅以邁勞勞髮易白難免貧賤羞擾擾當途  
子何術能身謀

鵬以橫天翼一扇乘風雲龍能具神化金石入

卷一

三

無形自古學仙者誰知有徃因今人迺何人妄  
欲希長生始皇與武帝况乃萬乘尊宜居九五  
位難容十二城無益迎王母何勞求羨門天王  
徒授訣徐市阻蓬瀛

我

皇都北極親爲鎮胡疆黃雲薊門接紫氣燕山  
翔公卿集軒駟冠蓋何輝煌我乃漫游人短褐  
時水霜雖有報國心誰能識中藏燕趙多感慨  
欲訪醉千觴邇來亦稀逢寥落託交場將軍還

有約明日過渙陽

故鄉別吳越匹馬策翩翩緹紫短劍萬里秋  
風天渡江望齊魯從此入幽燕徃代多雄豪遺  
迹覽依然相逢道上問追思千古前有志功莫  
遂哭爲淚潸浣神魂定不散抱憤臥重泉未暇  
一觴莫長歌大招篇招之無術起欲去還速遭  
執簡受章句志即在疆場矢敢請長纓短衣事  
戎行南越不足道繫頸單于王明經世所棄老  
大棲故鄉有約赴都護鞍馬去渙陽大呼望長  
城高高入雲翔西北萬里餘黃雲接蒼茫秦家  
始皇帝天啓斯謀滅雖嗤自云誤求賴中華防  
廟謨重九邊

卷一

三

帝京在燕幽胡虜切比鄰牧馬時來遊士卒三  
十萬不獨急防秋甲冑生蟻蝨終歲抱干矛暇  
則修墩堡飢渴偏坡頭沙場力已盡薄餉功難  
酬將軍醉歌舞休戚誰知求一旦捐軀死龍廷  
迷故丘

五嶽西北偏徃來萬里路傷哉累糧難忽忽歲

遲暮向平乃何人不能續高步婚嫁畢易期徒  
草五懷賦少室與大室爲彼五嶽尊比鄰即緱  
氏丹鼎間尚存吹笙騎鶴處余其子晉孫終當  
遊一嶽手可青天捫

貧士恒產薄十畝惟荒田藏名欲躬耕村里多  
人煙辭家命妻子載書入南原有樵讓山居種  
茶賴供餐學惟孫登嘯嬾草楊雄玄木石與游  
息靡庶相周旋矢言往來絕任此全年年還愁  
似畏壘俎豆賢人間

七懷

新都多佳山水以古人遺迹甚罕故山  
水無所託以知名於世若許宣平有南  
山有洗脚塘聶師道有興道院有浴丹  
池金良之有金仙坦鄭八郎女有仙姑  
洞李太白有望仙橋俱在郡城之南內  
外相隔只數里耳金仙坦浴丹池久莫  
可尋仙姑洞閉于民居洗脚塘築于官  
署鄉人鮮探奇而仕遊絕訪古以致遺

迹浸荒沒矣予每愴然有感乃賦七懷  
詩七首使後來或有探奇訪古者庶有  
所考也

南山

栖隱南山巔藏名翠微裏託爲樵采人負薪入  
城市得錢即沽酒醉後狂歌起一往百年返老  
嫗石上逢分以一甌食疾步躡高松丹鱗遺曲  
沼時時白雲封

洗脚塘

姑孰道上池樵女曾洗足太白過亭中詠言美  
素玉宣平亦樵叟亦有洗足池清波失所處遺  
迹良堪悲千年舊城郭駕雀願歸來風雷見池  
裂仙術斯神哉

興道院

早歲服松脂夜半聞空樂南嶽遊久栖彭蔡授  
玄學歸來虎豹狎蟬蛻飛霞伯初復遺命神  
仙有世家興道院尚在寥寂依雙松常戀幽真  
訪黃冠未一逢

浴丹池

遠懷南嶽遊深入雲霞穴三逢仙翁師長生授  
真訣歸來買丹砂九還水火週出鼎成大藥石  
池溢寒流化身見衡陽至今未千歲靈迹寶無  
人嗟哉失塵世

金仙坦

萬鍾尚難累小尉辭奉新袒跣形自穢佯狂玩  
時人服藥非丹砂蟬蛻若微塵胡然先期命四  
大惜其焚多栖南山麓宣平託爲鄰仙壇立已

卷一

二十七

沒半畝惟松雲

仙姑洞

碧山城南曲石洞雙扉開鄭姑鍊真處神解不  
復回洞前蔽灌木逕上封層苔市喧近雞犬遺  
跡埋塵埃棄置訪何人俗世稀仙才託鄰恨無  
因得築乘風臺

望仙橋

宣平傳舍詩太白誦驚訝知爲列仙人來訪南  
山下頻訪胡不遇菴以野火焚徒然橋上望惟

見南山雲宣平仙能詩太白詩亦仙樓當橋上  
結事永無窮年

任公釣石

釣石乃梁新都守任公彥昇遺迹也公  
爲從來郡守之最賢者且沒於郡况釣  
石亦奇而郡志不載何耶

民安郡無事曳杖時徙行聽訟隨在野雙溪從  
姓名溪上遺釣石繡織苔花生斯石非數仞高  
與峴山爭豐碑無人紀爲之揚德聲拜石足墮

卷一

二十八

淚惻惻心難平

詠要離

予蚤歲讀要離傳大壯其節爲從古稀  
有復思讀之而忘所在矣晝寢夢一人  
呼予曰君不讀吳越春秋久矣何不再  
讀驚起開篋披而讀之則要離前席予  
矣噫是固予之精思自發而英雄之靈  
其尚未滅而相感耶

勇哉要離子其軀稱細人伍胥薦高義吳王尊



客卿椒丘衆中辱慶忌座上擒詐罪出奔衛傷  
哉妻子焚殺讐咲何難三惡自能悔羞見天下  
士言訖沈江水左右救何爲張目伏劍死伯鸞  
墓託鄰泉下慰知己

圯上

蚤歲盡破產報韓氣何雄誤擊博浪沙抱志幾  
不終匿名來下邳幸有圯上逢一見識孺子進  
履披褐翁嬴秦快即滅炎漢資成功荒祠今尚  
在九曲黃河東寂寥訪往迹感慨懷高風

豫讓橋

卷一

三

北遊向燕冀午過長河橋橋聞賣瓜婦振策驚  
回鑣四顧意悽愴炎天變蕭條一刺不見縛再  
刺報愈堅雖受義士憐誓死心斯安馬亦識余  
意戀戀不肯前繫馬買濁酒臨風奠一斗環立  
道上人長呼泉下友豫讓名常存智伯賴有後

詠陶潛

終歲勞耕植一室恒苦飢迺就小邑令醉酒聊  
自怡印綬未百日遂動田園思託以督郵至折

腰何所爲達人進退間龍變或難知常懷田子  
春慷慨有餘悲豈在荆軻詠然後露襟期

過任城登太白酒樓

繫馬任城下振衣任城頭太白徃已久依然舊  
酒樓樓中記片石俯視濟河流任城令難逢誰  
能醉我酒狂謠呼太白買奠酒一斗英雄呼不  
來莫罷還自壽謝山爾埋骨墓門莽荆榛欲結  
謝山社恨少同心人我家天都下況與近相鄰

石耳峯上雲

卷一

三

崔巍石耳峯氤氲峯上雲形狀變旦暮蒸鬱逐  
陰晴金銀錯爛熳丹碧疊鮮新繪素失匠巧屏  
障成天真至趣咲流俗獨賞怡心神當軒揖長  
嘯醉酒供豪吟中有仙姑崑上可呼玉京何時  
命鸞霍期我來相迎

濠梁

昔讀南華篇濠梁結遐想我來臨高隄風塵暗  
蒼莽黃濤無遊魚莊惠何以賞獨觀迺據今寓  
言徒信徃古人不可招策馬一悽愴

售寶刀

家貧售寶刀壯士非良謀世俗無貝目重價誰  
能收市門且歸來咲向妻子羞東鄰有美酒典  
將敝貂裘悲歌盡一醉拂拭丹虹流鏑上酌酒  
誓結好終白頭惟事靖國難不須瑣細讐志違  
苟已矣埋匣同山丘

游仙詩七首

余雖塵世者厭隨塵世蹤握手期黃石牽衣慕  
赤松徒然勞白首雲蓋悵難逢二仙訪軒昂或

卷一

三

過天都峯長跪乞丹訣終身矢以從敢云生六  
翮惟願駐衰容

舜華何鮮妍照日僅崇朝蜉蝣何楚楚至夕隨  
風消萬類出與入由機亦已勞一日常戚戚百  
歲豈遼遼何術脩元始機能出入超來信瞻青  
鳥仙車下赤霄

自余當弱冠即喜慕仙真五嶽仙真窟期游物  
外身嗟哉上古後巖洞萬餘春恒華尚幽渺衡  
岱漸凡塵邇來迴翠鳳無一駕斑麟吾祖嵩高

別吹笙亦不聞

求仙在寥廓混迹豈塵埃逍遙定員嶠遊戲復  
蓬萊八方風作御五色玉爲臺沆瀣餐能飽雲  
霞服以裁羲和能逆挽閭闔一呼開不識乾坤  
裏能經幾劫灰

海外有五嶽崑崙難與肩千畦芝作圃百畝蕙  
爲田天風吹香露島日蒸祥煙精靈由自化種  
耨豈羣仙二物塵根異餐之亦永年無由滄海  
寄水火洗腥羶

卷一

三

紛紛俗世者慕仙乃何爲天池鵬許徙緱嶺崔  
容棲視彼鳬與鶩短翮宜凡卑猶難學夸父半  
道無能追金石盡瓦鑠導引豈神奇咄咄良足  
惜徒被丹經欺

昆蟲至柔質屈信求寸長本生闇情識亦得化  
飛揚昆蟲翻見媿塊守有形亡日日燔情識時  
時去故常乾坤萬物祖造化費森張運窮歸劫  
火好生終見傷

留竹軒

旅寓臨安卑隘塵俗砌下有地弓餘乃  
乞竹數竿種之因題留竹軒賦詩紀事

復問答六章終之

旅居既卑隘塵俗復相煎砌下理荒翳移竹當  
窻前數竿小成林秋雨滋娟娟翠色濃欲滴映  
我古人篇市沽對斟酌攀歌興悠然自是野雀  
性難忘丘壑緣更生爾方暢浮迹予流遷去住  
且勿道主賓暫周旋

問竹

八卷一

五

美哉孤竹君與君豫言別結交不得常誰爲重

高節

竹答

難以小草賤報德重千金願隨君子去而無懷

土心

答竹

感君戀貧交携君媿無力每被清風吹相思歲  
寒色

竹再答

暫以我爲悅知君恩不終惟願日枯槁安肯隨  
春風

再答竹

君矢枯槁心我今敢相棄百爾思携君不辭同  
心累

竹三答

君素重然諾虛中不復疑與君至黃髮歲歲繁  
孫枝

送王德仁侍御謫盱江四首

八卷一

五

少年迅天步繡服被光榮簪筆侍 龍衮補闕  
持忠貞權豪一以震名譽桓張并行高衆所忌  
讒言忽縱橫憂傷寡儔侶寸心誰爲明從茲下  
丹霄遠邁盱江城

賈生達國體漢主遷長沙才高昧沉寔少年似  
浮誇往事不自鏡君行復何嗟道窮在末位時  
惟龍與蛇大行戒勿亟堅壁無終瑕  
盱江靈異地展矣麻源岡羣峯競廻合松桂鬱  
青蒼紫芝長天路石磴流丹漿麻姑與華期駕

鴻失雲房君往愜素賞公餘肆相羊千秋後康  
樂安得聯衣裳

晨起絡清酒佇立河之涯霜華被原野蕭瑟寒  
風吹馬鳴望君至寶劍懸青絲握手不盡言抗  
揖從此辭一飲當連觴湏臾若雲馳雲馳豈足  
嘆會面非遐期

松花吟贈鮑子尚

種松滿谷口花開春可憐草際落常掃搗作黃  
金錢醉餘出座上清風生灑然斯物有靈氣功

八卷一

三五

弁丹砂傳慎勿貽世人世人皆腥羶

詩寄吳惟善山中乞松花

僂佺服松食追馬馬竝馳夫何乃多事授堯堯  
見辭異哉蒼生聖不與丹霄期松實既靈異松  
花因可知遙乞山中人爲采黃金貽春風易飄  
落早使慰相思

送江民璞北試三首

與子結綢繆辟彼雙鳳雛旦暮比文錦丹穴恣  
歡娛六翮先我成翩翩橫雲衢延頸以遠望萬

里不能俱天寒獨栖息臨風發哀呼

行人急前路願言今夕留展燕極歡笑還同悽  
與禱明發列星沒鞍馬如雲浮弦管去日遠耿  
耿徒含憂羣居豈無侶洵非心所求

對面立岐路執衣淚從滋豈爲別離故乃效兒  
女悲交道古所難處貴情多移知子心匪石白  
首如一時胡越安可論遼遼若連枝

寄董仲良侍御

李耳官柱史方朔亦大夫游戲

八卷一

三六

紫廷側君其大隱徒少年耀繡服危言憚奸諛  
滄滄競來妬玄玄懷道樞暫辟下雲霄獨行避  
崎嶇黃金聚鉛汞九還鍊西湖我乃子喬孫家  
復邇天都上有軒皇迹千載未虛無美哉靈氣  
窟往往飛仙鳧招君結霞契茲焉築丹鑪

寄東寧廖廉使

澗松移崇岡仰觀拂雲天臯蘭披迴風清芬遠  
聞宣託勢物亦爾元叔諒其然羊陟就柴車魯  
爲京師延嗟哉乃狂激胡若君侯賢漸予抱瓦

礫中路尚迤邐剖璞辱謬賞泣血誰希憐捫心  
感知遇論迹非蜚蜚願終保堅白敢使平生愆

姑孰留別巡按沂東劉公三首

古人多愛士勢位如雲浮形骸一顧畧禮意何  
網繆斯道久云亡明珠抱誰投求售豈不急按  
劍徒自羞願言蔽光彩寂寞甘丘林

金紫據顯路巍峩若雲天下交匪自屈上交何  
因緣感君達人意垂余賤士憐嗟哉異西施誰  
獨辨其妍譽聲好雷同從古亦已然

八卷一

七

烈士生季世撫心含酸悲貧賤未足嘆乞憐寒  
與飢調僻自寡和所志在相知相知苟不逢胡  
用彈朱絲伯牙山水間神聽惟鍾期

雨中盛仲交過訪冶城宮

帝城羈秋霖仙宮倦朝起擁衾驚扣扉獨駕過  
停執豈伊異調人迺我同心士入座對名香談  
禪究妙理湏洞相外觀勿迷園中視世染恐益  
添性靈患補累窮達猶煩煎况能齊生死

陳情提學翠巖黃公

少年不自料弄翰登詞場潛心但騷雅希步惟  
班楊欲發胸中奇裹糧適遐方乘興嚴子瀨海  
潮觀錢塘耶溪攀會稽禹穴未荒涼鏡湖接蘭  
亭曲水誰流觴晴雷鳴雪竇天台過石梁石梁  
基沒漢高臺空歌大風起大風塵沙驚還作大  
梁行夷門抱關者刎頸憶侯生殺身苦何易售  
誠魏無忌彈劍不盡傷長歸秣陵戀秣陵古皇  
州羣士競來求五上經時策迂疎未見收黃金  
快意散零落黑貂裘窮廬臥寂寞猶難飽薇蕨  
伏謁無通津躬耕無負郭妄采鉛汞精草創三  
還藥我公振古賢一見即相憐謬以巴人唱翻  
爲明月篇我本甘顛顛已謂時人棄朝夕織幽  
闔雲鬟斷珠翠春風漸遲暮看花眼中淚德耀  
固愆期獨繫伯鸞思妍媸久無定好各懷真知  
自能結連理何用画蛾眉矢以蓬蒿質常將白  
璧持

彈琴篇贈王元靜

錦囊閉云久向君發哀思不遇同心人雅調誠  
見喚真知古已難况復求今時鍾期一以逝絕  
絃固其宜知希則我貴老聃乃吾師陶潛抱素  
琴寂寂宮商遺淵揮獨要妙俗耳何能爲與君  
矢勿彈淚落花前卮

建陽舟中

五石瓠爲舟長謠弄秋水飲食絕腥羶世塵忘  
泥滓有如戴髮僧安禪一龕裏夜月縣寶珠蓬  
窓白毫起六合包山河環流何殊此善識能超

不卷一

手九

方大小總玄旨

偕項思湯入雁蕩憇能仁寺日暮予渡錦  
溪觀大龍湫返

越嶺日欲暮入谷力已綿載訊九折澗爰戾萬  
仞泉錦石涉清淺綠篠穿黃緣迴峯閣絕壁垂  
虹落中天返景不緩駕須臾暝寒烟胡爲事促  
賞形役徒煩煎懷遠恨睽阻迹邇能遷延明發  
縱奇矚躊躇且言旋

武夷七詠

束髮訪名嶽天路勞攀緣武夷九曲邃十里清  
溪穿徧尋雲峯側隨意蘭舟前迺怪蓬瀛境夫  
何邇人烟幽荒闢秦代裡封表宋年金龍座壇  
坎玉簡敷皇虔有時廣樂度杳窈中宵傳  
魏王友八客斷粒學長生如何四少女亦解來  
同盟一朝谷神就欲舉青天行迺招鄉里宴爲  
言離別情四面幔亭敞萬仞虹橋迎曾孫呼滿  
座石髓斟盈觥人間可哀曲高唱和瑤笙宴罷  
戒雲景何處攀鸞輶

不卷一

卑

秦時十三仙脩真大王峯自漢路已阻千載白  
雲封攀援逐猿猱峭削躡芙蓉平原入石戶環  
嶂開金鏞方臺宮已廢旁峽梁猶通藥臼繡苔  
蘚丹泉覆蟠松徘徊矚倒景安得逢縣龍  
青天橫翠壁下照澄潭湄半壁啓洪洞繞洞生  
玄芝如何列仙人寄骨多于斯朱函積相向紫  
氣輝常時從來學仙術蟬蛻定無疑象形仍住  
毀虛朗本神奇嵩恒尚飄爐江海猶成岐金石  
徒自鍊雞犬焉能隨余惟帝先守詎受丹經欺

昔有神仙侶沙棠造爲舟度世記靈異崇嵯架  
千秋扶搖風乃下縹緲雲與浮我欲携觴豆酣  
歌坐兩頭遙從滄海泛虛上赤霄游水哉邁大  
劫色界盡漂流孰使斯舟固神仙寧免憂

仙掌峰頭路別有蓬來鄉洞門入窈窕田園豁  
鋪張疊嶂映修竹流泉積澄塘犬吠驚世人犢  
臥依丹房冥寂垂髮叟童子侍其傍歡然揖我  
入芬矣飲瓊漿許我鸞雀姿終當雲霄翔出視  
雙函帖一一九還方願言畢婚嫁鄰構同相羊

卷一

聖

寒林住瓊館寂寞披道衣左有飛泉洞萬縷珠  
簾圍右有通天崑一帶銀虹垂展轉入宵夢起  
坐待朝暉餘幽迹已徧斯游願無違須臾物外  
遯奈促塵中歸玄流慘今別丹芝訂來期清溪  
渡延佇遙遙綠雲微

嘲友人

白龍戲清泠屈身乃自誤豫且射中之歸向天  
帝訴問言改神靈乞憐返逢怒斯事君罔規矧  
作貪餌射一絲制漢人胡謀免所捕明達實其

身貧賤守能固

乳虎辭贈汪奉謙

乳虎尚雌伏時人偶見羈調笑閭閻下錦服損  
威儀徒有食牛氣割肉聊充飢英雄豈尋常後  
來誰可知一朝奮咆吼走上南山隅林谷天風  
振從今能邇窺

園居除夕喜程師道至二首

園居背村僻友朋日翱翔今夕各自媚惟君登  
我堂荆扉照華燭貧家乏供張大妻具雞黍小

卷一

聖

婦治椒漿稚子解敬客跪進母辭觴

客有君子至春色生寒林慚予本薄劣由之揚  
德音斯事未成昔高蹤方耀今坐久里巷寂起  
視星河沈一朝豈足戀畏彼流年侵

謝程太真贈豹皮

南山有猛獸奇毛發輝光散滿黃金錢解向君  
子堂知予懷五嶽去覓神仙鄉不惜咲相贈持  
歸割爲囊佩之萬里去中秘法琅章丹砂倘有  
遇報爾壽無疆

得新交程巨源書

偶獲清溪魚驚見尺書寄不題亦不緘草草數  
行字迺是新相知報我即西至上恨結交遲下  
陳平生事釀酒命中閨花前待同醉咲問彼何  
人君今苦相媚其人海陽狂爲有節俠意

早春程師道來訪

偶從高僧遊十日返空谷稚子候開扉有客在  
茅屋客乃平生懽遲予已三宿咲脫漉酒巾新  
春釀初熟觴行依古梅歌聲上修竹期此甕頭

卷一

四

乾告別莫云速

贈姪孫守貞

宗孫負異氣於世多不然有時入城市攢眉畏  
腥羶獨嘯攀林巒洗耳弄崑泉邇年費生產而  
復求神仙常言五嶽去囊無裹糧錢予藏丹砂  
訣乃是真師傅九還果終驗相挾乘雲烟

過宣城不遇汪中丞廷德留題翠微禪庵  
君向故鄉去我從故鄉來如彼浮空雲南北各  
悠哉獨攀敬亭山石逕生秋苔苔中尋履迹懷

君酌金壘天風落松下吹我愁心開還期選幽  
處共築青蓮臺

寄邢慶元

二疏一朝去千載榮其名處盛始戒止達識何  
足驚淵明酒狂人爲令聊適情斗祿不待飽飄  
然浮雲行早晚登君堂五柳已成陰重見柴桑  
叟久別披胸襟素琴撫相對余獨能知音

送方子楫游武陵

憐君逸調人興隨早春起遙思武陵游浮舟雪

卷一

四

消水絃游君勿遲須在菴花時歲久遺紅霞洞  
口香風吹晉有避秦家仙蹤寂如掃雞犬亦登  
天田園莽荒草近聞曾遊客晝見精靈逢邑侯  
斷鳥道不但白雲封知君佩寶劍肯畏訪幽蹤  
草創大還贈青城毛太史

古今人皆稱太白仙才乃就其詞章不  
凡論之然不知太白龍性鴻情真仙流  
也余每誦其草創大還贈柳官迪詩又  
知太白果有所授至于晚年依託宗人



流落江左雖有所授其鉛汞真機乃未  
有所竟與予遇毛太史金陵相與一談  
大還即見契合遂賦草創大還詩贈之  
兼以繁想太白耳

予本王喬裔早覓長生方遠遊探海嶽混迹託  
文章因緣即有遇洞府受青囊五氣自盤結六  
書異尋常直洩丹砂性知爲大藥鄉杳冥露津  
液倏忽易騰驤惟伏誘何巧苦老制非良剛柔  
交主客水火熒琳琅日魂先布德月魄對承光

卷一

四十五

朱鳥失權宰白虎縱猖狂中途謬勝負末路定  
災傷和調基可立神妙質湏亡太始真機竊羣  
生大化昌黃金賤世寶白髮變秋霜羅鄴籍遂  
落南斗錫無疆斯乃上智謀下士徒皇皇鉛汞  
亂名字凡類妄情量哀哉費日月匍匐背周行  
羨君崢嶸秀亦是歲星祥秣陵一邂逅官署若  
雲房安爐戲玩弄大藥試微茫清嘯返天都定  
約肯相忘春風鍾阜麓桃李待春芳與君終律  
數服食鞭紫凰携手朝閭闔高居眺八荒

飲同甫梨花下

爾爲好博徒囊金輕一擲名落少年場窮愁守  
空宅學圃當村西繞牆梨花白甕頭餘濁醪無  
殺愧留客余廼太狂人索醉花下石何用羅八  
珍隨時在意適爾歌紅錦袍予按黃鍾拍醉罷  
歸潭東竟忘日云夕

大梁喜鄭子陽宋中至

欲羨汴上車喜適宋中至猶及他鄉逢一話故  
園事十年客王門胡爲色顚顚君本素心人隨  
場肯相媚臨行探錦囊餘堪買沈醉千錢贈非  
多廼見丈夫意俗世千黃金視此真足愧

贈侗儻生 伯可

孫生當弱冠意氣何雄豪偶讀魯連書自謂乃  
其曹一朝別閭里吳楚遠遊遨寶鞍照驕馬錦  
帶絡霜刀吳楚古王都鶯花迷酒壚追隨盛交  
結直欲傾千壺酒後起相干然諾寸心丹黃金  
世所貴揮霍笑非難生來任俠身何遂倦風塵  
浮雲速變幻俗態覩能真歸來雷溪曲孰與扣

關親典籍勞披覽時航接古人

武林城東園月夜董希臯送酒至

避居城東園地偏寡車騎花鳥春陰時徙倚盛  
幽事落日臥繩床香煙儼山寺新月惟鑒帷驚  
誰扣門至尊豆命雙僮見我故人意故人尚微  
病兼言之中饋乃慰羈旅愁寒霜苦相媚安得  
對持觴勸酌縱深醉

寄陳天錫括蒼

昔尋幔亭遊逢君括蒼道探囊百錢餘買醉結

八卷一

四

交好百錢豈足多貧賤見懷抱烈士期勿忘令  
終各自保咲彼輕薄兒背面良草草別來今十  
年顏色成招稿所藏古仙書豈不肆探討水火  
合元符鍊之當及早黍米千珠成惠予長壽考  
病起走西湖探芙蓉留醉酒家

旅園臥病起庭前桑葉黃方知秋已暮湖上來  
翩翔花信探芙蓉何處多紅芳先期乃空歸咲  
人雙鴛鴦乘興未云盡野市沽清觴高鬟當壚  
婦楚楚羅衣裳娟秀識初年猶画蛾眉長未見

芙蓉花得見芙蓉粧胭脂待爛熳還約醉千場

顧瀛梁文憲從胡司馬西征附書信州守

江民璞

我生本侯嬴二客結來久燕趙出良家節俠近  
稀有司馬今西征紫駟黃旗後心事十行餘勞  
奉信州守願屈千里尊俸錢爲沽酒飲非瑣瑣  
徒一吸盡一斗醉歌長城篇上君萬年壽

送項思湯北上

世降士彌賤今代益堪嗤近聞公卿間漸動古

八卷一

四

人思開閣雖養士而猶禮節衰負劍四方至亦  
寡抱才奇君去萬里道驥足展驅馳定空薊北  
羣錦韉黃金羈傾都駭龍種弄影矜天池嗟哉  
奄李樹欲向何門垂根株慎所託一植不可移  
當杯記斯言丁寧故交私微軀難與偕自顧慚  
無資白頭伏草莽飢采南山芝

武林逢程來鳳自括蒼來

翩翩紫髯翁學仙歲將暮昨游括蒼山丹訣咲  
云遇赤水即易凌手攀三株樹羽翼晝夜思中

心苦馳驚濁世寡真仙勿爲偽所誤夸父志信  
宏虞淵亦空赴

稚子釣魚

稚子曰已長不解攻文辭常剪後園竹把釣門  
前池遊魚伺香餌玉鱗出漣漪紅肥切作鱠奉  
我堂上慈汝父貪鰲人乘槎東海涯神物竟難  
得還家負心期圖大不如細視女良自嗤

婚嫁詩

余生弱冠時即繫子平想婚嫁畢雖遲綠髮始

卷一

光

蒼莽五嶽望非遙胡不速言往本無富貴謀尚  
難解塵鞅豈有黃雀呼爲接雲霞上謫世界列  
仙八翼自應長

解憤

射策竟無成躬耕東山址蕭颯髮已蒼報國心  
未死鄰省見妖民昨來過予里三百橫戈矛殺  
人如戲爾難犬連萬家大怒呼不起四塞失隄  
防長驅恐茲始况乃畿輔間豈容犯

天紀致禍還有因自甘叛桑梓徒爲腐儒憂敢

云國士恥

七夕園居懷方時文

雲端破玉鏡挂我青桂叢洞簫簇孤調佳人安  
可同一居銀漢西一居銀漢東相隔三百里欲  
見須長風豈如牛與女一水鵲橋通

臨安逢蔡士英大梁來

君本溫恭人相逢覺英英問自大梁來故令意  
氣長夷門今若何通衢未蒼莽侯王豈絕無公  
子竟長往朱轂接聯翩賤士孰能養末俗稀憐

卷一

辛

才天地徒爾廣世事且勿言沽酒醉撫掌

題岳東伯秋山圖

東伯吳門高士也平生寡交好而獨有

契于余今秋傳東伯死矣余不勝哀悼

焉除夕之日有書來寄兼以秋山訪友

圖喜若更生慰余晚歲遂賦數韻書于

圖之下方使余子孫知有今日交道也

冶城道士館一別十餘霜丹砂論秘訣携手期

鸞翔世交獨君契何人報云亡舉首憤青天疑

信摧肝腸今夕當除夕緘書至茅堂十行見心  
素大咲喜如狂還披秋山圖游神入微茫命兒  
垂北面萬疊煙雲光貧家歲計乏柏酒尚盈觴  
呼君壽東向願言保無疆

燕京再送伯玉司馬行邊三首

朝命旦已下軍令夕不停荷戈三十萬勞勞望  
前旌司馬神且武願聞苦樂情赫怒宣

皇威諸將皆震驚籌邊盡掌畫舉廢如雲興所  
重在本固何用貪奇勲

八卷一  
王三  
桓桓三司馬捧

命甘泉宮西北符各授君其邁言東漢陽邇上  
都况乃天險崇遼陽紫塞外一望沙漠空今秋  
尚胡虜羽書過盧龍籌策運帷幄勿讓前人功  
公卿祖都門旌竿拂雲高北風生寒霜落葉飛  
蕭蕭叱馭速

王程劍光瀉鳴濤富貴何足艷奇節歸賢豪一  
身置遠塞片心報

三朝經營在末逸行役忘近勞

東阿道中見杏花

北來已春深碧草猶未見一枝開杏花紅粧艷  
如茜幾樹王潭上片片花亂飛稚子戲花下計  
我將南歸先有南歸人曾題尺書寄山妻釀濁  
醪甕頭待沈醉歸途尚云遠歸興良翩翩紫驕  
勿辭倦揮斷珊瑚鞭

呈邑侯李公三首

去古日益遠士賤日益悲金紫里閑交夙昔尚  
睽違况乃當路者于勢阻崔巍明經數擯落螻

八卷一  
王三

王三

曲甘寤居草賦工莫售笑以聲名微一朝孰能  
薦而使賢侯知逢人不惜問翻自懷驚疑

蚤歲尚遊覽伴狂都市間公卿偶同調折節傾  
交權舊知歎零落新知寡豪賢我侯識賤士媒  
母誰稱妍斯風久矣衰于今胡爲然自顧抱甕  
人已與編民肩感知懷一刺欲進仍迴旋

下車未云久問士胡難忘乃知尚奇節豈獨稱  
循良微賤未遑言兩鬢飛秋霜違時愧桃李何  
用樹門牆我本燕趙流聞言生慨慷衰老不足

使名猶結客場黃金買馬首侯信懷昭王

送邑侯李公北上四首

千旄導翩翩日照嚴霜明四牡鳴蕭蕭道上壺  
漿盈高車不得挽北面寒風征新  
命在久任即見旋郭城兩井一朝別戚戚傷民  
情

開邑萬山險民習稱駢剛從來號難治爲令宜  
急張反爾戒烹鮮簡易仍慈祥胡能學鷹鷂願  
言希鳳凰文法何足尚儒術飾紀綱

卷一

五

才智不自耀神鐸藏龍泉下車詢民俗折節勞  
求賢今復見長孫郡內無董嚴賤士世久棄數  
召臧疑嫌廉介重狂僻時分俸餘錢

我侯雖循良負氣猶豪雄本爲霄漢佐謬置枳  
棘叢訟閒富䟽草憤欲振頽風出位且勿陳  
帝恐留貞忠仁恩希正渥日望憂冲

五游篇贈姪士龍

女爲魯諸生低眉事章句終年臥蓬窻未一縱  
遠步狂興忽翩翩而有五嶽慕斯慕余太早已

在弱冠時恨爲青紫誤還愧聚糧資幾過中原  
遊半道回馬首長望重含悲白髮今衰叟女言  
何太易雲霞萬里餘須奮挿翼志出門休躊躇  
五嶽真形圖授女肘後繫三天太上文相隨百  
靈衛圖始西王母漢宮乞武皇至尊尚嚴禁女  
當珍自藏歸來還投余終封錦霞囊慎勿示世  
人腥羶因見殃

予時樵居東山得伯章書報惟順臥病定  
光寺賦詩寄慰

卷一

五

學樵在東山暫與里社避時時松杉間衣裳染  
蒼翠忽見入林僧枵繁一書至爲報洪伯子臥  
病城隅寺勢路俗競趨寂寞孰相媚女亦逃禪  
流自負出人智煩惱湏斷因色相本爲寄順逆  
總浮雲造物任兒戲欲訪逼歲除持贈空囊愧  
斗粟與雙魚一見故交意

謝江王卿贈石

訪君家菴源一石道傍覩蒙茸覆霜草勢蹲猛  
如虎撫摩繡紫翠苔藓千年古知我憐幽心移

贈村西圃初禮揖冠裳長歌莫醴脯無錢買珍  
奇窮居合賓主免學平泉庄遺慮咲何苦

獨坐隱園舊日燒丹處有懷兄惟敘

蚤歲好仙術日望攀飛霞羨君亦同志築鼎太  
玄家九還燒大藥黃壤成丹砂君胡別余早紫  
髯疑上征對此丹砂處春草敢復生蓬海無音  
問猶牽塵世情

送姪琬遊魯

余家老宗子氣岬何峻嶒獨行過任性結交厭

卷一

五十五

時人仲秋去東魯漸喜消炎蒸匹馬渡江淮從  
此入風塵酒錢百文錢勿辭席上醺世俗日益  
非願君且浮沈請觀尼父言鳥獸乃不羣斯人  
盡當容視之良已輕惟余達妙旨伴狂穢其身  
牛馬呼尚應堅白在自珍

戒酒詩贈何叔度

古昔耽飲者爲託伴狂名志士快鬱憤漫客怡  
天真君乎何所託耽飲入沈冥恨不徙酒泉自  
云謫酒星白眼失天地一臥連朝昏四大損假

合五內傷神明休學荷插隨早築糟丘墳酒頌  
豈足信常來伴獨醒

觀南原嶺北飛泉

我生泉石癖遙入雁山雲三月戀龍湫歸猶夢  
中聞今偶慰遐想雙耳洗塵氛雖異千丈雄九  
道派多分行行泉一逢一逢神一爽素練爭青  
嶕銀濤亂蒼莽慨自渾沌來世人孰能賞余謀  
隱南原三茅數來往

金雞石

卷一

五十六

嶺半飛泉西一石廣方丈隱隱字幾行白雲照  
晃朗洞憶初陽遊重見仙人榜此爲太上書點  
畫超法象渡泉奮攀蘿峭絕不得往聞有金雞  
栖令人繫遐想

入南原五首

有蘭秀深谷而與衆草衰有玉未離璞重價翻  
謂欺負才苦貧賤舉世棄如遺今復臨晚歲老  
醜還見唾黃金孰買賦衡門稀問奇豈無成言  
者况乃亦睽遠拂衣合龍蛇何必從著龜甘隱

憤自釋佯狂神始怡

余生性英蕩海外欲馳騁破產學飛仙徒爲藥  
所誤婚嫁已過時五嶽尚難去南原雖一區于  
焉寄杖屨徑入松杉穿山疊雲霞聚簇薇采可  
餐金芝時或遇鑿石九畹餘藝茶一千樹重刪  
陸羽經還續盧仝賦

崔巍青山麓麓有一畝餘物象足竄覽超曠面  
東曦今託隱者迹昔乃樵人廬無勞結構改惟  
使荒穢除蒼翠陰叢木清淺臨雙渠渠中立怪

八卷十

五七

石激響勝朱絲終朝藝茶倦坐此戲爲漢鮮鱗  
偶有得濁酒呼盈卮

南原有古寺相望煙雲深葺廬比鄰託東西即  
雙林茶間荷鉏立竝傳鐘磬聲谷應何悠然往  
者洗塵心興來扶白雀入寺搜遺經遠師慨難  
遘蓮社結無因麋鹿狎來往樵獵期招尋世交  
謝漸絕

聖代甘編民

經世已云久泛觀慨漸異託迹敢自奇畏途乃

當避晚遇無所希虛名徒爲累泣玉咲昨非寶  
真悟今是携惟太上書言或一家著招隱孰可  
偕獨栖得玄契士以寡合尊道以希知貴義皇  
即周旋天地足游戲

贈鮑正卿彥卿憲卿兄弟

明時倡大雅文運開關西登壇霸中原九子握  
旌麾希聲振南北響應爭來歸君家世游梁似  
尚流風遺運隆久自降浸各求旁蹊君本叅軍  
裔靈秀豈終衰夾持匪他人兄弟相驅馳東武

八卷一

五八

與薊門而皆樂府詞俊逸美工部憲章慎毋渝  
讀蘭亭詩視桓叔

山陰蘭渚上小亭濬雲煙暮春修禊事正愜晴  
和天一時盛王氏乃先倡羣賢流觴任曲水音  
樂遺管絃取飲不惜醉分詠競成篇予曾訪陳  
迹披詩見依然義之復可咲遷變胡足言大化  
自終盡痛哉執君憐彭殤總非異達生斯真詮

期孫子真遊鄭仙姑洞

吾鄉寡仙跡懷仙者亦稀最傳鄭姑洞予昔曾

探奇亂石如青羊羣然草間栖別來苦難忘欲  
結燒丹廬紅霞照洞口正是菴花時塵事且暫  
解杖藜惟君期

託金修之寄漢芝山靈之作

四皓藍田隱和歌紫芝詩貧賤足肆志富貴良  
羈縻白首老終南高皇詔常辭璫上漢芝山山  
名自何時定有尚隱人往哲思與齊兩度訪君  
家幽勝偏獨遺予今寄山靈先爲暮秋期曄曄  
如可采試療狂生飢

耕野詩爲姪仲昌賦

女本家潭東潭西就畝藏名耒耜間浮雲世  
何有耕穫息林陰慰勞鎰子婦永黍慶秋登百  
斛富濁酒有時具雞豚同心召鄰叟醉後禮法  
忘放歌擊瓦缶貧予倦爲儒餘生願求耦

送程士元遊梁園燕寄楊德閏

春暮遊梁園飛殘菴花片長揖即云辭難緩壚  
頭餞直北三千里有約新知人一諾可能忘匹  
馬勞風塵新知負意氣亦予神交者尺書寄後

時先託寸心寫此去與同盟佩劍談縱橫惟憂  
酒錢乏終朝不解醒放歌驚市上名重兩狂生  
夷門常願訪爲我酌侯嬴



十嶽山人詩集卷二

大鄣郡王寅著

少海程開泰九川項仲連校刻

七言古詩

五嶽歌五首

我懷在泰嶽躡蹻天窻上黃河下如帶長安會稽兩相望金篋玉簡聞尚傳欲訪披之知壽年雲中二童逢偶然靈芝分贈應予憐

我懷在華嶽二華近相鄰仰攀百尺崖總仙洞

卷二

口常青春千葉蓮花開滿池服之即見羽毛垂子先去日真可嗤何事還呼酒母隨

我懷在嵩嶽二室相低昂宜臥有石床銅鈔如存溫玉漿吾祖遊栖常此中道人接上浮丘公有孫今日願相從學弄鳳笙徹碧空

我懷在衡嶽上踞祝融峯朱陵洞可息九池九井中相通沅湘洞庭望中至浮天一片波光翠重期仙人勿飛去一紙爲問鳥形字

我懷在恒嶽雁門來朔氣玄泉灌神草廣漠之

野亦靈異祠傳圭璧今尚存乞寫神符太上文昌容采服蓬萊根問彼胡爲可長生

劉將軍席上贈画師方痴

東南画者誰其師耳中久矣聞方痴君乃天上酒星魄岸幘一吸空千巵半酣仰咲倚藤床素綃百幅分兩行抽毫灑墨有神鬼須臾風雨翻高堂將軍園館邂逅識把臂當筵吐胸臆貌我塵埃骨法真飄飄五嶽煙霞色君乎雖是画者流長揖濶步傲王侯雕軒駟馬迎不去蓬廬壁

卷二

立時偏投與君結交恨何晚武夷九曲休思返我家門對蓮花峯紫峩青洞堪樓偃軒轅黃帝探靈詮藥臼鍊竈今依然玄芝春莖滿窪徑丹砂夜彩浮湯泉吁嗟人生若朝夕留此君先掃磐石我欲北獻封禪書後期同作驂龍客

送許德先遊楚

送君西上武昌遊黃雀樓前鸚鵡洲好吊含冤禰處士綠酒呼灑長江流今人亦多抱才異俛首低眉色憔悴伴狂誰敢傲公卿韜光還以龍

泉忌處士謀身不世情曹黃猶是重才名招魂  
爲語今人事遺恨休隨芳草生

過訪張濟之觀唐伯虎松陵圖

先生懶入城中路閒擬張衡四愁賦我來曲巷  
扣園扉草堂綠蔭梧桐樹家徒壁立何有乎大  
誇一幅松陵圖孤城橫接長橋臥裊裊青虹飲  
大湖此圖乃出唐伯虎妙筆堪爲画師譜爲贈  
知音不重錢當時自覺良工苦吳門画派喜宗  
元棄置唐宋不復言惟君獨異鄉邦派上追二

八卷三

三

代竊真源吁嗟乎唐伯虎生不辰爾之画事何  
足珍少年腹飽三萬卷倚馬千言如有神射策  
金陵冠多士露才傲俗人皆忌止上幽燕白壁  
寃才高一且翻成崇揮金信手泥沙然東歸盡  
賣洞庭田竄愁託興丹青裏豈欲聲名四海傳  
吁嗟乎唐伯虎後來見画誰識君流落殘編別  
有文俠骨英魂招不起一尊何處吊荒墳

揚州酒家贈趙二玉賓

翠髻青衣高唱籌廬頭送酒厚如油滿飲腰間

古玉斗乃爲情真不因酒酒酣催君挽數錢貧  
交百錢過十千富交酒泉通北海何足王郎澆  
礪磊况猶懶謁平原君布衣只合逢朱亥出門  
倒着白接離明日與君還有期長途莫謂囊羞  
澁典却貂裘報所知

謝汪德弘画松

騎馬來尋北關口呼童西鄰爲沽酒勸我東籬  
汎菊英画松君自臨虛牖淋漓水墨三尺長孤  
勢直上千蒼蘚皮活鱗太凌亂雲葉怒錢何

八卷二

四

森張一枝下走刷星尾漸欲倒地仍迴翔揮筆  
縱橫只兒戲反覆玩之轉奇異宜護玄元仙客  
壇恍愁風雨翻濤至我家園松手栽長陰蓋茅  
堂過十丈佩劍經秋遠別離旅夜難忘夢中想  
對此家園如見之韋偃雙松恐被嗤醉餘再拜  
珍藏去稱報慚非杜二詩

謝吳汝復秀才送黃山佛面竹栽隱園

黃山有竹佛面奇杖林或自婆羅遺一竿移植  
王潭上丈六金身日相向慈風遶竹何蕭森慧

耳偏能悟梵音不勞貝葉聲聞裏塵世消除毒  
熱深早看三逕連蒼翠老去皈依多佛地摩詰  
重來住輞川王潭欲捨清源寺

時客長干寺謝施光虞贈古松圖

我家隱園手種之松高百尺託根近倚青羊石  
遠遊一別經年餘松下茅齋鎖道書扣關忽傳  
匹綃至滿眼千重起蒼翠擎蓋蟠龍奮欲飛不  
覺煙霧淡霏微最憐孫枝多曲折女蘿霜枯垂  
糾結市門画者何足誇筆意稜稜健精錢大咲  
雨遊人歸興轉翩翩

三神山歌爲楊伯海賦

余聞渤海之東大壑歸墟深無底九野天漢之  
流皆注此五山爭秀峙其中環向分盤三萬里  
五山吞吐隨波潮晝夜搖搖無定止金銀臺觀  
爛雲霞樹垂珠實開瑤花采而服食可不老比  
鄰盡是仙人家仙人羣邀謁帝訴帝乃赫然振  
大怒遂命禺疆役巨鰲舉首戴之山始住二山

一旦迺因龍伯大人化爲泥沙然至今惟有三  
山傳三山雖傳未嘗見秦皇漢武空樓船君何  
人有三山想幾年聚糧奮欲往望海汪洋迷問  
津一哭歸來老塵鞅吁嗟世人多局促謀身煩  
煎苦不足五嶽非遙棄若遺三山之想何所爲  
十嶽之想予尤切夢裏徒常覓霍騎

夜夢寶刀行

予家西番刀俠士結交留千金纏錦囊終歲藏  
床頭夜來醉酒夢遠遊拔刀三尺雪花浮砍地  
地裂上射血刀忽解語向予說汝旣失路那能  
蕩風塵又無誓死可報之讐人常憤眼前不平  
事拂拭叱咤徒傷神聞罷夢醒山豹叫靈異足  
驚蹇冷咲刀弓刀弓難汝容延津終去從雙龍  
海嶽尋仙歌贈唐啓潛

唐生廣額仍大顴秀眉修目鬚翩翩少年披覽  
飽經史千言落唾揮雲煙骨相文章迥人異致  
身本是公卿器折腰懶上

明廷書迂狂苦慕神仙事爲愁日月凋朱顏林

居謝客常閉關燒鉛鍊汞費生產草創三還待  
九還九還之功猶渺茫凌空安得羽毛長元符  
恐誤流傳訣真藥期逢面授方昨來手執遠遊  
賦海嶽追尋恨遲慕仰咲青天即別離婚嫁留  
君不肯住海嶽君誰作伴行布袍斗笠獨縱橫  
蟠菴去竊千年寶閭闔低臨十二城神仙倘逢  
羨門子玉女相隨弄瓊蕊君或前身周義山姓  
名久在丹臺裏我祖吹笙王子喬暫將踪跡混  
漁樵煩君一過嵩高上白霍還家早見招

卷二

七

金陵寄許絳州

平原信陵已塵埃公卿負勢誰憐才投刺朱門  
尚隔絕推讓况肯先折節絳州太守有許詢生  
平交結愧無因忽訝殷勤尺書至字字傾心古  
人意敢期世路獲相知撫劍感慨還自悲此事  
于今越三載日夜思君寸心在首陽虞坂夢中  
尋對面何曾識光彩秋暮懽逢北使歸臨風直  
欲與同飛爲予道向無多語猶是伴狂一布衣

公子行贈汪子登北上

今年七月秋信早涼風細雨炎蒸掃白苧輕衫  
公子行垂垂黍稷幽燕道平明出錢城之東祖  
筵四列官亭中玉觴隊隊爭勸酒放飲要使離  
顏紅君家貴盛昔無比諸父盈朝耀朱紫綸閣  
肯視舍人榮懷親即返尚書里遂貪行樂惜芳  
辰園館裝成剩貯春謹懽不斷臬廬客歌舞多  
教如花人只拚常此度流年南北時逢事可憐  
胡虜塞垣連羽檄倭奴江海接烽煙倭奴徑深  
入桑麻盡戰場珍綺載樵蘇子女驅牛羊文儒  
濫鉛刀一旦失干將國讐民難英雄恥君乃憤  
怒大呼起累世難忘寵眷恩散金廣募貌蘇士  
倡義援吳氣炙雲中丞翻仗引前軍犯險何嘗  
避矢石斬首誰爲策功勲南北勢正洶我  
皇望澄清上書伏天門經畧陳縱橫便殿召識  
面知猶憶姓名倘蒙賞奇節賜鉞得專征骨相  
君果異方顙鬚蟠蚪稜稜拂冠眉炯炯突星眸  
豈拘燕額飛食肉如君定是終封侯公子行留  
且遲亭前馬馬爲騏錦裁鸚金飾羈汗迸血尾

刷絲初買長鞭試千里仰噴驕嘶只欲馳壺乾  
馬馳留不住日高城頭鴉亂樹上馬執手丁寧  
言肝膽臨行向君吐生平爲儒志未適仙洞玄  
壇徧蹤跡我亦

明時張子房曾于圯上逢黃石千用無資負所  
圖塵埃空自老潛夫惟學躬耕甘隴上咲從肘  
後贈兵符

### 游石岫山仙宮

有洞有洞村之東瑤扉常望開半空只今短髮

卷上

九

已蒼莽興狂長嘯始獨往洞表三石何其奇儼  
然仙侶有相隨碧葉蒙茸綠蘿滿翩翩羽服凌  
風垂氤氲洞口煙雲護迺是白日虎豹路陰林  
山鬼撫掌藏咲予攀游乃何暮眼前福地尚若  
無徒按真形五嶽圖三石從今三結友百年日  
日訪提壺

### 金婆樓行

金婆垂兩髻當年若水邊因緣久斷絕一朝遇  
回仙玄詮遂解餐瓊蓋綃衣蟬化風塵裏築臺

何用擬秦娥騎鸞不異隨蕭史往來常經錦城  
陌青鞋曾寄同鄉客兒童尚解說奇踪舊栖舍  
作蓮花宅至今此地多酒樓釀法猶是金婆留  
樓前少妓爭招飲咲數青錢買醉休

### 相逢行贈閔大

十月十日金陵陌千門曉日飛霜白相逢匹馬  
垂鞭來驚看乃是同鄉客按轡下馬揖我東飄  
搖短髮如秋蓬離家報仇志已遂腰藏寶劍光  
生虹桃葉渡口吳姬閣邀君斗酒圍壺酌當筵  
一撲敝貂裘紫茸颯颯黃塵落連觴大醉君不  
辭擊案長吁意轉悲錦囊蕭索誰知已萬里艱  
難只自持從來交道多如此往事悠悠赴流水  
戢鱗暫且泥沙蟠插翼須奮雲霄起君年三十  
尚青春虎目鸞肩七尺身丈夫莫學蹉跎者老  
大猶爲失路人

### 華亭馮御史席上

翽冠千世用意氣亦何迂典籍窮搜覽專經羞  
小儒行郡君來駐驄馬萬言面試長河瀉品第

諸生羨獨奇謂余即附風雲者從茲轉轡朝

紫宸直諫翻觸

天王嗔 聖德寬仁赦骸骨放逐生還東海濱  
別離須臾二十載入門各咲容華改感舊今宵  
若夢中青燈綠酒相知在咲予老大尚棲遲衰  
馬佯狂走路岐鎔鋤繡澁鉛刀利富貴茫茫那  
得知

王子新席上贈馮汝強

下馬何人跋珠履大面高顴低垂耳上堂賓主

八卷二

十二

咲爭呼問之乃是馮公子公子有弟守雲間八  
月樓船迎母還金陵故舊久相憶重來 龍闕  
瞻鍾山丈夫一見心膽露向予即誦金焦賦詞  
爛雲霞織女機氣森劍戟將軍庫樓船明日遲  
邗溝公子離別那能留主家有酒縱沈醉不覺  
新月懸銀鈎聚會良難樂未足聯歌踏月秦淮  
曲朱箔青樓半已非十年回首流光促倚門少  
婦顏如花通宵莫倦聽琵琶須臾嘶馬揚鞭去  
江北江南空恁嗟

金陵苦雪簡金子坤

江南北風吹裂石長安萬戶梨花白須臾往來  
車馬稀九衢積雪深三尺城中甲第多公侯貂  
裘重擁登朱樓氍毹帷金鼎縱歡賞美人趙舞還  
吳謳蓬門爾亦衰安臥高枕圖書舊衾破遶床  
稚子啼飢寒悲聲滿耳愁能那省郎馮何稱好  
賢二君交結今有年豈無餘粟爲貧乏對面相  
視心茫然王郎旅食風塵久青錢錦囊足邀酒  
與爾同尋賣酒家一酬一酢三千斗吁嗟乎王  
郎醉後拔劍起舞光陸離從古英雄偏數奇此  
日徒吟白雪調何時再賦陽春辭

八卷二

十二

席上謝馮戶部汝言

殘年匹馬金陵陌落日來過馮唐宅夜久簷前  
凍雨飛痛飲麋廬賭千擲自慙老大未成名况  
復踈狂甚欄衡敝裘醉舞華燈影不覺悲歌感  
慨生君不見

帝城朱戶高入雲憐才誰是平原君又不見公  
侯賓客接流水座中誰是夷門子人生樂在真

相知世態交游何所爲輕投白璧無能報惟有  
防身寶劍隨

贈汪大元燾

七尺長軀白面郎雙睛決背射星光袖間短劍  
磨秋水雕匣纏龍八寶裝五花更學蛇矛術縱  
橫掌上飄風疾挽日狂呼山欲摧虎突鷹揚萬  
重出江南江北久遨遊抗揖投交傲列侯買歡  
只恐年華擲夜擁妖姬醉酒樓片言赴難必快  
意不藏姓字讐家忌黃金賤視錦囊空寂寞窮

卷二

七

鼎湖行

孤峯萬仞摩蒼天地軸不與諸山連丹青恍似  
浮圖湧浩渺疑同瀑布懸時時一半煙雲籠跳  
丸日月妨西東晴空寒雨忽飄灑上有湖波銀

漢通春風齒齒年年長五色花開過十丈朶朶  
香生玉女盆洗頭勞捧仙人掌莫云塵世誰得  
知花片時隨下界吹相傳曾是軒皇宅靈根乃  
自當年遺我聞此事亦已久南幸龍驟忽真有  
寶鼎黃昏陰火然至今山鬼殷勤守四壁陡絕  
何能于恨無錢鎖千迴蟠鼎中丹藥還思竊安  
得攀游挾羽翰

丈八矛贈樊大

赤睛紫面卷髯黑咲舉千鈞盛旅力江北江南

卷二

古

只獨行貂裘來自天雄國萬人圍賭戲登場爾  
矛巍巍丈八長矛頭風生火旋熱叱咤縱橫電  
光掣氣欲摧山山可頽勢欲挽日日可迴荷矛  
上馬何太易不異置身在平地縱戀菴花貼草  
飛直追巧中蒼鷹墜年今半百鬢未絲相逢稀  
見敢相持始知神藝人間少暗裏調矛每自嗤  
斯矛之法爾誰受乃出楊家令公後變化機關  
有道存精練須經十年就我雖爲儒良不腐弱  
冠攻文猶好武錦囊探贈愧黃金交結虛君寸



心剖羽書夷虜報紛紛憂解

明王正賴君烈士定應圖不朽早期一戰立功勲

朱子价禮部席上分贈滇南檳榔十口無  
長歌二十六句率爾成篇謝之

省郎強予甕頭綠玉山欲倒誰能扶咲言錦囊  
貯至藥即化曲蘖成水壺聞言爭乞驚滿席探  
囊還驚聲嘖嘖從來嶺表何足誇滇南之產真  
堪惜入口試嚼訝茫然細味漸覺通其玄香疑

卷二

七

蘭芷仍清遠色吐胭脂分外妍葉穗華房亦太  
奇碧雞金馬一春時向陽已著陶弘景舉主先  
歸俞益期省郎翁宦滇南久士女風流見稀有  
美景相邀握貝游四庄一口勞纖手爲託常傳  
暗裏盟却於連理更多情肯教交甫當年遇枉  
殺江妃解佩輕國是摩耶阿育地靈秀宜鍾物  
產異菩提樹共媚炎荒移根誰向中州寄殷勤  
十口爲予分無費珠篇伴此君相思腸斷滇南  
俗夢度今宵萬里雲

謝劉山人画贈黃霍

我生塵埃世自知乃謫仙束髮從來一有識衆  
人混處疑腥羶形骸苦相累顧影心煩煎墨池  
欲買黃雀養時騎萬里飛翩翩朝遊歷五嶽暮  
宿崑崙巔劉山人鏡湖濱百鳥毫端太逼真吳  
州大絹繪黃霍殷勤贈我交情親白霍嵩嵩尋  
常得可憐淡曳葵花色竦身傲立青松枝仰視  
如鳴展雙翼相經此鳥無青黃土木二氣中潛  
藏浪傳浮丘幾千載遺文石室嵩山陽開封即  
挂雲房東不貴鸞鳳輕冥鴻六月披襟正炎暑  
對面忽怪生長風丹訣弱冠曾逢授鉛汞將燒  
九還就黃霍通靈呼下來命同稚子衡門候幻  
化仙術本多奇聞我狂言君勿嗤越臺早晚音  
書寄定約朝天與共騎

卷二

十六

元蠡來別潭上

君來別我潭上居買得黃金雙鯉魚老妻生斫  
白玉塊滿澆濁酒歡何如醉問東遊何所佩西  
番小刀錦囊內拔出青蛇吹日寒爲君遠祝提



壺酌祝言爾刀爾刀良有神水斬波浪陸辟風  
塵報仇好爲窮途士投贈須逢抱義人

恒山歌送曹掌教之真定別駕

代郡有恒山位當北嶽雄鎮州有恒山其名何  
相同鎮州恒山聞亦奇玄泉上湧開天池有草  
環池十九種五采參差若五芝每草盡異人間  
味乃含陰陽混元氣服之即可得長生九流空  
買丹砂貴君去名藩別駕榮丹砂舊鍊幾還成  
雖饒仙草何須服千里懷余寄一莖荅言仙草

八卷二

十七

非容易倘逢仙鳥斯嚙寄渡海猶宜勿憚求穿  
雲攀石君親至平生五嶽興來歲徧當遊代郡  
下北嶽歸途過鎮州兩恒較取何山勝飽服仙  
草來淹留知君雖尚長生事予言終是公卿器  
離歌醉酒綠尊乾面熱光盈赤玉盤大眉虎眈  
蚪髯拂七尺豐軀仰首看只今夷虜驕堪怒蜂  
蠆中原恐爲蠹循良瑣瑣何所爲豪士要當靖  
國步請棄青氍換錦袍黃河九曲泛秋濤休嘆  
廣文惟注述贈君解佩呂虔刀

過胡丹丘藥室題呂仙圖

誰知耽吟者乃是列仙流塵世去已久騎鶴重  
來遊蓬萊縹緲非不戀塵世繁華非所羨爲惜  
浮生天折多縣壺賣藥人家徧我來訪君相携  
手笑坐長林即沽酒試問王喬與偓佺曾傳青  
鳥音書否東壁呂仙垂一幅長劍在肩羽爲服  
熟視還疑貌似君煙霞不覺生茅屋梁園張路  
何其神當日因君豫寫真百年方許蓬萊去留  
得丹青與世人

八卷二

十八

武林梅雨留孝甫

黃梅雨多江水漲歸舟高灘挽難上勸君維纜  
慎勿行且待雨霽江水平臨安青樓雖寂寞歌  
喉舞袖聊歡謔何必白下秦淮邊錦囊方擲纏  
頭錢安得當時蘇小小一代鉛華矜窈窕人傳  
有塚西湖西珠鳳金蟬芳草迷欲起香魂招楚  
些綠楊腸斷乳鴉啼

訪楊斗門城東書畫樓留酌有懷詹伯章

丹砂漢代之鼎素練陶成之菊卮出洛川之波

石鑿廣州之谷石生蘭室之雲氣卮漚竹葉之  
椒漿菊儼東籬之霜色鼎焚南海之名香四物  
作供娛王郎寒天坐覺短日長主賓對面絕俗  
侶傍有袈裟共禪語上界神仙只如此佯狂恨  
少詹伯子賢愚醉咲皆蜉蝣塵世清福休久留  
放歌且擲持鰲手早晚重尋書畫樓

漁人徐文練網得赤鯉贈予爲賦赤鯉行  
以謝

丹砂大鱗三尺鯉化身本是神龍子蹠刺中抱

八卷二

十九

滄溟心羽翼欲待風雷起斗水且向門前池混  
迹凡鱗那得知况余亦有琴高術謝爾相招與  
共騎

賦朱允恭川上桂

君家老桂樹影落清波上盤旋十丈神猶王葉  
葉濃翠煙霧生枝枝怒作蛟龍狀日披桂下丹  
篆篇風搖桂上一壺縣行人爭識門前桂乞藥  
紛如在市塵君不聞離婁公象林叟仙方元從  
上皇授桂長百木誰敢先服食通靈壽遐久君

家桂異人間桂歷朝至今已千歲乞將服食合  
仙方剪伐還愁鬼神衛南望何時定訪尋結茅  
分息半株陰桂實栗垂時可竊倘令白髮變黃  
金

贈東林老人項應衡

老人七十好容顏背村深住東林間雲垂屏障  
護茅屋庶代稚子司柴關展練丹青暫不釋把  
酒吟哦常不開婚嫁之願不足累此外况計浮  
生事置身直在羲皇前辟俗如過腥羶肆富貴

八卷二

二十

華豪浪矜喜老人咲之等敝屣獨憐我亦同襟  
期數訪王潭弄秋水宣城鳬山雖清幽老人歲  
歲休貪游竇家仙訣空石室惟餘野草荒煙愁  
故鄉天都近栖託多少芝壇與珠閣軒轅丹竈  
尚依然竊靈早燒九還藥老人道骨蟬翼輕自  
然相法合長生待予謫限王喬滿雙霍相期返  
玉京

夢白堂爲汪仲淹賦

爾本酒狂者昨飲甕浮百斗榴花春醉夢攀紫

霄閣闔觀帝宸覲罷美丈夫自稱謫仙人仙人  
頭戴烏紗巾足趺赤豹履身披素女所織殷君  
所贈五雲裘片片照日新入門上堂南面立舉  
手呼爾命爾揖延生直錄壽蓋還持贈袖藏七  
寶笈再拜苦留不肯留出門長嘯風颼颼鞭騎  
黃雀大如馬導引雷吼雙蒼虬弱冠我從金陵  
游金陵城西孫楚酒樓不可求懷昔翫月擢歌  
訪石頭亦夢謫仙人問客維揚事散金三十萬  
揮權怪太易咲荅猶恨未稱意此夢于今四十

卷二

五

古爵吟爲汪蔚宗賦

君家書齋有古爵首尾形象取諸雀雙柱翼張  
氣欲翔三足鼎立勢將躍千尋沈藏煙水裏歷  
年幾見蛟龍死一旦馮夷倦所司神靈復戀人  
間起大冶元精肇自商猶存銘篆半微茫橫舟  
立斧摩挲辨翠羽丹砂片片光市上相逢君大  
訝萬錢肯惜酬高價胡爲寶此不釋手世人咲

之皆掩口爭貴金尊與玉斗賤棄何如一瓦缶  
勸君胡不贈狂生常爲胸中澆不平隔歲大梁  
行吊古夷門醉哭奠侯嬴

贈劉画師同源

王郎久愛名山走長路紅顏易衰醜江上重逢  
越十年画余試借丹青手玉冠上覆烏紗巾雙  
屐緇袍七尺身玄雀隨行劍在臂俗眼一見驚  
仙倫劉君筆端妙無比土木形骸宛相似骯髒  
疎狂神更真不徒牝牡驪黃裏揖別携歸潭上

卷二

三

廬爲余萬卷護圖書焚香日對嘉賓主盡謝時  
人戶外車

亞父墓

彭城城南縱間步八尺殘碑亞父墓墓傍荆榛  
萬鬼鄰墓前車馬行人路清明杏花生寒煙惟  
君寂寞無紙錢英雄獨爲不食鬼一壺酹酒呼  
重泉舞劍當筵早不密素塵入轂翻令失玉斗  
之獻亦可嗤謀臣何不留侯羈從來成敗豈足  
論自是炎劉天授時

恩怨吟

睚眦然必報一飯恩必酬二者恩怨只瑣瑣古人重視如山丘今人與古人胡爲心相異報怨酬恩多不然七尺雄軀徒墮地報怨酬恩且勿論以恩爲恩怨爲恩令余冷笑仍大怒忽結愁雲白日昏

謝吳東之寄贈玉圖書

于闐白璧半寸方良工小篆琢仲房書云懷藏五經歲今日何日拜君惠開緘入手爛雪花封

八卷二

三

侯金印不足誇長呼西向壽斗酒雜彩吳絲繁在肘結交滿眼多豪賢胡爲置我狂徒前珍重萬錢非所直丈夫相知見胸臆躊躇無物堪報君即挂飛帆九曲雲延平倘遇雙龍劍定許雌雄與共分

三醉圖

城東逢詹伯章程元放同飲酒家大醉歌道上元放之叔大丘爲画三醉圖乃賦此歌

我非不好飲飲稀同飲者陶潛與劉伶久矣臥泉下招魂難復起酒杯向誰把世路紛紛良可悲不飲無奈攢雙眉幾迴獨飲意不適邀月對飲終非宜老來二子懼相遇百年相期吐心素壚頭笑罵乃佯狂見者那得知其故凡夫飲酒只飲酒飲酒之外彼何有性靈自隔醉鄉真白骨早付糟丘朽吾徒飲酒異凡夫程君好画三醉圖添得胡姬雙錦袖琵琶半面玉山扶

邑侯中齋林公枉駕隱園失候

八卷二

三

偶逐西鄰獵翠微合錢買酒割腥歸荒村日落喧行客傳說千旄訪布衣醉裏聞言一驚詫乃爲王符稅高駕池柳添教氣色新空留轍迹衡門下入門稚子向予歡捧出循良尺牘看感激悲歌耳雙熱挂壁還將寶劍彈早託守令聲名起各信春風長飛李草賦無媒數累奇甘心伏握雄心死老大塵埃鬢已絲于今枉盼復何爲自慚終絕酬恩地志士從前負所知

謝烈婦斷石吟

烈婦邑人謝繼縉妻蔣氏也夫死絕粒  
一旬縊刃俱寂竟以首墜樓而石斷以  
死其死之烈可謂烈之甚矣邑人能言  
者有銘有傳余異其斷石而死乃爲賦  
斷石吟亦爲石幸也

相如抱趙璧西入秦庭內睨柱髮上衝首願璧  
俱碎虎狼之秦心亦寒歸璧尊趙首可完烈婦  
夫死無術起首與石俱碎斯已趙家傾國讓相  
如烈士烈婦良可比石今爲重璧爲輕論價休

八卷二

壬午

言十五城常時定有靈光吐不知星化落何度  
石兮石兮宜題烈婦墓風雨青林山鬼護

寶劍篇贈邑侯南沙熊公

我本魯諸生寶劍藏來久明珠飾劍匣古玉粧  
劍首錦絛纏束挂床東夜夜悲悽詫龍吼此劍  
乃自童御史佩之十年事

天子上䟽幾欲誅佞臣晉陽曾斬匈奴壘結交  
相贈託心期黃金十千那足比我愧窮經志未  
償致身無術鬢驚霜有才無命終寥落異物空

藏恐不祥君侯年少

明時彥又况豐城是鄉縣延津潭上復飛還慣  
識干將莫耶面可憐三尺棄蒙塵轉贈逢人乃  
有神雙鳧換得乘驄去新佩重看覲 紫宸  
天子聖智益英威年來放逐佞臣稀匈奴遠遁  
陰山北烽火全消戰馬肥帶海倭夷尚餘孽閭  
廣桑麻日流血願言按劍憤國讐東南要使鯨  
鯢滅出匣摩挲愛白虹公堂六月吹陰風腹飽  
韜鈴初一試奏功循吏邁元戎

下卷二

三六

病夫吟

天地大造非不仁翻累假合七尺身何不四大  
作金石陰陽淫邪攻無隙腥羶殺戮口腹資日  
使臭腐傷神奇世人忘苦乃爭快四大由斯速  
以壞請看枝上秋鳴蟬惟飲寒露意仙仙可憐  
世人蟬不若百年稀見早漠漠我學絕粒即大  
藥太虛六氣任斟酌羽翼乘雲化黃雀看盡人  
間變城郭

醉隱歌爲姪孫莘老賦

巢許高風日漸微後來真隱嗟哉稀移文既有  
北山誚捷徑還見終南譏女隱乃真隱其謀爲  
良謀浪混塵世迹何用棲深幽醉鄉誰云遠中  
國百年日日能尋游無勞隨荷鍾不惜挂杖錢  
生平願醉不願醒曳履墮幘常頽然黃金斗大  
不如一杯酒聲名身後空爲傳醉鄉當與達者  
友滿眼小兒不足偶女家自有白髮叟好來狂  
歌擊瓦缶

紫雲庄贈二樵山人洪汝方

八卷二

三

吾邑稀仙風惟見邑南里唐有許宣平荷薪賣  
城市此後遼遼千載遙喜君二世繼爲樵林泉  
足跡絕城市何用宣平肩上桂花之酒瓢我來  
相尋以君約山半薜蘿葺高閣留醉狂歌栖霍  
驚紫雲片片當窻落秋深石壁靈芝肥照日蒸  
霞五色輝長生秘受餐芝訣乞采千莖潭上歸

訪宣允則河上樓

城南河上樓匹練走清流片席高張武林至長  
揖登堂憶舊游舊游年光幾更變相思久斷雙

魚便把手驚看顏色蒼蓬栖尚惜聲名賤物理  
盈虛各有時何須局促徒含悲君家東鄰昔全  
盛曲檻雕簷綺幕垂轉眼荒涼空四壁狐鼠黃  
昏走瓦石園臺無復咲春花風霜惟見搖秋麥  
吁嗟物理君自明盈者反虛虛者盈君才豈得  
終坎珂會見雲霄羽翼生感君留連飲君酒泉  
瀉鯨吞三百斗酒酣耳熱發狂呼落日丹霞映  
甕牖牖中隔岸即倡家寶髻峨峨立絳紗渡水  
嬌歌渾失醉明朝還約聽琵琶

八卷二

三

贈星士周若水

君家海上東甌城少年早已有聲名秘訣因從  
異人授五行幾卷窺玄精盤上星辰指躔度縱  
口高談無一誤四座人如百堵圍長揖每受公  
卿顧東甌太守君知己歸田三載黃山裏訪舊  
君來邂逅逢誇余不久泥蟠起昔也天門期易  
入轉眼年華當四十暴糧欲擬尚平遊獻璧羞  
還卞和泣君言君言如不移通籍鳴珂亦未遲  
一朝偶附風雲便得志成功會有時君不見漢

家飛將空白頭部尉紛紛次第候人生有命乃  
天定從古英雄可自由聞君揚眉且快意爲賒  
斗酒西鄰肆酒盡狂歌須更賒勸君莫惜花前  
醉

薛家墩酒家贈詹子儒

載書久作姑蘇客孤館閒門絕車跡故里惟君  
忽訪予定交一見情如昔牽衣即出城西遊薛  
家墩邊新酒樓樓前種菊十餘畝錦繡爛熳開  
深秋賞花沽酒各爲伍談笑誼譚人滿圃嬌羞

卷二

三

少妓學登場徧向遊人賣歌舞王郎意氣直豪  
礪衝筵上座呼提壺持螯傾酒驚衆覩誰人能  
識高陽徒平生知己良不易盡懽肯惜千鍾醉  
不久他鄉又別離須臾翻是相思地斜陽三丈  
猶在天欵行爲君且留連倒巾歸路迎明月來  
日還期鋪酒筵

毘陵官舍送余伯誠德升兄弟還龍城

羨君兄弟才何殊早年鄉薦雙明珠王門幾上  
鐵長翮賈誼憂時空廟謨北下燕臺渡京口省

親稱壽毘陵守骨肉天涯情更歡彩衣舞獻霞  
觴酒相逢官舍即相知把臂論交恨已遲明朝  
西望龍城去萬里風塵又路岐海內相逢良不  
易離亭欲灑青袍淚駟馬君來會有期蹇予欲  
遂躬耕志丈夫意氣如不忘訪予姑孰謝山陽  
少微光燭封禪藁太白祠邊一草堂

莊玄育席上贈楊子充

王生年弱冠名聲起江東遠游破產重交結白  
頭未易逢英雄紛紛盡揮虱擾擾皆醯雞縱橫

卷二

三

縫間衍日月甕中迷瑣瑣如斯豈足顧肝膽平  
生向誰吐空山只合閉關居座右因題絕交賦  
喜聞霍啖來華亭邂逅逢君眼便青舉酒高談  
入幽杳大醉十日不願醒聯手翩然行道上滿  
道回頭驚骭髀有時忽動萬古愁不覺當人哭  
相向我爲北海鯢揚鱗扇波潮君乃南溟鵬振  
羽遮雲霄我今待變尚泥滓君已脫化尤驚鷺  
二物真能出世塵與君交結本通神試讀南華  
經第一知音惟羨漆園人

金陵逢吳子充

昔年相逢西湖上天台雪竇君初訪乘興難忘  
九曲流武夷取道還南向今年相逢石城下貂  
襖芳歸北來駕狂叫惟誇恒嶽遊休言日觀無  
嵩華恒嶽盤盤鎮朔方清幽不比雲霞鄉白草  
蒼茫渺萬里蘆管吹沙四邊起李陵臺前殺氣  
橫明妃塚上愁月明常聞胡虜傳兵令駝馬旌  
旗近

帝京茲遊水霜良亦苦帶劍彎弓犯豺虎結伴

卷二

主

隨行大將營題書赴約中丞府新詩滿篋百篇  
富格力因殊出關後直將雄渾變繁華風流似  
在吳人右羨君平生遠遊樂買田已遂餘年託  
躬耕早臥却公卿九還好鍊丹砂藥我愧談經  
未見收閉門藜藿度春秋三山五嶽頻勞夢空  
咲泥蟠老一丘

登石門絕頂

石門雙開陡如削菴花曲澗通幽壑謝客崑崙邊  
百丈泉直疑倒瀉銀河落傳聞上有三天池攀

蘿躡磴忘險危雲波翻向空中俯却咲從前下  
界窺環池平衍多煙霞願携雞犬即爲家因可  
躬耕飲黃犢還宜鍊藥浴丹砂須臾颯颯風雨  
至雷電奔轟晦天地若非潛臥蛟龍驚定是探  
奇鬼神忌虎嘯猿啼不可留泉聲遙聽轉生愁  
回看依舊千峯霽日暮芙蓉紫翠浮

王工部西園席上

六月羈旅東甌城飄搖淫雨未逢晴俗傳因有  
毒龍住海潮故挾升天行日日階下水盈尺綠

卷二

主

苔封遍門前跡長戈無計逐驕麟臥聽簷聲閉  
空宅君忽約我西園遊對使歡然一破愁衝泥  
那畏勞雙屐不待銀鞍跨紫騮環垣百畝見幽  
曠竹樹松亭遠相向爛熳奇花照錦屏參差怪  
石堆青嶂雕闌綺幔几席開高鬟隊隊送瑤杯  
正當爲雨爲雲日彷彿陽臺神女來鶯歌燕舞  
嬌珠翠蘭漿入手休辭醉浮生聚散不可期回  
憶金陵昔年事君爲水部尚書郎邂逅識面俱  
茫茫淮南即鼓渡江楫徘徊未暇披肝腸羨君



本是文章伯意氣還能結賓客聯鑣接軫盛如  
雲懷刺求通竟朝夕無忌田文希等倫偶然片  
諾重千鈞傾囊揮擲黃金賤散作窮途處處春  
解官君已歸田久五株新種西園柳舊家賓客  
各星分誰稱烈士知恩否佯咲咨嗟君不聞勸  
予拚飲惜離羣從來翟氏交情論世事傷心何  
足云

贈鮑一鳴

圍棋有師代不乏我

卷二

五

朝趙范稱亦精二君已逝不可作嗟哉誰是真  
傳人鮑君崛起二君後比量公然出其右絕技  
雖由學力成慧眼機心本天授況君抱性復耽  
遊吳門直下大江流金山焦山湧京口金銀照  
耀如瀛洲

武宗當朝楊相國歸休瀟灑情無極年少如君  
訝一逢時師笑殺無顏色頓令四海擅聲名公  
子王孫處處迎有時使酒彈珠鉞每日看花倚  
玉筍快意繁華君已倦往迹重過幾更變永嘉

百畝郭西田老去栖栖故鄉戀我遊雁宕東海  
涯訪君暫得慰相思開枰怯與當鋒敵按譜惟  
談拂塵棋我於攻守聞亦久不識能攻不如守  
主客還將虛實窺丁寧勿制他人手君不見倭  
寇今年犯

天紀官軍連結波濤壘蹈險難爲矢石塲取勝  
終無萬全理閩越堅防帶海城妖氛風掃自然  
清平蠻今日中丞府安得聞君解用兵

宿吳次魯巢雲軒

卷二

五

君家東軒遠塵氛啾唧無容燕雀羣環垣遮棟  
秀梧竹日日氤氲惟白雲白雲宜在青山裏巢  
君東軒胡爲爾或接稚子茶爐煙還染詞人硯  
池水白雲白雲本無心無心似覺相知深朝去  
青山暮復至終歲豈待君招尋訪君喜逢白雲  
見一片邀醉瑤觴面寒月蛾眉照老狂東軒從  
此勞思戀

老竹嶺

老竹嶺高插天縹緲浮雲連青峯丹嶂遶矛戟

石鑿鳥道羊腸懸道上蒼藤不挂之峭壁道下  
白日不照之寒泉此嶺之險乃如此不異蜀道  
難攀緣昨朝忽傳海寇至兒戲長軀太容易斷  
髮朱衣五十人推倒藩垣作平地一夫當關萬  
夫莫開從古已然今獨何哉其險雖可恃守禦  
或非才良家子弟奮咆吼村社黃旗各稱首分  
兵爭逐陳網羅乘間殘生一宵走三年海上俱  
戰場蔓延又見山中殃么麼豈真不可當爾曹  
爾曹恣猖狂休云腐儒滿廊亦有虎視與鷹

八卷二

三

自遠邊疆我

明曆數歌正昌購得寶劍雙龍藏時時斗次騰

晶光無由出匣獻

天王直欲斬枯海水肯使隻艦還東方

荅海陽林明府騰蛟登凌歊臺

青山崔嵬鸞鳳翥西北直向黃山去大江橫截  
勢却廻怪石昂藏虎豹踞石上苔繡點畫埋乃  
是宋帝凌歊臺三千歌舞浮雲散翠華輦跡惟

蒿萊行苑離宮廢何有塔廟禪關亦衰朽僧樵  
猶護舊遺松鴉聲幾換新栽柳海寧縣令眞仙  
才昨始登臺醉酒杯聯鑣席野偕誰賞作賦臨  
高只自裁茲臺從來富作者後出憐君獨風雅  
李白五字趣偶凡許渾七言調愈下平生獻策  
金陵走布衣慣渡姑溪口登臺無作愧諸賢年  
少紅顏將白首長篇小吏忽予傳北望微吟興  
渺然茅堂恍置斯臺畔牛渚天門落眼前

相逢行贈盧次梗

八卷二

三

都城殘臘陰雲浮凍雪載道風颼颼銀不畏  
赤脚踏懷里聞君歡且留訪尋薄暮叩禪房虬  
髯誰識是王郎大呼盧君漫長揖視君驚訝何  
茫茫君才亦可誇鸚鵡履虎幾危脫黃祖此事  
相傳今十年礪礪常橫爲君怒立談方喜乃同  
調再拜悽然向予咲邂逅乾坤始訂交朗月披  
胸兩相照探囊出錢即沽酒滿瀉清芬肯停乎  
龍劍雌雄久別離豐城靈物終當偶九月蒺藜  
陽銅匏過大梁諸王競招致歌舞戲千場兔園

沒榛莽平臺上牛羊梁孝已往那復作後來賓  
客多荒涼南到長江渡揚子海潮忽障金焦峙  
近瞻 王氣標鍾山盤空五色如虹起

先皇定鼎九關開甲第烟花錦繡堆公卿車馬  
揚鞭接折節傾心孰愛才雖混塵埃性仍僻低  
眉懶候公卿宅末路難求知已真虛竊聲華果  
何益與君獻策志未伸拖紫紆青讓別人角巾  
短褐愧老醜烈士微軀湏自珍予家黃山松桂  
迷春風芝朮秀丹梯君家黃河沙浩浩秋霜雉

八卷二

五

兔驕白草荷鏡射獵代躬耕孤負

明時畢此生文章遺得雕虫技一任悠悠死後  
名

送潘象安讀書之采石

少小客金陵往來采石山老大臥鄉國夢遶天  
門間天門橫夾長江起巧作蛾眉宛相似翠黛  
無勞画自濃盈波雙鎖常如此蛾眉小亭山之  
巔佛宮仙觀相接連我乃三月徧栖息朝暮無  
盡變態之風煙君亦讀書愛此處聚糧定向何

時去聞言如對蛾眉愁使我相思歷亂成飛絮  
狂哉太白興夜與宗之遊身著宮錦袍寒露坐  
輕舟采石直下金陵去一片皓月江心流唐家  
豪士崔與李風韻千年滿人耳我輩本是崔李  
徒却讓誰能繼芳軌古人之事不足驚秋暮期  
君采石行孫楚酒樓生蔓草琵琶醉聽石頭城

寶刀篇贈汪仲樂北遊

八卷二

三八

春風吹柳花萬朵送征袍酒酣望燕薊解贈腰  
間刀此刀乃自何方來金精鑄在邪馬臺前年  
航海寇吳越戰場失手泥沙埋防倭將軍定交  
結贈時尚是一條血血洗海水鏽已深迸珠盤  
絲磨不滅刀頭零落七寶粧遂使此刀氣不揚  
塵世紛紛寡識者三尺盡視爲尋常隱隱白虹  
亘蛇腹光侵寒栗生人肉我昔提携大澤中山  
鬼奔藏入林哭勸君百金裝刀頭靖亂當爲烈  
士傳還將武備承文事南北烽煙報未休

送管舍人子謙北試

舍人行年始三十承家尚未官將軍身長七尺

面頰王姓名廊廟公卿聞往年倭夷勢正大孤  
邑桐鄉園欲破羽書難募客兵援烽火不容飛  
鳥過司馬奇謀誰可使爾獨揚眉寧顧死商歌  
縞服餞轅門輕舟閒暇銜鋒壘爾膽非止渾一  
身斗血盈腔屬別人神色不逐風雲變咲談去  
誘鯨鯢親徐海頓忘唇齒繫狡賊聰明天所開  
麻葉陳東翻助擎臨期罵敵徒垂涕隻艦追截  
歸海東掃蕩吳越巢穴空司馬且緩封侯印爾  
何敢望酬其功

八卷二

三九

天王秋詔開武試抱策彎弓四方至入選稀逢  
霍衛才利時爾是千將器鳴鞭走馬去燕山將  
曜流輝箕尾間定擬公卿多薦達思歸無用看  
刀環

謝按察使胡公柏泉送酒錢至

我愧平生未得意蕭颯青衫色顚顚醉鄉常逃  
不願醒白眼怕見繁華事經時窮旅杯中乾彈  
劍空歌行路難小吏驚持酒錢至不覺遂破愁  
眉攢酒錢入手肯停手盡付壚頭買春酒嫩碧

邀同烈士傾一杯遙拜呼君辭千金之贈等微  
塵即此真爲感激人早晚還期清夜譙狂歌面  
吐使君茵

武林留別浙東副使劉公

古人最重逢知己所以士爲知己死投與明珠  
不見倩誤信門牆得逋李一廻攀謁一凄其咲  
殺劉蕡數獨奇藏名穢迹風塵下憐取疎狂只  
舊時歲暮懷親白雲處主家抱病那能去病起  
催余西向歸持杯醉酒戀依依贈余還言不稱  
意聞言耳熱翻令愧黃金百鎰視亦輕身在難  
忘是高義感激從前較轉深青衫長揖淚沾襟  
平生圖報無能報惟有乾坤烈士心

送張公子孺穀落第還四明

騎馬須騎龍食肉須食虎交結須擇英雄人瑣  
細尋常何足數張家公子英雄人骯髒多招世  
所嗔臨安逢余願交結把臂遂與忘年親交結  
豈緣公子故眼前誇君有高步逸民千里載同  
舟窮士片言薦當路君况平生最好武床頭寶

劍青光吐七尺長軀玉面方憂亂時向予怒  
勸君落第且東還臥枕陰符海上山承家靖亂  
翩然起醉酒伴狂未許閒

席上吟贈汪襄陽伯玉

丈夫雌伏在草野每逢知己真知寡短褐伴狂  
客武林邂逅長揖神交者神交本是故鄉人弱  
冠結綬爲王臣竄達升沈各異迹大咲始叙平  
生親壯歲君仍四十下腰橫黃金未足詫海內  
文章獨數君翕然公讓登臺霸妄自寶魚目君

卷二

五

誤賞夜光雷同俗世態使我名愈揚今日乃何  
日彈劍君之堂再拜定交義隨時命壺觴君守  
襄陽來且問襄陽事習家高陽池訟間幾場醉  
大堤珮者俱依然蘇嶺石廐空雲煙峴山峨礪  
天作合思君墮淚同前賢論今訪古正云樂小  
吏驚傳驄使約誼呼車馬候門前恨殺持螯興  
蕭索君曾翻出白銅鑊花月多情聽亦迷明日  
新詞還乞唱一拚舞袖醉如泥

題洪守貞家藏張路椿萱圖上有左國璣

詩

葉葉椿下萱枝枝萱上椿椿萱翠色爭照耀雲  
光露態何津津椿萱之圖早晚得匹練垂垂挂  
堂北况兼長句百言餘常對朝昏歌罔極張路  
画品師吳偉落筆縱橫有神鬼國璣詩格宗太  
白出口鏗鏘裂金石二君一時生大梁詩画中  
原各擅塲座視珠玉肯易售嵩嶽高價凌侯王  
張路武林曾邂逅長揖相投即故舊國璣乃是  
神交友鯉魚尺素王潭剖二君詩画且勿論丈

卷二

四

夫意氣何其真俗世紛紛指皦日白首咲殺依  
然新二君雙雙在匹練今日何日如見面先逝  
泉臺四十年一拜衰顏淚如線大梁曾訪城西  
墳無處殘碑灑酒尊英雄身後多難料賴有聲  
名不朽存

維揚留別虎臣

余從結髮始抱志航遠遊挂帆渡京口十度過  
揚州不逢賢地主一度未淹留今喜來逢君延  
我登高樓高樓南城肩女牆貯書萬卷排兩行

商燹周鼎照四壁黃藤榻子懸中央閉門衙觴  
五日醉醉中細問隋家事開河錦纜翠娥牽南  
巡萬乘真兒戲遺蹤徧尋與君往亂山十里平  
如掌施寺惟看禪智存離宮迷樓盡蒼莽秋水  
九曲滿雷塘一杯之土飛龍藏牛羊樵牧無官  
禁豈有麥飯供蒸嘗亡國之君不足吊忽憶英  
雄莽狂叫李白散金三十餘萬等輕煙城中旅  
寓恨殺無人傳瓊花臺上弄明月楚些徒費招  
魂篇邇來有約青山下買田十畝親禾稼李白

八卷二

四十五

祠邊築草堂

明時倡結青山社編戶願作姑孰民雞鳴桑柘  
谷家鄰異代知音託流寓豈羨功業圖麒麟知  
章宗之世稀有此輩三五方足偶若使雕虫濫  
社盟李白泉臺咲揮手明日長江南北分霜天  
去路入寒雲倘君亦有青山興莫惜題詩早寄  
聞

送沈嘉則遊閩謁汪中丞戚都護

梅雨昨渡西陵舟臨安別我事遨遊樟亭驛前

即挂席維纜留君不肯留今時爲士賤於草公  
卿朱門寂如掃掉頭揮手君還留五月炎蒸勞  
遠道九曲知君南入閩三千里外有通津中丞  
近是神交者都護曾經識面真聞斯大咲復大  
喜二君折節能延士重見平原與信陵紛紛公  
卿那足比君去華筵日日開新知舊知爭往來  
霜寒雖遲歸及早懷抱君休盡傾倒我輩學仕  
慚無成泥蟠局促不稱情強顏作客公卿座詫  
俗賴以飛聲名干謁豈獨黃金故非禮十千却

八卷二

四十六

不顧王生知已亦不稀至今常飢猶采薇與君  
難變疎狂態肯自都令古道非大隄高歌別長  
揖揖罷潛然掩雙泣把袂相看非別愁仰天不  
覺青衫濕君當行休躊躇閩江何事無鯉魚二  
君久斷寄來書我亦窮居書懶題煩君爲我訊  
何如

武林送元蠡從軍晉陽

鵲橋渡後天更暑武林門外歡逢汝知是從軍  
向晉陽祖筵欲設羞窮旅此時閉篋開貂裘典

得青錢覓酒樓爲余滿泛把玉斗盡洗懷抱百  
結之新讐交道紛紛皆鬼魅相忌相傾乃常事  
一蹶還令堅白脩何用低眉色顚顚昂藏七尺  
英雄資智謀况復蟠胸奇萬言早獻擒胡策富  
貴反掌誰能知錯金佩刀利無敵鋒鏑龍鱗藏  
霹靂爲主時聞吼不平寶匣隨身慰寥寂大醉  
垂鞭上紫騮關門西到已深秋塞垣天險黃雲  
鎖且咲平生快壯遊

錢塘潮送俞子自還虔州

卷二

四十五

噫嘻異哉錢塘之潮天下無晴雷隱隱東來而  
喧呼排空湧浪壓山嶽蒸煙昏日翻江湖海門  
不假長風力莫測乎鬼神何機以驅逼此地魚  
龍乃太愚晝夜驚惶不能息八月望後潮更雄  
君欲乘舟疊雪中才名久滯東游客帆影因隨  
西去鴻鴻摩雲表飛翩翩潮上之勢不少延衰  
柳維舟勸勿蒞百錢買酒留周旋幕府君從胡  
少保因得相逢談咲好臨餞方將肝膽傾却恨  
平時良草草肝膽珍重肯許人謔玩塵世誰堪

親尋常布褐明經裏君亦賢豪七尺身人生難  
聚易別離別離復聚亦難期不如須臾執手縱  
大醉命彼絳唇檀板高歌王郎所贈之新詞故  
鄉君住庾嶺北圖經稱說梅花國三千里外天  
際頭數寄音書那可得匣劍君歡歸故鄉余猶  
歲暮客錢塘有時騎馬來江上無奈觀潮爲斷  
腸

座上吟贈王鳳洲麟洲二使君

千年之後有王生每憶前賢咲正平懷中何用

卷二

四十六

先題刺字至漫滅亦多事丈夫交結自有因或  
者冥冥司鬼神一朝傾蓋即若故白首把臂翻  
如新君家交結客滿堂管絃日日華筵張我來  
長揖驚四座短褐踉蹌髻已蒼君不見世人佯  
爲畧禮數通名未罷肝膽吐又不見世人磬折  
勞周旋俛首低眉會取妍王生生平直如矢世  
人之道俱足恥矢將斲日指青天難許生交况  
言死愛君黃金酒強持白玉卮我爲一言君聽  
之不爲君家兄弟鳴珂弱冠時不爲君家兄弟



落筆變幻煙雲奇皆傳意氣擅海內片諾真令  
山可移肯受四君泉下咲故來識面無相疑主  
請爲客飲客壽主無疆雙看莫邪與干將延津  
復爲

明廷出吳江阻向泥沙藏黯淡莫射斗間光龍  
蛇深蟠乃自滅霜鋒豈獨讐夫忌揮割亦取鉛  
刀妨時千後來乃其常燕趙歌歌慷慨

送管太學遊蜀

新都郭外酒家樓酒嫩鵝黃香甕頭眼前交結

卷二

四

諸年少醪餞千錢送壯遊壯遊西懷蜀城裏高  
峽盤盤險無比春暮維舟萬里橋飛流上遡沱  
花水君家嚴君負文武十萬貔貅鎮邊土戲綵  
承歡遊子吟趨庭今是將軍府名山多說足攀  
躋窟宅仙靈舊所栖霧中峨嵋更奇絕金銀色  
界使人迷送君自覺情蕭爽累糧無計追同往  
君平卜肆訪風塵子雲玄亭吊蒼莽薛濤有井  
澄玻璃猶似蛾眉照影時鸞箋玉板勞君寄何  
用千尋蜀錦貽

送潘象安三游燕臺歌

王潭梨花照環堵君忽題書寄蓬戶爲報遙隨  
太史槎懷舊還歸丞相府羨君三作燕臺遊四  
十年華正黑頭吟詩草賦已盈篋投刺長揖交  
公侯人生富貴意方適嘖嘖空名何所益君子  
俗世且浮沈轉眼吁嗟頭易白余亦海內多相  
知麋鹿任性那能羈不肯低眉務奇節徒染緇  
塵走路岐憐才誰是古人度往事翻嗤乃自誤  
書劍乞售慚市門田野躬耕苦遲暮余言余言  
良不迂富貴乘時君自圖老驥難甘終伏櫪燕  
臺期與醉當壚

箭月歌

誰剪海犀革一尺如月圓錦絛挂東壁時或生  
紫煙上画胡奴馳錢騎白草經霜枯滿地貂襖  
回頭臂兩弓遠望雙飛皂鵬至此物懷當弱冠  
年高插廬子城東邊射罷周瑜塚頭坐常澆綠  
酒呼重泉鄆山千里歸鄉國夢寐猶尋大江北  
明經折節逐諸生功名欲借青雲力抱書十度



金陵走丈夫豈圖終不偶沒羽徒誇射虎人毛  
錐負却穿楊手摩挲此物敝埃塵感慨從前一  
愴神今羞短褐成衰醜誰識英雄負氣人

送鮑子良隱居龍山兼呈淳安鄭明府

與君相知當弱冠各誇易叱蛟龍騎金陵獻策  
數不偶短褐風塵髣忽絲奇壁懷之難待價不  
如即別風塵下余久先君把一竿王潭直釣戲  
清湍君今遠卜龍山去爲近巖光七里灘龍山  
雖是鄰封地從來亦屬鄣城治竹箭東飛天上

卷二

五

流挂帆一望崇朝至山深民寡多閒田里俗淳  
龐太古前圖書滿載隨妻子躬耕飽食甘餘年  
烽煙南州報未已救時終見翻然起雌伏雄飛  
功可期布衣豈盡低眉死歌勸千巡濁酒傾送  
君此去且藏名鄭莊有令能招隱沮溺無人可  
耦耕

贈魏郡守王陽德

遊人北渡漳河口取道來訪天雄守舊好留余  
三日懽甕浮新熟黃梁酒曲闌亭子衙東頭叢

菊修竹良清幽呼童無用搖大扇火雲六月疑  
深秋行觴細話當年事攢眉反云五馬累田園  
海上近龍湫懷歸恥隨折腰吏黑髮紅顏君未  
老厭俗懷歸乃太早中抱超羣經畧才丈夫自  
謀胡草草君家從來盛金紫須知國恩重無  
比只今南北尚煙塵賴君要路翻然起狂生之  
言非腐儒尊鑪張翰且躊躇慚余獻賦無媒售  
空負

明時七尺軀

卷二

五

梁燕二子歌

燕張子言大梁左舜齊豪俠人也以詩  
名于正德嘉靖間予時弱冠而與二君  
爲神交二君歿已四十年矣隆慶壬申  
予赴大將軍之約由大梁入燕訪二君  
之塚不能得乃爲賦此歌長望哭之

君不見梁園左舜齊昔日譴謾王孫間又不見  
燕臺張子言昔日長揖公卿上詞賦追隨李與  
何一時才華兩相望二子且勿論才華翩翩俠

氣尤足誇惜寤赴難若不足千金信手輕泥沙  
我當弱冠時二子神交友遺書字未滅錦囊繫  
在肘我來過梁還入燕識面把臂遲當年停車  
舊宅變新主飛鴉荒塚迷寒煙九泉招魂向何  
處秋原一哭空歸去君不見秦陵與漢闕蔽日  
連雲亦消歇天地大劫終如斯二子身後胡足  
悲不同富貴尋常者留取名爭日月垂

薊門逢行南

憶昔相逢少保府弱冠明經仍好武久別重逢

八卷二

李

都護營依然短褐一書生胡爲大嘆不稱意南  
北紛紛羽書至願借懷忠七尺身隨場莫作時  
人事眼前貂錦聞不聞嗟哉誰是真將軍

國家正覲靈長運談咲乘時可策勲

謝方景武雙吳鉤

聞君家有雙吳鉤得之何人乃戚侯水火陰陽  
鑄何代珍惜不受千金求北遊見余知俠節白  
首相逢始交結寤途何用贈兼金丈夫剛腸託  
片錢一咲許諾贈不遲出囊一雄與一雌雌雄

竝落王郎手得主新依躍龍吼尊前拂拭大呌  
誇掌上尺五爛雪化乾坤照見不平事冷風忽  
地吹胡沙踪跡聚散真飛絮薊門謝佩吳鉤去  
倘若相思南望予斗躔氣射丹虹處

三屯營留別郭建初

閩海才名何赫赫薊門久作將軍客將軍廣結  
號憐才紫驪鄣郡迎余來與君長揖驚相顧把  
手神交道情素幕下尊前十日歡別離先逐都  
門路君胡尚爲將軍留萬里邊塞愁深秋西風

八卷二

李

白苧吹早裂禦寒誰肯輕貂裘知已相逢良不  
易猶有中藏丈夫事羞同阮籍泣途寤仰天別  
灑憂時淚咫尺都門還與期黃金臺下來休遲  
郭生惟許燕昭識舉世蒼茫誰得知

買刀篇

精鍊三尺生西番萬里流落來中原光芒出匣  
澄波翠刀銘莫辨黃金字提携睨視畏正看陡  
覺颯颯陰風寒鋒端赤花半明滅不平定是讐  
家血知已從來謂難遘肉眼紛紛向誰售王郎

入市心暗憐聞價盡倒錦囊錢時人猶咲價不  
直信手安能揮十千志士籌邊頭已白寶此吁  
嗟乃何益明朝結佩還江東不殊敝帚藏空宅  
刀弓刀弓良足珍與君相邁俱不辰酌君斗酒  
悲歌醉且伴蓬園抱甕身

燕京逢張孺穀

古稱燕趙多節俠吁嗟此道今荒涼地運翻爲  
轉吳越亦見儒生氣英發張伯子王生流武林  
託交肝膽投西陵醉別經十秋大笑忽詫逢酒

下卷二

五三

樓相從賓客如雲浮賓客滿眼何足數輕薄不  
殊市門賈錦囊黃金休濫拋呼盧合與王生賭  
明朝馬首先南征牽衣躊躇忍爲情傳有劉姬  
解詞賦勸君停鞭暫須住人生行樂常恨遲因  
風偶作飛蓬聚四明萬里謾思家夾道紅簾入  
狹邪撰得梁州君試聽倩將纖手按琵琶

黃金臺

黃金臺臺高與雲平橫空氣色爛霞錦昔乃昭  
王禮郭生黃金臺崩已久臺名依然在人口遺

踪境上莫能尋牛羊散牧煙草深驅車遊燕者  
多負郭生志臺望築黃金胡爲不解事列國割  
據爭陰謀昭王夢寐報齊讐信言致士先從隗  
劇辛樂毅懼相求貢享朝宗四海一治化成功  
賴經術

聖世羣才盡穀中青霄失路終蓬蓽吁嗟乎古  
之士易貴今之士易賤明珠白璧合自藏棄如  
敝帚徒矜銜經術慚予雪盈首紫塞貪游僻畝  
畝過燕不問黃金臺挂絳帷醉壚頭酒醉後拔

下卷二

五三

劍仍自嗤丈夫七尺墮地遲若教同客昭王座  
攘臂登臺知讓誰

匣中劍贈畢汝光

君家匣中劍紫花鏽已久珠玉零落鮫犀朽何  
年一失當場手千金買得來徐淮蒯緱結伴縣  
空齋如斯英物遭棄置三尺不若泥沙埋何異  
雄豪不得志相看對面神憔悴寒日斜照隱王  
虹乃爲悲歌裂雙背么麼南北尚猖狂誇君負  
氣年方強從此提携常拂拭功成休惜百金粧

趙樅江席上聞談龍眠山賦詩定約

余昔產金斗地接龍眠山早歸江左山未識百  
里相近煙雲間託交於君慚已老席上聞君說  
山好酒後脩然蒞興狂持杯北望淮西道山多  
嘉樹不可名玉蘭參差千樹生春風崑洞吹香  
滿人世真開白玉京誇君航幽賞多費買山錢  
中構十二樓丹篆日探玄期予共結社鍊藥成  
飛仙金斗難忘舊蹤處來歲定然携杖去兼訪  
斯山三月居半榻容身不願餘辟穀采花可供

卷二

五

飽要使腥羶洗盡除

椿萱圖壽邑侯李公二尊人

椿樹百尺碧玉濃萱花一朵丹砂封蒸霞吸露  
倚怪石二物湏知靈氣鍾徐霖畫名傳已久  
武皇待詔稱高手贈予建業李王孫于今邑署  
縣東幄此画何期爲循吏訟簡彈琴日無事迎  
養西來千里親匹練照耀斑衣戲祿供甘旨勸  
加餐願與椿萱百歲看黃山北望浮丘祝即是  
西江朝斗壇

賦孫從理溪上石

雷溪之南一片石突兀鄰近孫君宅根盤丘壑  
高遠與塵喧隔披以苔蘚繡帶以藤蘿垂千林  
松柏陰五色雲霞披有時夜半飛虹光山鬼驚  
走窺其傍石中或疑異寶隱石下定是神龍藏  
翩翩上多仙禽戲俗駕誰能識幽事君乎端禮  
如丈人濁醪獨訪提壺至踞咲平泉德裕醒抱  
同栗里淵明醉孫登君前身性本達嘯旨扣石  
欲碎竹如意一聲嘯徹青天起勸君巢石而與

卷二

五

朝夕親託交無情交乃真矢言百歲終黃髮無  
用玉川掩關之銘憤怒妨時人

謝賜谷方方伯贈點蒼山石

梁州點蒼山高萬仞千天起獨據周迴三百里  
瀑布分流十八川山中之石奇莫比此石時在  
人家見可憐光潤瓊瑤面錦囊蕭索縣腰錢欲  
購愧殺徒爲羨君胡今朝贈此石童子開封方  
滿尺携來不憚自遐方感君休道千金擲陰雲  
四望飛迷茫青山橫界色淡黃釀雨欲雨乃不

雨向晚一道留殘陽古人元章良可怪尋常之  
石豈宜拜我狂宜拜袍笏無短衣長揖歌還呼  
餘生作伴琴書側疑是元章舊畫圖

寄倪石洲兼懷亡友王武師

太白不獨萬言縱橫奔逸稱宗工任俠揮霍真  
豪雄長庚靈秀終古在依人流落來江東遂愛  
謝山不歸去旅魂乃爲埋玉處墳頭綠草久荒  
涼孤碑八尺照斜陽謝山社祠久欲結要令豪  
雄慰泉穴君友王伯子弱冠余同心天奪俗世  
稀知音君乎亦余王伯子社祠早結翠微裏江  
東三五集名冢身後余曹亦不死秋風一路飛  
涼雲策馬金陵即訪君大招賦寄墳頭吊此意  
先歌太白聞

胡少保新祠行

錢塘一別十經秋王郎白首今來游湖山幽景  
洽魚鳥桑麻安堵傳歌謳昔苦倭奴航海至杖  
鉞諸人盡兒戲水陸誰能隻矢飛郡邑腥風血  
流地東南勢急不可支士卒未訓那能爲繡衣

翻試戎衣着驄馬還爲戰馬馳親提召幕衝鋒  
壘先衆冒險寧畏死伏機誘敵智如神七尺長  
軀報

天子東南保障勝朔方功高寵極失自防太阿  
干斗消龍氣鉛刀躍匣騰妖光鑠金市虎出人  
口少保功成甘授首

天子寬恩聖斷持惜未生全還猷畝已毀祠堂  
驚再見禪寺東分丹碧炫披緋橫玉肅垂紳鷹  
揚虎眈開生面少保之功不可滅感激生民在

全浙東公倡義途中丞片石題名表忠烈少保  
之冤賴已洩側目讒人漸泉穴嗟哉精魂滯幽  
燕王郎痛哭拜其前從古忠烈多罪愆少保胡  
爲獨不然千言歌爲大招篇好鞭雲車下翩翩  
哭罷向誰論往事淚濕青衫憤裂袂落日低迴  
不忍去擊碎腰間錢如意

答贈謝瞻臺還建寧

羨君行年始三十姓名早薦鄉書中結綬承恩  
尚未晚詞賦落筆生飄風與君千里人邂逅一

咲接知君藏經綸而亦好任俠豈是尋常金紫  
流草草隨場就功業秋深即作還家計挂席東  
飛不能繫幔亭久待武夷君天都再約軒皇帝  
平生知己多在閩劉黃更是受人肝腸剖出  
無能寄南望悲歌徒損神君聞悲歌亦低首送  
君且醉盈觴酒九日將臨霜信遲河邊堪折青  
楊柳

謝姪孫可則贈古鏡

千錢購得在大梁贈予座上開錦囊何年青天

卷二

五十九

落片月入手寒光逼人骨面開隱隱澄波深丈  
夫照出平生心翠羽爲背丹砂屑乃是水火金  
精結泉臺久閉亦已神遠遊萬里當隨身幽崑  
陰洞多鬼魅逢之驚哭即潛避先從五嶽訪仙  
靈鏡中嶽嶽收真形歸來真形永不散報爾一  
照添崔笑

瑞卿席上賦石屏歌

潭園老圃甘迺名履穿三月懶入城牽裳笑揖  
歲云暮登堂拂拭心神驚方屏乃是滇南石玉

色爛然盈八尺何代提携萬里遙奇怪定由鬼  
工擘高崑不見崑上峯風吹凍雪諸崑封一草  
一木無所有惟有倚崑百仞之蒼松松兮松兮  
翠藤纏綿僵虬龍邇來画師妄自羨徒灑丹青  
汚匹練縱橫筆力雄戈矛江夏吳偉今重見斯  
石久矣傳世人評賞始信王生真呼君綠酒擊  
瓦缶大醉歌墮飛霞巾五千文錢何足數聞價  
令余不平怒欲借屏前十日棲對之續就遊仙  
賦

卷二

六

夢萱吟爲友人程克正

春風萱草鸞尾長兒時繡襖戲北堂只期壽與  
蟠菴比兒大秋霜萱草死返魂安得有方傳縱  
求俗世無神仙北堂一登淚如綫萱草長于夢  
中見堂前一樹烏高樓恐驚夢回不敢啼夢回  
見烏堂前樹老烏伏巢雛反哺人生反哺不如  
烏七尺自愧胡爲乎罔極報恩終已矣萱草之  
夢亦徒爾

賦寄戴使君渾渾菴

渾渾爲至道乃在天地初無名亦無見茫茫含  
太虛太虛至道不能守翻然爲彼萬物母萬物  
紛紛賴節制由斯皇王代興而宰世符爾衡斗  
與禮義聖智焉能使彼不乘機巧而終弊李耳  
獨知至道真五千之言遺世人其言一一露至  
道賢愚過眼俱草草君本仲尼之苗裔李耳斯  
言能獨契仲尼尚稱李耳其猶龍君敢斯言之  
不從君爲渾渾我亦渾渾與君同入玄玄門我  
爲盧仝君亦馬異今日相聞不容易結交之篇

卷二

空

我先寄太虛皇王洞觀之嗟哉萬物輕兒戲

登金吉夫望瀛樓

吾聞東海上一山乃瀛洲青瑤碧玉起臺觀不  
誇五城十二樓火精縣爲日水精縣爲月烏兔  
各象形光明常不沒神魚角鼻千丈長噴水時  
時慶雲簇君家有瀛山峯洞多奇狀疑是瀛洲  
拳石分飛來正與樓相向牙籤滿架貯圖書不  
惜揮金萬卷餘終歲閉關課兒讀後人不讓鄴  
侯居君性復耽詩直探建安調思入玄冥句忽

成自賞懽然一長咲我今訪君見瀛山山色浮  
滿虛窻間邀君竹林之社六七子携酒初春試  
共攀瀛洲海外那能往借君瀛山慰遐想醉倚  
松杉忽有聞似爲仙樂空中響

吳興金婆樓逢孫從儒留飲

臨安來訪湖山舊霜風吹裂青杉袖只聞君滯  
秣陵遊道上誰期懽邂逅邂逅正過金婆樓把  
手大咲向壚頭壚頭酒異竹葉綠一漚堆尊白  
如玉探囊知君多酒錢還呼少妓勸尊前可憐

卷二

空

檀板吳歌媚不解琵琶按四絃金婆羽化事已  
久只今尚說金婆酒釀酒未得遺丹方醉鄉盡  
使斯人壽

藝茶行

我生性何偏畏見不平事獨行避向衆人場到  
眼徒令裂雙背胸中不啻洪爐然談天舌上飛  
紫煙若投金錢定流鑠可鑄楚王雙劍太阿與  
龍泉平生意氣日轉積礪砢縱橫又疑化爲石  
讀書萬卷難並容勢覺凌空五千尺疾也如是

誰能醫市門賣藥稀神奇炎帝百草盡九品驅  
疾惟與茶相宜終日飲茶不停手何誇七盃頂  
數斗盧仝在側定知掩面而北走時時風雨聞  
軒前烹茶之法老妻稚子俱有傳載酒無勞問  
字客探囊愁斷買茶錢年來始熟南原路偶逢  
賒與青山住鉏破雲霞十畝餘遶屋藝茶三百  
樹床頭甕粟不問無茶足貧家遂所圖茶雖非  
蒙山中頂茶水雖非揚子中冷水南原土沃泉  
脉深茶兮水兮亦稱美茶經水記品未全從此

八卷二

六五

南原著續篇腥羶舉世誰知味漸入醍醐似悟  
禪

望岱吟寄襄理菴副使魯中

我年當弱冠出門縱游蹤客生在金斗東游先  
岱宗濯足王母池據吟大夫松因此留齊魯太  
白承風流任俠仍擊劍博訪同心儔恨無巢父  
輩新都歸故丘明經不逢忽白首蓬室寧甘臥  
衰朽五嶽兼收志未償婚嫁猶遲向平後昔遊  
岱宗只草草後來奇勝聞人道未於秦觀望長

安臺寐難忘挂懷抱何期使君官此土我來歡  
然得所主奇勝重尋一月居使君肯共乘雲車  
俸錢供酒千文足試著

明朝封禪書取道近從縵嶺去乃爲吾祖子晉  
跨雀處一聲天上驚吹笙雙雙定命玉女迎憐  
余孫子爲真派授與仙方鍊早成丹砂豹囊藏  
已久水火九還期入口出鼎琅玕五色鮮大藥  
分將使君壽

送詹伯章游燕

八卷二

六五

送君再向燕臺去三載難忘舊游處結伴因惟  
公子賢竝馬楊花撲飛絮抗手且勿辭垂鞭攬  
轡暫繫酒樓邊誰期庶吏分餘俸一咲堪供買  
醉錢披褐誇君抱璞異荆足雖傷璞難棄高價  
逢人自有時浮沈莫厭風塵事昭王已去不復  
來何須定築黃金臺若爭名利必朝市近道公  
卿漸愛才城陽隱栖非不美丈夫雌伏良可恥  
忍令鄉里小兒輕白首雄心尚未死送君上馬  
余有言知己猶多在塞垣上谷雲中燕北向王



郎尺札一相煩

黃伯元携酒來訪白蓮寺

青衫世路伴狂久邇來厭與時人偶閉關欲賦  
絕交篇滿眼俗態漸不然經年城中忽一至寄  
迹常尋白蓮寺風雨繩床正高臥大笑衝泥喜  
君過爲携斗酒黃金春雙魚一尺膾銀鱗連觴  
頻勸上予壽餘生晚與君相親丈夫懷奇俱失  
意從古應多不平事遠公社戒不須持放眉且  
盡陶潛醉

卷二

六五

山陽趙生行

君從山陽來言有山陽客章句雖明經獨負濟  
時策早年重結交千金輕一擲時感薄俗便興  
哀胸中洗滌命尊豐漂母祠遠買沈醉放歌還  
上劉伶臺余聞有君始微咲再問如斯乃大呌  
丈夫滿眼多死灰千里何期得同調山陽一望  
海東北漢家舊有田橫國國名萬古高蓬壺五  
百英靈尚有無寄言爲余吊節烈一哭須令海  
水枯

謝吳子荆寄墨

秋蘭臺清夜夢綠髮仙翁騎赤鳳玄壁一片  
光射寒捧受徑面三寸寬向曉繡羅忽褰寄開  
囊憶破夢中事奇偶八位龍圖陳星辰連絡銅  
儀新陰左還慚姓名託古文蚪斗金銀錯醉鄉  
覓井坐逝奇真方乃是斯人遺千年老松堅如  
鍊飛煙鍊是靈脂結麝香犀角和丹砂萬杵搗  
月青山裂我家久購玉蟾蜍滴露細把黃庭書  
尤物多藏鬼神忌勿惜再寄君何如

卷三

六六

謝黃覺齋贈程大丘手臨倦菴圖

城東久約登君堂揖罷驚覩單于王紫貂垂肩  
擁綠繡蟠腹虬龍只欲翔滿尺月輪蒼玉面帽  
突拳毛焰朱齒頂禮金人爲祭天西方聖人疑  
非然女家北按驄馬戀此圖問是何時寄射獵  
流年九十餘誰傳南入中原地花前留酌勸勿  
辭即過西鄰延画師落筆躊躇更神采一咲重  
誇顧愷之贈予携去潭園上巢雪樓中坐常向  
感君謾道千黃金知予平生壯士心置身如共

穹廬下風林吹覺胡笳音女兄吉囊女莫比曾  
聞密使求元史償價不惜重千金驕橫徒然國  
讐死女幸順義封

先皇誥爾沙漠何輝煌還許年年馬爲市殊  
恩女輩應難忘犬羊抱性本多變恐後貪求不  
知倦覽圖憤怒氣欲吞願縛長纓獻塞門飛將  
逢時猶不偶無令俗世笑狂言

潭上吟寄招黃伯元

余每過東郭相逢牽衣裳不惜酒錢贈携歸藏  
錦囊村市欲買壚頭酌獨對尊壘愁寂寞豈無  
年少同歡呼瑣瑣齷齪非吾徒酒錢錦囊尚未  
散暑退涼風秋大半王潭紅葉撲釣磯真勝菴  
李春芳非此時惟宜與君酌霜信銀鱗鯁正肥  
寄言候君君早至惟許盡君酒錢醉

城東道上逢汪公子子登

逢君大笑執君手市門混迹風塵走飛霜兩鬢  
照蒼顏不覺相看俱老醜君之老醜何足嗤公  
子歷盡繁華時九過陳言靖胡虜千人召幕擒

倭夷余之老醜非所擬明經無翼凌雲起徒負  
英雄報國心短褐生平終已矣世事且棄如浮  
雲索君酒錢三百文淮南紫鰲販初至拚與持  
螯肯惜醺

燕市逢孫山甫

余游塞北返燕市正冰霜姓名少年識因留結  
客場逢君江東來下馬牽衣裳大咲上酒樓挑  
錢胡姬傍稚子書封數行寄袖之且置故鄉事  
三千里外相逢難好拚呼盧一沈醉寒雲低鎖  
白日昏放歌何惜買千尊囊空自有同心贈無  
用彈鋏干王門

送友人吳伯榮應試金陵

紫驕明日鞭長途錢君囊愧青錢無謀婦家藏  
尚濁酒大咲來邀不用沽貧交之意亦不薄解  
衣縱酒呼六博壯歲期君戰勝歸昔負豪雄豈  
消索眼前富貴君盡知豈是一一懷才奇爾曹  
各爭誇好手偶然好惡何常有命達翻令嫫母  
妍數奇反使西施醜人生富貴信非難扶搖忽

見刷雲翰憤時自悔甘投筆早被煙波引釣竿

酒壚歌贈方嗣服

杜家工部非貧賤已怪交道今尤變少年輕薄  
各趨場當面輸心亦未見王郎老醜氣尚豪豈  
肯折節隨兒曹撫松攀桂獨嘯傲灌園抱甕寧  
辭勞扣關正臥報君至登堂長揖通名字一咲  
輸心即是真細問經歷平生事袖中數百藏青  
錢西鄰近拉酒壚邊盈觴新釀浮深綠堆盤鮮  
鱗膾如玉賭勝呼盧不計巡琵琶恨少妖姬曲

卷二

六

酒罷辭余即別離吳門有約正斯時舊交久矣  
成寥落腸斷因君感所思

黃白二石枕歌寄羅伯符

王潭之上多產石偶逢黃白二石何其奇黃如  
黃金白如白玉抱歸正與繩牀宜枕黃爲黃山  
枕白爲白嶽夢中即入二山游白嶽招五老而  
爲盟佩玄帝太上之靈符黃山命九龍以爲駕  
究軒皇長生之丹學傳聞遊仙之枕十洲三島  
其然乎開元遺事或爲誣余家二石之枕亦若

此六合之外存而不論迺達儒君誇瓦枕余何  
有久諾未寄王潭叟瓦枕何不代瓦缶乘興尚  
堪供勸酒瓦枕芳瓦枕芳敢與二石偶王潭秋  
半一相期月照繩牀枕試歌夢入二山君自見  
醒來道向世人知

雪山冰井歌

羅伯符自楚中歸視余以吳使君川樓  
雪山冰井記一時作者奇使君多有寄  
使君之言伯符強余和之昔劉义分詠

卷二

七

雪車冰柱余今合詠雪山冰井义以俠  
行殺人之手氣格豪宕余雖有和豈能  
與义爭豪宕耶

白石白甕伊誰貽使君得此驚寶之白石呼雪  
山白甕呼冰井二物分位座之左右邊左飛楊  
柳之花右凍玻璃之泉何期滕六爲礪礪疑是  
上林壯祀司寒而藏焉又如西胡之山有白玉  
白水之山水貯成白淵虛室之内本生白白轉  
爛然郢人席雕蟲小技擲筆不暇工日事摩挲

適所適使君邇來別朝市繁華之心滅還起雪  
山始賴消煩蒸氷井方依洗塵滓二物兮二物  
兮非足神勿累陰陽假合身使君託此機心滅  
自握從來太上真雖知其白當守黑守黑乃爲  
天下式知而失守道非知聃氏乃信聖之極劉  
义雪車氷柱詩盧仝孟郊俱讓奇老我愧非豪  
俠手豈有獨拜樊宗師

社日渡溪西逢族姪時習留醉酒家

昨朝中秋與君遇買酒留歡只暫住今朝秋社

卷二

七

遇還留呼盧不醉勸不休知君囊錢亦蕭索信  
手何事好揮權君言兩遇皆良辰百年漸已背  
青春古賢行樂尚東燭浮生徒然自局促斯言  
始聞君老狂本同調俗世紛紛富貴兒貫朽深  
藏足大咲螺贏螟蛉爭自誇轉眼繁華堪一吊  
重陽先約與君游著書潭上有高樓甕頭鄰舍  
賒難得不畏寒來典敝裘

醉夢松上寤

醉來繩牀夢雙雀竝栖封硯壇邊松向予欲舞

作人語結巢誓許終相從夢驚八窗開草閣惟  
見松兮不見雀月明無雲天似水長嘯敝裘松  
獨倚夜分露下寒瀟瀟綠酒還呼醉一瓢定知  
有雀非徒夢早晚巢松豈待招

醉後戲画松竹歌

先生獨坐襟懷清數竿画出瀟湘竹如對幽士  
忘食肉先生感事意氣怒雙株画出徂徠松如  
見仙人鞭毒龍画師紛紛守常度度外誰能神  
品悟予画松竹偶一然自笑託戲無譜傳墨池

卷二

七

過客無勞乞非取虛名賣画錢

贈程生師杜

程生負俠氣如虎每見不平性多怒向予揮手  
醉中言市井小兒不堪數長路相逢休咲貧藏  
名七尺混風塵忍教折節輕彈鋏到處王門是  
主人

觀謝時臣陳子野松竹圖有懷

山村十日雨如注池中水漲門前路甕粟欲絕  
竈無薪啼飢稚子良愁人無術驅愁檢篋筭画

藏名家賴適意雙卷驚披松竹圖滿室煙雲  
蒼翠此圖之藏年亦久乃出陳謝二君手韋  
文同疑再生秣陵吳會公然右性僻厭與俗  
世宜爭來訪者多見辭每逢王郎便狂談不  
惜斗墨揮淋漓二君相繼已物化招魂難起  
泉臺下片墨稀于尺璧求驅愁懷舊轉深愁  
讓它富貴終消滅松竹遺圖尚未休

隋隄行

沈太史君典北土余鄉汪司馬伯玉爲

卷二

七

文送之分題命諸能作者各體賦詩余

題分得隋隄行

木蘭亭唱柳枝詞覽圖因動廣陵思孟津西引  
通淮水大船上疏天顏喜龍舟御楫儼丹宸吳  
越閨娥五百人花嬌羊逐雲帆挂電掣虹拖綵  
纜新還壁授印何其異曲房更作迷樓戲隋隄  
今屬

聖明朝繁華休論當年事從古興衰數不移斯  
隄贏得尚名隋月宵後主徒勞至爲誚東游秦

賦詩送君過隋隄千花開已遍廣陵芍藥君應  
戀滿城紅紫殿春光定留太史多懽譙黃金帶  
圍開絕奇相國徵祥開不時一朶君逢當過客  
韓家郡守獨能知

金陵逢黃汝會

余昔塞游歸暫繫秣陵騎相知喜有君廼自維  
揚至今日重逢若有期牽衣一談十年事浮生  
百年迅東流局促徒懷身後憂三公五侯速更  
變惟有奇節樹名不朽爲良謀此外無如耽醉  
酒丈夫頗華漸老醜君家黃金纏腰多緒客漫  
然任揮手黃金只今餘幾何好與王郎賈醉歌  
孫楚酒樓世人誰解覓其處敝裘先典莫愁湖  
上邀君去

許心陽席上

少年君廼文章伯長干相逢在七夕風雨衝泥  
一赴招轉眼新交又成昔紛然海內稀真知對  
面爲懽湏及時勿學牛女銀河後鵲橋勞望經  
年期牛女經年期易得人生聚散那能識君去

凌霄閣闔游予歸終鍛藩籬翼余請放歌君請  
擊節醉忽不平雙耳熱菴葉渡頭美酒沽約君  
明日問當壚囊空佩劍爲君典市上還招任俠  
徒

贈胡汝吉歐維禮

東家高堂留狂客飲始微酣情始適西家牽衣  
過別墅催觴一酌苦辭去二君少年風調奇相  
見識面即相知如斯之飲胡不遲留縱大樂有  
人久望城南郭朱雀航頭三里遙鳳皇臺邊日

卷二

七五

將落莫愁湖上明朝遊孫楚遺蹤訪酒樓寂寞  
猶鄰紅粉近恨消吊古借筵簾

孫楚酒樓歌

余自弱冠游金陵即知訪孫楚酒樓每  
一游一訪今已四十年矣金陵人莫有  
知其處者酒樓千餘年李白一訪之後  
無復一人知訪二君者余每一訪一爲  
英雄有慨焉萬曆壬午余游金陵得交  
珥治卿始聞酒樓在莫愁湖上乃與治

卿携酒湖上長呼二君吊之恍若下雲  
中而接顏色日暮醉歸長干寺秉燭不  
寐乃草孫楚酒樓歌使後來者知訪二  
君而酒樓不至終于泯滅寥寂也

常誇李太白身披紫綺裘蟾光玉鉤挂尋遊城  
西孫楚之酒樓平生金陵往來久徧問陳跡那  
能求王郎衰老髮今白張子新交成莫逆草玄  
家在城西隅自負獨能識酒樓之陳跡牽衣出  
城行翩翩謂傍莫愁湖東邊一片萬頃琉璃碧

卷二

七六

風景清幽亦足憐孫楚酒樓乃一時而非太白  
執繫孫楚思况後復爲二子之陳跡忍使草莽  
荒離離王郎空囊長途走愧無百萬青錢任揮  
手即爲凌波造酒樓綠陰近覆垂楊柳塵世錢  
富能通神臺榭粧成別樣新繁華轉眼消灰燼  
誰肯英雄爲古人張子張子予同調予曹勿使  
二子泉下咲英雄寥落已千年好醅瓊觴哭一  
吊三五年少不可無若少詩朋即酒徒放舟載  
酒縱譁浪大醉爭將二子呼英雄之骨自任毀

耿耿精靈定不死四方無用筮巫咸不信大招  
招不起斯湖名託莫愁傳英雄何事讓嬋娟王  
郎一吊誰能續依然終古迷蒼煙

南游篇贈鄭子陽

君軀非七尺意氣何其豪學仕鄙章句耽吟究  
風騷弱冠經遠游腰間藏佩刀弘德名家稱九  
子築壇獨霸關西李山河氣運盛中原爨糧北  
訪三千里况復憐才有孝王四方通刺滿高堂  
于君禮數偏爲異授簡時時醉玉觴少室太室

卷二

七

標雙峯東岱遺封尚五松從此淹留三十載孝  
王座上懽君逢相看久客顏髮變向余似覺遠  
游倦初秋餞別臨黃河期即歸來大鄆縣殘臘  
果訪王潭邊遠遊之興猶翩然一丘一壑愧栖  
息吳越未了平生緣吳越余常游視若門前道  
神仙悉遺蹤雲霞盡幽奧福地無用披圖經指  
掌問余向君告東下嚴陵瀨西湖瀉錢塘金庭  
玉笥接禹穴華頂天台引石梁要攬濱海奇君  
須問雁蕩小蓮大蓮花四十九盤上深洞嵌靈

崑橫空排板郭展旗抱錦溪鬼工雕千狀最誇  
萬丈龍湫縣雷飛雪下擊地欲穿匡廬瀑布  
只瑣瑣誰許銀河落九天予敢犯險俯玩一洗  
耳從古遊蹤余乃始龍湫眩目能不驚如此貪  
游心可死君乎君乎願早歸予隱南原老蕨薇  
茶林十畝君分種勿再風塵染素衣

道上逢李季宣

君昔訪余禪栖處長千里上空歸去余今訪君  
吳宮傍出門下馬牽衣裳都城君多海內友休  
遲長鞭策馬走相逢一笑君且辭丈夫傾心在  
片時二三屠沽余久託與君明日堅爲約屠沽  
雖賤非常流市中留客有高樓酒錢無費王郎  
解縱醉維揚問舊游

金陵逢趙學甫

君昨挂帆渡揚子誰期邂逅長千里大咲傍視  
無人鄉意態翩翩驚滿市塞上余歸忽十年相  
看鬢各秋霜然丈夫老醜終短褐低眉俛首庸  
流前與君草策數每奇與君談兵亦非時當路

于今惜薦達抱才妄負何由知紛紛南北憤多  
事揮割難以鉛刀試莫和干將倘有神始誇三  
尺青虹利斯言斯言胡爲乎長樂橋頭問酒壚  
浮生自分機當息常恐囊錢買醉無

雙七首

斗門橋下西城口道上老人雙七首寶匣零落  
纏繭綵片片霜花滿塵垢未暇一問從來處惟  
乞三百青錢去袖歸大咲價太賤拂拭漸覺光  
生電神物神物多可嗟不異干將與莫邪埋滅

卷二

七元

乾坤今已久雌雄誰意遇張華

南嶽歌爲姪孫公亮賦

余家有爾憐風度早歲明經厭章句懷珍未必  
高價逢老大恐爲儒所誤託賈江湖縱來往古  
人幽蹤無不訪出門千里先括蒼謝昂青田東  
海傍蓮花百盤攀雁蕩轟雷挂練龍湫上記載  
洞天與福地爾知衡山亦靈異朱陵紫蓋踞離  
宮太虛金簡傳瑤宇由此浮雲日南望飛身如  
在衡山上何須婚嫁畢向平七尺之軀年正壯

勸爾命駕今休遲俗世勞勞胡足爲平生五嶽  
嗤余誤徒夢煙霞髻已絲

銅章歌

予家知希齋近依讓松堂金陵昔過白門口迺  
見古人知希之銅章金陵今過城西市又見古  
人銅章爲余之名氏齋名知希若與古人爭名  
氏之同良可驚此事從來未曾有今日予能悟  
往生美哉金龜碧瓦紐秦漢流落千年久往生  
二物原屬予故留竝入狂夫手五采雜組藏豹

卷二

八十

囊時時縣在敝裘傍誰知上天有意錫印誇封  
侯敢相敵五嶽遊興尚豪盛崑洞魑魅賴二神  
物俱潛遁即當褰糧輕萬里何須王母親授武  
帝真形圖

貧交行贈吳正之

舉世重富交少年各爭媚黃金負驕矜未至中  
道棄弱冠書劍予遠遊世路伴狂無所求輕裘  
肥馬何勞共生平偏與貧交投貧交紛紛滿囊  
土交只以貧豈足數意氣不過雄豪流肝膽可



教容易吐吳君蚪髯紫翩翩意氣許諾石爲堅  
况乃婚姻接里巷一日失面三秋然日日相期  
咲把手甕頭買斷南村酒拚醉青錢之不愁能  
賒况有當壚婦燕趙余游迹已陳君偏常問潞  
河津從來交道今多變徒憶悲歌感慨人

聞雞篇贈孫元質

誇哉鷄雞三尺高冠赤燕支青錦毛抗肩濶步  
氣英武側視眈眈詭如虎予昔寄生大江北任  
俠聲名人盡識結伴每過倡家樓雕籠抱雞醉

八卷上

全

瑩篋羸將皓腕黃金釧借將腰下裝刀頭梁園  
聞雞盛莫比中原匹馬遊觀始肝膽未遇屠沽  
流招邀作客諸王子由此鄆山歸故鄉爲儒久  
斷聞雞場明經干祿竟難偶往事追憶令心傷  
紅顏已衰髯已白爾雞相逢晚何益飲啄肯匹  
凡雞羣書愈偃蹇垂長翮孫郎亦有予曹風勸  
從年少託爭雄休學百年栖樹表前身豈是祝  
雞翁

買刀行賦謝孫君瑞

市人不辨刀高價漫然索自咲空錦囊徒爲拂  
霜鐔予家寶刀藏已久品題肯讓龍泉後斯刀  
憐亦異鉛刀風塵恐落庸凡手孫郎避后城東  
見知余烈士心一片誰期肯借買刀錢未滿千  
文價翻賤更向壚頭呼濁醪醉舞三尺佩青袍  
幸來磬室縣東壁暫作雌雄伴寶刀

癸未除夕偶讀韓愈寄盧仝詩有懷古人

醉賦三百言

偶讀韓愈詩有懷王川子日月常黏髭髯邊雲

八卷上

全

山盡鎖肺腸裏能詩別是唐之詩罵俗倡狂變  
風格而洗華綺抱性何其過節烈咲殺舉世競  
炎熱嵩岱嶮峻冰雪顏寒威逼人削骨徹水南  
水北稱二彥翩然折腰署吏微祿戀少室藏名  
辭諫官肯讓高價羞貧賤破屋老幼只上農絕  
糧或乞鄰僧供縣令費文吝金富徒爾命駕勞  
相從勸謁留守與大尹聞之掩耳那能容有懷  
王川子予恨生非時誰堪結交者乃使獨許馬  
異同襟期今夕乃除夕歲計一物無惟餘甕頭

之酒浮玉而甘醑酥盈觴持壽玉川子長呼大  
醉聲鳴鳴還知英靈在天地長呼懽然當即至  
後身千年予馬異王川子聞不聞亦學結交馬  
異之詩而懷君君之嗜茶茶深痼疾予之嗜茶  
茶入膏盲古來嗜茶惟予與君相頡頏荷鉏予  
隱南原傍種茶十畝綠萬行南原改號仙茶鄉  
建祠陸羽君當配重校茶經載道場

東津橋歌

余歛與宛陵爲鄰郡周侯德政聞之習

八卷二

全三

矣許元實人日來訪予王家潭上得讀

頌周侯者數百言又知造橋東津余喜

其爲吳越之通利也遂賦東津橋歌

予鄉有黃山軒轅丹竈築蜿蜒復大鄣靈秀鍾  
天目天目道家太微玄蓋之洞天雙峯雙池雙  
自然合流西下三萬九千尺百里環抱宛陵開  
大川大川何代名東津吳越接壤多行人朝夕  
難以一舟渡渡湏各泛五石瓠天目之源况產  
蛟龍藏不時風雷颿擊濁浪何汪洋安得烏鵲

架銀漢無計鞭石隨秦皇邑侯單車八閩至于  
將豈止牛刀試琴堂臥治民以安東津還謀往  
來利民由感恩故易使一朝號召爭歸市橋成  
百丈夾雕闌玻璃照影長虹起侯兮早挿青雲  
翼司諫左右 丹宸側入宮信古妬蛾眉鸞鳳  
翻卑栖枳棘枳棘暫栖知非久

聖朝寧忘補袞手海內屬望正斯時元氣氤氲  
斟北斗橋近甘棠幾樹垂綠陰蔽芾護生祠豐  
碑太史雖能紀自有民謠繫永思

八卷二

全四

題陸時達隱園老松圖

隱園伴君三月住封硯壇邊老松樹相對憐若  
故交真嘯歌日撫蒼龍鱗昨酣斗酒忽大快画  
出更比老松怪匹練數尺堂之西片片似覺煙  
雲迷窅來不辨雙松樹知向何枝巢可栖

璫上留別吳維叙

余家海陽南君家海陽北託交多在海陽逢草  
草那能盡胸臆今逢得留信宿住辭歸出門不  
復顧揖罷君乃牽衣裳爲問栖隱南原路千峯

九曲煙霞新鐘磬雙容古寺鄰松間葺茅俯釣  
石候門養宦解迎賓雁山乞茶種十畝君來甕  
頭無濁酒手烹石鼎勝金莖飲茶君似盧仝否  
爲邵格之賦墨隱歌

傳家君是東陵孫種瓜懶學鉏青門麋鹿不同  
丘壑裏大隱從來混塵市君隱乃以墨爲託定  
價如賣韓康藥何嫌女子亦知名世界浮生真  
漫謔海陽縣東老居肆難忘賦詩苦幽思下簾  
雖過士人多偏懽尋約屠沽醉故交白首久離

羣書繫袈裟一寄君瑤函休惜王潭贈欲草神  
仙太上文

吳文甫雨中携酒錢偕陸長卿來訪王潭  
予家有王猷雪夜蒺幽想安道在剡溪獨自放  
舟訪經宿衝寒門已造興盡胡不見安道予曾  
暫繫剡溪舟大招戲賦咲王猷風雨放舟興亦  
異結伴訪予勝往事袖中三百青銅錢久別圖  
將買同醉西鄰邀醉即回舟酒錢解贈老狂留  
肯向壚頭容易散待君九日慢松樓

倪廣文席上

王郎懷無漫滅刺公卿之門不易至君忽折簡  
潭上招驚疑何由識名字草賦予慚今老醜長  
揖大咲一把手青衫見面狎忘形海內神交云  
已久欲辭別去君苦留甕頭秋釀黃金浮放談  
平生多未盡曠日先披肝膽投君之風調眼前  
異當路雷同宜失志絳帳傳經羨廣文高軒肯  
讓催租吏予家山城小如此從古遺蹤良足美  
城南有宣平之居太白望仙之石梁城中有鄭  
姑之洞師道洗丹之泉水世情爭向繁華地遺  
蹤誰求古人事洞天福地敢云收嗟哉郡志猶  
然棄講堂獨臥終日閒君好尋遊數往還雙屐  
白頭予尚健相期一訪一追攀

尺木樓爲宗姪永和賦

出門弱冠同安游素髻江淮五十秋混迹市塵  
厭塵俗無用干霄葦草樓樓名尺木迺何意卑  
言斥鴳蓬蒿寄誰知方丈溟海然雙挾萬里垂  
天翅東壁一榻惟自適有懷古人覽圖籍閉關

車馬謝凡流結交多是賢豪客候客常餘沽酒  
錢酒德俱詫馮長川青山浮山入虛牖醉歌近  
望飛雲煙汝家白嶽天都豈能忘所慕仙真驂  
龍駕霍常時駐故國南歸遺此樓郡志樓名載  
流寓

過吳伯榮家東園

君家東園餘十畝清波近俯洋湖口浮洲一片  
秀麓蕪環墻萬樹垂楊柳終日雙扉閉不開經  
年三逕任蒿萊游心上與羲皇接謝客多令俗

卷二

全七

駕迴園名偶與古人似幽真美哉信難比金谷  
繁華何足論後將呼作宣明里羨君雲表一冥  
鴻狂嘯蚤脫風塵中尚咲宣明因漢出圯上孺  
子爲謀工

登程天錫借月樓

我生僻愛月對月即披襟一輪吐寒光照我古  
人心君亦愛月者臨溪築高樓尚嘆造化有圓  
闕安得借月夜夜常清秋我聞瀛洲上青瑤戀  
爲蟾水晶縣爲月不論弦望如人間夜照海潮

圓不闕邀君乘槎去勿遲瀛洲一觀此月奇幸  
還逢得戴珠鳥試學仙人衣上垂

十松歌寄程子方

君家有別業乃在黃潭上壓岬何代松一一多  
奇狀綠苔蒼蘚繡赤鱗高翔爭與雲霄抗晴天  
影散落潛龍驚十松影翻玻璃十松疑十龍抱  
珠驅子避去難自容君性好吟僻無比每吟芳  
思赤鱗倚一日迴迴倚十松吟成風擊松濤起  
君不見五松受封何榮秦之時又不見隱岩七

卷三


全八

松歸來亦已遲羨君早託十松友圖籍依栖今  
白首咲未招邀同調人勿惜常醉林中酒予報  
明朝西上舡松花千斛正堪憐予曾殮授松花  
訣不讓還丹可求年

寄孫汝庭嘗上蕪懷朱明府射陂

予昔過嘗上神交逢邑侯不惜俸餘錢買酒金  
婆樓蘭舟日載酒招邀徧尋遊詞賦才名各稱  
霸倡酬不落建安下吊古傳聞只數篇一時西  
吳兩高價此事于今三十霜浮生聚散蓬飛揚

雙魚尺素因君寄千里追思苦未忘葛洪鍊丹  
沙海內多其處雪上葛洪山猶見圖經著更有  
玄真張志和舜縈西塞美煙波仙蹤隱跡君知  
否東望狂歌可奈何



許嶽山人詩集卷三

大鄴郡王寅著

少海程開泰九川項仲連校刻

五言律詩

醉賦寄金修之

烈士多輒軻悲歌徒損神好招竹林友共入醉  
鄉春阮籍能遺俗稽康更任真休教百年內一  
日正綸巾

送鄭信之遊大梁

卷三

一

南客辭鄉邑遙隨北雁歸春風寒似臘吹雪濕  
征衣書劍過淮水關山望宋畿銅鈹舊游路花  
柳正芳菲

詠鸚鵡

歲月藏金屋雲霄絆綵絛隨人吳地遠歸夢隴  
山高乃誤能言語還嫌異羽毛何如黃雀侶飲  
啄自蓬蒿

劉晉初戶部邀飲觀音閣

飛壁俯洪川金銀一閣縣喜登大士岸因濟省

郎船瓜埠寒潮上鍾山落照邊冶城忘有約秋夜此論禪

逢宗兄元勳溪上談禪

出門漫獨往逢君岐路間穿林到綠水隔岸對青山影覺片雲幻飛憐雙鳥閒杳冥談漸入日暮不知還

寄兄福大宣城

年少囊琴去竟忘頭白歸狂歌謝眺郡飢采敬亭薇飛鳥亦知倦孤雲何所依已荒松菊徑尚

有釣魚磯

卷三

二

留別沈鍊師子高白雲窩

空齋惟白雲滿壁澹氤氲一掬何能寄半牀今可分定時無蝶化覺後有香焚好借泥丹竈出門因問君

偕真上人尋句曲葛仙鍊丹處暮還崇明寺

關月曉仍在車行涼氣侵三茆縹緲望萬疊雲霞深老衲載同往仙源迷可尋城中苦喧雜不

是返東林

姑孰訪關西張尚德

白首意悽悽神物永蟠泥方言變江左往事說關西貧病言還著酣歌劍每提藏名壓市裏十畝有花谿

送方生子瞻遠游

方生弱冠時草賦已如斯負氣諸人忌防身一劍隨停車向我別懷刺欲何之萬里知寥落風塵徒自悲

贈諸葛魯儒

卷三

三

難問游踪覓長謠忽自來煙霞隨杖屨土木作形骸幻世仍羈迹玄修待結胎袖中南嶽錄親見至人裁

奉荅郡守東臺余公

貧病臥江村愁懷不可論殘年勞命吏尺牘慰衡門數枉郡侯貴常慚國士恩毛生徒有舌無處報平原

過廬恭甫上基庄

落日黃沙澗涼煙綠樹村老農驚過客稚子笑  
迎門淡月生雙桂新醪照一尊虛堂塵榻在廬  
植舊文園

贈朱伯仁叔仁兄弟

環堵閉城東瀟然一畝宮未沽雙白壁高舉兩  
冥鴻直道多時忌窮愁有賦工誰知塵世裏得  
見古人風

句容逢金子坤

一別隔千里重逢今十年壯心俱未已衰髻各

卷三

四

悽然久隘山中俗懷耕江上田携家何日慰結  
社託君賢

皇甫華陽邀余泛舟石湖

寒日画船少湖中憐更幽浮沈但鷗戲遠近逐  
人遊託飲不在醉放歌相與讐還攀峰上寺晚  
翠坐遲留

姑孰逢吳立夫

學宦苦不達風塵變素衣休言北闕賦欲采南  
山薇

聖主誰能負明時事漸非惟君同調者懷璧已  
先歸

白下贈金子坤

未達

明時用蓬廬老伏生傳經去山縣卷策歸都城  
稚子恒苦餓狂歌惟適情與君塵世裏無計可  
躬耕

燕子磯謁關將軍廟

炎劉終霸氣上將負雄圖閱代祠堂古凌空樹

卷三

五

石孤潮聲猶向蜀山勢欲吞吳秋暮登臨醉悲  
歌擊玉壺

贈王世華

君尚有貂裘况復佩吳鉤胡不去萬里徒然守  
一丘早年畢婚嫁聲價託公侯勿學儒生賤窻  
間空白頭

歲暮過姑蘇懷皇甫僉使子循金陵長干  
寺

聞爾金陵去長干塔廟居千函翻聖偈一法悟

真如不覺身爲客還忘歲欲除經過玄晏宅空  
返獨愁予

雲間訪董子仁廣化寺

獻策不得意還家秋暮時乃依法王苑再下董  
生帷入座諸天寂當窻雙樹披僧厨只蔬飯吾  
性最相宜

留別雲間守沂東劉公之姑孰二首

舊識宋侯賢題書爲我傳一言推國士百畝乞  
公田何意遷姑孰無錢買輞川謝山鄰足賞遺

卷三

六

述况青蓮

千祿非無術乘時亦已遲奈言麋鹿性素與山  
林期放達甘吾賤雲霄負所知從今棄李樹蕭  
艾惜何爲

贈吳之仲

煙霞縹緲色衣上看還留杖屐何時返山川幾  
處遊醉鄉忘歲月俗世混沈浮安得糟丘董因  
君造酒樓

過何禮部叔毗官舍談禪

退食逢迎簡閉門林木繁叢憐省郎宅恍若幽  
人園乃託杯中物相爲世外言今知超幻劫昔  
有未迷源

送人從軍閩海

痛飲散青鳧休愁別酒壚非經萬里遠不是一  
身孤世路偶逢險丈夫因壯圖海隅新有警正  
好射雕弧

過崇化寺觀梅花水

不見古梅林泉水馮山陰瑤華空世相寶鏡自

卷三

七

禪心過雲無復影激石乃成音老衲咲相對忘  
言茲意深

金陵送隱上人印大藏經歸關中因懷喬  
叅政景叔二首

心鏡元能徹言機豈未忘師因開覺路人得證  
迷方東渡三年久西歸萬里長華山仙掌側早  
晚拂藤牀

瑞氣瑤函蕝慈航貝葉新江山辭六代關塞望  
三秦送爾當窮路懷人在要津十年秣陵別猶



自愧風塵

贈當塗簿李君

與君交結日即是棄官年  
歸詠南山豆躬耕東海田  
尊中餘綠酒閨裏有鳴絃  
五斗非貧仕何須取世憐

善權寺別僧

春逢洞口雨獨坐林中扉  
雲霽客欲去日晡僧始歸  
飢留野蔬飯寒借石牀衣  
爲論真空法渾忘出翠微

贈本楚

與君故鄉友相視久茫然  
執手片言合交情定百年  
懷藏仗義劍囊却報恩  
錢尊酒非今日誰知魯仲連

括蒼留別二守皇甫子循遊雁宕天台

相逢忍爲別言念有名山  
結伴難同往窮幽只獨攀  
人期暮春後身在亂雲間  
或恐迷仙境栖遲早晚還

三崑寺

山以三崑勝泉無一道縣  
龍宮晴散雨香界濕生煙  
鳥宿何年佛僧歸別衆禪  
觀來無不盡感徃自凄然

余遊雁宕天台謝括蒼郡博鄉人李維德送酒錢

貧誰咲廣文囊有俸錢分  
去買名山酒停杯遙憶君  
仙真座外訪笙簧醉中聞  
何物歸時報惟堪持白雲

伏虎菴書留喜上人

神僧化已久荒翳爾能求  
結草惟容榻栖常是秋泉  
聲階下落海氣窻中浮  
說法時聽虎穿林任去留

宿龍湫菴贈湛上人

冥居六十載無路識塵埃  
玉柱樓傍結龍湫戶對開  
袈裟飛霽雪鐘磬入晴雷  
接海天台近乘蘆一往來

雁宕靈峯菴贈病癱僧

自臥殘年病因持上智觀  
一真元不礙四大任

偏安寒有牀頭衲飢餘鉢裏餐松窻羣岫色寤寐對嶺岏

武林八月十二日留別禹東游閣

客裏秋將半天邊月未圓一輪非不待忍使照離筵閩海人初去吳江信少傳與君鄉國返俱是逼殘年

蘇君揖席上聽單歌兒彈箏

趙曲予憐慣吳姬爾擅場錦箏雙調起金雁一行翔羞頗生紅潤愁眉鎖翠長歌終魯未誤何

八卷三

十

用顧周郎

青田留別陳洛夫

家鄰青田上門對混元峯仙已無騎雀人今有伏龍

明時誰問隱晚歲只甘農白髮看猶健何時許再逢

武夷懷傅丁戊住南華

一自別金昌冥鴻任所翔如何五嶺外未返九溪傍松桂忘親種仙真負故鄉因思超浩劫聞

又上慈航

大王峯謁徐張二仙蛻骨處

自有黃金質何須白玉棺元神逸物外大劫任崑瑞氣望飛虹久梯攀濕翠難輾轡僧爲挽幸使世人觀

曹德祥游淮索予佩刀

精錢十年購寒泉一尺流無能隨遠道解贈伴孤游都市奸雄忌空山魑魅愁旅懷休寂寞醉裏看刀頭

八卷三

十一

雨夕訪汧上范氏

似問武陵津村居避俗塵犬吠煙火夕雨催桑柘春久懷上皇世今見素心人斗酒情何洽吾廬願託鄰

送程尚時之池陽

池陽四百里半道九華峯齒落凌空簇春風翠轉濃雲中藏古寺馬上聞疎鐘送爾今朝別因之懷舊踪

道逢李遷之

相見即嚼觴何時返故鄉買田稽山隱自擬  
菴源庄宅鄰王子敬湖近賀知章千古名賢地高  
風君莫忘

程若虛過訪

予狂久憤俗俗亦憤予狂漸覺交游寡門前逕  
草長寧如狎麋鹿空自懷求羊君胡偶來過信  
宿醉壺觴

謝汪中書子登募兵救吳書邀予佐賦詩辭

卷三

十一

報書今日至真美魯連風已老明經賤還慚說  
劍雄放歌甘隴上高臥異隆中看爾吳門去惟  
消一箭功

荅方定之戶部

久聞旋省駕一使過柴扉尚喜交情在休言音  
問稀飛沈各有侶形迹自相違白首能君信寧  
令古道非

法會上人古佛菴

怪石孤菴枕雕廊八面旋經行儼塔廟入定是

壺天虛白通心境空音覺供筵卓泉逢古佛相  
對一燈傳

過汪古矜湖上草堂

三逕苦未就盈園茂嘉蔬環垣只松竹半榻有  
圖書昔是幽禽岸今爲處士廬知君貧不畏生  
計可爲渙

寄主客朱子介蕪懷廉使廖東雱

結愛夫君日因緣有廖公題書寄白下挂劍憶  
湘中世以儒生賤誰知國士風存亡俱感激猶

卷三

十一

自咲途窮

寄鳳原張都諫山陽

相思每苦吟一札寄淮陰放逐孤臣在恩慈  
聖主深永言焚諫草因遂著書心江海飛鴻遠  
冥冥那可尋

劉惟明來訪王潭

俗駕年來謝閒門理道書夙期鏡湖客初訪輞  
川居禁酒無家釀貧餐只野蔬何妨淹久住早  
稼熟山翁

過張濟之園居

短髮年逾變長途僻尚存交游惟舊識經過只  
閒門藉草從人坐看雲盡日言園花寒較晚春  
酒負芳尊

落第後過張子德山居

客豈高軒過尊因舊好留懽言慰久別且莫問  
東游五上慙三策孤踪羨一丘從今千世倦與  
爾數相求

華亭倭亂喜得董子仁書

八卷三

十四

此日嗟何日還題故舊書烽煙三泖上憂患十  
行餘骨肉能相保流移未定居開封難見女灑  
淚一長嘯

金陵留別楊伯海之淮南

交道日云薄重逢情轉親六年京國別五宿草  
堂人前路還多約長江又問津淮南叢桂近因  
得寄書頻

亂後訪宋子明明府六合

寇入淮南路無城念爾危交游慰此日保障說

前時東海猶嚴戍長江敢罷師歸與且休賦靖  
禍仗才奇

六合留別宋子明

北赴渡江期不謂此栖遲日煩官長謁居借女  
郎祠小邑多靈迹新游絕故知殘年風雨惡南  
望逼鄉思

贈魏千戶

羽書南北警晝夜若星流國難誰能靖君才世  
所求廐中養代馬腰下佩吳鉤豈是千夫長期

八卷三

五

封萬戶侯

金陵月夜訪毛太史起

官署潮溝上常扃養性靈幾時餐沆瀣早已斷  
糲腥寒月照丹火清宵論道經焚香却童子堵  
下雀曾聽

虎洞菴贈僧

澗道九迴入雲梯百尺援青蘿葺小宇白石疊  
環垣乞藥容人至持經絕鳥喧平生杖錫處跣  
坐向予言

祝戶部訪予吳山道院邀過寶石山居留  
飲

遠愛湖山好來爲游寓人入吳驥子晚拙宦省  
郎貧久僦隨荒宅常局斷雜賓仙房予甚適暫  
得託芳鄰

送劉安元茗溪秋穫

予尋武林約君去茗溪庄晚稼今當穫秋暄尚  
未霜茅簷垂橘柚桑徑散牛羊塲圃懷清夜農  
人對舉觴

卷三

十六

席上謝徐太守子與解贈佩劍

君自延津返雙龍閉匣中百年贈交結萬里剖  
雌雄陰風腥滿座斗氣晝橫空莫謂侯嬴老從  
來劍術工

過靈妙菴訪明源上人訊其師王芝上人

爲訊芝公事楊灣一逕穿莊嚴負城郭幽僻斷  
人煙宗旨知臨濟詩篇見皎然新交即有約還  
結弁山緣

贈歸安少尹徐升之

入境傳廉吏問言驚故人異才憎要路薄祿爲  
家貧迂僻休妨俗浮沈且辱身勝予同學賤短  
褐尚縣鵠

弁湖池禪菴同元慧明源二上人看月

太湖東畔月高照弁峯寒來與雙僧共誰從下  
界看常時片影易此夕妙光難清微何能寐經  
行說法壇

訪王芝上人天池山值生辰

仲冬將月晦訪值降祥辰已徹無生理隨留未

卷三

十七

了身佛天晴斷雪僧臘近迎春供祝袈裟繞還  
客一俗人

龍井試茶同程巨源

昔嘗顧渚茗鑿得金沙泉舊游懷莫置幽事復  
依然綠染龍波上香寒谷雨前况於山寺裏籍  
此可論禪

贈時行

罵酒將軍座乘軒丞相門過籌半生事偶致一  
朝寃病後歡猶健傷時畏不言丈夫當晚達要

使氣能存

白雲堂茶話同汪承周

山深多白雲入寺淡氤氲證法尋僧問無人與  
鳥聞茶煙竹下起乳水竇中分花落疑天雨隨  
風映夕曛

送吳潘二君提兵出鎮甌海

幕府最知名良家子弟兵二君漢飛將雙劍去  
專征司馬分麾重書生餞酒行倭夷斬十萬甌  
海一時清

卷三

六

冶城宮聽孫伯諧吹簫朱子价主客適至  
故里稱簫史殘年客上京冶城吹對處雪後蔭  
山晴律動仙房暖春催瑤草生省郎來共聽餘  
韻轉淒清

方山尋葛仙翁丹井便過定林寺

方山雙闕對秋草亂芳菲苦以尋丹井因之入  
翠微寺古荒過半僧貧住漸稀遺經何代賜持  
得一函歸

宿馬佛菴贈歡上人

入山逢老衲秋月湛爲顏出世云無法藏身只  
自閒供餐春蔭長伴宿暮雲還靜夜持經呪傳  
燈當戶閒

武林送莫公遠

相逢即云別臨別見情親東去窮途語知予感  
慨人有才無薦達何處不迷津從古儒生賤于  
今更愴神

過高光州池臺

愛爾池臺好經過不倦頻偶然逢命譙不省爲

卷三

九

何人即欲呼觴飲難容任性真恐教驚四座上  
馬問東鄰

送唐啓潛作伴汪元鰲游大梁

南風送北征三千梁苑程何事衝新暑難辭爲  
友生酒中同結客馬上與談兵知爾南歸候黃  
河有雁聲

寄傅丁戊

君昔辭塵世人稱丁令威欲將身化雀而免辭  
爲衣不待千年久胡然萬里歸歸知傅婦訣雲

表與雙飛

送姪正麟之吳門

前路稀知已高堂有老親正當強壯日莫負丈夫身帶海初平亂孤游好問津秋風書早寄多遇故鄉人

臨安秋夕

秋夕閉荒園虫聲草際喧半生尚羈旅萬事轉憂煩微月鑒華髮狂歌開綠尊醉餘就衾枕夢與古人言

卷三

三

武林逢張德卿

與君交結早各競抱才奇難積天風厚常令雲翼垂羈栖隨斥鷃飲啄在藩籬相見且云樂時窮安足悲

錢塘江上贈別沈叙甫落第歸四明

囊琴年少者古調是誰傳欲合今人聽東歸且改絃窮途秋社後間渡夕陽前一曲懽爲別相看轉愴然

訪葉應涵武林驛舍

長揖辭驃騎翻來伴督郵廊喧百馬隊亭咽一蟬秋空篋藏奇字寒天賴敝裘主憐貧似客近有絕糧愁

寄丁明府青田

爾令青田縣東于滄海鄰故交懷有道斗祿不逢辰雞犬猶驚亂閭閻况舊貧訟閒集多士還作授經人

送宋子明明府改教漢陽

漢陽郡城裏李白郎官湖只此一湖水勝分千

卷三

三

里符學宮狎魚鳥首蓓對菰蒲莫咲青氈冷玆行遂所圖

訪郎仁寶題壁

幽栖在曲巷而無俗世塵一園荒徑入四壁草堂貧妻孥寡與對圖籍獨相親新說終年著時乞與人

沈晉卿送余錢塘江上留宿舟中

樟亭下霜葉而多西上舟帆遲潮信挂客爲故交留短日言難盡空觴酒再謀今宵不惜醉與

爾宿沙頭

有客金陵歸談金子坤

客自金陵返因之問故人休言今已老聞比舊  
逾貧室尚無環堵門多過上賓空名竟何益誰  
一薦沈淪

送伯魯游金陵

當路有前期春深去莫遲丈夫須得意老大勿  
違時芳草驕征騎啼鶯勸酒卮醉餘慚贈劍尚  
用自相隨

卷三

武林訪唐啓潛禪館

主

誰云知己易宜此路行難隔歲故山別王門何  
處千秋偏禪寺早涼警客衣單且戀蘇堤上芙  
蓉日醉看

張太初劉茂先月夜過訪吳山雷院

高壇閉空寂影散碧梧秋客每宵爲約月臨山  
乃幽雁呼初北至潮響上西流此景眷難寐斗  
杓低絳樓

訪潘象安病後

雪後高眠寂扣關尊酒同衰顏憐復好作賦且  
休工臘去因邀病春來爲送窮鶯花信亦近有  
約山城東

送無壞上人游武林

十年不就臥一衲未離身貌似寒山秀游常野  
窪親匡廬來過臘天竺去迎春杖錫留須住莫  
言非故人

正月三日福田寺逢立春

元日至三日今日是春還寺宿山城外香焚煙

卷三

主

雨間俗無初駕過心與野僧閒一飯忘終夕予  
常戒八關

江信州民璞過訪二首

信守驚呼至雙童共小舟不將五馬駕破此一  
林幽窮達殊今日溪山似舊游忽然三十載交  
道各能求

同學年相若才羞世所賢青雲甘自失白髮在  
君先寂寞還勞問朋儕已半捐浮生總休論醉  
酒一歡然



送廣上人還金陵長干寺

上人有師臥病新都上人至及見而死  
瘞師予家東山而去

祥師臥病久弟子至傳衣一塔瞻初起千山送  
獨歸人隨林託宿錫與鳥爭飛爾去宗風振重  
期入翠微

送慧光上人之天池訪王芝上人

聞聲鏡湖水不出天池峯底以千花獻雲將萬  
竹封半空時振錫下界只聞鐘法侶求傳偈冰

霜閣一冬

六卷三

五

東山樵舍

買得樵人舍瀟瀟只一間雖然環竹堵尚未置  
柴關林葉掃常積簷雲飛復還已違經世志白  
首老青山

贈戴郡博

廣文官默冷自謂俸錢餘釀酒惟留客垂簾苦  
著書鄰家送籬菊僮子理園蔬當路紛紛者高  
風盡不如

入城逢易子仁誦劉三老梨花月落酒初  
醒之句偕訪城南山居

傳得梨花句來尋白髮翁高城抱階下曲磴陟  
林中雞犬如村僻壺觴與俗通鄭姑仙洞近誰  
識接玄風

癸亥除日項德隆携酒過訪

終年空谷裏車馬客來頻誰謂當除夕柴門有  
古人自携雞黍至乃見結交真仍恨留難住閒  
宵共候春

八卷三

五

訪劉三老賦蕪簡姪端夫壽夫二將軍

君抱冥鴻志今看病宦身無勞九還鍊已是百  
年人梧據城陰嘯雲遮市上塵將軍誰送酒徒  
爾近爲鄰

喜上人游武林便寄八社諸友

八社臨安結逍遙擬八公山川最靈異分得洞  
霄宮詩久無題至僧來有札通許壇瑤草滿寂  
寞煙霞中

謝吳子荆送游黃山酒錢至

日簇黃山興囊羞綠酒錢書來一咲慰杖有百  
壺縣鳥勸留雲樹觴浮洗藥泉世人春易晚共  
約醉雲煙

潭上園種樹

數畝村西地潭東高岸臨結廬是何日種樹且  
成林雲過雨微潤鳥啼春漸深願言自長養莫  
負荷鉏心

寄無極講師宣城景德寺

白塔留空院陵陽布講筵聽隨縑素衆主遘郡

八卷三

三六

侯賢入市無行乞經春費俸錢須令公府裏早  
見長青蓮

朱夷白吳之仲董子仁過訪長干寺

淹留無酒竿蔬飯對雙林借榻隨僧戒知君總  
素心雲房究西旨寶塔轉東陰仍有探幽興南  
岡煙霧深

許元復太僕過訪長干寺失候

風韻懷玄度初尋逸少來入林僧徑僻落葉佛  
堂開未候乘軒客誰同說法臺徘徊留尺牘往

事盡情裁

金陵送叔平還明州

東海張公子流年髣尚青家聲昔庶吏學業舊  
明經舉世皆如醉君胡乃獨醒風塵宜失意一  
咲別都亭

過龍潭驛與原伯馬上作

故鄉予念遠流寓爾思還裘劍雙驅上淮吳一  
水間秋林變丹葉晚日留青山過驛投鞭問何  
人隱抱關

八卷三

三七

登維揚觀音閣

細入平原路丹青湧一丘高登大士閣舊說摘  
星樓帝子鸞輿日空門草樹秋雲中傳梵樂疑  
是翠華遊

真州訪朱仲開明府田舍

買田東負郭環堵俱環流潮信通揚子山雲對  
潤州雞豚滿場圃樵牧返林丘綠酒酣新林惟  
君歌有秋

贈別陳郡博之判蒼梧

萬里蒼梧郡仙靈說此間官尊勾漏令景愛葛  
洪山王蕊田常秀龍池洞不關丹砂如可覓便  
使寄東還

送詹玄象北游

莫謂鍾期逝知音世絕倫孤懷休過憤穢迹且  
容身故里無三逕高堂有二親風塵彈鋏客易  
見髩霜新

源上人重來潭上以詩嘲予黃雀菴未結

賦此解之

八卷三

壬九

杖錫重來訪分栖舊有期不知王處士尚乏草  
堂資丹訣傳雖試黃金化尚遲新栽潭上樹蒼  
翠已參差

寄舊令熊公寧陵

狂生世所嗤偶結使君知在邑無私謁臨行有  
俸貽閭閻仍頌德盜賊復乘時亭倚青山下誰  
看保障碑

詹玄象游魯附一詩託尋亡友孫東蒙墓  
上焚之

紫騮東魯去來附悼亡篇持訪高人墓呼焚宿  
草煙淚難今日盡劍是幾時縣知已天何妬神  
交重惘然

武林送許琴岡西還

歲暮日陰陰相懽在武林言旋故鄉客因感倦  
游心帆影雲中遠江流雪後深天涯那忍別况  
復是知音

吳興長谷徐明府席上

自別稀音問重來一繫槎未遑驚白髮只是論

八卷三

壬九

丹砂城引青山入門流綠浦斜人知陶令宅誰  
識葛仙家

吳興訪允則不遇

暫繫蒼溪棹來尋北郭生避喧新借宅問市衆  
知名席有殘經在門無稚子迎家貧猶種菊霜  
後尚含榮

飲允則北郭草堂

舊知零落盡數戀過茅堂婦病仍留客囊空不  
計觴衡門臨曲水小堵入斜陽適有樵人至青

山問道場

馬通政松里見訪失候

癖性慙攀結塵居如在林誰期高駕枉因感下  
交心今以常懷刺兼之欲破琴明朝訪君鼓自  
恐負知音

武林題主人壁

南接吳山近城中有翠微幽居容客借俗事到  
門稀新好翻如舊他鄉即似歸况俱貧賤者爾  
我可忘機

卷三

三十

遊白嶽金提點進表初回

崔駕朝

天迢玄宮閉竅幽九還終歲鍊百藥一春收白  
髮憐人世紅顏果道流有君堪結侶何必問丹  
丘

靈峰寺逢張少嶽

寄寺家忘迢依僧友漸稀耳因聽泉洗貌亦食  
薇肥陰谷虎多迹深林鳥衆歸杳然人世外白  
晝掩雙扉

澗西菴贈月上人

啓關萬松表一見似多情愧爾菴中侶知予世  
上名齋厨引泉至經榻看雲生不築環垣密還  
容麋鹿行

送鄉人江汝化入蜀

斗酒莫辭傾看君萬里行舟中秋漸近峽口水  
初平樹冷黃陵廟霜飛白帝城草堂留寓久不  
是漫游情

三僧持齋供來訪三茅觀

卷三

三十

七寶山頭觀三僧物外盟忽持齋供至言慰旅  
人情晚日斜留座秋山淡入城翻于鍊藥處相  
與話無生

偕明源上人訪張太初臥病吳山下

衡門背市塵近喜好山鄰偶遇叅禪者同尋臥  
病人霍身猶覺健磬室不知貧投贈慚交結高  
堂有老親

寄柏泉胡冢宰

踈狂從此後早晚曳長裾愛士常懷爾辭金故

信子因嫌當要路不敢數題書詩報山中亂携  
家未定居

嘲山甫賣劍

君家有寶劍十載佩隨身難邁千金售傷哉一  
士貧既然沈斗氣胡不去延津匣內神終在寧  
甘逐世人

送元蠡華亭謁朱太史

醉後爾生嗔還呼酒百巡有家常作客何處可  
容身匣劍看猶在囊金散已貧東游黃浦上今

八卷三

三

日有春申

送江南仲奉叔父方伯之雲南

送爾滇南去秋雲萬里飛朱軒奉諸父白髮別  
慈幃公府嫌須避鄉書寄莫稀家貧甘旨失分  
得俸錢歸

贈項積成家童子萬春

垂髮風塵色長年學遠遊早經世路變不愧丈  
夫流計日懷鄉信逢人說父讐若過都市重且  
謾問吳鉤

送祖胤上人還嘉禾

西竈白嶽盡更說石橋幽只欲懷鄉去無能結  
社留有心猶是礙隨境乃真休臨別慚相贈空  
雲一片秋

朱夷白遊歛歸便寄張濟之徐伯臣莊玄  
育何叔毗張玄超董子元諸知已

論心各自異結交無淺深白髮傷久別青山共  
寄音避人今漸僻種樹已成林誰是輕千里西  
來肯一尋

八卷三

三

江儀卿携酒來訪妙法寺

性偏違雜處君獨訪幽栖白社常嚴戒清尊遠  
負携山雲先雨潤林鳥過春啼茗盞留禪話城  
歸落照西

席上贈汪元湛

餘酒城東市新交肝膽投乃因俠士氣不是腐  
儒流龍劍終難售鉛刀衆所求醉來狂咲羨徒  
切感時憂

贈南溪吳金

老去南村隱全忘世上名無錢供市酒有子代躬耕舊業留書在幽居草賦成垣西禪院近終日訪僧行

謝郡守段公惠炭

尺牘吏人傳嚴寒念草玄敝裘添續挾磬室覺春先負氣慚爭焰悲心感竝然酬恩圖早晚誰謂已衰年

送僧自如還星源省親

五嶺入寒煙殘年雪後天家園還佛子杖衲拜

卷三

辛酉

親筵祝壽持真偈承懽供法泉有生須住著謾道未生前

聞江方伯民璞病贅疣詩以問之

聞爾經時病閒居謝客幽已能忘塞馬還可狎沙鷗身世原塵幻乾坤亦贅疣醫王從此得方藥不須求

病中游中丞汝潛過訪

一月獨高臥柴關強出迎非緣華轂貴乃爲古人情晚歲貧仍病機心息尚生升沈勞藉慰無

復問君平

送潘象安再赴李相國之招

別日中秋近長途一葉飛復趨丞相府暫罷老萊衣知已非彈缺娛親可采薇持杯愁不飲去住兩依依

寄許元復辭湖口令返吳門

陶潛達觀者五斗恥身謀若爾辭彭澤何勞見督郵百年甘抱璞六月可披裘末代何容論高風古莫儔

卷三

壬子

寄岳東伯

結客吳門盛相思更繫君獨操野雀意不與世人羣歲月俱言邁音書久斷聞陽山知鍊藥靈氣入松雲

寄王武師姑孰青山

從別塵機息潭園一草亭常懷郭有道竝老漢明經久負青山約終圖白社銘獨吟秋夜裏北望少微星

訪黃尚文臥病

竹石親高榻樓居背市廛來尋臥病後談入養生玄藥復添貧累才難取世憐結交君亦盛誰贈錦囊錢

登尉宗天籟閣

隱几村西閣青松絕四鄰不知吾喪我尚論世爲塵天籟隨時發希音獨契真君雖南郭子余亦漆園人

寄沈明府金叅軍

雙劍閉豐城雌雄早晚鳴燕歌悲醉酒如意擊

八卷三

三

吞聲赴急誰真俠論交總世情狂生慚白髮徒爲氣難平

重過程懋孝園居

谷口相遠久殘年一訪君難忘曾拜石還識舊逢雲栖息容真隱清幽欲半分叅禪通別院携有妙香焚

過方宜之夜酌

久違常憶爾來訪歲將殘辭病身愈健遺家計已安寒宵淹酒盞新月照盤餐婦知朋好醺

歌得盡歡

醉宿方阜民家賦得牀頭有寶刀

久客將軍幕交情贈寶刀青霜寒結刃紅綬替纏絲島上辭何日牀頭伴爾曹醉來一起舞還命買村醪

程太真席上

桑梓託交久相尋每命觴明經俱寂寞託醉且佯狂憂世談空壯流年鬢已蒼終甘歌鳳隱誰信後鷹揚

八卷三

三

過姑孰有懷御史沂東劉公

重經姑孰郡白首尚風塵憶昔乘驄使曾迎短褐人難忘知已遇徒說報恩身南望閩江遠酣歌一愴神

留別戴長偉游塞上

酒斟金叵羅南風吹玉波飲戒知余久情真奈爾何前綏宿士劍燕趙壯夫歌塞上經年逐休咄雙髯皤

大梁贈貝山賈戶部

結客何須盛交情在任真君爲獨行者余豈衆  
游人塞北難留駕墻東暫託鄰雙龍劍雖別萬  
里自通神

賦得長垣金峯胡明府堂下雀

訟簡彈琴治堦前滿綠蕪俸錢供一雀仙吏作  
雙鳬飲啄隨今日雲天抱遠圖知予縑嶺裔早  
晚許招呼

戚都護元敬席上

相國曾辭札將軍忍負期昔年一見別此日二

卷三

三

毛垂老驥思當伏冥鴻性莫羈愧言干謁久何  
用薦新知

燕市酒壚曲

白髮嗤多事狂游入上都敢懷執轡者可有賣  
漿徒何處容彈鋏常來獨倚壚悲歌稀酒伴不  
是一錢無

中元日過三河宿圓覺寺

落日風沙市投鞭入寺門初秋對滿月長路值  
中元老衲分齋供游人叩法言乾坤同佛國此

日度蘭盆

宿喜峯口墩樓

萬里秋風暮華夷到此分幾年望紫塞今日宿  
黃雲片月臨關見孤軍擊柝聞燕歌爭勸酒強  
飲不成醺

潘家口望喜峯口

喜峯相望處十里隔灤河雲鎖雙關險煙屯萬  
竈多良家勞北戍胡騎畏南過廟議憂徒切何  
人念枕戈

卷三

三九

宿漢兒庄

飲馬長城下飛沙落日黃本爲胡虜牧亦有漢  
兒庄屯堡鄰禪院將軍送酒觴自慚投筆晚今  
喜宿疆場

燕京留別蛟門沈太史

金門稀大隱林壑少幽真逢爾知方朔慚余後  
向平窮通各有道去住共關情季代嗤多偽休  
詢世上名

燕京留別舊尹林公



何意逢燕市難忘在邑時賢侯猶後諾賤士負  
相知朝已爭名晚狂寧免世疑故山樵獵侶日  
日繫歸思

燕京送伯原還鄉

遲爾燕臺至先予越嶠歸浮雲一聚散涼雨正  
霏微殘臘思留客前途執授衣王潭傳稚子春  
暮候園扉

歲暮燕京懷寄故鄉諸友

一望單于塞將軍不可留冰霜鄉國阻書劍

卷三

早

帝京游門外車常枉懷中刺敢投驕人貧賤氣  
垂老未能休

燕市逢周廷直毛平仲

塞垣游興倦歲暮滯長安瑟乃從余好竿難逐  
世惟知希方信貴調合忽逢彈披褐佯狂者從  
人落魄看

燕市逢鄉人徐東臯

藥有縣壺聖名難混市藏世家承孺子上國得  
長桑久著多新論初逢乞禁方天都歸願早芝

洞覓軒皇

淮陰留寄郡守陳五嶽

結客門常滿予慚與衆同且馳匹馬去徒慕四  
君風游已窺胡遠囊非苦路窮邗溝書却寄春  
得附歸鴻

過姚光虞園亭留酌

乘興偶相訪隨時開酒尊主賓疎禮法丘壑在  
都門禽聲變初夏花氣散朝暾醉罷忘歸去風  
塵無一言

卷三

四

金陵訪沈君典市上

君乃干時用余爲慢世游升沈雖謂異意氣自  
相求言向新交盡人知烈士流年來愁酒病飲  
興莫能酬

還霍篇

光祿簿任君買霍養之官署飛去復還  
君喜而賦詩同聲者多有和焉余謂霍  
仙禽也非凡羽可養而馴使可養而馴  
則霍不足貴還不足喜何詩之有以其

習熟暫移故爲徘徊去還而未決余知其終當不可留矣爲詩反之

健翮休重剪朱籠勿再防豈宜供世好只合縱高翔都市終非戀縵山識未忘仙人吾祖在一託寄瑤章

寶林菴留別廣禮上人

惜別無多語何時出此關師能修白業隨處有青山坐具雙林下流年一鉢間城南車馬地終歲不容閒

卷三

聖

秋社日過吳村宗人留飲

言尋秋社日先候竹林扉燕即江東別人初薊北歸壺觴延薄暑桑柘映斜暉醉後還相約王潭掃釣磯

寄汪仲淹燕京燕呈兄左司馬

送君挾策日難逐紫駟塵結客多燕市通名滿要津青雲終自致白髮未催人司馬憐予者題書肯寄頻

寄真州蔣二秀才兼簡諸弟

十載淮南別重逢髣未絲縱酣非使酒託怒爲傷時抗節余同調孤懷爾自知相思賢伯仲清夜夢常期

過彭城悼徐明府子升

一辭燕市道懷爾入彭城久矣期難黍翻然異死生七絃今絕響五柳尚垂榮手草留遺行何須太史名

寄袁太冲

一諾初逢日相違二十春君今解綬者余亦倦

卷三

聖

游人交結知誰健乾坤信此身幽栖雖久卜猶愧混風塵

過荒塚有感

予家里東有荒塚廼姪孫葬其婦者婦少年賢行善事後姑不得其懽心奈何抱鬱而死予過其塚傷之

白壁閨中彥紅顏陌上塵自能甘薄命誰可託良人長袖生前淚荒墳死後身哀禽如有意不是惜殘春

訪鄭洞然岑坑

仄徑緣渠入幽深鑿石通携家人世外結草竹  
林中蓬海懷青鳥丹爐待白虹不知君早晚插  
翼去乘風

長坂逢朱允恭

我爲尋山至君因采藥逢懽然藉草逕渺矣話  
雲松濁世還思返長鏡未許從早期潭上訪春  
酒釀初濃

寄陽和張太史會稽

藏名昔燕市短褐雪霜時折節驚先問投交信  
不疑能忘太史貴真與古人期早晚山陰棹同  
尋洗墨池

鄭雲崑夜留鄰家有懷

一別岑溪上驚心已越年山村聞過駕鄰榻近  
徒縣永夕桂生露孤懷月上弦清光強爲寐憂  
裏與談玄

漫題

年華七十鄰日見髮霜新轉覺憐當世其如懷

古人衆中常譏咲醉後忽生嗔無奈稀同調形  
神自與親

寄方時文二首

一別三經歲相逢每訊人喜聞今轉健咲似舊  
常貧詩興非關酒禪叅託避塵王潭期再過白  
首共垂綸

知已漸淪沒閒居重黯然雜賓辭漸絕一榻念  
猶縣園徑時常理松篁歲轉妍添丁今已長容  
侍草堂前

訪吳克思水竹塢

出村尋曲壑一徑入桑麻閱世今方厭逃禪寄  
作家向僧傳密呪究義淨空花白首余來往悠  
然任歲華

孔雀寺問日照上人病

我來城南寺僧臥竹間房不下繩牀杓時供禮  
佛香一空忘患害大地自清涼翻咲相憐者何  
勞贈藥方

武林訪弟文夫臥病

避喧栖曲巷車馬復誰過已散黃金盡惟添白  
髮多故鄉懷遠道稚子杖沈痾世路君休論惟  
宜日醉歌

過青陽便訪程汝學訓導

官舍依東郭華山日對親携無中饋婦席有授  
經人吏隱真高逸鄉園况近鄰君休卑薄祿予  
尚愧風塵

游塞上歸寄少蘿

五載一爲別蕭疎鬢盡斑爲消出塞興已看射

八卷三

中六

胡還新侶多緇衲餘年買碧山無生今漸悟相  
證候柴關

龍永逢時行

離羣今十載始覺二毛侵每向風塵遇惟多感  
慨深漸消任俠氣誰識濟時心狂論休驚座相  
看只醉吟

過桐江吊謝臯羽墓

煙波七里瀨兩岸青山分人惟知釣客我獨哭  
叅軍樵牧侵無禁英雄幸有墳平生讐未報日

日結愁雲

屯溪市上訪南仲

世家工草賦今復學縣壺方受千金訣玄探內  
照圖暫栖塵市迹一任馬牛呼最愛頻來訪東  
鄰有酒壚

種豆潭上園詩視文卿文貫時習

山村春社兩種豆王潭邊已老鉏能荷長貧節  
益堅無勞采薇食時咏伐檀篇世上呼園客誰  
知本列仙

下卷三

聖

九日卓誠甫舟訪王潭失候

登高天井去君至未前期况以逢嘉節何能負  
舊知中厨愧雞黍稚子出茅茨片席東飛速徒  
然繫所思

仙姑洞逢許太初

一洞開南郭仙姑此上征白雲長日鎖紫氣或  
時生藥竈泥重就林房結早成看君癯似雀疑  
是許宣平

洪守貞過訪王潭

潭上飛花積行吟惜暮春浮生宜老圃獨駕過  
幽人市酒謀懽醉囊金近咲貧今宵饒月色徒  
爾宿東鄰

送余食其還娶附書叔孝甫

游作中原客詩承大曆前幽居尋避世交道合  
忘年門漸稀塵迹囊逢乏酒錢嗣宗離索久書  
託竹林傳

燕人孫漢槎過訪因談左舜齊張子言盧  
次梗諸舊交感贈

卷三

四

皂帽虬髯紫西來自武陽訪驚燕趙士老愧結  
交場一笑留蔬糲無錢解錦囊舊知寥落盡爲  
問淚沾裳

寄薊門楊將軍秉中

舊負將軍託難忘烈士羞世情堪一憤別酒七  
經秋仗鉞人猶壯懷忠志未酬誇君今霍衛早  
晚定封侯

寄程汝尚宣城

潭上絮淩至聞君一愴然客依初地住法悟佛

燈傳俗世風斯下佯狂孰爲憐故鄉何用問窮  
路且留連

白蓮寺贈性上人

塵僻世路早迹寄雲山深洞口時持觀泉流日  
洗心躬耕充一鉢終老臥雙林蓮社何勞結惟  
容麋鹿尋

再別君典禹金

潭上憶中秋難孤月色幽揚鞭只欲去上馬復  
遲留孤抱言徒憤持觴笑且休重期十日醉飲

卷三

五

斷宛溪流

歲暮子登伯原山甫伯生來訪二首

徒有妨時態而無卒歲謀閉關驚過客把手慰  
窮愁布褐憐同調風塵咲俗流青錢寥落久徒  
近酒家樓

一見難容別東鄰貰濁醪興來忘禮法老去轉  
羸豪歌向尊前勸愁從醉裏逃百年期結伴造  
物假吾曹

寄葉武仲

游吳秋未半歸已臘云殘俗世逢人少悲歌行  
路難囊中何用問堂上且承懽欲寄銀鱗饌水  
潭罷釣竿

新春定光寺喜逢方君在

與爾結交晚胡能相見頻忽驚逢古寺況喜是  
杓春孤抱傾知己衰年厭俗塵青山貧可借去  
臥傲時人

過小溪有懷項彪死賊處

自失當關守山中有戰場誰能一劍死徒惜百

卷三

辛

夫良邑令碑何處鄉邦事已忘昔予曾草傳今  
復酌壺漿

送吳次魯游楚

只信隱懷珍胡爲遠問津暫言辭里社久勿染  
風塵非無問字客難覓耦耕人此後誰同醉高  
縣漣酒巾

寄鄭子陽大梁還家

作客王門久飛霜入髻新蓬蒿三逕宅書劍百  
年身冰雪來尋臘壺觴莫待春梁園多舊識余

欲問歸人

南原寄諸知己

南原已長往猶然懷舊羣

明時能共隱幽築與平分洞可藏丹竈門常護  
白雲有人塵市去一託試相聞

南原逢畢斗文德儀

雞黍元非約惟然識面親來尋昔賢迹欲遠世  
人塵白髮遲爲隱青山賴結鄰湏求泉石處醉  
後可垂綸

卷三

壬

飲畢汝輝汝光池上

初入南原路先過曲澗居逃塵歌洗耳知樂間  
游魚留客餘春釀呼童摘野蔬衰年謀託隱欲  
著養生書

南原寺逢方僧

僧自何方至誰令此日逢相隨衣上鉢同聽寺  
前鐘傳法通三乘辭人入萬峯王維宜結侶暫  
肯息雲蹤

會勝寺

比鄰西近寺杖屨託幽蹤路接初春草林多往  
代松佛無香作供僧有業爲農日日煙雲護門  
園萬疊峯

岑坑鄭洞然家逢許友雲

相憶經年後相逢百里間來師丹竈更蕪友白  
雲閒即此逃塵劫何須服大還余家樵舍近日  
約過松關

寄韞菴吳副使束甌

樟亭昔臥病藥賴俸錢分徒向相逢閒難傳一

卷三

五

札聞府中知草賦海上斷妖氛莫憚時乘興高  
攀厓宕雲

飲高登之席上便寄龍使君沅陵

與爾神交者何期把臂時平生無漫託垂老得  
真知長揖歡如舊狂談信不疑沅陵逢命使一  
寄大夫詩

田廣文席上

尺書來野客報謂酒錢多隔歲窮愁臥殘春暫  
喜過獨醒隨世忌拚醉與君歌自負田文氣青

纒奈爾何

過冶城有懷鄭道士東儒

經臺園綠竹丹竈封白雲對此不殊昔悠然長  
憶君誰知宦上侶早有山中墳自畏紅顏改瑤  
函空所聞

過王子新舊居

太阿人共忌神物一朝飛都市遺書散衡門過  
客稀死交今孰是生友昔猶非自愧飄零者徒  
爲淚滿衣

卷三

五

過亡弟文卿山庄

重過青山麓寒風日欲曛常持意氣合今忽死  
生分獵尚遺黃犬栖何負白雲爲歌長恨曲泉  
下爾能聞

讓松草堂二首

何心尚獨行無奈任吾真不怨達時用難謀遠  
世塵種松年共老學圃日辭賓結社惟樵獵經  
過不厭頻

半畝雖堪隱村居俗尚妨青松依學煅繡佛禮

焚香一任成蓬徑無能葺草堂南原幽僻甚終  
老遂尚羊

沈太史君典白嶽寄書期予酒先聖人待  
之賦詩戲答

潭上逃禪久因之酒戒持今傳太史札徒與聖  
人期不種疇西林惟多露下葵好來醒眼對白  
嶽論幽奇

君典太史過訪潭上園

結交秣陵日今始問山村君重狂夫氣人驚太

八卷三

五

史尊流風時漸降古道獨能存况折王侯節何  
嫌過葦門

聞吳子荆留一念上人梅花塢過歲寄問

雪後梅花塢高僧對歲除逃禪今羨爾證法肯  
招余丘壑非云借袈裟且任居古人多捨宅爲  
乞作精廬

方桓叔秋夜過訪隱園

村西驚扣戶未臥慢松樓乃爲談禪至而非秉  
燭游茶煙如有待僧院不殊幽叅徹無生理良

宵去復留

訪吳從吾龍峯道院不遇

市上難容迹城頭借一峯閒將丹訣篆遺與白  
雲封仙院懽來訪鄉人悵莫逢更無童子問孤  
嘯倚雙松

謝齊公子仲望贈手製籜冠

正欲招蓮社先懽贈籜冠烏紗何足領白髮最  
宜看雲谷疑猶潤風林覺尚寒已甘無薦達終  
老不須彈

八卷三

五

金陵孫楚酒樓舊處送孫子真還山

莫愁湖水上九日不能留我輩深秋餞君家舊  
酒樓重尋無李白同醉有王猷不獨因離別懷  
賢倍覺愁

金陵客舍陸在郊江南仲携酒來訪

俗世黃金易青錢我輩難百文沽酒費終日縱  
交歡座上歌聲起尊中意氣看新涼何惜醉任  
側鹿皮冠

金陵陳士延陳季強各携酒餞別長干



雙尊來餞客二妙若相期策馬歸難繫飛觴醉  
不辭交因承世好情益篤新知白髮愁今別重  
逢是幾時

蕪邑別青山社諸友

不咲貂裘敝惟愁染世塵藏名酒肆日託興醉  
鄉春自負青蓮後誰容白眼人汝曹同調者時  
一過相親

送吳正之游淮揚

君懷結客場書劍去淮揚雨雪春寒重山川驛

卷三

平六

路長鳴駒留暫秣歸雁讓先行酒債慚多負難  
賒錢一觴

姪孫應文久客淮揚稚子往覓寄問

春風題一札千里寄征鞍知結交游盛非歌行  
路難故山須繫望稚子且爲懽別後慚予老南  
原買考槃

過宗兄朱頂霍烈士墓有感

倭奴浮海至吳越肆縱橫守令徒憂難儒生爲  
請纓當關千仞險犯敵一身輕雖有孤碑在誰

憐烈士名

鳳升姪孫過訪賦贈

明經尚坎珂獨異腐儒流抱節須難折浮生不  
易謀相看誰意氣徒說盛交游久識時人態悲  
歌且醉休

初秋日偕吳次魯赴朱俊父考坑山莊之  
約

市喧君厭久別業築深幽漸買青山勝常招白  
髮游雞豚供結客承黍值初秋况與同心者何

卷三

五七

辭信宿留

南原寄方文泉

買得南原隱猶難葺草堂鄰家借信宿樵臘送  
壺觴獨訪期能踐新交念不忘雲峯何用隔百  
里亦同鄉

送胡仲魚游豫章

累糧何太晚來別在深秋里閑稀知已風塵事  
遠游相看徒感慨與世且沈浮舊是王門客憐  
才定久留

寄舊二守石里張公

妖民起越上烽火入吳中司馬承家畧君侯保  
障功從茲藏寶劍翻乃學冥鴻一飯容狂論常  
懷下士風

送黃侍御健所北上二首

昔逢燕市酒別後寄書稀今日先驄馬能來問  
布衣九重還

帝命一路正霜威諫草休辭數母容世道非  
一冬冰雪晚風日似陽春罷攬齊東轡還埋都

卷三

五八

市輪酒人慚俸贈廉吏笑囊貧不道千金重胡  
爲意氣親

簡伯玉汪司馬

牧鄉多要路司馬託交真果信憐孤俠而令異  
衆人青衫終足賤白首肯如新往事懷常在惟  
難逐世塵

仲冬送姪同甫之金陵

探囊正羞澁無計贈西行白髮心猶壯黃雲雪  
未成風塵誰可託飲博舊知名菴葉河邊路酣

歌肯厭頻

送姪孫應復遊發附書汪公子子登

附爾王潭扎西從五嶺遊爲予公子訪亦是四  
君儔道遠無羸馬天寒有敝裘若令談劍合歲  
暮定遲留

元夕後二日孫從道放舟來訪潭上

雪霽元宵後舟維輞水濱誰知初訪客乃爲久  
懷人卜隱期鄰舍携家厭世塵結交猶未晚遊  
樂莫辭頻

卷三

五九

方有恒邀醉酒家

避后山城外牽裳酒肆邊俱忘相別日且各問  
衰年余減呼盧興君餘買醉錢明朝還有約僧  
院一談禪

墨池見白鷺

臨池消興久洗墨復清波誤以窺魚鷺而爲換  
字鵝忘機暫一狎還約數相過欲種先生柳移  
巢謂若何

訪金叅軍克溫瑄上時年九十

參軍解綬罷萬事謝人間短髮書猶著深居日  
不閒草隨乞過客藏欲託名山百歲君能滿予  
歡數扣關

璫上問金一吾臥病

璫溪結社處種竹已成林只信加餐健誰知抱  
病深有孫能代養無日不耽吟故舊稀休論疎  
狂偶一尋

荅張壺梁寄書

往來建業道老始結交期三日倡家醉雙驕即

八卷三

辛

別離只云徒暫許誰意尚相思早晚持肝膽重  
逢向所知

方以和以杓持父書來訪潭上

兄弟王潭至翁一札傳病餘扶藥餌別後僻  
逃禪甘旨能承養尚羊定年家山無用買愧  
寄草堂錢

程子方借居潭園詩簡諸兒索酒代爲戲

荅

予家白髮親萬里老風塵門謝乘軒客交偏任

俠人座時談劍滿囊日散錢貧肯在壚頭約能  
賒有近鄰

借諸姪輩送程子方別潭園

草閣王潭上三旬託隱淪終難謝塵雜暫一借  
幽真未得盟鷗社何能負酒人小舟東下近莫  
惜往來頻

葉郭源游吳門詩託尋亡友許高陽岳漳  
餘墓上焚之

疎狂妨俗世意氣向余前吳越遙千里丘原閉

八卷三

空

幾年託人尋宿草揮泣寄重泉好待雙龍劍青  
松各一縣

荅方伯雨過訪未遇有詩貽之

君家承大雅况復負才奇獨訪逢人出新詩代  
札遺知希雖信貴得志且從時休學狂生賤空  
名何所爲

葉武仲朱公幹過訪

秋閨驕殘暑深居迺自宜扣關驚過客遠道慰  
先期孤抱君能信狂言衆所疑世情堪一笑垂

老見今時

過武康贈孫貢甫兄弟

難兄得難弟苦吟俱已工  
常客封禺縣因懷沈約風  
况兼山水異近與故鄉通  
來訪當殘臘同歸冰雪中

社日問姪士龍臥病

菴李方爭艷春來已半過  
經旬斷來迹一榻抱微疴  
藥物誰能問貧居爾奈何  
楓林南近社知怪醉人歌

入卷三

五

金陵送汪仲嘉落第遊維揚

秋風別建業百里近維揚  
重訪迷樓處曾多結客場  
負才終信達得意且須忘  
日有絃歌讌難辭醉酒觴

荅鍾嶽方侍御寄書

自乘總馬後疏草日翩翩  
何暇雙魚託論交尺素傳  
寂寥雖故里意氣尚衰年  
感激歌呼酒嗤君費俸錢

送方晴瀾之塞上訪舊

雨後春晴暖翩翩策紫騮  
舊交尋塞上濁酒餞壚頭  
書劍隨長路風沙快壯遊  
願言歸計早防虜莫經秋

寄金雨峰萬安卜肆

有客王潭至當年問友生  
負才妨薄命垂老託藏名  
卜肆書還著狂歌俗任輕  
萬安塵市上今復見君平

送鮑彥卿赴南都武舉

草賦早名聞年來更羨君  
壯夫慚篆刻絕塞墓功勲  
佩劍常占斗彎弧或射雲  
即當燕趙去萬馬定空群

送汝見之會稽

谷口春光暮東遊一問津  
雲霞望海國車馬異風塵  
挂席催人速飛花勸酒頻  
出門千里道拘奮丈夫身

送龔少尹辭還楚府歸黔中

鄆邑車難挽王門祿亦辭  
明經徒抱志求位少逢時  
敝篋奇書在窮途稚子隨  
免愁羈旅久得

受長官知

送項仲連之晉陵因懷郡守余公龍城

糾髯權一見揖罷即云弊孤劍須歸早同遊莫  
負期晉陵多舊迹循吏見無時萬里龍城道因  
君感所知

留別孫從儒游大梁

梁苑三千里投鞭繫紫騮風聲生佩劒霜氣入  
貂裘抗揖遲云別當壚醉且酬客途君勿念到  
處有交游

一八卷三

六十四

赴約孫汝庭荆園

園居背村僻重尋曲徑疑塵踪謝客久幽事繫  
予思鑿沼通泉近依臺疊石奇坐常苔蘚拂醒  
醉總相宜

過黃源吳氏訪宋人遺墨

黃源九曲穿寒重夕陽天里舍千峰抱烟林一  
姓連世家唐御史遺墨宋諸賢淳朴風終異靈  
觴意藹然

程師杜偕弟姪惠然必建希文過訪潭園

士元以竹里名館蓋借輞川游止二十

之一亦輞川借漆園意也摩詰竹里館

詩有彈琴長嘯之句予詩故入之

漆園托玩世竹里隔垣塵彼懷濠上叟君學輞  
川人亦抱琴心古還能嘯肯神流風王氏讓肯  
許約爲鄰

訪伯可醉後賦贈

村東惟再見把臂始登堂早歲圖書富真交禮  
數忘山川問萬里歌笑拚千觴莫後游燕趙須

一八卷三

六十五

知結客場

五言排律

入越

九月西陵渡風生海樹涼吳分樟驛岸越首會  
稽鄉草滿蘭亭碧荷殘鏡水香楔修王逸少恩  
賜賀知章覽勝雖云切懷賢更莫忘天台還欲  
往獨載酒船霜

階下蘭

階下叢蘭茂茅堂不厭貧閑關謝俗客當座儼  
幽人香弄風花澹青滋露葉新持尊時一飲抱

八卷五

本六

甕日還頻欲佩那能折無言自可親休令變蕭  
艾共爾保堅真

過陳紹堯城東園

卜得郊西圃因辭市上塵萬家隔煙火一徑剪  
荆榛松柏環垣古雲霞變嶺新橋通許仙近洞  
接鄰姑鄰積案圖經富緣堦廡廡琴彈山與  
水藥秀歲常春僮任鉏荒倦身忘抱甕頻養生  
師遘早悟訣自通神名姓時難隱門多問病人

武夷第二曲訪白玉蟾舊隱

瀨挽潭方亂舟停杖獨隨石崑雲半啓草徑露  
全垂蘿宇無人葦香臺有像遺九皇靈自曜三  
紫友何之丹訣誰曾授雷符孰與司久沈鄉縣  
信徒繁世塵思劫錄休重校仙刑取再悲

送惠光上人之金陵長干寺閱藏經

建業朝江漢長干負市廛靈區人世出王氣白  
毫連

帝錫瑤函久恩遺貝葉鮮茲行因大藏借榻暫  
栖禪貫攝經詮盡無披律論全義中休執見言

八卷五

本七


外是直傳酥酪先從乳醍醐自湧泉宗風期遠  
振慈德勉弘宣我欲超沈劫同乘陸海船

吳山白鹿泉

昔年雙白鹿來飲吳山泉鹿去不復返泉俯尚  
依然渾沌誰初鑿清芬絕可憐有源知接海無  
日不生煙賴以藏禪寺無妨近市廛華能辭勺  
取而得免腥羶丹未玉喬浴茶宜陸羽煎敢將  
流綠酒終是湧青蓮水晶中冷後新經爲爾傳

問江廷瑩臥病

形也羣生患心号不死方草中無藥聖傳外有  
醫王須使真空覺當令假合忘鵬飛何芥蒂臂  
化自陰陽至寶猶非故餘貪豈是常醍醐末作  
味清淨置爲牀解脫難量苦逍遙極樂鄉因君  
能智慧照此法燈光



十嶽山人詩集卷四

大鄆郡王寅著

少海程開泰九川項仲連校刻

七言律詩

武林寄方禹績職方山海關

春風湖舸聽啼鶯佩劍懷君奉使行  
山海千秋緬要鎮關門一道拱神京  
羽書宣府時常接戰馬遼陽久未鳴  
那用旌麾惟鎖鑰閒居賦草九邊成

卷四

武林寄王應文明府天台

三年故國斷行觴東望天台路阻長  
霞色時時圓縣界琴聲日日靜公堂  
趨朝久倦飛鳬舄結客常懽度石梁  
樟驛我來今甚邇報君早爲築丹房

武林逢友

虎額蚪髯烈士身敝裘羸馬走風塵  
平生結客黃金盡此日傷時白髮新  
歌舞乍醒梁苑酒湖山重醉武林春  
佩刀暫惜霜花暗匣裏哀鳴尚

有神

七夕弘濟寺宿徹天上人房

寶殿珠林翠壁縣龍宮  
殿室俯相連城中不乞  
天孫巧江上來參大士  
禪過檻風煙身共幻向  
人水月思何玄鵲橋誰  
見銀河渡慈筏今逢彼  
岸緣

送王邦儀携家之蜀

蜀道西游萬里長雲中高峽錦屏張  
携家無夢勞神女投賦多情吊楚湘  
杜甫欲成沆花宅王

卷四

二

維終戀輞川庄風塵知己誰堪託  
槐陌蘭柴自故鄉

海寧逢格之元蠶酒家對月

海寧山縣逢新月光吐蛾眉照酒壚  
延客誰家卓氏女披裘我是高陽徒  
賭飲盤中喜得采放歌城上驚啼鳥  
斗迴露下天欲曙何必青錢問有無

永嘉夏日借居玉皇樓

樓輝金碧八風翔寶蓋龍旗奉玉皇  
逃暑暫爲

香案吏養生閒錄道經方未通海上丹臺籍先  
借空中白石牀吾祖一從緱嶺去仙枝不斷發  
禎祥

天台陳先生木重掌教

先生落魄勝馮唐頭白于今尚未郎  
羸馬重來羶欲敝講堂一別草全荒  
著書山水宜名郡游宦驚花近故鄉  
相國徒聞知已在不將有道異尋常

下建溪

卷四

三

閩海南游入建安灘連崑石枕嶺  
浪飛白雪花千樹雷倒黃河練九盤  
天上乘槎當日易人間放舸此時難  
相思家在吳江好翡翠鴛鴦鏡面看

春社後一日訪古矜兄弟洋湖泛舟

湖上人家具小舟我來即喜泛中流  
岑參兄弟今始識漢陂風煙誰謂優  
濁酒社餘留醉客鯁魚春暖待垂鈎  
夕陽一樹桃花岸相狎隨行雙白鷗



雲間懷寄南泠蔣叅政

名園十畝買幽居詩酒招邀日未虛  
訪自違三逕後風流遙憶隔年餘  
秋來海上仍羈旅人去淮南好寄書  
爲報躬耕還谷口塵埃無地曳長裾

寄平湫許副使兵備雲中

鄉園有客雲中還爲訊神交一解顏  
胡虜敢窺虎峪口軍麾初肅雁門關  
風沙遠宦詩篇富笳鼓深秋獵戲閒  
玄嶽仙臺空北望無由騎馬共躋攀

下卷四

四

過平望驛有傷東雩廖廡使

仙舟昔醉夫容渚官驛重過飄泊身不爲  
窮途輕下淚只緣感逝苦傷神長沙天遠浮雲斷  
澤秋深落葉頻絮酒無期徒有賦相知應愧豫章賓

訪方元中戶部不遇

省郎第宅城南曲爲愛幽鄰古寺西  
身在市朝成吏隱時因休沐借禪棲  
還從何處看山色每

是忘歸信馬蹄明日重來知候客  
六朝遺跡問新題

吳興訪徐奉化庚山庄

城西深入綠河灣在野荆扉晝亦關  
解綬久辭彭澤縣買田近住道場山  
著書到處傳中論鍊藥今忘說大還  
流寓白頭添愛子醉懽繞膝舞衣斑

謝項仲連寄壺山茶

碧芽綠葉春雨前麻姑仙掌枝枝鮮  
金波誇賽

下卷四

五

陽羨茗玉液恨少中泠泉君願虞洪道士遇我  
續左思嬌女篇文園病渴從此慰賜露何須霄漢邊

春社前三日送兄惟明之淮南

山村賽社濁醪醇分取餘觴勸醉頻  
弱柳初黃難繫馬嬌鶯新囀似留人去  
程姑浦逢寒食到日雷塘屬暮春  
故舊相知如有問長竿今已學垂綸

金陵訪余伯祥

我本高陽舊酒徒，貂裘驕馬走長途。結交盡散黃金篋，生死難忘白玉壺。漸老逃禪情半減，有時說劍氣猶癡。頻來過訪頻留客，強賭梟盧醉一呼。

結社白嶽雪中，送惠光上人先還福田寺。同來結社仙臺罷，雪裏禪關繫所思。百里愁看師獨返，千山飛絕鳥相隨。天花光徹袈裟冷，柳絮泥深錫杖遲。風爽吹將支遁減，一鞭無馬載低垂。

寄莊玄育

雲間久別龍盤浦，夢裏猶能繫所思。江海不愁尋遠道，亂離無奈失前期。生平結客從逢汝，塵世知音復向誰。昔許爲予門，欲杜至今徑草果垂垂。

王將軍經携酒邀登定山

將軍好客携尊酒，竝馬深穿翠靄間。山自渡蘆通窮窅，泉因卓錫尚潺湲。鳥鳴車馬雙辭樹，儻苦逢迎一啓關。景物供人多應接，咲余亦未偕。

高閒

金陵道上寄馮汝言僉使閩中

五見江南春草齊，又聞旌節向關西。相思每託琴中寫，便訊今逢馬上題。朋輩青雲多要路，迂疎白髮尚卑栖。金陵往日歡游地，早晚壺觴得再携。

金陵送青城毛戶部辭濟南守還嘉州

翰林承旨翻成謫，粉署藏名久不遷。爲郡謾言岱嶽駕，携家先返錦江船。君貪服食求丹訣，民

望循良出大賢。柱下金門非谷隱，浮沈

帝座是真仙。

三泉林侍御遷大梁僉使歸省延平復經

新都

都亭按轡一埋輪，遂爾分符作外臣。歸省山川經舊邑，重看花鳥尚餘春。憐才前路勞相薦，孤憤平生向所親。莫咲飄零長劍在，彈歌終是報恩人。

贈劉觀復

夫君早歲息塵機解累微官一布衣雁宕嶺頭  
謀託隱點蒼山下久忘歸自參丹訣元非授說  
與仙才信者稀何日化爲金羽雀故鄉終記向  
南飛

武林訪九山祝戶部

候客無人晝閉關白頭傲吏自高閒門多陶令  
新栽柳宅近丁仙舊化山逆旅乾坤皆可寄故  
鄉兵火不須還知君最是難忘處夢繞煙雲九  
曲間

入米四

西湖雨後看菴花

蘇堤一舸渡湖西萬樹菴花帶水齊似咲筵前  
分送酒無言春半下成蹊紅霞暈濕微煙颺碧  
草香殘乳鳥啼雨後陰寒游跡斷詞朋歌妓縱  
相携

讀沂東副使劉公食蓴菜詩乃零友范公

自會稽湘湖携歸范公松江人劉公舊守

松江

一時蓴菜傳新味字字真憐瓊樹枝柳上秋風

生凍玉湘中春雨長寒絲物同故里多情饋味  
入盤餐舊守宜 國事多艱方倚賴蕭疎敢託  
季膺思

吳山秋眺

有客閒居無奈閒爲看秋色一躋攀百盤細草  
斜陽路三曲澄江隔岸山野寺最宜紅葉後孤  
鐘偏在白雲間賞心又得逢僧話此後幽期數  
往還

送姪堯賢從軍南海

卷四

九

路過五嶺更南天花鳥殊方氣候偏壯士此行  
橫寶劍將軍終歲出樓船登臺望海生潮處吹  
笛懷鄉落日邊莫近買愁村上去石榴醉酒亦  
悽然

鳳山懷古

逢僧下馬說前朝南渡陳橋王氣消山換舊宮  
禪寺在草荒禁苑市民樵將軍不遂黃龍飲胡  
虜先傳白雁謠更有諸陵埋恨處冬青歲老已  
全凋

寄朱江州子价江信州民璞

帝里同爲司馬郎分符共守楚人鄉江山臥治  
留文藻田野徵求值歲荒飛檄西來新有警乘  
機內難慎須防紆籌躍馬今時事不是循良舊  
典章

寄白石蔡中丞大梁燕薦襄城令陳近衡

蔡邕早已知王祭未得登堂倒屣迎長路喜逢  
許昌使尺書遠寄大梁城分征南北今猶急伏  
禍中原恐漸生按鉞無勞親草檄陳琳幕下有

卷四

十

才名

贈吳千戶撫諭虔南諸洞歸武林幕府

虔南諸洞諭蠻歸草木皆知少保威章貢水聲  
迎去馬博羅山色照征衣當關能仗孤軍入納  
欵無勞一箭飛幕府少年多自負讓君此日拜  
恩輝

董子元避亂吳興書來賦答

干戈遠訊徒懷爾搖落秋風忽寄余去國任荒  
三逕菊移家隨載五車書平原宅畔愁聞雀西

塞山前好釣魚此地故交知不薄莫辭流寓定  
幽居

臨安酒家送吳子充還金陵

官亭西望路迢迢楊柳霜黃葉盡凋去住青衫  
俱是客攀留綠酒肯相饒故鄉半道長洲苑流  
寓殘年白下橋兩結社中諸友在寄言負氣已  
全消

武林喜逢吳宗高

相逢市上把貂裘衆裏綢繆話不休神駿君思

卷四

十一

辭伏櫪飢鷹我忍待乘韉十年離亂書難寄四  
海交游髻各秋昔醉青樓金粉歇琵琶猶記唱  
梁州

夜飲王元靜客舍

隔年相見鬢霜侵風雨尊壘感慨深醉後青衫  
生酒氣歌殘白石動哀音數奇難覓酬恩地世  
亂徒縣許國心直北幽燕迷一望高臺誰復築  
黃金

送柏泉胡中丞開府豫章

西去龍沙屬暮秋樟亭祖席待潮留從來雅鎮  
中丞事今託專平內變憂林臥謝安元重望鷹  
揚方叔有奇謀巢居負固非難料誰道虔州是  
虎頭

吳山月夜聞雁

九月遊人未授衣空山驚聽雁初飛夜寒哀響  
朋呼應月淡連行字影微朔塞黃雲鄉國遠吳  
田白浪稻糧稀南來到處彎弧滿好近高雲慎  
禍機

秋興八首

我

皇神武逐強胡佳麗金陵復舊都江漢上游來  
楚粵山河三輔盡淮吳王侯封錫論功地歌舞  
煙花賣酒壚十上抱書囊已散飄零自咲老潛  
夫

驅馬重來過大梁將軍有約在漁陽夷門久慨  
無關吏詞苑今逢有孝王博浪擊秦城莫問金  
明習戰草全荒教坊曾識諸紅粉轉眼繁華更

可傷

山下孤城壓大川旌旗城上拂胡天誰新臺堡  
防南牧久斷烽塵照北燕捫虱狂談猶舊日棄  
繻衰髯異丁年不緣萬里將軍約空自明經守  
一編

九邊萬里來西北薊鎮遼陽

帝闕東設道羽書傳渤海上常憂兵馬備雲中欲  
消紫塞強胡氣早計黃河復套功何日

聖明推轂命封侯誰是古人雄

卷四

十三

關門一望日西懸城下單于散馬羣石火割鮮  
燒白草帳房醉酒宿黃雲風吹虜氣秋初肅月  
照笳聲夜半聞南國戍兒愁欲死奇勲早起李  
將軍

喜峯口外嘶胡馬慘淡黃雲貢道通三衛塞垣  
徒設禦一秋士卒謾言功旅遊何益傷心切祿  
食難忘報國忠馬市西來疑伏禍休令內賞久  
成風

薊門遊倦歸燕市劍贈將軍佩在身按險徒言

空紫塞抱書無路上 丹宸託交絕迹悲歌士  
買醉藏名旅食人不意公卿多折節時時門外  
駐高輪  
往來齊魯幽燕道經歲風塵萬里餘尚記揮金  
裘馬地寧忘把臂結交初賢豪零落難招汝許  
諾平生一慨予說劍呼盧今已矣徒令淚濕篋  
中書

舟泊嚴灘

桐江西接歙江分綠樹環祠鎖白雲釣石舊存

八卷四

十四

非屬漢客星上應獨傳君詩人近對方千島烈  
士誰知謝羽墳欲薦三賢寧水藻千山煙雨一  
猿聞

武林諸少年席上送沈娃還金陵教坊

一時年少錢行觴蘭氣淋漓濕舞裳誰意莫愁  
還白下元非蘇小住錢塘絃歌有譜傳流寓聲  
價從來重教坊菴葉渡頭風景麗西湖画梁可  
能忘

過女禪精廬舊武林歌妓

一菴深鎖小紅牆玉貌嬋娟是法王漏滴蓮花  
初出定聲圓金磬正焚香留分齋供珠林午乞  
寫心經貝葉光此日性真俱朗徹他生須信見  
西方

避寇城居憶家園紅梅

暫辭谷口借城堙雨雪殘年又逼春懷里苦因  
嘉樹伴看君賴比素心鄰芳魂有意應同夢紅  
粉無言也自輦小苑牆西休寂寞還留松桂與  
相親

八卷四

五

明源上人自天池持其師玉芝上人訊音

山茗至詩草命予評選

曾問天池十日禪雙峯修竹凍雲連相思弟子  
持書至自愧吾師入社賢寶地寄分仙掌茗春  
冰汲煮玉華泉還披功德詩千首盡與人間作  
偈傳

隱園撫松有懷姪孫德甫

君家塢口栽松富偶過林中乞小株萬翠盡樵  
新地主孤貞合對老潛夫繁陰當逕圖棋局屈

幹低簷挂玉壺賄勝勸酣虛此景每因撫嘯每  
成吁

重過登源洞懷郡守東臺余公

太守風流憶往時公餘行郡命追隨載將綠酒  
千峰入分與朱衣五馬騎白壁徒懷終不售青  
雲無路負相期傷心西望龍城遠挂劍常圖哭  
所知

登采石蛾眉亭

帆落東風爲舊蹤蘇門嘯響倚杉松長江鏡面

卷四

十六

秋磨淨雙峽蛾眉晚画濃繡壁鮮花無鳥啄巡  
簷蘿葉有雲封移舟繫在禪宮下來聽西遊一  
夜鐘

席上醉贈趙歌兒

春風十五內宮粧養得嬌痴在洞房穉柳纖描  
眉上碧乳鶯淡抹額間黃鵲絃自解新聲巧燕  
舞家傳彩袖長昨夜忽爲行雨去秦淮人擬是  
高唐

金陵送何橫涇落第還華亭

長江雁影一行飛瓜步潮過燕子磯西上羞垂  
卞和泣東歸思着老萊衣秋深蓴菜膠水滑霜  
後鱸魚膾玉肥作客

帝鄉重九近茱萸會裏悵君違

維揚荅鳳泉張給事寄書兼謝博山香爐  
五日維舟邗水濱丹楓搖落正紛紛南來霜冷  
鴻將盡北望雲低日易曛書到翻于長路把陸  
沈先已隔年聞博山珍重難忘處禮佛焚香每  
憶君

卷四

十七

過顧尚書舊居公臨卒留草五嶽篇寄予  
作客從今罷往還誰題碑字照青山獨名筭學  
能窮數難覓丹方可駐顏十畝松筠存箬上一  
時書劍散人間把看五嶽催遊賦報爾餘生欲  
盡攀

宋禮部期訪長干寺送別以雨阻命僕馬  
來迎辭謝

出郭相期一論禪僧厨已費買齋錢壺觴翻促  
潮溝去僕馬空令塔廟旋臨別隔城妨凍雨託

交長路逼殘年憶君寒夜難成寐擁衲焚香對  
佛筵

洞霄宮

昔方禹績童元功結武林八社得八人  
各主一山洞霄予得主焉今過洞霄二  
君俱逝撫景懷人乃有斯篇

洞霄宮殿鎖寒煙徑草霜黃九曲穿御虎曾聞  
羽師事摩碑再認宋皇年恒沙興廢何須論詩  
社交游重可憐風雨千山空獨返爲君來賦大

八卷四

十六

招篇

張園菴花初開

一樹張園開仲春當軒二八可憐人遲爭杏子  
粧丹顏初學櫻珠吐絳唇蝶粉難窺心上恨蜂  
黃待染額間顰吹噓不願東風力怕逐青驄繡  
轂塵

留別胡紫霞道人

携書從此入人羣林館經春一榻分相憶非惟  
宦背叟難忘還有嶺頭雲訣傳靈藥同誰鍊漏

代名香只自焚別後綠苔封徑滿空中常過紫  
陽君

寄山樵中洲東明維揚

二十四橋鴻雁秋別來三載夢揚州生平何用  
交游舊邂逅能將意氣投賴洗客愁聞水調常  
隨酒伴過青樓故鄉早晚重携手往事相看話  
不休

金陵送無絃上人印藏經還成都兼寄毛

太史青城

八卷四

十九

朱雀橋頭對黯黯石牛寺在錦江邊南來苦乞  
千函佛西去遙看萬里船冰峽啼猿殘臘日松  
窗挂錫仲春天峨嵋居士叅真性定上吾師說  
法筵

過元放池上

門外疏簾靜日垂園中三逕草離離久傳市隱  
談玄宅近接仙人洗脚池栽竹隔塵今漸長買  
山終老又將移環垣此後誰空鎖常憶頻來照  
影時



立春前一日飲汪將軍兄弟宅

經年未過將軍第短髮霜華咲轉新乾坤狂奴  
尚故態兄弟高情如古人虎帳紅燈留向夜金  
尊綠酒早迎春壁間龍劍休藏匣尚說東南有  
戰塵

得黎惟敬司馬歐陽楨伯郡博燕京寄書  
薄命無能合

聖朝青袍短髮入秋凋懶招緇素開蓮社喜混  
渙樵醉酒瓢南海雙珠傳譽久中原一雁寄書

八卷四

半

遙何時把臂神交者國士悲歌氣未消

寄沈湖葉僉使

淮南別後寄書稀滇上驚傳解綬歸梅福嶺前  
求地隱洪崖洞口采芝肥吏情宜逐年華倦物  
態須知世路非丹訣九還今可試願終白髮遂  
初衣

送邑侯中齋林公北上

欲振雙鳬觀

帝鄉誰令雲表暫迴翔心持白壁從人點時妬

蛾眉只自傷終報連城矜轉重恐驚絕艷画休  
長他年仙令重來日遺得菴花滿縣芳

過元蠡舊宅

西市高樓映暮霞今來舊主怪移家臺存不繫  
門前馬院鎖空啼雪後鴉上座每同談七首清  
宵常醉聽琵琶五侯甲第繁華甚代謝如斯不  
用嗟

答徐文長獄中寄書兼呈丁子範

八卷四

半

一札西來慰所思開緘東望淚低垂獄中龍劍  
埋今天上金雞下幾時不道佯狂逢禍異豈  
無當路惜才奇交游惟有丁儀在意氣從前爾  
自知

遼陽兵變

遼陽自昔稱雄鎮烽火  
明時久不聞北顧一朝忠義叛南來翻結犬羊  
群求賢有

主能推轂抱策何人可立勲內難大同元作俑  
故令相效轉紛紛

莫愁湖

莫愁湖在石城邊湖上誰人載酒船羅綺不回  
長夜夢驚鴛鴦還見並頭眠荷花照日嬌紅粉萍  
葉凌波散翠鈿幽恨欲傳腸斷曲琵琶新譜入  
鵲絃

寄馬通政孤山社有懷張侍御高光州

南都有客四明狂結社客登大雅堂嚴瀨西來  
書久斷孤山東去豪難忘扁舟買窪同誰載舊  
徑栽梅幾樹芳常侍校書今已矣招魂欲賦重

卷四

五

心傷

東甌逢施將軍引之

新營閩越中丞府爲簡騰驤上將才瘴霧定知  
清海返朔雲曾是射鵬來蜃樓常對龍旗結鮫  
室傍臨虎帳開醞酒何妨橫槊賦饒歌無用鼓  
頻催

金陵送何叔毗禮部亂後棄官還雲間

耽隱遂辭簪紱早還家因待亂離餘交游漸散  
郎官祿篋笥常携舊閱書海上已空三畝宅城

中誰借一廛居秋風正喜尊鱸美聽雀聞行好  
憶予

武林聞新都賊報寄陸星井

短褐儒生氣不平故鄉盜賊報縱橫封疆久覘  
妖氛近畿輔常憂首禍成關堡山川元設險良  
家子弟孰論兵空籌保障慚何補敢學終軍一  
請纓

戚都護約遊塞上留別社中諸友

都護渙陽一札傳壚頭醉酒興翩翩去消弱冠

卷四

五

談兵氣先賦長城飲馬篇白髮誰知輕萬里黃  
雲有待出三邊風沙何用愁新暑匣劍寒霜自  
蕩然

臨淮侯李惟寅席上

託交一別十餘春把臂重逢意轉親風雅乃因  
稀合調金貂豈直憤留賓楚狂白髮妨時久燕  
市黃塵勸酒頻忍負故園麋鹿伴出門即是倦  
游人

薊門馬上望長城

秋色偏傷客子顏  
雕弧在臂月雙彎  
逢人謾問雲中路  
按轡斜看口外山  
驕虜邇來消羽檄  
壯游無奈憂鄉關  
霜前肯後隨陽雁  
相約江淮伴爾還

出關遊柞子菴

關外青崑一洞開  
沙塲見此亦奇哉  
九還宜築丹砂竈  
百尺相鄰皂纛臺  
詞客防遊隨部曲  
將軍移帳候尊壘  
愁逢追獵胡兒騎  
不待孤城日暮回

卷四

五

燕市送吳子化之三屯營

蚪髯避后揖秋風  
匣劍囊弓馬首東  
燕市壚頭留醉酒  
盧龍塞上學從戎  
乘時君許封侯易  
失路余徒草賦工  
都護散金多義士  
向誰知是萬夫雄

燕京蛟門沈太史見訪

從來游客託高車  
白首藏名與世疎  
入市屠沽無俠氣  
久過都太史下交  
初重逢漢代金門  
隱早著

明時石室書魚目  
真慚徒自寶何期  
借照夜光餘

燕京劉念菴席上留別社中諸友

壯遊入塞即言歸  
南客遙隨北雁飛  
裘馬正酣燕市酒  
風塵不上楚狂衣  
難依時貴輕彈缺  
久託名山戀采薇  
別後社中休寂寞  
新詩肯使寄人稀

悼燕姬王蕊仙

名花二八絕堪憐  
曾醉西鄰錦繡筵  
眉黛易零朝露下  
額黃早淡夕陽邊  
絃歌悔學愁今散  
雲雨忘歸事尚傳  
同伴不知諸姊妹  
餘香誰寶舊鈿蟬

卷四

五

燕京月夜劉念菴命女樂宴社中諸友余以出城負約賦謝

文采風流冠一時  
黃金不惜教蛾眉  
誰傳頭部簪菱譜  
自草中原樂府詞  
明月多情留上座  
良宵何事負相期  
生平亦解周郎顧  
還許踈狂醉酒卮

飲陳子野邀笛閣

樟亭一別髮成絲  
燕市南歸慰所思  
初服重尋邀笛步  
幽居常續味懷詩  
通潮有渡鄰菴葉  
隔岸何人唱竹枝  
陶令百年堪寄傲  
還栽五柳幾時垂

余伯祥席上賦夾竹菴

御史家添曲榭新  
倚欄含咲一枝春  
琅玕本自稱高節  
脂粉何爲媚世人  
風響如穿湘水岸  
霧香又入武陵津  
醉看不解疑還笑  
色相從來總未真

卷四

七

金陵趙姬席上

長樂橋頭再過時  
遠遊易變髻如絲  
塞垣遍歷防胡險  
燕趙多尋往事悲  
帶有雙鉤經歲佩  
懷無一刺向人持  
牡丹花下銀箏醉  
說與青樓女俠知

北遊還家過城西  
逢吳虎臣羅伯符留飲酒家

城西橋畔一驚呼  
隔歲懽逢舊酒徒  
雙劍還家

留繫馬千錢  
慰別命提壺  
過都不賣長門賦  
問篋惟餘出塞圖  
咲殺風塵頭白盡  
潭園從此臥王符

寄淮安守陳五嶽

北附雙魚字幾行  
郢中才子漢循良  
結交却恨違淮海  
顏色常疑照屋梁  
愛士孰知文舉度  
傲時自怪正平狂  
紫騮百里西追意  
彈鋏悲歌忍易忘

寄唐甥鵬卿燕都

汝昔懷余遊薊塞  
余今懷汝遊燕都  
庶彘丘林異常聚  
裘馬風塵須丈夫  
莫憚尺書稀  
遠道好修長  
翮奮雄圖時人誰識中丞後  
佩有平戎舊湛盧

夕陽紅樹

村南秋樹亂啼鴉  
一望殘陽掩映斜  
蜀女機頭新剪錦  
天台洞口舊飛霞  
怪無清磬藏僧寺  
喜有高帘傍酒家  
草際落紅君莫掃  
醉來絕勝臥菴花

寄西亭王大梁

旅次何意枉朱軒三日當尊未盡言策馬早因  
趨碣石吐茵悔不醉梁園相逢獨許踈狂合別  
後誰知意氣存渙獵謀生慚老大爲君無分典  
夷門

喜得燕京諸故人書

西疇秋穫力爲農北望經年憶舊蹤意氣偶逢  
知己合踈狂難與世人容空令說劍留三輔忽  
報題書滿十封此後南飛鴻可附隱園須認最

八卷四

三八

高松

席上對友人有懷胡少保

別來督府十年過一咲驚逢愧髣髴海上戰功  
題柱久越中廟食感恩多謗明意茲讐何在客  
散門庭雀可羅舊好論心呼濁酒寒飆霜日醉  
悲歌

管將軍督餉北上豐干社八子賦詩餞別

余亦有賦

官亭綠酒凍浮煙赤羽雙旗拂祖筵轉餉今瞻

天北上平倭舊說海東邊知名燕趙千金散賦  
別豐干一社賢萬里河源窮未暇塞垣先且疏  
屯田

送江師晦游吳門兼問岳東伯

早春送客黯消魂村市酣歌濁酒尊雪後有梅  
留越嶠社來與燕約吳門遠游君漸聲名起相  
見余多故舊存一一尺書那暇草窮居爲問岳  
王孫

懷寄五嶽陳副使蜀中

八卷四

三九

淮陰留別三經歲鄣嶺題書一寄君入峽恐淹  
神女路因風便逐洞庭雲南來無奈人垂老西  
望何能酒共釀卜市琴臺遺跡在吊亡知有二  
賢文

題方元素燕臺驤首送別卷

暫繫絲韁勸酒醺南風直北送紅雲從來誰識  
吳中駿此去能空冀北羣入市價逢千里賞爲  
駒汗血五花文老余伏櫪心猶壯徒自驕嘶一  
向君

劉婆磯望廬子國

劉婆磯頭振衣嘯廬子國在江之西飛鴻冥冥  
翼難附羣峰疊疊雲還迷周瑜塚邊射曾獵左  
慈洞口尊常携丈夫慚負所生地散裘羸馬徒  
悽悽

荅安慶二守憲公

西遊誰謂逢知己遽別樓船可奈何已約題書  
春早寄忽驚報使臘先過俸錢正借清尊價詩  
句真傳白雪歌風雅君還兼任俠從前循吏不  
如多

卷四

三十

讀潘象安秋懷詩爲懷縉紳諸知己之作

新詩字字入清真舊事難忘感激人彈劍十年  
三輔客飛觴常日五侯賓憐才白壁徒生色薦  
達青雲未致身與爾抱書徒自憤

明時無許布衣陳

汪司馬省親南歸詩先約訪

三年南望白雲飛

聖主恩深放暫歸入寒肅携胡酪酒當筵醉舞

漢宮衣菊爭黃髮浮初艷鱸膾銀鱗饌正肥謝  
客聞題門外字鄉邦何惜借餘輝

壽松驛別梅禹金與叔時甫兄思振兼懷  
沈君典未至

夕陽落葉正紛紛送客城南忍別君九日且歸  
鄣嶺社雙林還約敬亭雲持螯秋成鱸正美嘶  
馬風生酒易醺驛舍後來遺故事新詩獨少沈  
休文

寄汪仲淹北歸臥病

卷四

三十一

珊瑚遠寄赤螳螂抱病驚聞返故鄉一別縱酣  
燕市酒千金難授越人方園林今遂娛親樂裘  
馬都忘結客場摩詰禪談輕藥物期君來訪輞  
川庄

隱園菊殘姪以德君佐至賒酒賞之

數枝乞得西鄰菊東籬叢桂相因依已經暮秋  
傲霜半况復新寒零雨稀窮居惟賴破寥寂幽  
姿何用多芳菲囊空濁酒賒尚易瓦缶醉鼓休  
言歸

寄丁從吾邳州

弱冠明經誤作儒誰知披褐袖陰符信能籌世  
無雙士且自登壇長百夫青海曾傳功在越黃  
雲還欲氣吞胡託交歲晚常多別說劍何時醉  
玉壺

寄沈蛟門朱金庭二太史

風塵九陌日紛紛性本疎狂不可羣下馬一酣  
燕市酒携書早返越山雲別來無夢瞻雙闕  
結客難忘有二君漁獵避人身漸隱音書稀得

卷四

三

寄相聞

武林送潘象安北游

余即挂帆指閩海君還策騎向燕巖雄龍劍  
難常合南北冥鴻各自飛世路久知誰薦士風  
塵何事未忘機貧交斗酒無能餞早共青山賦  
采薇

寄黃肖葵臨安

郡邁牂牁萬里遊山川南望接交州伏波銅柱  
應曾問勾漏丹砂好爲求禪寺三年懷舊社蠻

方一札寄諸侯重逢定擬金陵市或是君家九  
曲流

臥病武夷官詩報徐廉使子與

分藩君久臨閩海佩劍余今返剡門欲話射鵰  
觀塞上還誇結客盛中原病逢名嶽雲霞熟榻  
借仙房舊好存徒費裹糧難見面報書無術奮  
高騫

送蕭訓導鵬改教蜀中

三年鄞郡一鍾寒學舍黃山正奈看

卷四

三

聖代偏淹詞賦客卑栖終老廣文官還鄉暫問  
湘川舊叱馭休嗟蜀道難萬里西游真爾妬煙  
霞多有列仙壇

過陳達甫酒星亭

高亭臨流出南郭白首幽栖枕玉壺酒星偏照  
大鄣野丈人元是高陽徒買田歲計種爲秫挂  
錢時往尋當壚王家醉鄉別已久此後相期游  
再無

城東遇戴長偉

風雨禪房慰所期相看丘壑老栖遲致身難借  
青雲力披褐休矜白壁持縱飲君誰知玩世獨  
醒予自任妨時塞遊別後稀音問強與呼盧進  
一卮

寄陳蘇山副使沔陽兼懷子五嶽副使蜀中

明經垂老咲卑栖短褐謀生理藥畦風變誰期  
逢調合神交不斷有書題洞庭雪浪來何遠劍  
閣青天望更西梁楚封疆遊未熟相尋常恨夢

魂迷

入卷四

三五

荅徐廉使子與寄書

五年閩海三千里一月鄞山兩寄音烈士未容  
啗白髮使君誰信賤黃金難忘入郡神交日獨  
異隨場漫許心解贈蠻刀常在佩醉看雪色便  
悲吟

訪舊二守修吾馮公兵備池陽道經龍口  
望九華公四明人

西來龍口繫征鞍捕漢驚看萬朵蓮雨後洗添

青似染日斜照出紫生煙山靈有約臨除夕福  
地曾攀記早年海上四明堪並否酒酣誇向使  
君前

送謝性卿虞汝孝還閩兼寄武夷君

新知避后情難別濁酒淹留勸不醺江左爲傳  
綏嶺客閩南一問武夷君函遺蛻骨仙常化觀  
閉昇真世罕聞俯視幔亭仍有約虹橋續架入  
青雲

堂下鷹

入卷四

三五

簷前忽怪蒼鷹下長翮風翻綠酒觴射虎願藉  
豪士臂掣條恥逐衆人場一生肯學飢同附百  
中誰知負莫當醉裏相看歌白首已甘雌伏讓  
飛揚

赴獵人北山之招注司馬舟繫潭上空返

潭上煙波久寂寥偶因年少北山招爲漁似覺  
機全息好獵難忘氣尚驕霜野割鮮耽醉酒夕  
陽撾鼓負停橈有懷司馬猶堪恨不待寒空月  
夜蕭



贈程生起一五嶽真形圖

圖從太上傳來久五嶽真形玉削成佩去豹囊  
生紫氣重如巾笈授青城遠遊何處招禽慶厭  
世知君學向平萬里凌風先二室好尋吾祖聽  
吹笙

萬曆戊寅元日登八仙臺喜姪士龍學易  
相從

里俗登高當九日寧如乘興在元朝穿雲傲坐  
仙人掌架漢疑臨織女橋長嘯正酣椒柏酒飛

卷四

三六

聲無惜鳳皇簫松間謀結燒丹室問爾相從可  
待招

訪燕人宋惟上酒家

訪君長揖酒壚邊短褐孤遊路幾千貧有五陵  
驕氣在彈無一劍蒯緱縣久因避難留吳越誰  
識藏名混市廛老我相看歌感慨一文羞澁錦  
囊錢

寄歐八山寶慶

相逢三月十千觴豈是尋常結客場辭省一從

馳五馬浮槎何處遡三湘循良漢代留應久感  
慨燕歌忍易忘郡有丹砂予願乞金函試鍊九  
還方

訪伯玉汪司馬問病

初秋微雨濕炎蒸抱病城東問所親玉露金莖  
雖待賜黥山石髓且宜人乞文門外難辭客賣  
藥壺中少入神司馬逃禪叅上乘超然勿累幻  
爲真

渙梁留別姚氏諸君

卷四

三七

姚家草閣遠塵囂一月留人暑漸消南望宣平  
鍊丹竈東鄰太白望仙橋十林僧寺藏鐘磬一  
道漁梁瀉海潮郭外多憐幽事集往來何用待  
招邀

登宛溪梅叅政天逸閣

滇池解綬賦歸田一閣高栖碧漢邊雖謂莊周  
知佚老從來梅福是真仙俯觀終日憐塵世燕  
坐何心草太玄誰意梗枻逃匠氏託爲樗櫟保  
天年

春夜定光寺對月喜雪

石鼎僧烹雁宕茶，敝裘寒重借袈裟。鳴鐘正對  
初弦月，說法還驚亂雨花。白玉京藏仙客榻，黃  
金地變梵王家。肯隨塵世春宵夢，洗卻恒河不  
盡沙。

城東逢吳虎臣

隔歲秦淮繫所思，聞君酒戒病因持。城東猶見  
當爐飲，道上如前荷鍾隨。黑髮全忘霜信早，青  
錢已別醉鄉遲。獨醒結伴王潭叟，休逐酣歌市

八卷四

三六

上兒

予爲百歲曲，自壽余食其手。寫鐫石印寄

賦謝

一曲花前酒一觴，百年自壽快伴狂。誰傳片石  
今高價，何用名山別有藏。老我中原勞舊拍，逢  
君南國亦當場。王家不道蘭亭帖，多賣青錢寄  
草堂。

南原招崔亭

明時老大始栖隱，入山有崔懽相逢茶煙出戶

驚爾避石鼎，鍊藥招余從新交。世外共斗粟，舊  
巢雲表辭孤松。終欲聞笙訪緱嶺，命駕無勞鞭  
赤龍。

南原寄珂上人講經肇林

久慚白髮塵當避，近喜青山借作家。交謝獨容  
巢上崔，渴消賴藝谷中茶。談經早罷千人座，訪  
隱來尋九曲霞。春采蕨薇堪作供，松門竹逕候  
袈裟。

戲贈少妓

八卷四

三九

少妓聲名出教坊，春風十五競新粧。花前雲髻  
盤還墮，鏡裏蛾眉画未長。雙調乍聞鶯似媚，錦  
筵謾理雁成行。何時一向興奴問，要使知音肯  
斷腸。

寄友人李臨淮園中雙崔

相逢池上似依依，一落樊籠恨未歸。自識仙人  
當並駕，非同鷗鳥爲忘機。夢勞海上三山覓，翻  
待雲中萬里飛。老漸絕交君可託，瑤函寧忍寄  
音稀。

訪朱仲深酒家不遇

樓前不見繫驕馬樓頭惟聽啼寒鳥我來咲問  
當壚婦何處招尋舊酒徒呼盧說劍別已久雪  
片梅花歲欲徂挂錢甌盡且歸去明日囊中知  
有無

元日潼關副使朱明虹使至

故里豈稀金紫貴結交意氣不如君先春遠命  
秦關使垂老徒瞻華嶽雲違俗偏憐狂士合窮  
愁還慰俸錢分即呼里社諸年少盡散壚頭日

八卷四

四

一醺

寄副使劉念菴燕都

已甘懶漫時人棄擬易無心草太玄濁酒自醒  
燕市後尺書未見應門傳消愁常憶鵬絃調入  
夢難忘樂府篇舊日蛾眉知己老黃金重費教  
嬋娟

上巳獨酌有懷唐啓潛

歡君往臘曾余約今已三春大半過上巳積陰  
啼鳥斷茂林寒雨落花多欲臨曲水承家世安

得羣賢集永和綠酒敢虛酬令節蘭亭東望一  
酣歌

寄許穎陽宗伯乞度牒

草賦徒然老大鄣任情還與世相妨懷中久滅  
投人刺到處都忘結客場五嶽尋仙愁道遠雙  
林事佛託名藏

明時戴髮王摩詰僧牒求君待豹囊

燕邑市上招同鄉七子入酒社

經過避后諸年少知覓佯狂舊酒徒漫爾一時

八卷四

四

傳雅社惟容三日醉當壚藏名白髮傷詞賦窮  
路黃金典湛盧謝氏青山雲外近謫仙東望易  
長呼

臨淮李侯座上看古佛貝葉經有作

燕市南歸越十年相逢今復解逃禪燕顏東土  
金身久大藏西方貝葉傳主客即如開白社樓  
臺還欲起青蓮世人不易招摩詰證法常容訪  
謫仙

過冶城宮有懷王沈二鍊師

九曲朱廊隔世氛冶城每過每思君棋枰猶託  
青松石丹竈常生白晝雲海上定騎雙雀去人  
間早寄一書聞問知弟子遺瑤匣試啓元符太  
上文

金陵留別張治卿鄭天民歐惟禮齊仲望  
陳士延胡汝吉陳季強新交七子

都門知己凋零盡每一經過一黯然頓沒忽淹  
三月醉風流誰意七君賢非同結客黃金世最  
幸新交白髮年把手易投肝膽向寄書常望石

城邊

爲歌妓徐翩翩賦得紅葉小箋

錦牋薛氏何須覓今讓徐家片葉秋纖手染如  
紅頰潤深宮落比御溝流憐將蘭麝分長袖恨  
未鴛鴦画竝頭多少五陵遊冶子題詩偏寄老  
王猷

楊卿卿席上醉後賦贈

自昔

武皇巡幸後冠年結客滿都城漸稀粉黛羣花

艷誰按金元樂府聲燕子敢懷逢盼盼紅兒何  
復見卿卿錦纏散盡頭今白猶識周郎一顧名  
訪張海方臥病洞神宮

昔游甌海何相失今遇秦淮一偶然抱病久依  
仙院榻懷鄉多賦雁山篇常過門外乘軒客貧  
散囊中買藥錢且匣佩腰長劍返風塵休藉世  
情憐

秦淮道上過邀笛閣有懷陳子野明府

白頭交道咲如新建業相看爾獨親遺迹六朝

遊是伴素心千里託爲鄰從前草賦今高價此  
後逃禪始出塵無待聞聲邀笛步秦淮來往總  
傷神

寄江念所侍御燕京

長干寺裏久逃禪一柶權聞北去燕爲信使君  
能氣合故令狂客有書傳埋輪已在都亭下簪  
筆常趨

衣座前南北今時多倚賴避人疏草日翩翩

早春雪後送吳子善之淮南

暫繫雲帆雪後天載將書劍興翩翩灘頭七夕  
銀河瀉岸曲千峯玉壘連蘇家堤柳綠已染館  
娃宮菴紅欲然淮南一路春光好肯惜隨場買  
醉錢

戚都護由薊門移鎮東海書約汪司馬睦  
州附寄三首

九邊牙帳防宜北五嶺樓船路復東何事營門  
新

命下愈懷緋王賜恩隆倭奴海上曾題柱胡

八卷四

四四

虜雲中待策功十萬募兵須訓練誰陳一疏逐  
元戎

十年幕府三屯口報絕胡塵近塞飛遞信犬羊

燕北遁遂令頗牧海東歸威聲坐匣新龍劍霜

色時看舊錢衣百越嘯歌今暫戲封侯白首勿

忘機

桐江聞暫緩旌旗釣石祠前酌酒卮片席欲隨

司馬後尺書未與酒人期塞垣禮數君常念布

褐疎狂世所疑吳越平生燕趙氣中藏惟許自

能知

得塞叅政理菴寄書賦謝

青雲多得託交親稀見如君意氣真廉吏何持  
文綺贈感君自愧綿袍人平生任俠風徒在老  
去飛霜鬢漸新鄣郡重過中執法能忘折節白  
綸巾

寄陳五嶽再官蜀中

古云蜀道難爲最劍閣重過興不忘風俗淳宜  
文吏隱山川奇是洞天鄉相如橋西失酒肆杜

八卷四

四五

甫潭邊尚草堂誰識前身爲尹喜仙宮知爾遇

青羊

除夜有懷倪廣文

除夕山村欲雪天衡門稚子咲喧然傲時轉覺  
披裘貴守歲無勞短髮憐座上椒盤雖有頌朝  
來柏酒那如泉廣文絳帳誰同醉作令應餘舊  
俸錢

歲除前三日喜得孫尚林端峯寄書

潭園垂老謝高車驚誦瑤篇寄歲除燕市難忘

斟斗酒海門尚爲附雙魚平生一任青雲薄意  
氣無令白眼踈西約大鄣懼已近可能一過草  
玄廬

醉賦寄酒伴唐功伯潘隱玄程士元

老尚羸豪無奈貧典將書劍學謀身當壚何用  
王孫女草賦甘隨滌器人貴許信陵來執轡屠  
尋朱亥去爲鄰讓逢狗監相如幸游獵徒工笑  
不辰

賜谷方京兆招飲舟中爲陪諸大夫賀壽

之燕時在南原賦詩答謝

王潭蘭渚幽相似画舫雕窗集上賓花鳥正逢  
修模日絃歌好燕降生辰賦詩爭飲流觴醉折  
簡徒招短褐人謾學耆英重結社

明廷定起舊經綸

留別璫溪竹林社

白頭漸已甘時棄亦自佯狂厭所從何獨偏招  
七子社今來惟得五君逢百年幾佳人間世一  
別常期竹下蹤買隱南原歸欲速相思爲有雀

巢松

暮春懷燕

社酒方醒春欲歸終朝海國望烏衣鶯催花落  
難傳信巢過泥香未見飛繡戶金張疑有託舊  
時王謝願休違窮居白首甘寥寂交結平生况  
漸稀

板橋留別楊氏兄弟

君家谷口開何代萬疊山連白嶽西雞犬相聞  
同入隱桑麻一望各分栖百盤澗水雲常護十

卷四

望

里松陰路欲迷臨別仙查聞有塢難忘携酒再  
攀躋

荅雅堂汪戶部寄遂園詩

高軒尚寄城中迹別業真同郭外幽拙宦遂辭  
金馬早購書盡散俸錢留雙扉忽報來新詠三  
徑難忘憶舊游鄭許雲封丹竈近願君還起望  
仙樓

僻俗世疎狂垂老得交親  
壺觴忍負登高節藥餌愁當抱病身  
吟咏知君非寂寞時時酬和有東鄰

東鄰海棠

春仲春晴作伴遊何須叢桂足攀留  
笑圍紅粉三千妓高疊丹霞十二樓  
絕艷深迷蝴蝶夢殘香謾聽杜鵑愁  
錦囊無計青錢滿日日相看醉不休

登仁卿敬玄樓望白嶽

樓登百尺興翩翩西望芙蓉翠接連  
白雉常招天柱上紫霄低護玉臺邊  
與君期結吹笙社待我先尋洗藥泉  
仙訣世遺瑤匣在長生能獨悟玄玄

五言絕句

初春送喜上人歸金陵長干寺

山中方度歲即念返都城不信禪心寂  
春風吹又生

渙陽送劉本通還燕市

羞澁錦囊空解贈佩刀別雪刃飛寒光  
如何照人熱

王潭十首

余別業村西王潭上去家不一里有黃

卷四

四十九

崔菴巢雪樓王家渡馬砦三溪口修竹  
垣浮丘臺藥畦問渙亭古楊林岸地五  
畝餘乃鄰邑休陽廡吏林君騰蛟分俸  
爲買之王潭不愧輞川流風各賦五言  
絕句一首恨無裴迪同賦焉

黃崔菴

潭東五畝園夢騎黃崔至廡吏分俸錢  
菩薩開初地

巢雪樓

潭園梨花開樓居如巢雪長呼俗世人登樓洗  
煩熱

王家渡

雙流夾官灘古人爭渡處今日無橫舟煙波自  
來去

馬砦

砦上鳥巢松砦下魚游水魚鳥來親人世交那  
足比

三溪口

卷四

五

三溪出三源齊爭飛匹練千頃合王潭一片玻  
璃面

修竹垣

無錢築百堵種竹疎籬間琅玕多十萬隱在青

城山

浮丘臺

浮丘北面近常禮紫雲間欲乞軒皇鼎移來鍊  
九還

藥畦

草賦不逢時靈藥種成畝得錢代躬耕無之服  
食壽

問渙亭

每命潭上渙異鱗試一剖腹中有兵鈴持問王  
潭叟

古楊林岸

楊林曲曲岸眼見伐爲薪手種復千樹鷗來記  
舊鄰

大梁青樓行五首

卷四

五

梁園別來久青樓訪已忘行人指碧草一片照  
斜陽

爲雨爲雲處襄王空復來休言見神女况已失

陽臺

鳥聲尚傳歌柳條猶學舞不見歌舞人誰識相

思苦

一步一腸結躊躇草色間拾得寶釵折知誰挿  
翠鬟

演樂亭獨存數株伴衰柳白頭老官奴時來莫



神酒

遊朱俊父上陽七首

余初赴朱俊父上陽之約其遊止處雖甚多而快余賞心者惟詠七首

遵晦園

君非尚玄草而廼守黑意爲式亦須忘何有問奇字

留印堂

印甘終朔漠生幸入關門白首同蘇節黃金重

卷四

五

漢恩

問樵閣

草閣依白雲斧斤日來去好問城陽山許仙舊樵處

洗心處

青山疊雲波覽此心可洗消俗賴幽真何須泉瀾瀾

餐霞嶼

孤嶼臨清流片片落霞赤餐之可求年何須煮

白石

漱石洞

洞天靈氣藏白石玉堪比礪齒戲寓言枕流足洗耳

尋梅逕

梅花谷口逕疑訪孤山陽君宜還買霍清喚入寒香

卷四

五

六言絕句

臥病三首

一月絕交鄰舍終朝不識衣冠山妻尚憂塵甑  
稚子只勸加餐

清嘯常依一榻微吟試杖雙童夢絕不隨化蝶  
身輕正宜御風

自分窮居蓬滿休言多病交疎老夫漸諳藥性  
世家元秘方書

過吳次魯黃源止耕堂四首

卷四

辛酉

朱塘今爲別業黃源舊是幽栖躬耕足怡諷讀  
荒田無事表題


分封素封何羨一巢一壺可容願學擊壤者子  
敢懷石戶之農

租吏不憂過里場功惟祈報秋長歌伐檀抱犢  
得免拾穗披裘

在古君直桀溺于今我亦長沮耦耕欲依鄰舍  
空囊難買菑畬

南原釣石二首

面面雪飛流水片片錦落晴霞誰識南原茶隱  
只疑西塞漁家  
朝來常期雙宿夜宿惟許群鷗一石要令價重  
萬戶不羨封侯



七言絕句

湘姬曲

繡帶桃衫翡翠裙  
年年江上號湘君  
輕盈常恐隨風去  
化作巫山十二雲

彭城訪燕子樓

彭城陌上落花塵  
燕子樓空碧草春  
紅粉終身懷舊主  
不知門客有何人

千金亭

鴻毛容易千金報  
岱嶽難忘一飯恩  
不信淮陰

卷四

平六

無好義獨令漂母識王孫

賦方生子瞻雙劍

匣裏雌雄歲月深  
提來陡覺氣陰陰  
竝看雪刃明如鏡  
照見平生烈士心

贈程錦衣二首

錦衣公子百夫雄  
驅馬驕嘶臂兩弓  
出郭常來原上立  
排空不敢過飛鴻  
懷裏弓彎滿月秋  
錦弦聲倒一星流  
等閒莫試穿楊手  
留取沙場萬戶侯

荅金在衡訊歸

秣陵官樹葉初飛  
客路何人爲授衣  
我亦驚秋同海燕  
故鄉端在社前歸

贈鄰人程鎮伴弟從軍南海

滿眼提壺餞爾行  
相看盡是世交情  
遙隨瘴海三千里  
獨有蚪髯是姓程

金陵送元蠡遊揚州

正好秦淮醉玉缸  
淮南山色隔春江  
知君更有吹簫興  
月下銀橋十二雙

卷四

五十七

黃山白龍潭上醉後戲贈張通政寰

貪游海嶽不停時  
仙吏前身世莫知  
曾事穆王隨八駿  
歌聽黃竹讌瑤池

方生子瞻出美人童銀兒彈丸戲贈二首

送郎挾彈出平康  
手作金丸賽夜光  
若過橫塘秋水上  
莫教容易打鴛鴦

知郎最愛打流鶯  
香彈殷勤贈遠行  
休把錦弦輕賭米  
千金須重掌中情

寄馬元孚

避后臨安意氣真別來音問斷風塵當初暗憶  
疑還恨只是隨場暫許人

蘇園席上聞吳學歌有懷主人蘇君敏

舊時賓客復經過見爾還令勸酒歌歌罷玉觴  
愁不飲花前雙調怨聲多

金陵送朱子价禮部出守江州五首

君異樂天司馬謫匡廬秀色久縣情挂帆漸近  
分風口先有雲中五老迎

陶潛李白遺踪在絕代風流吊可嗟還問蘇航

八卷四

五十八

狎舉處新聞詞客好丹砂

東林有寺對西林相續雙林起梵音結社無僧  
懷惠遠空山獨往悟禪心

白家菡萏香久歇荒池官舍尚清輝鄉園芍藥  
須携種遺得朱家金帶圍

曾令烏程鄰顧渚邑人歲寄早春茶西行帶得  
仙人掌去就湯泉煮王華

燕子圖

菴花柳葉映清溪絕勝朱門繡幕低柳亦可巢

菴可壘画梁何事傍人栖

秋夜同童侍御方承天劉秀才過莫氏禪

居四首

依舊青樓四作鄰小庭別樣佛家春香煙燭影  
銷魂處要認紅顏果法身

短衲菴花繡舞裳改成補出線千行鶯鶯零落  
紅全褪猶帶熏籠舊麝香

秋夜跣跌入定還有人證法扣禪關新蟾低戶  
偷相照誤闌蛾眉八字彎

八卷四

五十九

瑤函貝葉墨光青手寫金剛一卷經肯乞南州  
詞客去勝將佳帖榻蘭亭

徐大夫子與席上看寶刀

徐家七首留傳久新買蠻刀百寶粧醉後王郎  
歌砍地一時四座冷飛霜

童侍御仲良席上贈歌妓周碧雲四首

紅裙忽見暗驚猜一朵名花座上開信是西施  
重在越若耶昨夜渡江來

帶咲梨花一面粧嬌痴最好斷人腸妬他有客

能憐取識得紅兒果是狂

青樓楚靚再逢難何幸周韶一借看倘仗使君  
能落籍隴山飛去未春殘

魏紫姚黃開及時名家春賞闢新詞教坊一日  
歌傳遍鼓子花心獨恨誰

乞汪仲樂弓

家住南山狐兔中烹腥醉酒待強弓錦弦象玳  
瑁教贈淮水當年射獵雄

過程師道新買青山

卷四

李

他年埋玉此煙霞買得青山似謝家黃壤若教  
逢紀叟不愁無酒與君賒

寄許元復乞篆刻風塵俠氣海嶽仙蹤八  
字

無分 明時爲

帝臣今遊五嶽作鸞賓乞君八字丹文佩常印

飛霞寄世人

醉中戲贈友人

世人相見藏肝膽憤俗年來絕世人今日剖將

肝膽換英雄七尺本同身

遣使雲間便寄莊玄育

風塵飄泊寄相聞想入燕山萬里雲只恐無書  
君未發何妨書到不逢君

訪廬上人黑菴

山門留得蒲團位不共凡僧常住心寶地雲廊  
嬾是累讓將大衆作叢林

美人攤錢圖爲飛卿賦

錢聲散落雁行彎滿意金珠只等閒賭出真心

卷四

李

胸雪裏蛾眉到死不教還

客路喜逢劉汝賢

半生未稱揮金意窮路交游每別難尚愧綈袍  
無以贈似知范叔不知寒

與明上人步潭上園

潭邊新買栽桑地雲水今爲先到僧黃雀草菴  
謀早結一僧一到一傳燈

廣良上人還金陵託持一詩尋道士吳志

在石子岡墳上焚之

少年道士棄人間爲我尋墳石子山佛法無生  
師苦祝莫教化霍再飛還

程起一東歸來別長干寺

來借僧居斷酒緣  
酣歌爲爾費青錢  
百文湏重貧交意  
傾盡平生向佛前

謝楊工部送酒錢

書劍都門自咲貧  
風流水部獨情親  
酒錢日向壚頭散  
偏醉相逢失意人

舟過陸州謝鄉人余五郎送酒

八卷四

李一

新醪香艷石榴花  
贈得雙尊不用賒  
爲謝客愁消得盡  
殘年一路醉還家

維揚送吳秉之還家

同來作客爾先還  
唱送清尊綠水灣  
記得隋家多舊事  
維揚猶有未登山

謝都諫周汝言送酒錢

俗世黃金只等閒  
俸錢廉吏贈尤難  
西遊不買館途酒  
囊裏常留意氣看

飛英塔謝松上人齋供

重續空門一飯緣  
寒林斜日照爐煙  
塵蹤自愧高僧記  
悟法聞鐘話往年

送明源上人往住孤山兼呈社中諸友

高僧招得住孤山  
梅萼留人定不還  
早買湖田供一鉢  
莫教行乞到人間

吳興留別孫從周之武林

強持綠酒醉蘇灣  
別後相思不暫閒  
客路殘年無幾日  
孤山社裏寄書還

偕張太初画師過西湖戲示舟人

八卷四

六十三

不是常游舊酒徒  
片雲遙禮渡西湖  
虎頭載得靈峯去  
爲榻黃梅五祖圖

吳充之席上

蛾眉新月挂簾西  
瑪瑙杯中影易低  
不爲紅裙能勸酒  
傾心交結醉如泥

天台郭逸人來訪

入塵野雀自超羣  
衣上天台幾片雲  
十年舊與雲相識  
欲乞山齋一半分

謝壯士梁大文憲贈小刀

拂拭霜鋒血尚存青蛇鱗上赤花痕當年不識  
何人佩曾殺讐家報主恩

寄定之方方伯

自爾鳴珂躍馬時愧將干謁託相知空持貧賤  
驕人氣不是青雲負舊期

送伯玉汪中丞赴鄖陽四首

六月奇峯照火雲前旌隊隊引黃裙襄陽父老  
迎遊道爭認神明舊使君

鑿方諸路烽煙息坐鎮無勞事鼓鼙閒擬鐃歌

卷四

六十四

傳境上無人更唱白銅鑼

轅門懷刺舊常通海內爭趨愛士風長揖休輕  
容滿座今時誰是布衣雄

家園初施肇林緣且報

君恩別梵筵早晚功成封萬戶賜金再買飯僧

田

再送象安北遊

遊人北去雁南翔上馬還留勸一觴到日黃金  
臺畔路寄將雙淚哭昭王

臥病武林寄冶城沈道士

新秋臥病滄江曲寄爾魚書強自題書去可憐  
身未去片心先挂

帝城西

宿沈仙洞懷碧崑真完老衲

寒夜孤僧住翠微無林廢寺鳥還稀多情惟有  
湖東月轉經穿窻照衲衣

友人孫山甫索草金元樂府

翻出梁州足擅場知音今爲寄周郎四絃早按

卷四

六十五

琵琶拍莫遣先傳落教坊

西湖過孤山林逋祠有感

湖上貪幽割據心朱門不惜費黃金縱然買斷  
煙霞色無奈孤山只姓林

別徐伯臣

伯臣餞我九芝園亭臨別牽衣誇余碧  
眼紫髯有道風期他日有遇必如王方

平訪蔡經吳中故事丁寧切勿忘也戲

賦謝之

誇余碧眼紫髯翁定爲方平接道風  
湏念蔡經他日訪麻姑作伴過吳中

送詹玄象訪舊之魯二首

少年作賦未逢時肝膽鄉人欲向誰  
知已翻尋千里外馬頭東去淚如絲  
半生江海路漫漫白首田文一見難  
寶鉞防身湏自惜休教容易向人彈

詠檀板二首

千錢買得稱閒身自按梁州唱早春  
一曲花前

八卷四

六十六

花莫咲知音還屬白頭人

青樓結客倚紅粧檀板酣歌十萬場  
不是黃金隨意散今朝悔殺髻如霜

寒食東山拜祥師墓塔

寒食東風吹柳綿雨餘墓草綠生煙  
若教百歲常爲王來杖諸孫挂塔錢

戲呈友人

誤信青雲易致身千場行樂縱家貧  
白頭尚有繁華興往事常誇說向人

送大兒讀書山中四首

弱冠始出里巷居一車高載家藏書  
青紫偶然亦易取待乘便風湏挿羽

汝能擊劍還彎弧好武無用非良圖  
丈夫當究霸王術且飽藜羹向鼎室

黃金空囊難學賈扶犁負薪力作苦  
爲儒縱使身終窮猶可長揖驕王公

汝父違時甘隱早白首徒然憤枯稿  
斬蛟射虎湏奮身勿學汝父佯狂人

八卷四

七

大梁却寄寧陵李明府

臨別牽衣不盡情命馳一騎伴西行  
使君爲報寬相慰梁苑王孫舊識名

留別西亭王二首

塵滿青衫佩蒯綬王孫折簡肯先投  
自嗤匹馬西行早恨未酣歌十日留

骭髒風塵一布衣北遊不是未忘機  
舊交喜借將軍約看遍黃雲塞上歸

留別貝山賈戶部二首



臨行上馬爲君留三日開筵醉不休聽盡中原  
新樂府教坊誰譜入笙篴

黃河北渡指胡天半醉辭君揖馬鞭誰識新交  
多意氣帶將感激過幽燕

潘家口墩樓望月

月從遼海渡灤河漸見清光入塞多南國戍夫  
愁不寐吳歛夜半雜燕歌

送伯玉汪司馬巡邊六首

畏路年來倦策勲辭恩兩乞故山雲不緣

卷四

李

聖主留司馬東去何人可代君

防守猶看要害多旌麾東去渡灤河知君按轡  
從頭歷豈比褰帷只漫過

片片寒雲引去旌滿朝爭送使君行良家新部  
橫戈望都護臨關負弩迎

行邊久待出羣才胡部先聲膽已摧近塞名王  
秋獵戲彎弓北向一齊回

山海關頭臘雪殘定因椒酒緩征鞍莫容戍卒  
吹羌笛隴上梅花好奈看

金宮移帳早春天疆土黃龍北盡邊三汭河頭  
東望近揚鞭馬上問朝鮮

燕市逢沈小霞

燕市壚頭醉濁醪結交誰許識吾曹儒生喜爾  
讐能報腰下猶藏舊佩刀

燕市仲冬望日留酌毛平仲

一日相逢一舉觴貧交君莫嘆空囊先歸只計  
元宵後拚取青錢六十塲

燕京留別程汝秀伯仲二首

卷四

李九

長劍酣歌燕市塵君家兄弟獨相親知余白眼  
佯狂者不是公卿乞薦人

臨別攀留十日餘揚鞭上馬復躊躇北歸正遇  
淮南雁一雁相逢一寄書

彭城寒食吊范增墓

留侯祠前遊人多亞父塚上牛羊過世情往事  
尚冷暖笑殺眼前將奈何

送汪仲淹遊燕二首

黃河北渡正冰消塞雁還鄉共路遙到處中原

遺跡在英雄  
醉酒好須招

英雄四海舊交親  
燕市重逢及暮春  
到日定爲終日飲  
可能使酒向平津

真州贈楊鏡

平生無論舊交親  
入眼偏憐失意人  
世路黃金多誤散  
朱門爭結賤於塵

有感

相依似見投肝膽  
過眼浮雲變不同  
醉酒何勞歌慷慨  
世情常是負英雄

卷四

七十

與太真夜飲酒家

與君交結髮俱蒼  
每過爐頭即舉觴  
讓且時人爭得意  
不平託向醉中忘

寄張晉陽戶部彭城

曾吊彭城亞父墳  
荒涼好爲立碑文  
英雄地下魂猶在  
定識懷恩報使君

寄方景武薊門二首

難忘尊酒餞臨行  
雙解吳鉤脫贈輕  
匣裏霜花常拂拭  
時時要見結交情

鶯花日日憶江東  
策馬歸來塞上翁  
草檄十年都護府  
沙場讓爾丈夫雄

寄楊參將太平寨

紫頰虬髯八尺軀  
胡兒傳得姓名知  
如君定佩封侯印  
謾自低眉說數奇

寄維揚友人終江匡

有人北去遊梁宋  
半道題書寄所知  
散盡黃金憐俠氣  
還教結客似前時

寄劉念菴副使

卷四

七十一

昔逢燕市感新知  
別贈金元樂府詞  
每按琵琶歌醉酒  
花前字字繫相思

荅舊令可山熊公寄書二首

白壁黃金不當恩  
獨將國士許王孫  
徒令老去懷知己  
彈劍悲歌望薊門

少年司馬抱才奇  
小邑曾勞保障時  
今日山南猶伏禍  
當關誰問鎮南碑

寄歐陽禎伯國子二首

萬里神交二十霜  
爲儒任俠識王郎  
如何過郡

忘相問浪說生平結客場

匹馬鄣鄉去後知未能斗酒緩臨岐少年十日  
如泥醉漫把肝腸託向誰

武林送石汀殷司徒北上四首

司徒方見遷司馬即詔南曹轉北燕不獨籌邊  
軍餉急賢良要侍

聖人前

餉道彭城演亂流司徒北去抱深憂西來大陸  
原爲禍萬里河源孰解求

八卷四

七十一

劉遼曾出黃雲外防戍深憐塞上情賞縱將軍  
能養士漢家因可倚長城

飢思飈去飽能呼養士調鷹隼所圖要使酬恩  
爭奮死陰山從此却強胡

誤信

誤信今人有古人輕將肝膽託相親到今雙耳  
思猶熱愧殺平生烈士身

胡兒貢馬圖

玉花八尺見龍孫遠別胡天入薊門今日中原

稀伯樂悲嘶何處遇人恩

過休陽訪查八十不過二首

菴李山城未落花懷君來訪聽琵琶定隨年少  
青錢伴何處妖姬賣酒家

年來匹馬走燕雲聽盡琵琶盡讓君白髮紫檀  
湏自惜稀教彈與世人聞

送李文仲遊燕二首

茗雪君休戀故鄉北遊早控紫絲韁如今燕趙  
雖非舊終是英雄結客場

八卷四

七十一

愛士燕臺風尚存休輕彈鋏向王門乾坤七尺  
身須重不是真知不受恩

見程太真家奴黎罔

倭奴五百犯鄣山匹馬彎弓伴往還今日相逢  
俱白髮亂離回首十年間

三關五首呈郡守徐公

新都自昔稱雄郡財賦東南賴此間忽報妖氛  
生境上一夫未見敢當關

按險先披掌上圖命予邑令伴前驅三關三嶺

連形勢因識狂生非腐儒

嶺頭探馬報常通嶺麓屯兵據險雄一道前垣  
堪制敵百夫伏弩可言功

郡爲三輔東鄰浙達識常憂受禍先翻怪閭閻  
稀赴義一時爭避募關錢

華夷分界賴長城草檄曾隨大將營須識三關  
功不細從今却虜振先聲

得沈君典燕京寄書賦荅七首

白髮知予氣尚豪傾心不是世情交若令得志

書遲寄定爲王郎一解嘲

君許今時報

主身爲儒經畧久藏珍誰知江左無雙士只道

青雲第一人

讀罷書來字幾行壽君北望醉千觴可能常念

伴狂者空老英雄臥大鄣

聖朝此日急防胡策士真才敢道無馬上親求

關隘險知君非按掌中圖

都市今來多布衣知君不惜借餘輝徒驚座上

縣河口燕趙猶然烈士稀

難忘萬里看黃雲燕市先時一約君賦草九邊  
輕萬戶狂生借此是奇勲

亂王流水春仲天南來早望潞河船飲酣十日  
難容汝太史多留賣賦錢

孫家溪上亭醉別從儒二首

來逢渙父送鮮鱗留客溪亭勸酒頻架上醉調  
鸚鵡語主家慣使解留賓

醉酒蘭舟東下遲絃歌相送日斜時黃鍾歇拍

梁州起盡是王郎樂府詞

城東逢金華金逸人

黃山白嶽暫栖遲避后城東似有期惟爾金華

仙洞客知予原是牧羊兒

送郡守徐公北上四首

新都山水名畿輔臥治于今兩越霜吏畏民懷  
歌頌起重誇朱李在南陽

閩越么麼氣尚驕循良兼賴是嫖姚雲中早築

三關險鄰禍山南積漸消

北渡天寒揚子津安宜縣裏雪霜新舊時賢令  
遺恩在定有壺漿擁道人

北征五馬問青袍願逐長驅伴佩刀漢代少卿  
辭渤海王生當日是功曹

劍詩二首呈邑侯李公劍乃海上將軍所  
贈

將軍海上滅烽煙一劍還隨尺札傳北去我侯  
提作伴白頭羞與敝裘縣

三尺青鱗紫電秋酣歌別去莫遲留功成七寶

卷四

主

粧成匣肯念狂生舊蒯侯

謝許小野畢南泉贈南原茶

玉泉乳洞移來種知贈高陽舊酒徒愛殺枝枝

仙掌碧何須搔背借麻姑

汪司馬席上寄五嶽陳副使維揚二首

司馬筵中醉酒觴聞君有使入鄣鄉青雲終與

青衫隔何惜音書寄一行

維揚開府棠陰舊日賦新詩醉一尊好問荒亭

憐漂母無勞灑酒酌王孫

寄余子化

一別風塵二十年書來肝膽尚如前白頭按劍  
相疑者握手時時笑枉然

士元孟津歸道楊秀才寄問醉後三首

與君一別已經春路自梁園過孟津道有神交  
曾一問欲將意氣託相親

平生把臂真知寡孤抱徒然鬢已皤偏苦神交  
難識面一聞擊劍便悲歌

衰年二室難忘興匹馬黃河北渡來定過孟津

卷四

主

酣十日王家歇崔有高臺

送郡守徐公之山東副使三首

三年兩召得登堂禮法能容侍座傍惟願著書

藏谷口敢言桃李託門牆

相馬鹽車感已深別遺廉吏俸餘金壺觴不逐

隨場送獨許難忘烈士心

石梁醉別禹王宮齊魯翩翩四牡東作賦先登

華不注郢中屈宋有流風

悼亡詩二首爲余德音賦

一時對面即相捐舊愛從前已枉然淚眼爲含  
身後恨人間肯許念黃泉

苔碑綠宇冷松門錦帶珠鈿舊物存鎖篋莫教  
容易散蛾眉尚有未消魂

釋氏大海古銅章二首

邑上律寺僧廣恩別有法名大海方元  
素得古銅章乃釋氏大海四字元素驚  
訝曰此大海往生所受持耶遂施大海  
大海如獲寶珠來乞余詩代謝曰斯事

卷四

辛八

非先生孰能遺斯公案傳後來耶遂爲

賦詩二首

出世靈文豈偶然後身笑爾昧前緣寶珠並繫  
袈裟上心印翻逢長者傳

律僧不改從來習詞客寧非共社人字等金剛  
多劫在潭園居士悟雙因

性上人辨白蓮寺遠遊賦詩二首留之

古寺從來種白蓮山門百尺挂飛泉袈裟何用  
尋遊遠福地留栖好悟禪

白蓮瀑布忍相忘何事他遊覓道場若使真如  
無住着此身徒自在西方

謝許子田贈刀

刀鏤菴花血尚新咲君何贈白頭人誰期市上  
忘年友獨識平生烈士身

死交篇留別沈君典太史十首

余與君典交惟十年君典即以古道信  
余入燕期余送別不意一見永訣遂賦  
詩十首大哭而去十年之交盡見於詩

卷四

七九

也

知余塞上返真州建業君因十日留識面託交  
雞狗祝相期無讓范張流

相逢即與過當壚豪飲慚非舊酒徒無用呼盧  
爭賭醉防胡只問九邊圖

肝膽平生一見投笑人空老敝貂裘袖中何用  
三都賦塞上遲封萬戶侯

菴葉河邊十萬觴期余歸路過陵陽登堂三日  
留人住說盡平生結客場

黃金任俠賤于塵別後聞君自笑貧一日青雲  
居最上題書先寄灌園人

早陳一疏乞南歸謝眺城中臥翠微當路有人  
催北上藏名無許遂初衣

黃山白嶽興翩翩信宿王潭醉酒眠余正南原  
謀學隱臨行許寄買山錢

平生徒哭無雙淚白眼惟持一片心遂破瑤琴  
歌絕調黃泉從此隔知音

新都君素多交結俱負今時任俠徒永訣相看  
不卷四

歌執手白頭惟見一王符

十日淹留不盡哀秣陵西去幾徘徊秋風會葬  
千人後待我東騎白馬來

送鮑正卿萬里遊二首

招君正結青蓮社仗劍來辭萬里游海內遍能  
攀五岳丹臺得載列仙流

往來萬里游非遠人世塵踪未暫停福地洞天  
誰一訪好奇空費按圖經

寄金陵少妓楊卿卿徐翩翩燕問燕子樓

老妓趙燕如

菴葉菴根古渡頭中原樂府變吳謳教坊舊譜  
憐誰在白髮蛾眉燕子樓

石斗詩贈吳從吾

維揚君久住爲家石斗持歸向客誇二十四橋  
常醉月玉簫聲裏夢瓊花

蕪湖逢遼陽友人

相逢把臂即相忘醉酒高歌各自狂碣石盧龍  
曾出塞當年恨不遇遼陽

八卷四

寄楊鏡揚州

年來世事多堪笑意氣全稀結客場李白黃金  
三十萬不逢今日散維揚

寄黃君松陵三首

君黃宗師子也余受知宗師最深其時

君尚幼今聞入燕京太學寄此三首使

知尚有感激門人也

夫子才名擅八閩乘驄校士得才真南都自昔

稱多士誇道門牆第一人

校書三載侍留都禮數憐才近代無時一爲余  
傷失意持觴擊節醉長呼

白頭寧忍忘知己宿草還圖哭海門感激徒多  
燕趙氣此生無計報君恩

送空明遊華亭寄張月庵

霍啖華亭東海遙故人別後盡消條著書尚喜  
張衡在僧去題書寄雁橋

金陵張壺梁飲餞妓家賦別二首

來訪長干一見親半生無奈隔風塵吳門予亦

八卷四

八十二

多交結稀見如君意氣人

老來何幸託交惟世路傾心自古難把手敝裘  
還後約知予不作衆人看

璫上贈金少孺二首

相看不是魯諸生好取英雄世上名燕趙縱無  
供執轡定知倒屣爲君迎

何事遲留老一丘辭家匹馬早狂遊客卿定上  
公侯座莫厭風塵髻未秋

除夕寄贈唐啓潛佩刀用典酒錢送歲二

首

空囊無計送殘年還憶貧交倍黯然燕市佩刀  
何用惜贈君一曲酒家錢

知爾忍輕霜鐫典酒錢何借一宵貧放歌醒眼  
提三尺守歲如看意氣人

武林送程克正西還

五百灘頭西上舟雪消東漲海門流樟亭送別  
帆遲挂且醉吳姬舊酒樓

送姪之蕃游淮揚

八卷四

八十三

送君匹馬去淮揚餞酒當壚勸一觴前路漸稀  
書可寄賢豪零落結交場

過程懋學佛齋

日禮空齋繡佛香村居誰識有西方還期天井  
飛泉畔摩詰相招起道場

方日升之山陰別予錢塘江上酒家

海門潮上便揚舲東渡秋江酒未醒山水會稽  
多異覽王家先一問蘭亭



待舟溪上酒樓傍翻使遊人索餞觴囊裏青錢  
羞滿萬醉君千里到維揚

送鍊師鄭騰鵬游維揚

暫罷燒丹九鼎中羽師今去解乘風維揚取道  
淮南近荒桂遺踪訪八公

十嶽山人詩集後序

十嶽山人王仲房先生振奇才也予聞之久矣  
丙午游錢塘會于童御史仲良第面瑩如玉清  
而婉殆文之英與劇談焉且詢海上事是時當  
海疆每慮之與予合丁未予友劉東沙授新都  
教會先生先生詢予及海上事起謂東沙曰沂  
陽子何先見與予合今豈無策以助耶庚戌東  
沙至京春試言先生不忘予予感焉別十年餘  
矣庚申又會于錢塘面蒼如鍊偉而威若武之

後序

傑與劇談焉不異昔也明年辛酉又會于錢塘  
乃予觀潮回天薄暮矣執手謂予曰予有詩  
一編大總督胡公為序而梓之知予惟子為最  
深可無一言以序予曰明日行矣奈何曰子素  
敏於文可立揮之曰諾夫大江以南南戒之龍  
隨江行而海外包之氣蓄而完萬山簇擁金陵  
為

帝王之都而畿輔諸郡惟新都備剛柔之質以  
故篤產文武奇才達而在上若胡公展經綸擒

大慙海不揚波而生靈蒙福遺而在下若先生抱經綸託麗藻篇章宏肆而獨善其身子之詩得託胡公梓以傳幸哉先生新都人也乃產于廬廬故范增周瑜之鄉先生為兒童時敢誇論謂范周不知以身而事漢且范未成霸周止三分每嘆二子之不足多今觀先生上考象緯之占下窮堪輿之脉中閔困窮之情研古今之變一第不偶終於青衫落落不能展其所抱每自愧孤負

不後序

二

明時故其情一皆發之于詩惜哉蓋少任俠長而游儒又探神仙方技之流故曰振奇才也試觀日月奔電彈指剎那則逾十年百年能幾哉今先生之詩吟咏性情超于物外飄然儼神仙語且神仙亦不過此性爾能悟此則遺可也達可也儒可也俠可也仙可也無入而不自得得無聲之詩矣夫無聲之詩詩之原也請以之為先生勗

嘉靖癸亥年季秋朔海寧沂川子王文祿

樂府小序

予客生大江之北年弱冠而好說劍廼遍遊中原聞縉紳先生有以樂府名家者無不訪而問焉若韻書若譜格八百三十二名家一千七百五十餘雜劇皆得領其大略矣後還鄆鄉圖以明經干祿而置之若未前聞及壯無成遂愧為儒棄去之時于隱園獨居之暇隨境感事漫一編捏惟存此冊散失者多兒輩以予老而請梓之噫樂府由于三百篇極其變無容言矣制作

雖始于金元比興實承于豐鎬分有南北合統中原才本性真氣從疆土方言亦為跌宕詞情自別風神樂府之擬孰謂易于擬耶江左從來亦有二三作者足稱庶幾矣近浸多見惜哉務頭未暇尚昧三聲他何足論予此冊之梓用傳中原名家以希教益耳豈敢自信于按拍而未審其能盡協律得被之鵠絃否也

萬曆乙酉年六月朔十嶽山人王寅



王十嶽樂府

中原嵩雲山人趙大忠校刊

正宮端正好

過孫家溪上亭

遠浮塵野外蹤寄曲水亭中意正強年長劍來歸  
村西數畝閒田地價平比都城貴

滾繡毬

綠陰深楊柳陂白沙細杏菴溪護環垣松篁遮蔽  
夾莓苔三徑委蛇這壁廂架簷微那壁廂架茶簾  
勢嵯峨一亭中起儼絲鸞奮翼橫飛八開雕檻丹  
青嵌十二迴闌綺幔圍遶海新移

倘秀才

疊怪石虎豹雄威培花王姚魏稀奇芍藥還多金  
帶圍蕙蘭層砌滿茉莉小屏低肯暫放春歸

滾繡毬

燕穿簾繡舞衣鶯啼樹玉簫吹看不徹聽不疊妖  
燒柔脆更那蝶知音按拍追隨遊魚知共樂鷗鳥  
解忘機物外情羲皇之世靜日裏無用愁眉每耽  
狐咏惟調雀不倚歌童只杖藜緊閉雙扉

倘秀才

芭蕉傍宜排茶具辛夷底好置團碁幾箇牙籤萬

卷貽朱條鸚鵡語淨几畫圖披香添上金猊

叨叨令

愛白雲偏占亭中位愛斜陽偏向亭中對愛清風  
偏醒亭中醉愛明月偏伴亭中睡兀的不好殺人  
也麼哥兀的不好殺人也麼哥甚交游是恁亭中契

脫布衫

休索願過尊官錦纜高維引王孫寶馬驕嘶鬧攘  
人暫借徘徊隱居鄉豈容兒戲

小梁州

惟許求羊數與期雅淡相知行厨隨意設罇壘無

拘繫禮法笑何為

么

堆盤細斫銀絲膾拚大家傾倒休推醉似泥狂猶  
未蟬蛸富貴世事莫教提

醉太平

咲蟠溪欠見識怕菴源路太迷憑咱袞彈兩不虧  
這人間地美選風流待結上義之輩羨溪山再寫  
出蘭亭記續前修不讓與永和欺問南州有幾

尾聲

桐江亭終難免羊裘議沉香亭翻送了玉環妃琵琶

琵琶真笑殺逐臣痴玩鷗亭消不盡謫居悲金谷  
園霎時狼藉平泉庄訓戒空垂各自家存蹤滅跡  
少不得是是非非總不如這亭呵湏覷破了盈虛  
消息輸與孫登一嘯裏

為孫從儒漢上亭編

綠樹鶯啼韻悠悠報道春歸容易昨朝裏膩白大  
紅芳菲良時雨驟風狂又見零落亂香堆砌堪嗤  
蕉鹿夢猛醒沉迷早尋遊戲

君知家近前溪步青山萬頃玻璃鏡裏中洲上行

卜樂市

鈿藻帶紫迴交飛錦翼參差鳬雙雙驚鵲隊隊  
還疑似吳娘纖纖織就剪不斷天生羅綺

鬪寶略

休遲漾波倒影早晚賀重簷架棟紅亭高起料風  
流不惜黃金非貴幽栖新篁綠小溪喬林護舊堤  
這答兒怎肯讓西塞漁灣東陵瓜地

又

聽啓塵世龜源笑傍人百忙錯過會心能幾仰頭  
試問天公誰是便宜還湏鴈絃譜艷詞弓彎教舞  
衣最堪憐象板聽魚腰支映水

錦衣香

雪月奇詩人句煙雨暝丹青意一任他景色隨時  
賞心樂事甕頭萬斛酒盈池鯨吞海吸放手千卮  
願浮生滿百算日日湏當如是身後都休計金烏  
難繫翅壓虛榮糟醅閒氣

漿水令

咲官高攢求未已怪金多山積恨低貪心肯向甚  
時灰妄覓丹砂自逼霜眉儘英雄東流水神仙何  
處無如醉拚青衫拚青衫酒痕似雨醉如泥醉如  
泥玉山自頹

卜樂市

尾聲

蘭舟欲盪來懽會王家朝川知未野老可容爭席

新水令

庚子被盜

山村日暮景蕭條對青編一燈高照窗前霜葉落  
簾外砌蛩號獨詠無聊奈四壁寒威峭

駐馬聽

濁酒頻澆敗絮如冰酣臥早東鄰年少邀朋彈劍  
夜行樂衛門不是月中敲圍牆愛向籬邊跳他是  
熱來人路盡曉藥欄黃犬翻迎著

雁兒落

僻園居任做作小茅屋無深奧怕迴身礙脚行喜  
轉眼從頭到

**得勝令**

呀他明知俺不是石崇豪怎生來覓范丹曹他只  
道時貴延詞客實指望千金贈故交差錯論知己  
非前代清高守齋鹽似往朝

**沉醉東風**

貪這蒼眉門一飽笑今番替室徒勞那討瓜子金  
也沒鴉翎鈔瓦鼎內剩有香燒似過禪僧入定巢  
又撞着蒲團茶竈

**折桂令**

人去呵夢始驚覺稚子爭啼山婦心焦囊化瑤琴  
瓶空斗粟架失綈袍也不管捱殘冬窮酸凍倒也  
不管待朝餐家口難熬焦尾難招雅操誰調喜則  
喜藏匣內有神靈難竊的丹方挂杖頭有因緣難  
離的詩瓢

**隨感**

相逢自愧賢東道滿地詩書零落怪你這個不料  
事的頑童誤下鈎把俺個偏好睡的先先生鬧到曉

**夜行船**

賀孫玉泉五十

早年長劍事遐征乾坤內浪迹浮萍南入八閩東  
過五嶺縱尋幽吊古狂生

**新水令**

瘴煙蠻霧咲勞形懷故里謀開三逕西鄰交有託  
北郭境還清難謝逢迎只待要藏名姓

**落梅風**

望黃山每獨登愛玉泉一泓香瑩洗世上繁華心  
焰冷照雙髯蚪舞如鏡

**風入松**

年來新結緒川盟百畝買躬耕竹松茅屋濃遮暎

入樂府

六

**採不斂**

枕一榻畫譜茶經掃石琴鳴古操臨池字榻蘭亭  
眼看的任變更白雲樓惟草思親詠白蓮寺常期  
說法僧白頭人剩託逃禪興近傳鐘磬

**離亭燕**

看年華不覺臨知命信君家積善多餘慶受用終  
浮生晚景賢妻偕老廬門栖稚子價高燕市駿名  
醫難療煙霞病小春壽宴張滿座嘉賓盛遇霜天  
好晴黃雞黍正秋紫蟹霜初下皓月圓偏稱雀壺  
裘酒任澆烏角巾斜休正想甚麼仙方丹鼎三萬

六千場百年醉方醒

**新水令**

昭君出塞

呼韓納款入中原請約結和親之願掖庭頒勅命  
五女嫁胡天須索嬋娟方下的金鑾殿

**駐馬聽**

幾載含冤猛可裏驚聞一召選三千獨擅咲諸姬  
多買画工錢丹青怪把偽圖傳遂教隔斷昭陽面  
晚相逢也枉然悔當初不順奸邪騙

**喬牌兒**

妍和娘任褒貶真和偽難分辨今日呵豐姿靚飾

八樂府

七

猶堪羨幸得一霎時瞻鳳輦

**雁兒落**

那知道賽西施分外妍只信道同嫖母誰超薦萬  
垂尊難改言九迴腸何勞戀

**得勝令**

說甚麼大漢德威宣那一個宰相是豪賢耗糧餉  
的百萬空屯戍拜封侯的韜鈴少將權反倚着良  
家子和遠丈人行陪筵讌痴圖着天驕子保全大  
羊心那得堅

**緝水令**

只量這軟元刺腰支那知他忍奈嬌羞憤伸幽怨  
何用厭腥羶快攬絲韁高攀戰馬輕如掌燕沙漠  
望翩翩

**折桂令**

見那迎送的擁後遮前旌旗閃閃金鼓喧喧原不  
想希寵青蒲已辭永巷無夢甘泉去上谷光祿塞  
黃雲低捲出燉煌夫人城白草遙連穩坐雕鞍謾  
策金鞭紫檀槽滿抱琵琶玉纖手細理鵲絃

**離亭宴歇拍**

八樂府

六么又把霓裳變聲聲鏗鏘搖金釧銀鎖鎧都爭  
捧看瓊仙雙眉淡翠蛾三生原紫塞萬里牽紅線  
苦樂總由人得意何如賤本華夷夙緣冰雪場纏  
帳暖生出竝頭枝弓刀林貂襖窄長成連理帶酥  
酪酒打圍歌日日胡笳勸名成漢室勲節壓文姬  
傳關氏流娘娘榮顯留青塚到如今縱經寒春不  
淺

**黃鍾醉花陰**

己巳除夕

百歲光陰苦無幾老去也光陰更疾駒過隙水東  
馳繞是重陽又早輪除夕繞千嶺雪晴輝寂寞茅  
堂翠微裏

**言遠**

小柴門幽致家壁立近枕潭西堪喚送繁華殘年  
無具空飽牙籤萬卷奇說甚麼生花筆且一任糟  
糠人冷言絮聒怎撐達索債主火急燒眉

**出處**

俺只緣為儒失意一無成百事灰甕明鏡羞垂蓬  
髻飛逢良辰常廢劍眉低到如今折損生平氣

**詞曲**

西舍東鄰齊開美聽絃管細撲高吹沒打筭欲典  
貂裘故猛驚看小吏青衣沈賢侯尺書來寄俸餘

**入樂府**

九

錢遙慰心期六丁神三天界下解愁圍有幾個酸  
丁舊識大半兒支派相資難道是同袍眼見忘休  
戚也須學割肉濟鷹飢

**四門子**

剗幾文難買臨時貴只家常酒共食新釀也香鮮  
鯉也肥這團團那羨排筵席燈燭又輝楫拙又煨  
守今夕大家兒戲

**古水仙子**

俺俺俺儘廬豪還未已拚拚拚直喫到往日高陽  
醉唱唱唱一曲梁州老老老歌喉猶脆笑笑笑倒

袍褲衫袖濕起起起舞婆娑把如意提醉醉醉大  
兒扶側玉山頽怪怪怪小兒檀板胡敲碎呀呀呀  
荒村不覺曉鳴雞

**尾聲**

海日東升散霞綺料春風吹綻紅梅走探王潭香  
信裏

**醉花陰**

書汪南明司馬六十

浮世光陰又花甲舊驚行心頭不挂甘田里課桑  
麻杖伴青藜常共渙樵話臥幽谷坐官衙誰認真  
來誰認假

**入樂府**

十

**喜遷鶯**

早年間明經撐達攀雲霄要路連踏堪誇一時名  
知華夏補天手人人望女媧更神算閒兵法細數  
著戰闕海平倭冒險說甚麼窮河源犯斗乘槎

**出隊子**

爵尊司馬出關門遠漢家按黃雲白草捲風沙聽  
月明青塚咽胡笳驅犬羊避獵陰山下

**刮地風**

皇恩正奮深酬答調元氣斗柄來擎還安排民俗  
澆漓化運復亨嘉誰承望青蠅一抹雖然是美玉

無瑕乞寧親供祿養且任鳴蛙從歸來文章班馬  
東吳壓誰敢竝定霸詞家一字字難品黃金價藏  
名山護紫霞

**四門子**

讓他們戀寵忘擔怕倚精靈多調法嘆奸雄終倒  
塌空一場費多少波查受安閒隨戲耍怎如恁識  
時務粧聾做啞

**古水仙子**

看看看初度好年華喜喜喜晴和春氣忙迎臘開  
開開奏管絃四集冠裳想想想綿袍人難追高駕

八樂府

十一

好好好逃禪社邀黃髮燈燈燈無盡祝絮染是是  
是重來補位一菩薩斟斟斟何用他綠醕傾瑤竿  
飲飲飲爭捧著這石鉢趙州茶

**尾聲**

聲琅琅齊誦華嚴罷滿座賓朋訝兩花要甚麼天  
魔女還降美琵琶

**醉花陰**

賀宗姪同甫六十

七夕將臨秋景美好張燕生辰賀喜翻做了策驕  
馬控金羈不憚驅馳望建業繁華地風流債未忘  
機往事于今又尋覓

**望遠**

六朝遺跡飛葉渡画閣朱幃妖姬賣嬌羞成行作  
隊老子應豪興未衰天生下五陵俠氣全不管鏡  
中髮變終肯吝囊裏金揮

**出隊子**

同盟宗義臨行將賞菊期料風塵誰授客途衣買  
寶劍懸腰故里歸補壽筵大展賓朋會

**刮地風**

釣前溪細砍銀鱗鱸那更逢紫蟹初肥最堪憐玉  
液蘭漿味賢婦家醅說甚麼借聲名軒車繡綺怎

八樂府

十二

如俺合意氣布素真知醉春亭嘉樹館東籬斜對  
菊剛開霜信遲齊祝頌采泛樽壘直喚到晚霞鋪  
暎入幽栖內不覺的前山日墜西

**四門子**

怪蟾光此夜遮雙桂怎能殺天似洗鳳蠟燒星斗  
稀賽鯨鯨放量把長江吸瀾浪誼絃管催賓和主  
大家沉醉

**古水仙子**

誇誇誇平生有見識任任任貪痴百般巧所為他  
他他守錢奴甘自波查恁恁恁行樂便宜遊戲



暫暫暫一隈紅一倚翠偏偏獨與俺說劍團基  
苦苦苦浮生忙過隙呀呀呀眼見的薰天勢焰冰  
消碎問問問到頭來有甚盈虧

尾聲

非是恁傲世心腸何太僻讓他們拍手相識這些  
兒關竅精靈俺與恁百年誓休悔

南宮一枝花

贈汪伯玉中丞

權收八陣圖暫罷三軍令柳營辭上將草檄謝諸  
生閨海澄清伏臘瞻遺像兒童送去旌且埋沒匣  
劍星光須隄防酒杯蛇影

人樂府

十三

梁州

學塞翁謾嗟失馬繁越王再請長纓猛可裏得西  
歸田里偷閒靜抱忠義一心自赤觀英雄兩鬢猶  
青鶴鷺交險過市井麒麟閣清讓山林肯忘形結  
識上布素狂人仰前修又續出蓮社新盟只這幾  
箇書賽過萬戶分封只這幾篇文賽過鐫銘鐘鼎  
只這幾首詩賽過肘懸金印風波可驚嘆年來平  
地掀翻甚早抽綸忙繫艇休等待淺水蘆花沒處  
尋露失江村

尾聲

正遇着黃花籬下開三選尚未老綠袖堂前奉二  
親况更有連行兄弟誇才俊者麼那煮香尊翠莖  
鱸肥鱸玉鱗拼醉倒一日千場休放醒

一枝花

孫從周沙上園

幽尋村市南隱卜沙波上萬竿栽綠竹百畝帶滄  
浪指點江鄉不道山陰渚還疑輞水庄照綸巾影  
動鮫宮狎鷗伴身披雀氈

梁州

人樂府

十四

斷俗塵靡蕪繡選鎖仙霞薜荔環牆翠微疊疊洪  
屏障洗墨池青衣抱硯草玄亭小玉焚香轉鶯歌  
花間滴溜煮茶煙林外飄颻貯圖書海嶽盈箱擺  
商周鍾鼎成行怎比那病潛夫冷落風流怎比那  
窮詩人苦酸情况怎比那老漁家村野行藏更高  
臺八窗五城十二樓居壯面東方水輪漾兩岸玻  
璃碾玉光下瀉銀潢

尾聲

陰晴好把蘭舟盪朝夕頻將酒債償世事從前總  
須放過金玉的無常貪權勢的多殃孤負了過隙  
的年華空閑攘

一枝花

燕京除夕

嘆當白髮年誤入紅塵路因酬開塞興得上

帝王都一歲將除浪跡如飄絮光陰迅過駒本是  
個卷經綸避世間人翻做了耽寂寞長遊羈旅

**梁州**

且隨時送舊迎新且放懷烹鯉提壺須知道今宵  
一刻千金度懶携妖艷喜有屠沽休勞吟咏好賭  
桌盧中原隔久斷音書王潭隱遙憶吾廬喬松呵  
鱗甲昂藏老梅呵瓊瑤亂吐修竹呵鸞鳳扶疎狂  
奴釣徒歲寒三友多孤負鷗鷺林煙波曲俗氣真  
誇一點無舟繫菰蒲

**尾聲**

趁元朝早寫歸與賦學戴上黃冠老鏡湖破羊裘  
不挂無尋處者麼恁麒麟畫圖封侯萬戶爭似俺  
瀟灑乾坤傲今古

**一枝花**

同程小樵園居守歲

山園一姓村沙軟雙溪道衡門書綵帖仙板換新  
菴獨坐蕭條稚子忙來報牽衣接故交慰慈親休  
愧家貧論地主惟憑情好

**梁州**

何須羨瑤觴寶鼎受用足野蔌麕殺人生最有相

知樂紅爐對擁絳蠟齊燒香開深甕綠泛團歌吸  
江湖酒聖顛狂設廢酬詩霸風騷直與的轉銀河  
迴斗柄霜凍寒生管甚麼角巾斜衫袖濕玉山自  
倒倩誰呵縛金烏沉碧海此夜迢迢枯腸再澆果  
然一刻千金要怎奈他臘將辭春將到不覺的霞  
散東方日已高拜賀元朝

**陽春**

怕聞爆竹聲聲鬧催逼的俺和你髻上剛剛又二  
毛百歲流光半消耗看柳絲漸嬌花枝漸饒早多  
辦下些挂杖青錢休把這着緊的繁華孤負了

**一枝花**

壽金白嶼八十

十六

髻垂銀繭絲顏渥菴花片方瞳青炯炯霍步舉翩  
翩咲語誼誼戚里藏丘壑游蹤混市廛本是個出  
乾坤隱遁巢由權認做美詞章風流嵇阮

**梁州**

一時家訪東山高登蠟屐一時家傍青溪輕泛蘭  
船喜良辰遐齡八十開華誕兩行妖艷四座英賢  
齊歌錦瑟爭壽瑤篇到如今婚嫁債已了塵緣又  
何須陰陽鼎別覓靈詮尚傲視王公呵高世寵說  
甚麼大將呵懸肘印真笑殺富家呵滿囊錢詩仙

酒仙玉山頽花下扶金釧興難降觴猶勸不覺的  
叢桂亭前月正圓酒送如泉

尾聲

從今後縱微書懶上 明光殿續手稿還添幾卷  
傳待誥封滿却兒孫願任風雲變遷免烏旋轉直  
看到滄海翻成水清淺

一枝花

壽汪仲嘉尊翁七十

草色繡如茵花艷排成陣往來纔晝永日暖正春  
分初度佳辰甲子三添閏乾坤未老身本是個抱  
謀猷

八景府

十七

聖世英雄翻做了折志氣違時高隱

梁州

為浮生早酬婚嫁託佯狂傲殺風塵謝天公贏得  
清閒分有時節 隨農親稼穡有時節 倚杖看雞豚  
有時節 素琴吟坐石 有時節 直釣戲垂綸祝瑤篇  
滿座上諸賓挺瓊枝繞膝下兒孫窺綺筵鶯有意  
不住爭歌狎蒼顏宦相知常教雙引照蘭漿月多  
情須醉千巡休辭再醺軒轅峯北望祥虹近竈猶  
存丹曾問石匣遺文鎖亂雲通籍仙真

尾聲

羨門庭漸改繁華運詞賦名家有俊人為君先報  
褒封信五花誥金紫榮親萬鍾祿甘旨承 恩直  
笑到百歲歡娛受用足穩

一

丙子大雲偕士龍訪弟文欽山居

千峯雪片飄萬里梨花落荒村人斷絕老子興靡  
豪鄰舍相邀敝履尋孤店當壚買濁醪且大賀人  
日豐年管甚麼錦囊錢少

一

正半酣隔前溪遠迷煙樹猛懷人穿小逕踏熟瓊  
瑤山坳曲岸茅菴罩傍竹籬高驚犬吠扣柴門斜

八景府

十七

掠梅梢何用學灞橋策蹇怎空教剡水迴棹喚迎  
着蓑笠渙樵誇不減崔嵬風標痴則痴小兒曹閉  
蘭闥擁鸞衾春夢方濃俗則俗富家郎列紅爐煮  
羊羔歌筵胡炒炒苦則苦窮詩人撚吟鬚呵凍墨多  
費推敲敢與俺量度傲清寒獨占乾坤俏自參玄  
誰知妙一任留酣勸幾瓢醒別難饒

尾聲

喜尚喜臂鷹走馬臨邊堡白草黃雲野火燒帳房  
雪壓連天砲割雄兔烹炮吹胡笳圍繞細點粉行  
樂平生贏得這場好

一枝花

沈君典太史過訪潭園

王潭園閒坐釣漁磯夕陽天驚報高軒貴宛陵書  
春初封尺鯉少微星雨後照柴扉殘月蛾眉續雞  
黍前賢約正盤餐野蕨肥且休愁馬青莛奴白飯  
信宿難留常慣賒清如聖濁如賢東鄰酒美

四清

畧禮法將賓作主索樽壘拚醉如泥若非是相知  
肝膽相敵對一個家怎肯屈聲名盡情折節一個  
家怎肯辱丘壑所事忘機一個家翻妬殺綠蓑傲  
世一個家尚自憤白髮早栖遇真交心事重提負

入樂府

十九

明時烈焰成灰有時節沒思量慢松樓啓瑤匣九  
轉方杪有時節猛抖擻封硯壇開寶匣雙龍劍倚  
有時節煞瀟條捫虱軒解豹囊五嶽圖披忙辭怎  
遲謝東山早把蒼生慰周召相唐虞

帝諫草無勞補 衮衣運賀雍熙

尾聲

小兒曹只爭羨會雕蟲太史班馬文章異百萬兵  
誰知道瞞神鬼儒將孫吳韜畧奇按圖形出三邊  
曾犯風沙地請長纓繫單于勒燕山早歸爵公侯  
錫茅土讓成功不起好再來尋俺這個不得志空

老死的先生漢社裏

一枝花

中秋舟宿睦州

蘭舟纜白沙皓魄懸銀鏡寒波漂落葉遙漢澹流  
雲秋景平分三百灘頭近西風尚阻程喜漢郎燈  
火相依怕驚鳥啼聲相應

四清

載得有幾斗兒碧瀼瀼金盤芳露買得有一雙兒  
沽潑潑玉尺鮮鱗江城漏下初更靜蓬窗獨坐瓦  
缶慵傾香閨別恨遊子離情妬團圞越顯團圞怪  
分明轉覺分明去年呵蹶驂驢彈寶劍悲歌都市

入樂府

二十

今年呵訪仙真浴龍湫又還雁嶺明年呵知何處  
走風塵未卜陰晴多少青春浮生瞬息年華迅儘  
大半客底身天涯悶逼趙的两鬢霜華積漸盈孤  
負良辰

隔尾

家音預報鉏三逕橘綠橙黃晚圃新到日殘光可  
乘興邀鄰舍詩人拚酩酊夜飲直賣到一線蛾眉  
纔放醒

一枝花

為孫瑞卿緒坑隱居編

護煙霞丹谷深聳霄漢梅山峻白雲樓朝夕望紫

金院往來頻栖託幽直  
奄李辭亢艷松筠絕點塵  
臨三池纓可濯瀑布通泉垂五柳鍛堪依濃陰坐  
穩

梁

厭諠譁漢樵混迹守田園  
糜廩相親幸今逢太平  
治化唐虞運荷鋤抱犢結耦耕耘  
蔽薇飽腹藁簞容身只看做供租賦  
編戶之民誰知是尚肥豚散俗高人尚難忘  
守詩書承祖遺編須索要課誦讀  
傳家根本又何心希富貴一任兒孫雜豚酒樽良  
辰美景還風韻東鄰遠西鄰近遠近招邀盡日醺

人樂府

主

無禮數無主無賓

尾

者麼恁貪貴的翻變做勢焰成災疾貪富的豈能  
穀腰纏保久存怎如恁會享安閒分聲名呵異勳  
繁華呵一瞬只咱這觀破的先生羨君隱

厓兒齋帶過得勝令

和源八十後庄七十  
半野六十少學五十

這先生 剛剛半百年 這先生 甲子方週限 這先生  
今來逢古稀 這先生 定遂期願願都待要攀斗學  
張騫到一樣臥島老方千雖輸却時命無權勢只  
贏得聲名可保全看年年賀壽華筵各負人康健

傲溪山日日清閒相邀作地仙

送小樵還溪上

留先生除夜住山家留先生元夕燒燈罷留先生  
消不盡詩酒懷留先生說不了漁樵話剛剛的開  
落了絳梅花剛剛的抽長綠柳芽別去呵風雨遲  
行色老來呵交游惜歲華雖不比天涯快相見臨  
初夏且謾立溪沙強為懽又半霎

除夕

又光陰一歲辭驚除夕明朝是欠幾文濁酒錢賣  
兩卷名家字一卷是隱吳門處士詩一卷是守江

人樂府

主

州刺史詞誰解評賞千金價錢道尋常三尺紙對  
時景寥落尋思自怪殺英雄士看世情龔替如斯  
休嗤他市井兒

隱園

住一間村西破草堂隱一曲竹下深蓬巷傍一株  
雀巢松樹臺挂一幅禪榻梅花帳護一道三尺矮  
蘿牆開一扇四面宿雲窻坐一片待叱青羊石醉  
一歌無懷濁酒觴猛想起一會淒涼好交結多黃  
壤猛想起一會猖狂英雄心未盡忘

除夕李邑侯送酒錢

送光陰又一年空抱玉曾三獻愧追隨鄉里兒  
孤負平生願霜鬢已皤然豪俠氣尚翩翩笑老  
子窮除夕詫賢侯贈俸錢墟邊買濁酒何勞勸樽  
前賦相知感慨篇

水仙子帶過折桂令

七潭漢社

怪蟠溪封土賴周王咲嚴灘辭宮傲漢皇兩家兒  
都是喬模樣託綸竿煙水鄉觀前人總是亡羊釣  
利的終歸盡釣名的枉恁狂利和名一夢黃梁  
業漢人名利須忘身在滄浪心在滄浪何用明晃  
晃客星犯座何用惡狼狠尚父鷹揚爭似俺穩拍

樂府

五

拍情狎鷗行隨飢寒不離了菴源洞口任炎涼常  
只在西塞山傍綠蓑衣慣奈風霜青箬笠直見滄  
桑老來呵結識上些無禮法的村交醉來呵共唱  
一會無律呂的新腔

送程小樵洋湖歸漢上

湖邊旅食正栖遲漢上人來忽報歸書中細說衰  
年事望青山苦病催佳兒迎手杖柴車松和菊猶  
存田里雞和犬不慣鄰居新和舊總咲迂儒想  
先生高臥蓬廬朝夕加餐藥餌扶持酒戒休嚴詩  
篇間作花興全除未了債從今釣起不平處自後

忘機風月相期靡庶相隨早康強酬答春光共尋  
游好慰心知

燕京荅劉念菴副使送別

黃塵咲殺魯諸生白髮誰知任俠名青雲自愧干  
時命出關遊過

帝京訪屠沽懶謁公卿吟藁詩篇富談鋒劍氣橫  
喜逢君一笑忘形喜逢君一笑忘形狂吸瑤觴  
醉倚銀箏却又早落葉驚秋飛鴻作伴匹馬南征  
惜離別後期再整寄相思遠道難憑空老明經歸  
守躬耕從今後傲乾坤百歲真休管甚麼歷金古

樂府

五

萬種閒情

壽金白嶼九十

寄生江左有流風派出關西意氣雄古今覺破繁  
華夢煞精靈伴情懂利名場不入牢籠讓画麒麟  
閣忘憂虎豹叢高舉冥鴻吊六朝遍訪遺蹤邀  
結驂人來往詩筒多只在朱雀橋頭莫愁湖上走  
葉河東遇良辰挾管絃恨不得酒如泉湧儘平生  
對風月一任這囊裏錢空吟咏猶一情興無窮纔  
數到九十度黃髮春光直算到百歲外丹藥仙翁

朝老妓

淡蛾眉休画鏡臺前濃黛色休描雪鬢邊落花天  
休賺鶯和燕錦纏頭可再纏還風流轉覺悽然恁  
葉渡家雖近楚陽臺路漸遠為雲雨雲雨誰憐

誇當年女俠有名傳青樓出色紅粉專權不道嬌  
歌謾言妙舞獨攬豪賢還想着車馬陣遮門塵碾  
每逢人何用訴家管事囊少餘錢既已逃禪無費  
熬煎只合下湘簾禮佛焚香須索披貝葉持呪通

玄

水仙子

賀時習晚年舉子

人生五十發邊秋有子真輕萬戶侯榮華身外皆

八集序

主

虛謬看他年氣食牛大門牆說甚箕裘湯餅會請  
倍還人舊風情越添抖擻弄璋詩歲歲廣酬

謝吳汝復贈玉簪

這無瑕原是美人貽割恩愛翻持贈故知碾羊脂  
一朶蓮花膩瓣稜稜初出水染雲鬟尚覺香吹儘  
餘生簪白髮作伴霞冠常時節醉清醪照影金卮  
怕只怕苦吟魂敲斷新詩

朝黑妓

這仙姬生長紫霞峯太皎潔難容白玉宮且窩藏  
住在玄芝洞帶祥煙分外濃看沉香雕刻相同悶

殺也巧弓弓張敞西眉難認孤負了俊臉兒何郎  
傅粉難工最堪憐舞筵前擺秋風墨水芙蓉

贈歌妓姜文始

紫檀半面掩吳娘紅袖雙彈寶釧忙白頭慣聽琵琶  
唱一聞聲煞斷腸想梁園舊事難忘無奈黃金  
盡空勞綠酒狂老却周郎

雨夜懷人

小鑪茶熟綠波嬌寶鼎香添絳篆銷黃昏有約知  
音到落燈花茶未敲閉柴門風雨蕭條雨兒大約  
藥摧殘風兒狂芭蕉折倒雨和風孤負良宵

八集序

主

贈戲子劉梧金斗人

相逢醉舞袖郎當世上都同傀儡場讓他們做作  
喬模樣問君家咱故鄉故鄉人英雄難忘笑殺過  
彭城失權亞父羨殺戰赤壁得意周郎成和敗到  
今日總是茫茫

程金谷六十招飲病辭

香醪未遂獻霞觴折簡翻勞到草堂病中空切垂  
涎望報嘉賓滿西堂論風流只少王郎再期君古  
稀年蟠龍識大逞豪華待看咱養生方靈椿樹人  
猶強壯兩仙翁咲花前歌白髮醉倚紅粧

送孫山甫遊吳

柳絲長難繫下江船  
菴辦飛爭供餞酒  
筵烏聲柔細唱離人怨  
漲春波三月天  
話前途請暫留連  
買笑錢好省在仙靈場  
吊古尋幽結交情  
謾輸與市井兒  
雨後雲翻戀歸心  
肯忘了漢樵社  
驢贈尊餐

壽友人六十

當年各負氣橫秋  
此日俱慚雪滿頭  
笑英雄翻落他人後  
傲林泉甲子週  
五男兒個個才優  
素心交結社桑麻  
未老身陶情詩酒  
觀繁華總是蜉蝣

賀黃黃山晚年添丁

八集市

二六

庭前玉樹已成林  
掌上明珠又報擎  
高門積善多餘慶  
喜蘭閨正早春  
老詞人越顯風情  
湯餅會年年赴美  
璋詩首首新笑倒  
狂生

贈黃氏姊妹

明珠一顆儘堪誇  
瓊蕊還開玳瑁花  
鳳皇雛足真無價  
一林嬌不當要姊妹  
們箇箇無差一箇煞  
聰明占斷了嚴春園  
門戶風流一箇漸玲  
瓏習演  
出鳴珂巷傍州調法  
一箇尚嬌痴宜入金  
谷園歌  
舞人家

為汪懶雲編

不為霖雨答商湯  
不赴陽臺答楚襄  
無心一任梁公望  
怕天風忽地狂  
變白衣蒼狗飄揚  
密匝匝迷失了青  
山洞口漫騰騰鎖  
定了綠樹溪傍怎  
肯亂紛紛放菴花  
賺入漁郎

嘲赤脚老妓

逞風情只當做玉  
纖纖解冤業如今  
快活三俏弓弓褪  
却金蓮繡鞋兒在  
那邊繡鴛鴦恩愛  
休纏恰好似避秦  
時毛女相逢休猜  
做渡南海觀音撞  
見喜則喜抱琵琶  
一曲中原

苦雪

八集府

二六

黃雲天亂剪雀翎  
飛翠竹逕常踏玉  
屑泥老先生誰解  
窮愁計豐年瑞在  
那裏故貂裘難典  
充飢苦只索閉關  
臥自愧千人不覺  
的灞陵橋尋詩興  
起笑殺他剡溪舟  
訪戴空回

次兒要婦六友携酒來賀

謀生性拙只伴狂  
吊古尋幽日日忙  
老來婚嫁方勾帳  
報携樽訪草堂一  
個個都是文苑詞  
場一個祝便抱孫  
早得承龐氏遺安  
一個道好兒郎須  
要學梁家榜樣一  
個聽名言大笑倒  
滿飲待觴

謝宗姪

贈開維



少年慣走關雞場舊事于今尚未忘平生多少風  
流帳絳霞冠繡錦棠許秋來作伴還鄉窮則窮怎  
教恁飲啄勞神老則老須認是英雄相傍怕則怕  
聽啼聲起舞書窗

壽第三保七十

弟兄齊壽古稀年剛占生辰五日先白頭笑殺仍  
康健碧山前綠水邊儘道遙說甚腰纏花月休辭  
醉兒孫但願賢便是神仙

金陵壽張治卿六十

浮生六十尚紅顏身外榮枯總不關獨詠懷閑戶

樂府

手九

勞詞翰有萊妻日勸餐好兒孫常戲斑欄傳家聲  
全賴着四壁立五車典籍遺清風惟有這三逕滿  
半畝琅玕儘受用足傲時流黃髮幽閒

寄弟

燕支嬌染海棠花仙掌初分芍藥芽牡丹蕊獻蒲  
萄大這園居景愛殺更出牆菴杏交加怎能勾看  
棠棣竝倚雕闌怎能勾秦墳荒同傾玉笋尚兀自  
對春風雁影天涯

贈吳子荆茶童

煮茶方陸氏在遺編燒香法倪家亦有傳兩橋兒

清事高人願小山童然可憐悟茶香性出天然一  
時閒洗硯餘褱煙雲在楞嚴几上一時閒澆花罷  
候風雨在芍藥園邊索強如轉鶯歌迴燕舞多買  
雙鬟

贈吳次魯家童筆壽

抱詩筒慣熟過衡門飽白飯常留宿小亭仗通家  
曾借鉏三逕見山童意便親問生涯何處相尋想  
只是牧黃犢芳草平原還多應伐青松層雲高嶺  
總不離釣錦鱗曲水溪濱

樂府

簡弟文欽

樂府

手

望前溪翠巒羨一老遺安園丁父子自盤桓觀黃  
金等閒携樽先報來遊翫煩招三五煙霞伴偷閒  
一日拚清懽身後事憑天筭

雨中留詹伯章

請謾言告回仗風雨相羈山厨麥飯足充飢酸鹽  
薤味美焚香對榻蘭亭記臨池試釣銀鱗鰕閨中  
愁之甕頭醅老先生不理

十二首自詠

這紅顏變者那白髮添些古稀不覺到來耶自安  
貧守拙壯年早棄明經業遠遊遍結名山社隱居

不學終南捷任時人笑呆

蚤有志雄飛妄自負才奇幾番策馬走南畿都空  
成嘆矣命屯不是青雲器福薄宜享齏鹽味知機  
肯待晚途迷樂飢寒不悔

好任俠顛狂學劍術飛揚散金結客少年場都無  
非鹵莽琵琶慣聽梁園唱蘭橈常向西湖盪金陵  
名妓識王郎落老來夢想

班馬文枉學李杜詩徒勞詩文價借甲科高被寤  
酸扯倒漢風唐調誰評校胡褒歪貶誰公道知音  
本少子期曹老先生白曉

八集府

三

學明經射策想八座三台出身多為趨錢帛秀才  
時布擺文章倘遂當時賣聲名難免隨人壞英雄  
不然老塵埋愛蘇微自采

本心胃窄小更性氣孤高世情滿眼冷偷瞧不由  
人懊惱井蛙隙底把青天笑醯雞甕裏把滄溟料  
渾風腰下弄麤豪又番成笑倒

看學術紛紛知誰假誰真假多真少笑時人總歪  
傳画本是真是假難評論價高價減隨人信大家  
跳入麵糊盆請先生試忖

滿四海相識數知已為誰老來大半不堪提嘆早

歸蒿里招泉臺空瀝同心淚看斗筭難合兒曹輩  
假悲歡趁逐學愚痴似登塲傀儡

後來的上公後來的富翁輸他命運十分通到底  
如春夢那一個挾威權只把心兵弄這一個趙家  
私惟要腰纏重全不肯假仁義撐達學英雄笑他  
們懵懂

山萬疊擁着草樓水百折繫着蘭舟隱居不讓輞  
川幽結沙鷗做友掣綸竿奪却拏雲手唱漁歌代  
却談天口噉雄心說甚濟時籌已甘心老醜

燒鉛汞生平好仙叅宗典老去逃禪終不如餘生

八集府

三

終日撒風顛任天公發遣免走與鳥飛滄海從教  
變奪利與爭名穴蟻從教戰漁樵與耕鋤傲骨從  
教健敢受用呼僮策蹇

挺着胸鎮日矜誇懶謀生到底虛花沽名釣譽路  
頭差清高的不如狡猾折腰不把公卿下任情反  
把時人罵老來落得這波查嘆酸醋大

姪孫明甫之宣城兩阻

贈新詩一章勸綠酒千觴紫騮何事苦奔忙笑風  
雨相妨香塵昨日遊絲颺山溪今日菴花漲陰晴  
春日却難量任天公主張

城東遇吳懷梅

怪相逢隔年喜避后纏綿酒家去解杖頭錢儘今朝共酣贈雙魚細切錦鱗鮮對高歌那用胡姬勸正黃梅風雨暗連天拚壚頭借眠

朝天子

尋項氏愛竹軒舊迹

愛竹軒那存愛竹名尚聞羨前輩高風韻琅玕一畝綠連雲舊迹誰尋問詩社常開酒錢散盡想起他快活穩貪富貴勞神爭強弱認真嘆難入英雄陣

贈思尚公榮二姪孫

樂府

辛丑

早茶晚茶風雨松窗下僻茶知咱勝丹砂量較廬全大七盤難留充腸方罷煮茶煙接兩家今日茶逢着這家明日茶逢着那家從此後多費却陽羨山中價

壽吳虹山九十

園基趣尚高吟詩興猶豪老轉把時人傲黃山白嶽足逍遙請早別淮南道身後遺謀眼前行樂料先生能自曉開壽筵且饒期百年開炒共願見滄桑嘆

端陽孫山甫席上

三日雨稠疊一文錢斷絕端陽節臨茅舍高朋相愧豪奢綠酒東鄰借瓦缶翻乾葛蒲切大開懷拚醉者也不羨英傑也不笑歪斜到底都消歇

寄江方伯荆石

大方伯官高更四子賢豪夫人引諸孫開世間他事且相饒要觀破天之道休謝良朋豈無餘鈔快歡娛嗟已老好園林鎖着好花鳥閒着好風月將人笑

姪輩雨中飲我酒家喜姪孫應元後至

樂府

辛酉

歌耶笑耶又報添狂客隨風隨雨好時節何必花和月洗盞重留呼樽再熱說從前意氣也今朝醉且歇明朝約記者會行樂真豪傑

甲申年除夕

一年一年日月爭飛電年年除夕債多纏只贏得人強健布褐名輕文章價賤怪青雲路兒寒敝裘典酒錢窮愁醉自遣笑對着梅花勸

甲申除夕前五日吳次魯朱俊父來訪

貧交富交來一訪渙舟棹富交亦異世人曹慈宜向貧交道賓主全忘風流共調歲寒情見更好留園蔬濁醪且笑談醉飽任變幻何須料

怪園丁伐梅

鹽梅道有期和鼎再休提正花綻誰為崇園丁竈  
冷斷薪炊折風節連根替香暗銀蟾影踈鏡水通  
仙句化作灰歲寒交那裏世情人怎比喜松竹還  
相對

過姪用可別業看菊

東家西家霜菊都消之訪君信步喜閒踏好朵黃  
金大新釀忙留賢東且罷約明朝一戲耍候咱聽  
咱惟許清茶話

余遊金陵維揚姪衡仲輩饒送

入樂市

李五

手能控紫騮腰尚帶吳鉤老來豪非虛謬爾曹錢  
送本同流酒濕春衫袖吳苑如前隋堤依舊好江  
山戀再遊花香拂滿頭驚歌勸滿甌急回首重陽  
又

王瓜瑞

碧玉瓜太奇瓜瓞報先知誰識天公意氣靈瓜上  
長條枚瓜本王家瑞連理何誇並頭非貴看諸孫  
繞膝隨熊羆夢休遲麒麟兒敢期願書劍承家世

折桂令

雨中姪輩七人邀我溪上酒家

笑浮生何苦煎煎常挂青錢結伴兒曹活網溪鱗

旋鉏山笋新瀝村醪世上人任他顛倒身後事咱  
謾量度風也逍遙雨也逍遙熱處羞攢冷眼偷瞧  
壽汪伯玉司馬五十

羨先生半百年華

明時賢佐大纛高牙早霸文壇新茶禪理世鍊丹  
砂對燕山開綺讌十二營一隊隊嘶喧戰馬望天  
都呼祝頌千言賦一句句寫寄飛霞福祿方加壽  
筭無涯今日呵掌兵符且待要出黃雲掃盡他塞  
外胡奴他日呵謝朝簪休直到垂白髮來尋咱潭  
上漁槎

入樂府

李六

新春招吳村宗社諸君飲潭園

早春天風雨瀟條繞過元朝又是元宵綠酒新醅  
青錢強辦白髮相招宗族交猛可裏一時齊老勢  
利場胡廐趁到底徒勞萬事都拋爛醉休饒滿時  
人好學佯狂問天公誰是賢豪

贈歌妓謹香兒

錦筵前避后吳姬簇瑤階酒滿金卮花也須簪酒  
也須拈詩也須題我本是撇鶯期辭燕約從良浪  
子休猜做村不村俏不俏錢石人兒芍藥丰姿楊  
柳腰支渡藍橋孤負多情別陽臺乾害相思

四首新正留小樵

輕薄交中年漸謝喜往來偏爾稠疊通家忘主賓

守歲迎新節弟兄情有甚差別收拾西歸太早些  
且從容開懷住也

椒柏酒沉酣未醒笑到來又快經旬寒風敗柳條  
凍雨消梅與風和雨總是留人好勸明朝謾起程  
自古道陰晴未準

借村醪猶堪半醉儲斗粟未必全飢與君貧賤交  
剩有溪山趣款家常淡薄隨時倡和新春萬首詩  
忙歸去梅花笑你

八景府

壬子

問行踪全忘以上為交游尚戀湖傍休言人日歸  
要打元宵帳故鄉遊何事勿忙轉眼春光到海棠  
還闌醉柴門共賞

元夕雨

昨宵雨月還皎皎今宵月雨反瀟瀟天時轉眼間  
人事直難料笑豪華請自量度火樹星橋任寂寥  
對兒童酣歌到曉

謝吳德純贈菊

遇白髮授經老友倚丹楓結屋西疇拉青衫留意  
勤栽黃菊家風舊乞一枝尚艷深秋日日出香對

草樓歲寒盟費贈村酒

送姪可寄之既海

餞阿咸白頭老叟狎少年村市淹留杯浮綠蟻香  
囊可青錢穀正強年萬里當遊休唱陽關動客愁  
脫故裘還能典酒

二首謝程好吾分贈禪菴古石

性不願繁華受享病難醫泉石膏肱分禪榻前  
載去漁舟上呼丈人下拜元章翠蓋高松倚在傍  
日日聽風濤落響

八景府

壬子

栗里常同醉抱蒼苔夢寐相依照影王家洗墨池  
一片片爭搖秋水

滿庭芳

燕京九日

重陽到也故鄉遙隔音信常絕西風吹冷殘秋熱  
雁陣橫斜想南郭青山笑者負東籬黃菊開些白  
首同心社茱萸遍插偏俺悲離別

九日風雨寄閩人謝性卿廣汝孝客舍

重陽節美好邀朋輩共躡崔嵬老天故阻茱萸會  
寒雨淒淒且休論他鄉故里孤負殺舊釀新知笑  
欠風流意若當時參軍彭澤怕甚麼一身泥

過姪孫半林別業

隱居蕭灑青松掩映綠竹交加一林何用些窠大半讓鄰家謝俗客提壺繫馬待高人汲水烹茶掃石清陰下漁樵閑話世事總空花

壽姪宜興六十

賀君花甲身如霍健髯半霜華萊妻偕老子撐達兩事堪誇典青衫百年裏好和咱風風要耍觀黃金一弄兒咲他們變做泥沙世態隨時罷茅簷拚醉說甚麼五侯家



四首復留小樵

入果府

五元

元宵過約定行翻撞着風狂雨勁請先生觴歌還閉門再續上大家殘興

呼蓑笠底死辭戀青山雨中歸去非是俺今番留太痴要觀破天公有意

前溪上斷小橋漫芳洲春波浩浩清渙舟此壞大似瓢載不過滿腔詩料

柴門住過二旬苦衝泥忙忙則甚肯少待明朝天放晴踏芳草好尋春興



四首仲春訪汪中丞宿南素巷

村巷樹陰肥遍衡門綠草齊隱居不似中丞第柴

車後期金樽謾揮候潮重話樟亭事且忘機東山高臥再起未云遲

海上掌兵符返田園尚未無危機且避時人妬詩瓢酒壺丹經藥爐百年休被功名誤託糶糊渙樵交道偏愛老潛夫

俗世寡知音錦囊塵閉玉琴高山流水君能聽花枝帶人鶯歌勸斟酒觴且縱年來禁性來頻俸錢莫惜報答好春晴

擬宿草玄家有山僧候水涯雙林近在斜陽下燈開綵霞壇飄寶花鐘聲夜半談經罷對袈裟思君

入果府

四十一

不寐獨飲趙州茶

春閨怨

枕上怯鶯啼暗傷春晝起遲繡裙漸覺腰圍細絨書淚垂夢魂路迷夢中聞寒書中事望天涯王孫歸未芳草又萋萋

秋閨怨

霜月滿闌干一逢秋病陡添雁聲似助相思怨釵羞玉鸞鞋羞綠綵鞋尖瘦損釵敲斷卜金錢寒衣欲寄何處問征鞍

贈歌妓文消

乍見便消魂粉香腮枕上痕一春病後腰圍褪  
眉翠顰冰絃調新蕊花驚落紅成陣勸金樽幾迴  
長嘆心緒向何人

四首春興

春色報江南遍郊原碧草纖河堤弱柳垂金線  
園林尚寒蜂蝶未喧東風吹逼紅香綻辦青錢杖頭  
早挂莫負賞花天

春色漸芳菲遶湘簾燕子飛暖風傳送鶯聲脆東  
園酒卮西郊馬蹄百花初破燕支碎醉如泥惜花  
心性湏在半開時

入集府

四

春色太顛狂滿乾坤錦繡場香車到處花迷障佳  
朋艷粧詩瓢酒觴興來莫惜瑤琴當怕春光此時  
暫雲收拾太慌忙

春色又蕭條見枝頭萬點飄繁華九十歸啼鳥銀  
燈夜燒青衫酒澆青苔休把殘紅掃嘆霜毫一年  
一度縱少醉千遭

興明夜行船

七十自壽

七十光陰報道來駒過隙浮世堪衰桃李顏衰  
霜鬢白無奈他鏡中盡改

喬木查

笑當初狂態難打筭功名不自揣觀萬里青雲易  
草萊向齊門彈寶瑟命運原乖

慶宣和

望斷彤廷與玉階漸老塵埋不遇黃金買駿才休  
道駕駘

落梅風

窮酸丁自裁劃有甚福錦袍皂蓋讓豪傑休爭放  
下懷總一霎榮華成敗

風入松

平生心性本胡歪與俗少和諧當官倘惹當權怪

入集府

四

惡風波多少疑猜反不如清閑自在到頭來無禍  
無災

蝶不斷

辦芒鞋愛蒼苔承家惟有村西宅適興還依野水  
涯無心不夢長安陌朝川一派

離亭宴帶歌拍瑟

問奇字誰把香醪載低聲價難把文章賣常孤吟  
釣臺戲狎白沙鷗舞歌青箬笠淡飽黃蘗茶移文  
誚比山真隱憐西塞今日呵把壽筵小開花對碧  
苑春勸歌雙調拍賀許同心客深榮造化機謾理

兒孫債老天公何心布擺縱瀟散出形骸任桑田  
變滄海

**沉醉東風**

十五年客生金斗便顛狂慕古名流懶將斷簡鑽  
愛把吳鉤袖小胡孫浪說封侯常向周瑜塚上遊  
灑一樽醉呼老友

二十年初戰科場萬人敵自負難當雖懸霄漢心  
難画胡盧樣說甚麼左馬班揚桃葉河邊醉玉觴  
翻落得妖姬夢想

三十年三上南都七尺軀老大頭顱徒勞紫陌塵

八樂府

四三

述却青雲路撒佯狂混迹屠沽還覽名山萬里圖  
消孤憤尋幽吊古

四十年坐破青氍謝榮華秘訣求仙不容白髮生  
易道黃金變采陰陽九鼎先天功行人間積未圓  
休怨殺蓬萊路遠

五十年參究禪宗守蒲團居士家風跳出麵糊盆  
打破醯雞甕觀人間萬事虛空夙債猶纏世法中  
說精靈依然懵懂

六十年薊北驅馳赴將軍舊日相期愧非投筆時  
徒抱吞胡氣望黃雲白草風吹萬里長城壓塞齊

常有夢吳頭楚尾

七十年雄心未已笑空囊低首攢眉平生任俠人  
老學陶朱計傲饑寒肯為身肥半為貧交信手揮  
看錢奴真如禪蟻

八十年量猶未老平生氣未減羈縻婚姻債已償  
吟咏孫常抱避時人北隴西鼻日日漁樵許見招  
買村醪便教醉倒

九十年相逢盡許問天公蒼庵何如能留谷內神  
一任人間住造物者有甚相拘泉石煙霞護草廬  
少不的王郎做主

八樂府

四四

滿百年光陰有幾縱千年無了貪痴都忘身後名  
盡閱人間世大劫來天地飛灰脩短皆如一局棋  
惟日醉山山水水

前七首每首若記年譜後三首乃放言自適戲  
問造物者若相與謀焉觀者使笑王生不達而  
有此期必者則誤矣

**普天樂**

壽日自嘲

猿鶴侶古稀年桃李春佳時節宜張宴會好逞驕  
奢照酒盞何勞白髮多探錦囊無柰黃金竭管絃  
盡罷歇賓客都辭謝自開懷受用些醜妻妾擁



者勸者小兒女歌者舞者老先生笑者醉者

**寒鴻秋**

檀板

紫雲鮮濃抹黃檀面玉纖手謾響黃金釧鶯歌嬌  
近倚雕闌轉雁行斜趁逐銀箏顫紅顏汗濕溫翠  
袖香生遍汗和香香和汗打合恩情片

**對玉環帶過清江引**

飲同甫園

沙逕穿林丹楓葉葉飄茅舍迎門青山疊疊高前  
溪不用招乘興常來到說劍呼盧當年氣太豪白  
髮衰顏今朝人共老重陽節可憐孤負了留醉  
開懷抱茱萸尚佩囊黃菊堪供咲會行樂隨時都

是好

**清江引**

世事看來都是假一笑由他罷難逢同調人謾說  
知音話總不如撒風顛胡戲耍  
世事看來都是痴那有精靈的敢求豪傑真況少  
奸雄輩自誇道會藏頭忙露尾

**十岳山人詩集四卷**

浙江孫仰曾家藏本

明王寅撰寅字仲房一字亮卿歙縣人掌北走大  
梁問詩於李夢陽中年習禪事古峰和尚古峰曰  
吾徧遊海內五岳今將徧歷海外五岳而後出世  
寅聞其語而悅之因自號十岳山人是集寅所自  
編其詩音節宏亮皆步趨北地之派而鑄語未堅  
時多累句

# 睡足軒詩選一卷

〔明〕邊習撰 〔清〕徐夜 王士禛選

私藏清康熙三十九年王士禛京邸刻本

附《四庫全書總目·邊仲子詩

一卷》提要

邊仲子詩序

華泉先生有二子伯曰翼仲曰習習字仲學讀書  
攻文能以詩世其家先生自給事中一麾出守兩  
視學政於晉於梁內陟卿寺歷官南京戶部尚書  
所至登臨山水購古書金石文字累數萬卷而家  
無中人之產身後至無以庇其子姓仲子貧困負  
薪以授徒取給饘粥今所存睡足軒詩一卷其七  
十時客孫氏作也故友徐隱君夜購得手藁重裝  
之于假其本將謀鏤梓未遑也而隱君以癸亥歲  
客死潯陽又十七年康熙庚辰子刻華泉集於京  
師乃取徐本重閱錄其半附先生集後將以告亡  
友於地下而惜其不獲睹斯集之成也按弘治四  
傑惟何氏之後最大李氏次之徐氏有子伯虬稱  
詩吳中名載今兩瑤華而仲子以尚書之胄飢餓  
終其身殘編零軸幾飽鼠蠹閱百餘年始遇吾兩  
人者收拾護持於昆明灰劫之餘僅以是磨磨者  
為楚相之寢丘也噫廉吏安可為哉七月望日王  
士禛序

邊仲子詩序

一

題定軒詩選

歷城邊 習仲學著

新城 徐 夜務菴 選  
王士禎阮亭

觀海歌送周先生東遊

海客曾偕張白嶼山人相觀沈青門青門別去白  
嶼歿離恨悠悠空淚痕此後非無識荆者高山流  
水知音寡自分衰年難再逢誰謂先生出吳下先  
生能得古人心訪友東來滄海濶計臺重下南州  
楊湖上烟波多咏吟多咏吟恣遊賞真如李郭同

邊仲子詩

仙舫白雪樓中弔古人文昌閣內瞻遺像佛山青  
對華山青乘興揮毫天畔亭劃然長嘯驚山鬼醉  
指奎婁離客星岱岳峰頭眺吳會恍見江光若云  
帶勝迹窮搜巖寺深追遊轉為前人慨更觀溟渤  
陟蓬萊島嶼蒼茫蜃市開海童持節邀先路龍女  
吹笙薦玉杯塲苗豈得留嘉客興盡翻愁返舟迫  
西風黃菊待東籬贈言應遍南歸冊老我叨遊田  
子方一言曾託寄君効為君再擬東遊賦好為豪  
翁有報章

東徐運同 華亭相國  
文貞公孫

曾是先朝宰相家使君今復振聲華鹽梅再試調  
元鼎日月行依汎海樵春入郡湖闊載酒雪飛官  
閣畫烹茶四知寒齋開相恤病足還能飲孟嘉  
謝安子規  
之念故云

登白雪樓懷于鱗

灤源風景冠齊州更築詩豪白雪樓人擬古今雙  
學士天開圖畫兩瀛洲雲間黃鶴還飛去海上滄  
波欲倒流聚散存亡餘感慨轉憐花柳不知愁

夏日過鄭文老宅畱酌論詩作

谷口山堂首夏時碧梧風靜畫簾垂主人最愛孤

邊仲子詩

吟客病叟真逢一字師薇省薦賢重折東雪樓懷  
古共題詩交情世誼如公少怪得臨觴不忍辭

即事

曉起山翁興忽豪兒童遠致白葡萄酒因憐美實傾  
家釀更林中山紫兔毫

四月入城訪二峰歸自京師

首夏忽過半湖城花盡開我從河外至君自日邊  
回白髮還重聚清樽且共陪淹畱情話久蘿月照  
深杯

夏日入城訪耕陽不遇

昔去春猶淺重來夏漸深卧龍懷舊侶歌風嘆知音  
蕉葉難題姓奚童自抱琴公卿如有問還可道  
予心

甘泉先生枉駕賦謝

因訊耕陽故云

元老文章海內宗省垣今始獲相逢昌言辱下司  
空拜長揖能爲直士容敢向暮年思附鳳祇緣高  
誼願登龍生平好問南陽客綠水青山一短筇  
得酒

白魚初摘青絲網綠酒還傾碧玉壺爲喜東君知  
客意忍教不醉高陽徒

邊仲子詩

題睡足軒二首

野老年來無所欲日向南軒求睡足有時睡起不  
下牀援琴一操高山曲  
小小幽軒遠塵俗自把軒名題睡足爲問就中何  
所因白雲不散南山綠

聞蟬

葉蟬鳴處一陰生薄雨輕雷妒午晴自是暮年傷  
久客不關時物感離情

題泉亭

孤亭千古枕泉流更築仙人白雪樓怪得佳名傳

海外風光元似鳳麟洲

夏日訪住禪

老夫處遠村衰病却鞍馬再月方問僧攜童一之  
野新雨茂佳禾天風忽如灑荷鋤村口人競笑白  
頭者

述懷

才看曙色映窗虛早見陽光射草廬落落故人誰  
枉駕蕭蕭華髮厭頻梳閑情祇付無鋒筆老眼難  
窺細字書啼鳥數聲回午夢又看花影過庭除  
采菽姬

邊仲子詩

四

老姬朝采菽言向野田中敝裳沾曉露短袂吹天  
風蓬蒿與堇茶盤餐聊取充緬懷茅苒詩相樂何  
融融

七月朔懷舊

草堂今日又新秋客裏驚心五載留門外遠山懷  
舊隱眼前時事觸深憂綠琴獨奏誰聽耳青鏡閑  
窺已白頭寄語城中數知己遲子同上謫仙樓  
乞酒東友人

君家有酒味初旨嗟我沽鄰處入虛安得攜樽顧  
岑寂與君商權九經書

東殷洗心舍人

乃翁之莊公手師也

先師問氣鍾山海稷下千秋此一看

歷下未有入相者入相自翁始

袞獨修明主闕鳳毛還向碧霄搏絲綸世業能相繼南北風光且縱觀賸有陽春如賈至杜陵衰病和應難

六月晦日過午亭留酌

雨過林臯夏且歸偶乘佳興出山扉深憐野色添禾黍況復朝涼透葛衣青眼故人能下榻白頭狂客久忘機論文一任簷花落不齒人間是與非

立秋日雨懷友

邊仲子詩

五

此日爲秋令羈人亦自哀已驚梧葉報還逐雨聲來宋玉傷垂老江淹媿不才故人有佳興樽酒白誰開

雨止

訪舊歸來夕照中半天涼雨一溪風須臾雨盡浮雲歛笑看兒童指蟬螻

訪顏煉師歸途值雨

琳宮尋羽客相見惜多違數語不能別一節還獨歸野風欲落帽林雨忽沾衣入夜思難置夢隨黃鶴飛

早秋晚眺

薄暑不成雨夕陽開晚晴雞鳴還應候蟬老欲吞聲白髮憐孤賞青藜罷野行柴門一翹首愁絕遠山橫

輓李西涯相公二首

屏惡違同列謀身比衆奸可憐黃閣老翻乞寺人隣亂紀纔中豎危邦且外兵不緣貪位者孰遣厲階生

懷嚴石谿

邊仲子詩

六

客邸蕭齋咫尺違那知客裏送將歸憐君去日繁霜鬢我年來短褐衣無復雁鴻音問達但聞南北羽書飛于今物色勤明主未可終身守釣磯

偶成

老去惟耽酒年來更癖書頗能消歲月久已絕軒車懶慢應無似吟哦得自如優游潘騎省還可賦閒居

讀先尚書傳誌感李何二公三首

四傑名昭代何如泉上翁先君自號高風偕大復何公引亦無官情晚節惜空同李公以寧藩之累罷官瑣闥忠君疏文壇

作士功司徒惟積卷遺泥寢丘祠

禮院方承遇黃扉疏已陳共憐忠鯁黜難免寺人  
真茂績微南楚丹心望北辰迎鑒多諷諫寧獨擅  
陽春

後下論前輩先君業獨寒晉梁重作士禮樂五遷  
官抗志平生易詒謀後世難文清遺請謚千古付  
長嘆先尚書以  
實未請謚

寄姪

流落天涯鮮自如每從孤坐嘆離居漫云片晷成  
三月始信千金抵一書蘭玉未酬恒念爾犬豚難

邊仲詩

七

誨迴愁子殘秋擬共東籬醉果否能旋黃犢車

雨中懷先壠

冢畔松堂古傾頽近若何昔承天子祭曾重省臣  
過隧道荒榛合桓碑積蘚多雨餘流潦集不是舊  
恩波

苦雨

灑灑空庭雨愀然動百憂暮年長苦夏多病不宜  
秋尚想南州榻難登沮曲樓杖藜閑倚壁安得訪  
林丘

秋日簡午亭

爲喜東鄰叟青門學種瓜隔春多貯酒畱客預烹  
茶我愧知音者君誠老作家劇棋兼話舊不負滿  
籬花

秋日寄西源

乘興登泉閣憂時却酒杯屈原真獨醒漁父笑空  
回老我慚騷客知君有別才如何分袂後不見一  
書來

雨中雜咏三首

病裏山翁自好眠山薪雨浥不堪然兒童莫把晨  
簪索今歲秋來復禁烟

邊仲詩

八

秋雨山翁長獨醒小窗風雨晚冥冥深憐隔舍秋  
蟲好故遣清音不暫停

綠萼窗外雨瀟瀟秋色秋聲未寂寥爲語兒童須  
好記明年還擬種芭蕉

秋日

早秋天氣半晴陰漸聽籬邊蟋蟀吟山雨過窗明  
忽暗夕陽懸樹翠浮金無懷未用憂華髮乘興還  
能理素琴但得故人頻送酒何妨扣角和商音

雨後飲酒

積雨山齋午亦涼白頭吟客忽生狂雖無杜老花

經眼且喜中山酒滿觴雞黍未登野饌文章不  
舊只空囊興來且任兒曹勸一斗陶然入醉鄉

秋興寄人

小亭蕭索可憐秋殘雨隨雲意未休聞說南溪秋  
水至幾時同上釣魚舟

遣懷

貧時不易度閑日亦難消長寐忘飢渴殘書送寂  
寥衡門無剝啄行野任歌謠但取衰翁樂都忘暮  
復朝

思舊隱

邊仲子詩

九

林壑秋深柿葉丹白雲長護草堂寒園因畱客收  
芋栗徑爲凝香種蕙蘭跨蹇尚遠城郭近報詩寧  
遣會盟寒于今遠隔溪山外咫尺音書那得看

賞酒

東隣舊醞忽已盡西舍新醪初潑醅却喜細君知  
我意不教空遣一樽回

翌晨霧雨有感

朝雨尚濛濛林堂孰與同依栖山水外身世夢魂  
虛擬秋來醉寧知黍復空屈原吾所似甘分笑  
翁

夜雨

山窗一夜雨忽送九秋寒多病憂時促孤衾付永  
嘆不工門外瑟獨考澗中槃出處皆無似孰云天  
地寬

題挽暉閣

此首見少微詩集和

萬木陰陰草閣寒疎窗隱隱嵌青山箇中誰識幽  
人趣飛鳥無言自付還

邊仲子詩

十

附嚴石谿詩三首

如皋嚴

怡

春夜同邊南洲飲張白嶼齋中賦

哺時飽脫粟無事吾欲眠老眼忌燈燭高閣書

一編門有剝啄聲我意亦欣然念無田租負知

非索公錢開戶視蒼蒼酒星方在天感茲南鄰

與相吟夜談玄張華信博物辯口黃河懸五經

載腹筭坐有邊孝先展席就明月揮杯詎當年

餒牛不逢堯駿骨思焦燕窮途哭猖狂解組懷

昔賢飲醇不覺醉起舞庭花前丈夫重意氣書

劍常周旋詎無風雲會遂爾溝壑捐

邊仲子

士

次韻南洲公子二首

湖水原幽勝今朝始一遊輕衣趨大雅折簡藉

名流樓閣神仙近山川世界浮桃花應笑我醉

倒木蘭舟

又

湖上有人晨見尋邀我共聽黃鸝音落花啼鳥

苦無賴碧水丹山宜一吟鶴髮不知此身老源

竿偶觸當年心蒯緱久客愧吾黨把釣何日春

江詩

邊仲子詩一卷

山東巡撫  
採進本

明邊習撰習字仲學濟南人戶部尚書貢之次子

王士禎論詩絕句所謂不及尚書有邊習猶傳林

而忽沾衣者是也貢雖仕宦顯達而圖籍以外無

餘資習竟貧困以沒僅存其七十歲客孫氏時詩

一卷本名睡足軒集士禎與徐夜共選定之附刻

其父詩集後改題今名習詩遠不及其父尤多應

俗之作其輓李東陽二詩論雖公而評太訐亦乖

詩品夜等特以名父之子重之耳



世經堂集二十六卷(一)

〔明〕徐階撰

北京大學圖書館藏明萬曆徐氏刻本

世經堂集序

夫世所稱文章功業不並  
著而論者至偏舉以各取  
重不兩擅也置昂抑其間  
其然乎蓋嘗考觀古昔士  
修詞者篤藝而不逢辰以  
其言名一家稱宗鉅矣而  
績業無聞廊廟之士偉建  
監究其成於事功也而詘  
於論譔若是者亡論已迺

若逢世顯庸樹勛業於時  
至掀揭矣而以其言蒸黻  
猷暮潤色當世則固有鼎  
彛其勲伐而琬琰於言辭  
者惟其能言而掩於功業  
與究其功業之成而不專  
於言不自列於作者誠有  
之然持是而謂二者殊致  
不兩至而俱能也此何以  
云哉唐虞之臣方其都俞

唯諾於一堂之上著之言  
辭矣而康事熙績因之以  
載道德功業於其間斯不  
可以會睹其全也哉竊嘗  
因是以觀于今少師存齋  
徐公矣公自弱冠登上第  
列職史氏翱翔著作之庭  
已抗疏歷外游馭顯序皆  
文章禮樂之任其得專於  
言宜矣及公踐列卿入正

台鼎司政本以

肅皇帝神聖臨御久執政者奉

大議不遑給也會其時南北

警報至數

札下公公條荅不移頃奏入

左

四

無不中事宜以當

上意而其尤著者

穆皇帝初元公定策圖議國事

稍更弦轍以新

上治理今勸進諸章與論奏制

草具在可覆也夫以公碩

德元老厯事

兩朝其勛業之大著廊廟而被

天下者固顯顯注人耳目

奚俟求公於言其

左

五

召對造膝入告密勿者世亦

未能盡知其言方其勞於

弼贊專精神以計

社稷何論著述若又不遑於言

也今觀公論議上自經濟

下迨酬應鴻鉅纖曲體裁  
各備亦何其閱覽博肆而  
言之贍耶公蓋邃詣淵蓄  
自其潛究名理達識政體  
其大者既以措之事業矣

序

六

而出其餘以有言也故公  
之文其議事決策迎解曲  
中則運斤承蜩其緣情體  
物蒸思芊縟則琲聯璧拱  
而不事鎔琢意象瀟泊則

黃鍾太羹至其醇厚爾雅  
春容紆徐則冠冕佩玉端  
委而雍肅也蓋蔚乎廊廟  
之文以宣

序

七

治朝之盛者非耶故論者謂  
公當具贍之任舉鼎彝之  
勛不專於言而言之有以  
載經綸之迹以其言之成  
也而未嘗掩於其功業之  
大美盛並著以語夫作者

之全也斯不可以當公也  
哉公自解機務歸不忘著  
述思昔勤勞國事未遑也  
曰自余為執政所圖議一  
二大政即國有掌記而副  
序  
八  
藏焉其寧使無存因并其  
前後積而為言者以屬梓  
梓成則公嗣太常君偕二  
弟尚寶君屬序聲聲為公  
鄉邑後進又嘗執筆從史

氏後於公之著作窺見一  
二故論次其大都若此迺  
若公文章事業識其大以  
司論譔者有海內名家在  
聲不佞何敢言序公集為  
序  
九  
奏對為視草為奏疏為序  
記碑志雜著語錄古今詩  
類次之凡若干卷而總題  
曰世經堂集公所自命也  
賜進士出身資政大夫禮部

尚書兼翰林院學士

經筵官

實錄副總裁臣後進陸樹聲謹

序

序

十

其所經筵

世經堂集目錄

卷之一

奏對一

廷試策

大行皇帝諡議

孝潔皇后諡議

孝烈皇后諡議

經筵講章

卷之二

奏對二

世經堂集

目錄

句金

請還大內并召見大臣計議邊事

答邊事諭

請巡視九門

答邊事諭

請依兵部留宣大鎮兵

請處兵將

論兵事

答選二王妃

諭

答調邊兵

答京兵諭

論發兵征倭

答倭情諭

再答倭情諭一

二

請以兵事責有司

請處宣大兵餉

答南北兵食諭

請早處宣大總督	答簡用閣臣	論
答備邊	答邊情	論
答邊餉	答查理邊餉	論
答南賊		論
乞命文臣提督宮工		
答圍守官軍		論
答遼東宣大邊事		論
答禱雨		論
答東南寇氛宣大遼東邊事		論
答廣東兵事	請調土兵	
世經堂集	目錄	二
請公同票擬奏一	二	
答水利	答重錄大典	論
答風變及江西三疏		論
答革浙直總督	答堪任閣臣	論
答欽簡閣臣	答知人	論
答自愛	答不自票擬	論
答段正達限	答冢宰力行	論
答風異	答兵事	論一
二		
請敕江東總督入援官兵		

又答邊事	論一	二
答追賊及賞軍	論	答兵事
請發追賊官軍糧料	又答兵事	論一
二	兵事奏	
又答兵事	論一	二
請賞薊鎮將士		
答虜退加恩將士	論并請發宣大總兵	
各還鎮	答武備	論
答加恩閣臣本兵	論一	
二	答推用某等	論
世經堂集	目錄	三
答指名作論	論	答重城
二		論一
答京營總督	論一	二
三		
答薊鎮糧草并整理京戎	論	
卷之三		
奏對三		
答風變	論	答京練
答築灣城	論	止犒賞邊軍
答止賞	論	答警報并論功
		論

答妖逆王使 諭

答禁織玄黃龍鳳紋色 諭

答盡去剝虐 諭 答白社 諭一

二 答科臣劾萬恭 諭

答倉儲 諭一 二

答方士進藥 諭 答錢法 諭

請停止寶源局鑄錢 答設濟 諭

答出粟 諭 答預計纂修 諭

答補閣臣 諭一 二

答用人 諭 答內火當慎 諭

世宗憲集 目錄 四 五

請於舉人內選補兩房中書官

答按法擬票 諭 再請補閣臣

答添閣臣 諭一 二

答日勞奉問 諭

答禪位 諭并請 冊立

答仍用胡大順 諭 答究治藍田王 諭

答重治胡大順 諭

答修理軋清等官 諭

論差官總督河道漕運

答運道 諭一 二

答邊傲 諭 答馭將 諭

答用宣大總督 諭一

二 答水患邊患 諭

答傳繼 諭一 二

三 止供用庫奏添人匠

論救江西撫按

答劉文彬進藥方 諭

答馬芳獲功 諭 答風異并隱還件 諭

改定 承天大誌序次奏

答南幸 諭一 二

世宗憲集 目錄 五

答薊鎮施藥 諭 答取礦 諭

答宗人四事疏 諭

答戎政官說防秋 諭

答更建 龍飛等宮殿 諭

答河工并北賊 諭

答戶部節愛并承天工用 諭

答兩廣更置 諭 答超格賞徐杲 諭

答河道及水災 諭

論兩淮鹽銀宜照舊額

答護養元氣 諭 答止南工 諭



答問胡松病	諭	答代胡松	諭
答預擇雲南鎮守	諭		
論將軍緒績請繼			
卷之四			
奏對四			
東府請駕	諭行拜天禮		
進議			
大行皇帝尊諡敕并請追尊	聖母		
論宗藩恩賜			
進賞賜文武羣臣軍民人等傳帖			
進擬賞賜數目			
進賞賜南京守備等官	傳帖		
請開經筵	止幸舊邸		
請允禮部止幸舊邸			
請允科道止幸舊邸			
請允科道奏開講讀			
進預飭邊務	傳帖	繳詳議科道	諭
進修省等	傳帖		
論太和山提督內臣	敕書		
止寫中秋致語			

奉諭查處承天事宜及馬從謙等卹典			
止駕詣天壽山疏一			
二			
進擬科道諫止內臣坐營票帖			
繳內臣坐營	諭	進禦虜	傳帖
進發兵	傳帖	面對後再論邊事	
繳詳議邊計	諭		
請允御史鍾繼英奏止內教場操練			
請躬奉廟享			
更正耜田	賜宴儀注		
繳邊事	諭	請皇子剪髮命名	
請廷試策問	止建壽宮		
止幸海子			
繳南兵	諭	繳防邊	諭
進兵部練兵票帖			
卷之五			
視草			
擬遺詔		擬勸進	答諭
擬下禮部具儀	諭	擬登極詔	
擬諭禮部議			
大行皇帝尊諡敕			

聖母禮儀敕	擬	諭禮部議追尊
孝潔	擬	諭禮部議
孝烈二后尊諡敕	擬	諭禮部具
孝懿皇后禮儀	擬	
大行皇帝尊諡冊文	擬	
大行皇帝尊諡詔	擬	
孝潔皇后諡冊文	擬	
孝烈皇后諡冊文	擬	
冊立	中宮敕	擬冊立
冊立	中宮詔	
皇貴妃冊文	擬	諭禮部開講敕
敕衡王	擬	
敕南京兵部尚書胡松	擬	
敕工部尚書兼都察院右副都御史朱衡	擬	
敕叅贊機務南京兵部尚書	擬	

敕工科右給事中何起鳴	擬	
敕兵部左侍郎兼都察院右僉都御史遲鳳翔	擬	
敕監察御史譚啓等	擬	
敕都察院左副都御史鄒應龍	擬	
敕兵部左侍郎兼右僉都御史劉燾	擬	
敕署都督同知戚繼光	擬	
敕司禮監太監王臻	擬	
敕內官監太監李佑	擬	
敕御馬監太監趙玠	擬	
賜各宗室書	擬	廷試策問
擬宣諭三衛進貢夷人	擬	
卷之六		
奏疏一 禮文類		
請冊立	東宮	再請冊立
冊立	東宮	四請冊立
冊立	東宮	
冊立	東宮表	
冊立	東宮	
二王冠婚	題請	二王冠禮
二王講讀	請復歲祫告	廟

題 莊敬太子喪禮	會議 孝烈皇后忌祭	忌祭密疏	再議 孝烈皇后忌祭	東府啓請儀注	擬告 內殿儀注	大喪儀注	初勸進箋	三勸進箋	宣治門發議	尊諡敕諭儀注	宣治門發議追尊	母妃敕諭儀注	常朝奏事 答旨	改定一統志義例	處理重錄 大典奏一	處理重錄 大典奏二	處理重錄 大典奏三	論孔子祀典	薛文清祀議	卷之七
				入內儀注		三上 箋儀注	二勸進箋						禮部繳 敕儀注	修承天大志義例						

奏疏二 政事類	覆鄭府宗人祐椿訐奏鄭世子	覆御史楊順奏	清查光祿寺廚役	歲考通事官生	參三法司	覆廣時議以少裨財用奏	覆裁革樂舞生廚役	會議北虜求貢	叅中書汪尚周	請收用報効人馬	覆郡王府軍儲	請禁奢侈	請考補四夷館譯字生	請考授庶吉士	奏疏三 稱賀類	賀伊世子奏進黃白兔各一	賀雨	賀瑞雪	賀冬至	賀獲逆賊王三	賀獲逆賊王三	賀冬至
	覆處日本國貢例	歲考醫士	請禱雨	覆保安王男請襲封		御虜事宜	薦舉	條陳門禁	會法司覆楚府請封	覆王府儀從			題考選庶吉士事宜									

賀正旦	賀東宮冠禮成
賀萬壽	賀冬至
賀元旦	賀瑞穀
賀平內逆	賀聖誕
賀冬至	賀冬至
賀萬壽宮成	賀皇極殿成
九廟成上	兩宮徽號賀表
上皇天泰號等禮成賀表	又
明堂禮成賀表	
賀冊立東宮表	
冊立東宮賀	
昭聖皇太后表	
賀	
昭聖皇太后徽號表	
賀	
章聖皇太后徽號表	
冊立皇太子賀	中宮箋
冊立賀	東宮箋
卷之九	
奏疏四	謝辭類

謝賜帝社稷壇酒果脯醢	
謝兼學士教庶吉士	
謝遣永明後殿代拜先聖先師	
謝陞禮書兼學士	謝賜聖節銀幣
謝賜大紅金彩仙鶴羅衣	
謝遣分獻郊壇	謝遣祭文廟
謝加少保并廕子	辭免入閣
謝賜大紅金彩羅蟒衣	
謝入閣	
謝賜永明後殿酒果	
謝交代	
謝賜三年考滿羊酒鈔貫	
謝准照舊承廕	
謝賜六年考滿羊酒鈔貫	
謝六年考滿廕子等	謝改男璫尚寶司丞
辭免九年考滿恩命	
再辭賜宴	
謝九年考滿改兼吏部尚書	賜敕賜宴
辭免萬壽宮成加恩	
謝萬壽宮成加恩	

謝 賜十二年考滿銀兩表裏等	謝 賜十二年考滿 賜敕諭誥命并折宴銀幣	謝 賜敕	謝 加建極殿大學士	謝 十五年考滿 恩命	謝 十五年考滿加恩 謝 賜考滿羊酒等	謝 賜十五年考滿 敕諭	辭 登極加恩	辭 重錄 大典成加俸	世經堂集	謝 聖節廕子疏	謝 賜十八年考滿羊酒等	致仕謝 賜 敕諭并差官護送月米歲夫等	陸 辭謝 賜銀兩鈔貫綵段襲衣	謝 致仕抵家	卷之十	奏疏五 陳乞類	乞太恭人卹典	考察自陳	考察自陳
---------------	---------------------	------	-----------	------------	--------------------	-------------	--------	------------	------	---------	-------------	--------------------	----------------	--------	-----	---------	--------	------	------

乞改男璫散秩	乞以男代歸祭掃	災異自陳	考察自陳	乞補廕	奉 詔自陳	患病乞休	被論自陳	再乞休	三乞休	四乞休	九年再滿乞休	乞休并收回 恩命	再乞休并收回 恩命	再乞收回 恩命	請假	再乞休	乞休	再乞休	又乞休	被論乞休	再乞休	卷之十一	序一	送東滄守劉侯入 覲後序	送恭將陳侯汝玉濟河通州序	壽鄭母俞太安人七十序	壽寒溪林先生序	送郊進士薦和使山東遂歸省母序	贈邑侯方君考績復任序
--------	---------	------	------	-----	-------	------	------	-----	-----	-----	--------	----------	-----------	---------	----	-----	----	-----	-----	------	-----	------	----	-------------	--------------	------------	---------	----------------	------------

送侍御南江馮君赴南臺序

送別駕張君董餉還松江序

送少尹王君董餉還華亭序

贈沈君建之赴寧海序

送汪君淵之守永州序

西隱詩序

一松詩序

金精吟社集序

贈侍御漆川廖君按山東序

贈建寧貳守李君致仕序

贈邦伯南原李公入 觀序

世經堂集

目錄

十六

卷

贈建寧守詹公入 觀序

贈建寧郡伯詹公考績序

贈邦伯南原李公考績序

贈方伯浦南胡公赴江西序

新泉問辨錄序

學則序

贈憲副東津魏公致仕序

杭州北關志後序

昭遇錄序

贈少叅體齋陸公赴山西序

官箴集要序

贈都閫沂東湯君備倭揚州序

贈都閫一山李君坐營南都序

贈大叅龍山戴公赴貴州序

送山西少叅我齋朱公序

送少叅蕤崖周公赴河南序

二楚集序

送大叅三峯侯公入蜀序

理刑疏要序

贈大方伯凌川傅公入閩序

贈華亭學諭天柱楊君序

皇華忠愛詩後序

禮記正蒙後序

世經堂集

目錄

十七

卷

贈大方伯石樓陸公入閩序

贈謙谷林公赴貴州序

贈方伯石橋劉公序

卷之十二

序二

壽封僉事吉菴王先生暨配張太宜人序

贈大方伯松泉夏公報政序

贈鳳峯沈子守寧波序

贈楊子虛卿序

送嘉興守東蒙王侯入 觀序

董大理合葬錄序

賀雪聰孫君序

贈郡博魯湖翟君序

終慕詩序

贈司訓虛亭杜君序

水西集序

崇雅錄序

送黎山教授楊天柱序

贈郡伯梓谷黃公致仕序

壽郡憲翠巖黃君序

送僉憲元峯李公之山西序

送文選鈍軒周君出判河間序

送與山袁君分教南昌序

世經堂集

目錄

卷一

七

壽陳母曹孺人八十序

壽雙崖李先生八十序

贈宗伯程齋先生盛公予假南還序

送太常少卿後屏盧君序

贈藩叅鴻陽周君序

賀熊母萬太夫人蒙 恩存問序

贈諫議蒙泉徐君序

送大宗伯兩洲先生王公赴南都序

送銀臺大夫景山錢君序

贈諫議文岡陳君送母趙恭人還鄢陵序

陽峯家藏集後序

壽封太史心萱嚴君六十序

遊太嶽山詩序

下市聶氏譜序

壽少宰學士龍湖先生張公六十序

壽少宰翰學毅齋先生孫公序

送太宰龍湖張公詩序

壽顧東川六十序

送海峯吳君赴湖藩序

壽謝母李太宜人八十序

贈太史董君用均予告序

世經堂集

目錄

卷一

七

卷之十三

序三

陸文裕公集序

吳文端公集序

壽褚石臞七十序

送大司空直齋屠公赴南都序

送少宗伯兩厓朱公還湖南序

柘山李先生壽序

逸菴楊翁壽序

賀一竹趙翁暨配汪孺人雙壽序

贈海村劉君擢貳南太僕序

賀太史胡君子文二親偕壽序

送憲副雙臺林子督學湖南序

賀有懷先生唐公七十序

會試錄序

送宮保宗伯毅齋先生孫公致仕序

賀封工部主事石林凌翁夫婦七十壽序

賀封禮科右給事中張君序

賀都憲東洲屠公進秩太子太保序

贈宮保大司馬雙江先生聶公謝政西歸序

涇野先生集序

費文憲公集序

送少司成文石朱君赴南雍序

世經堂集

目錄

壬

送憲副內山張君督學湖南序

賀封戶部尚書裕菴賈先生暨配李夫人序

兩厓集序

壽節婦封太孺人劉母都氏六十序

壽宮保大宗伯毅齋孫公八十序

浙江通誌序

御史大夫思賢王公奏議序

卷之十四

記

華亭縣新建名宦鄉賢祠記

方齋記

海槎記

竹村記

望雲記

孫氏先祠記

飭軒記

竹溪記

坦菴記

華亭縣修學記

泰寧縣重建察院記

冰蘗軒記

讀書臺記

重建了齋先生祠堂記

南平縣雲蓋里社學記

觀瀾亭記

刻盡忠報國碑記

海鹽縣重修捍海塘記

世經堂集

目錄

壬

廬州府題名記

紫山書院記

松泉記

陽明先生畫像記

封丘縣重修鳳山秦公生祠記

忠訓堂記

青浦縣新建察院記

金山衛學初置廩膳記

嘉定縣改建啓聖祠記

松江府理刑廳題名記

華亭縣題名記

長洲縣尊經閣記

丹陽縣報功生祠記

三原縣新築北郭城記



太常寺題名記

刑科題名記

嘉靖二十年進士題名記

嘉靖三十二年進士題名記

京畿道題名記

旌忠祠記

復碧山吟社記

無爲州城記

端諒堂記

嚴州三先生祠記

張家灣城記

漕運新渠記

卷之十五

墓誌銘一

九江太守王君墓誌銘

世經堂集

目錄

五

七

贈承德郎南京戶部王事汪公墓誌銘

封太安人陳氏墓誌銘

明故宣城伯夫人張氏墓誌銘

明故竹賓吳君墓誌銘

明故南京禮科給事中劔溪鄭君墓誌銘

封太淑人董母婁氏墓誌銘

明故封文林郎大理寺右評事海槎王公墓誌銘

誌銘

明故柳溪唐君暨配劉孺人錢孺人墓誌銘

明故文林郎吏科都給事中致仕麟山楊公

墓誌銘

明故義烏訓導封中憲大夫長沙知府鶴峯

李公墓誌銘

明故處士菊坡朱君墓誌銘

明故文林郎湖廣道監察御史一齋蘇公墓誌銘

誌銘

明故通議大夫大理寺卿前巡撫江西都察

院右副都御史浦南胡公墓誌銘

明故廣東布政司左叅政南岑吳君墓誌銘

鶴山楊君墓誌銘 曹太安人墓誌銘

世經堂集

目錄

五

明故容城教諭封翰林院檢討從仕郎育菴

閻先生暨配張孺人墓誌銘

封奉政大夫廣西按察司僉事顧菴潘公墓誌銘

何母孫孺人墓誌銘

封新喻知縣文林郎節齋趙君墓誌銘

明故太子少保吏部尚書贈太子太保諡恭

肅周公墓誌銘

封潁州知州劉君墓誌銘

封南京吏部考功主事竹泉薛君墓誌銘

卷之十六

墓誌銘二

湖廣左叅政龍津黃君墓誌銘

明故大名府判鶴沙張公墓誌銘

貴州按察副使間山馮公墓誌銘

明故大中大夫太僕寺卿石溪毛公墓誌銘

贈監察御史南溟馮先生墓誌銘

潛夫張先生墓誌銘

封兵部尚書梅齋翁公墓誌銘

贈戶部尚書南峯夏翁暨配郭夫人墓誌銘

明故興濟知縣劉君暨配王孺人墓誌銘

尚寶司司丞致仕洛原白君墓誌銘

封宜人王母李氏墓誌銘

封翰林院編修文林郎志梅林君墓誌銘

北谿范君暨配顧孺人墓誌銘

明故光祿大夫太子太保吏部尚書贈少保

諡文襄唐公墓誌銘

明故巡撫河南都察院右僉都御史黃齊陸

公墓誌銘

封奉直大夫刑部員外郎真菴王翁暨配張

宜人墓誌銘

封孺人顧母李氏墓誌銘

封刑部王事柳溪劉君墓誌銘

友松胡翁墓誌銘

贈監察御史時齋馮公暨配吳孺人合葬墓

誌銘

封太安人莫母朱氏墓誌銘

明故巡撫雲南右副都御史瀉陽周公墓誌

銘

明故陝西叅議春谷潘君墓誌銘

明故廣東按察司僉事進階奉政大夫竹溪

先生黃公墓誌銘

卷之十七

墓誌銘三

明故資政大夫總督湖廣川貴軍務都察院

右都御史贈太子少保諡襄惠淨峯張公

墓誌銘

明故前監察御史蒙泉包君墓誌銘

明故江西臨江府同知細林楊君墓誌銘

明故中憲大夫福建按察司副使卜君墓誌

銘

梅淑人墓誌銘

明故中順大夫邵武府知府致仕魯溪彭公

墓誌銘

封安人陸母沈氏墓誌銘

明故南京禮部尚書贈太子少保諡文恪季

泉孫公墓誌銘

封太孺人趙母許氏墓誌銘

明故整飭蘇松兵備山東布政司右叅政兼

副使贈光祿寺卿復菴任公墓誌銘

明故亞中大夫順天府尹近川查公墓誌銘

封一品太夫人楊氏墓誌銘

世系集

墓

夫

墓

明故太保兼少傅後軍都督府左都督掌錦

衣衛事贈忠誠伯諡武惠東湖陸公墓誌

銘

明故太子少保禮部尚書兼翰林院學士掌

詹事府事贈太子太保諡文簡孫公墓誌

銘

明故廣西叅議左山顧公墓誌銘

封通議大夫吏部左侍郎兼翰林院侍講學

士靜菴郭公墓誌銘

明故中憲大夫四川按察司副使春山富公

墓誌銘

張母朱孺人墓誌銘

卷之十八

墓誌銘四

明故中憲大夫山東按察司副使海樓李公

墓誌銘

建昌同知未軒朱君暨配周孺人墓誌銘

封翰林院檢討徵仕郎餘山朱君墓誌銘

明故通議大夫吏部左侍郎兼翰林院學士

中峯先生董公墓誌銘

世系集

墓

夫

墓

太醫院吏目雪谷施君墓誌銘

明故右春坊右中允兼翰林院編修陳君墓

誌銘

封通政叅議從川秦君墓誌銘

文林郎武城知縣滄溪吳君墓誌銘

明故刑部尚書贈太子少保諡端簡鄭公墓

誌銘

明故太子太保兵部尚書贈少保諡貞襄聶

公墓誌銘

明故巡撫山西都察院右僉都御史浚谷趙

公墓誌銘

明故左春坊左贊善兼翰林院修撰贈奉議大夫光祿寺少卿諡文恭念菴羅公墓誌銘

明故兵部武選員外郎贈太常少卿諡忠愍

楊公墓誌銘

明故尚寶司丞寓菴吳公墓誌銘

明故光祿大夫柱國太子太保兵部尚書東

塘毛公墓誌銘

封太宜人胡氏墓誌銘

世德堂集

目錄

天

川

卷之十九

墓表

奉議大夫松江府同知張君墓表

贈通議大夫都察院左副都御史毅軒周公

墓表

中憲大夫陝西行太僕寺少卿可亭趙公墓

表

封奉政大夫山東按察司僉事吉菴王公墓

表

學山周先生墓表

贈壽寧知縣懷山陳君墓表

碑銘

明故贈吏科給事中竹村張君墓表

贈中憲大夫南京都察院右僉都御史率菴

吳公墓表

重修義勇武安王廟碑

明故贈光祿大夫太子太保吏部尚書安貞

熊公神道碑銘

贈通議大夫吏部侍郎巖溪歐陽公神道碑

銘

明故右春坊右諭德兼翰林院侍讀漸山屠

世德堂集

目錄

先

五

公墓碑銘

明故太子太傅贈太傅諡恭僖成國朱公神

道碑銘

明故太子少保禮部尚書兼翰林院學士文

莊歐陽公神道碑銘

明故資德大夫正治上卿恭贊機務南京兵

部尚書贈太子少保克齋李公神道碑銘

明故南京國子監祭酒贈禮部右侍郎諡文

莊鄭公神道碑銘

卷之二十

論	君子尊德性而道問學	聖人貴未然之防	策	時務	說	荃齋說	虛白堂說	辯	學則辯	世經堂集	對	養蒙對	解	養蒙對解	引	送大叅豐山孫公入賀	送俞憲荀莊方公入賀	楊山心法引	原
										目錄				劔溪草堂解		明堂禮成詩引	明堂禮成詩引	癸丑同年序齒錄引	原拙贈少叅方公入閩
										手									
										倪									

跋	原勢贈奉常傅巖王君	跋思過冊	跋敘齒錄	跋吳司寇大雅堂卷	跋當湖卷後	跋吳季女傳	跋莫節婦張氏冊	跋四德流芳卷	贊	鑑別妍媸贊	畫像自贊	屏銘	明德堂銘	忠恕堂銘	傳芳堂銘	適志處銘	規條	示乙丑庶吉士	卷二十一	祭文	祭豫章先生文	祭了齋先生文	晦菴先生祠祝文	延平鄉賢祠祝文	延平名宦祠祝文	祈雨告社稷文	祭叔父谷陽府君文	得雨謝社稷諸神
---	-----------	------	------	----------	-------	-------	---------	--------	---	-------	------	----	------	------	------	------	----	--------	------	----	--------	--------	---------	---------	---------	--------	----------	---------

祭敬所先生蔣公文

江西會城陽明先生祠新成釋奠文

陽明先生祠時祭祝文

祭潘封君文

祭少師鵝湖費公文

沈恭人遷葬祭文

祭中峯先生文

祭太宰白川周公文

祭葉以明文

祭南野歐陽公文

祭顧東川文

誥 封一品夫人陸配張氏文

祭北原熊公文

祭宗禮參將文

祭朱恭靖公文

祭季泉孫宗伯文

書

目錄

三

卷

祭大叅任復菴文

祭陸武惠公文

祭李海樓文

祭太保雙江聶公文

祭石川兄文

祭施雪谷妹丈

祭司寇淡泉鄭公文

祭中丞浚谷趙公文

語錄

示劉生應鳳

示蕭生俊楊生顯

示施生明

示丘生舉

示余生喬

示羅生鍾

示黃生南金

示林生應芳

示楊生清

示蔡生明

示吳生浩

示吳生必學

示張生體中

示吳生詔

示游生文信

示鄔生軒

示王生興

示鄭生綱

示廖生如嵩

示管生鳳

示張生駒

示劉生文鼎

示童生星

示黃生應春

示郭生奇逢

示王生汎

示張生志忠

示賴生文理

示李生瀾

示朱生華宗

世澤集

目錄

三

卷

示楊生瓊

示楊生厚

示林生廷試

示陳生廷器

示張生仕鶴彥禎彥初

示謝生衷

與曾龍山侍御論大學語孟

卷之二十二

書一

復歐南野太史

寄南野

寄游行簡進士

與子明弟

復沈雲川

途中寄答從游諸生

與趙生宗南	復林次崖僉憲
與姚淮安澤山	與卜監泉進士
與薛方山吏部	與王樗菴給事
與鄭文峯戶部	與王南江大叅
與撫按論均糧	與撫院論水利
復呂沃洲按院	復王藥谷中丞
與翁東涯總制	復呂沃洲
復孫巡撫月崖	復賈環峯侍御
復歐約菴撫院	與馮桐岡邦侯
復唐荆川太史	與陳皆所侍御
與翁東崖	與王鳳泉中丞
與周崦山撫院	與胡象岡學憲
與王思質中丞	復黃竹山長史
復王東華給事	與歐南野少宰
復張白灘諫議	復趙浚谷僉憲
復荆川	與趙浚谷
上雙江先生論戎政	與連白石中丞
與胡大尹政	復鄭淡泉太僕
復彭草亭撫院	復張東居中丞
與胡暈陽侍御	與趙浚谷

又	又
與熊北原太宰	復胡梅林侍御
與趙浚谷	與王在菴中丞
與張南川中丞	與連白石
與何太華總督	答孫聯泉按院
又	與方雙江郡侯
復趙浚谷中丞	與孫聯泉
復王敬所學憲	與解總兵
卷之二十三	
書二	
上聶雙江先生	復王思質
復屠竹墟撫院	復王思質
與張半洲總督	復章陽華太僕
與周石厓中丞	復張半洲
復周觀所按院	復張半洲
與周觀所	與俞總兵
與朱兩厓禮侍	與王思質總督
與龍惟明員外	與方雙江
與周石厓總督	與楊裁菴總督
復周觀所	又

與曹東村撫院	復周觀所
與李有池侍御	復沈希儀總兵
復周觀所	與李有池
與周觀所	復周觀所
復楊裁菴	與王思賢
復周觀所	與吳悟齋節推
復周觀所	復楊裁菴
復周觀所	又
又	復李有池
復張明厓撫院	與周觀所
復黎漢門郡侯	與荆川
與周仲舍工部	與黃葵峯中丞
復趙大洲光祿	復尚仰山按院
復林雙臺方伯	與林三泉侍御
復黎漢門	與楊虞坡司馬
復楊虞坡	復楊東江中丞
復楊虞坡	復林雙臺
復趙柱石太僕	復尚仰山
復朱兩厓	復楊虞坡
復李克齋中丞	復翁見游撫院

復史鶴峯郡侯	復翁見海
又	與唐荆川中丞
復朱兩厓	復董淑化
與方雙江撫院	復方雙江
復陳鳴仲大尹	復李同野中丞
復王湛泉	復王鑑泉方伯
復葛雙石兵待	復党濟西二守
卷之二十四	
書三	
復耿楚侗督學	復楊朋石提學
復張石洲中丞	復陳文峯按院
復何栢泉中丞	復俞虛江總兵
復王西石中丞	復游讓溪中丞
復陸北川兵侍	與張北川總督
復周觀所撫院	與陳春臺大尹
復周觀所	又
復楊虞坡司馬	復楊古巖侍御
復周觀所	復王西石
復楊東江總督	復劉帶川中丞
與福總兵時	與張大石僉憲



復劉帶川總督	與吳子言太史
復劉帶川	又
復溫三山中丞	復趙劔門總督
復顏冲宇侍御	復吳自湖兵侍
復劉淑修太守	復張石洲中丞
復吳自湖總督	與耿楚侗
復黃上海文煒	復沐雲樓國公
復孫立亭侍御	復馬總兵芳
與劉帶川	復鮑思菴兵侍
與吳自湖	復周三泉邑侯
復吳自湖	復姜廷善提學
復尹洞山宗伯	復水南先生
復朱肖菴提學	復朱鎮山司空
復吳自湖	復洪芳洲中丞
復冀康川中丞	復馬鍾陽總憲
復周仲含憲副	復孫槐應按院
復趙劔門總督	復趙劔門
復尹洞山	復徐廉原京兆
復冀康川	復劉淑修兵憲
與朱泰巖郡侯	復湯文川兵憲

復孫立亭	復耿楚侗
與洪芳洲	復李介甫侍御
復楊朋石中丞	復李紹庭侍御
復劉帶川	復楊朋石
與張龍洲中丞	復王繼津中丞
復童李村按院	復塗任齋中丞
復湯交川	復洪芳洲
復王西石	復吳自湖
復薛南塘憲副	復王西石
復王養之侍御	復紀省吾憲副
復劉帶川	復劉羽泉兵侍
復遲胸岡兵侍	復李同野太守
復楊朋石	
與萬領菴洪芳洲諸同志	
與馬鍾陽司徒	復童李村
復林念堂撫院	復朱泰菴
復郝少泉侍御	與郝少泉
復楊二山中丞	復劉白川中丞

卷之二十五  
賦

別知賦

頌

白鸛鶴頌

瑞穀頌

顯陵甘露頌

奏歌

防秋告

太廟

防秋告歷代帝王

長短句

畫竹爲鄭劍溪都諫題

世經堂集

目錄

早

末

風雨註

題畫二首

贈馮侍御南江戍雷州

五言古詩

感興二首

懷母

懷南州兄子謨子明弟

懷室人

懷友

平淮陰侯

晉陽請

二都問

梁王傳

千金賜

畫一歌

送徐生應辰歸邵武

送李南原邦伯

贈傳神蕭鴻臚

食筍偶作

贈邑侯石牕張君十一韻

送考功朋石楊君赴留都

送司封仲芳楊子赴留都

送顧豫齋少叅入粵

送葉國博出判兗州

送沈進士子善尹鄱陽

送獻卿姪南還

送別陳石陽

送施雪谷妹丈南還

贈子進弟

示瑀姪

送徐諫議儀岡終養還衡州

世經堂集

目錄

早

末

送趙甥赴衛輝幕

七言古詩

遊子歎

送朱鶴坡侍御

送客入都

題贈御史一田方君却金卷

客至用所贈韻述懷 用前韻自勗

題鳳鳴朝陽圖

題畫竹

題畫

秋塘歌

恭題

宣宗皇帝欽繪農樂圖

送潘子芳赴東陽簿子芳者少宗伯東洲崔

公壻也

題淡泉精舍

題畫馬

送呂生需往宣大

送曹堯佐丞瑞安

題竹牕圖

題畫

送呂生時行還塘棲

述懷示呂生

送宗伯礪峯康公赴南都

題方朔偷桃圖

題冶山卷

卷之二十六

五言律詩

世經集

目錄

聖

表

賀知章故宅

夜聞吹簫

夜行安山道中

瓜洲風雨不克渡江

送顧起元甥壻之京

贈朱繼筠

同劉鎮江登甘露寺

清河見月

沛徐道中

送王國完東歸

上元夜對月憶去歲於西湖張燈賦詩頻隔

一年感賦

送張行之僉憲兵備陝西二首

夏日吳侍御邀遊通惠河二首

送張子器歸江西

題西莊卷

題竹泉卷

雨中褚芝泉過訪

中秋對月

中秋對酒

小至夜贈芝泉

吳木田沈鳳峯唐黃洲過訪各贈一首

芝泉送予抵灣用小至夜韻為贈

廣信阻雨有懷子明弟

望閩中諸山

夜贈張太室同年還朝二首

哭費鵝湖閣老二首

同姚明山陳片山焦黃山張五山藕莊燕集

世經集

目錄

聖

限韻

贈高東莊兵憲還鎮

萬松書院次顧東橋韻

送趙東竹少叅赴貶

豐城對雨

豐城久雨

哭鄭劒溪給事四首

寄顧豫齋吏部二首

寄顧左山僉憲

寄子明弟三首

茉莉

寄子進弟

漫興亭自述

生辰題宣妙寺壁

登金山作

送余司訓克遷

元日得雪

哭太宰白川周公三首

送曹一坡判辰州 送張石溪還

送同年李平崖叅政補任滇南

送客赴雲中 送韓春江倅祈州

寄題十一弟翠微草堂

少坡弟初至

奉和南渠相公同過東湖太保西第二首

送司訓石與拙 冬夜贈別陸南門

寄五兄 送沈少南

送邑博王檢齋赴餘姚

送陳南田表弟判嘉定州

世經堂集

目錄

書

卷

送姜廷善王少潛二太史出督學

病起寄諸姪

正月十七日同元峯太保直中小酌有懷南

渠少傅

五言排律

送少傅木齋先生謝公致政

端溪王公由少宗伯遷南京大司徒公前輩

君子也予因取老生語爲詩以贈

題前峯卷

送兩崖宗伯南還次端溪宗伯韻

五言絕句

次芹山憲伯贈沂東都司

壽袁育菴四首

七言律詩

橫溪爲彭允禎賦 和笈雙江先生

沛縣

劉南坦中丞以扇索詩題贈時中丞以引疾

歸

渡淮夢同雙江先生導 駕用贈詩韻奉寄

苦雨

世經堂集

目錄

書

卷

臥病有懷朱鶴坡侍御

送陳三守歸槎江

試茉莉茶時有鄭三守之招不赴

句曲道中

中觀望三茅峯

自三茅歸渡澱山湖卽事

渡泖後微雨疊前韻紀事

雨後觀白牡丹

題顧野王宅宅東有沈荃翁書樓存焉感賦

一律

張璠齋邑博和予白牡丹詩用韻奉答

再答疊齋

三答疊齋

胥溪

安居鎮晚泊

寄題嚴學士鈴山堂

送錢上舍一之歸

送客

輓張練川

輓湯大理乃子

送胡雙洲按河南

寄答聶一川先生

五塢山房爲盧師陳題

除夕同李正之述懷 出京日作

寄張水南太史 抵郡作

九日登余氏池亭次壁間韻

世經堂集

目錄

果

札

壬辰九日感懷

送何復所方伯赴湖藩

棟塘爲李侍御尊翁題

移橘植後園

望康山作

夜宿山川壇有懷延平之道南祠

三月三日西湖泛舟 和答五山泛湖之作

滕王閣送別驪山侍御時按江西未訖事謫

司刑韶州

送別戴東石時被論當調

五月五日懷 太恭人

重過東湖書院

送王在菴少叅

夜坐閱卷書懷

贈同年張立齋水部

官寮燕集二首和答太宰松臯許公

送同年王臯南守武岡

題近田卷

贈沈鳳峯守寧波

題趙大叅當湖卷

贈張兵憲西墅赴漢中

送羅闇齋赴廣西省幕

贈許太宰松臯卷

生辰述懷

和答鄭文峯戶部

病中和答文峯

世經堂集

目錄

字

葉

山居述懷用文峯韻

秋懷八首次文峯司徒韻

生辰題宣妙寺壁

題寶光菴兩柏

送張鴻臚荊原

送何瑞岡尹新昌

送同年王省齋尹旼寧

送楊細林司刑延平

送太史熊君實奉使江藩便道歸省

述懷次張白灘韻

立春日蒙 恩賜食春餅用前韻恭紀一首

用前韻寄子明弟

孟夏十六日 詔立御女文氏爲敬妃用前

韻紀事

送舒憲副雲川之滇南

和康太史礪峯元日候朝二首

送王鶴泉光祿赴南寺

對雨有懷朱兩崖中丞

送萬治齋司寇赴南都

送沈宜山赴福建藩幕

送子明弟奉使還

寄壽葉鱸江姐丈七十

世經堂集

目錄

哭

集

送陳玉泉僉憲赴江西

送陳少尹督餉還華亭

送水南沈先生分教貴溪

次張龍湖吏侍院中觀蓮四首

兩崖中丞和予觀蓮詩首章有欲借爲裳之

句次韻贈答

送劉帶川兵憲赴延綏

生辰書懷

送京兆張文洲謝政

壽吳止菴

送鄭子野通政赴南都

送孫龍江南還

送周萊峯知平度

八月二十三日分奠

帝王廟之東廡感賦

和答龍湖太宰河上見懷

送晁春陵太史奉使 周藩

送顧龍泉進士使金陵

送進士劉朝宗出宰瑞安

送張石壘謝瀛洲二諫議分使 宗藩

送朱太史文石冊封 襄藩

題西湖小景

送石壘諫議赴貶內黃

世經堂集

目錄

兗

集

太史浚谷先生練兵東藩詩以送之

送諫議謝瀛洲張復菴冊封

送任給事奉母還蜀

送袁裕春都諫出鎮建寧

送唐子崇進士出宰瑞安

送藍松坡王陽岡李義河黃少岷四諫議冊

封 宗藩

送程松谿學士改官南部

送太史姜晉齋冊封 楚府因過鄱陽

病起書懷

送龔大行方川使 徽府

送林雙梧尹永寧

送內兄顧龍山尹建陽

送司訓文三橋赴嘉興

送李中翰葵陽奉 使湖廣

送馬應圖王子忠吳子言三太史冊封 宗藩

藩

送王道克梁軋吉二諫議冊封 宗藩

送劉沂東郡侯赴調南康

送張一梧

世經堂集

目錄

辛

卷

閏月廿七日自宣城宅移得牡丹芍藥各一

本植之庭中漫賦

送子進弟南還

示瓚姪秀才

寄子德弟

賀王白谷大參連舉二子

九日送別茅練溪

送院判東渠李君赴南京少保殿學南渠公

弟也

送少宰午山馮公弟穉山金吾奉使湖南

送郡憲龍津姚君赴廣信

壽王白谷六十

送郡博林雙梧赴虔州時以作縣改官

送楊南溟太僕赴南寺

送楊石南司刑廣平

送潮州司憲鄭子懋官石埭尹江子懋禮赴

任

送憲伯楊朋石入闕

壽鄒東郭先生七十 送秦鳳樓使河南

七日以詩代簡邀少坡弟過直廬小酌

送別馮午山司寇

送于醫士友琴冠帶南還

世經堂集

目錄

壬

卷

送趙津南丞浦城

寄壽石川兄六十初度

和答王西庵

丁卯

世廟忌辰

過朝天宮識感

戊辰元旦早朝二首

正月二日紀事

上疏乞休呈館閣諸君子

用韻謝南明學士和章之辱

上疏後報達齋弟

乞休未報

乞休不允

耕藉

扈駕祀

永陵

送對山林少宰赴官南都便道省親

三月十二日 文華殿朝賀 東宮紀事

冊立之大日也

七言絕句

渡淮河

得家書二首

題露筋烈女祠三首

許墅關征商非古也又課皆有額而世或以

卷之六

目錄

聖

多取為賢感之賦此

和答周午谷

贈別陳子新同年予時方臥病于新自餘姚

來訪留一日遂上春官

題春陽卷春陽者楮煉師宗義也

題芸軒卷

病中薪米俱絕戲成一首

復經龍潭有懷朱鶴坡侍御

九日聞鶴坡遊洞庭

雲陽道中時出遊句曲

劍池

悟石

出柳霧迷失道

題芝田卷

題八駿圖

題同年宋質夫扇景

贈賈元禎

題畫馬

題美人倚竹圖

題讀書臺

題畫

口號奉邀芹山五山二憲伯

用韻奉謝二憲伯枉臨之辱

三月二日過蘇堤見桃花作

題放鶴亭

憂煌口號六首

世德堂集

目錄

聖

孔

陵祀九首

筆華城

玄福宮

送萬治齋宗伯考績南還四首

送何秀溪赴建寧幕二首

寄題春雨樓

送屠德宏主事華正夫凌正宗二節推三首

寄沈虛明

種望江南一首

送江峯姊丈南還二首

贈沈少畬內弟有懷柘山外舅

送唐止泉進士知將樂



丙寅除日

讀 賜諭識感

改 實錄稿識感

萬壽節

口號二首送姪孫肇復南還

樂府

張叔夜

撤黃屋

孫傳

百姓救我

宋宗室

三御批

曲

壽湯沂樂大理

世經堂集

目錄

書

札

詞

減字木蘭花贈別高平涼貞菴

玉樓春贈別陳孔振邑侯

千秋歲賀陸母七十二初度

阮郎歸贈別太和李子

阮郎歸贈張生還雲川

中秋無月作阮郎歸 十六夜對月用前調

漁家傲送別同蓮金子

世經堂集目錄終

世經堂集卷之一

奏對一

廷試策

皇帝制曰朕惟自古帝王欲成天下之治必順時揆事創制立法以盡天下之務顧世有升降而政之因革隨之唐虞三代所以致雍熙泰和之盛卓然可爲萬世法程者具載諸經姑舉其大者論之如定禮樂明律曆疆理宇內設立庶官分田制賦興學養士與夫選舉考課之法兵戎刑罰之制其建立有本推行有序可歷指其實而言之歟後之稱善治者曰漢曰

世經堂集

卷之一

一

明金

唐曰宋其創業守成亦多英君諠辟而考其治功所就終不及於古何歟豈致理之道固不專恃於法制歟嘗觀先儒之論有曰善爲治者必先有綱紀以持之於上而後有風俗以驅之於下信斯言也則君臣之間轉移振舉宜莫急於此者三代而上無容議已自漢以來綱紀之張弛風俗之醇雜亦有可言者歟抑斯二者相因而成又豈無所自歟仰惟我太祖高皇帝肇造區夏創建宏規太宗文皇帝中靖家邦纂述大統列聖相承監于

成憲益隆不替百五十餘年道洽政治蓋庶幾古帝王之盛朕嗣守

祖宗鴻業撫臨億兆夙夜祗畏圖新治理而績効未臻和氣未應其故果安在歟夫事必稽諸古而後有以驗夫因革之宜治必端其本而後可以不紊夫先後之序此固君天下者所當知也茲朕欲勵精有爲期于化行俗美紹復我

祖宗之舊以上追隆古之治如之何而可予諸生皆學古通今明於王道宜有以佐朕之不逮者其各殫心以對毋泛毋畧朕將采而行之

世宗憲

卷之一

二

何一

嘉靖二年三月十五日

臣對臣聞帝王之於天下必稽古以爲致治之資必端本以爲出治之地至矣哉古之法乎酌之於時宜而有以通天下之情致治者之所資也大矣哉君之心乎歛之於方寸而有以基天下之化出治者之所本也使人君於此敢於自用而不知古之當稽則因革之宜必無以驗而其所設施於是有益於時者矣惑於他岐而不知本之當端則先後之序必無以識而其所運用於是有益於道者矣夫以其姦於時也民將駭之而弗從違於道也民將議之而弗服其何

以一人心厚風俗以成雍熙泰和之盛哉是故治天下由於法制而惟創於古者不可易也善爲治者必稽諸古昔以爲維新之政而不當別有所立以爲奇厚風俗由於紀綱而惟存諸心者不可忽也善出治者必求諸此心以爲萬化之本而不當別有所事以爲工古焉能稽則因革之宜可以驗矣本焉能端則先後之序可以識矣治功之成不由是而可決乎帝王治天下之道或存乎此而實陛下今日之所欲聞者也恭惟

皇帝陛下剛健中正首出庶物既已具聖人之德

世宗憲

卷之一

二

倪成器

誕膺景命撫有方夏又已得聖人之時登極之初渙汗大號與民更始仁澤下流無遠弗届天下忻忻然有熙皞之樂而公卿大臣百司庶府亦莫不喜際昌期勉修職業師師然有讓德之風臣愚以爲唐虞三代

祖宗之時莫是過矣虛懷謙冲不自滿假恒以績効未臻和氣未應爲懼爰進臣等于廷詢之治道是卽望道未見之心取人爲善之量也昔宋儒程顥嘗上稽古之論而朱熹亦每爲正心之言臣愚誦法程朱久矣敢不掇拾一二以仰副清問之勤乎竊

惟天下至大也兆民至衆也而天下之俗又不能以  
皆醇也人君以一人之身尊臨乎其上非有法制以  
齊之則民將無所于守而其渙者不可一非有紀綱  
以持之則民將莫知所向而其薄者不可醇古帝王  
知其然是故順時揆事創制立法以盡天下之務而  
莫或參之以已意之私綱焉常張紀焉常理以善天  
下之俗而尤致謹於本原之地蓋其法制之行必期  
於可久故其於時宜也自不容有所違紀綱之立必  
期於成化故其於心術也自不容有所忽其所以率  
天下於王道之中固民生於帝則之內者夫豈苟然  
之故哉臣請自其法制言之禮之定也有吉凶軍賓  
嘉之異而神人治焉樂之定也有章韶夏濩武之異  
而上下和焉黃鍾太簇姑洗蕤賓夷則無射以爲陽  
太呂夾鍾仲呂林鍾南呂應鍾以爲陰則律明而度  
量衡於此乎興璫璣玉衡以齊七政步推積分以立  
閏法則曆明而民時於是乎授疆理宇內則或肇之  
爲十二州或合之爲九州或第之爲五服而疆界昭  
設立庶官則或稽古建官惟百或官倍亦克用又或  
三百六十統於六卿而政教舉咸則三壤任土作貢  
百里賦納總二百里納銓三百里納秸服四百里粟

五百里米以至貢助徹各一其法而所以分田制賦  
者爲甚周春秋教以禮樂冬夏教以詩書小學在公  
官南之左大學在郊天子曰辟廱諸侯曰頤宮以至  
庠序校各一其名而所以興學養士者爲甚備敷奏  
以言明試以功三載考績三考黜陟幽明鄉舉里選  
之惟公秀造俊進之有等是皆所謂選舉考課之法  
也司馬掌邦政統六師平邦國司寇掌邦禁詰姦惡  
刑暴亂是皆所謂兵戎刑罰之制也建立有本而近  
不出於人君之身推行有序而漸以達於天下之大  
則固足以成治於一時而凡後世之則亦有不能外  
焉者矣夫何自秦以降事不師古雖其間號稱善治  
如漢唐宋者英君誼辟往往作於守成創業之時而  
究其建立終不能彷彿於帝王之盛如漢之七制非  
不有可稱也然禮文雜就於秦儀之陋律令摭撫乎  
秦法之遺章程定而闕疏之弊猶存軍法申而九伐  
之義亦昧賢良舉矣不知有學校之當先民租減矣  
不知有井田之當復芝房寶鼎之歌何取乎音樂之  
正珠崖大宛之戰何取乎弔伐之師戶口僞增以蒙  
上賞既非考課之嚴不任三公事歸臺閣尤非設官  
之意則夫兩漢之治所以病於雜霸徂於小康剛者

蹈急迫之虞柔者貽寬縱之失有由然也唐之三宗非不有可稱也然貞觀開元之禮具其文而意不在特所謂虛名者耳梨園小部之樂適足爲戒而不足考法蓋所謂新聲者耳曆之作凡二十三家而不免愈密愈差之議官之建凡七百三十而不免負外置特置之繁大徵天下名儒爲學官似矣顧學士能通一經以上卽得補官屯營飛騎有能通經者卽得貢舉而無復聖賢明德新民之學生徒鄉貢制舉以取士幾矣顧爲進士者皆誦當代之文而不通經史明經者但記帖括又投牒自舉而非復哲王側席待賢之道口分世業以養民而什一之規猶未備設府立衛以聚兵而藩鎮之防猶未密善最之法廢而其後也至於限年躡級無得踰越才俊之士無不怨歎律令之格式廢而其末也至於刑書繁雜精明之士不能遍習吏得上下以爲姦則夫唐之爲治所以病於假仁流於雜夷有盈成之業而不能守有恢復之功而不克終固其宜也宋之太祖太宗仁宗又非不有可稱也然以開寶之通禮而擬諸五禮則其得失何如以和峴之雅樂而比之六樂則其優劣何如胡瑗房庶之律均無以得聲氣之元崇天奉元之曆舉無

以窺義和之妙輕節度之任雖足以戢姦雄之變而漸無以禦外敵之驕賑諸州之粟雖足以蘇饑饉之憂而終不能易兩稅之弊覆試嚴而詩賦之習未改於前時學校建而蘇湖之教未洽於天下其於考課則司馬光以爲采名不采實誅文不誅意而吏多偷惰之風其於兵戎則范鎮以爲中書王民樞密王兵而事多杆格之患知官之當審而材任相違職政廢弛知刑之當卹而冤結不理姦暴不除則宋之爲治所以因循苟且日入於弊內無以清朝廷之姦外無以杜邊場之釁又何恠其然哉 聖策以爲致治之道不專恃於法制是則固然而臣愚竊敢謂漢唐宋殆併其法制而亡之者耳至於紀綱風俗則朱熹之論嘗曰善爲治者必先有紀綱以持之於上而後有風俗以驅之於下何謂紀綱覈功罪以公賞罰之施辯賢否以定上下之分是也何謂風俗使人曉然知善之可慕而必爲不善之可羞而必去是也夫以天下之治本於紀綱而成於風俗則朝廷之上所以轉移振舉誠莫有急於此者顧惟風俗不能以徒善而必由於紀綱紀綱不能以自立而必由於人主之心術唐虞三代其所以爲心術焉者曰允執厥中曰惟

精惟一曰祗台德先曰制事制心曰緝熙敬止曰建  
其有極方寸隱微之間粹然無偏黨反側之累而心  
術之正何如也故其體之於身則爲德行措之於政  
則爲紀綱示民以所當務而自不昧於所從示民以  
所不爲而自不迷於所適以黎民則於變以四方則  
風動以聲教則四訖以萬邦則惟懷以萬民則咸和  
以四海則永清人人君子比屋可封而風俗之醇何  
如也自漢以來則紀綱之張弛代有不同而風俗之  
醇雜亦遂因之以異此豈紀綱之不可振風俗之不  
可醇哉亦由諸君之心術或不事詩書或喜談佛老  
而未聞所以養之之方或仁義外施或德教不醇而  
未嘗致其養之之實才明勇畧者不能無溺於圖識  
功德兼隆者不能無愧於躬行勵精政事而卒無以  
勝其侈泰之私防非窒慾而卒莫能進於誠正之域  
仁恕恭儉有帝王之畧矣而其所務僅止於讀書之  
勤寬仁慈愛有帝王之量矣而其所爲不免於道教  
之蔽此其心術何可齒於唐虞三代而欲紀綱風俗  
之無弊哉是故漢以規模爲紀綱唐以法度爲紀綱  
宋以忠厚廉恥爲紀綱雖若宋愈於漢漢愈於唐至  
其視五子之所歌棫樸之所咏則固邈乎其不逮矣

西漢尚經術而習俗胥靡以致貢符獻瑞失之於詭  
隨東漢尚節義而互相標榜以至殞身償事失之於  
矯激唐則藩鎮阻兵而君臣之倫缺士卒逐帥而上  
下之義乖宋則慶曆以前抑奔競黜浮薄而其俗每  
依於厚慶曆以降勵名節敢言事而其俗多主於剛  
雖若宋類於漢漢愈於唐而其視康衢之所謠典謨  
之所載則均之莫能及矣夫其上下相承之機彼此  
感應之理其微不可測而其微不可誣如此是豈可  
不慎哉善乎熹之言曰紀綱所以振舉在於宰執秉  
持而無所失臺諫補察而無所私人主以大公至正  
之心恭已照臨於上則夫欲振天下之紀綱以成天  
下之風俗者宰執臺諫雖當分任其職而其本實在  
乎人君之一心蓋非大公無以絕天下之私非至正  
無以止天下之邪私且邪焉則刑賞舉措不能以不  
違於道而風俗因之彼漢唐宋所以異於唐虞三代  
者豈非職此之故哉仰惟我  
太祖高皇帝肇造區夏建立宏規命牛諒以制禮而  
一洗干染之習命陶凱以制樂而盡屏淫褻之音曆  
因夫勝國之成律采夫宋人之舊以十三布政司分  
理天下而山川形便之各適以諸司職掌統理庶官

而中外大小之相維田賦有定額而豪強不得以兼  
并考課有成法而賢否不得以混淆干戈甫定而學  
校之即設科貢有途而賢良之時舉命尚書劉惟謙  
會衆律以協厥中而革近代比例之非諭行中書省  
臣立管領兵民萬戶府而深明寓兵於農之意監規  
頒於太學而爲士者知所守兵權出於朝廷而爲將  
者不得私其詳審精密無所愧於唐虞三代而於紀  
綱風俗則又屢以爲言如諭太史令劉基起居注王  
偉則曰法度縱弛當在更張使紀綱振而條目舉其  
要在明禮義正人心厚風俗以爲之本馳檄中原則

世經書集

卷之一

十

世經書集

曰立綱陳紀救濟斯民選國子生分教北方則曰致  
治在於善俗而我

聖祖圖治之心致治之迹蓋蔑以加矣

太宗文皇帝中靖家邦纂集大統

列聖相承監于成憲益隆不替夫是以百五十餘  
年道洽政治匹休於唐虞超軼於三代而漢唐宋有  
不足言者肆今陛下繼述之孝表裏一心德化之  
隆遐邇率服聖作當物覩之期龍飛啓中興之  
運而降賜清問願惟以不逮爲憂欲勵精有爲期  
於化行俗美紹復

祖宗之舊以上追隆古之治則或者以今日郡國水  
旱之災未盡消息潢池甲兵之警未盡底寧四夷八  
蠻在要荒之外者未盡賓服賢人君子在草茅之下  
者未盡登用而有所不釋然於中耳然臣以爲此豈  
可以他求哉昔嘗莊誦

聖祖之言曰日月之能久照萬世不改其明堯舜之  
道不息萬世不改其行又曰人君一心治化之本存  
諸中者無堯舜之心欲施於政者有堯舜之治不可  
得也大哉王言其真得所謂稽古端本者乎觀於  
此而陛下之所當爲者可知矣是故唐虞三代之  
政因革得其宜而可以行於後者也漢唐宋蓋嘗忽  
之而我

世經書集

卷之一

十

世經書集

祖宗

列聖則集其大成之妙矣陛下誠能游心於千古  
之上事必考諸已試動皆求其可師退然無一毫自  
是之念則非徒法唐虞三代而實所以法我

祖宗

列聖也將見聖心洞然仰有以窺治平之故俯有  
以探喪亂之原真知夫離合之情灼見夫損益之變  
政可通於衆志法可宜於土俗而謂因革之宜乃復

有昧焉者乎紀綱風俗之序秩然不可紊而實本於君心者也唐虞三代具有成績而我

祖宗

列聖又得其心法之傳矣陛下誠能歛此心於一腔之中戒謹恐懼以全天理之正省察克治以遏人欲之私確然無一毫他岐之惑則非徒學堯舜禹湯文武而實所以學我

祖宗

列聖也將見聖心湛然皇極以建儀則以端躬行之所得真可以顯設於朝廷平章之所推真可以弘

世宗集

卷之一

主

沈嘉

敷於薄海而謂先後之序乃復有紊焉者乎夫惟因革之宜既無所昧則由是推無不準動無不化而民用以和所謂庶績咸熙百揆時序以至位天地育萬物而彼和氣之未應固可以無勞宵旰之憂矣先後之序既無所紊則由是紀綱益振風俗益醇而民罔不中所謂正心以正朝廷正朝廷以正百官百官正四方遠近莫不一於正而彼績効之未臻亦可以無慮九重之慮矣若乃舍乎古以爲不足法舍其心以爲不足事則監觀之資已疎本原之地不立固非陛下之所當爲而愚臣亦豈敢以爲獻哉雖然

稽諸古以驗夫因革之宜端其本以不紊先後之序

此亦陛下今日所已行者特願有以保其終而已

耳保之何如親賢臣以資啓沃之功學古訓以長見

聞之益謹之於一念方萌之初察之於一物未交之

際必使自身而家而國而天下凡有所爲輒與成憲

會而後足以言稽古之極不然不可以自棄也必使

由顯而微由鉅而細隨其所在常與天理俱而後足

以言端本之極不然不可以自肆也昧爽丕顯如成

湯之日新始終典學如高宗之時敏則夫紹復

祖宗之舊以上追隆古之治將必於是焉得之而所

世宗集

卷之一

主

沈嘉

謂勵精有爲亦無要於此者矣臣愚不勝惓惓干冒

天威無任惶懼隕越之至臣謹對

大行皇帝諡議

伏惟

大行皇帝德配清寧道兼述作應期首出合

神堯之起唐都續聖中興邁周宣之定王國事天

明而有嚴有翼履道篤而不貳不參盛德豐功曷

能殫述謹遵節惠之義敬揚閔鉅之休如總攬政

權親決章奏罷貂璫之出鎮而宿弊革於朝廷翦

勳戚之內訌而隱禍消於宗社英莫及焉令出



惟行 法立惟信 恩無掩義蠹政者雖貴必誅

斷以定謀干紀者雖親必戮毅孰踰焉 智足以通

百物之情而處之各當 明足以照萬幾之臆而應

之咸宜博學多聞精思作睿此聖之極也 變化無

方張弛同於闔闢 恩威不測鼓舞速於風霆號令

轟馳聲聞具達此神之至也 闡發性道則敬一有

箴四箴有註上接精一之傳 敦敘綱常則明倫有

典明堂有問顯示尊親之道禮樂昭于天地 謨訓

炳于日星即文王之允文不是過矣攘却戎夷則狼

煙息警鯨海澄波而茂建廓清之績征討叛逆則孽

服南交蕩除羣盜而不揚順治之風定管制以作六

師徵將材以備九伐即成湯之聖武蔑以加矣報祈

歲舉 重農事以開衣食之原賑貸時施 軫民生

而切痼瘼之念慎獄屢屢於欽恤課吏嚴黜乎貪殘

淳流澍濡湛恩淪浹所謂必世之洪仁也考禮度衷

奉

獻廟極追崇之典因心篤愛侍

慈宮竭就養之誠躬卜吉兆於 純山肇舉曠儀於

大饗善繼善述盡制盡倫所謂不匱之大孝也惟茲

眾美之具臻實皆剛德之克就是以 閱升平四十

五載獨收悠久之功 衍熙洽二百斯年赫啓隆昌

之慶 閱謨偉烈 濊澤深恩誠萬世而下 聖子

神孫所宜憲章而宗法者也 臣等稽之前代英君謚

辟有大功德於天下則鴻稱顯號世世尊之故武帝

克弘炎祚廟曰世宗光武再造漢家稱曰世祖播之

良史以爲美談矧我

大行皇帝萃萬善之精腴備百王之軌範功業文章

之外見者既極其巍煥道德性命之內蘊者又造其

淵微卓乎與

二祖匹休三五並駕而非彼兩君所能望者哉 臣等

謹博采羣言遠徵往牒

大行皇帝尊諡宜 天錫之曰

欽天履道英毅聖神宣文廣武洪仁大孝肅皇帝廟

號

世宗用昭天下之至公以表 微稱於罔極 臣等拜

手稽首謹議

孝潔皇后諡議

伏惟

孝潔皇后應地發祥自 天作合際景運一新之會

膺



先皇六禮之求婉德 至尊樹 母儀於七載承顏  
長樂修婦順於 三宮左右合圖史之文窮宛騰河  
洲之詠寵周魚貫小星之惠惟均警豫鷄鳴永巷之  
規尤切慈恩下逮睿聞弘宣敬慎出於自然而安貞  
允協端莊著於顯若而靜正攸兼昔在嘉靖之初號  
為極治之世頌騶虞而歌麟趾本源固出於文王始  
關雎而終鵲巢贊助實資於太姒惟 仙齡之弗永  
致 聖念之孔殷 主藏夾室之中時有待於升祔  
陵建橋山之次制特異於墳園茲恭遇  
皇上追體 初心祗承 末命既彝典之更正宜

世宗憲

卷之十

太

何金

鴻號之加崇臣等俯採羣言仰稽令則

孝潔皇后尊諡宜 天錫之曰

孝潔恭懿慈肅安莊相天翊聖肅皇后妥 靈清廟

祔宅 玄宮享祀萬年垂光無極謹議

孝烈皇后諡議

伏惟

孝烈皇后坤輿毓秀月相呈奇淑德上聞始升華於  
嬪御徽音內著繼晉位於后宮端莊協地道之方柔  
順得陰儀之正敏於事 上動合 淵衷惠以待人  
茂宣壺譽秉有齊之度敬恭匪懈於夙宵操無斁之

心誠一不渝於久暫乃若壬寅之歲偶當運數之屯  
扶顛持危 社稷賴之底定發奸戮逆閭閻由之肅  
清是以生而 宸眷特隆崩而 皇恩尤篤諡之曰  
烈用表懋功葬之於 陵式昭殊禮乃茲陟 廟祔  
饗在

祖宗之制固莫之敢違而節惠尊名於臣子之情則  
猶得自盡臣等謹遵 明諭祗按彝章

孝烈皇后尊諡宜 天錫之曰

孝烈端順敏惠恭誠祗天衛聖皇后用垂懿範永播

休聲謹議

世宗憲

卷之十一

七

宋溪

經筵講章

穆宗皇帝初御經筵例以閣臣二員進講時臣階講  
大學首條少傳李公春芳講尚書首條

大學之道在明明德在親民在止於至善

這是大學經文孔子之言而曾子所述也大學是大  
人之學夫學本同一理何以謂之大人之學以其所  
講求者乃是平天下的事與常人不同故曰大學道  
是方法明德是人生本來原有的光明之德上面明  
字是用工夫去明親字當作新字止是到那去處不  
遷移的意思至善是事理極好處孔子說大人為學  
的方法有三件一件在明明德蓋德之在人其初本

明只爲氣稟所拘物欲所蔽有時昏昧了大人若或不能自明怎麼能教人治人立平天下之本所以必要用功去明這明德使本體湛然有以具衆理而應萬事則本立矣一件在新民蓋民之有德也原是明的只爲教化陵夷風俗頹敗以致汙壞了大人若或不能新民怎麼得治隆俗美達平天下之用所以必  
要推己及人使百姓每都如我一様明其明德脫舊染而歸新化則用行矣一件在止於至善蓋我之德與民之德必皆盡夫天理之極而無一毫人欲之私方始謂之至善故大人之明德新民不可安於小成

世經堂集

卷十一

十一

表

狃於近利必要到這箇至善的去處及至到了又要持守得定始終不遷移則已之德允明民之德允新而天下平矣所以說三者大學之綱領也然大學此章之義雖通乎上下而天子尤切何也諸侯只管得一國大夫只管得一家惟天子則有平天下之責故也仰惟

皇上誕膺 景命嗣撫丕圖平天下之責既已在皇上一身則當茲 御曆之初正宜講求大人之學汲汲以平天下爲事況天下之大平之甚難一念不謹或來四海之怨咨一時不謹或基千百年之患害

此堯舜在位所以常兢兢業業以逸樂怠荒爲戒也  
臣愚伏望

皇上念上天簡畀之重思 累朝創守之艱抑畏恒存以堅爲學之志勤勵不息以收爲學之功君德明民德新天下太平而慶流萬世則我  
皇上之鴻烈令名遠與堯舜匹休近與祖宗並美矣 臣等不勝至願

世經堂集

卷十一

十一

世經堂集卷之一

世經堂集卷之二

奏對二

請 還大內并 召見大臣計議邊事

九年八月十七日

今日傳報虜賊逼近京師中外震恐仰惟天佑在上固萬萬無虞但臣竊聞虜中我逆甚多昨者進邊皆穿中國衣帽假稱調來邊軍以入口子往年京師諸管訪獲奸細今日亦聞有所訪獲不可不過為之慮伏乞 聖駕暫還 大內 勅下各該衙門嚴慎皇城門禁以安臣民之心 臣又惟軍機貴密一切事

世經堂集

卷之二

十一

表敬

宜有當 君臣面議而不可宣騰於章疏者伏乞諭文武大臣除常事外其有深謀奇畫許求面對皇上特御 文華殿親賜裁決庶事不漏洩兼可使中外仰知

皇上留意兵事各自奮激 臣受

皇上天地高厚之恩苟有所懷不敢緘默謹親書上請

答邊事 諭嘉靖二十九年八月十七日

臣適冒昧具疏伏蒙 諭答卿密疏甚忠愛 臣叩頭捧讀不勝感悚蒙 諭九門先閉是自困焉只是防

檢盤詰時時代之仰惟 聖諭允當今已暮夜門不

可輕開容 臣明早傳示兵部多差人馬遠行哨探并

示各門守門官及巡視侍郎王邦瑞等遵奉 聖諭

仍自酌量事勢緩急施行又蒙 諭驚至還着在內

以可制外四面兵馬必先催示夾攻之義勿謂無行

文而推避查得仇鸞今日欽奉 聖旨令兼督城外

劉營諸軍今都御史楊守謙提兵入援已到城外傳

聞宣大人馬亦次第將到鸞必須在外乃便於調度

截殺蓋捍外正所以衛內不必令入城也至於勿謂

無行文而推避

世經堂集

卷之二

二

表敬

皇上此言深中今日內外諸臣之弊 臣雖示以 聖意計彼亦未必肯從必乞 明旨先戒諭兵部令大事題 請其小者急者一面施行一面奏 聞則機宜庶幾不失矣蒙 諭面計之為反不若封密但夾之他務可也 臣謹已仰悉

請巡視九門 嘉靖二十九年八月二十日

今京城各門雖經設有守門巡視大臣及各官兵但聞器械盔甲多未完具守城軍夫漫無紀律且其他城守事宜多有當備而未備當為而未為者巡視大臣雖荷

皇上昇以重權尚皆瞻望顧忌不及時修舉今賊勢猖獗恐誤國之大事臣受

皇上厚恩非不知內直爲重但興念及此不勝憂憤伏乞

皇上降旨命臣暫出同陸炳帶領戶兵工部屬官三員遍行閱視有可徑行者與巡視守門大臣會議施行有當奏請者具奏定奪臣深惟主憂臣辱之義臨事不敢避難伏乞聖明照察允許臣不勝幸甚

答邊事

諭嘉靖二十九年九月初八日

世經彙集

卷之二

王

何孟

伏蒙聖諭卿昨會議之疏欲遣問想寓探賊之情者其時因見彼書係漢字恐出中國叛卒僞爲又見賊勢猖獗城中戰守之事一切未備且無諜報茫然不得賊中動靜故欲遣問一以探之一以欸之非敢謂可許也聖諭謂

皇曾祖及景泰時曰和此甚差彼非人可比決不可輕聽仰惟聖見誠得義之正臣謹已仰悉又蒙諭此時未至甚寒月或乘我受擾復犯未可不備況昨出又窺諸道路者其應調邊兵亦當先計京務方理云聖慮及此此宗社億萬年無疆之福也夫

犬羊之性未遭挫衄復犯之機臣實竊憂之今調來

邊兵聞兵部已留七枝餘尚未去若欲多留數枝衛禦及今留之亦可省往來之勞又邊兵惟延綏最勁

次乃大同若欲增調非延綏不足用但邊兵原各有地方萬一賊謀誦詐先出兵向彼侵擾則在邊者不

能入而留此者亦未免懷內顧之心以臣愚見邊兵固當調然京務之理尤急今仇鸞已受京營總兵之

命宜催取到任整勅營務王邦瑞蔣傳原奉命巡視九門宜責令經理一應守城事宜其關廂外城薊

州沿邊牆堡及京城直抵古北白羊等口墩墩宜急

世經彙集

卷之二

四

何孟

修築器械錢糧宜急措備各處募兵官宜急差去但募兵一事專以委之書生恐所募之人未必堪用況以趙甲募之他日以錢乙統之利害不切已未必肯盡心不如推二三將官同往聽其精選選訖就令統理操練中間有合行事務亦就聽其處置一如各邊將官自募家丁之法庶得實用也今去寒月已近事湏窮日夜之力爲之乃可望濟伏乞聖明申勅百司及時修舉又虜中消息惟大同夜不收能往探及宣大走回人口能言之乞勅徐珏趙國忠多方差人哨探詢訪一有所聞卽星馳奏報庶得爲備臣愚

不足以知大計伏惟 聖裁

請依兵部留宣大鎮兵

嘉靖三十一年四月初十日同閣臣進

今日蒙 發下兵部一本欲留宣大遊兵四枝不必

預調等因據該部之議虜賊東犯必先經由宣大若宣大兵先期調來虜乘虛入寇宣大失守則長驅徑薄畿輔若以延寧甘肅及京營之兵衛京師以宣大之兵付該鎮使各為守則宣大安宣大安京師益安矣但先該臣鸞奏要於七月初調二鎮兵入衛不許該鎮官掣肘與此議不同臣等看得調兵固為重京師然使宣大空虛虜得越境而入縱使所調之兵截

世宗憲

卷之二

五

王

殺有功而京師已先震驚若留兵該鎮防衛待賊果東犯星馳入衛庶不兩失該部之意非曰不調只不欲調之太早耳其所陳事理亦已明切臣等謹擬票上請伏乞 聖明裁奪施行

請處兵將

嘉靖三十一年八月初九日

臣今日見兵部云鸞疾非旦夕可愈又據宣大各揭報聲息切惟防秋方急領兵不可缺人伏乞

皇上早賜斷處庶免誤事臣又惟防秋固重而久安之計尤當慎圖

祖宗時京邊之兵未有統於一將者且戰守異術人

鮮全才若分其事權擇長而使則目前既足有濟日後亦可無虞併乞 聖明乘此機會 留神審處臣受 恩深重於 國之大計不敢緘默伏惟 聖慈照察

論兵事

嘉靖三十一年十月初五日

臣兩日在外訪知入衛邊兵因提督侍郎孫某行事乖方縱容原跟逆黨中軍主文人等作弊索賄及因戶部減給糧價頗懷嗟怨今虜賊尚未滅絕明年仍須此輩入衛臣愚切恐一失其心縱無他虞亦難得力伏乞

世宗憲

卷之二

太

王

皇上再加詢訪如臣所聞果實 特賜傳旨將某罷還并 勅戶部於軍士應得糧賞勿輕減革庶使邊兵感激 聖恩各圖報効臣又聞邇者虜入大同地方殘破甚眾延緩城下虜騎屯逼勢亦猖獗蓋虜本以搶殺為生又被內逆交通勾引凡我兵之強弱地之險易民之貧富無不知者今逆本雖殄餘黨猶多備禦所宜加慎顧邊臣既不具實陳奏而該部議調明年入衛兵馬率聽不當事者之談僅得今歲四分之一萬一有警戰守實不能敷夫有備無患古之明訓伏乞 特勅兵部於防秋畢日再加詳議以圖萬

全其京營戎務亦乞 申勅李熙等講求前此所以廢弛之故從實題 請設法教練破格賞罰庶有實効臣私憂過計衆所訕笑然實不忍緘默自保仰負聖恩伏惟 聖明鑒察

答選 二王妃 諭嘉靖三十一年十月十五日

伏蒙 聖諭今日選二王婚內侍監官事事回奏止取中二女餘皆不堪彼欲復選然

祖宗時 兩宮在上於事易今 兩宮中宮俱仙遊

彼生母亦未可專其事昨內侍奏請朕命若例取四名今止選中二人或不選何如臣惟 王妃之選

世宗憲

卷之三

七

張叔

將以儷德 聖子植本 神孫所繫甚重

皇上原命若例取四名今既少二且 先朝嘗有復選之例所應又選以備審取至於專其事者則 諸

妃中惟

皇上所命蓋 妃雖不得比於 兩宮 中宮然奉

欽命以行之其尊固在 君父似或可從時宜也臣

識見淺陋不足仰副 聖問伏乞 聖裁

答調邊兵 諭嘉靖三十一年十一月十五日

蒙 諭邊兵之調只可依舊之於外用原無入衛之者門庭固堂自安未宜屢行焉臣惟邊兵之調勞費

甚多委不宜屢行

皇上門堂之喻可謂切中矣但今大同殘破薊鎮單弱門庭未得堅固而京營之兵又尚未堪戰守臣詢之衆論咸謂未敢遽罷邊兵今只置之關外使時陳出關操練萬一有警乃領入關截殺則正是 聖諭所謂依舊之於外用者姑待一二年大同稍完薊鎮稍實營兵稍強然後罷之於計似穩也臣淺昧之見如此伏乞 聖裁

答京兵 諭嘉靖三十一年十一月十七日

蒙 諭前說用邊兵之義已盡只是京兵之不振抵

世宗憲

卷之三

八

張叔

恐其難耳蒙 問臣亦有謂否臣訪得京兵雖繫名

在營其實皆在市井販鬻及在各衙門跟官一或盡法操練則養生不贍怨謗由之而起故當事者率為

姑息以致戎政日廢今欲振作必須先明賞罰而欲行罰又須先之以賞使足以養生然賞之費每苦於

無所出臣愚以為就各營中汰去老弱數千人或萬人就以所汰之糧克操練之賞則賞可施而罰因可

行能者自勸怯者自奮往時有桂勇者領巡捕官軍

最號精銳聞其操練之法大畧如此伏乞 勅令李

熙等再加考議如別有良法聽其奏陳以候 聖裁

庶幾戎政可望修舉若只畏難襲故玩愒時日則京兵終於不堪戰守非所以計安 國家也 臣伏奉聖問感激上 對不自覺其匱直伏乞 聖慈鑒宥

論發兵征倭

嘉靖三十三年五月十三日

臣前日同臣嵩等因見浙江南直隸等處撫按等官奏報倭寇猖獗蘇松等府通泰等州民遭焚劫慘毒之甚深惟財賦重地前賊宜速勦滅題請 勅下兵部會議兵糧等事荷蒙 聖明允行隨該科道官各題要設官調兵又該主事郭仁等揭送兵部要得戶部發銀差御史一員選募山東長鎗手數千名前去

世宗憲集

卷之十

九

重刊

征勦蓋以江南無兵蘇松尤甚而長鎗手勇悍可用也今聞諸臣會議率云此時發兵比至則賊已去空自勞費兵部不能獨持姑議令恭將李逢時帶領山東存留民兵三千名前去 臣聞此兵係是入衛揀退之數技能素劣調去無用夫兵事誠非 臣書生所知但稽諸往事倭寇自去年以來倏去忽至迄無寧息南沙盤據歲餘始散又據撫按奏報或云來者未已或云意不在搶而在擾勢不欲去而欲留彼皆身在地方必有所見今諸臣何以能必賊之已去且能必其去而不來而只以懸度輒阻調兵置江南於度外

此臣所不能解也凡用兵之道使勢不容已則當選擇精銳以冀有功使在可已則雖精兵亦不當調以省勞費今不能決可否之實而姑以弱兵應文塞責徒費無益此又 臣所不能解也 臣愚伏乞

皇上再下兵部令詰問諸臣若於賊情果有真見保無他虞則此三千之兵亦不必調若出漫說則須別議精選毋致空行重貽 君父南顧之憂緣此事關緊重大臣不敢緘默伏乞 聖明裁斷

答倭情

論 嘉靖三十三年七月十八日

伏蒙 聖諭近者卿嘗以倭情奏朕未有答者夫

世宗憲集

卷之十

十

重刊

皇祖設官無不備焉彼地似無人之場歎此時愈肆欺上他每不知處喜為上人沒正化所致由他去否何不先事備之昨秉一調卿居賊不敢侮然亦可見卿忠誠者茲復賜諭承之 臣近者具奏倭情竊懷出位之懼茲特蒙 賜諭 臣不勝榮感不勝榮感仰惟皇上至仁大德念在民使中外諸臣能仰體 聖心之一二則此財賦重地豈至殘破惟是撫臣不能督率備倭等官先事備之故雖

皇祖設官至備而倭寇深入如蹈無人之境有若聖諭之所云者昨來告急職方郎中首倡不必發兵



之說衆皆惑之臣是以只得冒昧具奏荷蒙 聖明  
主張該部始發山東鎗手計此時當渡江矣昨發兵  
命下江南臣民無不感戴上祝 萬壽至於臣居仰  
賴 聖庇得免焚燬此尤一家之切感也臣敢不欽  
承 聖訓誓竭忠誠圖報 聖恩於萬一

再答倭情 諭一嘉靖三十四年五月十七日

伏蒙 聖諭以目今賊情下問仰見

皇上軫念東南財賦之地欲得賊情之真臣無任感  
幸至於當事者不忠之狀莫逃 聖明洞察 國法  
具存治其一則餘人當知警畏矣臣去歲具奏之時

集

卷之十一

土

續

尙聞此賊是真倭近來細訪乃知爲首者俱是閩浙  
積年販海劇賊其中真倭不過十分之三亦是雇募  
而來者只因初時官司不能討捕彼見地方無人又  
得利甚厚故舊者屯據不去新者續增無窮而沿海  
無賴貧民爲所誘脅因而從之故其徒日繁其勢日  
猖獗昨瓦氏兵到賊初聞甚懼當事者不能督使乘  
銳進剿且將彼兵分散各處勢力不全遂致大敗賊  
今四出殺掠事甚可慮所幸湖廣土兵新到尙未交  
戰其狼兵敗者亦只瓦氏一枝尙有四枝未戰且看  
一二日間再報何如也今總督已易置所有用兵諸

事須大破連年蒙蔽因循之習乃可望有成功臣早  
間寄書周琬勉以竭忠圖報俟有區畫疏至伏望  
聖明裁擇施行其賊情并地方一應事情臣嗣後有  
聞容另具奏

二嘉靖三十四年五月二十一日

伏蒙 聖諭朕以軍情問卿當對以見行謂嗣聞另  
說然連日未知有報何如臣前日荷蒙 賜問緣見  
行者如當事諸臣不忠之狀 聖見既已洞察其餘  
處置事宜臣凡有見聞卽對臣嵩等言之隨事擬稟  
上 請已蒙 聖裁施行其待嗣聞另奏者緣連日

集

卷之十一

土

續

未據有報是以不敢輕奏然以臣意料之昨寇嘉興  
常熟之賊若係舊賊出劫則其精銳已敗搗巢無難  
若使係新來之賊則搗巢必須運謀奮勇乃可取勝  
而諸臣奏報欠明今未知彼中事勢何如大抵猶是  
蒙蔽因循之故習也蒙 諭一切政務不宜憚隱臣  
受 天恩深重捐糜圖報實臣素心豈敢憚隱夫有  
君有臣政乃可成卽如南寇一事  
皇上於用兵卹民 留念至矣而臣下真能祇承  
德意兩年未克平定目今伏乞 勅下吏部精選知  
兵忠實之人以任巡撫而勿使昏怠者得以冒推庶



能稱任使之萬一至於獎廉幹黜貪懦使民不至困苦而從賊兵肯効力而殺賊此則又不獨於平南有助於吏部當然也伏俟 聖裁

請以兵事責有司

嘉靖三十四年六月十一日

昨日巡按直隸御史周如斗今日總督周琬各奏報賊情臣備審差來人知舊賊未殄新賊復來目今四散殺掠蘇松兩府既被殘害而其狂謀又且欲窺南京勢甚猖獗除縱賊釀亂之臣已蒙 聖明逮治及添調兵馬責成督撫官勦殺等事兵部看覆外臣竊惟用兵固在督撫而有司官亦各受地方之寄使有

世宗憲

卷之二

三

何廉

司能以地方為念則錢糧必預行處辦不致兵有枵腹出戰之苦賊情必豫為哨探不致兵有臨期冥行之患奸逆交通者必多方緝捕不致兵有機有漏泄之虞鄉兵必如法團結教練不致地方有隨在空虛專恃客兵之弊今皆不然安望賊之破滅然有司所以敢於如此者其故有二一曰推墜行取率有常期奔競鑽刺積成習俗故各官當此多事之時上者望循資下者遂蹊徑惟思脫去地方無有任事之志一曰府州縣官號為守土中間雖設有衛所然其城池必曰某府州縣之城不專以城守委之軍官也去年刑

部乃創一例凡失陷城池者軍官論死文官止於降級故往往輕視其城不復博求禦賊之計而反笑張巡許遠以為拙矣 愚伏乞

皇上察臣所言如有可採於兵部覆奏 特賜御批兼責有司并 勅吏部毋照常推墜行取俟賊平之後有功者總論超遷兵部會同法司援據大義改定文官失陷城池之罪庶於兵事有益

請處宣大兵餉

嘉靖三十四年六月十九日

南中督撫官伏蒙 御批更置恩威 上出機軸一新風聲鼓動大小臣工莫不感奮地方幸甚 臣愚幸

世宗憲

卷之三

古

何廉

甚臣近日訪聞宣大二鎮邊牆坍塌烽堠不明虜賊出入無忌加以內逆勾引邊堡被其攻破甚多目今虜營移駐大同邊內蓄謀叵測其軍士又皆苦於饑饉迫於食殘不能聊生逃亡相踵 臣未知前項事情真否但關係重大既有所聞不敢隱默伏乞 聖明勅令嚴衛密差的當人前去訪看庶得其實早為備禦綏輯之計又二鎮米麥每石值銀三兩以上而軍士每月支銀七錢僅買米麥二斗二三升豈能養贍欲盡照時估給價戶部又難應付今北直隸山東河南等處仰賴 聖恩二麥大熟每石止值銀四錢以

下若乘此時收買數十萬石每石加脚價四五錢便可運出居庸關以給宣府月糧加脚價七八錢便可運出紫荆關以給大同月糧通融計算在內不過用銀一兩以上軍士却得一月飽食費省惠博蓋古管仲劉晏所以富國之策大約如此而在財乏兵疲之時似尤不宜守文泥常坐失便利伏乞 聖裁如以為可 劄諭戶部再行詳議題 請施行

答南北兵食

諭嘉靖三十四年六月十九日

伏蒙 答諭卿奏北件此亦不是緩務而今急不得備目即秋防且以人力禦之 臣今日敢以北件具奏

世宗憲

卷之五

主

御批

者正以事關緊要且又秋防在邇須預為隄備

皇上謂以人力禦之仰惟 聖見允當但聞二鎮兵疲馬弱人力之禦今未審足恃否 臣私憂過計欲乞特諭兵部使身任而力圖之庶保無虞蒙問

祖宗時曾有南件擾否 臣查得洪武二年正月倭夷入寇山東海濱郡縣二月 賜日本國王璽書諭之三年三月遣萊州府同知趙秩持 詔往諭七年七月又寇膠州及大任海口十四年七月以倭縱民為盜 命却其貢二十年六月以寧波府昌國縣民從倭為寇徙為寧波衛卒則南件之擾在

太祖時已有之今蒙

皇上逮治當事之結縱者罷黜其不職者厚賞將士之力戰者功罪既明人心胥奮此賊行當殄滅矣其米貴 諭部之劄 臣謹欽遵密撰上請 聖裁 請早處宣大總督 嘉靖三十七年三月二十日

仰惟

皇上軫念邊事更置中外諸臣人心無不悅服但宣大總督昨該吏部題奉 欽依你部裏會官推舉堪是任的來看續該江東題為交代事奉 御批右衛久困朕聞城中將變爾急用心處置江東着兼都察

世宗憲

卷之五

主

御批

院右僉都御史欽此 臣思江東既奉 御批急用心處置却未曾領 勅及又吏部奉有前項推舉 聖旨切恐東向懷候推冀代之心而其下官亦或觀望怠忽有誤急處機宜 臣愚伏乞 聖明早賜裁斷歸一庶便行事

答簡用閣臣

諭嘉靖四十年六月初三日

伏蒙 聖諭 臣恭捧讀 臣聞傳曰人君以論相為職夫百官孰非人君所當論然獨云以論相為職者良以相位高任重必由人君自論然後足以彰恩自上出而命自上制也今閣臣雖不敢謂之相然實有輔

政之責與庶官不同

祖宗時多出朝廷自擇蓋有見於此昨科疏委贅茲惟乞

皇上斷自宸衷簡用一二與臣嵩等同辦事則政體明而窺視陰阻之私自杜矣

答備邊

諭嘉靖四十年九月十三日

伏蒙聖說朕聞虜犯今已久惟邊各少備賊畧忌之臣前日在外訪知邊臣因聞

皇上注意邊事或欲乘時立功或祈免罪責委各少備賊知畏憚俟過此月益無患矣蒙諭可於諸邊

世澤集

卷之十

七

表

堡遍給火器仍要堅守不可輕戰以仰奉天保神扶者臣惟自古備邊以守為上若守備不嚴賊或得入縱使與戰而勝其所入之處已被傷殘中間少壯之人及牛馬器械被其擄去益助彼勢況虜騎去來疾如風雨而我調兵一時難集及至兵到賊已搶殺而去徒自勞費何有戰功

皇上謂仍要堅守不可輕戰真洞見邊情得備禦之長策矣臣閣中謹恭錄聖說示博遵行

答邊情

諭嘉靖四十年十月初一日

臣連日仰見

皇上屢降諭旨以邊情為憂輒敢以博言上聞

伏蒙賜答臣不勝感幸之至蒙諭今年賊謀非

舊皆華叛之計勾入必遂一逞仰惟郊廟垂佑

近邊臣加慎彼物似不足忌況已入冬令或不能入焉臣聞近年各處軍民或為邪教所迷或為官吏所

虐逃入賊中及節次被賊擄去者日多其勾引數入

委冀一逞仰荷

皇上注意邊務宵旰惓惓是以上則郊廟鑒昭弘

垂保佑下則邊臣震悚加慎防遏況入冬令彼物委

不能入矣但臣聞兵法云金城湯池無粟不能守今

世澤集

卷之十

七

表

宣大等邊言缺食甚苦而戶部又稱給發數多中間

弊源必有所在伏望特諭戶兵二部悉心根究整

理乃為久安之策也

答邊餉

諭嘉靖四十年十月初二日

伏蒙聖語在外曰食無在內曰出之不少却何之

耶恰好專濟諸奸貪臣惟各邊錢糧內發數多而外

用不足奸貪侵破此其弊之最大者仰惟

皇上已灼見根源矣其次亦有兩端一曰民運拖欠

而內外互相推諉不行着實催徵拖欠日甚故給發

日多也一曰發銀後時糴買價貴故給發雖多而得

用則少也今須本末兼理庶幾有益蒙 諭命部查  
理恐無真實行的況

祖憲具在不畏焉臣惟目今臣僚能畏法感 恩真

實圖報者誠難多得然似未可因無堪用之人遂不

查理昨兵部議請差戶部侍郎往理薊州糧餉夫差

官而不得人只空行耳今似須於侍郎內推舉性資

謹實曾歷外官諳曉錢糧者一員前去 天語叮嚀

使其整理薊鎮完日即往宣大一體整理務在先治

奸貪以次盡釐諸弊使財不虛費士飽馬騰乃為稱

職伏望 聖明裁察如臣言可採 勅下所司施行

世襲集 卷之二 九 表駁

答查理邊餉 諭嘉靖四十年十月初二日

伏蒙 答諭

皇上謂這箇催字非苦催者催職不得人也正數不

欠內出自不費多仰惟 聖明於拖欠之由內出費

多之故洞然無遺矣

皇上又謂不知正數官不得用果在民否臣惟侵欺

之弊處處有之今此欠數委未必在民然惟不查拖

欠故其侵欺亦無由發覺也蒙 諭此查理為宜可

閣中同撰傳帖來行臣謹會臣嵩撰 傳帖另封

上請

答南賊 諭嘉靖四十年十月二十四日

伏蒙 聖說南賊無理之甚或有使之為亂何意焉

臣聞此賊蓋因近來有司貪暴民不聊生故一倡百

從相聚為亂是賊意無他只為虐政所逼眾有司者

實使之耳目今用兵亦不過救急之着縱能勝之恐

隨滅隨起未得永寧若欲治其根源須在吏部塞賄

囑之門選任循良而後可然未易言也臣書生迂見

伏惟 聖明細訪詳察

乞 命文臣提督官工嘉靖四十年十一月初七日

臣適出會臣禮問之云興建已奉有 欽定式樣今

世襲集 卷之二 十 表駁

幹何事禮答云木料已見在做辦計春間可完各色

石料見有者亦已雇匠做辦惟柱石及須彌座石須

採取已行侍郎朱衡管理計亦能轉手但工程次第

須先殿基完成乃可安礮立柱今只候有興工吉期

便做殿基不敢遲誤禮言如此臣伏思往年營建其

不費多而工遲而內工尤甚者因無提督文臣也今

禮既深知工作之事又肯任事若得 明旨令照

三殿例提督則彼於錢糧得以稽考內外員役得以

查催財不妄費而工可速成矣伏乞 聖裁

答園守官軍 諭嘉靖四十年十一月十六日

伏蒙 聖言謂臣心急於官成有深意存焉臣自前月來委懷私憂過計而不敢明說是以惟急於官成茲蒙 聖明垂照仰知 興居出入之間必加慎重矣臣無任忻幸蒙 諭玄都四圍及 西安門之守仰惟 宸慮至弘至遠但玄都殿乃 聖駕所御官軍於禁地未宜輕入前者希孝具題增撥 西安官校蓋亦有見今若令希孝選帶的當官校二百名於四圍守宿而令葛縉選帶巡捕官軍於 西安門外巡守至 官成各退似尤便益伏候 聖裁示下遵行

世經堂集

卷之二

主

沈嘉

答遼東宣大邊事

諭嘉靖四十一年四月初八日

蒙 諭遼東久不受困近何疲之必得人方可東之去亦必加理務期強固焉臣仰惟

皇上注意邊務惓惓若此此誠 國家萬萬年無疆之福也臣不勝感幸遼東舊稱強鎮自三十七年大水之後邊牆倒塌軍民損傷過半其時賴有總兵楊照謀勇廉潔人甚戴之虜亦畏之稍能支撐一二後因照與管糧郎中等官節次訐奏革任不惟 朝廷不得照之用而繼照者以照為戒惟務苟全遂致邊務日費日壞今事勢危迫有不但如吉澄疏中所云

者此須乞

皇上獨斷如往年救援大同右衛之例乃可望濟也宣大之事大槩聞於 上者多非真實是以內之應之者亦未能盡中機宜東為人篤實且感

皇上簡知之思臣觀其志在着實圖報此乞

皇上待其疏至 特允行之則強固可漸期也又今各邊所苦者第一錢糧缺乏戶部非不欲給奈歲入有限無可給者此尤望

皇上大破常格處置應付夫今之時公私匱竭所謂錢糧不必取之於民亦不必取之府庫只取諸賊吏

世經堂集

卷之二

主

沈嘉

則既可濟用以寧邊又可止貪以安內臣愚以為此似可行也伏惟 聖明裁斷

答禱雨

諭嘉靖四十一年四月十二日

伏蒙 聖說

皇上聞小滿曰麥秋不知是否臣按禮記月令曰孟夏麥秋至註曰秋者百穀成熟之期此於時雖夏於麥則秋故曰麥秋又按曆小滿為四月中

皇上所聞誠是也蒙 諭雨未一注大田或當潤必得一雨解滋諸凡美或順天官領屬者一禱可否臣惟入夏未雨大田正在望潤而炎蒸之氣亦必得雨

乃解 聖念及此尤惟萬民之福伏乞 諭下禮部轉行順天官幸屬者致禱若得 天澤即是 聖澤也

答東南寇氛宣大遼東邊事 諭嘉靖四十年五月十一日

初一日

伏蒙 聖言東南寇氛何如宗憲昨疏內云之疾果何以東縉二臣之彼日雖淺亦聞以何云臣聞廣東福建寇氛皆熾福建尚猶星散廣東則已築有城堡設官紀元僭逆為甚向聞廣東以三月十六進兵近又聞以四月十八進兵凡調狼兵十萬人此一件

世宗憲集

卷之二

王

王

頗憂之蓋調兵太眾則糧餉難給東南素多暑雨今進兵以四月勢難久聚若仰仗

皇上天威一鼓即平其穴則甚幸也宗憲得風疾今雖稍愈然江西亦不曾親行昨科疏疑為假託則又因其素行而過疑之耳東近有本到言宣天宿弊頗詳明其意專在保全邊堡次第修舉邊務條為十說昨問臣博博以其言為然正在看覆縉亦已到寧前有本討募兵銀及賞功銀等凡事正在經畫適據楊選報稱寧前已無賊欲掣回胡鎮之兵則事勢比前稍殊矣但臣會臣耀苦苦言無錢糧應付南北之

求而南北之求錢糧者又甚迫切此却未有所處為可慮也

答廣東兵事 諭嘉靖四十一年五月初三日

伏蒙 聖言廣東之逆物博何不運謀伐之臣謹會臣博到直示以前諭博云部中已有事宜題奉

欽依行去十餘次矣臣隨語博再思所以伐之之謀以備後着博云若待勝負已分方始應着縱有妙算已失之遲今須早處計得都督劉顯見在南京素著謀勇參將俞大猷見在贛州亦係名將且素得狼兵之心今令顯帶原領家丁而以大猷副之如彼中

世宗憲集

卷之二

王

王

尚未進兵而相持未決則作急前往夾攻若彼已勝則就往福建勦殺水陸諸賊若彼中萬一失利則遂留彼為善後之圖皆不為空行又計得將官在外多為有司所凌忽凡糧草船隻鄉導等項應付俱不以時查得御史段顧言見在江西紀功今江西無賊合就令其監二人之兵一以催促應付一以紀驗功次庶於兵事有益除博回部具題外臣謹先用 上聞

伏乞 聖明裁奪俟部疏至 批下遵行

臣伏見

請調土兵嘉靖四十一年五月初九日

皇上屢以廣東逆物為慮深惟臣等安攘無策仰煩聖心不勝悚愧除博昨題奉 欽依遣劉顯等前去外臣恐顯等兵少昨會博計得永順土官素稱忠義兵又精強今合題請一面行令永順整棚人馬聽調一面行令顯等計議若果要用星夜具題以憑轉行夫兵不即舉可省勞費兵預整棚則在未用之先可張聲勢以寒逆物之膽在要用之日可得速到以赴事機之會若仰仗 天威逆物殄滅兵不必用則量賜金幣行文止之亦足勸其効忠以備他日他方之用博見具疏俟 大祭後上請 聖裁臣謹先具題

世襲集

卷之十

主

張教

請公同票擬奏一

嘉靖四十一年五月二十七日

明日臣煒奉 諭出直臣思每日發下章疏煒職當票擬夫票擬一件所以上代 天言必須會同以致其公商確以求其當若如近年專於一己決於獨見則揆之理法皆為未宜臣煒茲出例該展時入閣申時出閣伏乞 聖明容臣於每日未時之末會煒由閣到直將各章疏公同票擬畢乃還家庶臣愚獲少追咎戾而煒於

皇上出入之命亦無所違臣無任祈 請之至

二嘉靖四十一年五月二十七日  
適臣以公擬 王言 上請伏蒙 答諭事常則不

必同要務如擬 臣惟天下之事同於眾則公公則百美基焉專於己則私私則百弊生焉臣本淺薄叨荷天恩隆重每仰天矢心縱無能裨益 聖朝亦決不敢仰累 聖政茲事務雖有當要之殊其為 王言則一除暮夜及緊急守票者不及會同外其餘伏乞 聖明俯從 臣前 請每事必公擬庶臣宿心克副而亦可永杜弊端也臣瀆冒 天威無任悚懼之至

答水利

嘉靖四十一年七月初八日

世襲集

卷之二

主

張教

蒙 問杲昨奏水利禮意若何臣於數日前曾會禮論及杲奏禮意謂水利美事職當修舉但必先通下流使水有所洩然後築堤之功可施又水勢既大見今所滄田地須量捐頃畝使河身寬闊足以容水然後所築之堤不至衝決又彼中土脉不知何如須擇不係浮沙去處築堤乃得堅固以上三者一有不審則徒費無益必親至彼會官相勘乃能定議向者禮覆奏大槩亦如此也

答重錄大典

嘉靖四十一年七月十九日

昨蒙



皇上以重錄永樂大典命臣處理該臣回奏此書簡帙甚多而舊本繕寫甚精今要此等繕書者殊難多得等因茲奉 諭典帙萬計非歲月可完今不必若式只以經書冊大便秘於置置書法亦不必拘止要副其舊冊體

皇祖之制焉臣恭捧讀仰知 聖意一則欲便於置置一則欲俯就書寫今書者其勢自不能若昔惟是冊式一件臣昨歲嘗恭閱 大典有大字有小字有篆隸草等字又畫有山川宮室草木等項形象若冊式一動則其行數字數與凡欵格皆須更改從新布置恐不若仍從舊式對本抄寫之便易也臣愚見如此伏乞 聖明裁示遵行

答風變及江西三疏

諭嘉靖四十一年十月十四日

伏蒙 聖說丑分風變非常者臣惟丑分風變委為非常昨宣大兩鎮各報虜入犯想是其應也蒙 問江西三本民情言又孽寇不寧何也臣聞江西福建廣東交界之處山林深險民習為盜結集樹黨不止一處撫按有司行事廉明則彼畏懷稍就欽哉若加以貪虐糊塗之政則便挺戈而起如昨已獲張璉及未獲林朝曦黃啓薦等僭號置官攻劫郡縣俱已起

者也三本民情所奏李文彪者伏而未發者也此於法本不可宥但今各處錢糧缺乏百姓窮困用兵甚難縱而貽患與激而速變皆為可憂本已下部似須行彼處巡撫審力相機撫勦及擇文武吏士久任而漸圖之容臣會博與計議題 請施行

答革浙直總督

諭嘉靖四十一年十一月十七日

蒙 諭浙直總督之名原無今似不必仍此可歟臣惟浙直總督原為倭寇暫設今地方仰藉

皇上威德已就平寧而百姓遭某恣肆擾害之後有資綏輯今不必仍此只設巡撫而於 勅內開寫如

世經堂集

卷之二

天

章

浙直有警互相應援之語實為便益但聞其招聚各處無賴之徒為兵又用平素作賊之人領兵甚是驕悍今炳然似須加提督軍務字樣依部疏與進部銜以重其體貌事權臣謹改票上 請伏乞 聖明裁定

答堪任閣臣

諭嘉靖四十二年正月初十日

蒙 問同官可增一員誰堪其任者臣聞古人云知臣莫如君知子莫如父

皇上聖明天縱廷臣才品誰能逃於 聖鑒但此官位高地近不專在有才須得平正謹實乃不敢憑藉



壞事伏乞 聖裁

答欽簡閣臣 諭嘉靖四十二年正月初十日

昨蒙 諭問今欲用閣臣孰可者臣具奏不能知而請

皇上欽簡茲蒙 答諭汝以不知可為對但君知臣惟堯舜耳

太祖為聖知之真而用之可若昨嵩乃我簡至於如此此官雖無相名實有相職廷推非道相必君擇古正理後世官生之主不知人焉臣適不敢以知可為對者一則仰見

世經集 卷之二 五

皇上知人之哲同於堯舜不待臣有所舉二則以此官必由 上擇臣前歲六月初三日欽奉 聖諭亦嘗引人君以論相為職之說請

皇上簡用茲不當僭有所舉也嵩之才儘足輔政其初

皇上用之未嘗不是只因恃 寵而驕臣成而怠過聽其子而子之貪狼又特異於人遂致上負 聖恩耳昔堯用四凶後乃加放殛

太祖用李善長胡惟庸後乃以罪誅夫始也知其有才而用之後則知其有罪而去之若我

皇上之於嵩真 大聖人之事與帝堯

太祖前後合轍者也茲必乞簡自 宸衷降 勅宣示以協正理以崇 主權

答知人 諭嘉靖四十二年正月十一日

伏蒙 答諭昨疏引四凶惟庸之類非堯

太祖不知者彼不終慎也然堯為聖人之首

太祖何事不知且如此後世內長一事不知的安可及萬一嵩罪非聽子乃縱之害國戕民焉臣頓首捧讀仰見

皇上聖不自聖之心不勝欽戴不勝欽戴自古人心

世經集 卷之二 五

難測蓋有大奸似忠大詐似信者此知人之所以難

也然惟廣聽納則凡窮凶極惡自有人以摠之深情隱隱自有人以發之未用者可以不至濫進已用者

可以不至倖留不下堂堦而周知天下之情矣嵩縱子害國戕民誠如 聖諭然使早有人言亦豈得至

如此之甚哉故凡有言則必詳加詢察事大而言實則行之其不實者事小則置之事大則亦薄其責而

容之務以來天下之言耳夫此法行則利在 朝廷而不利在臣下否則臣下受其利而不利歸 朝廷

臣誠愛 朝廷重於愛身輒敢及此伏惟 聖明垂

鑒

答自愛

諭嘉靖四十二年二月二十七日

臣昨疏陳頭暈等語茲奉 聖諭六旬須亦自愛日夜費勞為多惟畧靜之為是 臣素有火疾火作輒暈深冬之月未嘗敢向火往時氣血壯盛則發作稀疎茲氣血衰耗則發作頻數 君上之前言不敢隱且臣方以忠誠倡率羣臣在羣臣之中多知 臣有此疾者 臣尤不宜有隱是以昨疏及之不意乃仰煩 天恩過憫 宸翰下頒示之以自愛 教之以靜攝 臣捧讀感泣真不能自勝也 臣又惟人臣之義貴在尊

世廟集

卷之二

三

何廉

事 朝廷是以舊例凡自陳者皆不敢入班伏候去留之 命 臣今以直衛事重未敢例出至於 臣疏却不敢自擬謹當封 進上請 宸斷如未蒙罷黜當欽遵 聖訓勉理未殞之軀用罄圖報之志 臣無任感 恩侯 命之至

答不自票擬

諭嘉靖四十二年二月二十八日

伏蒙 聖諭汝不自票擬例也燁代我言何不可 臣昨不自票擬委因去留之 命當自 上出於例於義俱所不敢至於同官互擬自來無不相商量者此與自擬殆無甚異如令燁擬亦望

皇上自傳示之非 臣所敢預聞也

答段疋違限

諭嘉靖四十二年七月初一日

蒙 諭忠善為多而邪欺亦不少即段限故違之類之物終不絕皆謗事上玄為首件焉 臣惟段限故違原係有司貪肆以納賂為墜遷之捷徑而以職務為無益循習致然且聞已有起解在途者非由謗事上玄也今為

皇上計惟於用舍之際審賢否核功罪辯勤惰塞苞苴之門杜請託之路則百事皆可幹辦不獨段疋一件不至違限而已 臣受 恩深重不敢不以實 對

世廟集

卷之二

三

何廉

伏乞 聖明垂察

答家宰力行

諭嘉靖四十二年七月十一日

臣適奏違慢諸事非由欺謗乃緣貪肆致然伏蒙 答諭欺謗也不無而貪肆甚矣國虧民苦悉此等物所為

祖宗法度視為眇耳此本要家宰力行仰惟 聖明

洞見物情 灼知治本天下蒼生不勝幸甚夫

祖宗法度本極嚴明使為臣下者不以利欲蔽其良心豈至公然違犯使 國虧民苦哉此在羣臣均為上干 天憲而大臣不能以身倡率百僚并不能為

朝廷斥去此屬其罪則尤重矣臣聞訥在吏部殊有志焉

皇上守法但請託既絕恐不免怨謗此却仰賴聖明主張乃能行其志也臣茲謹錄聖諭示訥遵奉力行

答風異諭嘉靖四十二年九月二十日

伏蒙聖言風異兩作矣倏起自北當承愛示內火須慎邊犯宜備且楊照可見仰惟

皇上欽天保國心虔謀遠因風異兩見并楊照之事遂屢聖慮命致謹於兵火臣等幸甚幸甚

世澤集 卷之二 三 照蒙

皇上錄用於廢棄之中感激聖恩刺盡忠報國四字於背間乘勝追賊出邊不已以致殞歿昨蒙

卹典隆重諸邊將士當共感奮矣臣謹恭錄聖諭傳示兵部都察院錦衣衛各加慎防其內府諸衙門伏乞嚴勅司禮監遵行

答兵事諭嘉靖四十二年十月二十三日

伏蒙聖言東見火影此賊想不甚遠諸將何不截殺臣適望見火影正懷憂恐已使人出問博尚未回報諸將之不截殺或有待於兵合也蒙諭郊等

即示禮部疏來行亦示兵部轉語等協力逐勦臣謹傳示春芳博各欽遵臣聞重城七門昨雖派軍擁守緣軍一半下班在家今尚到未齊守備單薄亦已使人語博區處未知博有何策城守事重伏乞特諭博急圖之

二嘉靖四十二年十月二十四日

伏蒙聖言臣恭捧讀東見火影衛中探說是賊火博適回報云是楊選兵馬到通州營中所點火把臣

見二說不同令博差人直到通州看去矣其重城守備博尚與胡松蔡汝楠等在部計議未回報此賊內

世澤集 卷之五 三 犯其來甚疾今諸將入援者只馬芳帶領補於漢兵

馬五千餘已到其美應熊尚未入關祝福纔到良鄉蒙諭馬芳當令此處守戰陵地更一猛將仰惟

聖謨允當臣謹傳示博遵行并催延綬原入衛兵馬一同守戰蒙諭時月冷士皆薄恐難對敵臣仰見

皇上愛惜將士至意合無俟芳到城下犒賞之使知感聖恩蒙諭自庚戌至今猶只舊習所以逆欺

敢於勾賊茲亦急矣臣惟庚戌以來一應安攘之務委未着實幹理猶只舊習四字聖明真灼見弊源

今茲委已急仰賴宗社垂佑計必無事但賊退之

後却仰望 特賜主張力圖後來久安之計也

請 勅江東總督入援官兵

嘉靖四十二年十月二十四日

適博使人來與臣階說楊選已到東直門外博於彼所領兵內抽取幫守重城及令馬芳劄營廣渠門以當通州入京之路蓋皆為重城計也臣等思得此賊非時深入若不勦殺一番後將益無忌憚今各處援兵漸集但官職事權不相統一恐心力不協致失機宜若從中調度又恐號令文移往來不便聞江東見在居庸關等處愚見欲望

皇上召之入關令其總督城外官軍或當守或當戰

世經堂集

卷之二

聖

表宸

或當設伏邀擊或當扼險截殺或當乘懈却營或分或合或奇或正凡城外之事悉聽其相機而行其城中之事悉以委博伏乞 聖明裁定 特賜降諭施行

又答兵事 諭一

嘉靖四十二年十月二十四日

伏蒙 聖諭東既至不必添官即督于外博于內為宜仰惟 聖裁允當蒙 諭可用勅否臣等切惟今入援者係薊保宣大四鎮兵馬楊選官雖侍郎亦是總督茲東奉 特命督於外則選亦當聽東節制相應 賜給勅書開載一應事宜以便行事臣等謹即

撰稿 進呈蒙 諭通灣二地糧貨之處當保之臣

等仰見 聖慮周悉通州已發有管英營兵一枝今

兵部又題請留徐紳在彼專守其張灣據楊選奏稱發有袁正兵馬一枝臣等謹傳示兵部行與徐紳加意保障二地蒙 諭陵地有漢芳着專衛此臣等謹一併示部遵行

嘉靖四十二年十月二十五日

伏蒙 答諭昨謂芳量賞但東亦宜同者適又有火

光此為欺的定是華物今次比庚戌又異昨以各門守少半未至今九門當那二三門為緊先整之戶部

世經堂集

卷之二

三

表宸

疏云造冊開人方給米遲了當急濟或九門焚粥也少濟之臣適以馬芳奉 旨專衛都城奏 請量賞茲蒙 諭芳量賞東亦宜同者仰惟 聖思周悉聖裁允當臣恭候 命下遵行其火光又作蓋此賊所到之處即行放火今夜火光比昨夜又在東南想往掠通州東南地方矣華物先年被虜搶去及因軍衛有司虐害逃入虜中者甚多彼皆不耕不織不工不商專靠搶掠以供食用是以今次比庚戌又異聖諭謂為欺的定是華物是矣各門之軍使人語巡視科道稽查今報俱已足其緊要處在重城七門

而七門之中兩便門及水門尤緊要臣已語禮砌塞東邊水門一則使不能攻一則可蓄城河之水使深而不能渡東便門芳已分兵防護其西便門因無兵未有所處謹臣語東計處回奏戶部造冊給米之說誠失之遲臣適擬添官正欲求急濟且恐有奸細混入故用衛官欲因給賑而察之茲當再語耀及各官不必候造冊務在使民速沾 聖恩也往年熬粥因下人作弊減米增沙人不能食又或以生水插入熟粥之中食者反得吐瀉等病今似宜看人數多少或只給米或兼作粥乃有益耳

世宗憲集

卷之十

吏

未廣

答追賊及賞軍

諭嘉靖四十二年十月二十五日

伏蒙 聖言聞賊少退恐詐者而選等說追殺果一行否臣今早亦聞賊自香河回至通州河之東其施頭北向平谷縣夫平谷本是賊歸路但賊大營尚在平谷未曾動則此乃是搬運財物以歸大營未便見得是退去諸將正當如 聖見防其有詐也選等委已往通州然謂之追送則可謂之追殺則不可蓋欲殺賊必先探知賊所經由之路預於其間據險設伏俟賊至猝起而擊之今只尾其後賊行亦行賊止亦止賊豈可得而殺耶故只可謂之追送耳今且看江

東作為何如蒙 諭科奏犒士芳營士亦同行茲只賜東芳云臣昨奏 請賞芳乃因芳首先入援又時不知有科疏今以其營士同行示 朝廷公溥之政而只 賜東芳昭皇上知遇殊特之恩仰惟 聖裁允當衛中有一百戶謝麟頗知兵曾同張大用往解大同右衛之圍東芳之賞乞 發下希孝差麟送去庶得一觀其動靜也

答兵事

諭嘉靖四十二年十月二十五日

伏蒙

聖言茲看博等會東所計有甚奇方選等正

世宗憲集

卷之十

吏

未廣

是送去敢言追殺其誰欺乎夫今外兵四集內士又出只遊戲一場又故事矣本兵定策付諸將行如何以伸華威如何以報人害大勦一場不過庚戌之轍且聞彼邪夜戰不能或謂何不夜攻而我軍亦不禁豈可取勝哉

皇高祖考歲一巡邊

皇兄亦聖威震彼然內逆欺外賊侮可慨臣適看博等會東所計東徑趨順義此策甚是蓋順義在白河西而三河平谷等縣在白河東順義北行五十里即至密雲西南行七十里即至 東直門今薊兵皆隨

賊後無在河之西者東居此一則可相機調兵或出賊之前以伏擊或伺賊之懈以襲擊一則可遏賊之渡河而直犯京師故曰是也其欲令選等邀賊歸路於古北口等處亦是但選所領將官只胡鎮能戰今已奔走疲乏而孫臏只常才恐不能為也若東遣姜應熊麻錦等潛往古北口等處伏以俟賊却是一奇但不知中間有無別礙臣於此亦不能詳知容語謝麟往與東熟計也今外兵四集仰仗

皇上威福可望有功至於內士原是兒戲雖出亦無能為徒費糧草耳其夜攻一件往年胡鎮曾以此取

卷之二

嘉靖四十二年

十月二十六日

勝然須乘懈用之若賊深入則必戒備未易措手此全係將官之膽與智臨時取便也仰惟

皇上聖神英武卓冠百王但舊習害事未有人為

皇上力陳之而力任之以致仰厯聖衷有

宣宗

武宗之思此則臣下之罪也臣上感聖知之隆殊

下憤臣職之曠棄不覺所對狂妄至此伏惟聖慈

原有

請發追賊官軍糧料

嘉靖四十二年十月二十六日

臣等聞胡鎮見在通州河東追賊亦時斬有零賊首

級但聞賊所過之處皆已焚燒無從得食非仰仗

聖恩特賜救濟不惟不能有功切恐自生他變臣等

欲乞勅下兵部即差官一員至通州多發糧料就

於楊選徐紳營內撥兵運送與鎮庶彼感恩奮勇

追殺虜賊亦使諸將士聞之咸知

皇上體念激勸之至意臣等輒敢擬傳帖上請

伏乞聖裁

又答兵事 諭一 嘉靖四十二年十月二十六日

伏蒙聖旨臣謂鎮奔乏今又被賊傷必難支持天

垂加助可速增兵勿失機宜可歟臣惟鎮既被傷理

當速救合無一面令兵部將祝福人馬發去一面令

東發勁兵援之臣謹擬票料疏上請伏乞聖裁

嘉靖四十二年十月二十七日

伏蒙答諭今此比庚戌不同始入何絲毫不知選

等非不知者適風作趁順大戰鎮傷重輕否臣連日

訪得選等前雖知賊聚眾要搶因離邊尚有百里

未知的犯何處不敢奏聞部中亦只據江東揭報

賊往東行走行文選等隄備及行宣大保定等處整

棚聽調二十一日午時賊始到牆下攻牆我兵斬賊

二級選等方自以為有功具奏而是夜賊隨破牆進



入矣臣於此說初亦未信其然後查選等攻墻斬級之報於二十二日早至賊入邊之報於二十二日未刻至而二十三日馬芳即入關本夜芳至京二十四日江東繼至二十五日姜應熊亦至然後知選等前此委以未見賊而不奏而部中委曾先期行文於各鎮也今賊雖深入仰賴 天祐 聖明雨降風作而鎮於疲乏之餘與王孟夏黃演馬承胤等會合力戰則 上之助順下之效忠皆可見矣伏惟 聖懷少寬鎮傷重輕臣未知容訪實另奏

兵事奏

嘉靖四十二年十月二十七日

世經堂集

卷之三

聖

願濟

適謝麟自順義回臣問彼中之事麟云順義城北地名河南村等處水皆淺澁可渡幸有東到彼分兵防守其夜賊適自南移營百姓之渡河逃避者始得有所依倚而賊亦始知我之有備東此行甚得力其發兵設伏邀賊歸路等項所見皆與此中遙度者相同已將各兵挑選精銳今麻祿等統領相機渡河截殺然東意尤以備賊西犯為重臣又問東忙亂否麟云東意思疑定感 恩圖報殺賊之意亦真切但猶苦兵少及兵馬遠來頗疲弱今山西叅將吳高領兵三千前去東又得一助也麟所云如此臣謹具題以

聞

又答兵事

諭一

嘉靖四十二年十月十八日

伏蒙 聖說臣昨謂臚常材今亡於陣這等的初何推為帥誤國了臣惟用人當論其材不當專論資格至於將官尤要取其謀勇慣戰而畧其麓率如馬芳胡鎮皆起自行伍不識一字却能殺賊近年部中推用只循常資而撫按等官之舉劾又多以媚奉奔競為賢以駘雄質直為劣部中一槩依之此臚之所以得推為帥既不能禦賊之入邊又不能擊賊於將退徒殞身而無益於 國也蒙 諭聞賊滿載去了殺未及半難以後不能者忘之仰惟 聖慮深遠臣謹錄示博等各勿怠以圖永弭邊患也

二

嘉靖四十二年十月二十八日

世經堂集

卷之三

聖

願濟

蒙 諭恰才一箇本說東等不用力此似過情了他必有能者臣適與臣熒見李瑜之疏正謂其不當以東等與選等既失事又不能奮勵殺賊自贖者同論是以與東等只擬令督兵速勦而不敢槩 請加罪瑜言委為過情書生不會幹事只會說人大率類此此惟仰賴 聖明察其言之當否而取舍之否則任事之臣皆無所措其手足矣蒙 諭幸愛等賊首亦

在營可在彼地臣於此件不能知然聞賊每入寇皆以內逆為先驅而身為後哨分其所掠然則彼雖不在營未嘗不得利今以彼狡謀度之未必肯自深入重地也

請賞薊鎮將士嘉靖四十二年十月二十九日

臣等聞得胡鎮追賊力戰斬獲首級三百餘顆身被六刀而所領兵士亦多殺傷今猶在彼裹瘡追敵臣等思得國家之恩賞固不宜無名而濫與尤不可於有功而吝施昨者臣等因薊兵與諸路入援者不同不敢為之一槩請賞今鎮既有功且被傷矣臣等世經堂集 卷之二 四三 張敬

欲望

皇上將鎮特加 恩賚令兵部差官一員齎去給與仍帶馬價銀一二千兩照近例犒賞營兵內被傷者仍加一倍以作醫藥之資各開數回奏陣亡者錄其姓名奏 請優恤其同戰各營將士先與查驗明白具奏 上請施行庶人心益勸而士氣益揚矣臣等愚見如此伏乞 聖裁倘蒙 賜允方敢擬傳帖上進

答虜退加 恩將士 諭并請發宣大總兵

各還鎮嘉靖四十二年十一月初二日

伏蒙 聖諭將士逐賊已盡仰蒙 郊 廟垂佑東等須加恩勞不宜滯臣仰惟 郊 廟協佑疆場底寧昨於賊入之初既嘗 遣官 奏告則今舉行奏謝於禮允宜臣謹傳示春芳題 請其東等委須加以 恩勞但各將功次開報未詳合無令兵部將入援者行江東薊鎮行胡鎮溫景葵各即查明分別等第具奏以憑酌量 恩勞臣等謹擬傳帖 上請伏乞 聖裁臣等又思得宣大係重地今虜已出邊而總督總兵等官俱不在鎮切恐狡虜乘虛竊犯似應將馬芳姜應熊即發回該鎮防守併乞 聖裁示下遵行 世經堂集 卷之二 四四 張敬

答武備 諭嘉靖四十二年十一月初九日

蒙 諭武備事不宜又說過二十九年四月平白語臣講武彼對佳兵不祥秋即有犯臣惟帝王之道文武並用至於中興尤未有不資於用武者故武備之修所以安中國攘四夷之具存焉老子謂佳兵不祥乃為彼喜兵者言耳非指修備者槩謂之不祥也自庚戌以來所謂武備有名無實近一兩年間方始講求顧未及成而遽有此及今汲汲圖惟尚懼一時不能見効況又可以虛文應耶



皇上謂不宜又說過仰惟 聖謨弘遠安攘之本端在是矣但練兵先須養兵是以理財尤為修備之先務昨兵部已具題增兵未及養兵之費何所處也豈以此為戶部事歟且看集計如何 臣等擬票 上請

答加恩閣臣本兵

諭一嘉靖四十二年十一月十五日

伏蒙 聖言昨兵部覆東疏內無閣臣本兵之恩與此舊故事不可少 臣惟昨者邊疆失守中外憂惶幸賴我

皇上威德赫昭茂膺天佑爰致虜賊退遁封圉載寧 臣等上不能仰贊 廟謨下不能督率將士乃茲驚

世經集

卷之二

聖

聖

心甫定懼心猶殷宥罪已戴 洪慈 恩與豈所敢望至於 臣叨居輔首奉職無狀方擬待整頓邊務畧有條理陳乞罷黜以避賢路尤不敢有分外之思冒貪天之咎也蒙 諭可擬 旨下 臣未敢聞 命

二嘉靖四十二年十一月十五日

臣適具 對不敢擬 旨加恩諸臣伏蒙 答諭臣

恭捧讀 臣所謂懼心猶殷蓋凡知理道者其心皆然

臣因叨居輔首受 恩深重休戚相關是以懷懼尤

甚耳蒙 諭他每通不怕天又不知事又不自責但

賣直欺世無君肆已今又不與恩或積後禍 臣惟此

項之人世固不能盡無然亦自有 天鑒 國法自

古未有人臣所為如此而能遂其志能免於禍者

皇上似未須深疑而過慮也博平日為國誠如 聖

諭今廷臣中才識通敏熟知邊事無如博者伏望

皇上俯賜優容責其後効 臣冒昧具奏伏切悚恐

答推用其其等

諭一嘉靖四十二年十一月十七日

蒙 諭二臣之用原吏部推何以此才當此任縱無

他私亦不宜動循資格必更 臣惟二臣之用雖由訥

推緣循資按格其來已久訥時初到部未能即破舊

套今須仰仗 聖明特降一 諭使惟才是用勿專

世經集

卷之二

聖

聖

論資格庶訥有所遵奉也又 臣嘗有二事欲以上

聞亦緣畏避眾口未敢率易昨經虜犯之後竊意科

道之建白多官之集計當有意見與 臣同者亦竟未

有一及必 臣所見偏曲是以不合於眾然 臣下事

君有懷必吐茲亦輒敢具奏伏惟 聖明裁察其一

曰尊 主權 臣每見 旨意之下內外多不遵奉如

勘功罪不惟公私難知而且動至經年之久徵錢糧

不惟期限屢違而且寂無一字之報禁私餽則潛行

於昏夜以售欺劾貪肆則聊及於孤寒以塞責敢於

抗違 明旨是 主權未尊也其一曰定 國是 臣

竊見士大夫以虛文巧飾為有才而誠慤者則詆以  
為拙以怙勢作威為風力而敬慎者則笑以為懦以  
怠安洩省為得體而勤勵者則鄙以為俗流以容奸  
庇惡為長厚而明作者則謗以為生事甚至以謀國  
為過計以恤民為迂談以持法為苛刻以秉公為乖  
僻是 國是未定也夫此二者於平時尚能敗正況  
欲有所建立於多事之秋以仰副 聖主安內攘外  
之盛心乎仰惟

皇上神聖英斷超越千古如臣所云倘有可採亦乞  
一 諭諸司示以賞罰使賢者有所恃以為善不肖

者有所畏而不敢為惡庶於政治有補臣冒昧煩擾  
無任悚懼之至

答指名作諭 諭嘉靖四十二年十一月十七日

伏蒙 答諭早間所說二件不但違誤甚不重王言  
只自恣放

二祖時不敢欺今若指名作一諭下亦非苛細焉臣  
早所 奏蓋每思 上之號令臣下必如心之使臂  
臂之使指無一不順然後功立而事成下之事 上  
其議論意向亦必如指之聽於臂臂之聽於心無一  
不協然後道同而事濟仰惟

皇上洪仁大德同符

二祖而治功或未逮實皆臣下恣放之罪焉竊恐此  
風不革安攘之大烈未易成也是以冒昧上 聞茲  
蒙 賜答臣不勝榮幸感激之至但欲指名作 諭  
恐事多人多欲盡治則勢難行欲只治一二又似遺  
漏伏乞 姑恕其已往而嚴戒其將來從今 諭下  
之後為始苟有犯者必罪不赦如此行得幾件即自  
畏懼而改圖矣又恣放之弊其根源皆由貪賊彼謂  
官可以錢買墜罪可以錢買免故不復知有 王言  
之當重職業之當修而專務貪取以為營遷規脫之

地 諭中乞首重此件 大明律凡賊皆入官枉法  
贓八十貫者絞問刑條例絞罪者發充軍八十貫值

銀一兩耳未有若今犯賊至千至萬只罷官而去縱  
失祿位猶揚揚作富豪者也且今軍餉所資於錢糧  
方殷而民間又不堪加派若依律例行之則財不必  
取諸民而用自裕於 國矣臣愚見如此伏乞 聖  
裁

答重城 諭一嘉靖四十二年十一月二十九日

伏蒙

皇上以今日之風占在上功 賜問重城之建果可

有賴否臣惟城郭之制自古有之重城即郭也今都城之南萬民聚居百貨萃集必須有城乃有保障庚戌南關之民一聞警報不勝驚恐今年則皆倚重城為安庚戌四外之民皆奔入都城今年則多在重城其都城之內不聞擠塞喧擾此其効可觀矣且此城不築則亦已矣既築則必圖可守否則關繫非輕聖諭謂禮之奏以為既為必固之意可謂盡之此正所謂不得已之事無可奈何其先朝未有建白想在成化以前則居民未盛成化以後則習見承平是以無計及者今惟在禮等斟酌調停不至病民則善矣

卷之二

聖

集

二嘉靖四十二年十一月二十九日

適蒙 諭問重城臣具以所知見 上對伏蒙 答諭可示禮實為之所謂永益臣謹傳示禮遵行蒙諭至如各處邊牆若肯堅築豈得易毀可見無人整理臣惟各處邊牆旋築旋毀委由無人整理然聞往時修邊之銀一半不曾出京夫銀既侵費安能堅築大抵內外通同為奸只欺瞞皇上而已蒙 諭戎務一件肅疏云京兵也要精練為本此似是一端

成祖初制四十萬怎的止剩八九萬可歎臣惟京兵衰耗誠為可歎然使此八九萬者箇箇得用猶足以威服四夷今却徒能喫糧無一足用此則尤可歎之甚者也蒙 問西邊有一魯姓者如今不聞所以汝知否臣聞魯姓係陝西莊浪衛指揮其家舊有名於西邊號曰魯家人馬後因人疑之謗之不敢收養家丁漸亦衰弱近年有魯聰者任古北口參將頗驍勇被劾革任凡武官之善戰者多麓率而撫按兵備等專要責其奉承一不如意便尋事論劾輕者罷官重者問軍問死曩楊照存日人皆欲殺之今却謂既失

集

卷之二

辛

集

楊照遼東難守如此類者甚可恨也

答防春等

諭嘉靖四十二年十一月二十二日

伏奉 聖言防春我曾慮三四次願彼猶如此況賊之圖報復豈無又多華逆昨為引者逆賊之妻洪氏之父也不聞擒戮今督臣果何如我說兵事付鎮乃出令行軍調遣相持之件且容他行督者少制若戎權豈彼克為其鄭曉楊順何如又葛縉初係我點用未久後西門守衛退之緣何件者今朝內有可用否如內出一人或外面重步今須早理至於京兵也又不宜只講文能似

成祖時十分之一就為上臣仰惟

皇上為邊防計慮至周至切臣無任仰戴無任仰戴賊謀明春入犯適胡鎮已有探報督臣之果何如臣曾以書訪諸御史董堯封昨堯封回臣一帖與臣他處所訪及託希孝所看相同臣今輒敢以二帖封進御覽蒙 諭昨說兵事付鎮乃出令行軍調遣相持之件且容他行督者少制若戎權豈彼克為臣惟出令行軍調遣此正是總督之戎權若使鎮得行之於平時則是無總督若待相持而後行之則又無及於事此所以其難處也蒙 問鄭曉等諸臣曉甚好但

世宗憲集

卷之三

壬

倪元

年力已衰用之於內則可其極貪極欺在宣大時專殺平人報功右衛被賊圍困數月公然不行救援又平地假以築堡冒破官銀十餘萬並不曾興一工其人與胡某絕相似其巡撫山西因侵尅民兵工食激其為變逃入虜中却詐稱擒獲又與藍道行結親是以公論不容之今中外臣工殊不見有的確可用之人不知人才何以凋落至此茲去春防不遠

皇上謂今須早理允當臣昨所以冒昧上奏也至於京兵委不宜只講文顧寰雖非將材然亦未知有誰可代者聞王其劾寰乃為劉某陳某之地其善談論

人實躁妄若使當事不得安靜某則一味貪暴軍士不能堪此二人者必不可用也京兵驕惰已久不能殺賊而能亂嚷夏間叅將張琮因一軍士不候操畢輒先散去將伊用箭穿耳軍中遂訥嗽妄言寰再三撫諭又為之叅張琮而後已故練京兵必能寬能急能操能縱乃有濟耳今第一可慮是無人才第二是無錢糧若有此二者亦不患兵不可練事不可為伏乞 聖明首加意焉其文書關繫京營及薊鎮者乞命司禮監不時 進呈為幸

答京營總督 諭

嘉靖四十二年十一月二十三日

世宗憲集

卷之三

壬

倪元

伏蒙 答諭寰之代今必無勝者須且看若於陣戰亦又難之如不必俟伯用者或有否仰惟

皇上明於知人廣於擇人臣不勝欽服合無俟兵部覆科疏至臣等擬請降 旨使會官於侯伯之外公舉以 聞縱目下未用亦可以為副將倘緩急也蒙 諭薊鎮報當急整備纔好臣謹傳示兵部欽遵速行蒙 諭堯封之言正是昨說不協豈能濟事臣惟不協委不能濟事今必須有以處之合無遵照昨 諭令吏部另選一為國幹實之人以往惟復今博以經理為名往彼一看提撥整備庶得濟急又此鎮之官

人皆以為危苦不肯為百方求脫其堪備此鎮督撫之任者似亦宜令吏部會官不拘見任廢棄公舉數人取至京師量授職事看其果可用則用之如不可用則見任者照資俸改外任廢棄者仍發回并罪其舉主如此庶或可望得人統乞 聖裁

二嘉靖四十二年十一月二十五日

伏蒙 聖言寰所任京戎只着恤練兵卒衝鋒破敵須別以一二以備緩急如舊例三營六總多了今將副擇而用之亦好仰惟 聖裁允得器使之道緩急之備但原奉 欽定總兵官一員非 臣下所敢擅增

世宗憲

卷之二

聖

表宸

伏乞降 諭兵部遵行蒙 諭邊政不可怠昨十路列兵果皆精壯何賊之可慮焉 臣惟邊政委不可怠至於十路列兵 臣却不敢謂皆精壯蓋薊鎮軍士每年月糧十二石自來上半年給本色每月該銀六錢五分下半年給折色每月該銀四錢五分遇米貴之時不穀糴米況民運屯糧徵解不完併此數不能盡給而一切公務私費皆於內扣除則所給者軍又不能盡得實用故皆不免饑色何由得壯軍既貧困則操練因之不能行官既有私則操練因之不肯行何由得精此百年來之積弊日甚一日者其入衛各兵

大率皆然今欲得精壯須逐一為之區處顧文武之官既立心不一而錢糧缺乏又於增添為難此邊政之廢弛所以不能不仰煩 聖主之心也 臣受 恩深重不敢不實 對

三嘉靖四十二年十一月二十五日

伏蒙 答諭京將一總初因看逆賊是箇不容人之物今亦不必添見有副將名目選用即可 臣惟出令調遣者王將之事也領兵攻戰者偏裨之事也今若精選能衝鋒破敵之副將而仍以一總調遣之則制不必更而人皆得用且無兩大難使之嫌仰惟

世宗憲

卷之二

聖

表宸

聖裁允當但亦須 諭兵部令將見在副將選其果可用者畱之不可用者更之也蒙 諭邊卒不力何可用命昨十路未至十萬人今或不為例戶部取銀二萬兵工各一萬兩發與肅給犒官軍一次可歟仰惟 聖慈俯念邊卒如此彼必當感恩思奮但似須候到邊之日乃可發去仍望降 旨戶部令管糧郎中將邊卒應得行糧務各給足并給以好米之堪食用者乃於養兵有益也

答薊鎮糧草并整理京戎

諭嘉靖四十二年十二月二

十六

伏蒙 聖言邊事料理似各有序如糧草第一管郎

耀當嚴稽巡按的也該查看臣連日見兵部及薊督

所奏邊事料理委似已有序但此尚只是言未便是

行仍望 聖明常常警戒使勿作口說其糧草委是

第一臣謹傳示耀嚴稽并巡按御史董堯封查看蒙

諭京戎一時難整只好緩理夫

成祖初治已不能復矣臣惟京戎誠為一時難整今

仰荷 聖謨宸斷重委於襄而慎選其副如行之

以勿遽持之以勿懈則

成祖初治亦漸次可望復也

世經堂集 卷之二 並

世經堂集卷之二

世經堂集卷之三

奏對三

答風變 諭嘉靖四十三年正月初四日

伏蒙 聖言此風未為無謂非四時之正 恩示必

加慎臣惟克謹天戒乃圖治之要道此風委非四時

之正既承 恩示委宜必加慎夫聖人不能使無災

變而貴有救災應變之術如占為兵則修兵備占為

旱則修旱備是也今第一兵備為急臣謹傳示博行

文各邊益加慎焉蒙 諭夫以甲轉已三日矣何又

此變想一二年便不克美必緩漸方可今便不宜凡

世經堂集 卷之三 章圖

百怠視臣惟天時人事皆以漸而更春當和秋當涼

此定理也然正月屬春而凍未解七月屬秋而人猶

汗則漸之說也今各衙門政務廢弛已久亦須漸次

整頓一二年便不克美必緩漸方可仰惟 聖諭允

當內外諸司惟遵奉 聖訓凡百不怠視以俟全美

之至斯善矣

答京練 諭嘉靖四十三年正月二十日

伏蒙 聖說北氛又作未宜謂有備此賊中內逆多

彼真賊故敢累犯 郊 廟垂佑人當祇承京練亦

宜整焉臣惟薊鎮之兵募猶未齊練猶未熟委未可

謂有備此賊入犯委因內逆多知我此時春防之兵未集故為此乘虛掩襲之計仰賴 郊 廟垂佑我知之早白文智在本路胡鎮又已領董一元尤月往援此皆驍將足禦賊也 臣連日因病不能見容惟李燧新到特一見之已為言

皇上留意兵事須竭力仰副之意今日恭看惠熙等興工寔燧與博等俱在 臣問博聲息又已語寔燧矣茲蒙 諭謹恭錄不博傳示二臣加意整練 臣又於途次遇府尹劉畿云欲築張家灣城此亦伐虜謀之一策但恐無錢糧俟二十六日彼疏至伏望

世宗憲集

卷之三

二

章國華

皇上於光祿寺餘剩銀內借與一二萬兩使速為之

答築灣城

諭嘉靖四十三年正月二十一日

伏蒙 答諭灣地無城當初何不築之那們財貨之地怎麼收拾 臣惟灣地財貨所聚不築城委無收拾但無事之時小民既難與慮始而士大夫亦昧於遠圖故當備而不備如此類者多也蒙 諭今作之用財二萬恐不勾者若待重地修完幹此亦好但亦有司非部政耳 臣據劉畿云估計用銀五萬六千五百餘兩今除贖辦外尚得一萬六千餘兩乃可成欲要招俸及勸募士民出銀 臣恐招俸所出不多勸募一

時難集且所云贖辦者未必盡能如其所擬是以望皇上借與二萬兩應手興工而令陸續處置補還光祿寺不惟保此許多財貨實可衛護數十萬生靈畿所以謀此亦正以非部政而灣地乃其所屬也

止犒賞邊軍

嘉靖四十三年二月初十日

適劉燾報稱防春官兵俱已齊集 臣於上年十二月二十五日欽奉 聖諭邊卒不力何可用昨十路未至十萬人今或不為例戶部取銀二萬兵工各一萬兩發與燾給犒官軍一次可歎仰惟

皇上俯念邊卒欲加賞犒甚 盛心也但春防既賞

世宗憲集

卷之三

三

孔

及至秋防便將援以為例賞之則彼認以為例所當得而不知為 特恩不賞又恐輒生怨望 臣愚以為今且不必賞只俟燾疏至申 命所司足其糧料而留下銀兩待其有功如近日一片石黃土嶺山海關者然後賞之則似足以為立功之勸又足以塞怨望之端 臣愚見如此伏乞 聖明裁示施行

答止賞

諭嘉靖四十三年二月初十日

臣適冒昧上 奏伏蒙 答諭賞罰非細件正因無知生怨難耳今必不可行只令依時給與糧草足矣可久行特典但宜酬奇勞耳 臣惟賞罰乃帝王馭世



之大權實必當功則人以爲勸罰必當罪則人以爲威

皇上謂賞罰非細件特典但宜酬奇勞仰惟聖明深得賞罰之宜真足以勸功而磨銳矣臣不勝欽服所有依時給與糧草臣等俟肅疏至擬稟上請

答警報并論功

諭嘉靖四十二年二月二十六日

伏蒙聖旨聞又報虜中消息要入搶此恐非真虜之情昨仰天佑華寧果是人自知非人者豈無汝間臣不肯自言功本兵亦未有賜而職方等衆亦未與怨不無也臣惟虜報皆得之熟夷之口熟夷欲來

世經集

卷之三

四

五

討賞若不畧說入犯消息賞豈可得故其言不可不信亦不可盡信大抵在我貴自有備備果修矣縱使虜來自有以待之何足患焉昨仰荷天佑聖明邊境寧謐德福所自人莫不知者臣等原無功不敢貪天功以速天譴至於博等亦素感

皇上知遇拔擢之恩頗識爲臣之義臣敢保其不以不受賜爲怨伏望

皇上只留意處置錢糧但得軍士不受饑饉則戰守自有賴矣

答妖逆王使

諭嘉靖四十二年三月二十二日

昨該臣奏京中有一起白蓮妖逆謀於今年八月勾

虜作亂二月間有人向臣首稟臣隨與博說知緣未

得實跡未敢輒拿近據齋執偽授告身二卷省糧藥

一包到臣臣即差家人送去與博博即已拿獲及審

出各謀逆實情等因茲奉密諭白社妖逆之事厥

衛不辦可疑是何物王使此等甚多自邇及遠皆欺

怨謗訕之逆臣昨奏白社妖逆之事希孝亦同日緝

獲同起逆黨一名惟厥中未有所獲蓋非人媚佛於

白社之教無敢犯者又訛傳逆首有飛刀飛鎗等法

昨博差去官軍亦無敢向前只臣等家人及原首發

世經集

卷之三

五

五

者動手厥中無人訪報乃由於此至於王使之物却無所聞臣不敢妄對此項妖逆北直隸河南山東等地方處處有之希孝上年曾拿獲二起近又拿獲一起但其事不始於臣臣是以不敢奏今伏望

皇上姑宥往愆而嚴責緝辦之來效也

答禁織玄黃龍鳳紋色

諭嘉靖四十二年三月二十九日

伏蒙聖諭玄衣黃袍天子服用之色龍鳳花紋同近來歲造內多係此等內外不分上下賞給俱以此爲用非禮制也今年始歲造禁此紋色傳示禮奉行臣等伏聞治莫先於禮禮莫大於分嚴服用之辨明



賞給之等此乃所以昭分而行禮也今年始歲造禁  
織玄黃龍鳳之紋色仰惟 聖諭允當 臣等謹欽遵  
傳示禮奉行

答盡去剝虐 諭嘉靖四十三年四月十一日

昨該臣奏湯時嘗旱七年然而其民不聞失所者聖  
人御政吏不敢違法民只有氣數之阨而無剝削殘  
虐之苦是以能當此七年之災也茲蒙 聖諭今時  
剝虐之者盡去之否仰惟 聖諭及此天下幸甚天  
下幸甚往年有造言者曰

皇上只要人幹事不惟人要錢貪夫從而和之於是  
內外諸司公然剝虐百姓不復恥畏其官日墮其家  
日富而民財則日窮民心則日怨即如昨妖逆倡亂  
之詞動輒以艱難困苦等語發端鼓煽愚昧此要錢  
一件所以尤為害 國誤民之禍本也自上年吏部  
奉 諭罷黜貪肆天下始曉然知 聖意之所存與  
國憲之不容犯今雖未能盡去然漏網者已少兼不  
敢如前之肆行無忌而中才之士稍稍改心易慮恥  
昔之為億萬生靈始得免於橫巨頻徙若如此行之  
一二年自當官清民安內順外服此則天數人事兩  
成其美乃在今日尚須仰煩 聖明時一提撕警戒

世權彙集 卷之三

六

何金

之也

答白社 諭一嘉靖四十三年九月初五日

蒙 諭白社甚多此件若不早拔荻終必費事如近  
之呂逆有司坐視不擒汝其一思之 臣惟北人媚佛  
於白社之教無不信從無敢擒捕此件委的甚多前  
日呂逆 臣初意亦欲以首告者付之有司正因有司  
平素坐視成習又聞其與丘富之黨相通恐擒之不  
密不速則將走入虜中為患 臣是以不得已自發之  
今京師已無此等大夥其在外則北直隸河南山東  
陝西山西宣大處處皆有黨與動至千萬人今得早  
拔荻誠善但一時明白下手不得惟內則密令嚴衛  
外則密令撫按訪拏以漸去之庶無他變也然 臣又  
訪之此件之起皆因近年有司貪肆百姓窮苦故妖  
人得乘機以富貴快活之說鼓動之若能常絕賄賂  
之門清選舉黜陟之路公卿撫按以身率有司有司  
不擾害百姓則逆首之說自不能行此蓋其根本也  
臣叨受 天恩深重義同休戚諸凡不敢不留心緝  
訪一有所聞不敢不言亦不敢不為若不深計而急  
遽行之却又所不敢也

世權彙集

卷之三

七

何金

嘉靖四十三年九月初五日

伏蒙 答諭明擒難之是無實為主用力者可歎此地雖無大夥亦零多外之甚者本在有司縱為此物終必犯紀一場今不能先治委無人耳仰惟

皇上推本外之甚者在有司之縱為并慮此物終必犯紀一場而歎先治之無人聖見高明幽隱畢照聖謨宏遠先治是圖臣不勝欽服今內而希孝其心行

皇上已素知此地之零多只以委之必能擒捕外之巡撫雖人品不盡同中間如鮑象賢遲鳳翔張師載皆有志為國者臣謹當遵奉聖意寫書與之令

世經堂集 卷之三 八 何金 各用心緝訪捕治也

答科臣劾萬恭 諭嘉靖四十三年九月十四日

伏蒙 聖言昨一言官又劾萬恭之罪此任四更人臣不肯任事可乎不知吏部又何看之臣惟人臣之義東西南北惟上所命豈容違難但恭在科臣則以為託病在衆論則以為真病又以為恭見在京營能着實操練臣適會訥亦未有定論人才難得是非貴真乞 容訥詳訪一二日必得實而後題 請也

答倉儲 諭一嘉靖四十三年九月二十二日

伏蒙 密諭太倉今積可累盈餘否臣聞近年太倉

只有二三年之儲而一歲所入又僅足供一歲所出未見有積惟上年四月米賤倉米每石糴銀三錢四五分臣勸戶部以所收折兌銀每石五錢給軍于時軍士既喜於得價之多而太倉却留得二十餘萬石之米緣折兌每石該銀七錢二十萬石該銀十四萬兩今給軍每石只銀五錢二十萬石只銀十萬兩則是省銀四萬計該米八萬此乃盈餘者耳其折兌之詳臣別具一帖進呈 聖覽

折兌一件若歲歲行之及以所折之銀供別項支用則太倉之積必虧舊時太倉有八年

世經堂集 卷之三 九 之積而今只有二三年者由此故也若專主

不折外間或遇水旱不能辦納本色而必欲取盈又非所以便民況其勢終至於逋負而不能完則於倉儲亦未見有益也惟於水旱之處照常折兌而以所折之銀收候米賤之時給放月糧則軍民兩便而倉儲亦不致虧損況折兌每石該銀七錢今收銀每石只五錢計三石之銀可充四石之用倉儲仍可望增此只在戶部留意行之耳

二嘉靖三十四年九月二十三日

伏蒙 密諭昨所計之件國計也非弗要比今年無三四之儲可不理焉當思以處之作一諭示戶部臣惟理財之道不必皆取諸民只就其中從宜運用便可有小補益積少成多如臣昨所奏其一端也惟是流俗之情習安泥常不肯為國家深計力任故往往坐失其利耳然任事亦甚難非仰仗 朝廷主張未有不反為浮淺之徒所詆排者茲蒙

皇上留心國計臣工幸甚天下幸甚臣謹欽遵 聖諭擬諭進呈伏乞 裁訓示部詳計上 請施行

答方士進藥 諭嘉靖四十三年十月十六日

世宗憲

卷之三

十

未鑒

伏蒙 聖諭昨帖是一修性命人至顯徒門累以藥託彼上之後封進云先天水銀我疑畏未服連問何物如何做手亦不明白止封帖上乃純陽箕批汝看他其中義可否我未明其說臣昨蒙 示帖疑是箕批而莫知其所自茲奉 諭始知之然修性命者當有一段義理工夫上則如心印道德清靜諸經次則如悟真篇參同契等今皆不說及而所謂藥者又明說是水銀

皇上疑畏未服真 聖明之卓見也其連奉 聖問何物如何做手不明白奏對而只封進此帖想其曾

中原無所有故又轉為箕批以希搪塞臣看其中義殊未見有佳處至於求圖書求建宮之地及薦揚胡以寧等則其意益難知矣夫顯徒素不聞其知修性命亦不聞其知藥理臣切願

皇上勿輕服其藥仍斥遠之 宗社幸甚臣民幸甚

答錢法 諭嘉靖四十三年十月二十六日

蒙 諭又錢法一件亦為關民便者首徒必重治臣

兩日聞小民得錢不能行使十分不便所有私鑄接使阻滯等項首徒委當重治臣查律例所定罪罰原

不輕只是當事者姑息容縱又因差去訪拿人役將

世宗憲

卷之三

十

未鑒

大夥者受財賣放僅將一二小夥拿送搪塞遂致如此臣謹恭錄 聖諭示希孝并示永明轉示五城及巡按御史着實奉行也

請停止寶源局鑄錢嘉靖四十三年十一月十六日

本年十月二十六日臣階欽奉 聖諭錢法一件亦

為關民便者首徒必重治欽此隨該廠衛都察院各題奉 欽依禁治外連日錢法雖稱已通然其實僅

通十分之五臣等訪求弊源非民之梗法乃由寶源

局鑄造 制錢之不如法有以致之也蓋 制錢之解自南京者其背或以金塗之民間因謂之金背或

以火勲其背而使之黑民間因謂之火漆其雲南所解及寶源局先年所鑄純用銅錫不攪以鉛每錢一文秤重一錢二分錢邊又皆經由車鑄民間因其色黃美其質堅重其邊圓整謂之鐵邊近年局中所鑄為科官建議革去車鑄止用鑄劉二匠而工匠人等又復侵盜銅料民間因其色雜其質輕其邊劉磨麓糙遂謂之一條棍所謂鐵邊者工費重大故奸民不利於私鑄所謂一條棍者工費輕省故私鑄由之盛興且一條棍與私鑄之錢相似而難辨誤受於甲轉眼便不能行之於乙故民間於一條棍不肯行使併將金背等項亦皆不行前日內外各衙門依法禁治而無藉光棍乘機以假錢賂制接受於是民間閉門罷市買賣不通官司不得已只得省令行使金背等錢而於一條棍聽從其便錢乃復鑄夫錢曰金背火漆鑄邊一條棍蓋四名矣然其實寶源局所鑄一條棍之數多而南京等所解金背等之數少故今所通僅得十分之五也臣等切惟一條棍既已不能強民之行使若寶源局仍鑄不已有五害焉戶工二部每年以二萬八千兩有用之銀投諸無用之地一也中奸猾之計開私鑄之門二也朝廷以此錢賞中外

之人彼受賞者得錢而無用不蒙

皇上之恩三也官府以此錢給與民商彼領受者有

虧抑之怨四也局中作弊之人坐享其利而朝廷

之錢法因之阻滯禁治之令因之不行虧損國體

五也臣等愚見不若令工部停止寶源之鑄造而令

戶部以南京雲南所解及稅課司所收金背等堪用

制錢每年轄一十萬文送工部轉送司鑄庫仰備

皇上賞賜之用其部中合給錢者即以鑄錢之銀代

給則銀不虛費錢不乏用奸弊革而私鑄止國法

行而羣情便似為有益至於該局作弊工匠似應令

刑部通行提問干礙職官一體叅治臣等謹將金背

火漆鑄邊一條棍等項制錢并私鑄之錢每項各

五文封進聖覽恭候聖明裁察如以臣等之言

為可乞賜批示臣等恭擬傳帖上請施行

答設濟諭嘉靖四十四年正月初五日

蒙諭若仰體好生設濟當何處臣仰惟

皇上體天道念民瘼設濟誠聖政也但往年

施藥施粥多為下人作弊藥料不真銀錢減換以致

領受者有名無實煮粥之時尅落官米桶和沙土生

水食之輒斃散粥之時漫無條理強壯者幸得關領

老弱者常被推擠踐踏而亡今若欲行此二件須破  
常格內外各選委奉法好善者一二人專管仍明示  
賞罰庶幾 聖恩得以下逮 愚見如此伏乞 聖  
裁

答出粟

諭嘉靖四十四年  
正月初六日

臣 昨冒昧 上對茲蒙 答諭汝謂施濟二項俱傷  
君恩增民病反害無用焉是枉費一場如出粟又  
恐無多積者衆災難免矣 臣 查得先年出粟大約只  
一二千石今太倉雖無多積尚能辦此但中間亦有一  
節當處蓋往年京師出粟四外貧民聞之匍匐而  
來及到則多已散畢空手而歸顛殞道路 臣 聞各處  
賊罰銀兩荷蒙

皇上降旨不許撫按官私餽妄費除解部外各頗有  
積餘糴穀在倉似應令戶部出粟止給在京及近京  
之人其在外者行令撫按官查有災疾去處將贓罰  
銀穀一體賑給仍明白曉諭百姓各於本府縣候領  
不必前來則中間全活計亦不少伏乞 聖明裁定  
諭下戶部施行

答預計纂修

諭嘉靖四十四年  
三月初五日

臣 於初三日欽奉 聖諭昨火之處乃文積近地纂

修實錄何取此件當預計之 臣 隨會各科臣到直  
云科中錄本只是政事之大者其常務俱不曾抄錄  
原本各科每年送入司禮監不知收貯何處至於千  
步廊所積乃是 先朝文書 臣 又查據該監官左祿  
云自正德十六年以後各衙門題奏并番文等共八  
十三萬二千餘本俱各收貯六科廊其千步廊所積  
委是 先朝留下者 臣 惟 先朝文書各已經纂修  
今正德十六年以後文書既該司禮監收貯見在足  
備查考似不必別有計處矣

答補閣臣

諭一嘉靖四十四年  
三月十四日

臣 適 請補閣臣伏蒙 答諭今只以直贊衛者代  
用此官宜四三員

成祖之制有謂者高專二十年我常說他公誠却不  
識欺君肆誑而畏惡子逆物可怒 臣 惟閣臣地親任  
重

祖宗時每用四三員蓋本不欲權有所專而閣中先  
臣每事皆相商確亦無敢專者自夏某暴狠人莫敢  
犯繼以嵩受制逆子欲便其私於是事皆獨斷而權  
始有所專矣今

皇上有意復

成祖之制誠乃 攬乾綱收政柄之要務然臣以為此官不但宜多其員數須擇廉靜平實畏謹者而用之方可望其不專肆至於居首一員但及三五年尤須容令解職臣見先臣不時有乞休之疏 朝廷欲留則留之欲其去則因而從之故彼不得據其位以為己物而 恩威常在於 上今此件亦須復也

二嘉靖四十四年三月十四日

伏蒙 答諭汝曰今此件須當復在汝身家為美為是而為君為國恐背義焉煒病難望復今但得一員同汝輔政亦足矣亦

世宗憲

卷之三

六

沈成

成祖初制也伏念臣本凡庸叨受

皇上天恩如此隆殊 聖知如此深至臣雖不敢自謂能如古人為君為國豈至無禽獸銜環銜珠之心哉適 奏此件當復乃為 主權 國政計欲使恩威常在於 上而紀綱法度不至為久而尊者所壞耳臣此月初三日已該歷俸從一品十五年考滿因有此愚見欲復之自 始又因 聖駕未曾還宮是以不敢疏陳亦不敢咨部題 請復職茲蒙皇上以大義責臣不勝震悚謹當仍竭犬馬之力益持敬畏之心以圖仰酬 恩造於萬一也煒病已

難望復閣中委須再得二員與臣同事伏乞 聖明慎擇又閣臣固重吏部亦重乞併 賜慎擇焉又臣昨見雷禮精力頗不如前禮在工部與楊博之在兵部皆肯為

皇上任事乞

皇上及早求可以繼之者預加培植也臣冒昧及此惟 聖慈恕其罪而察其言幸甚

答用人

諭嘉靖四十四年三月十四日

伏蒙 答諭汝以二臣預求其代是循存去意臣實非敢然也乃為 國家計切恐人命難期一旦有缺

世宗憲

卷之三

七

姑以一人塞之則不免事事勞煩 聖心耳

皇上調六首皆不可以否居曰天官尤當慎於用大哉 王言此天下之福也訥為人畏慎又肯留意於人才孜孜查訪今仕路頗清實得其力博之任未見有可代者去年更建 洪壇時臣見禮亦事皆親幹面垢聲啞語之云兩侍郎何不託一箇少替禮笑云那一箇替得近日偶問禮今卿寺中誰可到部相幫者答云工部官錢糧在手第一要不貪第二要任勞任怨第三要知工作事宜會調度今一時求其人未得臣因禮言反覆思之工部之職信難乎其代然則

代博者宜未易得也大抵用人須得心行才識俱好若才識好而心行不好則反以其才壞事心行好而才識不好則又幹不得事目前全才甚缺乏又為資格拘礙臣適來不勝感恩圖報之心故輒冒昧具奏然冒中實未有其人仰惟

皇上今欲得人似須 命博禮自舉也

答內火當慎

諭嘉靖四十四年三月十八日

臣適奏內火當慎伏蒙 密諭正與我慮同 天佑

無象惟明幽之逆邪作禍亦不可不之防臣惟天

佑固為無象然能慎防明幽作禍之逆邪便是所以

世經集

卷之五

大

拜 天變而承 天祐之道矣蒙 諭舊宮累有無

理數次披簷天花上曾有綿花數塊云臣謹以仰悉

此望

皇上只防之於心勿露詞色恐彼無理者蓄疑懷懼

別生事端也

請於舉人內選補兩房中書官

嘉靖四十四年三月二十

二

該管典籍事禮部主客司郎中李芮呈稱管典籍事

大理寺左寺正等官章子誼等三員各因守制等項

去任目今缺人辦事等因到臣看得近年 制勅

語勅兩房官本自數少今又加以事故益見乏人中

間又或年紀長大不能細書或楷書可觀不通文理

若不題 請選補不無廢事但查嘉靖六年三十一

年俱曾題奉 欽依令吏部推舉進士出身官員前

來供事而各官憑特科第厭薄閒散百般求去竟虛

職業難復踵行臣今看得會試下第舉人見在吏部

告選欲乞 勅下吏部令於告選舉人內考選文學

頗通字畫端楷者三四員題 請授以中書舍人職

銜送赴 制勅房供事庶於職事有所補益

答按法擬票

諭嘉靖四十四年三月二十四日

世經集

卷之五

九

伏蒙 聖諭朕今日面又痛加甚這本卿按法擬票

來行本內不言逆本是何法制嚴嵩等都削職為民

有司拘管當差盜用官銀財貨家產盡行沒官送部

餘黨逆邪盡行逐治欽此先該臣封 進刑部會問

本請乞 宸斷茲奉 聖諭仰惟 聖躬既偶違和

臣不敢瀆 請謹遵 旨按法擬票 上進伏乞

聖明裁斷施行

再請補閣臣

嘉靖四十四年三月二十六日

本月二十二日該臣具奏 請補閣臣二十五日伏

蒙 發票隨該臣封 進原本請乞 御批二十六



日奉 御批少待歲月欽此切惟閣臣責任之重大與臣才能之謏薄皆 聖明所素知臣昨 奏謂機密之地非臣所當獨居事務繁多非臣所能獨辦一字一句皆臣實情方仰冀 簡用之命旦夕即下使臣得與共事有猷相濟有善相觀上報 恩私下追咎責今奉前項 御批臣伏讀憂恐莫知所措仰惟皇上 恩同 天地 明並 日月臣雖必不敢負生成之造欺 照臨之光然犬馬之齒已六十有三氣血之衰日甚一日夫氣血衰則思慮不能精審記憶不能周詳事必至於遺忘而錯謬精神不能應

世經集

卷之五

辛

奏

猝筋力不能任勞事必至於遲悞而曠弛今若不自揣度冒處冥行他日職業廢墜罪愆叢積於時乃始悔之將奚及乎臣用是輒敢披瀝悃誠再干 天聽伏乞

皇上念廣求忠益之大計 施保全愚臣之至仁簡命一二員同臣在閣辦事臣不勝幸甚不勝幸甚

答添閣臣 諭一 嘉靖四十四年四月初九日

伏蒙 密諭汝又要添閣臣何意汝且供數月職少待慎擇未遲又此件近年自上出古君擇相正義人情非古所用者終不如始欺 天無君為累非小今

必付之廷推為公以服人心臣要添閣臣之意已具昨疏據疏所言似臣專於自為然所以仰為 國家者實存乎其中蓋臣本淺薄兼氣血向衰若不預求幫助他日職務墮廢臣之罪譴固無所逃將如 國事何閣中事體非經歲月不能周知今使臣獨處倘旦夕之間湔先朝露後來者茫然不知頭緒又將如 國事何凡人才皆作養於一二十年之前取用於一二十年之後今縱少待數月豈能便增得幾人出備 聖明之任使此臣所以不避煩瀆而急於請添也今羣臣才品高下無一能逃於 聖鑒昔年

世經集

卷之三

壬

奏

廷推亦未必得人不如簡自 聖衷使政權自上出為猶得馭下之要也臣曾奏閣臣固重吏部亦重蓋使吏部有公廉剛正之臣則閣臣及諸勢要雖欲差使之亦不可得請託賄賂之門由是而杜官清民安之治由是而成臣愚伏乞

皇上於簡用閣臣之時即預為吏部之地而吏部者不必拘於直撰之臣緣部中事務繁多直撰則照管不能周也臣叨受 天恩非常有懷不敢不盡伏惟俯賜亮察

二 嘉靖四十四年四月初九日



伏蒙 密諭汝必欲添官亦是避自專但今循燁例必正二卿汝倦倦憂吏部無代者想亦此直以祖宗累朝制定廷推不必言撰文臣惟人臣之罪莫大於專臣自壬戌之夏大書壁間云以威福還朝廷以政務還諸司以用舍刑賞還公論又每事必與燁同計蓋頗有見於此今必欲添官避自專之心委不能無仰惟

皇上真明同日月無所不照矣閣吏二任臣屢次奉諭雖不敢僭有所舉然實嘗籌之於心其在資次相應者莫出 聖明所知之外臣謹厚寬平真吏正之

世經集

卷之三

七

未定

選份有文才用之禮部允宜凡循例廷推自不言撰文但禮政付之廷推則可閣臣吏正必自上出乃為正義也又二正與臣俱南直隸人未知可一時同事否併乞 聖裁

答日勞奉問

諭嘉靖四十四年四月初十日

伏蒙 密諭汝日勞奉問心思手錄甚費我體力未強健中氣不足此委是稟受薄弱年歲至者必難復舊今已似可只用調理得法焉臣聞古人以君臣比之元首股肱夫股股未有不顧元首者今臣每日上問自是情義所不容已伏蒙 俯念心思手錄甚

費臣豈勝感悚之至蒙 諭仰知 聖躬已可臣無任忻慶乃若 體力未強健中氣不足此却全在善養養之之功周到即稟受有不能限年歲有不能拘者蒙 諭只用調理得法焉此誠今日所至要然亦今日所至難孟子勿忘勿助之說仙家取以為火候伏乞深留 聖意也

答禪位

諭并請

冊立

嘉靖四十四年四月二十六日

伏蒙 密諭臣恭捧讀切惟黑氛原只據病者自言如此中間虛實難以盡知仰惟

皇上 天之子也百神之主也妖邪誰敢輒入

世經集

卷之三

七

未定

中只因事有失誤談諸迷魔便可倖免罪責是以各飾無以為有證似以為真耳 聖明徐察之當自見也我 朝原無禪例即在前代亦多弗美所不必言其代攝一件若攝行政事亦與禪無大異所不當言惟是舉行 冊立則本 朝廷彝典 國家喜慶之事況今

皇上只有一位 殿下縱不與其名亦何所揜其實乎此須斷自 聖心親裁勅諭使 恩自上出乃可耳臣叨受 天恩隆重又奉 密諭不敢不盡其愚極知冒昧伏乞 聖慈俯 賜矜宥

答仍用胡大順

諭嘉靖四十四年五月十六日

蒙 諭胡大順更名又來却是藍田玉因我問吳同羅萬象將他喚至昨着扶箕曰不降夫以自藍道行下獄遂百孽擾官今或有所使然者可仍此件用否臣惟胡大順等皆無賴小人心膽潑大不畏法度而藍田玉尤甚觀今吳同喚至便可類推至於扶箕若中外通同間有准者否則茫然不能知只造一片浮詞以應其術本無足取今

皇上以百孽擾 官疑自道行下獄有所使然者

賜問可仍此件用否夫臣下情只願 官居寧靜豈

世經集

卷之三

五

五

敢阻彼仍用但 官擾已久恐非由彼所致且不能必其用後 官擾果息及不敢保其不別樣生事似不若如前治之以法之為正也

答究治藍田玉

諭嘉靖四十四年五月十七日

伏蒙 密諭藍田玉無理之本去冬十一月內代何廷玉肆意進藥我知是原方元明所為未遂初曰水銀今改曰白鉛一包進上用一包官用并萬壽金書等我問此是箕批扶的如何不來他借此呈羅萬象往彼詐傳密旨取來此若不治無以戒來者汝以為何如至如 恩保速成官御之妖孽有謂非魔邪乃

壬寅大變典刑者內有枉夫彼時我已不知止是張佐等問事帖今作厲孽此可有否臣惟水銀非可服之物人所共知藍田玉原係嚴世蕃津遣來京今以水銀改曰白鉛 上進其意殆不可測至於詐傳密旨罪惡尤為顯然此若不治往後羣小益無忌憚互相朋結不知更做出何等事來伏望 聖明速斷以懲不臣以消隱禍也 官御妖孽臣一向竊疑以為

皇上乃 天地百神之主 官居又荷 恩保速成

魔邪何以敢肆行擾犯若謂壬寅典刑者內有枉今

世經集

卷之三

五

五

作厲孽此却有理蓋古云一婦含冤三年不雨彼既生而貴近致受枉抑能不為厲但事在 官中臣時又未入 朝不知枉者為誰伏望

皇上再加查訪施行

答重治胡大順

諭嘉靖四十四年五月十九日

伏蒙 聖言汝看胡大順招由一片肆欺扶箕是二十四年秋起秉一不在他信口為招此須重治臣惟大順其肆欺於已往信口於為招其罪固不可恕乃臣所深慮者 聖旨至重若聽憑詐傳他日半夜間出寸紙有所指揮將若之何此其罪實為至重而其

機芽實當預防必須重治乃保邦之深計伏乞 聖明斷而行之也

答修理乾清等官

諭嘉靖四十四年五月二十八日

伏蒙 聖諭我入乾清細看不相四十年恰似百年之久入御須從新修理粧貼方朝寢相稱又不捨萬壽 恩成且待四三年計處還有南內也是祖宗家當今甚弗堪焉 臣仰觀 聖意蓋謂繼承祖宗大統於 基業當加保守使常泰定於 官室當加修理使常美完也但 南內比之寢處之地可以稍緩仰惟

世經彙纂

卷之三

美

景

皇上萬壽無疆自可次第從事如姑俟一二年稍蓄財力然後修理 南內又俟一二年修理 乾清則亦與 聖諭所謂且待四三年計處者正相合也 臣愚昧具對伏乞 聖裁

論差官總督河道漕運

嘉靖四十四年八月十七日

伏蒙 發下工部一本內開黃河泛溢徐沛之間運道淤塞者百餘里今欲開濬雖原設有河道都御史緣工程重大錢糧出自三省若只責成本官恐各巡撫都御史彼此推延有誤 國計欲乞 勅下吏部推才望大臣一員督同河道并南直隸山東河南巡

撫都御史等官整理等因 臣等看得運道關係甚重今淤塞百餘里委應作速開濬但工程重大而三處巡撫都御史與河道都御史官職相等委不免推延誤事且 臣等聞知今歲漕船已過沛縣者僅三分之一未過沛縣者尚三分之一今河道既阻則彼未過沛縣之船所載糧米當作何搬運入京而已過沛縣之船納糧完日不得南還明年漕糧無船裝載當作何計處此又事屬漕運非河道官所能兼管委須推舉才望大臣前去總督各官將河道漕運二事通行整理 臣等謹擬稟上 請伏乞 聖裁施行

世經彙纂

卷之三

美

景

答運道

諭一 嘉靖四十四年八月十七日

伏蒙 聖諭運道塞而糧怎行此亦非小件須急理之 臣惟 國家貢賦取給於東南而其入京止只此運河一條路今淤塞則糧不能行委乃咽喉之地非小件者

皇上謂須急理之真 大聖人之許謨卓見也蒙 賜問 臣知其初起何因 臣聞黃河水濁漢人謂之一石水六斗泥故其經流之處泥一停積則河身便塞今年黃河水發泛濫肆行水愈大則泥愈多是以河身淤塞遂至於此此蓋其初起之因焉今淤塞既已

百里不知舊道可以復開否又不知傍近處所可另開一道引之使行否此却全在差去大臣悉心相度從宜處置未能懸斷也

二嘉靖四十四年九月初二日

臣昨蒙 賜問河路何如臣聞都御史王廷新自淮安到京今早會廷到直問之廷云七月十一日行至徐州適遇黃河水大發畱住十日水勢始稍定而泥沙停滯遂將河路淤塞水漫流於河兩邊之平地約深丈餘官民船皆行此平地之上其糧船初因重載畏險不敢行後乃有行者但恐此時水退則又不能

世經堂集

卷之七

天

振

行船至於舊河必俟挑濬乃得疏通廷又云徐沛之間田廬人畜被水漂沒甚苦臣於衡行時已與議發夫價及量畱糧米於徐沛雇民做工即開河之中行賑濟之法此件料衡必能處但欲開淤河須塞決口今岸皆淤在水底尚未知決口在何處其或濬或塞之宜及用力先後之序須待衡到彼相勘方有分曉也

答邊倣

諭

嘉靖四十四年九月十六日

伏蒙 密諭昔我諭嵩暇一習武彼曰佳兵不祥言此何也果古北口欺犯非小茲不次報北情博何不

預防之以我意寧過於勞于先勝似成功於後何如臣惟保邊固圉莫過於預防

皇上謂寧過於勞于先勝似成功于後此至言也嵩昔妄引佳兵不祥之言以阻習武之 諭其見謬矣今北虜強悍加以先年逃去擄去之人各要討喫欲其絕不擾犯恐不可能惟防之於預庶幾不至大失事博自知利害切身不敢不預防然不能禁虜之全不犯邊此乃勢也又今兵部亦甚難做幹理邊事在總督巡撫兵備等官而其用舍則由吏部論劾則由科道調遣人馬必用銀糧而戶部則動稱缺乏傍人則動議多費其所能主張者只是幾箇將官將官又無權雖嘗題奉 欽依欲重將帥文官公然黨結不肯奉行且因以恠兵部曩者科臣論博仰賴 聖明照察僅得保全而將官遂不可得而重然則兵部欲行其志與欲得將官之用命不亦難乎此尚仰望聖明為之一處也

答馭將

諭

嘉靖四十四年九月十六日

伏蒙 答諭將官執權恐甚難也不辱不剋公同為國足矣臣昨 奏將官無權非敢謂令將官執權也乃因各處將官於本等職務動有掣肘如把總等官

兵部題奉 欽依許自推用而今則仍聽於巡撫兵  
備多不得人凡選練等項既已擇將即宜付之正如  
耕之問奴織之問婢而今則以書生之談畫成圈套  
責之必行無益於事兵馬策應急於星火而關支錢  
糧不時不足常至饑餒又總兵於地方為行事之官  
而府州縣至與抗禮叅遊為領 勅之官而巡撫至  
加鞭撻其他跪拜稱呼咸卑屈太甚若得如 聖諭  
所謂不辱不到公同為國則誠足矣臣之意原只望  
如此特言之不明耳蒙 諭且今之將無出類之才  
多豈能勝人臣惟今之將材委莫逃於 聖鑒然使  
其

卷之三

辛

聖鑒

不大辱劉以作其氣則猶當畧勝於今之萎爾而可  
責以用力也蒙 諭臣謂一處之其何為處之之法  
焉臣愚昧何能有所知但臣聞人心公則一私則萬  
殊自文武不肯協力之私意一生今則漸至於總督  
巡撫兵備先不相和矣如此邊事恐難整理仰惟  
聖諭不辱不到公同為國八字只此便已盡處之之  
法如蒙 天語叮嚀各官各務恪遵 聖訓一意奉  
公而其不率者時一懲之則邊疆之幸也臣冒昧  
奏對無任惶悚之至

答用宣大總督

諭一

嘉靖四十四年  
十月初八日

伏蒙 答諭東之初用我自定於兵二之大同開路  
後去又起為總官衆所不讓久矣臣仰惟 聖明灼  
見羣情臣不勝欽服然彼不讓者特憐人耳其在識  
理道者咸謂

皇上用東於宣大數年地方頗安又有入援之功真  
大聖人知人善任之能事又謂東今雖鬱鬱而卒若  
非仰仗 聖知必已久被擠排不能延至於今莫不  
切感 聖恩而深為東惜今東已矣此後總官須乞  
皇上恩顧庶彼得安其位而行其志也蒙 諭朴言  
三箇俱常例挨資耳炳然官尚書用之省添人戎政  
較少事博且暫之亦可臣惟總官任重須得有資望  
者乃能服人炳然官尚書且其在浙江在京營俱有  
聲績用之允當臣謹會朴到直示以 聖諭使首推  
上 請戎政係京師根本今歇操之期 命博且暫  
之至於專官似尚須另推也

二嘉靖四十四年  
十月初十日

蒙 諭炳然之出彼為用舍否或以方入又出為否  
必不肯用心江東知主自簡焉臣今日見炳然雖不  
敢與言

皇上舍恭等三人而用之之詳亦微告以

皇上知之之意彼十分感激絕無一毫方入又出憚勞之情彼已定於十六日行合無容臣俟再見語以特出 聖簡前後詳悉如蒙

皇上於其行時 命所司查例少加 恩賚彼當益感奮而圖報也

答水患邊患 諭嘉靖四十四年十月十一日

適該臣以朱衡所奏 上聞伏蒙 答諭今次水患比往重焉已入寒凍之月更難挑矣當再何處臣惟今次水患委比往為重已入寒凍之月委更難挑但今所憂第一是糧船不得還南幸南方河凍在冬至

世宗憲集 卷之五 壬 五

前後若乘此一月水未退河未凍之時催船南下裝載新糧則河道便使遲至明春開通亦不誤運且看旬日後再報何如也蒙 諭銀發工部差人去交彼量作小賑之義臣謹以仰悉蒙 諭北賊屢屢侵犯亦必仍華逆勾引不一大擾必不肯退我備似不可不預云臣惟連年虜犯委由華逆勾引只觀搶禾一件虜不粒食搶之何用其來搶者皆華逆也此必一大挫之乃始畏避我備不可不預仰惟 聖諭允當容臣節錄示炳然悉力修備以仰答 聖知

答傳繼 諭一 嘉靖四十四年十月十四日

伏蒙 聖諭朕屢有密諭卿階以為今人心之恨不新其政此物此物指可見也他說的都是朕今疾人不能如甲午之前怎克視事 天恩下眷決不敢忘惟傳繼為第一計卿等擬票來行臣等捧讀不勝驚悚不勝驚悚切惟世道下降人心固不古若至如此物其言誠為狂妄然亦未嘗有一字及於傳繼可以見良心之不容盡泯矣仰惟

皇上惠育黎元仁同天覆 裁決庶政明並日臨天下臣民無不仰願

皇上萬萬年奉天綏猷建極錫福此物蓋即孟子所

世宗憲集 卷之五 壬 五

謂於禽獸何難者豈足以介 聖懷臣階屢奉 密諭以為今人之恨不新其政臣階已屢奏 天眷不可負細邪不足聽矣茲蒙 諭惟傳繼為第一計命臣等擬票來行臣等決不敢聞 命謹將原票同本封 進伏乞 聖裁施行

二 嘉靖四十四年十月十四日

伏蒙 聖諭卿等於此畜物此與後 諭所謂不依畜物皆指海瑞朕處將來必不可言之者紛欺多事了朕仰承 天眷自不惜謹乃致病患一年日弱一日如可起御政豈受此畜物肆詈焉此不可並處別行計議臣等捧



讀切惟紛欺多事委當預防然亦有不足防者如此  
畜物所言凡有識見之人皆知其狂謬自不肯踵而  
為之以致多事也臣等聞主聖則臣直今此畜物據  
其迹委不可並處若原其心似只仰恃 聖主在上  
欲沽一直諫之名耳仰惟 聖度如 天如地本無  
所不容況必能容所難容然後足以見所容之大伏  
乞 俯從臣等所擬付之不足校則豈惟臣等之幸  
實乃 聖德之光也臣等輒敢仍將原票封 進伏  
乞 聖裁施行

嘉靖四十四年  
三月十四日

世宗憲

卷之三

音

儀

伏蒙 聖諭朕謂不可並處者乃以既新政其君御  
此比景泰之歲

皇曾祖考避南內今朕已御西內如忌尊無二上於  
南京建一宮宇居朕何貶云豈謂畜物耶臣等捧讀  
益不勝驚懼不勝驚懼臣等適因愚昧錯解 聖諭  
然使仰知 聖意其所以 上對者亦只有此乃若  
今奉 聖諭云此乃天下古今所必無之理所必  
不可行之事臣等萬萬不敢聞 命者也伏乞 聖  
明俯 賜照察勿生他疑臣等無任懇切祈 請之  
至

止供用庫奏添人匠嘉靖四十四年十一月二十九日

伏蒙 發下供用庫一本內乞收補人匠一百名臣  
等查得嘉靖四十四年十一月初七日該本庫具奏  
前事奉 聖旨該部看議來說欽此隨該工部題覆  
大意謂該庫先經司禮監太監黃錦奉 旨查過應  
留官匠二百八十九員名連年未見缺誤供應今難  
遽行添補止令於原額內收補缺少之數本月二十  
八日奉 聖旨是欽此今該庫未及一月又奏前因  
切惟人匠一名歲支糧十二石若百名則歲支一千  
二百石矣原額既足供應增添實為虛糜況新奉有  
明旨增改尤難遽行伏乞仍只准補原額以省妄費  
以存政體臣等謹擬票 上請伏乞 聖裁

世宗憲

卷之三

至

樂

諭救江西撫按嘉靖四十四年十二月十三日

昨蒙 發下刑科叅江西撫按官周相等一本該臣  
等具題彼處逆賊合仍行相等作速完解等因茲奉  
御批卿等代相怨上非也賊銀理該入官不知怎麼  
抵盜支吾即同不抄同臣等恭捧讀不勝惶悚不勝  
戰慄臣等叨受

皇上恩眷非常若萌一毫代相等怨 上之心則是  
禽獸之不如 神明所必殛矣豈敢有此

但因抄沒賊銀原該二百萬據相等 奏報共該二百五萬五千則數已過之且今亦見在陸續解進特未完耳竊以為姑 容今次而責其完解如又不完重責未遲是以輒有題 請伏乞 聖明鑒察通將各官 俯賜寬宥等無任仰望之至

答劉文彬進藥方

諭嘉靖四十五年正月初一日

伏蒙 密諭文彬上一方言藥亦製有未敢上可服否 惟文彬素不知醫其藥又未經試驗 聖躬至重豈宜輕服自古人君為方士所誤者甚多且皇上 聖壽萬年原仗天保不靠藥物之力伏願

世襲集

卷之三

美

顯杰

聖明於此等邪說一切勿聽也

答馬芳獲功

諭嘉靖四十五年正月十四日

伏蒙 密諭我聞北擾馬芳殺退不知果是何如兵部未疏想因玄建之日者 昨據芳揭報正月初十日副總兵任勇於西陽河後口斬賊首級二十一顆奪獲達馬三疋蓋芳呈請炳然發勇統領奇兵及芳之家丁於彼防禦而得功也兵部所以未疏者一則恭遇 玄建之日一則因其倉猝走報開寫未詳是以不敢遽上聞耳芳原帖 謹封進 聖覽 又據芳差來人口稱各堡尚有斬獲但俱未有揭報 容

臣俟報到即 上奏

答風異并隱邊件

諭嘉靖四十五年正月十六日

伏蒙 密諭今日風異兵火二項恐不可不慎炳然不宜隱邊件其兵之一節天象固順度要在加防 惟今日風異其占委為兵火加防允當 謹節錄聖諭傳示兵部都察院錦衣衛各欽遵 聖訓嚴加防備至於 內府各衙門乞 命司禮監傳示之也昨馬芳斬獲虜級炳然例得同其功此正彼所急欲上聞但芳自宣府徑報 京師是以到速而炳然在陽和須得芳報乃始具奏是以到遲似非敢隱焉伏惟 聖明詳察

改定 承天大誌序次奏 嘉靖四十五年二月初八日

嘉靖四十四年十二月初一日該 臣等以修完 承天大誌 謹本 進呈請乞 聖明裁訓并虛卷首擬寫 御製序文本月初六日 臣 階節奉 聖諭序亦不必用欽此續該 臣 階於今年正月三十日節奉聖諭大誌汝二輔裁付完進於仲春可欽此除 臣等欽遵將前 葉本重行仔細看詳凡有差誤逐一裁正陸續發寫期於此月內完 進外 臣等看得 葉本先因仰望

世襲集

卷之三

美

未成



皇上賜序是以擬將目錄次序文之後為第一冊而  
以進呈表及章奏凡例職名四項共為第二冊今既  
奉 諭不必用序若第一冊獨寫目錄則卷帙太薄  
且各章奏俱奉有 明旨 聖裁 宸斷具見於茲  
臣等今擬移章奏與目錄為第一冊其表及凡例職  
名仍為第二冊緣此恭本已經 聖覽臣等未敢擅  
便伏乞 聖明訓示遵行

答南幸

諭

嘉靖四十五年  
二月十二日

伏蒙 密諭我病十四箇月不見好茲就大誌成南  
一視承天拜

世襲

卷之三

天

表

親陵取藥服氣此原受生之地必奏功諸王不必朝  
迎從官免朝我用臥輦至七月終還京臣恭捧讀不  
勝驚駭仰惟 聖躬至重今既十四箇月未全復舊  
正宜 加意靜攝而乃欲 南幸承天路途遼遠  
輦行勞頓此豈 崇護之道亦豈所以上慰

二祖之心其取藥一節臣未知

皇上所欲取者何藥今只開列品味差一的當官員  
或 諭撫按官取 進彼必自行用心如此則 聖  
躬不勞而坐致上藥事實穩便臣受 天恩深重不  
敢不直對伏乞 聖明裁察

二嘉靖四十五年  
二月十六日

伏蒙 答諭南幸一件自我取龍飛等殿圖看已旬  
餘為謠遠近皆聞科害小民寧免順天下佑一行我  
必萬康先理途居為要臣前日奉 諭南幸不敢仰  
贊者第一為 聖躬計第二為 國事計蓋已亥至  
今二十七年矣

皇上自度精力之強健較之彼時何如邇來十四箇  
月之內前後相較亦復何如雖 皇穹保佑必獲  
萬康然 輦行不及 官居之安途次不及 殿庭  
之適在

世襲

卷之三

天

表

皇上崇護之道自當避勞 天佑 聖躬豈必待遠  
行而後臻 萬康之慶也已亥以前邊境無事彼時  
尚且 命大臣行邊及增 京城九門 皇城四門  
并居庸關等處守禦之備費許多照管今之邊境聲  
息時聞內外官兵未見強壯而 六飛遠狩 京師  
空虛狡逆之謀倘或竊發 聖駕在外能無驚憂此  
二事乃所當算計者至於有司科害小民如 聖慈  
之所軫念湖廣地方兵荒如節次撫按官之所奏陳  
猶未暇及也臣叨受 天恩非常茲蒙 賜諭  
皇上蓋不以臣為無知不忠之物矣臣是以敢再披

瀝 上奏伏乞 聖明俯亮下恤深留 聖恩毋致輕舉以貽後悔臣 瀆冒 天威無任悚惕戰懼之至

答薊鎮施藥 諭嘉靖四十五年二月二十八日

適該臣題稱京師貧病之民已蒙 聖恩施藥其薊鎮春防軍士孤身遠戍素本貧難昨因氣候不調亦復多病乞少推及益廣 聖恩伏蒙 答諭不知用多少數焉臣查得薊卒雖有十二萬之數然中間有病有不病理無盡給況古稱投醪非一壺之酒能徧及三軍只是心所及處人便知恩耳今不拘多少數但有以及之則彼仰知 聖心垂念自增感激是於

世經彙纂 卷之三 甲 施濟之中又寓安邊固圉之策也伏乞 聖裁

答取礦 諭嘉靖四十五年三月二十日

伏蒙 密諭王旺峪數年不曾取礦今虜賊已無可行得否臣聞取礦若以官府行之則凡服役之人開挖之夫煎銷之匠園護之軍皆自錢糧供給一應器具皆用錢糧置辦其夫匠等又各下般侵盜以所得與所費通融算計為利不多若容民取之而分其所得則頗有利然亦須撥軍園護以防搶奪鬪爭不但虜賊當避而已且取礦必先察視礦脈旺盛則銀多脈微細則銀少此峪雖數年不曾取礦不知見今

礦脈如何此須得一的當人往看并計所以取之之宜及所費所得多寡之實乃見可行與否臣茲不能遙斷也

答宗人四事疏 諭嘉靖四十五年五月十一日

伏蒙 密諭昨一宗人上四事疏已下該部儀未題覆其立太子費事了只如我累語汝之言傳繼為正為省事其三件逐一臣查得昨宗人共進三疏內一疏條陳四事一疏是求討祿糧并為其父乞赦一疏是附帶其叔勤敏訐奏堂兄勤焚臣觀此人身無爵祿家道貧窘又因訐告為 周王所戒飭其

世經彙纂 卷之三 甲 意原只為私事而來至於四事之疏非其本情乃自知越關奏擾有罪故為此以要名耳茲

皇上因彼疏復 諭及傳繼之謂臣於此件又不敢聞 命今實不能改心易說伏乞

皇上欽承 天眷之至隆深念祖業之至重一意崇護 興居以篤 宗社萬萬年無疆之慶如彼人者只須付之不足理會聽部中照常以越關處之而已臣冒昧 奏對無任悚惕之至

答戎政官說防秋 諭嘉靖四十五年六月初三日

蒙 諭昨戎政官說防秋一事每日邊臣為兵本只

固內備外何與秋防者臣惟防秋雖在邊臣然薊鎮去京師路近萬一有警則人情便就驚懼城守便合戒嚴故今製器練兵正聖諭所謂固內備外者亦其職也虜中多奸細來此探聽有無戎備使其知之或伐謀之一策焉

答更建 龍飛等官殿 諭嘉靖四十五年九月初一日

伏蒙 發下承天守備官一本欽奉 密諭承天之奏內開多朽夫龍飛等官殿已六十餘年矣今不可將就為之昨謂一幸必行今可差官去更建以備當下禮工二部行先告

世宗憲集

卷之三

聖

光緒

顯陵云臣惟奏內開 官殿滲漏橡望朽壞今委當選差內外官前去更建不可似先年付託非人虛費財力將就為之但欲修建必先勘估工料計處錢糧今湖廣連被水災一方之力必不能辦尤須為之區處臣等昨擬下工部者為此也夫欲舉 陵寢 官殿等工事體重大先告

顯陵仰惟 聖諭允當臣謹欽遵會臣春芳等改擬上請伏乞 聖裁

答河工并北賊 諭嘉靖四十五年九月十六日

蒙 諭河工報完似應祭謝就遣衡行禮臣惟新河

既已開成允宜祭謝就 遣衡行禮臣謹傳示臣儀題 請蒙 諭衡雖小愆比極之挑河為優還畱用臣惟衡之治河其初看議疏畧謂之無愆固不可然終能有成謂之無勞亦不可況今河雖已成而堤岸尚須修築閘座尚須增建新河比舊閘河地高今年雨多有水固可通行若遇歲旱未知如何尚須詳處至於永久之計則上源仍當疏下流仍當濬此皆須衡一手了結臣伏讀 聖諭謂還畱用仰惟

皇上知臣下之短而亦不棄其長真 日月之明天地之度也蒙 諭北賊果何如臣看得昨炳然奏

世宗憲集

卷之三

聖

光緒

報既云哨見往東北行走要搶薊鎮地方又云六月搶宣府失利要求報讐則是尚未有定形或係聲東擊西之詭計亦未可知須再得一二日乃見分曉今惟當加謹薊鎮及南山之哨守以防之而已

答戶部節愛并承天工用 諭嘉靖四十五年九月二十日

三

臣昨奉 諭一問耀官用銀已用半其濟邊的可用了多少了臣欽遵傳示耀查明徑自回奏茲蒙 密諭戶部回數同常支用其常數當有積者未可說我親細事 天降地產民納不可妄費必須節愛臣惟

大學論平天下之道以用人理財並言理財本是圖治要務況今邊費浩繁歲出反多於歲入不能枝撐皇上今日之問乃大計也豈曰親細事哉任戶部者允當加意節愛伏乞 聖明俟部疏上 御批叮嚀之蒙 諭又承天宮用彼處或不輟工部節慎庫出助也好 臣惟湖廣連年有水災昨撫按官題奏動以百姓流亡乞蠲免錢糧仍乞賑濟則承天工用彼處必不輟矣若得工部節慎庫出助誠我

皇上如 天之恩但 臣適以 臣意問禮庫中積有銀兩幾何答云工部每年派徵料價銀共五十五萬兩

聖鑒

卷之三

星

附

各處拖欠過半近因支用不敷二次題奉 欽依計得戶部原借銀十八萬餘兩於工所應用營繕司見在只銀八萬兩耳然則工部雖欲出助恐亦不能也

答兩廣更置

諭嘉靖四十五年九月三十日

伏蒙 密諭兩廣更置何也為言者果見之真當否 臣聞先年兩廣原各有巡撫都御史一員後因廣東無事而廣西有蠻賊廣西用兵必資廣東之錢糧因併設提督都御史一員任割廣西之梧州彈壓諸蠻續因廣之惠潮二府山賊生發其梧州與惠潮相去一月餘路每遇有賊府縣申報提督發兵勦捕動經

二三月方到賊已搶殺去久矣彼時因以二府割屬南贛巡撫都御史緣南贛去惠潮亦遠況係兼管地方兵馬錢糧調發俱不方便惠潮山賊積久益多近年不時出山搶殺城門之外道路多梗地方百姓深以為苦是以科中建白欲復設巡撫於廣東使經理惠潮部議復廣東巡撫者乃從今日為惠潮之計而改提督為總督者乃從向來為廣西之策也

答超格賞徐杲

諭嘉靖四十五年十月初七日

伏蒙 密諭我看工似就六分矣然工成加恩禮有自得者杲或超格如弘治間

聖鑒

卷之主

星

附

孝宗與崔志端太子太保何如 臣惟用才賞功本不當拘泥資格

皇上之欲超格與杲誠是也但二臣亦對 臣言自知中外之人怨其節省忌其 恩榮深懷憂恐今茲竭力宮建只望杜塞眾口不敢別有希冀 臣昨奏內述二臣所謂以往事為懼者蓋以此也如蒙 聖慈曲賜保全今次似須稍薄二臣之 恩典至於太子太保乃儒臣之極選尤望不以與杲庶足為之稍緩忌毀 臣亦思目今人才缺乏若一日無二臣則皇上於營建必不方便兵部無憚則

皇上於邊事必不免仰煩 聖心是以敢代二臣陳其情如此 臣於二臣並不敢有纖毫沮抑之私伏乞 聖明裁察

答河道及水災

諭嘉靖四十五年十月十二日

伏蒙 密諭河道果大通未 臣聞衡所開新河目今已通行但尚須增益其所未備方可永久昨衡又奏計銀十萬九千餘兩為修堤建閘等用蓋以此也蒙諭又 玄岳水異為災非常此何因歟 臣惟今大玄岳水異為災委非常然欲如漢儒之說其象必為其應其事必為其占則亦多拘礙而難通今惟有修

聖鑒彙編

卷之五

吳

人事以回 天意斯則簡易切實之理耳

論兩淮鹽銀宜照舊額

嘉靖四十五年十月十四日

伏蒙 發下戶部一本內開鹽銀緣由 臣等看得所開未甚明悉而 臣等於此事頗嘗聞知其始末茲敢為

皇上陳之兩淮鹽課每歲七十萬五千一百八十引該徵解銀六十萬兩係是舊額蓋鹽場之所煎并行鹽地方之所賣止能辦此也嘉靖四十年鄧懋卿奉命清理只欲以增銀為功遂增至一百萬兩本年上半年解完五十萬其下半年五十萬懋卿亦自不能

完乃盡索各衙門贓罰等銀及將商人恣行科罰僅克足數其時商人多至破家困苦不可勝言至次年畢竟不能再完官司欲仍行科罰則商人皆欲棄鹽逃去是以御史徐燠具實陳乞荷蒙 聖明俯允照舊只徵解六十萬兩商人始皆安業 臣等切惟商人中鹽本為圖利若使至於破家一旦逃去則不惟新增之四十萬兩不可得將併舊徵之六十萬兩亦無從取盈此懋卿添銀之說所以為壞鹽法妨 國計而不可行也今部 奏欲仍照舊額蓋有所見 臣等謹稟擬上 請伏乞 聖明俯從

聖鑒彙編

卷之五

吳

答護養元氣

諭嘉靖四十五年十月十五日

臣適奉 聖諭亥分詣萬法壇陰雨之冒子分吐白沫清水有三孟因畏寒卯又雨不止又覺困悶臥齋次該 臣奏謂 聖躬偶爾違和蓋一則為雨寒所襲一則前日 崇護未久 元氣未及全復是以不耐勞動等因茲蒙 答諭若元氣得全復甚幸若不得還舊日之者必得人乳之類緩步進藥得一二親密得力之人方可望復些少今一以仰 天恩佑焉 臣惟元氣易損而難復至於中年以後則其損尤易其復尤難既損而復之後若或再損則其復益難其損

益易仰惟 聖明既知 元氣未得全復則今惟

致力於護養元氣乃第一要務也人乳之類原出於

人之身服之必定有益但其製服之方臣愚不能知

耳蒙 諭今一以仰 天恩佑焉臣惟 天眷

皇上固必篤於保佑然所以承 上天保佑之心實

在 皇上自護自養伏乞深留 聖意焉臣無任真切仰

望之至

伏蒙

聖諭南工工部所謂似一時難建如且恭修

隆慶 後恩二處餘止待數年各裕時更建差去官

匠令速量修回京何如臣等適蒙 發下戶工二部

計處南工本正見錢糧缺乏難於興工計無所出茲

蒙

皇上俯軫時艱特降 玉音欲且恭修 隆慶 後

恩二處餘止待數年各裕時更建差去官匠令速量

修回京仰惟

皇上卹民之仁真所謂如 天處事之義正所謂曲

留 聖壽方萬萬年無疆此工暫止以待財裕更建

固未遲也天下臣民均切感戴 天恩之至所有原

發下部疏臣等謹用封 進伏乞 御批使中外曉

然仰知 恩之 上出

伏蒙 密諭胡松未久何便病言我聞亦永明之年

者初缺我意推永明不知皆惡臣惟胡松是一真實

任事之人癸亥生與臣同歲而小一月止因偶傷脾

胃初任不得將息遂至困頓蓋卦盡之年不奈疾病

如此永明本以質直為人所惡但委亦體弱目昏昨

謝 恩後曾一到直行動俱不方便伏蒙

皇上賜之以致仕榮之以馳驛彼之幸甚矣別臣時

感激 聖恩雙淚流下臣於此益重其人而衰病不

能供職命也

答代胡松 諭嘉靖四十五年十月二十四日

伏蒙 密諭松原係病者今故此任以耀代亦不為

否可歎臣惟吏部尚書以為 朝廷進賢退不肖為

職不惟要得自守清潔亦須剛毅不受請託不聽憑

吏胥庶幾進退得當耀為人溫厚寬平於前二者似

皆未足恐未克任臣荷蒙 賜問不敢不以實對伏

乞 聖裁

答預擇雲南鎮守 諭嘉靖四十五年十月二十八日

蒙 諭朝弼終不改過此地亦當預擇代者非他錄  
比汝以為何如 觀朝弼屢次所為委未有改過之  
意又其威權太重雲南之人只知有西王不甚知有  
朝廷今為久遠之計委當一處但彼世守此地已久  
恐一時亦輕動未得去歲所以加巡撫贊理之銜給  
與旗牌蓋欲陰分其權也而近日土官猛寅等三十  
餘人奏言軍務只當歸於總兵外人或言此本係彼  
唆使或言係彼捏寫二說未知孰是夫使彼有一人  
此其意固皆可惡然使真出於衆土官則其勢抑又  
可知矣如得一有才識力量忠於為 國之人前去

世經堂集

卷之三

平

聖裁

論將軍繙續請繼 嘉靖四十五年十月三十日

伏蒙 發下禮部一本內開 肅府輔國將軍繙續  
請繼緣由 臣等查得禮部奏 准宗藩條例一款  
親王繼爵必係親弟親姪方許 請繼切惟繙續於  
肅定王為親姪於 肅懷王為堂叔而茲 請繼乃  
繼 懷王非繼 定王越世相繼禮所未有況係輔  
國將軍則於 親王枝派疎遠可知似與條例不繼

之文為合但 親王封爵應否停襲非臣下所敢擅  
擬 臣等謹將原本封 進伏乞 聖裁 御批施行

世經堂集卷之三

世經堂集

卷之三

平



世經堂集卷之四

奏對四

東府請

駕嘉靖四十五年十二月十四日

茲者

大行皇帝奄棄萬邦等敬惟 殿下茂膺帝簡數

實定於誕毓之初大得民心望夙著於疏封之久謹

同班首官太師兼太子太師後軍都督府掌府事成

國公臣朱希忠掌禮官禮部尚書兼翰林院學士臣

高儀恭請 殿下入主喪禮嗣撫丕圖謹率守衛官

太保兼太子太保錦衣衛掌衛事後軍都督府左都

督臣朱希孝督領官校扈迎

諭行拜天禮嘉靖四十五年

伏蒙 發下太常寺一本內開 正旦節行拜天禮

于玄極寶殿合無暫免惟復別有 聖裁等因 臣等

查得 先朝每旦於宮中行拜天禮至

大行皇帝以為瀆罷之過正旦冬至 萬壽聖節於

奉天殿丹陛上行禮其後因改定 郊祀遂罷冬至

之拜定以正旦 萬壽聖節行禮於玄極寶殿太常

寺辦祭祀并入內執事茲 臣等議得敬天乃人君首

務凡遇正旦令節豈可不一行拜天之禮但玄極寶

殿建于 大內而太常寺官夜入執事似未為便臣

等謹擬批答該寺詞語 上進其行禮處所或依

先朝舊制行於 宮中或依

大行皇帝初制行於 皇極殿丹陛上 臣等未敢擅

議伏乞 聖裁施行奉

聖旨拜天朕自於內行禮你等執事員役俱不用

進議

大行皇帝尊諡勅并請追尊 聖母 隆慶元年

臣等查得 累朝皆於 卽位數日後 御西角門

視事西角門者今 宣治門也 御門之日卽 勅

諭禮部令議

大行皇帝尊諡 臣等茲謹擬 勅書 上進伏乞

裁訓發下遵行 臣等又查得

孝宗皇帝卽位踰月 勅諭禮部上

生母淑妃尊諡曰孝穆慈慧恭恪莊信崇天承聖皇

太后遷柩

茂陵又建

奉慈殿於大內歲時享祀如

奉先殿之儀 臣等仰惟

聖母誕育 睿躬為天地人民之主 冊諡葬祭所



當致其尊崇合無容臣等恭擬 勅書於 勅諭禮部議

大行皇帝尊諡之次日發行仍俟二十七日釋服後以次將冊立 中宮 東宮等禮上請

論宗藩 恩賜隆慶元年正月

該司禮帖開 頒賜宗藩銀兩數目到閣臣等查得

憲宗

孝宗

武宗登極之賜皆視行輩以為多寡內曾叔祖叔祖并叔各銀三百兩弟及靖江王各銀二百兩紵絲等

世襲集

卷之甲

三

王札

項各有差等惟

大行皇帝自外入繼故恩比舊加隆銀三百兩者增為四百兩二百兩者增為三百兩紵絲等亦各遍加然亦未嘗不論行輩也至於 益王等六王係親叔銀加至五百兩紵絲等又各加厚乃是 特恩非定例也前項等第來歷閣中俱有書稿可據臣等仰惟皇上今日事體與

憲

孝

武三朝相同而於 益王等三王親既漸遠行輩亦

殊所有 頒賜數目似應只依舊例其姪并姪孫及管理府事者則皆似應比照弟之例焉臣等輒敢查照各王行輩開擬銀數上請伏乞 聖明裁定庶臣等得以遵奉擬 書上進

計開

叔祖一位 慶王照舊例該銀三百兩紵絲十五

表裏羅十五表裏紗十五疋錦三疋鈔二萬貫

叔八位 楚王 遼王 岷王 韓王 藩王

襄王 益王 衡王照舊例每位該銀三百兩

紵絲十表裏羅十表裏紗十疋錦三疋鈔一萬

世襲集

卷之四

四

王札

貫

第七位 晉王 魯王 蜀王 代王 淮王

德王 榮王照舊例每位該銀二百兩紵絲十

表裏羅十表裏紗十疋錦三疋鈔一萬貫

姪四位 周王 荆王 崇王 吉王

姪孫一位 趙王

管理府事二位 秦府管理府事隆德王 唐府

管理府事庶第一子碩曠以上七位比照弟例

每位該銀二百兩紵絲十表裏羅十表裏紗十

疋錦三疋鈔一萬貫

靖江王照舊例該銀二百兩紵絲十表裏紗十疋  
錦三疋鈔一萬貫

進 賞賜文武羣臣軍民人等傳帖隆慶元年正月

臣等查得 累朝  
列聖登極於在京文武羣臣軍民人等例有銀兩絹  
布鈔錠之 賜自

武宗皇帝以前等第數目大畧相同至

大行皇帝以 入繼大統 頒賞特重蓋出一時

特恩非是定例然在

武宗皇帝時已因銀兩缺乏 命戶部以漸措置支

給目今府庫空虛比之彼時益甚支給必不能敷況

錢糧縱有贏餘亦宜節省存留以備邊餉及緩急之

用相應預為計處 臣等思得前項 恩賜若欲等數

之厚薄頒給之先後各適其宜必先知應賞官員人

等及見在銀兩絹布鈔錠數目然後可以通融酌議

臣等輒敢擬 傳帖上進  
聖旨朕茲將加恩在京文武羣臣軍民人等爾禮部  
通行各衙門查舊例應賞員役開具人數并行內府  
該衙門查見在銀兩絹布鈔錠數目各作速奏聞  
進擬 賞賜數目隆慶元年二月

伏蒙 發下禮部會同戶部查擬 賞賜一本內開

承運庫銀六十八萬一千六百三十三兩若照舊例

給賞該用銀五十一萬八千餘兩止剩銀一十六萬

二千餘兩所存不多及絹布等亦各有本等經費難

以盡數支用欲要將文武官員并監生辦事官吏知

印承差當該吏典等項應賞員役另議 恩典等因

臣等看得該庫銀兩每年支給軍官折俸約該銀十

六七萬而 御前及賞功之數又在其外今只存銀

一十六萬二千餘兩則於折俸一件尚且不敷又何

以上供 御前及備 賞功之用該部奏請另議文

武官吏監生 恩典節省銀兩絹布以備缺乏良為  
有見相應 俯從 臣等查得先年 恩詔文官有給  
與 誥勅之條監生承差吏典等有免歷免辦之條  
又聞承運庫積下段疋頗多 臣等謹用酌擬上請伏  
乞 聖明裁定示下 臣等乃敢擬 勅上進  
一公侯駙馬伯五十員若照舊例給銀該銀一千  
兩今擬每員賞紵絲四表裏  
一文官一品至雜職共一千二百六十員若照舊  
例給銀該銀五千五百四十二兩今擬一品至  
九品各給與應得 誥勅內先已給領者與進

應得勲階一等如品同而職銜不同照見任改給署職者與實授試御史試中書候實授庶吉士候授官之日各補給其有願移封者聽若先已移封今給與本等誥勅雜職每員絹二疋

一武官一品至署試百戶共一萬三千五百二十七員照舊例給銀共該銀七萬八千五百零九兩今擬一品二品各賞紵絲三表裏三品二表裏四品一表裏五品六品各紵絲一疋署試鎮撫百戶各絹四疋

一優給優養官共一千九十四員今擬照舊例三

世襲

卷之四

七

重刊

品銀四兩四品五品三兩六品以下二兩

一優養軍官母妻女共四百一十五口今擬照舊例每口給銀二兩

一將軍旗校力士軍匠馴象養馬及操備等項旗軍勇士并京管家丁今擬照舊例每名給銀二兩

一修理

山陵官軍今擬官照前給典表裏絹疋軍每名照舊例給銀二兩其已於品級及操備項下支領者不許重支

一紀錄旗校力士幼軍今擬照舊例每名給銀一兩

一監生舊例每名絹一疋今擬各衙門歷事者正歷免二箇月雜歷一箇月長差三箇月見在監者先造冊送吏部候撥歷到部之日照數減免一辦事官吏知印承差舊例各給絹布今擬辦事官免一箇月知印并當該吏三箇月承差并辦事吏二箇月周歲辦事吏一箇月罰班官吏并一年減一箇月其見在聽撥當該辦事者吏部各造冊案候着役之日照數減免

世襲

卷之四

八

重刊

一史館官生禮部鑄印局儒士順天府學生四夷館譯字生錦衣衛聽差并營操舍人欽天監天文生太常寺樂舞生太醫院醫士武學官生今擬照舊例每名絹一疋

一欽天監陰陽人太醫院醫生順天府坊廂里老各衙門民匠及厨子樂工今擬照舊例亦名絹布一疋

進 賞賜南京守備等官 傳帖隆慶元年三月

茲者各邊官軍已蒙 聖恩賞資臣等查得南京內外守備叅贊機務尚書操江勲臣都御史并鳳陽

天壽山守備及各處總督提督總兵巡撫副總兵兵  
備參將遊擊守備等官舊例各賜勅給與銀兩表  
裏不等名為特賜<sub>臣</sub>等茲謹擬傳帖上進其  
顯陵守備奉祀都督理宜與鳳陽天壽山守備一  
體頒賞輒敢增入均乞聖裁發下吏兵二部遵行  
至於賞賜銀兩竊恐內外庫藏空虛俟二部開報  
員數至日<sub>臣</sub>等查照近日在京官員事例另行酌擬  
上請

請開 經筵隆慶元年三月

<sub>臣</sub>等伏聞自古帝王莫不以講學為首務至我  
世宗皇帝

卷四

九

三

祖宗列聖月開經筵日御講幄謨訓典式尤  
為炳然蓋以成就聖德講明治道胥有賴於此也  
仰惟

皇上方茂建太平之業所宜緝熙問學之功<sub>臣</sub>等  
向因

世宗皇帝梓宮在殯未敢上請乃茲

山陵事畢

廟禮成

皇上遵累朝之令典舉經筵日講之盛儀實惟  
其時矣<sub>臣</sub>等謹擬勅諭上進

止 幸舊邸隆慶元年三月  
該文書官孫斌口傳

聖旨十二日府裏去命<sub>臣</sub>等擬旨傳外<sub>臣</sub>等仰惟  
皇上身承

宗廟社稷之重一舉一動皆當率循典章嚴謹防  
護

祖宗時除郊祀及幸學耕籍之外未有輕出者  
此其為慮至深遠也<sub>臣</sub>等下情伏乞

皇上尊御法宮于以光昭端拱之聖德茂凝安吉  
之天庥所有傳旨不敢輒擬<sub>臣</sub>等無任祈請之至

世宗皇帝

卷四

十

四

請 允禮部止幸舊邸隆慶元年三月

伏蒙發下禮部一本<sub>臣</sub>等看得本內所言蓋仰望  
皇上遵祖制慎舉動停止明日藩邸之幸係是

一念効忠

皇上之意仰惟聖明必已俯鑒<sub>臣</sub>等謹擬票上  
請伏乞御批准行

請 允科道止幸舊邸隆慶元年三月

伏蒙發下科道官各一本俱為乞止行幸<sub>臣</sub>等  
切惟自古聖帝明王莫不以從諫為盛美而在眾所  
不與者尤必屈而從之今藩邸之幸六科十三道

交章進諫可見衆情皆不願

皇上有此舉動不獨臣等及禮部爲然也伏乞聖明俯允所言特賜停止其於新政實爲有光臣等輒敢擬票上請無任悚惕懇願之至

請允科道奏開講讀隆慶元年五月

伏蒙發下禮科都給事中何起鳴戶科右給事中張鹵各一本俱以講讀爲請臣等查得本月二十一日該司禮監官傳奉

聖旨卽今天氣炎熱經筵日講都免了到八月內來說該衙門知道欽此時臣階患病在家臣春芳等具

世經堂集

卷之四

士

何

題欽遵明旨經筵照例停免但日講所以緝熙

聖學不可以累月間斷更望

皇上畱心古訓親近儒臣於每月每旬之內欽定

一二日仍容臣等率領講官進講等因今將旬日未

奉諭旨臣等方擬再請而科臣適有此疏可見臣

工仰望

皇上進學之心均一懇切臣等切惟目今天氣雖云

炎熱然殿宇深廣展已之前熱亦不甚伏乞

皇上俯從臣春芳等前奏欽定於每旬之中用某

日某日容臣等照常日講以仰裨聖學之萬一以

少答羣情臣等不勝祈請候命之至

進預飭邊務傳帖隆慶元年六月

臣等伏見連日天雨不止竊惟陰氣過盛占主有兵況今秋防之期已近恐備禦未周兵食未足倘有疎虞不免仰厪聖慮臣等欲乞

皇上勅下兵部轉行各邊預先嚴飭邊備謹擬傳帖上進

聖旨秋防在邇你部裏便行文與各總督官着嚴督各該鎮巡兵備參遊等比常用心修飭邊備不許怠悞取罪如有緊要事務許各直言條奏兵部知道

世經堂集

卷之四

士

何

繳詳議科道諭隆慶元年六月

伏蒙聖諭朕卽位以來賴卿等輔弼近來科道等

官不諳事體本內敢屢欺言是何意卿等詳議來說

欽此臣等仰惟

皇上以仁明之德應運承祧科道等官本因遭際

昌時思欲少效報答是以屢有論奏但性氣驕率則

言或過當事出風聞則語或失實其不諳事體瀆擾

宸嚴誠有如聖諭者然天威在上以臣等度之

實非敢故爲冒犯也合無容臣等恭錄聖諭傳

示科道等官使各省改以仰承

皇上天寬地容之造臣等識見淺昧奉 諭詳議無能仰副 聖明下詢之意不勝惶愧悚惕統乞 聖慈俯宥原奉 聖諭謹用 進繳

進修省等 傳帖隆慶元年七月

前月雷雨不獨淹沒禾稼損壞民居其各邊城堡尤多衝決後幸數日晴霽邊臣方在修理而入秋以來仍又久雨臣等訪聞修理未完者既不能用工其已完者旋又倒塌若如此不已一旦虜賊乘虛入犯何以禦之臣等竊思及此不勝憂懼輒擬 傳帖二道上進伏乞 聖裁發下施行臣等聞古者每有災變多策免大臣今臣等奉職無狀上干天和除伏候降旨罷免外仰惟

世宗憲

卷之四

主

顧杰

皇上為天子為天下之君夫為子則天之感通甚近為君則臣下之仰戴胥切況在 登極之始尤當為無疆之圖若以目前之無事為可安遂爾暇逸實恐猝然有事無以支持伏望

皇上念 天戒之非常思 祖業之至重不徒以避殿易服便足了修省之事而恒以兢業為心勤勵剛斷為政時 召臣等及部院大臣 面賜詢問凡國家之至計中外之隱憂各許敷陳仰候 採納于以

上回 天意下奠邦基臣等無任懇切祈 請仰望之至

聖旨前鎮邊牆等項因久雨倒塌雖已降旨修築未知工程如何自修築之外亦未知更有何項禦虜長策着便推有才識大臣一員前去會同總督鎮巡等官計議除一面上緊修築外但有合行事宜及邊臣所不敢言之情不能為之事俱要從實具奏吏兵二部知道

聖旨秋霖不止重為民災朕祗畏

天戒軫念時艱深用憂惕內外百官着各痛加修省

世宗憲

卷之四

古

顧杰

自十五日為始青衣角帶辦事并屠禁各五日順天府祈禱至晴日止禮部知道

論太和山提督內臣 勅書隆慶元年七月

伏蒙 發下兵部題請太和山提督監丞劉進職掌一本臣等查得先該湖廣巡按御史陳省劾奏原任提督呂祥貪殘等罪兵部覆奏要將提督內官永行裁革進貢符尖等項一切停止惟復減去分守事權另推一員前去等因奉

聖旨是呂祥着取回京司禮監另推舉一員去則是內官已不裁革貢物已不停止僅只不管分守如成

化初年之制耳今若勅內仍載分守事權一則違  
憲廟之初制一則背近日之明旨一則貽地方之  
患害事體不便人心不服於聖政不無虧損所有  
分守字樣勅內難以開載等輒敢擬票上請  
伏乞聖明俯允實為幸甚奉  
聖旨着照成化元年寫勅

止寫中秋致語隆慶元年八月

該司禮監太監滕祥傳奉

聖旨命臣等寫中秋致語臣等思得節令筵宴雖例  
有致語但今

世經堂集

卷之四

五

表

先帝神主尚在几筵小小宴樂已為不可況致語  
之盛舉耶所有撰寫臣等不敢聞命仍望  
皇上將前項筵宴一併停止以崇大孝以為後法  
臣等備員輔導禮之所在不敢不以正對伏乞聖  
明鑒察

奉諭查處承天事宜及馬從謙等卹典隆慶元年八月

伏蒙聖諭我看禮部本內說的

顯陵是

皇祖

先帝龍飛之地教臣等以敬君之禮臣等不勝欽  
服臣等竊詳禮部本內原不曾敢將

先帝初制改革止欲裁減節次添設員役及停止新  
增貢品減省假道朝謁虛文但因頭緒繁多又備載  
湖廣撫按奏詞未曾將別部掌行者摘去遂致詞冗  
而意晦耳茲奉聖諭命臣等查處緣前項文卷冊  
籍皆在部中須仍下部逐一查議庶得停當臣等謹  
改票上請又蒙諭馬從謙等因看本內有罵父  
之言不准臣等謹已仰悉但查吏部原奏止是馬從  
謙一名係罵父者律乃因人誣伊誹謗齷齪比擬前  
律坐罪不曾真罵伊父其申良等四名則各是一事  
若因馬從謙一槩不蒙恩卹似尤可憫伏乞聖  
慈俯從科道所奏吏部所擬或就中分別斷處以  
慰羣情臣等謹擬票上請伏乞聖裁奉  
聖旨馬從謙所犯係子罵父律不准申良等姑依原  
擬吏部知道

止駕詣天壽山疏隆慶元年八月二十六日

伏蒙聖諭朕詣

天壽山行秋祭禮一應事物都照例行擇日來看欽  
此臣等仰惟



皇上欲躬詣天壽山行秋祭禮蓋重

祖宗弓劍之藏切歲時霜露之感此乃聖孝所發

比之別樣遊幸不同臣等豈不欲將順但天子之孝

以保安社稷為大故累朝舊制發引之送止

於午門而祭之禮惟

太廟親奉其

山陵皆只遣官即在常時尚不輕出凡以重社

稷也今東西二虜日夕窺伺發旗聚兵已有形迹薊

遼宣大警報屢聞此何時耶

皇上顧欲冒危而往萬一至彼稍有震驚於時悔之

亦復何及此不獨臣等及諸臣民不願

皇上有此舉動竊惟

祖宗在天之靈愛護聖躬記念社稷尤不樂

皇上有此行也臣等備員輔導義同休戚所有一應

事物并擇日等未敢傳示各衙門奉行伏乞深畱

聖思俯垂照察特賜停止臣等不勝至幸所有

原奉聖諭謹用進繳奉

聖旨卿等照前旨傳行

昨臣等欽奉聖諭朕詣天壽山行秋祭禮一應

二隆慶元年八月二十七日

事物都照例行擇日來看欽此隨該臣等以時值秋

防具奏請乞停止伏奉

御批卿等照前旨傳行欽此切惟君令臣行此乃正

禮今

皇上欲詣天壽山若使事無關緊臣等何敢稽違

但目下邊報實在緊急前後章奏必皆上經聖覽

非臣等假說仰惟

皇上承受

祖宗基業至大至重奈何當此之時不自深計詳慮

而欲輕易遠出耶且自大雨之後軍民田畝既被水

泮所居房屋亦各倒塌愁苦無聊之狀處處皆然

皇上一意安輯撫綏尚恐不能無意外之變況又正

有邊報安可以此一行觸冒兩端之患也臣等反覆

思惟寧拂

皇上之意決不敢謬

皇上之事所有聖諭仍不敢傳行伏乞聖明俯

鑒下情收回成命臣等不勝悚惕仰望之至奉

聖旨朕旨一出卿當即舉傳行又何有此煩言

三隆慶元年八月二十七日

伏蒙聖諭朕旨一出卿當即舉傳行又何有此煩



言欽此<sub>臣</sub>等捧讀不勝悚懼不勝悚懼<sub>臣</sub>等非不知聖旨一出即當舉傳行所以再疏勸止不避煩瀆者只爲

皇上計爲國家計耳夫天壽山之後即是黃花鎮其黃花鎮之外即是虜地今虜既結聚萬一忽然進入何以支持適纔據總兵李世忠報稱東虜土蠻等要犯喜峯口迤東地方西虜把都兒等要犯古北口東西地方此其所繫豈輕小者<sub>臣</sub>等不知

皇上何所見聞何所倚靠而堅欲爲此行也<sub>臣</sub>等亦知順旨可以取悅但計度利害委實不敢以國

世襲集

卷之四

末

沈嘉

家之事輕試於危險伏乞聖明照察俯賜停止<sub>臣</sub>等幸甚國家幸甚<sub>臣</sub>等無任懇切祈請之至奉

聖旨待事寧奏請

進擬科道諫止內臣坐營票帖

隆慶元年九月

伏蒙發下兵科都給事中歐陽一敬等巡視京營給事中孫枝御史韓君恩等各一本俱奏乞

皇上收回內臣坐營之命<sub>臣</sub>等查得

太祖時原無團營其團營之設乃起於景泰年間至

嘉靖二十九年已經

先帝裁革但大明會典係正德年間所修之書故不曾載有此節今內臣委無團營可坐事體有礙施行科道官所言無非仰望

皇上遠遵

太祖之初制近守

先帝之定制所應俯從<sub>臣</sub>等謹擬票上請

繳內臣坐營諭隆慶元年九月

伏蒙聖諭朕着內臣坐營科道官也說你每也這等說怎麼主意不遵你每說來欽此<sub>臣</sub>等捧讀不勝惶悚仰惟

世襲集

卷之四

手

沈嘉

皇上有旨<sub>臣</sub>等豈敢不遵但團營先於嘉靖二十九年

先帝因虜賊入犯懲戎務之廢弛考

太祖之初制將團營裁革內官取回數年以來事權稍得歸一操練漸覺有效良法美意誠萬世所當遵行者也今命內臣坐營若據見在之制則已無營可坐若必欲用內臣則須將

先帝定制盡行更變不惟<sub>臣</sub>等不敢竊恐聖心亦

有所未安者且團營始於景泰革於

先帝<sub>臣</sub>等下情實願

皇上惟以

先帝為法是以昨蒙 發下科道之疏輒有陳奏此

外別無主意也今奉 聖諭不敢不以實對伏乞

聖明照察所有原奉 聖諭謹用 進繳奉

聖旨既先年裁革罷兵部知道

進禦房 傳帖 隆慶元年九月二十一日

適蒙 發下巡撫耿隨卿本報賊已從羅漢洞入邊

除賊所到永平府地方合會兵剿逐保護外 臣等先

因虜酋俺答犯山西土蠻犯界嶺口各有形迹而黃

台吉未離虜巢恐其誘我邊兵東西救援却從中突

世經堂集 卷之四 主

出侵犯所以屢次擬 請在宣大則令加謹東防在

薊鎮則令加謹西防又發營兵一枝往昌平隄備今

土蠻既已入邊 臣等愚見又恐鎮兵俱往東行黃台

吉乘我無備肆其狂逞切惟

陵京至重須遏土蠻使不得渡河而東并備黃台吉

使不得乘虛而起乃為兩全謹擬 傳帖上請

聖旨今虜賊入邊你每便行與劉燾着一面督兵隨

賊剿逐一面發兵堵守灤河勿容西渡一面謹備黃

花鎮等處以防西賊竊發仍行馬芳冀練一體隄備

各不許怠誤兵部知道

進發兵 傳帖 隆慶元年九月二十一日

臣等議得通州乃 京師屏蔽之地況今漕糧正集

除已與戶部議令將漕糧已抵張家灣者運入漕城

未抵灣者暫留於河西務等處外竊恐人情震驚或

生他患乞 命兵部發營兵一枝前去通州住劄一

以張我兵勢伐虜深入之謀一以安我人心兼為保

護漕糧之計謹擬 傳帖上請

聖旨兵部便發營兵一枝前去通州住劄隄備虜賊

防護漕糧合用糧料等項都照例與他

面對後再論邊事 隆慶元年九月二十四日

世經堂集 卷之四 主

適蒙

皇上以山西石州陷沒 軫念土地人民 特賜下

問并 命 臣等詳處 臣等雖已 面奏猶恐言語未

明事情未悉敢再備陳之仰惟

皇上屢次降 旨降 諭修飭邊防又 允 臣等所

請差官前去經畧 聖心 宸謨誠懇切周至無以

加矣但今年虜謀詭譎比常時不同常時所犯只是

一處故邊臣得以調集各路兵馬或拒之使不入或

驅之使速去今年則土蠻寇擾於東劉燾因而提兵

東援俺答寇擾於西王之誥因而督兵西馳且虜兵

各稱十萬我兵東西分援其勢力已不相敵矣而虜酋黃台吉尙據巢穴未見向往此賊素稱狡悍住近陵京之後若使我兵盡數調發此酋乘虛突起其於震驚尤爲重大是以古北口黃花鎮等處一帶擺守之兵俱不敢調動而請 命遲鳳翔暫代劉燾調度又請 命王之誥馬芳仍住本鎮俱以防黃台吉之竊犯慎

陵京之保護非有兵而不發也今石州已蒙 允兵部所奏調王之誥原管遊兵二枝及延綏兵一枝河南兵一枝保定兵一枝共兵五枝計一萬五千人往

世經集

卷之四

主

援若使將領用命奮力協謀亦足驅剿但恐今去已遲不能相及耳夫事有重輕當二事並發之時力不能兼濟則須先其重者此所以欲援石州而又不爲不爲

陵京深慮也伏惟 聖明裁察

時隆慶元年九月二十四日 講畢  
上問山西怎麼失了州縣臣等對曰前日報虜犯山西經今數日將謂已出去了今早蒙 發下兵部本始知破了石州太監驍祥等跪于傍邊云  
爺貴夜為此憂慮先生亦用心處一處階等曰  
皇上前者屢次有 旨有 諭修防邊防臣等并非不仰體但今年虜勢比常年不同常年只一處入犯所以易堵今年二路進來所以堵不住太監王本云先生昨在近處多調幾枝生力兵去截殺階等曰今劉生昨在石州東路兵去援承平王之誥撤宣大兵去援

山西只有古北口黃花鎮等處中路的兵因黃台吉未動  
陵京爲重不敢調去今早蒙  
皇上准兵部奏已發宣府遊兵二枝延綏兵一枝保定兵一枝河南兵一枝共五枝去矣  
上曰是了是了本猶欲有所言  
上目止之 諭曰卿等詳處階等頓首而退

繳詳議邊計

諭 隆慶元年十一月二十八日

伏蒙 聖諭朕看得東西二鎮虜寇搶殺至甚防虞之計如何預處卿等會文武羣臣着實詳議來看欽此 臣等仰惟

皇上內軫民生外懲虜患將弘安攘之大業預求防守之良圖 臣等不勝欽仰不勝幸戴竊思邇年邊事

世經集

卷之四

主

廢弛多因邊臣循習舊套不務殫心幹理拘泥常格不知隨時變通今年七月內欽奉

聖旨令以不敢言之情不能爲之事從實具奏 聖明蓋已洞見其弊矣而諸臣猶未見有能仰承 聖

心上贊 宸畫者以致東西二鎮被虜搶殺至甚及

今若復因循不着實預處將來之事委爲可慮昨該

科道建白皆謂宜破格整理但恐事出通度或礙施

行見出一偏或非通論是以部擬令在內大小臣工

在外總督鎮巡等官各陳所見會議上 請已奉有

欽依行去今蒙 賜諭 臣等謹用恭錄傳示兵部卽

再通行中外使仰知 聖意作速條列具奏候各疏  
至日<sub>臣</sub>等欽遵出會文武羣臣詳議上請 聖裁所  
有原奉 聖諭謹用 進繳

請

允御史鍾繼英奏止內教場操練<sub>隆慶元年</sub>

十二月十六日

伏蒙 發下御史鍾繼英一本大意謂 宮中內地  
不宜使人提克器習危事欲乞

皇上停止近日內侍之選擇勿事操練以防未然<sub>臣</sub>  
等仰惟

皇上選擇操練蓋因邊方多事居安慮危故有此舉

世經堂集

卷之四

主事

張華

但繼英所言亦是防微杜漸之意昔嘉靖三十年

先帝嘗因虜患欲作內貳營操練內兵後竟不果竊  
思

先帝欲作復止中間必有深慮況今

皇上注情邊務 諭計防守 聖念所向衆咸感奮

若常選任將帥明信賞罰則兵威自振外患自消似

亦不必仰煩 至尊躬親教閱之事<sub>臣</sub>等輒擬稟上

請伏乞深畱 聖恩納繼英所奏 特賜停止<sub>臣</sub>等

不勝仰望之至

請躬奉

廟享

<sub>隆慶二年正月初六日</sub>

昨該司禮監太監滕祥傳奉

聖旨孟春饗

太廟遣公希忠代行欽此<sub>臣</sub>等竊惟祭祀者 國家

之大禮春祭者四時之首禮在

皇上必親奉裸將而後爲孝爲敬在

祖宗列聖亦必得

皇上之躬親對越而後來格來歆故孔子曰吾不與

祭如不祭自非有甚不得已之事未有可以 遣官

代行者況今朝 觀官吏會試舉人咸集京師觀望

朝廷之舉動易曰萃亨王假有廟先儒程頤釋之曰

世經堂集

卷之四

主事

張華

天下萃合人心總攝衆志之道非一其至大莫過於

宗廟仰惟

皇上當茲萬國來王之初正宜致謹 廟饗以萃合

天下之心而無故 遣代恐非所謂萃之道也且自

宮至 廟其路不遠真獻有數其禮不繁

皇上躬一奉行勞亦不甚夫以

宗廟大禮雖勞猶不當避況非甚勞者乎<sub>臣</sub>等用敢

披瀝上 請伏乞 聖明俯賜鑒允仍 親詣

太廟行禮<sub>臣</sub>等不勝幸甚不勝幸甚奉

聖旨是

更正籍田 賜宴儀注

臣等昨詣籍田所演禮看得 具服殿只是一層進膳 賜宴諸凡不便又看得 齋宮前後有殿二層規制弘厥 臣等欲請

皇上至日 駕御具服殿易祭服行祭祭畢還 御具服殿易服行耕耤禮禮畢 駕御齋宮受百官稱賀訖暫 御後殿少憩待安 膳卓及設宴完備該監官奏請

皇上出陞座傳 旨官人每坐各官於 丹墀內一拜三叩頭乃就坐宴畢各官仍於 丹墀一拜三叩

世經堂集

卷之四

五

奏

頭謝 恩畢出至 齋宮外候送 駕行其餘如禮部所具儀奉

御批是

繳邊事

諭隆慶二年二月二十八日

伏蒙 聖諭朕躬謁我

祖考陵寢始知邊鎮去京師切近如此茲薊州總督官來朝不知他說近日虜情何如今邊事久壞無人為朕着實整理只逞辭說弄虛文將來豈不誤事卿等可將朕意傳諭宣薊二鎮的官都着他每知做其三鎮調來護駕官軍亦可量賞之否卿等會戶兵二

部議擬來看欽此仰惟

皇上因

陵祀之躬行 念邊境之切近 命臣等以 聖意傳諭宣薊二鎮之臣此誠我

皇上保固丕圖恢弘

祖烈

聖孝之至大者也 臣等不勝欽服仰戴之至今

山陵之後即係黃花鎮黃花鎮之後即係虜地去

京師委為切近 臣等面問來朝薊鎮總督曹邦輔及據宣鎮總督陳其學等揭報近日東西二虜俱無結

世經堂集

卷之四

五

奏

聚消息但邊事久壞整理無入只逞辭說弄虛文將來豈不誤事誠如 聖慮 臣等昨歲奉 旨會議邊計以責實効為第一欸亦竊有見於此也茲謹遵奉聖諭傳示邦輔等及節錄 聖諭傳示兵部轉行陳其學等令各知做勉修實務仍各將見行防守等事具實奉 聞其二鎮調到護 駕官軍原奉 旨命曹邦輔帶標兵一枝防守黃花鎮陳其學帶標兵一枝防守南山 臣等會戶部尚書馬森兵部尚書霍冀計議皆云邊軍貧苦

皇上欲量加賞賜以卹其勞 聖裁允當其合賞銀

數森真查擬奏 請所有原奉 聖諭臣等謹用  
進繳

請 皇子剪髮命名隆慶二年三月初三日

今月初五日恭遇 皇第四子彌月之期臣等看得  
士庶之家生子皆彌月剪髮然其儀不載於古書而  
累朝宮中所行剪髮之禮臣等亦不能知惟嘉靖十  
二年

先帝始據禮記三月擇日剪髮為髻之文定以三月

剪髮百日 命名所有今次 皇子剪髮或就用彌

月之日或仍候至三月臣等未敢擅擬伏乞 聖裁

世經堂集 卷四 五

奉

聖旨滿月剪髮百日命名

請 廷試策問隆慶二年三月初八日

茲者 殿試在邇所有策題先年係是閣臣擬 進

嘉靖年間

先帝特降 御製或循故事 命閣臣擬撰于時士

子 廷對者咸以得奉 御製為榮仰惟

皇上 天資明睿 聖學弘深當茲策士之初尤萬

方觀聽之會伏乞 親試策問明示 德意使知向

方惟復仍容臣等擬撰恭請 聖裁臣等未敢擅便

謹題請 旨奉

聖旨你每撰來

止建 壽宮隆慶二年三月初三日

伏蒙 發下工部一本內稱 壽宮風水關繫重大

乞要詳擇等因臣等看得 壽宮之卜事體本當慎

重仰惟天佑

皇上 聖壽萬年今方 御極之初尤未宜遽議及

此即如

先帝卜建 永陵乃在十五年之後今舉動大蚤竊

恐人心驚疑所應暫且停止臣等謹擬票上 進伏

世經堂集 卷四 五

乞 聖明俯從奉

聖旨且罷

止 幸海子隆慶二年三月初六日

伏蒙 聖諭

祖宗設立上林苑海子朕於三月二十六日往視止

用京營官軍扈衛各該衙門知道欽此臣等竊惟

聖駕行幸事體重大上林苑海子雖由

祖宗設立然只是蓄養鹿兔等項非如 視學耕

藉有關治理不足仰煩

皇上之臨視且近日

陵祀回鑒未久尤未宜復有此行伏乞 聖明特加  
慎重 俯賜停止所有原奉 聖諭等未敢傳示  
各該衙門謹用繳進

繳防邊 諭隆慶二年六月

伏蒙 聖諭秋防期到不知各邊整理如何去年邊  
臣誤了事朕不曾重處他聞今內外的官還只是口  
說狗私不實心共幹卿等可傳示兵部說與譚綸等  
各要着實防禦若似先時虛言誤事縱虜深入的朕  
定重處不饒欽此 臣等竊惟邊防事重況今秋期已  
近允宜先時戒飭 臣等捧讀 聖諭不勝欽服之至

聖諭

卷之四

聖

奏

邇者 臣等因見各鎮之於兵事或議論參差或幹理  
怠緩深慮內外諸臣不思去歲誤事之罰乃蒙  
皇上念其微功 特垂寬宥而妄圖倖免不務實幹  
是以屢次擬 請降 旨責成然猶慮彼仍襲舊套  
有誤付託方切憂恐茲蒙

皇上親御 宸翰 教以着實防禦 戒以誤事重  
處諒當知感知懼勉圖報 恩追罪矣 國家幸甚  
臣等幸甚 臣等謹錄 聖諭傳示兵部轉示譚綸等  
各遵行外所有原奉 御筆謹用 進繳

繳南兵 諭隆慶二年六月

伏蒙 聖諭朕着兵部覆譚綸奏選南兵三千路程  
寫遠資費船隻等項事體重大卿等詳議停當來說  
欽此 臣等恭捧讀仰見

皇上留意邊防慎重兵事此正安攘之大機也 臣等  
不勝仰戴前日譚綸未行之時 臣等俱曾與之面論  
近日又與戚繼光細論蓋以近來虜賊奔次入犯人  
人戴盔被甲其盔甲又極堅厚我兵縱使善射然射  
之不能透縱使善砍然砍之不能入況又原不善射  
不善砍則其不能破虜固無怪也惟有鳥嘴銃火力  
甚大不拘盔甲遇之即穿譚綸戚繼光往年在南

聖諭

卷之四

聖

奏

用兵專賴此取勝而北方兵將皆不慣習綸欲選而  
教之又不能一時便會目今防秋期近故只得取用  
南之見會放銃者三千人一一以應目前之急一以使  
之訓練北兵 臣等見二臣之言如此回思去年有警  
之時欲守則已深入欲戰又苦無兵致仰厪 宸衷  
屢煩 賜諭故亦只得議從之冀保無事至於路程  
寫遠資費船隻等項事體委為重大然既所憂者在  
於虜患所急者在於防邊亦顧惜不得矣其各兵在  
途或又恐其生事則有胡守仁李超以統領之有把  
總哨官以分領之又有錦衣衛官以監督若使騷擾



地方錦衣衛官自當 上奏胡守仁李超等自當受罪計亦不敢縱容也臣等謹據愚昧之見具 對擬票上 請伏乞 聖明裁定施行

進兵部練兵票帖隆慶二年七月十一日

適蒙 發下兵部題覆譚綸練兵一本臣等查得綸奏原欲訓練遊兵三萬益以薊鎮王兵與虜決戰使大有創懲但又以四難為慮故議姑就薊鎮見在之兵講求一鎮戰守之策今兵部所覆者是也原兵部之意亦只為防秋期近恐幹理不前遊兵數多恐餽餉難辦耳臣等反覆思惟今 國家之事所當憂者莫急於邊防

世經堂集

卷之四

奎

奏

皇上去秋因二虜入犯固嘗 深悼邊民受禍之慘今春 駕祀 山陵又已 親見邊鎮去京師之近矣臣等竊謂為今之計所當上下協力破格治兵凡可以供軍餉雖減衣縮食亦宜在所必行凡可以赴事功雖窮日繼夜亦宜在所不憚庶積弱之勢有振起之期安攘之業有建立之望若因循苟且僅支目前切恐虜勢日彊虜謀日狡必將釀禍於不可救貽悔於無所及臣等叨塵重任幸際 聖時如不盡言是謂負 恩誤 國不惟義不敢為亦心所不忍為

也然兵既在所必練則財實在所當處顧帑藏空虛無從取給百姓窮困又難加徵此其為策必須節用但人情於侈費甚易於節用甚難自非仰賴 聖謨預定於先 聖志堅持於上則節用之說畢竟不能行練兵之効畢竟不可冀矣臣等除已將兵部本票擬上 請外伏乞

皇上深計始終 特賜張王一面 嚴勅內外衙門各斥去習安之私而殫竭心力共成此圖各罷省耗財之事而蓄積錢糧共資此費一面 申飭譚綸督同戚繼光將所奏教練遊兵事宜再行詳議開款具

世經堂集

卷之四

奎

奏

奏以憑議行實 聖明大有為之政而 宗社億萬年無疆之休也臣等無任仰望之至

世經堂集卷之四



世經堂集卷之五

視草

擬遺詔

奉天承運

皇帝詔曰朕以宗人入繼大統獲奉宗廟四十五載深惟享國久長累朝未有乃茲弗起夫復何憾但念朕遠奉

列聖之家法近承

皇考之身教一念惓惓本惟敬天勤民是務祗緣多病過求長生遂致奸人乘機誑惑禱祠日舉土木

世經堂集

卷之五

一

何金

歲興郊廟之祀不親朝講之儀久廢既違成憲亦負初心邇者天啓朕衷方圖改轍而遽嬰疾疾補過無由每一追思惟增愧恨蓋愆成美端仗後賢皇子裕王仁孝天植睿智夙成宜上遵祖訓下順羣情卽皇帝位勉修令德勿過毀傷喪禮依舊制以日易月二十七日釋服祭用素饘毋禁民間音樂嫁娶宗室親郡王藩屏爲重不可輒離封域各處總督鎮巡三司官地方攸繫不許擅去職守聞喪之日各止於本處朝夕哭臨三日進香差官代行衛所府州縣并土官並免進香郊社等禮及朕祔葬祔祭

各稽

祖宗舊典斟酌改正自卽位至今建言得罪諸臣存者召用歿者卹錄見監者卽先釋放復職方士人等查照情罪各正刑章齋醮工作採買等項不經勞民之事悉皆停止於戲予以繼志述事兼善爲孝臣以將順匡救兩盡爲忠尙體至懷用欽末命詔誥中外咸使知聞

擬勸進答諭

初上箋

令諭文武羣臣軍民耆老等

世經堂集

卷之五

二

何金

皇考大行皇帝奄棄萬邦予茲筑筑在疚卽位之事實不忍聞所請不允

二上箋

令諭文武羣臣軍民耆老等卿等再箋勸進具見誠懇但予終天之恨方殷豈忍遽卽大位所請不允

三上箋

令諭文武羣臣軍民耆老等卿等謂予當奉天命遵遺詔箋勸至于再三陳義甚正勉抑哀情用從所請

擬下禮部具儀諭

令諭禮部

皇考大行皇帝上賓于哀痛悲號五內摧裂而文武羣臣軍民耆老等以

祖宗基業之重

皇考遺命之嚴三上箋勸進義正詞懇不得已勉從

所請茲當祇告天地宗廟社稷即皇帝位爾

禮部其擇日具儀來聞

擬登極詔

奉天承運

皇帝詔曰惟我

世宗憲

卷之五

三

四

祖宗聖聖相承至治鴻功超越千古暨我

皇考大行皇帝以經文緯武之德建安內攘外之勲

增光先朝垂庇後世方幸永賴遽爾上賓特

厘憑凡之言屬以神器之重朕焚瘞在疚本不忍

聞而文武羣臣下及耆老軍民合詞勸進至於再三

辭拒弗獲乃遵遺詔以是月二十六日祇告天地

宗廟社稷即皇帝位以明年為隆慶元年仰

惟末命之昭垂深望繼述之兼善俛焉自省豈所

能勝然而先志不可不成聖訓不敢不奉是用

推類以盡義通變以宜時期衍舊恩通弘新化所有

合行事宜條列于後

一郊社等禮及祔葬祔饗遵奉遺詔各稽

祖宗舊典斟酌改正禮部會同各議舊禮某項當復

新禮某項當罷某禮當行於某處某禮當舉於

某時并陵葬廟饗當祔之正逐一開具奏

請

一自正德十六年四月以後至嘉靖四十五年十

二月以前建言得罪諸臣遵奉遺詔存者召

用歿者卹錄吏禮兵部作速查開職名議擬具

奏

世宗憲

卷之五

四

四

一方士人等遵奉遺詔查照情罪各正刑章王

金陶倣申世文劉文彬高守忠陶世恩晏進藥

物致損聖躬着錦衣衛拿送法司從重究問

唐秩章冕等各以符法濫叨恩賞着押發原籍

為民書造局真人府官道禮部查係在京官觀

取用者發還原官觀係在外龍虎等山取來者

遣回本處焚修其所受太常寺官職及真人高

士名號盡行革去

一齋醮工作遵奉遺詔悉皆停止其原建齋醮

之所今應作何處置禮部逐一查議題請工部

料價并竹木等南京內府各衙門段疋器皿香蠟柴炭匠役等光祿寺品物酒餚等但有因齋醮工作加派者該部通行查奏停革

一織造採買等項除陝西織絨河南廣東織葛廣東採珠買黃白蠟降真香及與福建買龍涎香雲南採寶石採礦金江西燒造磁器并各處採芝遵奉 遺詔悉皆停止外其南京蘇杭織造內臣詔書到日俱即回京各衙門解與錢糧着南京工部工科浙江巡按御史查照造完段疋扣算該銀若干將段疋具奏起解剩下銀兩俱

世經堂集

卷之五

五

未定

送戶部接濟邊用造冊奏繳已派未納者行令徵完准作下年工部料價却於下年派數內減除以蘇民因其因絨葛珠寶香蠟金芝磁器等項所派錢糧已徵在官者截數起解戶部未徵者亦各徵完准作下年應解工部料價減除派數

一自嘉靖四十五年十二月二十六日昧爽以前官吏軍民人等有犯除十惡至死與詐傳詔旨交結近侍通夷失機強盜人命及侵盜邊海腹裏倉庫漕運錢糧并貪酷枉法逆黨左道扇惑

人民為從營幹鑽刺指稱誑騙潛住京師窺探為姦者俱不赦外其餘已發覺未發覺已結正未結正罪無大小咸赦除之敢有以赦前事相告言者以其罪罪之

一天下軍民十分窮困國用雖詘豈忍照常徵派隆慶元年分漕運米特與改折十分之三其餘不分京邊起存本折各特免十分之五該部及各撫按官仍設法稽查使霑實惠其嘉靖四十四年以前一應戶部錢糧已徵在官者截數起解拖欠者盡數蠲免如有將已徵捏作未徵侵

世經堂集

卷之五

六

未定

欺盜用許諸人首告拿治不在今赦宥之例四十年以後未完者查開的數分作三年帶徵毋容姦頑得遂侵賴先將分過帶徵數目具奏一內府各衙門供應錢糧朕加意節省用自餘該部務查照弘治年間及嘉靖初年舊額酌量徵派其以後年分加添者盡行革除將革過數目奏知仍造冊送科備照如各衙門假以缺少為由行文加派及該部阿奉准行者科道官即時叅奏治以重罪

一內府各監局庫所收段疋軍器香蠟等項錢糧

戶工二部奏差風力科道官二員前去弔取文卷備查原收若干用過若干見存若干約毀幾年支用造冊奏繳該部將以後應派之數酌量折徵銀兩解部以濟邊用

一嘉靖四十四年以前兵部牧馬草場子粒及騎操孳牧寄養等項馬匹應追虧欠倒失被盜椿頭等銀工部羅段紬絹麻鐵魚鱗翎毛皮張天鵞觔角漆料白榜紙砍柴木柴炭擡柴等銀及工所銀如有拖欠盡行蠲免其已徵在官者照常起解若一應人役將已徵捏作未徵侵欺

世經堂集

卷之五

七

京師華

盜用許諸人首告拿治不在今赦宥之數

一犯罪發高牆宗室除叛逆及內亂強盜人命不宥外其情罪有可矜疑及身故而遺下妻妾無依者撫按衙門查明原犯情由開具奏請

一在京在外見監人犯除已差官審錄外三法司仍將部院錦衣衛見在輕重各犯會同審問如有虧枉卽與辯理其先年重刑人犯家屬有不係原問正律一時比例流置者查理明白放回原籍寧家隨住

一在京在外緝獲強盜妖言姦細等項必須賊證

的實不許貪功圖利及聽信無賴截番之徒妄拿誣陷違者治以重罪其南京法司止許受理在城及百里內軍民詞訟如原告在城而被告在百里外者不得槩行拘提若事發五城俱要送問不許該城輒擅取招追收紙贖內外守備衙門除盜賊機密重情拿送法司究問外其餘人命等項詞訟並不許干預

一在京在外監追還官入官給主贓物除監守侵盜在倉在庫在場銀兩草束及在倉庫領出解運并一應收掌係官錢糧而侵盜者俱照舊監

世經堂集

卷之五

八

京師華

追外其入官贓百兩以上給主五十兩以上若監追二年之上正身已故家屬代追各勘無家產堪以變賣者開具所犯情罪奏請定奪若入官給主之贓不及前數監追半年之外正犯身故勘無家產悉與宥免若係埋葬銀兩正身見在仍依律追給以卹死者

一兩京五府掌印僉書管軍管事公侯伯都督總兵副總兵等官錦衣衛管衛事并管南北鎮撫司事指揮以上官六部等衙門四品以上官并學士及各總督提督巡撫官俱着自陳去畱取

自上裁五品以下文職兩京吏部會官考察浙江等處兩司方面官各該撫按會同考覈應黜降致仕者從公分別具奏仍各聽科道官拾遺其科道官須公同評議不許匿名投匭暗肆中傷

一朝廷用人惟求任當其才若拘泥資格使舉人絕望於九卿歲貢不得為方面殊非飭吏治作士風之意今後吏部用人毋拘三途但有才能卓異者即便破格擢用以示激勸

一今內外衙門添設官員數多加增俸薪有損無

世宗憲

卷之五

九

五

益吏部便行在京各衙門在外撫按官逐一查議果係緊要方許存留其餘冗員一體具奏查革其事簡衙門一官可兼二事者員缺暫停銓補

一各處府州縣大小繁簡衝僻難易不同或逸而得譽或勞而速謗既乖陞黜之宜遂起避趨之巧士風日壞吏治不修吏部通將天下府州縣逐一品第定為上中下三等遇該推陞選補量才授任各官考語獎薦同在優列者先儘上等府州縣陞擢行取次及中等次及下等不惟視

等以為歲月之遲速仍視等以為官資之高下內有以才優才短更調者各就中酌處其各將官所任地方兵部亦以邊腹衝緩分為三等遇該陞調照此施行

一凡致仕閒住為民克軍官員不係考察及犯私罪者不拘自陳被論吏部逐一查開奏請克軍者放回原籍為民為民者與官帶閒住閒住者與致仕中間如有才望過人年力尚壯曾經薦舉者許一體遇缺推用

一在外兩司有司官貪酷恣肆皆由巡按御史不

世宗憲

卷之五

十

五

能正身格物及舉劾不公所致其御史失職又由都察院徇情將考覈視為虛文所致今後御史出差回道都察院務要秉公持正嚴行考覈如或隱護該科即行糾劾該科如敢扶同事發一體重究

一今後撫按官劾到官員但有犯該職私人命者吏部務行提問追贓償命不許槩擬為民間住所追贓銀巡按御史年終各另奏解戶部以資邊餉不許混入歲解贓罰數內其該解部及備賑贓罰銀兩必遇地方用兵修城等項重大緊

急事務方許動支如有仍行饋送并取私用及隱匿入己者司道府州縣官聽撫按叅奏撫按有犯聽兩京科道糾奏其司道府州縣官巧立名色勸借軍民及於本等罪贖之外加罰銀兩米穀馬牛等物或將軍民無子爭繼之家盡沒家產入官尤爲非法着各該撫按官嚴行訪拿禁革如撫按官縱容聽兩京科道官指名叅治

一各處解納錢糧馬匹等項到京被各內外管事人員生造事端刁蹬需索使用之數多於本物

世經堂集

卷之五

十二

成業

以致上納不敷展轉受累該部申明禁約許受害之人指實奏告各治以罪其各門各庫近年額外增添內官司禮監盡行革回

一近來撫按官及各差御史訪察拿人多不得實本欲懲惡反害善良其兩司府縣乘機效尤違法益甚今後並不許再行訪察違者吏部都察院卽行叅奏重加黜罰

一各地方官以講武爲不急以玩寇爲苟安將盜賊妖逆隱蔽縱容不蚤撲滅往往釀成大患今後巡撫守巡兵備及有司衛所掌印巡捕等官

務要操演人馬團練保甲緝訪姦盜杜於將萌如再庇惡殃民巡按御史嚴行叅論以憑重治一宣大山西地方軍民人等或因犯罪逃入虜中或因搶去住彼年久遂爲虜用間有欲率領親識仍還本土者又慮官司追究往事不敢自歸殊爲可憫兵部便行該鎮總督鎮巡及將領等官務要用謀示信多方招徠如有率衆來歸者厚加撫卹仍具所率人數奏聞以憑酌量賞錄遼東陝西三邊一體施行

世經堂集

卷之五

十三

成業

一各邊將士立有戰功往往勘覆稽遲賞不足勸都察院便行文各該巡按御史將嘉靖四十五年十二月二十六日以前未勘報功次俱限三箇月以裏勘覆今後凡有查勘俱不許出三箇月都察院置簿一扇將發行勘合日期登記查考如有遲緩卽行叅論其宣大薊遼等鎮多有奸民冒認錦衣衛舍丁及陣亡軍人子姪濫陞官旗又或一人而數處立功一時而兩三處立功均爲違法兵部兵科逐一清查奏請降革一節年行勘文武職官遷延不報以致奸惡者竟得隱脫被誣者率致湮棄詔書到日各該撫按

官通查原承行官司立限催勘奏報如仍怠違  
叅奏處治

一近年病故大臣有應得卹典而未得亦有不應  
得而得者科道官舉奏定奪

一凡慶賀謝恩等疏非舊制所有者俱各停免其  
一應題奏亦要明白簡直不許以繁詞及鄙褻  
之言瀆擾

一今後在京在外文武衙門大小官員俱要勵端  
慎廉靜之節去虛浮怠玩之私上報國恩下保  
名位一應弊政詔書開載未盡者陸續自行查

世宗憲集

卷之五

三

顧杰

議奏革其凡可以正士習糾官邪安民生足國  
用等項長策仍許諸人直言無隱

於戲觀 耿光而揚 大烈方勉盡於孝思贊帝軌  
而翊皇猷實有資於忠盡凡爾有位尚體朕心各據  
臣輔之誠共保熙昌之祚播告中外咸使知聞

擬 諭禮部議

大行皇帝尊諡勅

朕惟自古明君誼主莫不稱述其親之功德薦之美  
謚垂諸無窮蓋所以廣仁而崇孝也我

皇考大行皇帝 英姿天挺 聖學日新 臨御四

十五年裁決庶政威權無一日不在於朝廷子惠羣  
生意念無一時不存於海宇恩流如雨露令發如雷  
靈外清夷虜之氛內奠邦家之祚斯則成功巍然不  
可尚矣至於肇明典禮植萬古之綱常屢布訓詞闡  
千聖之秘蹟制作大備聲教四敷其文章煥然又莫  
或並焉朕方與天下臣民均切怙戴而 昊天不弔  
龍馭上賓朕惟沖人獲嗣不緒既仰承於 佑啓敢  
或後於顯揚謹按彝規擬升 鴻號爰稽頌德之公  
論用昭傳美之至情爾禮部其集文武羣臣定議  
尊諡擇日恭上冊寶欽哉故諭

世宗憲集

卷之五

十四

顧杰

擬 諭禮部議追尊

聖母禮儀勅

朕仰荷 皇天眷命遵奉

皇考遺詔嗣守丕基君臨萬國邇惟慶源所自我  
生母榮淑康妃恩實大焉朕曩居外邸奉養之禮既  
莫罄於 生前光揚之典又未隆於 身後追思

罔極痛切于衷夫孝在篤於所生愛必由於親始今  
朕方以孝治天下而

母恩未報 大禮未舉其何以表因心之義立成教  
之本哉昔我



皇伯祖考孝宗皇帝上

生母淑妃尊諡曰

孝穆慈慧恭恪莊僖崇天承聖皇太后祔葬

茂陵建

奉慈殿于大內歲時祀享萬世稱孝焉茲當如故事

仰稽 懿德恭薦 鴻稱舉 遷祔之上儀營 崇

祀之專字爾禮部會官詳議來聞

擬 諭禮部議

孝潔 孝烈二后尊諡勅

皇妣孝潔皇后

世經堂集

卷之五

五

張放

皇妣孝烈皇后昔

皇考雖已定有諡號而 尊稱尚未備茲將屆 祔

葬 祔饗之期爾禮部會官議擬并具合行禮儀來

聞

擬 諭禮部具 孝懿皇后禮儀

朕茲篤彝倫遵舊制加諡元妃李氏為孝懿皇后裕

世子為憲懷太子藍田王為靖悼王追封長女為蓬

萊公主次女為太和公主爾禮部具合行禮儀來聞

擬

大行皇帝尊諡冊文

孝子嗣皇帝御名謹百拜稽首言臣惟業莫重於承

祧宜邇本原而欽 駿德孝莫先於傳美必稽典制

以薦 鴻名謹合輿情用稱殷禮恭惟

皇考大行皇帝 睿聖本於天縱 剛健協於乾行

以英斷理萬機權無傍落 以沉毅馭羣下法同私

撓綱紀畢張樞機獨運 普無疆之照燭體夙具乎

通明 施不測之恩威用不昭於神妙粵從早歲深

好尚書逮於中年淹貫羣籍 聲為律身為度禮樂

備而天地官 言為法行為則謨烈兼而佑啓遠更

新戎政率勵將材南殄倭奴嶺海之諸氛悉蕩北驅

世經堂集

卷之五

六

張放

胡虜社蓮之巨孽咸誅一夫無有橫行四方莫敢越

志 注情農事每親奉平報祈 軫念歲饑屢命蠲

平逋負拯民苦則為黜諸司之貪肆因財詘則為止

三楚之經營 孝篤因心 道隆建極定稱 親稱

帝稱宗之議名正言順而事成舉 大饗大祔大襄

之儀內敬外文而誠若蓋嘗仰觀於 德業允矣卓

冠於古今簡冊萬年垂休聲而有赫雲仍百世流慶

澤以無窮上增 廟祏之光下篤邦家之祐爰咨公

論請命于 天謹奉冊寶上 尊諡曰

欽天履道英毅聖神宣文廣武洪仁大孝肅皇帝廟



號

世宗伏惟 聖靈在天 茂膺景制 益弘庇佑永  
衍熙昌謹言

擬

大行皇帝尊諡詔

朕惟自古聖王其生也天下之人相與尊而親之其  
歿也相與頌而思之若堯舜禹湯文武是已洪惟我  
皇考大行皇帝以 上聖之德 撫中興之運 湛  
恩所被莫不歸仁 明威所加罔不震懾蓋在 臨  
御之日為天下所尊親久矣逮乎 宸衷厭世 龍

世宗集

卷之五

七

倪處

馭遐升朕銜衰如荼不勝瘠毀而凡臣庶亦皆摧心  
泣血有喪考之感焉茲朕勅諭文武羣臣稽古禮文  
議薦 諡號博參輿論允協至公乃於正月十九日  
祇告 天地 宗廟 社稷奉 冊寶恭上

皇考大行皇帝尊諡曰

欽天履道英毅聖神宣文廣武洪仁大孝肅皇帝廟  
號

世宗諒爾萬方其頌而思焉之心均無窮也屬殷禮  
之既舉爰渙號之用頒夫仰

皇考之徽稱則必信從其治教感

皇考之餘澤則必翊戴於邦家尚一乃心用若予化  
播告遐邇咸使知聞

擬

孝潔皇后諡冊文

孝子皇帝 稽首百拜 上言臣聞國有大事必  
祖憲之是遵人有公言即 天心之攸在屬將告于  
廟而升祔謹用稽于衆以尊 名恭惟

皇妣孝潔皇后沙麓炳靈河洲騰譽以孝愛承 三  
后懽洽 慈闈以端潔奉 一人敬孚 宸極身範  
克持平淑慎閭儀允備乎徽柔溥逮下之仁每見感

昂參而頌德明事 上之義屢聞脫簪珥以獻忠安  
貞獨得於性成莊敬夙徵於教立爰修內治贊外治  
以咸和式闡 坤元佐 乾元而資始承 天之功

世宗集

卷之五

八

倪處

聿著協 帝之美斯昭邇前代之舊章文母實並尊  
於烈考按 本朝之定制 元配乃祔饗於闕宮敢  
順人以颺言肆籲 天而稱命謹奉 冊寶上 尊

諡曰  
孝潔恭懿慈睿安莊相天翊聖肅皇后伏惟 慈靈  
降鑒彝典茂膺 歆陟廟之明禮崇儼 皇之鴻號

垂光有奕 錫佑無疆謹言

錫佑無疆謹言

擬

孝烈皇后謚冊文

臣聞名以謚尊而處情處厚斯謚之所由傳禮以義起而報德報功乃義之所由協恭惟

皇妣孝烈皇后 德稟坤純 道承乾健奉 兩宮之盛饋克嗣徽音助 九廟之蒸嘗尤嚴孝享六壺式端莊之範 一人資和順之休將事惟勤矜悅之規無斁宜家以惠江沱之詠時聞動罔弗欽言皆有物至解官闈之難尤為 社稷之功視漢姬之當熊心等而力倍擬舜妃之與藥事異而勲同爰稽衆論

世經堂集

卷之五

九

沈嘉禾

之公式遵節惠之義謹奉 冊寶上 尊謚曰

孝烈端順敏惠恭誠祗天衛聖皇后伏惟 懿靈鑒格茂享 鴻名益篤慶於邦家永流光於圖史謹言

擬冊立 中宮勅

皇帝勅諭禮部朕聞天地合而後萬物興君之有后固以法天地而育萬物也朕茲光撫洪圖方期位奠於兩儀和宣於二氣教行於家國澤溥於生成非先正中宮之位名曷克收內治之績効妃陳氏昔荷皇考選配朕躬兼四德以嗣徽本二南而立則可冊立為皇后俾闡化於女順用肇慶於坤寧所有合行

禮儀爾禮部便會翰林院定議并擇日以聞欽哉故諭

擬冊立 中宮詔

朕聞古者天子聽外治后聽內職是以外內和順國家理治稱盛德焉朕茲誕膺 天命君臨萬方深惟王化之成宜資女士之助妃陳氏受命

先皇配朕潛邸徽音克嗣坤道夙彰是用祇告 天

地 宗廟 社稷以隆慶元年二月二十六日冊立

為皇后正位中宮共承 宗祀庶弘四海之化益開

萬福之原播告中外咸宜知悉

世經堂集

卷之五

千

沈嘉禾

擬 皇貴妃冊文

朕惟王化必始於閨門宜備后妃之制 天心欲昌

於胤祚式先女士之釐爰舉彝章用延 景貺咨爾

李氏宅心貞順稟質惠溫恭而能安步履中珩璜之

節敬而無失周旋合圖史之規乃受祉於 神明誕

儲休於 宗社熊羆協夢丕昭震索之祥蘭玉敷華

茂發坤亨之瑞庸頒異渥俾晉崇封茲特遣官持節

封爾為皇貴妃錫之冊寶於戲位以德升已顯陟等

威之峻慶由善積尚益凝福履之隆弼成治理於闕

睢導集禎祺於麟趾欽哉

擬 諭禮部開講勅

朕惟講學乃帝王進德圖治之首務茲

山陵事畢經筵日講宜即舉行爾禮部擇日具儀并合行事宜來聞故諭

擬 勅衡王

近該王奏辭祿糧五千石以補宗室之不足者戶部議稱王所辭過多宜量准二千石為宗藩之勸已依所擬邇來宗室日藩供億寔廣如例以頒祿則常賦不能給加稅以取盈則民力不能勝親親仁民兩軫朕念今王首疏辭祿以惠宗人為王之忠體國之義世澤業

卷之五

主

沈

朕甚嘉焉特用賜勅褒獎王其欽承之故勅

擬 勅南京兵部尚書胡松

朕惟南京乃國家根本重地而機務尤為重託自非歷練老成者莫堪委任今特命爾不妨部事參贊魏國公徐鵬舉等守備機務整飭兵備固守城池操練軍馬撫安人民但遇賊寇生發隨即調兵相機勦捕毋容滋蔓凡一應軍民事務利有當興弊有當革者悉聽爾同守備內外官員計議停當而行其管軍管匠等官并各大小頭目人等若有科擾剋害私自役占下人致妨操練工作等事爾即禁約清理如法敢

有故違者輕則量情懲治重則具奏區處朕又聞南京各衙門近來頗廢法守病國殃民茲以爾才望素優特用簡任爾當益竭忠誠督率以正有該聞奏禁治勿避怨嫌務俾衆職畢修上澤下逮庶副朕意如或偏執以拂公論因循以滋宿弊責有所歸爾其勉之慎之故諭

擬 勅工部尚書兼都察院右副都御史朱衡

茲者徐沛之間運道淤塞漕糧船隻滯留數多朕國計是懷瞻焉南顧特命爾前去督同河道漕運河南

卷之五

主

沈

山東巡撫都御史并漕運總兵叅將及各部屬府州縣等官在河道則求初之所起何因今之所治孰急其處當塞當濬其事當革當循在漕運則計今年未到之糧何由運到明年應輸之賦何以轉輸軍之不得南還者若何安插船之不能南下者若何區處二項應費錢糧於何支給合用人夫於何起取濟急之策奚出通變之宜安在俱要悉心熟議殫力實行期於河道有裨漕運無阻其南直隸河南山東等處大小文武官員並聽爾委用如或抗違推調怠肆虛浮及職司河道漕運而才力不勝或奸貪誤事者五

品以上並聽爾分別叅劾以憑降調罷黜其餘徑自  
提問都御史總兵叅將有剛愎怠玩不務同心求濟  
者亦聽爾指實奏聞究治爾候事畢之日具奏回京  
有功人員聽爾論薦望賞朝廷謂爾素有才望舉茲  
重任屬之於爾爾尚感知遇之不易得思建立之存  
乎人開誠布公以來衆謀勛躬任怨以率羣力庶副  
任使益迓寵恩爾其勉之慎之故諭

擬 勅叅贊機務南京兵部尚書

該兵部題稱留都乃根本重地近因倭警添設振武  
等營各以都督管領但叅贊大臣責任雖重而府部  
衙門相等原無統攝又與操江及巡撫都御史事體  
俱不相關猝遇有警勢難展布合重其事權以便責  
成等因今特命爾除照常叅贊外其南京五府僉書  
都督但係分管振武神機大小教場者俱聽爾節制  
操江及應天淮揚巡撫都御史凡事與爾協同計議  
而行副總兵叅遊兵備等官俱聽爾委用調遣敢有  
抗違者並卽指名叅究一應合行事務仍聽爾便宜  
處置朝廷以爾素有才望特加重託爾宜殫忠竭慮  
開誠布公以懋建保障之績如或偏私怠弛致負委  
任朕將爾責焉爾其欽哉故勅

世經堂集

卷之五

五

五

擬 勅工科右給事中何起鳴

朕昨因運道淤塞命尚書朱衡前去整理隨據奏開  
新河已經工部題覆興工外今給事中鄭欽劾奏衡  
妄濬新河以圖僥倖欲令該部從長計議或新河必  
可成或舊河必當濬等因緣事在彼中難以遙斷漕  
運重務宜加詳審庶不虛費財力妨誤國計茲特命  
爾往彼會同衡及都御史潘季馴并各地方官虛心  
看議要見新河果否可開開成之後能否通運舊河  
果否可復所用之力比開新河孰多衡之持議是否  
剛愎偏僻季馴等是否別有的見務得定論長策星  
馳奏報以憑施行欽又劾衡在工所虐民凌下驚擾  
衆心等事爾一併從公查勘具奏衡所施爲果有乖  
謬卽與改革必期事集民安以副朕意地方兩司府  
州縣等官並聽爾委用如有抗違怠誤爾卽指名叅  
治朕以爾係耳目之臣特茲任使爾宜盡心竭誠爲  
國遠計固不可求異亦不可苟同如弗慎詳致有差  
誤朕將併爾加責爾其欽哉故諭

擬 勅兵部左侍郎兼都察院右僉都御史

遲鳳翔

朕惟安邊固圉爲備當周爲謀當預聞前鎮邊牆

世經堂集

卷之五

五

五

因夏月霖雨倒塌數多該鎮正在興工修理而復值秋霖旋築旋圯今不知工程果已何若文武吏士久事版鋪勞瘁之狀恒軫朕心又今入秋漸深萬一工未即成其禦虜之策安出計諸邊臣義存報國志切立功當必有成畫矣茲特命爾前去該鎮宣布朕憫念之意徧歷緊要處所驗督工程勞撫士卒俾毋勞沮倦怠必期早完仍會同總督劉燾總兵官李世忠劉漢巡撫耿隨卿及各將領兵備等官悉心計議目今若何從宜戰守日後若何經久倘禦凡有長策逐一具奏中間或有顧忌不敢自言之情拘礙不能自

世經堂集

卷之五

五

五

為之事亦就從實條列奏請朝廷謂爾有才識特茲遣用凡宣上達下攘外安中皆於爾此行是賴爾其勉之慎之以副簡命欽哉故諭

擬 勅監察御史譚啓等

朕惟倉庫錢糧係是重務歲報文冊原有定規近時有司怠玩開造不明以致姦弊多端錢糧埋沒今特命爾前去浙江南直隸等處地方查照該部題准事理弔取節年巡按御史查盤文冊并各該收放卷簿將一應遠存近積備兵備荒但係在倉在庫錢糧逐一查覈明白內原該存留本地方支用者照舊存留

原該起運及存積無礙銀兩盡數起解如有那移冒破侵欺等弊爾即按法叅究已解未獲批單者一面開行戶部查各曾否解納一面嚴提家屬監併嘉靖四十二年以前錢糧尤要多方查訪但有已徵在官及糧里人等經收者一併解部毋容捏作拖欠濫免四十五年全徵并隆慶元年半徵及帶徵四十三年錢糧與今部議查取催解改折轉處等項銀兩俱要督令上緊解納凡所起解先將各名項數目所差人員職名所定期限行部知會其餘開載未盡事宜聽爾比類查究計處地方撫按官不得干預三司以下

世經堂集

卷之五

五

五

官並聽委用承委并各掌印管糧官悉聽爾分別賢否舉劾昨工部題稱該部料價匠價段足柴炭等銀并事例銀兩多被官民侵匿爾宜一體清查事完各另造冊奏繳青冊送部查考爾受茲委任須殫心竭誠不避勞怨仍先告示百姓使知朝廷非有額外詔外之徵曉諭諸司使各體國以補京邊蠲免五分之費其有官吏人等乘機科擾者嚴行拿問務俾國用足民生安斯副朕意如或寬縱怠誤責有攸歸爾其欽承之故勅

擬 勅都察院左副都御史鄒應龍

朕惟鹽法屯田關係國計甚重近來法既廢壞田亦失額致虧兵餉有誤邊防已該兵部會議謂宜差官整理今特命爾前去總管兩浙福建二鹽運司雲南廣東等處各提舉司兼理江西浙江福建兩廣雲貴湖廣江南南隸等處屯田會同各該撫按巡鹽管屯御史督同三司運司府衛提舉州縣等官備行查議在鹽法則阻滯者作何疏通私販者作何禁制專利偏累者作何調停行鹽地方及本色折色今昔不同者作何定擬在屯田則拋荒者作何召種開墾奪占者作何清理撥給有名無實者作何勘處侵盜拖欠

世經堂集

卷之五

七

子粒者作何追徵利有何者當興弊有何者當革各先逐一講求停當奏請候旨施行中間如有議論得失相半而難斷事勢彼此掣肘而難行者亦各從實條奏以憑處分其各官并地方仕宦豪強人等有持見偏私奉行虛怠陰騰沮毀明肆抗違者俱許爾指名叅究文武職官賢能不職者仍照例舉劾爾為風憲大臣受茲重委須虛心殫慮以協衆謀執法任怨以期成績如或輕舉妄動及苟且因循有負任使朕必爾責焉其敬之慎之故諭

唐繼祿文同但改今命爾前去管理河東運司陝

西花馬池四川提舉司兼理宣大山西陝西四川等處屯田

龐尚鵬文同但改今命爾前去總理兩浙長蘆山東三鹽運司兼理江北山東遼薊保定河南等處屯田

朕祇奉 擬 勅兵部左侍郎兼右僉都御史劉藻

祖宗大業計安中外夙夜不遑毋因邊臣幹理諸務率騁虛詞徒飾文具屢降旨諭責以實為又於去冬令廷臣集議得其所當施行者數事已經行去着落

世經堂集

卷之五

七

修舉但恐人心不一舊習難除罔克體於朕心仍未臻於實効目今秋防漸近尤當慎圖特命爾帶領兵部王事其前去宣大山陝等處查照原議逐一巡視軍士之逃故役占者曾否勾補清查兵馬之老弱疲羸者曾否選汰饑養城堡之修築未完者因何妨阻已完者果否堪以守禦器械之製造未完者因何稽延已成者果否堪以刺擊操練能否脫去常套公行賞罰糧草能否除去捏報如期給與民兵之團結有無積効宿弊之禁革有無盡絕受命幹理者孰為誠信孰為偽巧領檄閱視者孰為躬親孰為轉委庶鎮



各據實跡開立款目較量分數將鎮巡兵備叅遊有司等官從公分別功罪奏請其各鎮馬疋倒失數多仍講求弊端所在與今興革所宜并地方一應重大緊要事情原議開載未盡者並許條奏文武吏士有奇才異能者不拘見任廢閒亦許保舉爾去鎮未久朝廷特茲召用宜知感奮殫竭忠誠凡所奏陳毋忽毋隱仍宜安靜儉約毋責兵馬之送迎毋濫受有司之供應致有勞費負朕振飭邊事之心爾其念之慎之故勅

兵部右侍郎兼右僉都御史王之誥文同但改前

世經堂集

卷之五

无

何二金

去薊遼昌保等處

擬 勅署都督同知戚繼光

朕聞制虜之道莫先於強兵欲兵之強必由於訓練矧惟薊鎮切近京師擇將練兵尤乃要務昨該總督譚綸具奏已經議允茲特命爾前去總理其事該鎮將官自總兵以下俱聽節制爾仍聽總督節制凡事具呈總督計議停當而行其餘文武大小官員俱不許干與撓沮如違呈總督叅奏處治各兵於練習之時有怠肆違犯者輕則量行責戒重則具呈總督處以軍法朕以爾嘗策勲於南故茲簡用爾宜益勵素

志大展才猷必使所練之兵克堪戰守斯副朕意如或驕怠因循訓練無効朕必爾責爾其勉之慎之故諭

擬 勅司禮監太監王臻

朕念景王薨逝府中無知事體者特命爾前去總理一應事務爾須仰體朕心督率本府官屬人等慎護王柩祇奉靈筵宮眷日用之需必令給足內外出入之限必加謹嚴庫藏存積之貲禁戢下人毋容侵盜田湖租稅之籍查發所司毋容欺隱其靈柩歸葬并王妃宮眷回京諸凡事宜爾逐一整理完日即由水路前來沿途應付供用等項已勅湖廣撫按三司等官同爾計議而行合用紅船馬快船隻已勅南京守備官撥付若所撥船隻不敷裝載爾就酌量添取本府祿米器物等件應帶來者帶來應發落者發落靈柩及宮眷在途爾尤須用心照護隨行人員嚴加約束不許分外生事勅內開載未盡事宜俱聽爾從宜處置爾受茲委託務要勤謹周詳俾事無失誤人不勞擾斯副朕懷爾其敬之慎之故勅

擬 勅內官監太監李佑

今命爾前去蘇杭等處織造上用紵絲紗羅等件爾

世經堂集

卷之五

三

何二金

宜會同各該撫按官遵照發去原樣從實估計其樣  
其色毋疋該物料銀若干機張箱櫃等項銀若干行  
令各該司府查照舊規於官銀內支用仍行司府各  
選委廉能官一員提督匠役如法織造務要細膩鮮  
明陸續解進原額人匠照例給與月糧并免其差徭  
凡給發銀兩爾及司府等衙門減扣宿弊使用常例  
務與撫按官嚴加禁革織造完日具奏回京爾受茲  
任使須以上供為重督率一應官匠不許疎怠違背  
尤須體朕恤民之意持廉秉公勿假此有所科歛及  
於欽降疋數之外擅自增加以致費財擾民仍禁約  
帶去人員毋容侵尅錢糧倚勢生事有負朕委爾其  
慎之慎之故勅

世經堂集

卷之五

圭

類

擬 勅御馬監太監趙玠

茲命爾帶領人匠前去南京供應機房遵照發去花  
樣上緊併工織造照依蘇杭織造太監李佑事例陸  
續徑進御前合用物料及一應工費亦照李佑會同  
南京戶工二部并科道官從實估計查照舊規行令  
各該衙門處給其內外人匠如有侵尅錢糧倚勢生  
事者許科道官參奏重治織造完日具奏回京爾受  
茲任使須以上供為重用心督理尤須體朕卹民之

意持廉奉法以率下人毋得多科妄費自取咎責爾  
其戒之慎之故勅

擬 賜各宗室書

先該言官劾奏伊王與樸陰蓄異志恣行僭擬事下  
禮兵二部議謂宜正國典朕念宗親止從薄罰近又  
該河南撫按官奏稱典樸負恩稔惡屢抗明旨私造  
兵器畜養戰馬等項跋扈不臣罪狀顯著復下禮部  
三法司叅看咸謂法當重處朕仰遵 祖訓俯從公  
議不敢以親曲宥然猶未忍即寘于辟姑革爵降為  
庶人押發高牆禁錮削除世封少懲不軌朕於典樸  
每欲保全冀其省改而典樸怙終不悛悖逆滋甚孽  
自己作恩難復施朕恐宗藩未能盡悉專書以達惟  
叔亮之

世經堂集

卷之五

圭

類

擬 廷試策問

皇帝制曰朕聞治天下者審所尚夏尚忠殷尚質周  
尚文皆聖人所以抹弊之政也周之末文日以勝當  
漢盛時論治者已謂宜損周之文致用夏之忠況今  
去古益遠文之弊其可弗抹哉然人情之趨於偽也  
猶水之趨於下也今欲使損文而用忠其道何繇士  
大夫者民之表也朕於百司屢詔以實為訓庶幾有



副朕意者徐而察之則修政者或圖美觀聽而未能  
建保邦之業獻議者或徒工詞說而未能效濟時之  
猷稱愛民者或飾其言而乏一體之心名任事者或  
張虛聲而罕特立之節致身之義非不知也而鮮克  
盡瘁於蹇蹇慎獨之訓非不聞也而率多惰行於冥  
冥然則欲望民之還於忠也不亦難乎夫古之民不  
賞而勸不怒而威於鈇鉞乃今士大夫且不能然其  
故何也爾諸士上下古今必有慨於茲矣其爲朕根  
極弊源與所以抹之之術詳著于篇朕將擇而行焉

擬宣諭三衛進貢夷人

語意雖出禮部然當  
進呈故附於此

世經堂集

此

卷之五

五

張敬

禮部欽奉  
聖旨宣諭三衛進貢夷人你們都督并你衆頭目人  
等比先祖父蒙我

成祖文皇帝賞你地土住牧賞你都督等項許大職  
事又立下制度許你一年兩次朝貢賞賜你筵宴下  
程段絹衣服靴襪及許你開市買賣貨物到我  
聖上座遇你們來貢一應 恩典申勅各該衙門務  
加優厚你們父母妻子飲食服用養生送死許多富  
貴榮耀那一件不是我 天朝的這箇 恩德與天

一般樣大 朝廷之意只爲要你做箇藩籬捍禦達  
賊所以待你如此今達賊從你地方進我古北口等  
處作歹你都督等官既不用力堵截又不預先奏報  
天朝得知閉口坐視縱令深入豈不背違了 天道  
孤負了

天恩且如你家養一箇人原要他殺賊今却喫了你  
的飯不能出一力又如你家養一隻犬原要他吠盜  
今却喫了你的食不能吠一聲你的心下却道如何  
論 朝廷的法度本就該將你夷使拘留處置及治  
你都督的罪但

世經堂集

卷之五

五

張敬

聖上天心憐憫你們沒見識因此且饒這遭 命我  
宣諭你們知道你們如今回去備細說與都督務要  
知恩報恩遇有達賊作歹儘力爲 天朝堵截仍預  
先多方哨探但有聲息作急奏報不許如前隱縱你  
若敢如前隱縱輕則削了你官職絕了你朝貢革了  
你 恩典教你一夢沒得受用重則發兵剿你收了  
原賞的地土教你沒處安生你那時悔之無及矣今  
朝廷已將京管人馬從新立法簡練精壯又調募下  
許多良將勁兵整備下許多錢糧器械要大殺那達  
賊一番你們各要仔細這事雖在你都督王張你們

實同着這箇利害各牢牢記着我的言語去與都督  
說好生尊奉 天道自來多福

世經堂集卷之五

世經堂集

卷之五

五

頤杰

世經堂集卷之六

奏疏一 禮文類

請冊立東宮

臣等竊惟帝王承天道而理天下正名為先定國本以繫人心建儲為急故易稱主鬯禮重承祧殷書載以貞之文漢臣陳番建之議自三代以來明君哲后暨我

祖宗列聖未有不由此道者也仰惟

皇上功叅三極道冠百王治化極於雍熙謨烈昭於佑啓是以靈承帝貺秀毓天潢式彰昌後之符茂衍

世經堂集

卷之六

章國華

光前之業然而春宮未正震位尙虛國本攸關詒謨貴預天下臣民翹首跂足以望冊立之典謂今日朝廷之務莫有大且急于此者恭惟 聖誕伊邇鼎命郅隆萬福攸同羣方來賀允騰南極耀啓前星適觀典禮之敷允協天人之會是宜肇開 鶴禁丕闡鴻儀不惟 育德青宮實以承懽 紫極上答天眷下副輿情此 宗社億萬載無疆之基而天下臣民之大慶也查得先年冊立 東宮該本部具題百官表請恭候 命下擇日具儀 臣等濫叨邦禮之寄夙懷犬馬之心敢瀝悃誠仰干 天聽伏乞

皇上深惟國計容令本部照例舉行臣等幸甚天下幸甚

嘉靖二十八年七月初九日 留中

再請 冊立 東宮

臣等竊聞自古帝王計安國家莫不以建儲為急良以太子天下之本本立分定則天下之志一而朝廷之勢尊也仰惟

皇上至仁大孝天親

祖享 神功聖德遠柔邇安和氣薰蒸嘉祥畢集天下臣民固已懽忻鼓舞自慶遭逢之盛矣惟是臣儲

世經堂集

卷之六

二

位尚虛恒切瞻望乃今三陽啓泰蒼震發祥肇建元良昌辰適協臣等查得 累朝冊立 東宮例該本部具題勲戚文武百官上表陳請用敢披瀝誠悃仰瀆宸嚴伏乞 聖明深惟 宗社之計俯察臣民之情容令臣等照例舉行天下幸甚天下幸甚臣等不勝懇切祈請之至

嘉靖二十九年正月二十一日 留中

三請 冊立 東宮

臣等竊惟自古帝王莫不以建儲為急此其意無他蓋欲定國本繫人心為長治久安之計而其有司亦

往往以蚤建為請此其意無他亦欲計安國家以求盡其職守而已臣等備員禮官嘗竊思 國家大計之所存與夫臣等職守之所重前歲七月去歲正月皆嘗以冊立 東宮為請

皇上慎重禮儀而未下仰惟 聖見淵微固非臣等淺陋所能窺測但臣等奉 累朝之明例十五歲者東宮選婚之期也據書生之舊聞十五歲者天子之元子衆子入大學之年也夫及時而婚則嗣續之源可廣過時而學則克養之功難成今 皇子年既十五選婚諸學實維其時矣而鴻名未正鶴禁猶虛

世經堂集

卷之六

三

無濟

此天下臣民所以翹首跂足仰望 冊立之命而臣等禮官尤切惓惓者也伏乞

皇上準禮審時容令臣等照例擇吉上表

皇上降 明詔立 元良于以弘燕翼之休衍敬承之緒開子孫千億之祥而綏萬萬世太平之業則天下幸甚臣等幸甚

嘉靖三十年二月初一日奉

聖旨知道了

四請 冊立 東宮

該臣等題前事奉 聖旨知道了欽此欽遵查得舊

例冊立 東官該公侯駙馬伯文武百官於 左順門三上表陳請每次俱該鴻臚寺官設案司禮監官捧進各官就於本日恭候 勅旨宣諭仰惟 冊立盛典 等題請擇吉上表舉行荷蒙 聖明俯賜容許天下臣民不勝忻戴 等謹擇得本月初七日申時上表吉謹照舊例先期行移鴻臚寺設案于 左順門至期會同公侯駙馬伯文武百官恭上表文司禮監官捧進恭候 勅旨宣諭謹具題 知

嘉靖三十年二月初三日奉

聖旨知已非行事謂

世宗憲

卷六

四

頤濟

五請 冊立 東官

嘉靖三十年二月初一日該臣等查得 累朝舊制東宮十五歲而選婚及查得古者天子之元子十五歲而入大學題請舉行冊立大禮奉

聖旨知道了欽此欽遵今既踰年 皇子年十有六矣夫婚姻之禮莫貴於時時則可以開昌後之祥養正之功莫貴於預預則可以就敬承之德乃今 皇子年十六則於婚也似不宜復後而於學也亦不宜復緩 臣等深惟周人愛君惓惓子孫千億之祝虞廷命官諄諄典樂教胄之訓且自惟備員禮署職掌攸

存於 皇子選婚講學二事實切願望竊嘗仰稽

舊制 東官 親王禮數不同若非名位先正則儀

文難備事體或窒此 臣等 冊立之請所以不避煩

瀆屢進而不容已者也伏乞

皇上聖念 宗社大計容令 臣等照例擇吉上表恭

請冊立以次舉行選婚講學之典庶名正言順事成

而 聖治益隆矣 臣等無任懇祈之至

嘉靖三十一年正月二十一日奉

聖旨朕二子只着以本禮冠婚已別有旨了

擬請 冊立 東宮表 奉 旨罷不果上

世宗憲

卷六

五

何啟

伏聞王者家天下式崇佑啓之謨聖人一民心爰重繫屬之道易稱王聖禮著承祧咸計存乎國家故禮隆於儲貳恭惟

皇帝陛下 道參元始 治協神王太孝至誠字格

於 郊廟深仁厚澤淪浹於寰區是以昭受天庥靈

承 祖佑益斯蟄蟄應堯封多男之祈麟趾振振恩

禹甸有子之望然而 虞姿向茂 儲位猶虛豈

宜騰漢廷之章用培國本三朝當修周寢之禮仰奉

宸權況今時際陽亨月當春仲條風駘蕩開出震之

祥化日融和示重離之象允承熙運實屬昌辰伏乞

聖明遠覽古今治安之機深惟 宗社靈長之自誕  
敷鳳綵煥舉鴻儀則少海流長天潢增潤前星耀啓  
宸極彌尊于以仰承皇天錫胤之心茂衍  
祖宗昌後之福實惟大計豈獨舊章臣等無任祈請  
之至

題請 二王冠婚

嘉靖三十一年正月二十一日該司禮監太監麥福  
等傳奉

聖旨二王當冠并選婚禮部便開具事宜來看合用  
冠服等件通行各該衙門整理欽此又於禮科抄出

世經堂集

卷之六

六

何盛業

該臣等題爲請舉冊立 東宮大禮事奉

聖旨朕二子只着以本禮冠婚已別有旨了欽此除

欽遵卽行各該衙門整理合用冠服等件外臣等謹

據舊例將冠婚事宜開具上呈 聖覽但舊例親王

該冠於 奉天門前之東廡今若 二王同日行禮

誠恐執事人衆不便周旋又舊例 親王該出府成

婚今府第修蓋須經歲月方得完備臣等愚昧欲照

二王長幼之序先於二月初旬擇吉行 裕王冠禮

隨於旬日之中擇吉行 景王冠禮他日成婚吉期

亦然至於出府一節欲乞 聖明於皇城內 欽定

宮宇二所與 二王成婚待後府第修完之日該部  
另行題請臣等恭候 聖明裁定遵奉具儀

嘉靖三十一年正月二十三日奉

聖旨是二王同體如何又要分別着三月行冠禮婚  
選候勅下府第便修二所不許違慢

題請 二王冠禮

禮科抄出該欽天監具題 二王冠禮吉期內開三

月初一日卯時吉等因奉 聖旨是該衙門知道欽

此欽遵所有儀注理合開具上請案呈到部臣等通

將先年儀注查得諸司職掌親王冠禮有贊冠官而

世經堂集

卷之六

七

顧杰

成化間續定儀無贊冠今照品官冠禮尙有贊則

親王之贊似不可無又查得諸司職掌前期三日各

執事官於禮部習儀而續定儀前期於 奉天門前

東廡習儀今照冠禮行於 東廡各執事官似當於

前期之三日赴冠所演習又查得諸司職掌冠醮祝

詞皆賓自宣祝而續定儀別有宣祝官今照賓之宣

祝乃其執事所據宣祝官似不必用又查得弘治間

二王同冠各用持節官一員總用宣 勅戒官一員

今照 勅戒原只一道似應只用官一員恭宣而持

節官例該克賓似應與贊冠官各用二員供事又查

得會典諸王冊立弟見兄皆四拜今 景王之冠除一應儀節俱與 裕王相同外其謁見

皇上及 母妃之後似應比照前例詣 裕王前行四拜禮臣等謹將舊儀逐一斟酌開具上請再照傳制遣官及禮成受賀臣等雖據舊儀開擬御殿但今遇免朝所有傳制遣官合無照近年冊封事例施行成禮稱賀只行五拜三叩頭禮免致詞臣等俱未敢擅擬伏乞 聖裁

嘉靖三十一年二月初一日奉

聖旨是御殿門賀俱權免餘依擬欽此

世宗憲集

卷之六

八

類志

覆讀 二王講讀

臣等看得給事中章道題稱 裕王 景王今踰志學之年正及講讀之候乞 勅禮部會議舉行一節臣等竊聞樂記曰玉不琢不成器人不學不知道言貴學也又曰時過然後學則勤苦而難成言貴預也古者自天子之元子衆子以至公卿大夫元士之適子皆十五而入大學此其爲教蓋通乎上下矣然臣等嘗伏讀

太祖高皇帝聖訓有曰天子之子與公卿士庶人之子不同公卿士庶人之子係一家之盛衰天子之子

係天下之安危則學固通乎上下而在天子之子尤重且急洪惟 聖朝大本堂之建肇於洪武之初講讀之規詳於天順弘治之際良法美意萬世所當遵也乃今 裕王 景王殿下年已十六臣等近於舉行冠禮之日伏見器度凝重威儀整肅仰惟 大聖人之子英偉濬哲誠皆得之性生然而涵養擴克其在常理要必資乎學力臣等前者具疏固嘗謂養正之功莫貴於預預則可以就敬承之德矣所據章道奏乞及時講讀實出效忠

皇上之意伏乞 聖明俯從所請容令臣等會同內

世宗憲集

卷之六

九

奏議

閣議擬合行事宜上請 聖裁及行欽天監擇吉乘此春和出閣講讀臣等幸甚天下幸甚奉

聖旨這事朕與卿等計令舉行何待適言彼竊以爲瀆法宜叅究何乃借之

請復歲祫告 廟

照得本月三十日恭遇歲祫之期查得大明會典祫祭項下開載前一日用祝文酒果遣官祭告

太廟又用祝文酒果遣官祭告

祧廟及查得嘉靖二十四年六月初十日節奉 聖諭四祭歲祫都着照舊行欽此本月十四日又節奉

聖諭著悉照 累朝原行行事欽此臣等竊惟前項祭告之禮既載大明會典此正 聖諭之所謂舊典所謂 累朝原行者而時所司未曾題請舉行 宗廟大禮臣等今待罪禮官不敢緘默謹備錄會典所載全文上呈 御覽伏乞 聖裁勅下臣等遵奉施行奉

聖旨是照舊儀行

題 莊敬太子喪禮

嘉靖二十八年三月十七日該司禮監太監劉清傳奉

世宗憲集

卷之六

十

宋欽宗

聖諭朕皇太子今日已時疾作當即薨逝合行事宜便查例具儀來看欽此恭捧到部案查景泰四年成化八年及嘉靖十二年雖節有 皇太子喪儀但俱在下殯奉 旨禮從簡殺今 皇太子冊立已踰十年近又已成冠禮所有先年簡殺儀文未敢援據為例臣等謹按 本朝喪服之制父為長子服期又按儀禮臣為君長子齊衰不杖期傳曰何以期也從服也言從君而服也臣等謹叅酌古今事宜開具初喪儀注上請伏乞 聖裁勅下遵行

計開

一小殮大殮日欽天監選擇徑自奏開

一自十七日至十九日

皇上服淺淡服色二十日易素服凡十二日而除

一成服日

皇上遣祭一壇 皇太子母妃祭一壇 皇妃共祭

一壇 裕王景王共祭一壇公主共祭一壇

內官內使共祭一壇東官六局官共祭一壇

一自十八日為始輟朝不鳴鐘鼓至除服日止

一每七百日

皇上遣祭一壇 皇太子母妃祭一壇 裕王景王

世宗憲集

卷之六

十

宋欽宗

共祭一壇

一文武百官自十八日為始具素服烏紗帽黑

角帶於本衙門宿歇至二十日早具齊衰服

不杖赴思善門候大殮畢舉哀行四拜禮仍

共舉祭一壇而退

一翰林院撰祭文光祿寺辦祭物

一二十一日百官具素服烏紗帽黑角帶詣西

角門行奉慰禮退易布裹紗帽經帶麻屨于

各衙門辦事通前成服日為始十二日而止

一在京自開喪日為始禁屠宰五日



一在京軍民人等各素服十二日而除其聽選辦事官吏監生僧道耆老人等仍俱於二十日赴順天府官俱素服監生人等素服舉哀行四拜禮

一各王府南京浙江等布政司及直隸府分請勅本部差官計告

一諸王世子及王妃郡主以下聞計次日具素冠服舉哀行四拜禮畢服十二日而除

一在外文武官員人等聞計次日各具素服舉哀行四拜禮畢易素冠服經帶麻屨十二日

世宗憲集

卷之六

十一

聖祖

而除

一各王府天下文武衙門俱免進香

一頒發引等儀另行題請奉

聖旨天子絕期況十五歲之外方出三殤朕服非禮止輟朝十日百官服制可無詣門哭臨之禮着諸停柩之所行其餘依擬

會議 孝烈皇后忌祭

昨該禮部以 孝烈皇后忌祭禮儀上請伏奉

聖旨奉先殿未設后位此件朕已前冬慮矣你等執泥美文不思大義今雖至祈廟庭恰把我當箇閨位

今正禮必奉遷

仁宗主位

奉先設后牌即我廟次為宜禮部便會官從正歸一議來欽此欽遵臣等會同後軍等都督府太保兼太子太傅宣城伯等官衛鐸等吏部等衙門尚書臣官夏邦謨等議得禮有經權易大時義 孝烈皇后久正中宮功德隆重專室祔享經禮昭然但在今日則有未宜遽言者去歲伏奉 勅諭

太廟九室皆滿正義即當奉

仁宗桃蓋后位即朕之位序也今且藏主于 皇妣

世宗憲集

卷之六

十一

聖祖

之側每遇享居本大止設位儀品視不必及庶於位次既明情義攸協仰惟 宸見得易之時達禮之權真可為千萬世之法矣乃茲忌祭在邇臣等具題節奉 明旨奉先殿未設后位今正禮必奉遷

仁宗主位

奉先設后牌即我廟次為宜夫

奉先殿 后位未設誠於禮為未備然而遽及廟次揆之時義臣等臣子之情不惟不敢實不忍也竊以為 孝烈皇后神位似宜仍遵 勅諭所定奉安于奉先殿慈孝獻皇后之側凡祭享儀節除忌祭讀祝



外其餘並如 勅諭則

皇上追報之心以慰 孝烈皇后之靈以妥而禮制歸一矣

忌祭密疏

昨該臣題請欽定 孝烈皇后忌祭禮儀伏奉

聖旨會議臣今謹已會官議奏但 臣愚衷於會疏間有未敢顯言者切念 臣叨荷

皇上天高地厚之恩又不敢不罄竭以仰副下議之意蓋古之議祧皆子為其親當祔不得已而遷其親

盡之祖今之事體則頗不同 臣若不盡言他人或有

世宗憲

卷之六

古

五

言者 臣負恩之罪不容誅矣夫 孝烈皇后久位中

宮功德隆重專室 廟祔自有定禮其在今日固無庸預議也伏惟

皇上深留 聖思勉從去歲 勅諭實於情義攸協

臣無任懇切仰望之至 次日會議疏奉

聖旨你每懷二之心牢至於今茲未專論后也非比

引子為親又大非夫為婦正義止以朕躬論無人肯奉議徐階楊思忠兩箇定將來就是

再議 孝烈皇后忌祭

昨該禮部題 孝烈皇后忌祭禮儀節奉

聖旨禮部便會官從正歸一議來欽此隨該 臣階等欽遵會同五府九卿詹事府翰林院國子監六科十三道等衙門宣城伯等官衛鏗夏邦謨等議得 孝烈皇后神位宜仍遵 勅諭奉安于

奉先殿慈孝獻皇后之側凡祭享儀節除忌祭讀祝

外其餘並如 勅諭則

皇上追報之心以慰 孝烈皇后之靈以安而禮制

歸一等因題奉

聖旨你每懷二之心牢至於今茲未專論后也非比引子為親又大非夫為婦正義止以朕躬論無人肯

世宗憲

卷之六

五

五

奉議徐階楊思忠兩箇定將來就是欽此欽遵 臣階

臣思忠伏讀 御批你每懷二之心牢至於今 臣等不勝恐懼又伏讀 御批茲未專論后也非比引子

為親又大非夫為婦正義止以朕躬論 臣等自惟淺昧不能仰知 聖意之所存又益深惶悚竊惟周建

九廟三昭三穆率六世而桃然其後兄弟相及則亦

有不能具六世者況 國朝 廟制本用同堂異室與周禮不同今

太廟之中九室皆滿若以 聖躬論

仁宗之當桃何待論說但此乃他日 聖子神孫之

事而仰煩

皇上身自議之則臣等之心尙有所未安者謹按夏廟五商廟七周廟九夫既可自五而七自七而九則九之外亦可增也禮有協諸義而協者可以義起也況有例可準乎臣等狂妄以爲今日之事宜準三代廟數遞增之例於

太廟及

奉先殿各增二室而以其一升祔 孝烈皇后則

仁宗可不必祔而 孝烈皇后可速正南向之位且在

世宗憲

卷之六

未

禮

皇上無預祔以俟之嫌也臣等學識疏謬議無可採

伏乞 聖慈矜宥奉

聖旨會議者人人都當盡言你兩箇各一言之卽罷豈不是懷二你亦臣子之義正當力請該祔該祔之正又何喚自議又禮之正處何避預祔以俟爲嫌邪還着歸一會奏來看

東府啓請儀注

世廟初崩  
穆廟時在東府故請啓請

內閣等官詣 府啓請於門外一拜三叩頭以啓本及儀注交與承奉捧入 殿下覽啓本訖舉哀具黑龍善冠青布服黑角帶傳 旨內閣等官先回乃

乘轎啓行

轎用青布帷

官眷暫畱府中兵部錦衣衛添撥官軍官校守衛候 旨宣入

撥官軍官校守衛候

旨宣入

後於十五日五更入居 乾清宮西暖閣

入內儀注

一 駕由東安門入將至 乾清宮門前下轎步哭釋冠服被髮詣 御榻前五拜三叩頭周視 御體且視且哭視畢至喪次 皇貴妃等俱不相見

一至喪次 命司禮監云說與內府各衙門查照舊規辦理喪儀諸務不許遲悞又云說與皇城內外官員嚴謹守衛仔細關防不許疎怠又云着一箇文書官去問內閣告 內殿怎麼行禮着具儀注來看司

世宗憲

卷之六

七

禮

禮監各承 旨傳行其小殮等項依欽天監所擇日時行儀注另具

一 臣等具告 內殿儀注同 遺詔稿親齋至 駕

所在之處承奉捧入 進呈候 覽訖如有更改逐

一批示臣等另具稿 上進如無更改承奉傳示

臣等書寫仍 命司禮監官一員同臣等看用 詔

書寶并 頒詔供事

一次日頒 遺詔 命司禮監云說與禮部會同翰

林院具

大行皇帝喪儀來看又云說與兵部并京營提督官

選撥官軍於皇城京城各門嚴謹守衛又云你亦宜同內閣查照舊規報計于各宗室

擬告 內殿儀注

茲奉 旨命 臣等具告 內殿儀注 臣等謹按 累朝實錄止言以

大行皇帝賓天告 內殿而不載告文亦不言是親告或遣某官告及具何項儀物蓋因初喪哀痛荒迷故不用文亦不親告又其時未頒 遺詔故不遣大臣又因凶事故不具酒果脯醢等今擬 命司禮監官一員具香燭恭謁跪告云

世宗憲集

卷之六

太

禮

大行皇帝於某日某時賓天謹用告 知告畢三叩頭而退遣官烏紗帽素衣黑角帶伏乞 裁定施行

大喪儀注

十五日發喪不鳴鐘鼓 殿下素服詣

大行皇帝前舉哀哀止小殮括髮設奠不用舉哀歸

喪次 皇貴妃等妃 殿下妃 皇孫 涇簡王妃

等妃 景恭王妃 寧安公主舉哀禮同哀畢各歸

喪次

是日頒 遺詔

十六日大殮 殿下素服束髮詣

大行皇帝前舉哀設奠不用大殮畢奉安

梓宮設 几筵安 神帛立 銘旌哭盡哀 皇貴

妃等妃 殿下妃 皇孫 涇簡王妃等妃 景恭

王妃 寧安公主哭臨禮皆同

十七日成服 殿下服縗服詣 梓宮前舉哀行奠

祭禮 皇貴妃等妃 殿下妃 皇孫 涇簡王妃

等妃 景恭王妃 寧安公主皆成服各設祭一壇

六尚及官人各隨祭禮畢各歸喪次 是日內官內

使祭一壇已上祭俱用文

三上 奠儀注

世宗憲集

卷之六

禮

祭

十八日百官于 會極門跪上勸 進第一箋司禮

監官捧入百官叩頭退候 令諭從 弘政門出至

會極門授鴻臚寺官百官跪聽宣諭畢叩頭而退

十九日請 殿下縗服御 文華殿百官于 文華

門外跪上勸 進第二箋司禮監官由中門捧入百

官叩頭退候于 會極門外 殿下覽箋畢用白椅

坐于地平前 召內閣官進見內閣官入至 丹陛

叩頭致詞云

大行皇帝賓天中外臣民仰戴 殿下為主 臣等伏

願 殿下節哀 面諭知道了你每用心辦事內閣

官承 旨叩頭而出司禮監官捧 令諭從 會極  
門北門出授禮部鴻臚寺官百官跪聽宣諭畢叩頭  
而退

二十日請 殿下綴服御 文華殿百官于 文華  
門外跪上勸 進第三箋司禮監官由中門捧入百  
官叩頭退候于 會極門外 殿下覽箋畢用白椅  
坐于地平前 召五府掌印官提督京營官內閣官  
六部尚書及左右都御史進見各官入至 丹陛叩  
頭致詞云

大行皇帝賓天 殿下為 宗社神人之主 臣等願  
聖聖集 卷之六 主

殿下節哀早 正大位 面諭知道了依你每行各  
官承 旨叩頭而出司禮監官捧 令諭從 會極  
門授禮部鴻臚寺官百官跪聽宣諭畢叩頭而退  
是日 諭禮部具儀

初勸進箋

公侯駙馬伯文武百官及軍民耆老人等太師兼太  
子太師後軍都督府掌府事成國公 臣 朱希忠等欽  
奉

大行皇帝遺詔命 殿下即皇帝位謹奉 箋勸  
進者 臣 希忠等誠惶誠恐稽首頓首 上言伏以

景運會昌大一統山河之盛 聖人繼作衍萬年  
祚之長凡在照臨舉同推戴惟我 有明之締造於  
昭 世德之洪延

二祖開基大烈永貽於燕翼  
六宗承緒深仁益固於龍圖我

大行皇帝 剛健粹精 聖神文武收四十五載道  
久化成之効綿二百餘年重熙累洽之休不幸 龍  
馭上賓烏號莫及騰茲付託允屬 元良敬惟 殿  
下 睿質天成 英資神挺統樞紀瑞鳳符誕 聖  
之期闕館崇儒益懋純王之學比承 遺詔俾 嗣

聖聖集 卷之六 主

主

主

主

不基四海謳歌慶吾 君之有子 九穹眷佑綿  
大命於無疆遠邇具瞻幽明叶贊伏願 殿下仰遵  
先志蚤踐 皇圖 揭日月以升華 鼓風雷而渙  
號上以奉

九廟神靈之統下以慰萬邦黎獻之心 臣等俯伏

闕庭合詞勸 進乾旋坤轉拭目觀萬象之新雨露  
雲行翹首望 六龍之御

二勸進箋

具官 臣等昨者合詞奉 箋請登 天位未荷 允  
俞謹再奉 箋上 請者 臣等誠惶誠恐稽首頓首

上言伏以 九昊儲祚方嗣興於 景祚百神協佑  
特傳序於 長君既 駁命之有歸宜 鴻儀之聿  
舉謹陳下悃再瀆 宸嚴我

大行皇帝祇敬 三靈憲章

列祖 神功峻業世允底於昇平 武烈文謨道益

隆於佑啓瞻此 承祧之重託諸 主器之良敬惟

殿下 仁孝旁孚 幾神內蘊 勲華協德令聞久

著於 龍潛曆數在 躬大寶宜承於 燕翼 聖

懷謙抑未賜 允俞衆望憂惶罔知底定 臣等竊惟

天下至大不可一日而無君萬幾至繁不可斯須而

或曠是以康王翌日而踐祚蓋遵成考之言景帝釋

服而視朝無改孝文之制粵我

祖宗之故事亦維續述之是圖逖考前聞率由斯軌

伏願 殿下深思大計少抑哀衷 君主萬方上以

副 天心之眷佑 躬親庶政下以慰衆志之瞻依

三勸進箋

具官 臣等欽奉

先帝遺詔伏請 殿下蚤登 宸極未蒙 賜允謹

再奉 箋上 請者 臣等誠惶誠恐稽首頓首 上

言伏以 佑下民而作之君方新 帝命有大德者

世襲集 卷之六 圭 高儒

得其位宜順人心況 神器不可久虛而 宗祧必  
當有主啓既賢於繼禹舜自合以紹堯敢干咫尺之  
威不顧再三之清敬惟 殿下靈承 丕緒昭受貞  
符 學厯文后之緝熙 德邁代王之仁儉 一索  
而乘震兆久叶於大橫 六龍以御乾世方望其育  
出矧 彌留之有託惟克纂之是期雖南嚮讓西嚮  
讓堅不肯居然天與之人與之竟將焉往且王者循  
民之欲毋屈已以安民惟聖人酌禮之中貴抑情而  
從禮若忽於負荷獨持哀痛之情是身為帝王俯同  
士庶之行非天下國家計如

世襲集 卷之六 圭 東航李

宗廟社稷何臣等是用頻煩致懇迫切陳詞如犬馬

之誠未伸則 閭闔之扣不已伏願 殿下以遺大

授難爲慮以代 天理物爲心少紓 罔極之懷遍

發 乃雍之旨恢皇綱而接帝統保運祚於泰山磐

石之安續曆服以培 祖基綿本支於瓜瓞椒聊之

盛

宣治門發議

尊謚勅諭儀注

是日早翰林院捧 勅官先捧 勅立于門之東南

候

上陞座鴻臚寺致詞百官行奉 慰禮畢內閣官升	立于 御座東柱下錦衣衛官升立于 御座西柱	下捧 勅官立於內閣官之南稍後各立定	聖旨召禮部來司禮監錦衣衛傳 旨禮部官至	御路中跪捧 勅官稍前北向立	聖旨與他勅捧 勅官承 旨捧 勅由中道稍偏	下授禮部尚書禮部尚書受 勅叩頭畢捧 勅出	鴻臚寺奏禮畢 駕興	宜治門發議追尊	母妃勅諭儀注	世宗憲	是日早翰林院捧 勅官先捧 勅立於門之東南	候	上陞座鴻臚寺致詞行謝 頒詔恩禮畢內閣官升	立于 御座東柱下 云 如前儀	禮部繳 勅儀注	是日早	上陞座禮部官至 御路中跪奏欽奉 勅諭進繳	奏訖司禮監官接上鴻臚贊叩頭禮部官叩頭而退	常朝奏事 答旨	一官員 遣祭復 命
----------------------	----------------------	-------------------	---------------------	---------------	----------------------	----------------------	-----------	---------	--------	-----	----------------------	---	----------------------	----------------	---------	-----	----------------------	----------------------	---------	-----------

一官員陞遷 面恩	一官員到京 面見鴻臚寺不開有酒餚者	一凡各衙門奏事無請 旨字樣者 已上俱不用 旨答	一太常寺奏祭祀 京營官請神旗祭 旗手衛請 旗纛之神祭并六月初六日請旗纛晒晾 吏兵	二部奏頒給文武官 誥勅 尚寶司請 寶捧 并請 寶用及奏關金牌 已上俱	聖旨是	一官員 面辭內有該領 勅者俟其叩頭畢	世宗憲	聖旨與他勅捧 勅官承 旨捧 勅下授之有該	賜酒餚者俟其受 勅叩頭畢	聖旨與他酒餚喫又有該 賜銀兩表裏者俟其謝	酒餚叩頭畢	聖旨與他賞賜	一通政司奏事先一日 進面帖內係吏部者	聖旨吏部知道戶禮兵刑工等部俱同如係都察院	者	聖旨都察院知道其云本司奏者	聖旨該衙門知道
----------	-------------------	-------------------------	--	------------------------------------	-----	--------------------	-----	----------------------	--------------	----------------------	-------	--------	--------------------	----------------------	---	---------------	---------

一吏科進 旨意題本兵科進守衛官軍揭帖

聖旨接來司禮監官承 旨接上

一御史及序班糾奏失儀官員內過大者

聖旨錦衣衛拿了過小者

聖旨饒他

一夜間或從門縫遞出鑰匙一把或城上擲下食物

及衣服等項以試坐更將軍其將軍接得鑰匙當

卽遍進明日兵科引奏不用 旨答若食物衣服

等項收執引奏

聖旨賞了他

世宗憲集

卷之六

主

一吏部引奏知印

聖旨看西邊跪的五箇做

一都察院奏差御史接管巡按

聖旨看西邊跪的去

一年終各衙門類奏差錯

聖旨你每說的是且都饒這遭在外的還行文與他

每知道

一每月初一日順天府官領耆老等聽 宣諭內閣

先期擬 諭詞 上進司禮監官錄一帖隨侍候

彼奏畢

皇上以諭詞面諭之或 命司禮監官以所錄帖示之

修承天大誌義例

先該臣等題稱體例恭候 命下臣等會同各官將

原稿詳閱并查 大明一統誌內 京師 南京

中都等式參酌議擬上請 聖裁等因奉 聖旨是

該衙門知道欽此臣等欽遵連日會同副總裁官臣

份纂修官臣居正等繙閱原稿參考諸誌看得原稿

立例有二曰典制曰郡縣詮次不倫義多牴牾臣等

竊惟 興都之地實今日 中興之所由基我

世宗憲集

卷之六

主

王

睿宗獻皇帝濬哲淵仁積德以凝命

皇上鍾靈毓 聖嗣統以紹天固皆發祥於此而況

二聖寶藏並久於天地九等珍貺屢發於山川以至

神藻奎章 鴻恩偉制足以照耀海寓流被金石者

尤不可泯茲蒙

皇上特令臣等編輯成書蓋以觀

二聖之耿光揚 一人之大烈昭示天下垂之無窮

誠其盛典也夫其典盛則體裁不可以不弘其體弘

則敘述不可以或濫今事係 興都固不宜袖金匱

石室之書備載 謨烈以盡同於 國史而義專

皇迹尤不宜采秩官謹俗之類泛及瑣細以下同於

郡誌臣等祇承 明命謹將原稿舉要刪繁并查

制書所載有關 興都者以補原稿所未備而取漢

書帝紀之義擬為紀一十有二曰 基命紀曰 符

瑞紀曰 龍飛紀曰 聖孝紀曰 大狩紀曰 宮

殿紀曰

陵寢紀曰 實謨紀曰 御製紀曰 恩澤紀曰 禮

樂紀曰苑田紀開坐上請臣等自省陋庸無能稱塞

仰惟

皇上以 明聖之德操制作之權 學冠百王 識

世經堂集

卷之六

天

王九

超千古其於此書義例 宸衷必有定裁伏乞 俯

賜訓示俾臣等欽遵一面將原稿所載開館纂輯其

近年事蹟候湖廣撫按官奏 進至日照款增入臣

等又惟此書既與史異尤非誌比伏乞 特賜定名

昭揭 徽美臣等不勝幸甚緣係纂修事理未敢擅

便謹題請 旨

計開

基命紀

昔在有周太王肇基文王新命詩書所稱可考見也

我

獻皇帝邁德周之二王而

章聖太后又嗣徽姜姒

上帝睠之 興都是宅功德積累濬發靈源我

皇上應期挺生席 鴻基而受 駿命實本於此擬

作 基命紀第一

符瑞紀

自昔帝王之生必有神寶以炳示先幾而昭開昌運

天佑我 明 聖神首出

皇上自 興都誕育以迄於茲 穹壤薦祉川嶽效

珍貞符上瑞層見而沓至蓋圖牒不能殫載焉擬作

世經堂集

卷之六

天

表

符瑞紀第二

龍飛紀

稽古神堯起陶唐而履帝位粵若漢文由代邸而嗣

赤基我

皇上靈承

二聖之積慶天人助順自 興都入纂 丕圖婉唐

陋漢萬古為烈擬作 龍飛紀第三

聖孝紀

夫德位俱造舜孝所以為大繼述兼善武孝所以為

達



皇上以至聖踐 天子之位考經據禮顯揚

二聖盡倫盡制尊養備隆帝王之孝雖甚盛者後以加矣擬作 聖孝紀第四

大狩紀

昔虞帝時巡藝祖是格周王時邁昊天子之故展義而狩帝王之盛節也我

皇上遠御六飛祗奉

二聖 宸蹕所至歡動全楚一舉而仁孝備焉擬作

大狩紀第五

宮殿紀

世經彙

卷之六

手

未廣

周之豐文王作之周之鎬武王宅之舊都宮室王業

之根本攸繫也 興都為

獻皇帝昨封之隩區我

皇上毓聖之潛邸舊構新題巍如煥如在

先皇有遺思在 今日有偉觀焉擬作宮殿紀第六

陵寢紀

純德之山

顯陵是域綰荆襄帶漢沔扶輿之清淑鍾焉 寶城

邃嚴 瓊寢聳翼于以妥

三聖之靈篤 一人之慶殆與天地相為悠久矣擬

作

陵寢紀第七

寶謨紀

我

獻皇帝聖文冠古 仙翰入神其登載琬琰藏諸

秘府者莫可窺覩而其摘著南國鐫勒舊都炳焉與

天球大訓同珍而共寶也擬作 寶謨紀第八

御製紀

昔漢修太風之歌唐勒新豐之咏前史猶相傳以為

盛事矧我

世經彙

卷之六

手

章國

皇上聖衷神啓妙揆化工而制作之流布 興都者

天文昭回八表皆燭 睿藻稽古六經不刊豈漢唐

所能彷彿耶擬作 御製紀第九

恩澤紀

夫歌周德者泝豐邑之源誦漢恩者戴湯沐之賜我

二聖布德施惠浸潤 興都迄今與江漢同流

皇上紹休覃恩益隆肇跡之地淪膚浹髓萬世莫

焉擬作 恩澤紀第十

禮樂紀

夫治神人和上下禮樂之為用大矣

皇上開 帝業於 興都崇 鴻號於

二聖儀章器數煥然一新行其禮奏其樂 聖靈來格而百神受職矣擬作禮樂紀第十一

苑田紀

靈囿之闢詠於周詩土田之錫歌於魯頌我

獻皇苑囿之遺 聖跡存焉莊田之畱 先業永焉

皇上以上林為苑以天下為田於此猶繇繇莫之忘大孝不置之一也擬作苑田紀第十二

改定一統志義例

近該禮部題為 大誌纂成恭 請刊布以光 聖

孝事內開 大明一統志係 昭代制書頒行天下

然修自 先朝安陸州尚仍其舊今既為 二聖肇造之區我

皇上飛龍之地墜為 天府崇以 興都而 制書

所載猶稱安陸似非事體仍望 勅下翰林院將一

統志中摘取安陸州一卷重加修輯安陸州改為承

天府凡 興都事蹟撮其大要編纂增入 進呈 御覽恭候 聖明裁定發下刊行等因題奉 聖旨 是欽此備行到閣 臣等謹欽遵會同副總裁臣張居

正等詳閱 大明一統志依其體例重加修輯凡名

之當改正者改之事之當增入者增之撰成誌稿一冊隨本上進其改定增入之意開列于後伏乞 聖明裁訓發下 臣等轉行禮部刊刻 臣等無任祈 請之至謹具題以 聞

計開

一查得一統志內 兩京鳳陽凡事係 朝廷者皆

列于 京師 南京 中都之下其山川人物等項

屬郡邑者則載于順天應天鳳陽府治之下所以尊

帝都也謹於湖廣布政司卷首先敘 興都以載

宮殿城池 廟壇 山陵苑囿公署而於承天府下

乃分款詳載山川人物等項如原志之例

一 獻皇帝基命之功德文章我

皇上尊 親之典禮制度謹隨事撮其大要分載各

條內 廟號

陵名字樣俱擡頭寫 制勅及 本朝等字只空一

字寫各依舊式 一原志 京師 南京總圖橫書 京師二字於順

天府之上 南京二字於應天府之上今依此例於

湖廣總圖承天府上橫書 興都二字其鳳陽府原  
志未有 中都二字亦依例增之

一安陸初係州治故原志列于湖廣諸郡之後今既  
以湯沐舊邦陞為承天府本宜列於諸郡之前但武  
昌府為省會所在事體相屬故仍以武昌接湖廣布  
政司而以承天次之其餘各府及州則皆列于後  
一目錄內所書安陸州今改書承天府其沔陽州一  
條既併入府治不載目錄

一原志以湖廣布政司武昌府漢陽府為五十九卷  
襄陽府為六十卷德安府黃州府為六十一卷荊州  
府岳州府為六十二卷長沙府寶慶府為六十三卷  
衡州府常德府為六十四卷辰州府永州府為六十  
五卷沔陽安陸靖鄉四州施州等衛為六十六卷今  
以 興都及湖廣布政司武昌府合為五十九卷承  
天府為六十卷漢陽襄陽二府併為六十一卷德安  
以後等府次第降改而以辰州永州二府靖鄉二州  
施州等衛合為六十六卷

一荊州府之潛江縣荊門州當陽縣已改屬承天府  
其原志所載山川人物等項凡係改隸者俱改入承  
天府下不復載於荊州

世經彙集

卷之六

書

何榮

一 岳懷王 常寧長公主 善化長公主墓俱依  
原志載陵墓之下而次于 郢梁二王墓後

一稿內山川人物等項下分寫事蹟照依舊式有前  
代者則書 本朝二字以別之無前代者不書  
一稿內行款字數及大書分書等項并裝潢俱依原  
志

一稿內係原志舊文者不圈其係新增及有所改定  
者俱用硃圈

處理重錄 大典奏一

題臣階欽奉

世經彙集

卷之六

書

何榮

聖言昨計重錄永樂大典兩處收藏茲秋涼可處理  
欽此 臣等謹欽遵將處理事宜開具上 請伏乞  
聖明裁定施行謹題請 旨  
計開

一重錄 大典每人一日約寫三葉計每人每  
年可寫千餘葉但簡帙數多今兩房官不及  
往時之半中間況有年大不能細寫者勢須  
添人同寫合無照往年修書事例 敕下吏  
禮二部廣收善寫之人糊名考試 進呈定  
奪仍議所以處之方上請 聖裁

一每日所寫 大典書葉須逐一校對遇有差錯卽發與另寫合無容臣等於翰林春坊官內選舉勤慎精敏者數員分理其事仍照副總裁例於堂上官內推舉二員總理其事各書職名於卷末以便查考

一校書官并寫書者俱每日早於閣中領書至晚交書例該典籍二員收掌但今書數既多而典籍止有一員合無容臣等於兩房官內選補典籍一員仍擇勤慎者二員不妨書寫協同收掌

世宗憲集

卷七

吏部

何金

一催償例用兩房官二員合無容臣等選委一合用紙劄筆墨卓兌等項及酒飯等并取用人匠等一應事宜候開館之日另行題請

嘉靖四十年七月二十一日奉

聖旨是

處理重錄 大典奏二

照得書寫官生已該臣等并吏禮二部題奉 欽依考取及總校分校收掌催償等官臣等各另具題外所有開館合行事宜臣等謹開坐上 請伏乞 勅下各該衙門查照施行

計開

一凡修書例於 朝門東西廊下開館今合仍於是處書寫 內府內官監照例裝修各置書櫃并查照總校分校收掌催償等官及書寫官生數目各給卓兌火盆等項器用

一欽天監擇開館吉日

一內府司禮監奏 請將 大典每一千本作一次發出交付收掌官并查照書數按月支給官生紙劄硃墨及添撥界畫匠研光匠同見在閣紙匠張仲安等二十六名供役

世宗憲集

卷七

吏部

何金

一內府御用監撥畫匠

一內府惜薪司及工部照例給炭

一吏部撥送當該吏四名總管書籍及查照館數每館撥送當該吏二名專管紙筆器用啓閉館門等事

一刑部都察院查照總校分校收掌催償官員數按月量送中夾奏本手本等項紙筆應用一錦衣衛撥送校尉六名同見在館校尉梁玉等四名巡禁

一順天府查照各生數目送給硯瓦水罐仍按

月送給筆墨

一光祿寺照例支給總校分校收掌催儋等官并書寫官生及在館當該吏人匠校尉等酒

一翰林院照例支給書寫各生及當該吏月米

嘉靖四十一年八月初一日奉

聖旨是該衙門知道

處理重錄 大典奏三

臣等看得今次所收書寫 大典官生人數既多品類又雜必須設法稽考約束庶得整齊書亦易就目

今開館在邇 臣等謹欽遵 聖諭將處理事宜開坐

上 請伏乞 聖明裁示遵行

計開

一官生一百九員名分為十館所寫之書總校

官二員總管各館分校官十員各管一館除

校對外各要鈴束官生勿容怠肆有不服者

開送 臣等以憑參治

一催儋官收掌官俱總管各館催儋官總置簿

一扇開列各官生職名每日責令畫非畫西

收掌官每館置簿一扇登記各官生所領書

數先將官生職名開列簿面其簿內按日開

寫其人領書一本卷幾至卷幾寫完之日即

於其下註某月日寫完領書之時務照名次

逐本給與不許攙越紊亂以杜規避以便查

考其官生有無故不到及私自出外者聽催

儋官有領書不依次者聽收掌官各開呈 臣

等以憑參究

一 大典係秘書況無副本催儋收掌官務要

督率各館當該及校尉稽察官生不許潛帶

出外雇人代寫致有疎失違者即便開呈 臣

等以憑參治

一收掌官會同催儋官每館置簿一扇按日登

記各官生所寫書葉除題奉 欽依每日須

寫三葉每人須足五千葉外其論葉數須以

實寫之字扣算凡圖畫等項不許槩作葉數

混開如遇差錯發與另寫不拘一次二次只

算一葉其論行數雙行小字只隨大字作一

行計算如官生混報罪坐官生收掌催儋官

縱容作弊罪坐各官

嘉靖四十一年八月初三日奉

聖旨是着總校等官嚴加程督

論孔子祀典

奏為慎祀典以彰 聖德事本月二十八日臣在史館該禮部尚書李時傳示 御製正孔子祀典說欲因大學士張璠之疏去孔子王號臣先是聞陛下以此禮下羣臣會議至是復莊誦 御製再三仰惟聖性高明 帝文璀璨非臣等淺陋所能窺測臣又官序最早例不與廷議之末豈敢妄言但臣待罪館職受恩深重苟有所懷不忍過自諉託匿而弗盡且陛下於此不以獨斷而屬之禮官徵之衆議 親御

世宗憲

卷之六

甲

一

宸翰以發其微蓋聖不自聖之心其難其慎之至也而有懷弗盡則何以副 陛下之望使天下曉然知頌 聖德哉謹昧死獻議以為孔子之王號不必去者三不可去者五蓋昔孔子作春秋誅亂臣討賊子其法誠嚴其義誠密然所謂亂與賊者謂身為臣子而背其君父肆行僭竊非若孔子道德在人心事功在萬世既沒而追王焉者也然則從而王之於作經之旨夫何戾乎此其不必去者一也凡居其位而心不自安與加人以位而心有所不安者皆病於非其據也孔子以道則王以德則王以事功則王特無其

位耳舉而加之在孔子無愧色而在後世帝王不為過且孔子作春秋命德討罪賞善罰惡道之所在固嘗以布衣行天子之事矣而於既沒之後加之以王之虛名又何不安之慮乎此其不必去者二也孔子之尊與不尊誠不繫王號之有無 陛下所以尊孔子誠亦不在王之一字然而非此則無以致尊崇之意如以為誣而必欲去王號以為尊其無乃矯枉而過正乎此其不必去者三也 陛下自即位以來動

太祖高皇帝為法

世宗憲

卷之六

甲

一

太祖之在御嘗釐獄瀆諸神之號而獨於孔子仍其王封蓋有不輕變之心焉抑亦神獄瀆而人孔子其義固有辨也 陛下邇者舉分祀之典以為復太祖之舊夫其廢者尚在必復而存者顧不能守乎此其不可去者一也天下王祀孔子承襲已久經生學士習於見聞野父編氓侈於尊戴一旦奉不王之詔衆人愚昧不能通知 聖意所存將互相驚疑妄加臆度以為 陛下不務抑其他而輕奪爵於孔子人心易惑難曉此其不可去者二也今自京師以達郡邑率像祀孔子袞冕章服顯然而居王號苟去勢

必當毀臣聞愛其人者於其杖屨唾涕猶加珍惜況在先師之像望而興如在之思者乎昔

太祖嘗革民間所祀三皇廟像而孔子塑像獨南京新建國學改用神主餘悉仍元之舊

太宗文皇帝遷都北京國學塑像亦遂因之蓋皆有所不忍毀矣陛下至明之資至仁之德同符

祖宗顧豈忍毀之此其不可去者三也國家廟祀孔子宮殿之制僅下天子一等樂舞籩豆之數率與天子同臣聞在

太祖時樂用六佾籩豆用十蓋猶諸侯之禮也今去

世宗憲集

卷之六

聖

臣

王號則將復魯司寇之稱而用大夫之祭夷宮殺樂減損籩豆以應禮文竊恐妨

太祖之初制而陛下亦惕然若有聞乎金石絲竹

之聲此其不可去者四也自唐以來以王尊孔子至

陛下以師尊孔子所以尊孔子之意雖自謂過於前

然國家之於孔子惟登極一幸學此外止於朔望

降香春秋遣祭較諸古者食三老五更親割之禮且

猶簡畧陛下欲有所加益則萬乘之尊難以輕議

欲止仍其舊則是使孔子徒失王號而不獲享師之

禮陛下所以尊之之意亦竟無以自將此其不可

去者五也臣少而失學長益寡聞於凡典禮非能

所講明亦非敢自是其愚以忤君父所以區區不

忍隱默之故已具陳於前伏惟聖明俯垂矜察以

臣此章下禮部併議務廣陛下之意全孔子之尊

人心期於必愜事體期於必便則臣愚幸甚斯文幸甚

嘉靖九年十一月初一日奉

聖旨該衙門知道

薛文清祀議

奏為從祀真儒以光聖治事准禮部祠祭清吏司

世宗憲集

卷之六

聖

臣

手本該御史楊瞻樊得仁各題前事乞將故禮部左

侍郎贈尚書諡文清薛瑄從祀孔子廟庭該本部覆

題奉

聖旨是着翰林院詹事府左右春坊司經局國子監

堂上官人各上議欽此欽遵備行到臣謹按瑄誌

狀及所著讀書錄其學行之實與諸臣褒重之辭御

史楊瞻樊得仁言之已盡而該部看詳亦謂瑄立朝

行己風槩卓絕進之從祀足以慰衆論之公彰聖

朝之美矣末乃以瑄所著止讀書一錄未能釋然於

罕所著述之疑請下臣等博考詳論無亦以事體重



大致敬慎於其間乎臣聞古聖王之制祭所以報有  
功則秩祀之典固當以功爲論而今之論者惓惓較  
量著述之多寡亦以爲儒者之功在是也然孟子答  
彭更之論功曰入則孝出則弟守先王之道以待後  
之學者答公孫丑之論不素餐曰其君用之則安富  
尊榮其子弟從之則孝弟忠信而著述不與何也蓋  
聖門之學重踐履而輕文詞貴身心而賤口耳回之  
如愚世所短也孔子亟稱之賜之博學多識世所尚  
也孔子屢抑之孟子學孔子而得其真傳故其所以  
論功亦如此也降及後世學術不明語希聖者以博  
洽爲先務論衛道者因亦以著述爲首功於是漢儒  
以區區訓詁之末而居然食有功之報臣愚以爲六  
經之道具在人心六經之文坦然明白縱無訓詁豈  
遽失傳若乃訓詁作而誦數之途啓使凡學者習熟  
見聞靡然自足闊畧踐履遺棄身心至或談仁義而  
背君親口廉節而躬貪佞則是聖人之道似傳而實  
絕漢儒之於道似衛而實壞之安得反謂有功祀諸  
孔子之側又取以爲論從祀之準乎瑄之踐履苟無  
玷缺是乃以身衛聖道非徒託諸空言雖微著述猶  
不害於祀況既有之而顧病其少也或者謂孔子大

聖賢修六經孟子大賢實作七篇儒者之於著述自  
當以多爲貴殊不知六經之修孔子蓋以道不行於  
春秋不得已違無言之志七篇之作孟子亦以道不  
行於戰國不得已冒好辯之名皆非欲誇多於著述  
而自古迄今所以稱孔子之聖孟子之賢者乃以其  
道德高厚非徒取修經之勞作書之富也然則在瑄  
之學孔孟固不必多其著述而在今日之論瑄尤不  
當以多責之矣假令著述果以多爲貴臣亦請按立  
德立言之等悉取諸儒人加品第德與言俱立者上  
也於義應祀德立而言不足者次也於義可以祀言  
立而大德不踰閑者又其次也於義在祀不祀之間  
有言而德不逮者下也於義應黜若瑄之於道雖其  
自得未見超邁而篤信宋儒力循矩矱真有非人所  
及者彼著述之少論其品第不猶在次等乎夫烏得  
遺之且今末俗滔滔士鮮實學始則枝葉日盛本根  
日微繼則伎倆愈工心術愈壞流弊積蠹後將益深  
誠祀瑄以表向往之端示風勵之意其於聖化亦  
豈小補臣伏觀嘉靖九年陛下進陸九淵於孔庭  
而黜馬融諸人之從祀夫論踐履馬融固不如九淵  
之正論著述九淵實不如馬融之多而陛下一進



一點若此異者蓋 聖性高明 聖學精邃故於論  
功獨得孟氏之遺旨而一洗世儒之鄙見臣愚以爲  
此今日之斷案也臣本淺陋不足與議祀典惟是古  
今學術竊嘗論究而有所深慨焉敢因 命及獻其  
狂愚伏惟 聖明裁察斯文幸甚

世經堂集卷之六

世經堂集

卷之六

吳

同金

世經堂集卷之七

奏疏二 政事類

覆鄭府宗人祐椿許奏鄭世子

先該祐椿奏稱鄭王厚烷奉 旨革爵伊合管理府  
事等因該本部看得管理府事非祐椿所當自乞合  
行罰治并行河南撫按官勘保倫序相應賢能素著  
者二人疏名 上請已經題奉 欽依行去訖今祐  
椿又許奏鄭世子載堉謀管府事要行革去載堉封  
爵追奪冊寶及令已管理臣等查得親王因事奪爵  
奉 旨立郡王承繼國祀其子始雖降封後仍得嗣  
父始封之爵者遼庶人貴烺長子豪壘之封長陽王  
是也父子並有罪降庶人不得請封者見滿與其子  
祐柄是也罪止其身子得襲爵但以未封世子擇郡  
王署府事已而彼此相許仍封其子爲世子勅令管  
府事者慶庶人世子慕櫝是也父既坐罪即命其子  
管府事者岷庶人彥沐世子譽榮是也至於親王冊  
寶自非罪干大逆國除如寧庶人宸濠父子殲滅者  
例不進繳今鄭庶人仰荷 聖恩罰止其身其子載  
堉封爵如故比之貴烺見滿奉旨改令旁支承繼者  
不同載堉於厚烷所犯情罪無干幸保封爵比之豪

壞先爲庶人及祐柄有罪降革者亦異本應卽令載  
墳管理府事而本部前此題覆不敢輒援岷世子譽  
榮慶世子轟橫等例爲請止援鞏昌郡王例請令河  
南撫按勘保倫序相應賢能素著者二人以俟 簡  
命蓋以予奪之柄宜出自 朝廷其人之賢否當稽  
諸公論也然其待之固已薄於譽榮轟橫矣今祐樁  
乃復妄行奏計圖快私忿合如前擬罰治仍行祐樁  
無得抗違 朝命脇制勘官如或不悛聽撫按叅奏  
重處奉

聖旨是祐樁且不問

世經堂集

卷之七

二

覆御史楊順奏

一杜浮議以重行取

前件看得知人則哲自古爲難用人之道如  
不得已本部凡遇行取推官知縣等官旣以  
撫按薦詞考語爲據矣猶懼其人或外飾善  
狀而中懷奸貪有撫按所不能知或修謹於  
初而改節於後有撫按所不及知也故於薦  
詞考語之外不得不加以詢訪及衆以爲  
賢而取之矣又懼其人非有真實向上之心  
恬靜自守之節則或瀆行而濫受贖儀科索

盤費或抵京而旁緣蹊徑巧求美官皆公論  
所必棄清朝所不容也故於行取之後不得  
不繼之以再訪無非欲得真才以副

皇上側席之求重臺諫華要之選而已御史楊順恐  
於再訪之時譬嫌汙穢遭誣補外奏要致審  
於未取之先不必廉訪於旣取之後固亦愛  
惜人才至意但謂毀譽易以亂真欲本部更  
加詳審則可謂所訪盡出譬嫌不宜採聽則  
似因噎廢食將來失人之弊恐有甚於人之  
遭誣者矣合無今後遇該選授科道等官仍  
容臣等於行取之後照舊詳訪叅以年貌奏  
疏量才授任至於秉公虛之心勵明慎之實  
聽言必反求諸理使浮僞不得行詢事必先  
擇其人使儉邪不得肆此則臣等之責恭遇  
聖明在上不敢以不自勉以求無負任使者  
也

一旌異能以勸吏治

前件看得三考黜陟肇自虞廷至我 國朝  
準古立制凡仕焉者皆以三考稱職然後量  
其繁簡序遷于時官無苟且之政士無躁競

世經堂集

卷之七

三

之心治教既隆風俗亦美此其法誠至善也顧惟近時內外百僚公私多故而官有定額不容不補於是遷轉改調自不容不速治教風俗亦漸以替御史楊順奏要久任蓋深有慨於此但政以時異事以勢殊今於守令欲遂舉增秩賜金之典盡復九年之舊假如知府知縣治有聲績增秩賜金而畱之久任之法固行於其人之身矣然藩臬有缺例取之於知府科道部屬有缺例取之於知縣彼知府知縣之賢者既畱則此藩臬科道部屬之

世經堂集

卷之七

四

聖旨是

覆處日本國貢例

臣等看得帝王之馭夷狄有綏懷之仁有裁制之義二者並行故法不傷於峻恩不至於褻而遠人畏慕威德永為中國不侵不叛之臣今照日本進貢夷使人船有違舊例雖節經題奉 欽依行令將額外之人遣回緣候便風未得遽去滯畱賓館前後踰年今若一體給賞則是本部十八年申明知會之咨與近日照例阻回之奏俱成虛文而或過於恩若遂一槩裁革則業已容畱在館且周良等所稱眾口嗷嗷咎歸一已跋涉勞苦共冰 聖恩等情不無缺望而或過於法合無查照夷人文冊先儘有職役人員然後將船頭從人等轉足五十人之數并周良等到京五十人照例給與全賞其過多人船除副軍船從人水夫不賞外餘行彼處巡按御史轉行布政司每人給賞絹布各一疋作速遣回仍諭各夷此出 朝廷憫念久畱特恩後不得援以為例通將用過錢糧數目造冊具本奏繳報知本部以憑查考其回賜國王源義晴并正使周良等各該物件本部行移內府各該衙門照數關領給散關支銅錢并回賜國王勅書本部俱行翰林院請給仍照例差屬官一員齎領勅書前往南京該庫關領銅錢給散其特賜國王并王妃

世經堂集

卷之七

五

集

銀兩應否給與伏乞 聖裁及查日本國王源義晴將弘治正德年間底簿共二扇勘合共五十五道齎繳前來請給新勘合并據周良等再三懇請但查弘治年間不惟底簿脫落而未繳勘合尚有七十七道正德年間底簿僅全而未繳勘合尚有五十四道雖據本王咨稱被盜遺失及存留在彼以防中流飄沒終於本部十八年原題候盡數繳還然後給與之例有違而本王收藏不謹查驗欠明之責委亦難逭伏蒙 聖慈曲貸恩已至厚所據新勘合難准頒給但其稱舊勘合盡數繳還萬一中流漂沒無以為將來符信亦是慎重貢典之意宜為量處合無咨令本王於下次該貢之年將見存正德年間勘合五十道先繳四十道量留十道在彼候給新勘合到國之日仍將十道繳還其被宋一偷去弘治年間勘合并正德年間尚欠四道行令本國嚴行購訪候得獲之日一併奏繳仍行浙江巡按衙門及三司備倭等官如有齎執弘治年間勘合求貢者即係詐偽就行驅逐出港不許頃刻停泊致生事端及照本王咨稱中國多有商船到彼交易或海寇匿名其中數侵邊境貢船三隻之外副軍船一隻以禦賊舟決非違上國定制

等因臣等查得先該都御史朱純奏為議處夷情以明典刑以消禍患事該本部題奉欽依行令本官申明通番之禁重窩主接貨之誅厚告捕購獲之賞開自新改過之條督率所屬着實舉行仍勅諭本國凡有中國人船到彼不許與之貿易交通去後今本王猶稱前因所據前項禁革事宜除都御史朱純已奉欽依養病回籍合再行令浙江福建巡按衙門督令巡海備倭等官加意奉行不銳始而怠終不具文而無實庶海道肅清而該國亦不得假禦寇之名以文其增船之罪矣再照夷使周良呈稱貢船高大廣厚舩船除使列從商之外非得水夫百名決難駕使是以雖有定制百名吾王不奈之何難以減少臣等查得大明會典只載本國十年一貢至於人船原無定額是以成化弘治以來每次進貢船必三隻而人數多寡不等至正德四年因赴京倭僧在路生事本部始題奉欽依以後日本進貢使臣准起送五十人到京及嘉靖二年因宗設宋素卿爭貢讎殺貽害地方絕不與通至嘉靖十八年本國差使臣碩鼎等復來求貢本部始議准夷使不過百名貢船不過三隻今據周良等告稟似謂百人之例在彼國勢難遵行若

不量爲之處竊恐無以廣 聖朝柔遠之意亦使其  
下次仍得藉口踰數而來也 臣等以爲除十年一貢  
船三隻起送五十人到京事例無容別議其百人之  
數合無行令浙江巡按御史備查舊例并將本夷貢  
船逐一查驗毋船委須若干人駕使比今該量增若  
千人斟酌停當開具奏聞以憑本部覆議奏請咨行  
本國知會俾永爲遵守如此而在彼猶或不遵然後  
決行阻回雖一人之少亦不姑容則我之待彼曲盡  
而責彼有詞縱至絕貢彼亦當心服矣奉  
聖旨是賞賜照例其餘依擬行

世宗憲

卷之七

本

宋

清查光祿寺廚役

臣等看得該寺廚役嘉靖九年議准不足四千名方  
許收補蓋本以四千名爲額數後雖加添一百名揆  
之事理總當不過四千一百名則消乏未至四千一  
百名於例固不得補也除該寺呈要收補法難准行  
外其稱供役增加各署事有繁簡注籍已定業有專  
守不能通融乞要議處一節爲照嘉靖九年之例止  
云不足四千名方許處補緣未曾以四千名量派各  
署使數各有定以致年久彼此消長不齊不無此署  
事簡而存數反多彼署事繁而存數反少者今已注

之籍專守之業固難更易然自今立法以四千一百  
名酌量繁簡派爲定數而以各見存廚役較各所定  
名數視其虧溢以爲消補此則未嘗不可行也伏乞  
皇上勅下巡視光祿寺科道等官會同該寺堂上官  
將該寺食糧廚役逐一清查明實以四千一百名立  
爲總額而酌量各署事之繁簡分派某署若干某署  
若干以爲細額然後計各見存廚役如某署該用五  
百名而見存止四百名則本部爲處補一百名以便  
供役某署該用五百名而見存乃有六百名則必待  
其消乏至五百名以下乃始照名議補如此調停庶  
該寺不致動稱缺乏有誤供應而於先年議准事理  
亦無所妨固通融酌處之宜也其或役占過多老疾  
充數強猾包攬富奸買閑致使食糧有名供應無實  
一應奸弊並聽巡視科道查例禁革設法救補及或  
今昔供役事體不同勢須量爲增益亦候公同議處  
詳當題奉 明旨本部乃敢遵奉施行奉  
聖旨依擬行

歲考醫士

查得本部原題通將太醫院藥院食糧醫士醫生嚴  
加考校則自剉礮麓工之外凡係食糧醫士醫生名

色者俱各相應送考又查得嘉靖十一年該本部題為修舉醫學政令事內開醫士醫生考居一等給與冠帶送御藥房供事原係本房者量授職事二等者給與冠帶其三等俱發回本院當差遇有御醫吏目員缺將本房人員送部再考擇其術業精通操履端謹者御醫於吏目內銓補吏目於醫士內銓補遇有良醫大使等缺於本院二等人員內考補俱各定擬堪任職事咨送吏部照缺填補照得本部近題各役供事冠帶銓補資格雖與前例相同但查本部舊案太醫院醫生止是食糧四斗待至習學有成考居優等方准補醫士名色食糧七斗今次預考有先年習學醫生除三等者仍舊外其有列居一二等者若與醫士一槩冠帶食糧似為太驟原在內殿供事醫生今次仍居一等者例該量授職事若居二三等者似應發回該院當差各醫士醫生有方脈全不能通者俱實三等別無懲戒似為太縱其醫士醫生人等若遇每年終類考即與照例冠帶陞用又似太濫俱應議處今臣等督同該院堂上官將送到各該醫士人等當堂糊名按科於素問難經本草脈經脈訣并古今名方內出題考得方脈兼通一等醫士許玄齡等

一十六名方脈亦通二等醫士醫生趙世美等二十五名方脈僅通三等醫士醫生陳雲鳳等三十一名方脈全不能通醫士醫生朱守正三名合無候命下之日本部將考居一等原係醫士無冠帶者給與冠帶原在內殿供事者量陞俸一級俱各候內殿缺人該院於各科內挨次呈部送入供事考居二等原係醫生者與充醫士食糧原係醫士無冠帶者給與冠帶原在內殿者不准供事三等者俱各照舊仍與二等者俱發該院當差全不通者原有冠帶者不准冠帶原支品級俸者降俸一級支雜職俸者降充冠帶醫士食糧七斗原醫士者降充醫生醫生任支月糧俱聽習學半年該院送部再考如有進益准其照舊支俸食糧冠帶如再不通俱降充醫生發回該院專供剉礮之役及照今次開稱見派內外衙門用藥醫生許寧等告不願考并丁憂患病給假等項醫士醫生何雲龍等原開送考而臨考不到醫生盧乾等俱各未經考試除差在各邊者待差回日丁憂者待起服到院日患病者待病痊日給假者待銷假日俱該院按季送部補考外其餘在京差遣并不願考及臨考不到人役俱限半年以裏該院類送補考如或



再行推避及有起服差回病痊銷假半年已上不送  
考者服滿差滿患病給假各限滿而各故違一年已  
上不回院希圖避考者聽本部叅奏降革其今後凡  
差各該衙門用藥醫士俱要於考居二等人員役內挨  
次送部差委三等者候二等差盡方許挨次差用如  
遇有御醫吏目員缺將該院內殿供事人員送部再  
考擇其術業精通操履端謹者御醫於吏目內銓補  
吏目於醫士內銓補遇有良醫大使等缺於該院二  
等人役內如前考補俱各定擬堪任職事咨送吏部  
照缺填補再照太醫院官生職專調護責任匪輕自  
近年考試之法不行勤惰無別藝業漸廢若不及今  
修舉固恐醫學日荒但欲每遇年終考試輒許冠帶  
食糧供事則又不免太濫合無今後年終考試容令  
本部止與分別等第量行懲責其冠帶食糧供事等  
例俱候三年一次題請施行其今後該院不拘大小  
官醫俱要將素問難經本草脈經脈訣及本科緊要  
方書熟讀詳解待各考滿到部及考試之時於內出  
題令其默寫登答如不能通除醫士醫生照前施行  
外若係考滿官發回講習半年再考如此則藝成者  
有進身之階荒惰者無濫竽之弊人咸思奮而醫學

可與矣奉

聖旨依擬行

歲考通事官生

臣等行據鴻臚寺送到各館通事人員除公差丁憂  
給假養病等項未考外見在通事署丞等官雷遇春  
等共五十二員名通行當堂出題嚴加考試彌封各  
卷分別等第擬議上請合候 命下一等百夷等館  
署丞等官雷遇春等四十九員名夷譯精通相應令  
其在館照舊供事二等朝鮮等館候缺通事郭文銓  
等三名夷譯畧通合請 明旨容臣等徑自責治姑  
令習學以圖後效其公差丁憂給假養病等項人員  
仍各候到部之日附季終一併考試另行分別去畱  
上請定奪如有違限託事畏避考試者亦聽本部訪  
實指名叅究伏乞 聖裁臣等竊惟通事之設上以  
宣明華夷一統之分下以偵察來夷誠偽之情必須  
諳習其聲音而後能周知其意向比之譯字官生原  
不相同蓋譯字以能譯其文爲業而通事以能通其  
語爲職者也節年相承必試以字者良以聲音易混  
而字畫有跡可以旌別耳然夷語有音而或無其字  
譯書有字而未盡其音且今考試題字祇依各夷譯

書而夷考其書本以中國之人審問夷語既未能無誤而自該邊或本國轉相抄寫亦不免漸失其真今雖所試字畫盡無訛謬終不適用徒爲彌文所據各館通事官生固不在能譯其字而已但夷種有東西南北之異而夷語有喉舌齒唇之分非可強解而驟通者必立師以教之而又積以歲月庶幾可以漸入合無於各館中視人數多寡掄選年深通事了曉夷語者一二人立爲教師不分有無夷人每日黎明時進館督率各館通事人等演說夷語或其中有未能盡曉者遇有該邊原來伴送通事許各館教師備細

世經堂集

卷之六

十四

奏

未備也合無行令提督王事置立冊簿一扇每五日令各館官生齊赴畫卯如有不到者明書各員名之下每月朔望教師引領生徒將所習譯書抽試數字夷語演說一遍遇有夷人到館則卯入酉出時刻不許擅離不在五日之例提督官於季終將冊簿封呈本部以憑季考兼論其勤怠歲終備開考語封呈本部以待三年通考其廉污本部季考及三年通考之時必合字與音相兼考校其補缺食糧冠帶授職事宜仍俱遵照本部嘉靖二十五年二十六年題奉欽依事例施行如此則人有定志而不負乎作養之恩

世經堂集

卷之七

十五

奏

官不虛設而亦可裨懷柔之典矣奉聖旨是這所議事宜依擬行

請禱雨

臣等仰惟

皇上事天儼時保之懷視民切如傷之念頃因不雨禱于上玄徧于羣祀禁屠緩刑卹病賑窮仁敬之至堯湯無以加矣而天意未回玄澤未霈兼又風霾屢作人疫山鳴致厯宵旰之憂揆厥所由實惟內外大小臣工不能仰承德意靖恭厥職而其大者則貪殘之吏誅求無厭刑罰濫加庸懦之臣武備不修



戎狄乘隙以致生民重困上干於天和也合無恭候  
命下本部行令欽天監擇吉題請遣官祭告

南郊 北郊 太社稷 帝社稷 神祇壇翰林院

撰告文太常寺辦祭品及題請遣官自祭告之次日  
為始分詣都城隍等廟各行香三日府部等衙門堂  
上官分投陪拜督率屬官青衣角帶於本衙門齋宿  
辦事停刑禁屠俱自祭告前一日始共五日仍乞

皇上申勅百司禁止誅求清理冤滯撫綏士卒申固  
邊防各務緣已省愆修舉實政以仰贊 皇誠上回

天意庶幾靈澤應時而 聖心攸慰矣奉

世經堂集  
聖旨是

參三法司

刑科抄出該刑部等衙門尚書等官劉訥等奏為乞  
恩認罪事奉

聖旨你弄迷於回護之堅不以朕覽為重胡續宗詩  
曰稱頌何又淚不磨全不論發寫本又不經心是人  
臣禮焉禮部都察院叅看了來說欽此欽遵 臣等查  
得刑部尚書劉訥等問擬胡續宗等罪名續宗詩曰  
稱頌而未句乃用淚不磨字樣明是謬妄不識避忌  
招內却未經說出其陶欽夔止是一名却寫作俱任

叅看得刑部尚書劉訥左侍郎楊行中右侍郎彭黠  
都察院左都御史臣僑左副都御史臣尚德大理寺  
左少卿沈良才右少卿倪嵩左寺丞陶謨右寺丞王  
達列職法司奉 旨會問自合殫竭心力仰副任使

顧乃臨事忽易且奏草率於詩內用字之謬妄既全  
不能論發於本內寫字之差訛又情不能改正所據  
各官禮屬有違均合罰治內尚書劉訥本以衰病之  
身叨居法司之首責實有歸似難輕貸 臣等奉 旨  
叅看不敢容隱伏乞 聖明裁奪奉

聖旨卿等叅別既明亦公劉訥等急於市恩全不以

世經堂集  
職在執法為事稱頌之體是如此耶通不看論劉訥

姑看為民不許又起三法司堂上官各罰俸半年該

司官吏看錦衣衛拿送鎮撫司打着問了來說胡續  
宗也拏將來本衙打四十棍為民當差不許輕縱輔

臣嵩對制平獄可嘉看兼文學士俸各該衙門知道

覆保安王男請襲封

臣等看得秦王奏稱保安恭懿王庶長子鎮國將軍  
惟健比照河清等王事例乞准子承父爵一節為照  
父子相承封爵常理 臣等豈敢有違但 臣等以為子  
得承爵於父者乃其父之爵當傳於子者也若惟健

伊父秉棧則於例本不應襲而原奉 明旨亦只准襲一輩後不為例其身之爵固不當傳之子而子亦不得襲以常理得承爵於父是以去歲惟熈奏乞襲封臣等遵 旨據例參題荷蒙

皇上俞允着以本等官職奉祀且不許再行瀆奏今秦王據啓復奏前來蓋不免於瀆奏矣況其所引止是准襲事例而於不襲之例

皇上准襲一輩後不為例之旨一切隱漏所據惟熈欺擾之罪似不能無但前項事例原是參差本部又未經題請 聖裁俾歸於一法無定守故宗室得以

世襲

卷之七

九

禮部

隨意援比雖奉 旨不許再行瀆奏如惟熈者亦敢於再奏而不顧是則臣等實有罪焉不當專以咎惟熈也臣等嘗考諸前聞詢諸衆論其王承襲之說者曰親郡王同爲宗室親王絕而襲則郡王絕亦宜襲也其王不襲之說者曰郡王繼絕

祖訓無其文而兄終弟及亦不爲郡王而發且親王管理一國非有封爵則行事不便故不獨當爲之繼其祀而又當爲之繼其封在郡王則事體異矣故但有人以爲之奉祀卽已足矣而不必更繼其爵夫議論不同此事例所由異也古語有之衆言淆亂折諸

聖仰惟

皇上聖由天縱明並日臨自登極以來諸凡典制損益釐正燦然備矣惟是郡王薨絕襲封事例未有定規本部節年題覆予奪靡常恐非政體臣等謹備查准襲不准襲諸例開具上請伏乞

皇上念封爵重典將應襲與否特賜 宸斷卽以爲當襲亦乞分別親支旁支通著爲令則不惟臣等有法守之常宗室無奏乞之擾而政體實光明正大垂諸萬世足備典則矣奉

聖旨既查例不同罷

世襲

卷之七

九

禮部

覆廣時議以少裨財用奏

看得給事中任有齡題稱大臣卹典費亦不貲近年乞請太多不無濫與惟因官而比例不錄賢而尙功乞要深杜請求備加論定一節爲照大臣卹典其有無厚薄俱經嘉靖二十三年題奉欽依見今遵行不取違越但本部相承議謚則稽評行業祭葬則止據事例故在陳請者動曰比例在本部題覆動曰查例曰照例至其人之賢否與夫有功無功委未詳論今給事中任有齡欲加論定以爲予奪不惟節省財用實亦慎重恩典之意相應議處合無候 命下本部

遇有文武官陳乞祭葬除例不該與者立案不行外其或例雖應得而行業無稱勳勞未著則以全給擬作半給半給擬作有祭無葬題請 聖裁或罪過昭彰公論共棄則不問例該全給半給徑與立案庶於卹死之中默寓勸生之道恩典不虛而用財自節矣再照各府衛帶俸都督指揮千百戶等官係皇親者其奏乞卹典例請 上裁無容別議但所謂皇親有係妃嬪之父母者有係妃嬪之兄弟者近年一槩給與祭葬并喪費銀一百兩似欠等差臣等以為妃之父母祭葬喪費宜全給其兄弟宜止與祭一壇而葬世經堂集

卷之七

手

何鼎

價喪費俱從半給嬪之父母宜比妃之兄弟嬪之兄弟宜止與祭一壇而量給葬價喪費三分之一合無容臣等於具題之時分別妃嬪父母兄弟上請 聖明裁定則所以重恩典而節財用者益詳備也奉 聖旨文武官准議皇親者自宜從厚且近不與爵祿已省為多死後又恪殺之非宜也

### 覆裁革樂舞生廚役

看得兵科給事中任有齡題稱禮之盛修有時樂之舉行有節況事不同時人不並用太常寺廚役樂舞生克補太廣徒為各官納賄之具無藉竊祿之資應

管衙門占令役使折納月錢及稱協律司樂雜沓青紫乞要嚴加區別斟酌去畱一節臣等竊惟協律郎司樂舞生廚役皆以供 郊廟百神之祀使其缺人固非重祀之義然或至於冗濫則不惟虛耗廩食亦恐猥雜怠肆而不足以交於神明給事中任有齡奏要區別去畱誠為有見除奉特恩陞授司樂二十九員例該遇缺不補并額設添設協律郎十二員司樂三十二員據該寺手本開稱僅足供事難以議革外查得每歲之中同日舉祭用樂舞生數多者惟冬至及歲暮兩日而兩日之中又惟歲暮所用為多今樂世經堂集

卷之七

主

何鼎

今  
太廟室數及各陵墓固比九年增多而見在廚役比九年亦已多三百六十三名況直廡薪水所用遇有致祭打掃公用查照欽依係該取回供役人數而該寺看守牙牌祭服等項亦派有定額若能一一遵

奉則於供祀尙當有餘合無候 命下之日行令該寺將見在樂武生揀選年力精壯儀容整潔音律疏通者存留一千三百名其餘四百五十九名盡行革退廚役亦行該寺查審老疾不堪者量退六十三名存留一千三百名內以一千名奉嘉靖九年題准之例以三百名供續增差撥及備臨時事故各將存革過數目花名造冊呈部查考今後樂舞生廚役有缺查係存留數內者方許照缺收補此外不許濫收其應管衙門如有占令使役折納月錢并濫收等弊並聽科道官遵照嘉靖九年 明旨指名叅奏如此則

世宗憲集

卷七

主

何全

目前之冗食既汰而後之弊端亦杜矣奉

聖旨是

### 禦虜事宜

側聞邊報甚急凡防守事宜已該兵部具題但有一二愚見竊恐兵部拘泥常格而不敢言抑或思慮未及臣受 恩深重茲當緊急之際不敢過避出位之罪輒冒昧上聞 惟今日之事兵將爲急顧京師之兵素不習戰而諸勲貴雖號爲將領實不知兵何益緩急 臣訪得緣事見監刑部將官戴綸李珍麻隆曹鎮歐陽安皆歷任邊疆頗著謀勇伏乞 勅下兵

部查照張達等事例釋而用之仍各量與兵萬人或數千人使各以已意操練居則自守一方出則自當一面彼蒙殊恩必肯出力庶於萬分少有補助其他在外緣事素有名聲將官如時陳周益曹劉大章雖去京師路遠若一體赦宥召之以來計終必有用此則 臣恐兵部拘泥常格而不敢言者也今關廂之民不啻十數萬一聞賊至必相攜入城若不爲之安插則爭鬪搶殺之患必且內作伏乞 勅下兵部會同錦衣衛五城御史省今有親識者各就親識居住其無親識者與酌量分派居住飲食之費省諭有無相

世宗憲集

卷七

主

東錄

通候事寧之日算還仍嚴爲禁戢不許爭搶至於城內城外之民有壯健知武藝者卽行收募爲兵則行伍可充而彼亦幸有歸着不至倡亂此則 臣竊恐兵部思慮所未及者也 臣聞兵部欲發兵於城外劄營其意蓋爲捍護關廂之計但今京軍既不習戰見賊必走走則城中守禦之人益寡居民之心益寒而關廂之民亦竟不能捍護 臣聞咸寧侯仇鸞見領大同人馬在居庸關伏乞 勅下兵部急召鸞入衛仍令兼督城外劄營諸軍大約以大同人馬爲京軍先鋒以京軍助大同人馬聲勢庶兩有所恃而不恐其大

同人馬千里入援加以天氣向寒勞苦殊甚伏乞  
特降敕旨厚加獎賞倍給衣糧以為戰士之勸此則  
臣又竊恐兵部思慮所未及者也臣狂愚之言未必  
適用伏惟 聖明裁擇奉

聖旨卿所言非得已戴綸等都赦罪便放了各復原  
職給與兵馬行糧隨同總兵官仇鸞調遣內外截殺  
逆胡其餘都准行各該衙門知道

會議北虜求貢

嘉靖二十九年八月二十一日欽蒙 召臣階入見

發下俺答求貢文書一紙 面諭臣集百官廷議欽

世澤堂集

卷之七

書

奏疏

此欽遵查得 大明會典給賜迤北項下開載正統  
二年賜脫脫不花王六年賜也先及差來正副使表  
裏衣服各有等第數目七年又定有賞例弘治元年  
三年四年亦俱有賞例今奉前因 臣告示百官除守  
城巡視及各項差委者外會同中軍都督府成山伯  
王維熊等吏部尚書夏邦謨等九卿衙門屬官辦事  
進士及太常寺等衙門堂屬官議得虜酋俺答其先  
世荷蒙

成祖文皇帝待以不死賜以印信封誥恩德至厚而  
俺答乃敢悖違天道犯我邦畿虔劉人民蹂踐土地

揆諸大義所當必誅今雖稱臣求貢有悔罪之心及

正統弘治初年有通貢賞例然信使不入表文不具

且其文書係是漢字真偽亦未可知臣等竊以為今

次求貢決不可許但王者之於夷狄禽獸畜之來者

不拒去者不追俺答前此屢曾求貢邊臣上請未蒙

准行今又有此所據來歸之情似難峻拒合無請

勅一道選差通事二員賁捧往諭俺答若果悔罪求

貢宜即日歛兵出境另具希字表文差的當頭目於

大同提督總兵官處投進聽候 朝廷處分如敢駐

兵境內希求速賞則惟有飭勵將士廣集四方兵馬

世澤堂集

卷之七

書

倪成

以大義致討必使匹馬不返以洩神人之憤以明上  
下之分臣等愚昧之見如此伏乞 聖明親賜裁斷  
勅下遵奉施行奉

聖旨這虜酋入犯悖逆天道神人共憤却乃詐稱求  
貢着集兵併力勦殺不許輕縱

薦舉

頃者逆胡侵犯深入郊畿

皇上降勅諭按軍律正諸不任事者之罪內外臣工  
固已莫不震懼矣但人才不同譬諸器物小大長短  
各有所限若不擇而用之恐終無以稱任使而仰行

宵旰之憂也。臣觀近日士大夫論人大率重修謹夫  
修謹之士在平時非無可稱然而循途守轍不足以  
倉猝應變徐言緩步不足以慷慨立功今非應變立  
功之秋乎苟以付之若人是終於不稱而已。臣伏見  
原任副使聶豹原任都御史何棟茲二臣者其才識  
膽畧迥然異於時流而豹在平陽禦虜已有成効獨  
以不能顧瞻俯仰趨避為世俗之態是以多忤  
於人仕不果達昔漢魏無知對高帝不取尾生孝已  
而但貴有益於成敗之數高帝謂然卒任陳平以克  
楚此高帝所以為英君也仰惟

世宗憲集

卷之十

主

臣

皇上神謨偉畧遠邁漢高若豹若棟臣以為試加收  
錄將來建立必有可觀臣自知此說與時論異趨懷  
之數日未敢輒上然而終不能已者念惟受恩深重  
不敢隱默自保致

皇上無任事之臣也伏乞 勅下吏部再加訪議如  
臣所言萬一可採急將二臣起用仍推此意於凡陞  
擢特破常格以收異能至於山林廢棄有如豹棟之  
才而臣未及知者乞 勅吏兵二部廣行採訪薦舉  
共期得人以濟國事臣愚幸甚天下幸甚奉  
聖旨聶豹何棟着查取來京用吏部知道

叅中書汪尙周

先該本部題奉欽依差行人殷正茂前往永定王府  
掌行喪葬禮儀續該殷正茂中途丁憂本部於本年  
九月初五日題請另差行人一員前去掌禮初七日  
奉

聖旨是欽此欽遵移行行人司取官另差間有中書  
舍人汪尙周來見臣求討前差臣與說此是行人職  
事已經題奉 明旨另差行人非中書可去等語次  
日尙周仍來求討臣仍前拒却不意尙周猶不肯已  
纏擾再三今日臣訪聞得尙周因見近日虜犯郊畿  
要得避去是以求差懇切意在必行此情尙周雖未  
曾與臣面說然使萬一有之則是名為人臣而惟知  
全身保妻子不顧

世宗憲集

卷之七

主

臣

君上之憂不殉國家之急其為不忠莫有大者方今  
皇上日飭百司修舉戰守之務倘人懷此心各圖規  
避

皇上修攘大業將誰與共濟乎臣竊以為此風殊不  
可長也參照中書舍人汪尙周官雖冗散實聯侍從  
之清班人雖鄙庸宜識君臣之大義今求差一節其  
恣行干擾本不宜曲縱以開賁緣奔競之門若使陰



懷避趨尤不宜輕貸以爲負國後君之倡伏乞 聖明特勅法司將汪尙周提究實情問擬應得罪名奏請發落庶一懲百警人心正而士習端於國政默有所助矣奉

聖旨汪尙周着法司提了問

條陳門禁 代雙江師

臣等伏奉 宸綸委以巡視九門重寄仰惟天眷聖明百靈擁佑又自去冬以來

皇上畱神邊備選將練兵積蓄儲粟宵旰孜孜聖意所加天聲震動醜虜聞知計必驚懾無復肆然入

世宗憲

卷之七

主

沈

寇如去秋直薄城下之理但臣等既以巡視爲職有不容不過爲之慮嚴爲之防者臣等連日會同守門大臣英國公張濬等吏部右侍郎應大猷等將守城事宜逐一商確除奉有欽依及瑣細節目不敢瀆奏外謹將關係重大者條爲六事畫一題請伏乞 聖明裁定勅下臣等遵奉施行

計開

一明九門啓閉之節臣等伏讀去秋欽奉 聖諭有云九門先閉是自困焉只是防檢盤詰時時代之大哉 王言只一十八字之間而

仁民之盛心保邦之長策禦虜之要計燦然畢具誠千古帝王所未有也今臣等既受巡視之命相應遵奉前諭申戒守門內外各官除大勢虜賊侵逼城下自當閉門拒守外其賊勢稍緩之日九門各以日出而啓日入而閉仍遠探報以備非常謹議察以防奸細分左入右出之途以便往來禁畱難需索之弊以杜擾害如有故違 明諭望風鎖閉以取自困及盤檢疎畧致令奸細得入縱容守門官軍人等乘機需索入城百姓錢物不能

世宗憲

卷之七

主

沈

禁止者容臣等指名叅奏如此則既有備禦之嚴復全鎮靜之體庶幾克奉 聖謨於萬一矣伏乞 聖裁  
一處避虜入城之人臣等訪知去秋逆賊入寇近畿小民扶攜老弱奔走入城其時有司倉卒不及爲處致使市井豪猾之徒或不容寄居肆行拒逐或利其實持恣爲挾騙困頓顛連深可憫念今照逆虜深入之舉雖未可必而似前失所之民當爲預圖合無容臣等通行五城御史出給告示凡避虜入城百姓除

有親識堪以依附及力能自擇安插者各聽  
自便外其餘未有所歸人數嚴督五城兵馬  
有家小者於民居無家小者於寺觀各查照  
房屋廣狹多寡分配容令寄居附爨不得勒  
取房錢其煤米鹽菜聽各以所有兩平算還  
不得高擡勒指中間果有窮餓不能自存者  
有司量為賙給其兵馬司分配房屋亦不許  
徇情受賄眾寡不均事發俱聽<sub>臣</sub>等指實叅  
究庶幾避虜之民不致失所而亦可以杜爭  
鬪偷奪之患伏乞 聖裁

世經堂集

卷之七

三

沈

一嚴城中竊發之備<sub>臣</sub>等伏念都城地大人衆  
游食惡少寔繁有徒無事之日尚聞攘奪倘  
臨虜警人心捏抗則此輩乘機劫殺難保必  
無相應嚴為隄備除<sub>臣</sub>等責令巡捕官軍各  
照分派地方及行五城御史嚴督各城兵眷  
火甲晝夜用心巡邏遇有前項無賴之徒卽  
便協力擒拏外如或嘯聚既衆逞兇拒敵巡  
捕官軍力不能制伏乞容<sub>臣</sub>等暫調巡城官  
軍并報効人等及城外民兵一同撲捕有功  
題請陞賞其各官軍遇調抗違及臨事退縮

者並聽<sub>臣</sub>等以軍法處治如此則奸萌銷沮  
可無內顧之憂而根本既固益得致力於外  
攘矣伏乞 聖裁

一通西山運煤之路<sub>臣</sub>惟京城居民所仰賴以  
生者不過煤米二事然米之乏也官府猶得  
以倉廩賑之若煤有缺乏則官府雖欲措給  
力無所施然則煤之當預處視米尤急也<sub>臣</sub>  
等聞去秋逆虜入寇之時平昔賣煤之人皆  
以畏避沿途殺掠不敢駛載而來城中無從  
買煤燒用幾生搶奪議者僉謂今大當發兵

世經堂集

卷之七

三

沈

一枝防護煤路毋致斷絕而目下又無強兵  
可遣訪得某衛百戶梁宣見住西山實近出  
煤之地其蓄養家丁及所糾合庄民佃戶約  
有三千餘人皆驍勇能任戰鬪伏乞容令<sub>臣</sub>  
等劄委梁宣如遇虜警西山到京道路阻擾  
卽便每日差人護送煤駛入城該門守門大  
臣將護送人數并煤炸駛數按日登記在簿  
其護送人各卽給與行糧待事寧之後<sub>臣</sub>等  
通查護過煤數差過人數酌量題請陞賞以  
酬其勞若彼本因送煤而途中遇虜能有斬



獲徑照兵部近題賞格施行其近山一帶居民如有能協力率衆各自護煤入城亦照梁宣事例施行如此庶煤路無壅而民用不至匱乏矣伏乞 聖裁

一慎官軍調遣之令臣聞兵分信地者所以一衆心而責之以必死也去秋虜變猝起城守之事未有定畫所有士馬朝營於東暮則或掣之而西今日屬此明日則或屬之於彼將無持久之謀兵無適從之志其甚也勞擾滋焉怨讟生焉此戰守之効所以未覩也近該

兵部題奉 欽依戰守官兵各分信地蓋已能懲舊轍之失矣夫京師天下根本今計城外劄管官軍僅九千員名城上巡城官軍僅四千員名各守鋪官軍僅六千員名已爲少矣儻於臨時不能固守初議輕易調遣則號令不一責任不專觀望推諉與夫勞擾怨讟之弊將復仍舊何以期有功乎伏乞 勅下兵部今後前項官軍不得輒調庶幾將有專責兵有定守內可鞏固 皇畿外可震懾逆虜矣伏乞 聖裁

一請修理犒賞之費臣等濫承 明命巡視九

門凡獲功賞格固已有兵部題准事例造辦旗幟器械火藥等項固已有工部掌行但臣等差遣哨探追捕等役或勞有當錄而賞格未載欲賞則礙例不賞則無以使人及旗幟器械火藥猝遇損壞缺乏若必待工部修理辦送或不應手不免誤事臣等冒昧欲乞勅下戶部量發銀三四千兩就與該部督餉屬官掌管臣等遇有用度稟發本官如數動支候事完造冊奏繳庶臣等得展布其愚而於緩急有濟至於冒濫侵刻則國憲具存臣等固亦頗知自愛不敢犯法自負 聖恩也伏乞 聖裁

請收用報効人馬

臣近見各邊奏報皆云逆虜有入寇之謀凡戰守事宜屢經臣僚建白兵部議請

皇上神謨聖猷裁定於上既已至詳備矣臣偶有愚見一事自念受恩深重不宜緘默敢遂冒昧以聞臣惟戎虜之性嗜利無恥未易以仁義懷服要在有以挫之然後畏而不敢犯今咸寧侯仇鸞調來邊兵俱

分布在外而京城四面列營城外據橋劄營止是京軍城上守鋪止是班軍此兵近經仇鸞教練雖與昔不同然亦僅足拒守未能出戰冀有斬獲夫去秋虜以遊騎直薄城下于時城上之人莫有能向之發一矢者此虜所以肆然敢復謀入寇也今年若復縱之如此後來虜患豈有寧日乎臣聞知各邊將官子弟及各處官吏監生員人等仰感

皇上平日長育教養之恩多有自備鞍馬器械帶領家丁赴京願殺賊報効者其人馬率驍壯可用臣愚欲乞

世經堂集

卷之七

書

聖

皇上勅下巡視九門大臣遇有前項報効之人逐一收錄在官各行戶部給與行糧料草結伍團操萬一虜賊大營與邊軍相持於外而其遊騎仍如去秋來薄城下即便相機調遣截殺有功轉送查點科道處驗實照例陞賞其有民人不能自備鞍馬器械者試果壯勇及審實籍明確取有保認可據亦與收名支糧轉行兵工二部兌給馬匹兵器一體操練調遣通候事寧發回如此庶可少收斬獲之績而挫憑陵之氣將來或有所畏而不敢犯矣臣迂腐之見不勝惶悚伏惟 聖明俯賜裁奪奉

聖旨這所奏着巡視大臣看行兵部知道

會法司覆楚府請封

臣等檢會大明律十惡條一曰謀反二曰謀大逆三曰謀叛四曰惡逆其下乃及不道等所謂惡逆者殺兄其一也今顯休所犯係毆死小功之兄奉 旨勒令自盡其罪在十惡第四比之罪不至死革去爵秩者輕重蓋懸殊矣臣等詳議得宗室所犯罪不至死革去爵秩者其革後所生子女既不得封革前所生子女禮部具由奏請間亦不得封顯休犯該惡逆賜自盡而其子英賢乃得照舊襲封則反薄於降革之罰似為過輕然遂革為庶人則又同於國除之條似為過重臣等愚昧竊謂英賢似應降封鎮國將軍以後子孫仍各照例遞降至中尉而止庶於輕重適中情法兩盡但封爵大典恩威出自 朝廷臣等未敢擅擬伏乞 聖裁奉

聖旨是你母既會議明白英賢准降封鎮國將軍

覆郡王府軍廚

看得郡王府廚役舊例於有司及護衛人戶內中半食撥後因煩擾累民議令退出民廚止用軍廚其無護衛儀衛司者照舊撥用惇族之誼恤民之仁誠為兩

盡但近年以來各處郡王往往有既用軍廚而朦朧復用民廚者有本有護衛儀衛司而含糊奏討民廚者以致本部凡遇奏討民廚擬立案則其間有軍廚者固不苦於乏人而無軍廚者終不免於缺用事既欠平法亦未盡及訪得各處王府僉取民廚有司撥送多係鄉民不諳供應所據舊例徵銀雇役實為兩便再照前項廚役四名原於軍民中半僉撥實止該民廚二名今有軍衛者既已革去民廚則無軍衛者不當復以民廚補伊軍廚之數況今宗室日繁民生日困若欲取足四名不無擾累通應議處合候

世宗憲

卷之七

奏

奏

命下本部行移河南布政司再查周府如果無護衛儀衛即行該縣僉撥民廚二名照例每名徵銀十兩交與儀封王府教授收領雇人代役仍通行各布政司備查各王府郡王位下但有護衛儀衛司者合用軍廚即便照例僉撥不許以奏討民廚煩擾如果無護衛儀衛司者方許從實具奏本部覆請撥與民廚二名如前徵銀給發其或已有軍廚而復用民廚者俱令退出當差不得仍行占役通行遵守如此庶王府不致乏人而民間亦不致重累矣奉聖旨是

覆王府儀從

看得宗室授封將軍中尉各有品級祿糧房價俱有等差前項儀從多寡名數見於弘治五年刑部之議准弘治八年刑部之申明本自詳備其將軍以下撥儀從二十名會典原載在弘治七年前夫事例以後定者為准則儀從之撥給固當準弘治八年之新例而不當復泥會典之舊文此本部節年文移所以俱稱照品撥發而各省亦胥守以為定規也獨江西一省在宗室則妄引以求多在有司則徇情而濫撥又因徒夫不足徵派州縣違例擾民本應查究但

世宗憲

卷之七

奏

奏

事往人衆合無將已往者姑從寬宥將來者嚴行禁革臣等恭候命下備咨都察院轉行彼處巡撫衙門通行布按二司知會今後務要照依弘治五年八年刑部議准事例及本部原行照品撥發事理施行毋得市好宗室重困民生如違聽撫按衙門指名叅劾奉聖旨是

請禁奢侈

命下已具會入閣

臣等竊惟天下之事莫不有本端其本則末自正此定理也况於治平竊見近年以來在京大小官員於

飲食服用居室輿馬及一應問勞往來之禮俱喜爲奢侈至相誇耀間有知其非者率以爲清儉乃士人守身之常於朝廷政治未有損益不足以煩明禁然臣等伏思

皇上聖神文武卓冠百王於進賢退不肖安民禦虜等事惓惓注念恒若不及此宜旦夕之間立見績効而循名責實竟未有以仰副宵旰之所求此其間必有梗之者反復以推其故然後知奢侈之害治而欲端其本者廉節不可以不貴也蓋今百官位雖不同其俸祿之入皆有定制今既務爲奢侈則其祿入

世經堂集

卷之七

三

何

勢不能以自給祿入既不能自給則其勢不容不苟取於外然欲苟取於外而無以庇之則人莫之與也故必巧爲延譽曲加援引亂賢否功罪之實以報其所餽而

皇上進賢退不肖之盛心於是乎梗矣在內者既以私庇乎外則在外之欲求庇者勢不容不賂乎內然其賂非身之所能辦家之所素有也故必刻意誅求多方剝削浚軍民之膏血以利其身圖而皇上安民禦虜之盛心又於是乎梗矣夫其始苟於所取若止足以壞一身之守而其終則

皇上圖治之盛心盡爲之梗而使斯民不獲霑被

聖化躋世道於三代之隆茲豈可視爲薄物細故哉昔左氏謂官之失德由寵賂之章而周人詠歌文王首稱在位者有羔羊之節故欲端治本必當責百官以勵廉節欲百官之勵廉節必先之以禁奢侈而後其節得以自全臣等受恩深重每見人才日下民生日困武備日弛惕然懷杞人之憂而奢侈之禁實係本部職掌輒敢冒昧題請伏乞聖明勅下都察院出榜曉諭今後百官務要薄嗜慾省交際重名檢奉公法期於贊成盛治婉美有周及勅錦衣衛嚴禁坊肆不許製造大餅高花錦鞍繡褥等項奇巧華麗之物以蕩人之耳目而移其心志如有違者官聽科道糾劾軍民聽該衛拏問至於外官苞苴到京一體嚴行緝拏庶奢侈之俗革廉節之風興治本端而太平可望矣

世經堂集

卷之七

三

何

請考補四夷館譯字生

據提督四夷館大常寺少卿丘岳呈據韃靼等館教師署正等官顧禧等屢次呈稱各館缺人習譯乞要選收世業子弟作養等因到職職看得夷語番文上國所以通知遠情必須素學預教乃能諳曉精通

我

祖宗設置九館以待外番選取子弟以習譯業其食糧冠帶授職俱有成限定立法可謂至精至備矣但自嘉靖十六年考收之後今將三十年中間所收子弟率多事故更遷見今各館惟韃靼女直等館共止有譯字官四員回回西番高昌八百等館雖有教師一二員並無一名子弟習學至於百夷西天等館教師久已病故緬甸館師生俱各故絕其見在教師又皆正德初年選入者年深齒邁精力衰頹每年各夷進到番文及勅諭夷使事務頗為繁劇乃責成

世宗憲

卷之七

早

何金

於一二教師而使之辯譯書寫未免苦難遲滯是以夷人不得即回坐費國家供億况番文字跡種種不同形畫各殊情偽頻別全與漢文大異尤非學者一朝一夕所能通曉失今若不早收作養不惟目前缺人任用不敷抑恐將來譯業無傳番文遺脫誤事不小合無俯從各官所呈查照先年舊例題請恭候命下照依選收太醫院醫官生事體容令本館教師各具重耳結狀保舉各官名下的親世業子弟聽禮部會官考試選其資稟年歲相應通曉本等藝業堪以作養者數十名酌量各館文書繁簡擬定名數

轉送翰林院分撥各館肄業不許在京富商外省稟監及勢家子弟冒籍頂名希圖進用以開竈緣奔競之門如有此輩朦朧入選事後或被入首發或查訪得出不論入館年月久近定行黜退為民仍將本館保結教師一併叅送法司究問如此庶奸弊可除譯習得人亦不失聖朝懷撫四夷之意矣至於增補教師申飭學規修理館舍供給紙劄一應合用事宜俟選收畢日職再詳議呈奪施行等因到閣臣等切惟譯字官生所以譯寫番文上之朝廷以通知各夷之情而施制馭綏來之策關係本重今積三十年

世宗憲

卷之七

早

九

不行收補或一館僅存一二或一館俱已故絕將來失學誤事誠有如少卿丘岳之所慮者願前此收補之門路太廣而又不稽其所習之業是以富家權勢目不識字之人各得行賄請託乘機求進以致公議不容竟從罷革後之當事者不咎其所行之不善遂併收補而廢之是前者假公以營私固為壞國家之法而後者謀身而避事亦無所益於國家之計也今丘岳議欲盡杜傍蹊止令各館教師結送各官名下的親世業子弟聽禮部照例考試選其資稟年歲相應通曉本等藝業者送院作養其有朦朧冒選

者日後事發即行黜退并將原保教師叅問似於修業革弊二者俱得臣等謹用具題伏乞 勅下禮部再行詳議題 請施行

嘉靖四十五年正月二十九日奉

聖旨禮部知道

### 請考授庶吉士

題為作養人材事嘉靖四十三年五月內該臣等題奉

世宗皇帝聖旨考選得進士戴沅等二十八名改翰林院庶吉士在院讀書及遵照題奉 欽依事理教

世經集

卷之七

聖

也

習考試外查得庶吉士例於讀書第三年之秋冬考試授官嘉靖十四年底吉士作養僅及二年即蒙世宗皇帝准於十五年之冬考授今照翰林院缺官數多所有同考 經筵展書纂修

實錄會試一應公務不暇辦理況其讀書已及三年之期屢經臣等考校頗有成效臣等敢援前例上請伏乞 俯容臣等於此月內糊名考試從公評品文字高下開列等第名次封卷 上進恭候 聖明裁定施行

### 題考選庶吉士事宜

准吏部手本該本部題覆吏科給事中楊樞奏為育人才以光 盛治事內開庶吉士之選節年舊規俱係內閣先期具奏本部方行議覆等因奉

聖旨是欽此欽遵備行到閣臣等看得儲才待用本圖治者之所當先矧今恭遇

皇上肇開取士之科誕布作人之化所有庶吉士委宜考選但考選之法必公必嚴然後可望得人仰備皇上他日之任使臣等謹將節年所行事宜逐一斟酌開款上 請伏乞 聖明裁定 勅下吏部施行

一先年庶吉士俱由閣臣將 廷試文卷重行檢

世經集

卷之七

聖

也

閱坐名取考臣等竊惟 廷試文卷既奉有

欽定次第難以復置品題況一見姓名中間親戚鄉識自易容情未協公論合無今次限年四

十以下但願考者俱許赴吏部報名吏部按名

閱審仍加查訪如年歲果實及無殘疾并別樣

違礙者即皆疏名奏 聞候 命下閣臣題請

欽定考試日期其有減年等弊吏部徑自叅奏

一先年考試俱在 東閣前丹墀內先期閣臣奏

請 御題該衙門設考案至日早鴻臚寺序班

引進士序立於 會極門南閣臣恭捧 御題



立於會極門西向吏禮二部尚書侍郎北向  
跪閣臣捧御題授吏部尚書吏部尚書等各  
叩頭與西向立鳴贊贊排班進士入班行五拜  
三叩頭禮畢各起就考案閣臣同二部尚書侍  
郎詣東閣恭啓御題以示進士都察院選  
差御史二員監試錦衣衛堂上官帶領官校巡  
綽吏部文選司禮部儀制司官公同收卷嚴密  
彌封次日分送閣臣及二部尚書侍郎仍於  
東閣看詳光祿寺供給進士茶餅并各執事官  
酒飯合無今次俱查照行

世經堂集

卷之七

聖旨

聖旨

一先年各官看卷不避鄉貫似於去私遠嫌之道  
尚有未盡合無今次俱從迴避以昭至公其考  
卷先行分看各取其優者然後會看必衆以爲  
優乃在所取查照上年名數分爲正副二等  
進呈恭候聖明裁定  
一進呈以後合行事宜閣臣查照舊例以次題  
請

隆慶二年五月初三日奉

聖旨是吏部知道

世經堂集卷之七

世經堂集卷之八

奏疏三稱賀類

賀伊世子奏進黃白兔各一

皇穹開仁壽之符先華嵩而錫祉后坤闡文明之秘  
並河洛以呈祥事曠古今歡騰中外等誠欣誠忭  
稽首頓首蓋聞兔者玉衡之精又爲心月之象其色  
則五百年而蒼素斯變其用則千萬世之文字攸資  
顧霜穎瞻如在見聞爲已罕而坤裳爛若尤紀載之  
所無乃於一時覩此二瑞序維秋孟適鄰貞元誕  
聖之期地屬伊藩正邇圖書出潛之所隨百獸以率  
舞光搖白玉之堦首四靈而有來輝映黃金之闕茲  
蓋伏遇

世經堂集

卷之八

一

鳴謝

皇上敬昭純一極建中和以白賁而示民坐致時雍  
之化以黃離而蓄德躬承道統之傳故協氣由之交  
通肆禎祥于焉畢集壽康之啓不徒昭以異物而尤  
出應其時聲教所孚非惟示以明徵而復生得其地  
此在感召之理信非偶然而功德之隆實卓乎不可  
尚者也等職叨文墨才謝珪璋辭莫罄乎掄揚情  
實深於喜躍伏願緝熙純嘏迓續洪休上及太清下  
及太寧益彰至聖之德天不愛道地不愛寶永垂大

順之徵

賀雨

伏以 聖主存心於百姓毋先事而致勤皇寧春德於一人遂應期而錫貺恩覃品彙喜溢寰區茲蓋伏遇

皇上道隆三極德協兩儀知王者之天在民念小民之依在穡爰因夏暵深軫宸衷致齋明以躬禱於重玄秉精白以昭假於上帝德馨孚感月呈離畢之祥惠澤洽流山效出雲之助既崇朝而霖霖肆信宿以滂沱受厥明於來牟功成率育肇發於農畝瑞

世經彙集

卷之八

二

亥

啓豐穰彼雲漢興憂竟無補於救旱而桑林出禱亦遲至於累年誠未有若

皇上今日爲民之懇格天之速曠千古而獨盛者也臣等幸霑濡澤恭覩休徵愧莫效於微涓欣並游於大化伏願對時育物敷恩迥邁夫堯仁歛福錫民綿祚遠過夫周歷

賀獲逆賊王三

伏以九伐功成兼武烈文謨而不顯四夷守在合普天率土以咸寧 神機旋幹於無言 聖武布昭於不戰歡呼載路忭躍造庭茲蓋伏遇

皇上誕膺景命光濟中興以仁明武而宰萬機並天

地道而稱四大維茲逆醜本我華民犬附桀以吠堯敢妄恩於覆載魚去淵而就釜自絕意於生成顧邊

境有釋騷之虞而將帥無匡攘之策上煩 君父躬叩玄穹聖之所存者神既垂衣而奠海宇天之所助

者順遂制挺而撻甲兵日月彰其靈威指揮奪魄風霆宣其號令談笑成擒昔太原六月之師棲皇而僅

勝在鬼方三年之伐勞頓而始平然猶載諸詩書傳爲盛美詎如今日仰仗 廟謨無亡矢遺鏃之費而

成戡定之勲即坐籌默運之間而建乂安之業其爲

世經彙集

卷之八

三

酉

俊偉豈易名言臣等聞奏凱於玉關覩獻俘於金闕爲銘爲頌雖則無其才式舞式歌實不勝其樂伏願自今伊始益底永清寧外而併無內憂得人以靈承天眷敷懿德於時夏萬年瞻周典之明昭歌帝力於康衢四海沐唐仁之浩蕩

賀瑞雪

伏以靈貺感通昭 聖修之有素休徵備敘肇盛治於無疆慶洽寰區喜均方國茲蓋伏遇

皇上至誠盡性大德好生道配乾元握陰陽而闡化心涵帝則叅覆載以成能肆無動而不減爰有所而



必獲乃於瑞雪之降益見貞符之存宸念方萌重  
玄響答淵衷所向百神景從氣隨禱以咸凝雲應  
命而胥合日當大雪之始驗作謀於時寒月屆孟冬  
之終知表珍於陰德肇開三白迺續屢豐是誠王  
者之極功聖人之能事也臣等生逢明盛目擊嘉  
禎望集霰以歡呼逐飛霰而忭舞伏願永膺眷命不  
受福祥甘澤浹流百穀用成而兆民殖太和克塞五  
氣順布而四時行

賀冬至

伏以二氣循環月暢肇時和之慶八神樹表日中協  
世經堂集 卷之八 四

天紀之符融風至而萬物昭蘇星昴正而三辰循度  
儀隆亞歲喜溢昌期恭惟

皇上仁契天心健同乾運基命宥密益弘保大之謨  
體道淵微丕顯篤恭之化府事治而民生奠燠寒敘  
而歲功成時維千載之幸逢節迺一陽之來復日周  
四極添弱線於五紋曆紀初元動浮灰於六管登臺  
而占物美瑞瑞靄之氤氲吹律以候風賀祥飈之駘蕩  
臣等叨塵法從樂際嘉辰恩溢葭噓頌寔同乎周  
雅情深履獻祝敬效乎堯封伏願建極錫民福履應  
鼎筴而滋盛對時育物壽祺隨圭景以增長賢俊滿

朝四海慰陽升之望戎夷款塞萬年承陰化之庥

賀正旦

伏以獻歲初吉當一人有道之長端月始和際六合  
同春之盛迺芳辰於有倣觀景運以維新日月增華  
乾坤交泰恭惟

皇上居正凝命體元長人恩回寒谷之溫明並中天  
之照續基圖於

列聖式九圍而撫四夷邁制作於前王本三統而崇  
百禮乃茲歲躔已酉月建丙寅表厚載於神功啓休  
嘉於文治乘輿鳳駕條風動驚輅之音左个晨

世經堂集

卷之八

五

披青陽耀龍旂之彩會百靈於仙木慶協履端介萬  
壽於椒觴祥開首祚是誠太平之景象而稀闕之遭  
逢也臣等猥以凡庸濫塵禁近談經漢席才雖乏於  
寸長稽首堯封情實深於三祝伏願福隨春至道與  
時亨萬物阜蕃溥天地和同之澤羣賢登用昭陰陽  
內外之宜

賀東宮冠禮成

伏以燕翼敷遺仰聖謨之不顯鴻儀炳煥表皇  
度之惟貞慶溢宮廷喜均寰宇恭惟

皇上德恭三極功邁百王體濬哲以發祥治隆佑啓

兼文武而昌後道重敬承乃茲 奎翰屢頒 天心  
獨運考累朝之今典舉三加之舊章冠服鼓鐘禮樂  
咸備仁義孝友勅戒孔昭少海波澄導天潢而益遠  
前星光燦拱 宸極以彌尊 臣等幸際昌時恭逢盛  
事贊襄奔走深慚列職之無功忤舞謳歌共戴 大  
君之有子伏願 皇圖億世 聖壽萬年鶴禁談經  
早奉身心之教龍樓視膳永承 君父之歡

賀 萬壽

伏以日屆昌辰仰 一人之有慶天申景貺衍 萬  
壽以無疆協氣藹乎乾坤庥光溢於海嶽恭惟

皇極經世

卷之八

七

七

皇上心涵太極道合重玄普仁慈以濟羣生履光明  
而照萬物續五帝三王之正統作君作師撫

二祖 七宗之鴻圖丕承丕顯蓋惟天純佑命 國

家之運方隆是以電繞神樞 真人應期而出久道

成化歛福錫民瑞協嵩呼開八荒之壽域祥孚牧夢

呈萬寶之歲功聽謳歌於堯衢歡騰三祝受朝賀于

周譯會啓萬方北斗為尊載進長生之酒南辰炫彩

丕昭不老之徵 臣等幸際昌明濫塵卿佐上岡陵之

頌仰 九天而難名殫葵藿之誠先百獸而率舞伏

願璿穹之佑申錫年年開明堂以朝諸侯玉衡之運

常平物物賴鴻鈞以成所性 聖壽與天地齊久  
皇猷並日月爭光

賀冬至

伏以鍾律噓春氣轉疑寒之後斗杓建子象回交泰  
之初迺日景於舒長啓地雷於來復祥徵易畫慶協  
臺占茲蓋伏遇

皇上聖哲中興仁明廣運三德秉剛柔之用政在扶  
陽一中操制作之權功存開物謨烈光乎

二祖精誠格於九穹道備神王巍巍乎莫之能及恩  
同覆載蕩蕩乎無得而名迺者序屬殷冬儀陳亞歲

皇極經世

卷之八

七

七

樹八神而視晷窮陰漸謝於玄枵調六管以候時淑  
氣遙凝於紫極風行順鬯雲釋履氣際陽升日永之  
期兆歲美人和之瑞寶籙瑤圖昭帝祉無庸鼎英之  
呈珠星璧月煥天文不爽璣衡之察周朔重頒而治  
益盛堯年增進而福彌昌蓋禮謹踐長固歷代典章  
之舊而休隆納祐實于今佑命之純也 臣等叨列清  
班恭逢 令節稱觴殿上懽騰嵩嶽之呼獻履廷中  
誠溢華封之祝伏願 好生澤普涵元化以恒流  
體道功成配天行而至健握符御統遠兼軒舜之仙  
齡安夏攘夷不振

祖宗之大業

賀元旦

伏以元正肇祚青陽布一炁之和吉月履端黃道呈五雲之慶鳳曆紀三十年之大統鴻圖開億萬載之丕基人物咸亨乾坤交泰恭惟

皇上凝神淵默體道冲虛煥發文章德教風行於四海奮揚神武威聲雷振於八蠻靈雪應祈茂承天眷仙丹普濟大悅民心茲當王者仁世之期益彰聖人久道之化朔頒夏正繼天地以開人政撫虞辰察璣衡而獻歲瑞靄耀龍樓之曙色祥風噓鳳沼之晴

世繼堂集

卷之八

人

禮

波五玉克庭兆鼎來於諸福三陽動地占彙進於羣材臣等生際昌辰節逢令旦仰春曦之臨照幸偕萬物以生輝樂淑氣之薰蒸敬先百獸而率舞伏願皇圖孔固帝祉常新祿位壽名景祐備膺於有永禮樂征伐成功不著於無疆

賀瑞穀

伏以恩覃寰宇登萬寶於農疇慶洽玄黃萃百祥於聖誕位育之功斯顯眷綏之祉彌隆事邁前聞懽騰庶類恭惟

皇上本府事以為治德配黃虞拯饑溺以為心仁兼

禹稷夏霖冬雪躬叩禱以惟虔秋報春祈率典常而

罔懈蕩蕩渾渾對時育物之澤倦倦秉奉天子民之誠

是以三靈協佑而景祐臻二氣調和而玄貺至青稂

連莖於侯甸紫芒合穎於堯封蓋自癸卯之秋東嶽

之瓊脂肇薦迨乎己酉之歲西苑之玉粒繼升昔當

萬壽之期祇獻有年之瑞天眷久而益固聖道積

以愈光乃於繞電流虹之初辰復覩盈車克箱之嘉

實且秀滋鄭圃祥發周原地維中土之壠氣出太和

之委數逾六十兆旋元歷甲之長穗具五三見登帝

畀王之盛地不愛寶同璧馬以效珍天用降康協冠

世繼堂集

卷之八

九

禮

裳而上壽斯非馨香之治格于重玄汪濊之仁成於必世之所致哉稽之瑞應王者德至地則嘉禾生考之箕疇天子福錫民而庶草茂以告于廟煥乎增

祖考之庥先以筆諸書卓矣擅古今之盛美臣等生

逢昌運位列清朝詠周頌之章夙感屢豐之有自

觀唐叔之獻忻承和一之方來伏願賜衍明昭福弘

率育握符萬載永觀北里之輸禾御曆九重坐

致南夷之貢黍

賀平內逆

伏以聖德上通誕受眷懷之祉天威下震不彰

定保之庥慶普洽于寰區懽允騰於朝野恭惟

皇上剛健中正文武聖神煥日月之照臨明以行其斷運雷霆於掌握義以成其仁茲者首逆負恩巨奸伺釁惟堯姑試蓋薰伯鯨之能倭廼舜行誅實由彼凶之肆稔戮鯨鯢而弭害殄梟獍以正刑外絕致寇之圖祲氛遂蕩內刻藏奸之藪苞蘖悉除顧腹心之憂在理雖治之當急而肘腋之患於勢則去之至難況乎手握重兵又復家多藏甲自非我

皇上日躋之敬素得乎天親雷發之機默承乎神授何以思若啓而行若翼杜禍亂於萌芽大者畏而小

世經彙集

卷之八

十

祝

者懷釋危疑於頃刻故頌治功者以爲一怒而天下安紀政化者擬諸四罪而兆民服然而皆天祐之所存非羣力之能與也臣等仰瞻宸斷伏聽綸音喜宇宙之亨嘉不勝忭躍戴乾坤之旋幹莫罄名言伏願百順駢臻千祥永集歷萬年尊居紫極益延保國福民之禧得多賢布列清朝茂建攘外安中之績

賀 聖誕

伏以祥開誕 聖九霄煥南極之輝壽祝齊天萬國仰 北宸之耀應昌期於五百載介景福於億兆年慶洽熙朝懽均率土恭惟

皇上至仁體元大德受命秉離明以繼照紹

二祖 七宗之庥履泰運而中興兼五帝三王之盛樂和禮備燦乎有文治定功成久於其道恩涵庶彙澤溥羣生四表歸心臻聖神功化之極三靈注眷享壽祿名位之全茲者璿象殷秋虹流屆節冀開十葉呈堯齡向盛之禎桃熟千年證仙果長生之瑞籌添海屋算益箕疇肇寶曆之天長六甲周而復始衍瑤圖之日永二儀配以無疆藹佳氣於闕庭溢頌聲於寰宇臣等叨塵密勿過沐寵恩仰答鴻私惟祝聖人之壽俯深鰲抃長瞻天子之光伏願保合太和緝熙純嘏帝道運而不息天心眷以彌隆日斯升月斯恒戴一人之納佑河常清海常晏慶萬禩之延禧

世經彙集

卷之八

十一

何歲集

賀冬至

伏以璿杓建子乾元肇資始之功玉律迎陽皇極介履長之慶嘉時有俶聖壽無疆歌頌溢於熙朝懽忻通於率土恭惟

皇上道合重玄真凝太始萬機時勅求端見天地之心一德日新至靜致中和之極神機運而諸邊息警化闡希夷恩綸布而寒谷生溫功兼叅贊茲者

仲冬屆節亞歲陳儀雷動地中驗窮陰之退謝陽回  
子半觀淑氣之萌滋數紀曆元歲績成而三統攸起  
灰飛緹室君道得而八風自從政舉閉關多方允靖  
禮崇饗帝百靈具懷化國之日舒長輝騰舜旦王者  
之民熙皞仁溥堯天臣等夙荷生成幸叨輔弼書雲  
魏闕忻瞻五色之祥捧日層霄恭上萬年之祝伏願  
穹祇篤祐 宗社申庥體乾健以向離昌熾高明茂  
集大來之福應復亨而啓泰元會運世永膺久治之  
符

賀冬至

世襲集

卷之八

七

何成業

伏以曆紀天元萬寓迂維新之慶景延日表 九重  
納滋至之庥御紫極以履長應黃鍾而對育神人閭  
憚朝野騰懽恭惟

皇上凝神淵穆邁德希夷參兩儀以建中盡範圍彌  
綸之道與四時而合序妙收藏生長之機 神功運  
而五炁咸調 聖敬孚而三靈胥佑是以芸生荔挺  
玄嶽肇瑞於仙芝璧合珠聯旺峪薦珍於寶藏千里  
之捷書交奏虜遁倭殲八方之壽域弘開民安物阜  
茲者日逢亞歲星值升辰肇初動於天宮一陽來復  
灰乍飛於緹室萬彙昭蘇海宇清寧正合寢兵之候

邦家靖謐允符肆樂之期節臨景命之先祥開有俶  
烝轉鴻鈞之始慶衍無疆臣等夙荷 寵恩久塵密  
勿班先文陞效恭寵以輪誠頌獻華封望蓬萊而致  
祝伏願 仙齡益永 皇祚彌昌 帝道與陽道偕  
亨四海沐堯仁之浩蕩 聖心與天心並運萬年戴  
舜治之雍熙

賀

萬壽宮成

壽源太玄萬壽宮  
神等皆官殿名

伏以 宸居肇建九重開有俶之圖 天宇慶成萬  
禩啓無疆之曆 帝業重光於載造玄禧茂迓於維  
新普率騰懽臣民胥懽恭惟

世襲集

卷之八

七

何成業

皇上心涵太始神運穆清紹三皇五帝之道統而作  
君作師績

二祖 七宗之丕基而肯堂肯構九功維敘庶績咸  
熙乃茲 萬壽之宮寔繫四方之極宅中圖大本  
玉迹之肇基革故鼎新荷 天心之錫佑羣情忻戴  
百工不戒而趨萬靈協襄五材不飭而具巽命方申  
於經始膚功遠奏於美完玉棟擎擎奠兩儀而立極  
雕梁虹舉參四大以承華璇題切紫極以高標三光  
爭耀朱拱麗繁星而錯落萬象流輝基宥密於深宮  
茂衍壽源之慶奉太玄於祕殿祗承凝一之休萬春

萬和萬華萬寧依紫垣而東啓拱萬福於攸同仙禧  
仙樂仙安仙明環斗極以西連翊仙齡於有永向離  
出治陋長樂之千門保泰定謨邁斯千之百堵矧天  
心助順靈龜叶考卜之祥而物瑞獻奇玉兔顯長生  
之兆蓋將宏庇庥於萬宇開壽域於八荒誠  
宗社永賴之基而神人胥慶之會也臣等叨塵密勿  
久荷忻懷喜大厦之成心同燕雀獻明堂之頌技愧  
雕虫伏願昊眷日新 皇圖天保萃太和於官壺萬  
年衍關雎麟趾之祥通聲治於神明億載仰鳳儀獸  
舞之化

世襲

奉天

南

禮

賀

皇極殿成

內建中建極俱殿名文昭武成閣名會極歸極弘政宣治

俱門名

伏以皇季開泰昭駿命於維新 聖王當乾闥鴻圖  
於再造屬五百載中興之運真億萬年孔固之基寰  
宇具瞻臣民胥慶恭惟

皇上體天御極紹

祖宅中成樞陰機陽之能而幹旋元會達窮神知化  
之妙而繼述不謨混六合以爲家配二儀而正位茲  
荷天心眷愛示革舊之昌期乃承 帝命經營建鼎  
新之偉制百靈響應羣材獻貢以川輸兆姓惟趨庶

役雲從而雷動始曰合少曰完富曰美煥 九重壯

麗之規跂斯翼鳥斯革疊斯飛登萬國朝宗之望大

業增隆於 祖武洪名濬發於 宸衷特崇皇極之

稱首揭 君臨之地次建中於後殿式彰宰化之原

列歸會於傍扉顯示遵王之路閣則東文而西武義

闡昭成門則左弘而右宣光揚政治上通紫極薄日

月而切星辰下亘黃輿峙華嵩而紫河海神扶天保

巨工聿就於三年夷戴華尊景祚永垂於萬世此蓋

皇上德優泰兩兼明聖而盡倫是以功冠五三合創

守而盡制也臣等幸塵密勿叨直禁廬仰廣廈之萬

世襲

奉天

圭

未敢

間幷懷有賴瞻明堂之千仞柱石何功謹稽首以  
言擬濡毫而獻頌伏願瑤圖益鞏玉眷彌昌培壽基  
培福基培祿基茂膺壽福祿之禧長生治世立天極  
立地極立人極永爲天地人之主久視成仙

九廟成上 兩宮徽號賀表 代藩司

興禮樂待百年適際維新之運王天下有三重蓋彰  
大順之徵慶協宮廷歡騰夷夏臣等誠惟誠忤稽  
首頓首謹言伏以國之大事在祀然必孝子斯能饗  
親治之所急惟禮苟非明聖莫能述作慨惟廟制備  
於成周受所親敬所尊則太廟居中東向而三昭三



穆之旁列祖有功宗有德則羣廟遍遷迭毀而文室武室之不遷逮世既衰斯禮遂廢秦祠各一其處都宮以隳漢祀止及其親廟數未備叔孫渭北之建徒以遂非侯王郡國之營反以爲褻中更貢禹匡衡之議既沮厄而不行迄於同堂異室之規竟襲訛而莫返夫禮非從天降非由地出何世主獨昧於仁孝之情蓋道必本諸身必徵諸民非聖王莫能任制作之事恭惟

皇帝陛下 睿資天縱 聖敬日躋建皇極而錫庶民上承精一之統竄聰明而作元后光膺五百之期

既邁德於百王遂正禮於千古首嚴 郊祀爰及

廟儀

太祖以功尊

太宗以德尊

列聖以世序恩義並明立春有特饗三時有祫饗季冬有大祫情文交至謹豐禩之戒時祀修於

先皇考長發之禘祫祭隆於

始祖 兩宮徽號孝廣因心六合覃恩仁兼博施是

雖資忠賢之贊其議實則本 聖智之觀其深故能

斷而不疑抑亦發必有中昔

太祖當創業之始欲稽古而未遑暨

列聖席重熙之休將更化而未果乃於今日獲覩羣章有其德有其位固已見 真主之作爲善繼志善述事尤足彰 大聖之達孝臣等備員外服幸際昌時經始 闕官莫效勞於丕作之末肅瞻 清廟能忘情於率舞之餘顧惟 堯德難名況復 周文獨盛自惟愚昧曷罄揄揚伏願撫方夏而宅中靈承帝事假有廟以萃渙永底民生 文命誕敷漸于東被于西暨朔南而無外 孝思維則塞天地橫四海施後世以無窮

皇天泰號等禮成賀表 代藩司

伏以物本乎天人本乎祖報情原始而禮制行聖能饗帝孝能饗親陳數知義而治道備事起今古喜溢寰區恭惟

皇帝陛下 齊聖廣淵 聰明睿智禮成嚴配遂讓德而薦號於 南郊業重開先復稽古而致尊乎

高廟

列祖

文母功德之報兩崇 園丘 明堂祝史之辭胥正于焉見 天子之議禮有本有文且以驗 皇極之

敷言是彝是訓臣等目瞻盛舉身被霑恩效三祝於  
堯封期仰酬蕩蕩之德稽六典於周室願永觀郁郁  
之文

明堂禮成賀表 代巡撫胡中丞

伏以聖人作而萬物覩舜華允協於堯敷禮樂舉而  
天地昭文謨實資乎武烈肇修大享恭上徽稱情文  
兼極乎尊親禮以治而具精蘊發揮乎仁孝道待人  
而行恭惟

皇上 聖敬日躋 帝德廣運執中膺歷天人之心  
交歸若性綏猷君師之責畢舉謂鴻業之建有開必  
世垂堂

先而燕翼之貽克昌厥後爰稽古典斷自 淵衷禮  
不忘所由生祖

文皇而佑啓之傳益顯孝莫大於嚴父宗  
獻考而濬哲之祥以彰歌清廟如見文仰 聖靈之

臨於上祀明堂而知孝信王道之本諸身臣其承乏  
內臺將命南服莫贊獻圖之議祇切悚惶有懷奉璋  
之誠豈勝欣忭伏願 乾剛不息 離照常中聲教

四敷益廣文明之盛治彝倫攸敘永垂嘉靖之弘休  
又代藩司

伏以 天子建中和之極功贊生成 聖人知禮樂

之情道兼述作式弘周典丕闡堯文九有攷觀於曠  
儀百王推先乎至德恭惟

皇帝陛下 敬一日新 聰明天縱敷範疇而彝倫

敘觀會通而典禮行肇大饗乎明堂薦徽稱於清廟  
本於鏐之造祖

文皇而尊尊之道明遡長發之祥宗

獻考而親親之儀備禮由協義豈獨得諸前聞孝廣

因心于以施諸萬世臣其等備員外服幸際昌期仰

聖謨之洋洋愧莫效如天之頌遵 王道之蕩蕩敢  
以倡率土之民

賀冊立 東宮表 代藩司

伏以 春宮天啓 一人兼祚胤之全 震器夙成

萬國仰勲華之協式昭燕翼丕闡鴻休恭惟

皇帝陛下 濬哲欽明 剛健中正擴因心之孝既

尊

祖而敬

宗肇裕後之仁遂 建儲以定本詠日之吉考禮之

衷冊寶燦乎交輝文物秩然備舉計存王曾禹傳啓

而慮民深業重守文武得成而卜年永蓋實所謂  
清朝之盛事抑亦可見



大聖之遠猷臣其等幸獲遭逢情均忭舞伏願 德  
光作述前星護紫極以常明 慶衍來仍少海游璇  
源而益遠

冊立 東官賀

昭聖皇太后表 代藩司

伏以 文母承乾慶澤遠垂於奕世 神孫出震歡

欣上徹於重闈時實奇逢事惟曠典恭惟

昭聖恭安康惠慈壽皇太后陛下 儉勤孝敬 端

一誠莊德協龜斯光佐 三朝之治秀鍾麟趾誕開

百代之禎翊 明聖以建儲得 元良而繩武萬方

書聖集

卷之八

辛

文淵閣

孝養福祉彌隆一統承傳輿圖攸屬臣其等職分藩

服心繫闕廷望 慈極以颺言識發祥之有自仰

天潢而稽首祈毓秀於無窮

賀

昭聖皇太后徽號表 代藩司

紫極凝輝象啓 慈闈之多祉都官肇祀先昭 聖

世之丕謨徽號誕加輿情胥慰臣其等誠歡誠忭稽

首頓首謹言伏以文明之運閱千載而一逢宗廟之

儀歷三代而始備蓋極治不容驟致故王者必世後

仁而盛典難於遽成非天子則不議禮洪惟 昭代

懋建丕基紀元十有一朝降德百七十禩  
祖宗以恭儉慈仁爲之始遂濟雍熙

皇上以聰明睿知作於今通典禮樂此真得之天授  
用以大闡人文在國家爲無疆之休於臣民則不世  
之遇也恭惟

昭聖恭安康惠慈壽皇太后陛下 德同坤載 福

與日升母天下五十年久道成化翊 聖君十六載

謙尊而光既目覩乎曠儀旋 身膺乎殊號金絲協

奏藹鈞韶濩武之音冊寶並陳爛日月雲霞之彩

累朝盛事喜忭何涯萬國懽心敷揚莫既臣等濫司

書聖集

卷之八

壬

顏杰

藩服遙望闕廷祝 慈壽於岡陵日陪 聖王戴

皇仁於海嶽歲益 神孫

賀

章聖皇太后徽號表 代藩司

聖人作君師仰璇源之有自 明王典禮樂肇寶錄

之無窮仰誦 綸音俯增忭悃臣其等誠懽誠忭稽

首頓首謹言伏以自昔母后誕生帝王雖其履崇高

備儀物率能饗一代之尊榮然於建中和贊化育實

罕觀無前之謨烈故漢文不敢居更化之任則薄后

僅際夫小康而周武未及戎制禮之功雖太姒亦歎

於全美乃如其下益鮮足稱盛治難乎遭逢時真有  
待曠儀煥焉修復事豈徒然恭惟

章聖慈仁康靜貞壽皇太后陛下 安貞應地 光  
大承天作配

先皇壹範遠宗平窮寃篤生

今上母儀克嗣乎思齊惟一德之素隆肆百祥之駢  
集海隅光被既坐觀功化之成 廟祏弘開復快觀  
禮儀之舉爰膺寶冊特晉 徽稱膝下袞旒慶典萬  
年而伊始廷中珪幣歡聲四國以胥同日月增華乾  
坤改色由此言世為法行世為則永垂嘉靖之休于  
焉天得以清地得以寧再見雍熙之盛臣等草茅賤  
品犬馬微忱拜趨雖阻於清班瞻望實依乎瑤闕伏  
願身康強而子孫逢吉祚胤並隆婦順修而男教明  
章家國理治

冊立 皇太子賀 中宮箋代藩司

伏以天立厥配乾元得坤厚以成功帝作之邦武烈  
繼文謨而弘化凡同覆載舉切瞻依敬惟 皇后殿  
下 含弘光大 淑慎惠溫妙順承以育羣黎會貞  
元而生 聖嗣青宮夜誦九有歸心鶴駕晨趨萬方  
拭目臣其等仰沾 天賚俯激愚衷婦順明章願

弘夫至德徽音嗣續祈永錫於多男

冊立賀 東宮箋代藩司

伏以禮嚴儲貳邦貞允屬於元良運撫盈成世德式  
資乎仁孝恩覃寰宇喜溢華夷敬惟 皇太子殿下  
生而神靈 幼而岐嶷熊龍協夢夙徵繼體之祥龍  
鳳為姿蚤著踐形之肖賢聖盛於六七作乃 本朝  
則已十傳王者興於五百年在今日實為疊見由此  
彰 昭代慶源之遠于焉卜皇天佑命之純臣其等  
幸際昌期欣逢盛事伏願緝熙典學畱心保傳之篇  
精一執中篤志帝王之道

世經堂集

卷之八

三

末

世經堂集卷之八

世經堂集卷之九

奏疏四 謝辭類

謝 賜帝社稷壇酒果脯醢



寵溢分涯奉豆遵於天上 恩深錫予拜筐篚於雲  
端章綬增榮室家胥慶仰惟

皇上德隆舜日 惠洽堯天適茲祀禮之成特溥明  
神之貺黃流盈缶分自青壇珍品堆盤頒從紫禁明  
信備方國之貢重踰溪毛苾芬兼水陸之奇芳騰鼎  
實臣起家寒賤逢世休嘉一針本不敢忘

君况幸嘗大亨之餘味微涓愧無能澤物何以酬既  
世經堂集 卷之九

醉之深仁伏願永受神釐靈承帝眷保 皇圖於向  
盛如日中天引文教於旁流若水行地

凡謝疏尚書以下答旨例云知道了禮部知道  
尚書以上增覽卿奏謝四字弊疏則所答旨隨  
事異詞故此卷謝疏皆不書所奉 旨弊疏各  
書之

謝兼學士教庶吉士

銓曹竊祿方虞斧鉞之加玉署兼官忽拜絲綸之錫  
寵榮併至感懼交深竊惟百司之華峻莫過於詞垣  
而學士實爲之首羣才之長育莫重於翰吉而師席  
存難其居必得異材以膺高選斯可追匪人之誚抑  
將攻造士之功願惟 愚無足比數 舊恩未報豈

新命之能勝反己猶慙何成物之可冀猥承 殊眷  
清要並躋過辱 誤知範模是任揣諸器使之義本  
非分所宜蒙況在多賢之朝尤爲望所未及茲蓋伏  
遇

皇上至仁兼覆大德懋昭恢平有以容故使人不求  
備廓然無弗愛故於物靡忍遺念 臣嘗竊忝平科名  
罔暇責其實謂 臣頗有志於問學直欲觀其成遂俾  
庸虛有此遭際幽微畢照已幸依 日月之光高厚  
難名益祇戴 乾坤之造 臣敢不深惟教學勉竭進  
修策驚蹇以先驛驕期不負市駿之意抱沙石以砥  
柱壁庶少效獻璞之心伏願 享遐壽以作人 履  
久道而成化五臣佐舜登世運於彌昌多士生周建  
邦楨於永固

謝 遣永明後殿代拜 先聖 先師

繹典肇行誕啓文明之治 溫綸誤及彌增侍從之  
光喜以愧深感因榮切恭惟

皇上制禮作樂大業日新由義居仁至德天縱贊兩  
儀之化育成位乎中正萬世之綱常建其有極惟右  
文之志篤肆崇儒之禮隆由周孔以邇羲軒見知聞  
知之相辨辨名分以嚴位序治統道統之兼明乃茲

初吉之辰載敷代拜之命臣草茅賤質章句庸流  
鰥曠惕衷豈意更叨乎任使寵恩踰分何能仰報  
乎生成初傳聞以戰兢繼拜颺而忤舞齊心對越謹  
已將明德之馨砥志進修期少窺正學之緒伏願  
受天純嘏集聖大成作之君作之師聲教益彰於四  
海得其名得其壽勲華永被於萬年

謝陞禮書兼學士

周治尙文幸際熙昌之運虞廷典禮欣承任使之  
榮眷存特出於宸衷掄擢逾其素望循墻增懼  
曳履生輝恭惟

世經堂集

卷之九

三

張

皇上仁邁帝堯智兼大舜以乾坤爲度溥濊澤於萬  
方與日月合明宣耿光於四表資先善類念切人才  
樂育曲成兼有棧櫟菁莪之化克知灼見不遺蕝蕘  
葑菲之長顧惟尙書尊官況屬春曹華選粵稽往牒  
本以禮樂爲司乃在聖朝尤荷注倚之重宜收民  
譽俾贊皇猷庶於典章雖不能窺聖人制作之  
蘊而凡職守猶可無失旦籙祝嘏之常豈意庸虛過  
叨寵渥躡躋卿省訝驚蹇之先驅兼秩詞林侈熊  
魚之兩得以蠡測海既深器小之憂惟鵜在梁彌重  
食浮之愧謹披陳其中悃忘瑣瀆以上聞天聽

未回莫遂夔龍之讓綸音存錫更蒙華袞之褒  
曠蕩之恩喜幸自倍稀闊之遇報稱爲難揣愚分  
以驚惶戴鴻私而感激臣敢不寅清夙夜策勵初  
終大者治神人和上下期仰答乎聖知次亦考制  
度守法紀用恪修乎恒職伏願帝德廣運皇風  
穆清玉振金聲永建中和之極文經武緯益隆叅贊  
之功享壽寧以保後生振謨烈而衍丕緒

謝賜聖節銀幣

竊念臣頑鈍之資夙荷陶鎔於聖化陋庸之質久  
叨衣被於皇仁方慚績効之靡稱更荷恩私之  
眷及金頒內帑歷百鍊以精絕衣出尙方備五文  
而燦爛輝生冠履榮溢篚筐伏願周鼎垂庥虞  
裳衍慶吹噓二氣握天鈞於萬年經緯兩儀運化機  
於六合

謝賜大紅金彩仙鶴羅衣

綸綍揚廷誕界金緋之麗衣裳在筭躡躋品秩之崇  
拜賜光華捫心感忭恭惟  
皇上體道彌綸天地建中經緯人文聖斷英謨裁  
成乎萬化深仁厚澤衣被乎羣生辯五服五章命  
惟貴德愛一頓一笑賞必待功願臣迹濫漸鴻才慚

振鷺非昂昂之仙驥久陪 羽駕於蓬丘無蓄蓄之  
奇姿幸奉 宸遊於靈囿自揣遭逢之已過豈期  
寵賚之仍加朱頂霜毛巧製仙禽之質錦紋繡縷遠  
分雲漢之章臣敢不矢音九臯礪志千里翔清風於  
玄圃用酬在梁之 恩接彩翰於丹山求追乘軒之  
愧伏願天申佑命神相治安紫極玄樞永享萬年之  
鶴算瑤圖寶曆丕昭一統之龍光

謝 遣分獻 郊壇

絲綸煥發溢承任使之華俎豆賁陳幸觀典章之盛  
喜深雀躍感溢駿奔恭惟

世經堂集

卷之九

五

高

皇上稽古尚文法 祖制禮復 二郊分祀之舊天  
地以官辯百神從享之宜尊卑咸秩惟有司之戒事  
莫重 園丘在顯相之擇人宜資髦士願 庸陋際  
世休明典禮樂以治神人方愧無稱於職業奉爵帛  
以助 禮祀豈期更被夫 恩榮頌謝難名省循罔  
措念惟執事之恪可伸將 命之虔敢不勉效寅恭  
庶以仰圖報稱伏願帝懷明德神享克誠 壽與天  
齊萬歲保永昌之祚福隨陽長 九重集滋至之麻

謝 遣祭文廟

運際文明方慶遭逢之盛禮崇秩祀荐承任使之榮

恩溢分涯感深肺腑恭惟

皇上聖由天縱德懋日新敬一傳心道統遠承乎千  
古中和建極制作迺邁乎百王謂孔子不假封爵而  
後尊奉薦至聖先師之號 念祀典必奉宸綸而始  
重歲舉傳制遣官之儀顧大祭非可以易承而 寵  
命不容以虛辱 猥緣資序竊廩祿於 清朝謬荷  
眷知代禪將於文廟瞻天感激伏地慚惶出入宮牆  
幸夙佩事君之訓周旋俎豆敢少忘將 命之虔伏  
願天祐 聖誠師歆 明德基圖億世主持教化以  
常隆壽考萬年造就俊髦而益廣

世經堂集

卷之九

六

倫

謝加少保并廕子

時擒獲內逆哈丹見

伏以俎豆司存愧莫贊 右文之盛治干戈載戢濫  
同承偃武之 殊恩朝班接三事以增華家學抱一  
經而有託 寵逾涯分喜溢遭逢恭惟

皇上道合玄真心通造化誠明旁燭日月煥其輝光  
神武不揚風霆宣其號令驅犬羊於朔漠一怒而天  
下舉安殪虎兕於燕雲再鼓而域中遂靖茲實 聖  
人之妙用夫豈羣力之與能願功不自居報謝既修  
乎大典而 仁無弗愛褒遷復徧於諸臣錄及庸虛  
獵進孤卿之秩賞廷稚昧早遊國子之門崇階特簡

於淵衷溫諭荐頒乎宸翰才慚弘化叨任使於貳公猷乏維楨衍榮祿於奕世人所難得臣幸兼之狗馬之心竊省循而感刻涓埃之効圖稱塞以兢惶頌述難名敷陳莫既伏願茂膺天眷昭受神禧得賢才以守四方風塵永息保子孫而大一統胤祚兼隆聖壽邁乎義軒皇圖光於周漢

辭免入閣

嘉靖三十一年三月初八日該大學士嚴嵩等題稱閣務繁重伏望

皇上簡命一二員同事等因伏奉御批禮卿階着

世經堂集

卷之九

七

在內閣同嚴嵩每辦事且仍掌部事員缺便會推三四人來看吏部知道欽此臣伏聞恩命不勝惶悚蓋內閣之官叅預機務典司政本其任至重大學士嚴嵩等欲得人同事此蓋在耆碩猶以為難居而欲集衆思廣忠益以報

皇上也顧臣備員禮曹碌碌無所建立每自謂朝廷如將綜覈名實放斥尸素莫先臣者乃蒙特賜御批以輔弼重任一旦加臣不肖之身仰惟聖恩天高地厚臣實不勝感激然使不自揣度冒而受焉切恐負乘輿譏妨賢速咎仰累

皇上知人之明而有孤嵩等得人報主之望也伏乞聖慈察臣悃誠容臣辭免別簡才賢俾佐內閣臣愚幸甚幸甚

嘉靖三十一年三月初十日奉

聖旨卿才識優敏簡在朕心宜盡誠輔贊以副眷任不允辭着改兼東閣大學士餘如故吏部知道

謝賜大紅金彩羅蟒衣

竊念臣輟鮒微材井蛙陋質直廬拜命愧莫報於魚水之逢在笥覃恩幸躬際乎雲龍之會榮逾望外感切由衷恭惟

世經堂集

卷之九

八

表

皇上應運乘乾握圖履泰至仁洋溢飛潛共樂乎生成土化漸濡魚鼈咸歸於順遂蒙寵賚濫及賤微組繪輝煌驚觀雲霞之出海金緋燦爛忻瞻羽翼之從龍願被服以何堪祇銘銜而增懼臣敢不宣揚道澤涵育聖涯期不負於攀鱗庶少酬乎泳德伏願福同川至壽與天齊大業無疆萬世仰龍光之盛豐年有繼兆民歌魚夢之祥

謝入閣時命兼掌部事以候代者

黃扉視草任重絲綸紫殿宣麻輝騰台斗自顧一介賤庸之質誤蒙九重特達之知竊揣分以凌兢

式銘心而感戴恭惟

皇上至仁大德上協玄穹偉畧英謀遠同

皇祖定一代之制儀章煥著平堯文計萬世之安征討茂揚平殷武機宜立斷詔令親裁離照弘敷民隱物情之畢燭乾綱獨攬吏才戎政之咸新夫建大有爲之功宜簡不世出之佐如臣性資柔闇學識汗跡誦載籍之陳言無裨實用守信果之小節莫贊宏猷方虞黜罰之加顧拜延登之及入叅閣務出綰部章貳鈞未遂乎忱辭兼秩更承乎寵授文非陸贄何以增黼黻之華望之馬光奚足繫國家之重況越

世經堂集

卷之九

九

七

此而周而召又進之爲臯爲夔仰企前修雖幸遭逢之適類俛惟小器實慚經濟之無能此臣所以聞命而震驚拜官而偃僂者也臣敢不激昂夙志捐委微軀祇竭寅恭之衷擬酬高厚之造伏願因思臣之不足任益舉羣策而用厥中念人才之難求全姑取所長而矜其短內安諸夏外服四夷聖壽萬年曆數邁軒虞之久皇圖一統提封兼周漢之隆

謝 賜永明後殿酒果

禮崇秘殿瞻 重道之曠儀賜晉綸扉荷 右文之渥澤遭逢至幸霑被增榮恭惟

皇上德協上玄統承前聖 至仁徧覆合萬類以生成 大化弘敷盡羣才而長育如臣性迂質弱識闇才庸葑菲兼收曾未効仰酬之悃豆籩均錫顧濫承下逮之 慈感久切於栽培喜彌深於醉飽齏鹽力學念嘗披黃卷而對聖賢犬馬知恩敢或蹈素食以負 君父伏願惟皇建極自天降康多士嚮風咀英茹華而濟濟兆民樂業含哺鼓腹以熙熙

謝交代

切念臣賦才最陋受 恩至優自兼綰乎部符忽七更平月簞事無所補咎益積於曠綬器有所拘心徒

世經堂集

卷之九

十

七

切於愧懼惟是謏訶之獲免總蒙 仁恕之曲容感天地之生成名言曷罄戴日月之臨照慶幸彌深敢不策駑蹇以趨長途用勉圖於補過輪涓流以注大海期少効於酬 知

謝 賜三年考滿羊酒鈔貫

乾坤覆載幸塵芥之並容雨露霑濡愧分涯之彌溢瞻天感激伏地兢惶切念臣猥以陋庸濫陪輔弼階聯一品既首玷於班行俸歷三年復多糜乎廩餼語遭逢則受 恩特重計報塞則効力未能昔周家以忠厚待臣賚予雖優其禮數而虞廷以黜陟駁下考



績必覈其幽明豈期獲追於條章更爾過叨乎寵錫  
牽醪寶品給自太官楮鑑珍封頒從內府閭里煥  
焉動色冠裳燁矣生輝茲蓋伏遇

皇上至仁率育淵度曲涵任官惟賢才固恒慎於  
簡擢與人無求備實不輕於棄捐此臣所以得竊祿  
治朝而又荐蒙渥澤者也臣敢不檢身以正勉企  
服羔之風約情以和務廣飲醇之義用仰承乎造  
就期少答於裁成伏願永荷玄庥茂膺帝貺祥流  
祚胤允徵既醉之歌慶洽寰區疊奏無羊之雅

謝准照舊承蔭忠正用賜劄中語

世經堂集 卷之九 十一

私悃上陳方懼冒干乎天聽恩綸下被特承垂  
軫於宸慈喜極驚感深涕隕恭惟  
皇上德光四表道奉三無需化雨於寰區舉獲滌瑕  
而洗垢鼓祥風於品彙悉蒙起朽以回枯臣夙荷生  
成過叨任使才非經濟既隆眷之莫酬教乏義方  
復煩言之自致願以情牽禽犢僭祈澤及重魚仰賴  
堯仁俯垂舜察普三驅之惠困翼遂脫於虞羅幹  
再造之機生意頓還於寒谷續衣冠之微緒增門戶  
之榮光此誠天地高厚之至恩而臣工稀曠之殊遇  
也臣敢不誓竭勤誠勉思忠正憂其憂樂其樂永懷

一體之心子而子孫而孫共效萬分之報伏願  
祇篤祐宗社申庥福祿萬年邁軒齡而獨盛本支  
百世衍周曆以彌昌

謝賜六年考滿羊酒鈔貫

竊念臣學非用世才不逮人誤蒙知遇之隆遂至  
叨塵之甚班聯一品分毫莫報於乾坤俸積六年荏  
苒空驚於歲月方幸黜幽之獲免乃承寵賚之荐  
頒何功以堪非望所及茲蓋伏遇

皇上心涵玄造德體天明合萬物以曲成恩覃無外  
因羣才而器使化洽有孚欲示激勸之意於時賢特

世經堂集 卷之九 十二

需優渥之澤於末品俯循愚分允愧悚之交深仰戴  
洪慈式銘鏤之益切臣敢不秉終始不欺之節持夙  
夜匪懈之誠祝聖壽萬歲以御皇圖永依光於久  
照贊熙朝三載而計吏治勉効力於先驅

謝六年考滿蔭子等舊直用賜劄中語

綸閣備員久負乾坤之大造彤庭錫命荐承雨露  
之洪施懼切冰兢感深銘刻伏念臣起家寒賤賦性  
迂愚自弱冠登朝積三十餘年而至今日夙荷聖  
知由詞林載筆歷十有二轉以陟孤卿屢蒙親簡  
叅陪政府幸地踐於秘崇直贊禁廬仰天臨於咫尺



然而才不足以經世文無取於代言六易歲華徒糜  
厚祿兩書吏課未著微勞所宜在罷黜之首科顧乃  
被 眷待之殊典兼官支俸叨貴富於一身贈往歷  
來忝簪紳於五世喜均存歿榮溢見聞茲蓋伏遇  
皇上膺錄御乾握符履泰弘敷離照德兼濟哲欽明  
廣運玄仁化溥長育成就萬物咸歸覆冒寸長舉獲  
甄收是以曲庇凡庸俾仍玷熙朝之列載覃 寵渥  
用益隆舊直之 恩信獨得於遭逢豈能窮於頌謝  
臣敢不素餐爲戒赤悃是輸奉 制詞以告先人期  
各效銜結之報繹 綸音而訓弱息誓共堅忠孝之

世襲集

卷之九

三

求

謝改男璠尚寶司丞

皇慈浩蕩曲原瀆冒之愆 帝命優隆俯遂懇祈之  
願感深涕隕喜極竟驚伏念 素乏行能又無勞績  
過蒙 簡拔身躋贊輔之榮荷荷賞延家襲衣冠之  
美報答未輸於尺寸悚惶恒切於冰淵乃茲禽饋情  
牽瞽矇識昧引往例以陳乞不暇顧其弗倫奉 恩  
旨以矜從乃益叨乎非分 愚既得相依於竊祿臣  
男復釋重負於專城合兩世以安華舉一家而歡忭

茲蓋伏遇

皇上仁弘天覆度廓海涵謂樛櫟之賦質本然不責  
其短念駕駟之服役頗久併恤其私是以獲隨舊直  
之末廕更拜 新綸之殊寵庸微父子同時以立熙  
朝清切班行接武而陪法從遭逢之幸體遇之恩有  
如此也 臣銘心鏤骨誓自效於捐糜教子訓孫期共  
敦乎忠孝惟丹誠之畢竭庶 洪造之少酬伏願  
聖壽天長 皇圖地久玄禧滋至永開祚胤之蕃祚  
景運彌昌茂集邦家之大慶

辭免九年考滿 恩命

世襲集

卷之九

古

求

該吏部以 九年考滿題奉

聖旨徐階歷一品九年考滿勲勞懋著着改兼吏部  
尚書賜勅獎勵仍賜宴禮部以稱朕褒禮輔臣至意  
欽此備咨到 伏念 一介草茅荷蒙

皇上不次拔擢荐陟孤卿叨應贊輔 聖恩殊特有  
高天地厚之施而 質鈍材庸曾莫能少效涓埃之  
報茲歷俸三考遵例給由夙夜循省自謂必當罷黜  
伏蒙 聖慈涵育仍玷班行 臣已感激悚惶罔知攸  
措乃更奉 恩命自天而下禮數益優實非意念之  
所敢及夫 賜勅 賜宴在人臣爲至極之榮吏部

尚書在官制居六曹之首前此輔臣名德重於縉紳  
勲勞著於中外 渥恩隆典或可仰承 臣非其人豈  
容藉口冒受況今財用告乏南北多警 聖心憂勤  
非臣子宴豫之日所有部宴一節尤不敢當查得大  
學士嚴嵩兩次 賜宴皆蒙允其疏辭伏乞  
皇上俯鑒 臣情非由矯飾前項 恩命均 賜停免  
庶於愚分獲安公議為允 臣下情感幸與祗受同也  
臣無任悚息祈懇之至

嘉靖三十八年五月初十日奉

聖旨卿輔政多年勞績懋著加恩尋典宜承朕命不

世澤堂集

卷之九

十五

何金

允所辭吏部知道

再辭 賜宴

昨該臣具奏辭免改兼吏部尚書 賜勅 賜宴等

項恩命伏奉

聖旨卿輔政多年勞績懋著加恩尋典宜承朕命不  
允所辭吏部知道欽此 臣不勝感激不勝惶悚竊惟  
從厚而施者 君上之至恩揣分而受者人臣之定  
義 臣昨聞 恩命誠自知無能以堪是以陳情辭免  
用安愚分茲奉 溫綸不允所辭 恩慈隆渥 臣謹  
已鏤骨銘心誓圖補報夫 勅諭之賜 聖訓昭垂

臣敬當捧誦佩服益思勉勵吏部禮部尚書雖序有  
先後而品秩尚同二項 恩典 臣謹祗承不敢復有  
陳懇惟是 賜宴一節禮遇特優雖元輔耆德尚不  
敢當顧 臣何人乃敢冒昧領受 臣之疏辭實出衷臆  
聖明在上日月昭臨委無一毫矯飾用敢不避煩瀆  
再干 天聽伏乞 聖慈俯察愚誠 特賜允免庶  
臣內少釋於愧恐外少逭於譏評 臣仰荷  
皇上鑒體之恩與祗受 恩賜均一天地之高厚也  
臣無任惶懼激切仰望之至

嘉靖三十八年五月十二日奉

世澤堂集

卷之九

十六

何金

聖旨輔臣九年考滿賜宴朝廷舊典卿不必辭該部  
知道

謝九年考滿改兼吏部尚書 賜勅 賜宴

俸歷九年夙荷 乾坤之大造 恩覃三錫丕承雨  
露之洪施不勝揣分以悚惶惟切銘心而感戴伏念  
臣家本寒素人復凡庸駑蹇非駸驥之羣頗自明於  
較度燕雀無鴻鵠之志獨有幸於遭逢當 龍飛之  
首科濫登甲第逮鳳曆之二紀漸陟華階繼蒙 任  
使於南宮旋被 簡知於內閣職聯贊輔秩晉孤卿  
仰戴 聖恩極天高而地厚俯思官守恒夕惕以朝

兢顧朴拙之性多愚而章句之學寡要虛延歲月靡補涓埃一品僥踰久抱負乘之愧三考奏課竟無底績之書謂宜正法於黜幽乃沐 垂慈於求舊仍處鼎司之重地改兼銓部之新銜 勅降熙朝榮溢漢代璽書之賜宴開春省 寵浮周家筐篚之將再陳危惴以控辭屢奉 溫綸而申命凡微臣今日之所受實名賢昔時之所稀茲蓋伏遇

皇上德溥生成仁弘涵育廓兼收之量以待士葑菲不遺推一體之義以遇臣履簪是念萬方均賴於有慶羣情悉照於無私臣是以獲藉 帡幪久玷班行世經彙集 卷之九 七

之峻荐叨 眷渥備膺禮數之蕃祇感 殊恩允莫窮於頌謝誓堅晚節用少效於報酬伏願軒算彌崇堯圖永固登百工而熙庶績載賡喜起之歌歛五福以錫兆民茂衍平康之治

辭免 萬壽宮成加恩

該工部以 萬壽宮建告成題 請加恩臣役節該欽奉

聖旨新宮速就朕仰荷天眷非常諸臣協力效勞茲特加典以酬輔臣階竭盡忠勤催督規畫加少師兼支尚書俸還廕一子與做中書舍人欽此仰惟 天

恩隆重稠疊踰溢分涯臣下情無任感戴無任惶悚臣謹先陳大義之不當受然後及臣私情之不敢受者伏惟 聖明俯賜鑒焉夫土木之工自昔難之往年凡有營建雖其小者亦必經年累月而後可成昨宸居之建為工甚鉅方經營之初衆皆以為非一二年不可望就乃今僅三月而以成告此非人力所能及也

皇上聖德格天茂膺 眷與是以三靈協佑百神匡襄材有輻輳之奇動有順利之吉爰克臻此臣於其間有何勞畫而敢上貪天功以為已利此所謂大義之不當受者也當世經彙集 卷之九 六

皇上駕御顯法也臣伏見殿宇淺隘街路衝逼下情不勝瞻繫是以一奉 聖諭即以工事為任而不辭此時惟知為 主不遑他顧也及至工舉士大夫見其重大或懼工之難成而憂臣之不免於罪或意臣必將奏派錢糧以滋民困奏開事例以壞選法臣聞之私切憂恐蓋廢寢食者屢焉今仗賴

皇上德福非常工克有成上足以仰備 臨御而下亦無擾於 聖世之民無損於 聖時之政臣獲免於重罰而逭於清議其為慶幸已不勝矣如復受茲

隆恩異數不將取叨冒之譏來滿盈之咎乎此所謂  
私情之不敢受者也伏乞 聖明俯察臣言非有矯  
僞特降 恩旨允臣所辭則臣身心俱安不勝幸甚  
不勝幸甚如必以為妨衆亦乞容臣只領兼俸一項  
恩命其加官廕子并原兼支大學士俸俱 允辭免  
庶臣可以仰承 無任懇切祈請之至

嘉靖四十一年三月二十八日奉

聖旨卿竭盡忠誠加恩不逾准辭免學士俸新恩不  
允宜承朕意吏部知道

謝 萬壽宮成加恩

世宗憲

卷之九

九

宸居美就慶逢昌運之維新 帝命煥頒驚拜 寵  
恩之過渥瀝忱辭而莫遂既切悚惶誦 溫旨以祇  
承益深感激竊念臣猥以草茅之質叨塵鼎鉉之司  
久受 眷知每圖報答適欽奉作新之 諭詞嚴義  
正惟天命以是承而仰瞻 暫幸之宮地淺位偏非  
至尊所宜御心惟為 主爰不揣而濫事於經營身  
幸際時遂未幾而遽臻於完美萬靈協助總由 大  
佑以致然百順駢臻實賴 鴻庥而有此惟 璇宇  
之既建卽葵悃之已酬求厥寧而觀厥成本無心於  
希賞畧其功而取其志乃過沐於 加恩萬感奚以

能勝千言曷足為頌茲蓋伏遇

皇上德合九穹道符

二祖秉虞舜之大智言必用中運唐堯之至仁賞惟  
從厚式令淺薄得贊末議於工興仍俾凡庸獲被  
隆施於役竟秩益崇祿益重夫豈分量之宜兼貴其  
身世其官允非筆舌之可謝 惟當銘心刻骨誓罄  
竭於忠誠教子訓孫期對揚於 休命伏願永膺昊  
祝廣納神扶君子躋君子寧應斯千之詩而祥延圖  
大聖人壽聖人富協華封之祝而祉介宅尊

謝 賜十二年考滿銀兩表裏等

世宗憲

卷之九

十

竊念臣頑鈍靡稱於作礪空疎重愧於演綸曲謹小  
廉徒有慕羔羊之節儉玩時愒日殊無補既醉之太  
平久玷班行虛糜廩餼顧幸追於幽黜仍過沐於  
明恩銀幣寶緡既輝煌而在笥牽醪珍饌復稠疊以  
盈庭兼晉侯三錫之榮邁周人百朋之貺豈惟臣之  
揣分不敢望焉卽在國之待賢何以加此慶奇逢於  
千載誓當夙夜匪懈以少答洪施祝 聖壽於萬年  
願與天地同長而永弘玄化

辭免十二年考滿加恩

該吏部題為給由事奉

聖旨徐階輔弼重臣忠勞懋著茲一品九年滿後又歷三年考滿着寫勅獎諭賜宴禮部還給與應得誥命以稱朕眷酬至意欽此臣聞命自天措躬無地伏念臣性資朴拙學識疎庸爲主之心雖不忘於頃刻佐時之畧實無取於分毫而誤受眷知濫叨贊輔歷官一日則有一日疎曠之愆今至於十有二年臣之罪戾其積也多矣伏蒙

皇上廓求舊之仁弘曲容之造俾臣仍備員近列竊祿清朝臣仰戴洪恩俯循愚分感悚已不自勝敢復拜茲恩命如查負山又益以華嶽之重耶

世經集

卷之九

主

嘉靖

且臣於嘉靖三十八年嘗因九年考滿叨蒙賜勅賜宴邇者恭遇宸居告成叨蒙加官兼休僅纒踰月夫隆殊之數三歲而再頒曠特之施甫月而兩及此非臣小器薄福所能勝而亦知止忌盈者所不敢居也伏乞聖慈察臣悃誠容臣只領應得誥命以少伸光顯祖父一念水木之私其賜勅賜宴均乞收回成命庶臣身心少安得以勉圖報効感荷聖恩與領受同也

嘉靖四十一年五月初二日奉

聖旨輔臣考滿加恩朝廷彝典卿輔政年多勲勞茂

著宜承朕命覽奏情詞懇切部宴允辭仍給與折宴銀四十兩彩段四表裏勅諭誥命頒賜該部知道

謝十二年考滿

賜勅諭誥命并折宴銀幣

五百年運值明昌夙慶遭逢之有幸十二載班聯密勿久愆報禮之無稱課殿最於清朝宜書下考檢彝章於昭代顧沐洪施龍箋示華袞之褒臣省

啓彤弓之饗

誥仍頒於四世命特降於三霄在

聖主借淺薄以勸賢雖靡所靳乃微臣因曠瘵而揣分實莫敢當爰陳懇切之辭更荷優隆之答勲勞

何取綸音濫奉於春溫金幣交輝宴折過需於露

世經集

卷之九

主

嘉靖

涓茲蓋恭遇

皇上心涵大造道契重玄隨物以成其材誕普作新之化使人不責其備尤弘求舊之仁身建極而言用中克知宅而灼見俊念臣頗能自勵於守已非曲庇其孤蹤謂臣僉知匪懈於事君遂存喬於渥眷既寬罷黜復賜寵嘉是雖刻骨銘心何能志感即俾捐軀頃首豈足酬恩誓惟益竭乎初誠庶以少圖平後効堅持晚節擬松栢以凌寒獨抱朴忠同藿葵而向日伏願吳穹篤祐宗社申禱操八柄以馭臣雲會風從允覩咸熙於庶績握六符而治世天長地

久茂膺多祜於萬齡

謝賜勅

黃扉一紀慚歲序之虛延 紫綬再頒荷 天恩之渥被祇承嶽戴捧誦冰兢伏念 臣獨抱樸愚受特知於 聖主叨塵密勿膺異數於 清朝忝竊有年消埃無補曩循資而奏績既 賜勅以示褒茲緣四考之書復冒 九重之寵 奎章晉錫煥矣堯文 宸翰賁垂昭哉舜命一字榮踰華袞況蒙鳳藻之聯翩幅賤價重瓊瑤矧覩龍紋之綢爛濫叨過甚感激奚勝茲蓋伏遇我

世宗憲皇帝

卷之九

五

九

皇上化篤因材仁弘求舊謂 臣數年贊輔僉知効匪懈之勞察 臣一念靖恭爰申降殊常之諭陋彼十行賜劄炳焉三代同風因 獎借而省循益切顏情之有覲仰 訓謨而效法允嚴師保之如臨 臣敢不奉以無違服而勿失銘心刻骨誓堅報 主之忠傳子貽孫奉作鎮家之寶伏願天庥滋至玄貺彌隆歛五福而臻百祥 聖壽永齊乎天地調四時而康九有皇圖恒固於河山

辭加建極殿大學士

准吏部咨奉 手勅輔臣煒着加少傅兼太子太傅

建極殿大學士階同進兼殿職如勅奉行欽此備奏到臣仰惟

皇上以萬壽聖節大需 天恩 錄贊輔之臣降進兼之 勅 臣濫同聞 命感激何涯但念 臣自玷台司久叨榮 寵雖感知一念不忘於夢昧之間而才力所拘無能少有裨益即守舊秩尚不能勝乃茲初制之遷除宜屬 熙朝之名碩在 臣淺薄本非其人況已蒙 聖恩陞 臣男現尚寶司少卿今 臣復奉前項 恩命叨逾益甚承受彌難 臣雖至愚亦知自揣輾轉思惟實有不敢冒領者伏望 聖慈俯鑒下情 特容辭免惟使 臣心少紓於慊愧庶幾 臣身得安於供職而勉圖補報於萬一矣

世宗憲皇帝

卷之九

五

九

謝加建極殿大學士

此官之設自此始時歲在甲子

缸電開祥慶戴方騰於嵩祝雲霄渙渥省循彌切於冰兢過叨望外之榮深激由中之感竊惟建極之名殿宏規本定於 聖裁學士之宣綸初制特題於御筆一代官聯大備允屬 熙朝萬年 彝典肇彰適符新甲惟是人所未得為之職秩宜歸世所不恒有之才英 臣德謝珪璋學慚經濟遭逢偶幸遂濫侍於禁廬勞績靡稱徒屢更於歲籥即使守舊銜而供



事猶虞負 重委以速愆豈期釋深曠之咎於前時  
仍荷示優殊之寵於茲日金箋墨潤輝平彩溢盤龍  
玉璽珠明奕矣輝騰翥鳳況以顓蒙之弱息驟遷法  
從之清班材質陋庸僅一日而再承異數家門寒賤  
合兩世而並沐 洪慈曷罄悚惶惟知銘刻茲蓋伏  
遇

皇上道參上妙運際中興膺九昊之眷懷瑤圖永撫  
納三靈之佑助寶誕再逢爰推饗帝之由益切繼天  
之念顧綏猷惟后雖則 聖主所優為而輔世惟賢  
實非愚臣所能任此臣所以履榮而僣僂捧 勅而

世經堂集

卷之九

五

何處集

戰驚者也 臣敢不服膺忠訓用殫力以酬 知教子  
義方期同心而報 主仰瞻白日俯誓丹衷伏願仙  
算益增天庥滋至建皇極以啓會極歸極衍萬萬世  
有道之長固壽元以培福元祿元介億億劫無疆之  
慶

辭十五年考滿 恩命

准吏禮二部咨該吏禮二部欽奉 聖諭元輔階九  
年又歷六年考滿着照舊輔贊卿等會議加恩來看  
欽此隨該二部議請寫 勅褒獎 賜宴禮部加授  
特進給與應得 誥命仍廕一子為尚寶司司丞題

奉 御批卿等所議恩加都可仍加上柱國以示朕

特眷欽此備咨到 臣仰誦俯思不勝震悚夫人臣

必有殊常之勞績然後可以膺殊常之 恩寵苟或

違此則不惟公論所不容寔乃天道所不佑也 臣才

本庸下學復空疎濫塵輔贊於十有五年莫報 恩

私於萬分之一義當自効用俟黜幽以彰考課之公

以儆庶官之情故前月初三日雖屬滿期不敢咨部

題請復職茲蒙降 諭不咎曠官於累歲仍容竊祿

於 熙朝 臣已感幸不自勝矣顧乃復領前項 恩

命如部疏所擬 絲綸之褒 慈惠之錫特進之銜

世經堂集

卷之九

五

何處集

延世之賞本皆 朝廷殊典非 臣所宜冒受至於

御批上柱國之加尤有不敢當者蓋上之一字在人

臣之義所必當避在人臣之職所不得書閣中先臣

昔嘗援故事以具辭荷蒙 俞允矣 臣雖建立之効

無可稱述於纖毫而敬畏之忱實頗知不懈於頃刻

似此非分之思 臣感戴 特眷則誠不可名言然非

所敢聞 命也又 賜宴一節目今邊餉缺乏閭里

空虛

皇上兼惠兵民動從節省 臣縱不能仰贊 聖政又

豈宜耗蠹太官況昔歲 允辭亦有成例除 賜給

詰命<sub>臣</sub>方祈藉 制詞光顯祖先於地下不敢辭外  
所有上柱國必望 聖明鑒<sub>臣</sub>尊 主之心出於真  
切 俯容辭免其 賜宴及 賜勅加特進廕子等  
項亦乞一併收回 成命庶使<sub>臣</sub>上不干天道之譴  
責下不犯公論之譏評身心得安以勉圖報答斯則  
皇上保全愚<sub>臣</sub>之恩造尤至隆而至篤矣

嘉靖四十四年四月初九日奉

聖旨卿忠誠公正念切邦民輔政多年勲猷茂著奏  
績加恩典不逾覽奏情詞懇切上柱國及部宴允  
辭照例給與折宴銀四十兩彩段四表裏其餘宜悉

世經堂集

卷之九

主

謝

承命以副朕眷答忠勞至意該部知道

謝十五年考滿加恩

奉職無稱愧懼方深於歲月 加恩有命寵榮彌溢  
於分涯揣已凌兢銘心感激竊念<sub>臣</sub>樸拙一惟守己  
才能百不如人偶蒙 聖主之誤知擢居政府遂陟  
孤卿之極品荐歷年華屬當五考以屆期擬歷寸衷  
而乞去顧煩 諭示俾仍立於 熙朝旋荷 御批  
用昭垂於 特眷仰 九重之注念自昔未聞考一  
代之彝章于茲為盛竊嘗慨賢哲之士多不值辨治  
之時或竟抑於下僚何望異數鴻私之駢錫或僅承

於一顧敢希 奎章宸翰之屢頒故語及於遭逢必  
感形於涕泗但以輔贊全無小補而 勅降殊褒建  
立不踰庸流而階遷特進先<sub>臣</sub>未效結草之義疊被  
絲綸穉子尚乏執御之能謬忝侍從章陳辭避幸俯  
鑒敬畏之忱 詔給宴資復濫叨優渥之貺每緣循  
省輒倍悚惶雖勉以仰承實跼踖而靡措茲益伏  
遇

皇上道超今古德備君師用才則舍其短姑取其長  
並乾坤而覆載觀人則聽其言即識其行兼日月以  
照臨亮<sub>臣</sub>不敢為欺因畧其本質之最下謂<sub>臣</sub>頗知

世經堂集

卷之九

主

謝

好善過期其後效之有成爰 屈法於黜幽載 弘  
慈於渙號 賜之璽書而授之峻秩無非借淺薄以  
勸忠贈其自出而廕其所生亦將因源流而教孝<sub>臣</sub>  
敢不祗承 聖意取法前修往不諫而來可追務乘  
時以補過心勿忘而身匪懈誓盡瘁以酬 恩伏願  
聖壽彌崇 皇圖永固登百工而熙績雲從景附萬  
年慶協於明良歛五福以錫民外靖中嘉六合庶延  
於豫泰

謝 賜考滿羊酒等

竊念<sub>臣</sub>猥以凡庸濫塵輔贊徒糜歲月殊乏建明按



日以課成功則已積曠官之咎計食而求稱事亦不勝素餐之譏顧幸免於黜幽仍叨膺於錫命兼金文幣輝聯寶鏤以煥頒肥斧上尊美協珍羞而並賚榮逾意望對揚曷罄於名言寵溢分涯循省彌增於感悚誓惟祇奉忠誠公正之訓用以勉酬簡知眷答之恩輔一人建極綏猷必使聲教弘敷於四海贊五位祈天永命允瞻壽禧茂衍於萬年

謝賜十五年考滿 敕諭

綸閣叨居績効靡稱於立考 聖書寵錫恩私載注于九重揣素分以增慚拊丹衷而切感伏念臣性

世經堂集

卷之九

五

朱李

資迂拙學術空疎官階首玷於班行已云竊位廩祿久糜於歲月尤屬素餐頃當考課之期伏俟黜幽之命顧蒙鴻造親降諭以眷留仍荷寵光特賜綸而嘉獎發金箋於內府飛寶墨於西清稽首以迎祇奉自天之玉檢偃躬而受驚瞻耀日之瓊章銜戴難名怔營曷措茲蓋伏遇

皇上乾道廣運離照弘垂用材則並蓄兼收非封固棄念舊則俯矜曲軫簪履弗遺謂臣之輔贊有年察臣之操存近實爰頒御勅用示宸慈旨溢春溫錄其長不計其短義昭日鑒褒其往復勸其來

赫赫乎天之示人諄諄乎父之訓子靜言俯省奚克仰承紀隆遇於青箱期傳子孫而為世寶勵初心於白首誓同松柏以凌歲寒伏願茂介玄庥永膺昊社體三德而建皇極集康寧壽富之純禧得羣賢以翼帝猷衍喜起明良之盛治

辭登極加恩

隆慶元年二月初九日該吏部欽奉手敕少師兼太子太師吏部尚書建極殿大學士徐階男中書舍人瑛陞尚寶司少卿欽此臣竊惟先朝加恩講讀諸臣必首及閣臣者蓋以閣臣提調講讀之事也臣

世經堂集

卷之九

三

朱李

備員內閣十有六年僅於嘉靖三十一年八月皇上初出閣之三日幸得周旋講幄瞻對天顏此後不過恭閱御書改定講章及嘗上請進講通鑑荷蒙俞允並未由與諸臣日侍講讀少效提調之勞茲乃蒙聖恩俯錄推及臣男瑛俾以一介稚昧之質躋躋五品侍從之班在臣既最無功在臣男尤極非分臣捧讀綸音感激固不可名言而惶悚交并亦實無自容之地伏乞聖明鑒亮下情收回成命庶臣父子身心少安得以圖報恩造於萬一其為感幸與拜受均矣

隆慶元年二月十一日奉

聖旨卿內閣首臣忠誠夙著朕茲嗣統翊贊弘多特用加蔭以示酬養宜承恩命不允辭吏部知道

辭重錄 大典成加俸

該吏部節奉 手敕茲重錄永樂大典成足慰我

皇考尊

祖右文至意內閣輔臣綜理校閱著有勞績少師兼太子太師吏部尚書建極殿大學士徐階着加正一品俸欽此移咨到臣伏思 大典之重錄昔蒙

先帝親灑宸翰諭臣處理時每觀卷帙之浩繁

世經集

卷之九

五

宋

輒私憂校錄之難就至昨歲龍馭上賓臣益懼事不克竟無以上副

先帝所以委任愚臣者日夜惶惶以為大恐乃茲仰

賴

皇上以

先帝尊

祖之心為心以

先帝右文之事為事羣力畢效用底于成臣獲藉手

以復

先帝此其感幸已不自勝矣敢更首塵 恩命厚叨

俸入增踰涯之愧重素餐之愆耶况 國家之制正

一品月支米八十七石一歲為米千石有奇今太倉

空虛百姓窮困此千石者積之於廩則足以資 國

用蠲之於下則足以裕民生仰惟

皇上方崇恭儉之德行節省之政而臣既不能少有

贊襄又耗蠹焉輾轉思惟尤所不敢伏乞 聖明俯

鑒惻誠 特賜俞允俾臣照舊支俸供職則臣心所

安即 聖恩所注固不必食之加豐也臣無任祈懇

之至

隆慶元年四月十八日奉

聖旨

卷之九

五

宋

聖旨書成加俸朝廷舊典宜承恩命不允辭該部知道

辭 聖節廕子疏

奏為辭免 恩命事該吏部節奉 敕朕生辰大慶

念輔臣久效勤勞特加恩資大學士階廕一子與做

尚寶司司丞仍賜衣一襲欽此移咨到臣仰惟

皇上以 大慶加恩輔臣所有襲衣之 賜臣謹當

拜 命服以恭賀 萬壽其廕子一節緣臣猥以陋

庸幸逢 明聖官叨鼎鉉未能展報於涓埃景入桑

榆方擬投閒於林壑祗以 聖節將屆 賀禮肇行

義當恭效慶祝之忱未敢卽上陳乞之疏願蒙 聖  
慈俯念 宸翰下頒誤錄勤勞特加 恩數賞既隆  
於延世仍今參侍從之班學無取於傳家乃許接登  
朝之武戴 德誠莫勝感頌拊躬則彌切慚惶輒敢  
控辭企 垂照察惟收回於 成命俾不辱於 鴻  
施庶獲少紓危懼之懷亦可無累 仁明之政臣無  
任祈請仰望之至

隆慶二年正月十四日奉

聖旨卿內閣元臣輔理新政茂著勤勞大慶賜蔭以  
示眷倚宜承恩命不允辭吏部知道

世經集

卷之九

奎

何金

謝 賜十八年考滿羊酒等

伏念臣 幸際 昌時濫叨重任計竊祿於一品雖有  
歲年語酬知於 兩朝實無績效方伏俟罷黜之  
命乃過叨賚予之 恩金幣寶綬輝煌於織篚上尊  
肥簞克初於敝廬豈惟縉紳以爲至榮實乃簡冊所  
稱奇遇 感增鏤刻頌莫名言惟祝 聖人荷天之  
休引慶祉益隆於祚胤仍乞 明王擇賢而任賜衰  
庸早返於山林

致仕謝 賜 敕諭并差官護送月米歲夫  
等

該大學士李春芳等題爲懇乞  
天恩優禮老臣事奉

聖旨是徐階輔政多年勲勞茂著朕念其高年屢疏  
乞休用允所辭着寫勅諭差官護送還鄉仍月給米  
六石歲撥人夫八名應用以示優眷至意該部知道  
欽此伏念 臣 器局陋庸年力衰憊惟自揣久孤於  
任使故屢疏懇乞於退休 俞旨下頒已幸遂生還  
之願 溫綸再錫乃過叨優眷之恩治狀無聞濫荷  
聖書而褒美病軀靡仗欣蒙 命使以護持歲仍免  
於徒行月有資於繼粟凡茲異數咸出 洪慈伏地  
世經集

卷之九

奎

何金

拊心竊重愧此生之莫報瞻 天稽首惟虔祈 聖  
算以崇增 臣 無任感戴  
大恩之至

陸辭謝 賜銀兩鈔貫綵段襲衣

本月二十一日伏蒙

皇上以 臣 致仕回籍辭朝 頒賜 臣 銀五十兩新鈔  
三千貫綵段四表裏紵絲大紅織金臂背雲鶴員領  
一件綠素格護一件青素貼裏一件 臣 謹頓首祇領  
訖仰惟

皇上仁弘無外 義篤不遺遂令江湖萬里之孤蹤

猶拜 雨露九天之渥澤兼金寶鑑足資引養於衰  
年文綺襲衣獲藉誇榮於故里莫窮頌 德惟切銜  
恩臣下情無任感戴之至

謝致仕抵家

伏蒙

皇上念臣年老 賜臣致仕 欽遣行人紀大綱護  
送臣回籍於七月二十一日 面辭即行茲九月初  
四日已回至原籍松江府華亭縣訖途行三千餘里  
幸免風波丹居月又一旬苟延視息庸才小器既獲  
安在野之宜病骨孱軀仍可遂首丘之願此皆仰賴

世經堂集

卷之九

三

何

我

皇上好生為德 曲成為心 體羣臣而敬大臣禮  
風隆於待士佚老者而矜愚者惠特溥於從人是以  
臣濫沐榮光叨承 庇廕有如此也 臣奄奄白首雖  
莫報 賜於銜環耿耿丹心終誓酬 恩於結草伏  
願 聖躬天保 睿學日新內順治而外威嚴 駿  
業益增於鞏固道蕩平而風清穆 鴻休茂衍於隆  
昌臣無任感戴祈祝之至

世經堂集卷之九

世經堂集卷之十

奏疏五 陳乞類

乞太恭人卹典

臣由嘉靖二年進士授翰林院編修歷陞浙江等處  
提學僉事副使等官嘉靖十八年遇蒙

皇上冊立 東宮改臣前職仍以四品服色俸級供  
事臣仰荷 聖明擢拔生成之恩正期圖報不意臣  
母封太恭人顧氏於嘉靖十九年六月初一日在家  
病故至本月二十九日接得家書是的臣例應回籍  
守制臣哀慟昏迷之餘竊思母恩欲報無期 君寵

世經堂集

卷之十

一

沈

咫尺可覲伏見先後講讀諸臣凡遇父母之喪陳乞  
卹典皆蒙

皇上特恩俯賜祭葬仍許馳驛查得近年右春坊右  
諭德王用賓援例乞恩伏奉 欽依准給仰見

皇上推廣達孝優禮儒臣誠大聖人錫類之至仁曠  
千古而僅見者也 臣本庸愚恭逢

皇上中興考禮之朝叨賜及第備員史職濫竽講筵  
又嘗奉敕纂修祀儀成典及大明會典近復備選宮  
僚再塵 經幄叨承 任使需被 寵光亦既十有  
八年矣思得 臣母生前首遇推恩隆典復蒙轉秩加

封庭闈之榮無與爲比但臣自叨祿仕臣母衰年不能遠離鄉井未遂迎養臣又感激遭際不敢言私今一旦背棄臣遠隔四千餘里不及躬視含殮痛割難言幸有前項卹典實與王用賓事體相同伏望聖慈矜念臣痛苦迫切之情一體給賜祭葬則皇上天高地厚之恩貴及泉壤而臣私懷劬勞之報亦得少伸倘未卽填委溝壑皆圖竭犬馬之年也臣不勝懇切顙望之至奉

聖旨該部知道後該禮部覆奉

聖旨徐階母准給與祭葬不爲例

世經堂集

卷之十

二

光緒

### 考察自陳

該本部題爲遵舊例嚴考察以勵庶官事奉

聖旨是各衙門例該考察的官員你部裏便會同都察院堂上官照例從公考察翰林院詹事府等衙門照嘉靖六年考察事例行欽此欽遵臣惟考察者朝廷之大典吏部者銓衡之要地臣本庸陋重以迂疎守章句之舊而無適用之才抱樂善之心而乏知人之鑒幸蒙

皇上至仁無棄物使人不求備遂緣貂續濫佐銓司感恩崇深揣分悚懼卽在居常之日猶貽尸素之譏

況今考察百僚臣亦與聞末議顧豈能以不肖之身甄別淑慝仰贊大典於萬一乎伏乞聖明將臣首賜罷黜別選賢能以克任使庶法行於近而衆志自服選公於上而清議自彰其於聖治不無少補臣愚不勝祈懇之至

嘉靖二十四年三月初三日奉

聖旨徐階職佐銓曹着從公協贊考察不准辭吏部知道

### 考察自陳

該吏部題奉欽依舉行考察之典已將五品以下

世經堂集

卷之十

三

光緒

官照例考察訖臣惟大臣者庶官之表也大臣法而後小臣廉大臣得其人而後能各率其屬以修其政然則今日罷黜不職不獨當詳於庶官實當嚴於大臣也臣荷蒙聖恩擢任禮卿加秩一品雖素乏大臣之望而固已冒而居乎其官自受職以來再再易歲矣感恩圖報雖不敢頃刻忘於心而柔懦之資鞭策不能進狹小之器思勉不能拓程效計功未有尺寸皇上之遇臣迥出常格之外而臣所以報塞者顧猶不逮衆人然則今日大臣之不職又實莫甚於臣也仰惟

皇上留神修擢宵旰孜孜簡用大臣厥惟首務而考察舊典適當舉行之期臣豈敢仍竊祿位重負恩造伏乞聖明將臣罷黜別選賢能以充任使則考察之典嚴而庶官益勵其於政治所補不小矣

嘉靖三十年二月二十日奉

御批朕簡任卿非他衆同宜思忠正之道以報不允辭吏部知道

### 考察自陳

奏爲自陳不職乞賜罷黜以公考察事該吏部題奉欽依舉行六年考察京官之典而大臣則許自

世經彙纂

卷七

四

前拾

陳臣惟官得其人則庶績熙法行自近則羣情畏此常理也乃若輔弼之臣其責任視百司爲最重其地分視百司爲最親此尤擇人者之所宜慎行法者之所宜先也臣猥以凡庸荷蒙

皇上特賜御批拔置內閣

恩遇隆特千載一時

臣感激圖報雖罔敢懈逸而材質所限鞭策莫前文不足以代言學不足以經世望不能表正士習識不能周知政體廩祿之叨糜滋久涓埃之補益未效此在爲官擇人之義本不容立於治朝況今當考察自陳正行法之日顧宜仍處非據上負聖恩而下

妨賢路哉伏乞聖明將臣首賜罷黜以昭行法

之公庶百司咸知惕勵官各得人而聖治益隆矣嘉靖三十六年二月十七日奉

聖旨卿學識優敏內閣重地朕所簡任宜盡誠輔贊豈可引例求退不允所陳吏部知道

### 乞改男璠散秩

奏爲比例陳情懇乞

天恩改授臣男閒散一職以圖補報事臣男宗人府

署經歷徐璠由官生除授右軍都督府都事歷陞前職近該吏部循資題奉欽依陞授雲南廣南府知

世經彙纂

卷七

五

張華

府竊惟知府之官係正四品方面臣既備員贊輔男復叨此臣父子豈勝榮幸感激但臣有一二私情仰荷

皇上天地父母之恩不敢不輸誠控告夫守令者人主所用以親民圖治承流宣化者也臣男三人璠最長係臣前妻沈氏所生周歲喪母氣體素弱性復至愚今使領郡親民爲州縣諸吏之長而理其錢穀刑名賦役等項重大繁難之事實恐不能稱職無以仰副

皇上慎擇守令之意又臣次男方年一十四歲幼男

僅八歲此男今年二十九以之領郡則誠不能以在  
私家則稍能代臣料理俾臣專意直贊且雲南去京  
師萬里彼此音問非數月不能通臣以亡妻之故尤  
難遠別臣查得先年大學士嚴嵩為伊男順天府治  
中嚴世蕃吏部尚書許讚為伊男辰州府知府許俱  
前後奏乞改授閒散京職俱蒙 聖恩俯允今臣私  
情比與二臣相同伏乞 天慈特垂矜念 敕下吏  
部查照前例將臣男所陞知府官品降減三四級量  
改在京閒散衙門一官庶臣朝夕有所倚託得以不  
分心力勉圖仰報 天恩而臣男亦得少效涓埃之

世經彙 卷之十 六

報於散秩矣臣干冒 天威無任惶懼戰慄祈懇之

至奉

聖旨着吏部查擬改用

乞以男代歸祭掃

臣伏覩 大明會典內開京官離家十年者許省祭  
臣先以司經局洗馬守制服滿在家嘉靖二十一年  
十二月伏蒙 聖恩陞臣國子監祭酒次年四月到  
任迄今已一十八年所有祖父墳墓初留臣男今尚  
寶司司丞璠看守璠續於嘉靖三十三年二月取選  
赴部迄今亦已七年祭掃之事止以託諸族人中間

群經倭患水患松楸推毀碑石傾仆臣每一興思不  
能寧處惟是蒙被 聖恩天高地厚義當捐糜圖報  
不敢言私欲得璠代臣前去祭掃以少盡為子為孫  
之情伏乞 聖慈矜察 俯賜容允 敕下吏部准  
璠給假回籍事畢即依限前來供職則臣舉家存歿  
均切感戴 天恩之至而臣誓當益竭庸愚以勉圖  
報於萬一也

嘉靖三十九年九月十二日奉

聖旨覽卿奏徐璠准給假祭掃着馳驛去事畢依限  
前來供職吏部知道

世經彙 卷之十 七

災異自陳

頃者旱暵經時風霾屢作該吏部以言官之議推致  
災之由題奉 欽依行四品以上京堂官各自陳臣  
竊惟 朝廷設官雖皆有政事之責然在周書以貢  
亮天地獨歸之三孤而漢世每遇災異輒策免輔理  
之臣則其責固有所專而曠其官者所宜執其咎矣  
臣一介草茅荷蒙  
皇上天恩不次拔擢叨以孤卿之銜濫居論思之地  
所謂寅亮輔理實兼任之而臣學識迂疎性資暗懦  
既不能有所建明以少贊



皇上中和位育之化又不能早自引退以開賢者亮  
工熙載之途乃茲災異荐臻民生困踣仰屋我  
皇上屢舉禱雨之典數下賑饑拯疾之令宸衷懇  
惻聖躬煩勞臣之罪愆何所於追伏乞聖恩將  
臣首賜罷免然後按諸司之職業校其修廢而去留  
之而尤嚴食墨之罰重奔競之禁是乃所以修人事  
回天意之大者也

嘉靖四十年五月二十日奉

聖旨卿學行老成宜益竭忠猷勤誠輔贊以副眷任  
豈可因災求退所陳不允吏部知道

世宗憲

卷之十

八

考察自陳

近該吏部題奉欽依舉行考察之典臣備員大臣  
例許自陳竊念臣本以庸庸誤蒙

皇上拔置內閣頃復叨居輔臣之首臣感荷聖恩  
誓圖報答伏思君令臣恭之義則欲倡率庶僚使祗  
承德意以尊事朝廷體天覆地載之仁則欲綏  
懷小民使沐浴膏澤以會歸皇極故一切政務凡  
有關於尊主庇民者朝夕思惟銳志畢力冀以少  
裨我

皇上中興之烈少紓我

皇上宵旰之懷此臣之心亦臣之分也奈性資柔懦  
不足以佐明作之功才識淺劣不足以贊討遠  
之畫志意徒勤績用靡效加以年逾六十氣血耗衰  
遇事每病於愆忘運思多苦於昏塞稍涉勞頓則頭  
暈目眩如履轉輪偶失寢食則心悸神搖如臨深谷  
疲憊若此瘵曠可知仰惟

皇上之恩眷愈渥而臣之稱塞愈難

皇上之任使愈重而臣之憂懼愈甚常自量能而揣

分久宜去位以讓賢祇因懷感激圖報之忱未敢陳  
衰病乞歸之疏茲當公舉彝章難復冒居近列輒擬

世宗憲

卷之十

九

愚悃上瀆宸嚴伏乞聖明將臣首賜罷黜使

羣臣知有不職者即輔臣不得以倖免則至公之典  
足以懾服人心臣雖不能仰報聖恩於竊祿之時

而得因去官以風勵有位於聖治亦或有少補矣

嘉靖四十二年二月二十八日奉

御批卿念在邦民誠圖寧固輔首方居正宜贊朕不  
及所陳弗允罔棄是思吏部知道

乞補廢

臣先於嘉靖三十年十一月內該吏部等衙門題為

欽奉



聖諭事節奉

聖旨徐階廕一子送監讀書欽此臣隨將男徐琨開

送吏部題奉 欽依送監讀書去後續於嘉靖三十

三年四月內該兵工二部題為工完事節奉

聖旨徐階廕一子做中書舍人欽此至嘉靖三十五

年九月內臣因弟徐陳亡故無後欲將弟徐陟次男

徐玘為陳立繼備咨吏部題奉 欽依將徐琨承廕

中書舍人到任管事其原廕恩生改與徐玘于時臣

兄弟私情仰賴 天恩獲少遂矣不幸次年二月內

玘未及入監患病身故臣每念亡弟深切痛傷今有

世德堂集

卷之十

十

張

陟第三男徐琳見年十八歲堪以承繼臣查得見行

事例凡廕子未仕而故者許令補廕一次臣仰惟

皇上至仁之末潤淪洽幽遐 大德之餘波漸被枯

朽用是輒敢比援陳乞伏望 聖慈 俯垂憫念

敕下吏部查果於例無礙將徐琳補廕入監讀書俾

臣得以續亡弟之後則 聖恩浩蕩不惟臣伏切感

戴於生存臣亡弟有知亦必銜戴於地下矣

嘉靖四十五年三月二十二日奉

聖旨吏部知道

奉 詔自陳

伏讀 詔書內一款六部等衙門四品以上官俱着

自陳欽此伏念臣性資迂懦學術空疎偶蒙

先帝之誤知遂冒輔臣之首秩小廉曲謹僅勉守於

矩尋至計許猷實罔裨於分寸負恩曠職積咎良多

乃今天運維新 聖人御極方將整齊六合開無疆

之太平鞭策羣工建有赫之勲業如臣久孤 任使

豈合仍玷班行夫建明堂者本無取於樸樸之材而

登新筵者尤不容有腐殘之品臣於審度頗自分明

公論輿情諒所不與況臣年六十有五氣血兩弱形

神俱疲雖心不敢懈於服官而力已難於任事竊惟

世德堂集

卷之十

十

張

朝廷養士之廩祿皆出百姓之膏脂詎宜取彼勤苦

之輸將以供衰庸之耗蠹伏乞

皇上將臣首賜罷黜改屬時賢俾佐 聖政則衆

志奮於用舍之各當庶績熙於輔理之得人臣身伏

丘巖其為榮幸與在 朝等矣

隆慶元年正月十三日奉

聖旨卿輔弼首臣忠誠體國勳庸茂著中外具瞻朕

茲嗣位眷倚方切宜益竭謀猷贊成化理所辭不允

吏部知道

患病乞休

奏為衰病難愈乞 恩休致事 臣於三月二十六日因飲食停滯致發吐瀉暈眩等疾奏 准給假調理隨蒙 遣醫診視及 賜豬羊酒米甜醬瓜茄等物臣感激 聖恩深冀旦夕痊可出供職業以圖仰報奈 臣稟受素薄年未五十卽已齒落髮白六十以後疾病漸多去年夏秋之間嘗患暈眩草疏乞休會先帝聖躬違和不果 上進此閣中諸臣所共知者今年二月忽患右手麻木右足酸痛 臣貪戀 聖時一向勉強 朝參供事不敢輒有陳乞至於今次暈眩之發則因氣血比前益耗而鬱火上攻濕痰壅滯脾胃虛損又皆前此之所未有故自蒙 恩予告以來雖日服湯藥而暈眩略不減退飲食略不增加手足之麻木酸痛展轉滋甚日惟偃臥在牀及閉目端坐其或暫時行立必須人扶否卽顛蹶詢之醫者云是年衰病深非可速愈 臣伏思閣臣地親任重本非養病之官況今恭遇 皇上政治方新 講筵將啓 臣既抱難愈之病若久臥私家妨廢公事上負 朝廷之眷禮下干縉紳之譏評則 臣存有餘責歟有餘憾矣伏乞 聖明察 臣下情 賜 臣致仕回籍從容調理俾 臣得有延生之

望而無曠官之愆是所謂大庇曲成 天地之至仁也 隆慶元年四月初六日奉 聖旨卿輔導元臣德望隆重朕方虛懷委託贊理化機豈可以微疾輒求引退宜卽出供職以副朕倚不必再辭吏部知道 被論自陳 奏為自陳不職懇乞 天恩 俯賜罷黜以謝人言事 臣今日在閣伏蒙發下諸司章疏見御史齊康一本為險邪貪穢輔臣欺 主背恩專權蠹國十分不忠乞 賜罷黜究治以隆 初政事內劾 臣過惡併及 臣男徐璠徐琨徐瑛 臣細讀一徧除描寫造作之詞曖昧無稽之事天地鬼神所共照察 臣俱不須辯 臣父子請託等項係千吏部兵部刑部有行者當事之臣及凡文卷俱各見存 皇上可以召問取閱其行賄并過付之人俱有姓名皇上可以敕令廠衛訪問鞫究 臣亦不必辯至於冊立一節 臣昔任禮部尚書四次奏請 冊立不報後備員內閣 先帝賜 臣 御劄並未嘗 諭以冊立間及傳繼則

臣于時恐啓他釁委不敢贊成然而

皇上之賢孝臣於嘉靖四十三年十二月十三日并

十二月十六日兩奉 御劄皆曾懇懇爲

先帝陳之又於十一月二十九日欽奉 御劄似有

所疑卽奏稱萬萬無足慮此日并十六日所奉

御劄雖已繳進而十三日所奉 御劄臣今尊藏見

在其兩次繳進 御劄并三次回奏必尚收貯在內

可查亦不待臣辯外但臣本以庸碌之才拙直之性

身既過於叨冒三男仍被 渥恩履滿處盈觸犯昔

人所戒況復世途傾險人情反覆臣不能蚤見事機

世經堂集

卷之十

古

頌

決於求去則凡今日所以致茲醜詆者皆臣咎也伏

乞 聖慈 俯賜矜念將臣并臣男削奪官職放回

田里使 清朝無倖位之人而 盛世有聽言之美

臣愚幸甚幸甚

隆慶元年五月十八日奉

聖旨覽奏卿夙效忠懇朕已久悉茲當初政方切倚

毗豈可遽因浮言求退宜遵前諭卽出供職不允辭

吏部知道

再乞休

奏爲辭免 恩命仍乞 俯賜罷黜以重國體事該

鴻臚卿李一元少卿侯璫郭瑀至臣私家捧示 聖  
諭大學士徐階李春芳高拱卽出供職臣謹叩頭跪  
聽訖切念臣奉職無狀身被重劾方闔門藉藁以俟  
罪譴乃蒙

皇上日月照臨察臣無他特降 宸綸遣官宣召臣

豈勝榮感豈勝仰戴但大臣進退國體攸關使能知

恥守禮則國體因之以重其或昧義徇利則國體由

之以輕此非細故末節可以苟焉而處也臣雖不才

幸際 聖明叨居輔臣之首今如齊康所論則臣誅

殛尚有餘辜況可復立廟堂之間率百官以事 聖

世經堂集

卷之十

五

宋

主乎

皇上宥臣罪罰仍加召用如天之仁固前古所未有

也乃臣自省既不能崇積聲望使人無言於前若又

不能堅辭榮祿以謝人言於後是臣昧義徇利真所

謂患得患失之鄙夫矣有臣如此

皇上何所用之故使臣貪冒而出於臣身謀則得於

國體未見有益也臣誠知 聖恩不可不承然不容

復以不肖之身致輕國體而來後議是以不敢輒拜

命焉今賢俊滿朝臣之去留何足仰繫 聖念惟是

國體則不可不愛惜伏乞 聖明將臣 俯賜罷黜

使天下知猶有難進易退之臣而士大夫由此益貴廉恥之節則國體隱然增重臣雖屏伏田野為幸莫大矣臣無任懇切祈請之至

隆慶元年五月二十日奉

聖旨卿忠誠體國朕所鑒知人言何足介意宜遵前諭卽出供職以副朕懷不允所辭吏部知道

三乞休

奏為三乞天恩俯賜罷黜事本月十八日准吏部咨該臣奏為自陳不職乞賜罷黜以謝人言事奉

世德堂集

卷十

去

素

聖旨覽奏卿夙效忠懇朕已久悉茲當初政方切倚毗豈可遽因浮言求退宜遵諭卽出供職不允辭吏部知道欽此二十日又准吏部咨該臣奏為辭免恩命仍乞俯賜罷黜以重國體事奉

聖旨卿忠誠體國朕所鑒知人言何足介意宜遵前諭卽出供職以副朕懷不允所辭吏部知道欽此伏念昨御史齊康汗臣以衆惡中臣以危禍卽傍人觀之猶為臣戰慄其在臣可知也茲荷蒙聖明悉臣之忠懇鑒臣之忠誠兩命臣遵諭卽出供職臣恍如聞天上之言親夢中之事捧誦感激不覺涕下

謹已矢心銜結圖報聖恩矣但卽出供職一節則臣有不敢聞命者輒復昧死陳之蓋

皇上之留臣為欲輔初政也臣惟輔政者必有深遠超邁之識而後能贊萬幾之裁決必有完潔峻特之行而後能立百官之標準今臣薄德厚享叢疑積忌而不能早見而豫去之則愚昧甚矣況有所謂深遠超邁之識乎如使臣於茲時幸浮言之不克肆卽貪戀官職不肯捨去若彼丐婦乞兒得一殘杯冷炙輒忻然利醉飽而忘其羞辱則廉恥且盡喪矣況有所謂完潔峻特之行乎如此何以能佐理萬幾而表率百官也古人有言往者不可諫來者猶可追臣之愚昧失於前者誠已不可諫矣乃若決於退休于以存廉恥之節而愧彼嗜利競進者之心非臣今日所可追者歟故在臣之義惟去為當而在

皇上為初政謀亦惟聽臣之去為當何也朝廷簡任輔臣本期有所裨益今臣既無佐理萬幾表率百官之具則其留也徒糜厚祿已耳徒妨賢者之路已耳

皇上方將樹光前之鴻烈開萬世無疆之太平奈何留糜祿妨賢之人以孤天下更化善治之望乎故

皇上聽臣去則不惟全臣之義而初政之所裨益自多否則留非其所當留任非其所足任或反為初政之累矣臣於求去雖若為身而思以裨益初政總惟體國伏乞 聖慈俯諒愚情早 賜罷黜則臣身心俱安志願允愜感 恩尤無窮也臣無任叩地額天懇切祈請之至

隆慶元年五月二十四日奉

聖旨朕勉留卿正賴裨益新政況輔弼大臣義當先國事而後身圖豈可固求引退不允所辭宜速出供職吏部知道

世德堂集

卷十

本

類

四乞休

奏為四乞 天恩 俯賜罷黜事本月二十四日准吏部咨該臣奏為三乞 天恩 俯賜罷黜事奉聖旨朕勉留卿正賴裨益新政況輔弼大臣義當先國事而後身圖豈可固求引退不允所辭宜速出供職吏部知道欽此伏念臣連日以來一奉 宸翰三奉 綸音過蒙 眷慈不允退休之請臣感戴深切莫可名言但臣聞篤於求舊者 聖主之恩也審於去就者人臣之道也今

皇上施恩於臣誠已至矣顧臣自少讀書雖羸識事

君之義守已之節而性偏於疾惡言拙於徇人徒恃此心之靡他謂可保所如之無患乃茲忽遭疑忌橫被誣讎若非仰賴

皇上秉至明以照臨部院科道暨諸曹司據公是以論奏臣且不知死所矣夫臣素志有定雖不肯輒因讒害後國事而先身圖然 恩益深則為報益難人之所望益重則副之益不易其容以冒昧居之乎此臣去就之當審者一也天下未嘗無君子亦未嘗無小人昔元愷四凶竝生於虞舜之世舜惟能去四凶而用元愷遂以成風動之化垂無為之稱故圖治者

世德堂集

卷十

九

類

莫有急於擇人而求才者不必借於異代今公卿持正臺諫效忠諸司徇義彬彬乎元愷之儔矣皇上於其有為也虛心以任之於其有言也屈意以從之則不必留臣而舜治之隆可以坐致不然臣雖留奚益哉此臣去就之當審者二也凡欲任事不獨在有才力亦須稍有精力臣於所謂才力者既已無之而犬馬之年復踰六十近為鬱火傷肺濕痰滯脾頭目眩昏形神衰耗竊自計度縱欲有為力已不逮假令覩顏就列他日驅策不前職務墮廢咎將誰諉乎此臣去就之當審者三也臣有是三當審是以屢

奉 恩命而不敢不辭伏惟 聖明察 臣具辭之情  
非出於可已 諒 臣具辭之語非由於矯飾 慨賜  
罷黜俾獲釋慚懼而全始終則朝堂田野均一受  
恩之地也 臣無任瞻 仰俟命之至

隆慶元年五月二十六日奉

聖旨卿德望隆重中外具瞻朕方虛懷倚託期弘化  
理豈可以浮言決於引去宜體朕再三諭留至意即  
出贊輔慎毋固辭吏部知道

九年再滿乞休

奏為歷俸再滿九年自効奉職不稱乞 賜罷黜事

臣 前任禮部尚書兼翰林院學士於嘉靖二十九年

八月初四日蒙

世宗皇帝加 臣太子太保後荐加少保少傅東閣等

大學士以至今官嘉靖三十八年五月初三日歷從

一品俸九年考滿蒙

世宗皇帝命 臣復職去歲恭遇

皇上龍飛御天不棄管蒯仍容竊祿扣至今二月初

三日連閏又歷俸九年查得九年考滿官員例應開

俸聽候 朝廷處分除已將俸糧咨行戶部住支外

伏念 臣才質庸下學術空疎偶蒙兩朝 仁聖之誤

知久冒一品孤卿之峻秩用過其器食浮于人愧每

積於叨逾咎日叢於鯨曠加以犬馬之齒六十有六

衰齡多病氣弱神昏鼯鼠之技既窮驚駘之力併竭

即 臣自評猶知不可復戀非據至於公論其將謂何

茲當報滿之期實乃知止之會在 臣固宜決於求去

不容昧心以謀身在 朝廷亦宜嚴於黜幽不得以

仁而掩義 臣用是輒敢陳乞伏望 聖明持考課之

至公念行法之自近將 臣俯賜罷黜則不惟輔弼

重任不玷於非人而凡 臣工咸有勸懲益勉修其職

業矣

臣 隆慶二年二月初六日奉

聖旨卿輔佐

先帝久著忠誠翊戴朕躬勳猷益茂茲九年再滿朕

心嘉悅着照舊贊理不允辭應得恩典吏部議擬來

看

乞休并收回 恩命

奏為衰庸久負 任使懇乞 俯賜罷黜收回 恩

命事本月初四日該 臣奏為歷俸再滿九年自効奉

職不稱乞 賜罷黜事初六日奉

聖旨卿輔佐

聖旨卿輔佐

先帝久著忠誠翊戴朕躬勲猷益茂茲九年再滿朕心嘉悅着照舊贊理不允辭應得恩典吏部議擬來看欽此臣捧讀省循不勝感激不勝惶悚切念臣生本至愚長復寡學徒慕經綬之末節而無應務之才徒懷惴惴之小心而無濟時之略贊理重任非臣所宜冒居不獨人知之臣誠自知之矣故在先帝時常因奏對屢乞休致荷蒙先帝包荒之度未及棄捐昨歲恭遇皇上登極臣嘗應詔自陳及因患病被論累疏乞去俱蒙

世宗憲皇帝

卷之十

主

聖訓

皇上求舊之仁未卽擯斥臣于時仰感恩造俯幸遭逢亦自忘其不足有爲矢竭心力用圖報稱顧以質限於天賦莫效馳驅又以氣衰於暮齡不任鞭策自去冬以來數欲引退但思萬壽聖節近在春初義當率先羣臣恭效慶祝是以疏草雖具不敢輒瀆宸嚴茲賀禮已成縱令臣歷俸尚淺亦不宜仍處非據以上負聖明之任使下干縉紳之譏評而況再滿九年叨逾極甚臣雖不才豈遽至以貪戀盡迷其是非之良心哉臣昨疏所云蓋惟恨未能敷寫慚惶恐懼之情初不敢有一語虛飾也茲乃蒙

聖慈曲念天語過褒不允贊理之辭仍下加恩之命臣將何以勝之仰惟

皇上光撫丕圖旁招羣彥方將振休聲於三王五帝恢鴻烈於

二祖

八宗黜陟賞罰之施所宜審慎伏乞念贊理之託誤於昔者不容復失於今恩數之頒溢於前者不可復濫於後將臣卽賜罷黜敕下吏部停止

恩典之議擬則聖政益彰於辨治庶績益進於熙明不惟遂臣今日知止之祈實足慰臣平日區區所

世宗憲皇帝

卷之十

主

聖訓

願望也

隆慶二年二月初九日奉

聖旨卿先朝耆碩才德兼隆經國籌邊功在社稷朕已命所司議擬重加恩賚用示眷酬如何又疏求去宜遵前旨卽出贊理以副朕懷不允所辭吏部知道再乞休并收回恩命

奏爲辭免恩命仍乞俯賜罷黜事本月初四日該臣奏爲歷俸再滿九年自効奉職不稱乞賜罷黜事初六日奉聖旨卿輔佐



先帝久著忠誠翊戴朕躬勳猷益茂茲九年再滿朕心嘉悅著照舊贊理不允辭應得恩典吏部議擬來看欽此次日該臣奏為衰庸久負任使懇乞聖明俯賜罷黜收回恩命事本月初九日奉

聖旨卿先朝耆碩才德兼隆經國籌邊功在社稷朕已命所司議擬重加恩賚用示眷酬如何又疏求去宜遵前旨即出贊理以副朕懷不允所辭吏部知道欽此臣正草疏再行陳乞間隨准吏部咨該本部題奉

聖旨是輔臣階特加支伯爵俸廕一子與做錦衣衛世襲事

卷之十

五

立國事

正千戶其應廕文銜着以伊男徐璠陞太常寺卿仍管尚寶司事還寫敕獎諭賜宴禮部以示朕眷禮至意欽此臣聞命惶悚措身無地蓋人臣事君必自量有能為之才然後可以居位而不避否則有曠官之刑必自審有可錄之功然後可以受恩而不辭否則有負乘之咎臣昨陳乞罷黜正自量器局陋庸年力衰憊不足以居乎其位是以不敢冒而安之也茲乃仰荷聖慈寬於議罰篤於施仁舉綸音之重部宴之榮五等之厚祿奉常侍衛之美官一旦竝加臣身以及臣之子此則於恩為非常於數為極

異即在名賢碩輔且猶不能勝而不職如臣方欲辭其所有顧蒙

皇上益之以所無方欲解去其所不敢居顧蒙

皇上錫之以夢想之所未嘗及臣其容以領受乎夫非分之獲不獨有道者以為憂亦乃鬼神所不佑殊特之恩不獨在下者所當力辭亦朝廷所宜深加愛惜臣雖無所知識然於自度則頗分明若貪取而不知愧冥行而不知恐固非臣之所敢為也況臣舊患痰火便血等證見今舉發飲食日減動履日艱方虞殘喘之難延尤絕身外之過望伏乞聖明鑒亮

世襲事

卷之十

五

立國事

臣情收回前項恩命仍將臣罷黜以昭考課之公以示服官之警臣退伏田里實所甘心如或念臣曾隨翊戴之末姑存優禮大臣之體賜臣致仕使得假借名器以耀生前而光地下則尤臣之至幸然非所敢輒請也臣無任懇切仰祈之至

隆慶二年二月十二日奉

聖旨卿才兼文武久著勳勞特加異恩以示酬眷宜承命即出輔理不允所辭吏部知道

再乞收回恩命

奏為祇奉明旨勉出供職懇乞聖明允辭恩



命事本月初十日該臣奏為辭免 恩命仍乞 俯賜罷黜事十二日奉

聖旨卿才兼文武久著勳勞特加異恩以示酬養宜承命即出輔理不允所辭吏部知道欽此臣數日以來凡三上疏乞罷古稱犬馬猶知報主臣幸荷

皇上知遇之隆 眷禮之厚豈至懽然不知圖報曾犬馬之不若哉實以任大器小責重年衰恐辦理不前廢誤國事是以屢瀆而不能已也伏奉 明旨曰照舊贊理不允辭曰宜遵前旨即出贊理曰即出輔理不允所辭前後亦三留臣仰惟

世續集 卷之十 奏 皇上方舉耕藉之上儀奉

山陵之春祀臣於分皆當扈蹕昨溫與九推之列特出 欽點臣於義所當遵承三月間冊立 東宮臣

於禮當率先羣臣恭行 廷賀且明辰適值藉田演禮之期而茲蒙 德意勤倦 溫詔諄複又如此臣

捧誦感激涕泗交下不敢過自退怯仰負 聖恩謹勉策駑駘力忍疾痛即赴鴻臚寺報名朝 見謝

恩照舊供職外惟是加俸等項 恩典在 朝廷之賜予則為過於曠特在臣下之承受則為極於叨逾

臣反復思惟不敢冒領臣昔於嘉靖四十四年以歷

俸十五年考滿荷蒙

先帝賜臣 敕諭并三代 誥命加臣上柱國并特

進 賜宴禮部廕臣一子為尚寶司司丞後臣具疏

控辭蒙 允辭上柱國及部宴之 賜今免宴已有

故事而伯爵俸乃 朝廷所以待殊勳其非臣所宜

受與上柱國事體相等臣男太常寺卿之陞錦衣衛

正千戶之廕較臣彼時所被廕典為官既崇為數又

倍臣自揣豈能勝此伏乞

皇上少垂天日之光照察下憫容臣祇領 敕諭其

餘 恩數一切停止庶臣身心少安得以勉修職業

世續集 卷之十 奏 圖報萬一臣無任懇款祈請之至

隆慶二年二月十四日奉

聖旨卿忠貞茂績加恩非過覽奏情詞懇切具見謙

慎伯爵俸并部宴准辭免其餘宜承朕命該部知道

請假

奏為給假調理事臣近因飲食傷脾得患痢疾自惟

職務重繁未敢輒行請告每日攜藥至閣中煎服勉

強辦事延至昨日病勢增甚身發寒熱不能 朝參

赴閣伏乞 聖慈俯容臣給假調理倘獲痊可即出

供職臣無任祈請之至

隆慶二年三月二十八日奉

聖旨卿有疾准暫調理痊可卽出輔政吏部知道

乞休

奏爲衰病不能復出供職乞 恩休致事 臣於前月

二十七日因患痢疾寒熱等證奏蒙 允賜給假調

理 臣遭世熙昌受 恩深厚本冀速愈再入班行勉

效犬馬之勞少酬 洪造顧以血氣衰敗不能運動

藥力數日以來前病略未見退而飲食則日減脾胃

轉虛肢體轉弱頭暈足軟眼花耳鳴肩背胃膈處處

疼痛想望痊可邈然難期雖欲復出勢不可得伏思

臣所居官濫稱輔政比之百司庶府不同恭遇 聖

明御極 普離之照 振乾之綱又屬修省之餘

上下淬勵方始卽在末僚猶不容以疾廢職而 臣乃

抱衰病偃臥私家無以承奮發有爲之 盛心贊內

安外攘之 大業 臣再三籌度其能安於伏枕哉且

臣樸樸之材不堪任重淺昧之識不足謀遠自量自

評蓋頗明審去歲三月至今年二月屢疏乞罷誤被

眷留叨竊浮沉恒用汗泚茲正擬披瀝下悃再瀆

宸聰而適衰病羈纏不能復出以分以義其不當復

有貪戀也必矣伏乞 聖慈俯垂鑒察 賜 臣致仕

俾 臣得以逭罪罰於鰥曠延性命於退休則生成保  
全之恩真同於天地而過於父母也 臣無任仰望祈  
請之至

隆慶二年四月初七日奉

聖旨卿德望優隆隆練達政體安攘大計方賴贊襄豈

可引疾求退宜慎加調攝痊可卽出輔理不允辭吏

部知道

再乞休

奏爲衰病懇乞 天恩 俯允休致事本月初五日

該 臣以患病調理罔效自度不能復出奏乞休致未

蒙 俞允今又調理踰旬病勢乍退乍復痊可無期

臣既仰感

皇上未忍棄捐之恩又竊自懼前所陳病狀意者

皇上以爲有所虛飾故未卽聽歟茲敢指言其證再

用陳乞伏惟 聖明垂察蓋人必氣血耗敗於中而

後容貌形體變毀於外 臣兩年侍立 御座之側

講案之傍

皇上固已親見 臣鬚髮之盡白矣 臣齒牙久已脫落

過半今年三月初復落一門牙言語音字率多訛舛

想昨 文華讀卷之時

皇上亦頗覺之矣以此顯然之迹證臣所云衰病則

臣之奏豈敢一語有所欺哉臣幸際 聖明過叨

眷遇生非木石固嘗夙夜懷報 恩酬 知之心但

念以為報 恩酬 知必有才德以為之本有精力

以為之輔然後能有所為臣本凡庸於古人所謂格

君之學經世之才既莫能及其萬一而重以衰病鞭

策磨礪皆無所施若猶不自知止貪戀因循則名欲

報 恩實負 聖恩而已名欲酬 知實辱 聖知

而已有臣如此

皇上安所用之他日隳廢職務干犯譏評臣罪固無

所逃竊恐其時

皇上亦不免於悔恨矣臣是以再瀝悃誠用申前請

伏乞

皇上恢從欲之仁兼自為用人圖治之計早 賜臣

致仕委任賢能登庸譽望與建立事功使臣獲於獻

畝之間仰觀太平之盛則臣蒙 恩有百倍於立朝

者矣臣無任懇乞俟 命之至

隆慶二年四月十八日奉

聖旨卿才德素裕精力未衰朕眷倚方隆豈可屢疏

求退宜即出輔理不允所辭吏部知道

又乞休草已具會奉 召諭不果上

奏為衰病披瀝下悃乞 恩休致事臣於今月內因

年衰病困屢疏乞休切望 賜允而 天高日遠

聰聽未回伏枕三思且感且懼臣之病狀已具前疏

諒蒙

皇上之垂照矣顧猶未奉 俞旨得無以臣所請專

為身謀耶然據臣之言雖若謀身原臣之心實乃謀

國輒敢冒昧為

皇上陳之夫使臣外苦衰病之纏綿而其中有可以

為世用則謂欲退處田里專謀其身之安可也今臣

庸碌既如彼衰病又如此一日居乎其官必一日曠

乎其職故留則為尸位為竊祿其終將至於妨賢病

國而仰累 朝廷任使之公退則為知分為知止而

可開賢者之路以贊成 聖治之盛然則臣之乞休

其為謀身謀國可不辭而明矣自古忠臣固惟倦倦

謀國之是務而在明主亦必自為其國謀凡謀國者

必擇相今內閣之官雖無相名實有相道焉故不必

其人貪暴凶戾作威福以盜 主權亦不必其人巧

佞奸回亂是非以惑 上聽乃始能害治也如徒得

畏謹之士而任之則才有所拘而亦無以佐光前裕

後之峻業或徒得平實之人而任之則識有所短而亦無以裨濟時應變之大猷是故擇之不可不慎也以臣自觀於所謂畏謹平實者且未能無愧而茲重以衰病氣不足以輔其志神不足以運其思即使臣貪戀官爵惜於求退在

皇上謀國猶當罷臣而改圖矧臣疏乞之已屢耶邇者京師及北直隸山陝等處地方各奏報地震間又奏報雨雹其占皆為陰盛陽衰仰惟

皇上當茲之時正宜祇天戒體天行大奮陽剛消弭陰盛之患伏乞先將臣放回致仕然後廣詢

世澤

卷之十

三

宋

密察以殄陰孽之干侵深慮遠思以防陰邪之窺伺容言納諫以蕩陰氛之蔽欺積財飭兵以杜陰沴之擾犯此則又

皇上謀國之要務而臣平生不敢謀身之心所夙夜仰望聖明者也臣無任懇切祈請俯伏俟命之至

被論乞休

奏為自陳不職懇乞天恩俯賜罷黜以謝人言事  
今日臣在閣伏蒙發下諸司章疏內有戶科左給事中張齊一本題為邊事重大元輔不堪懇乞聖

明大奮乾斷亟賜議處以保安宗社事其詞專為効臣竊伏惟念奉職無狀致遭人言孤負天恩慚悚無地據齊所論除修撰玄文雖前後同事不止臣一人然臣既不能獨辭何所逃責永壽宮之燬臣因見

先帝宸居無所聖衷焦勞又係

成祖文皇帝舊宮孝子慈孫理宜修復委實不能諫止亦無所追罪臣平素不敢徇私植黨不敢竊弄威權

皇上召問廷臣徧詢士庶必有公言無庸臣自明外

世澤

卷之十

三

倪

其餘三端則於臣之職掌似有未合於臣之心事似有未亮於人臣之大義似有未明臣輒敢冒昧陳之古者宰相兼綜庶政自宋以兵屬樞密用兵機宜宰相已有不與聞者至我朝革丞相設六卿兵事盡以歸之兵部閣臣之職止是票擬亦猶科臣之職止是建白凡內外臣工論奏邊事觀其緩急擬請下部看詳及兵部題覆觀其當否擬請斷處間值事情重大緊迫擬旨上請傳行蓋為閣臣者其職如此而已非若督撫等官親臨邊塞幹理戰守之務也只如齊所奏板升一節已經下部覆准施行而臣

等恭遇

皇上登極之初擬上 詔條先已及於招徠去冬會議防邊又已申明其說中間行之力與不力乃在邊臣非<sub>臣</sub>等所能代爲也今如齊奏必當使閣臣臨邊若宗祝之舍尊俎而代庖歟斯則於<sub>臣</sub>之職掌未合者也輔臣草詔是謂代言前歲

先帝所頒遺詔草雖具於<sub>臣</sub>手然實代

先帝言也<sub>臣</sub>于時竊思禹湯罪已其興勃焉而下者如輪臺奉天之詔亦足以收人心恢帝業遂不自量淺薄欲於文字之間成

世經堂集

卷之十

書

倪成

先帝之盛德贊

皇上之新政是以有蓋愆成美端伏後賢等語實非敢彰

先帝之失也當 遺詔之開讀也百官萬民莫不感動號哭頌

先帝之聖增 遺弓之思此在

皇上可訪而知也然則<sub>臣</sub>於

先帝爲謬歟爲忠歟斯則於<sub>臣</sub>之心事未亮者也<sub>臣</sub>昔與嚴嵩同官其序在先其齒又長彼所行事<sub>臣</sub>安能盡與相違然中間勸諭調維固亦多矣其後事敗

御史鄒應龍林潤等據公論以劾奏於下三法司錦衣衛按公法以議擬於中

先帝秉公道以主張於上或 親灑翰諭或 親批奏章明日月而威雷震于時嵩父子之獲罪蓋有不待<sub>臣</sub>之攻者夫古者大義滅親故周公誅兄及弟石碻誅其子聖賢未嘗非之誠以國家爲重也今惟齊之意則爲人臣者必當不顧君父而惟私交之是徇然後爲君子長者之道歟斯則於人臣之大義未明者也<sub>臣</sub>淺才薄德無補 聖時久已自知累疏求退茲又被論益何顏面立於百僚之首惟是職掌心事

世經堂集

卷之十

書

沈

大義之所存不容不白故敢不避瀆煩披瀝上奏至若<sub>臣</sub>之官職伏乞 聖明俯賜削奪以謝言者仍如齊奏別選才能代<sub>臣</sub>所任以保 宗社於永安實<sub>臣</sub>愚之至幸亦<sub>臣</sub>避賢之夙心也<sub>臣</sub>不勝懇切祈 請之至

隆慶二年七月十七日奉

聖旨卿卽出供職不必再辭吏部知道

再乞休

奏爲恭謝 天恩再陳下悃乞 賜罷黜事本月十七日該戶科左給事中張齊題爲邊事重大元輔不

堪懇乞 聖明大奮乾斷亟 賜議處以保安 宗社事奉

聖旨徐階輔弼重臣忠誠體國朕所素鑒張齊輒敢恣肆詆誣姑不究調外任該衙門知道欽此又該臣奏為自陳不職懇乞 天恩俯賜罷黜以謝人言事奉

聖旨卿卽出供職不必再辭吏部知道欽此伏念臣濫叨任使存歷歲年勞效靡稱罪過叢積茲經論劾罷黜猶輕荷蒙

皇上普日月照臨之明恢天地包容之度滌臣垢累

俾仍舊班特降 御批敕令卽出臣仰天稽首伏地

拊心感極涕零莫知所措本當卽奉 明命趨謝

闕廷勉供職業但 臣聞任之重者不易於稱塞恩之

隆者尤難於報酬 臣才識疎庸器局褊淺既無經世

之略亦乏救時之能邇者屢疏乞休固已具陳不堪

之狀矣今重任不減於前 聖恩益隆於舊而 臣稟

賦有定莫能擴充年力衰遲不勝鞭策其將何以效

報酬而圖稱塞哉夫力微道遠而行不止則顛蹶必

隨腹小量盈而食不休則疾病必作故貪迷寵利非

人臣所以求無負於 明時而哀矜不能實 聖主

所以賜曲成於庶物臣用是踴躍戰兢未敢卽出徘徊瞻眄猶冀 曲從再瀝忱辭仰干 天聽伏乞

皇上俯鑒下情 慨賜罷黜俾臣獲安愚分以免後

艱則 臣生當戴 鴻造於山林死當銜 主仁於泉

曲矣 臣無任懇切祈請俟 命之至

隆慶二年七月十九日奉

聖旨卿既屢辭特准致仕着馳驛去吏部知道

世經堂集

卷之十

七

七

世經堂集卷之十

世經堂集卷之十一

序一

送東滄守劉侯入 觀後序

劉侯允卿之將入 觀也以書告行於其朋友於是予師沈先生卽其道路所經繪爲八圖且徵曹進士諸君詩爲贈而自序其首惟侯之政績先生述之甚詳而一時登覽觀遊感慨激烈之意諸君所以賦之者幾乎盡矣予不敏以文學爲侯知乃爲申入 觀之義以告曰觀之爲禮尙矣昔在唐虞天子五載一巡狩諸侯四朝成周大行人掌大賔之禮及大客之儀以親諸侯有朝有宗有覲有遇然其義非以嚴君臣之分竭奔走之誠而已蓋將於是觀政焉是故協時月正日同律度量衡修五禮五玉陳詩以觀風俗陳物價以觀時好陳宮室車旗之制度君臣上下之衣服以觀從違陳名山大川宗廟之祭以觀孝敬蓋古昔帝王知天下之不能獨治則以責之人臣知其臣不能皆治又或有所欲爲而不逮也則於觀焉考之將以懲其不恭而助其所不及故朝以圖天下之事觀以比邦國之儀宗以陳天下之謨遇以協諸侯之慮凡以爲民而已方今

世經堂集

卷十一

沈氏

聖明在上中外之吏各舉其職法制典禮之大秩然燦然靡有違者獨其間張弛損益之故蓋有欲爲不逮者存焉古之諸侯於其國也刑賞則專廢置則專興革則專擇其中大且要者然後以聞之於上今之州守裂千里之地而君之固古諸侯也然一有舉動必以請之於郡郡猶不敢專也必以請之監司監司不敢專也必以請之

天子報可而後行焉其論議相違意氣相失州沮於郡郡沮於監司監司沮於政府者不在是夫其沮而不行不足言矣縱有行焉其文移往來動涉歲月後時失事使民不獲卽蒙其澤者又豈徒一二哉故有志之士恒有所欲爲而不逮也東南諸郡賦財之所出也文教之所先也頻歲荐饑民敝且僞斟酌劑量以備若時之政抑揚高下以成化俗之功在劉侯必有槩於中矣然有沮而不行者乎乃今見

天子正可有言之會也劉侯言焉

天子聽焉下之一方達之天下舉以爲式侯之入觀斯不爲具文爾矣侯濱行東滄士大夫皆有詩父老子弟皆涕泣以別予以爲一方之事未足以盡侯故欲其以言及天下侯之位方日進其他見諸事業

世經堂集

卷十一

二

沈氏



者將徐考其成焉

送叅將陳侯汝玉濬河通州序

嘉靖丁亥秋沛縣河再塞

天子軫念漕運之艱既命官往治又詔濬通州

河以紓陸輓求可董是役者大司空以勇果帥陳侯

汝玉對

天子雅聞其賢命充叅將奉勅往蒞其事蓋於任

專矣惟濬河之難有二亟役則病民玩事則罔功今

天下之民胥趨於敝產薄而困於役則惟燕薊為甚

故其民之食力者日夜恐其上之人奪而用之至漕

之利病非所計也歲凶而困於賦則惟東南為甚故

其民之輓輸者日夜冀河之速就以省費至役之罷

勞非所恤也二者之情雖皆出於私而聖人有所不

能廢何者愛其力與愛其財彼固求所以生而非以

為梗要在順之而已今之言順民者曰役之以時緩

之以惠勸懲之以道斯民不困而功可成此其意誠

善而其事亦若近而易行然考其功效卒莫能如其

言者未必皆厲民以從欲徵發或非其期則裹糧而

待事敝其力而無所用也綜理或有未周則吏胥因

緣為奸財費而民不被其澤也視聽或有未融則功

世經堂集

卷十一

三

類志

罪混淆賞罰徒嚴而無以服其心也夫奪民之時而

委之無用聚民之財而以爲奸吏之資枉其實而以

爲立威之具此民之所以重困歟古之立大功者必

有惠慈之心貞白之操而又有聰察強毅之才見利

可以守指麾應變出之而不窮然後可以顯名於天

下漕運國之大計也蠲弊而宜民將必待若人乎此

天子所以難其選而重有望於侯也通州去京師六

十里陸輓之勞若於民不甚費

天子猶毅然思舉而去之明作之志子惠之仁有能

體而行之可以董是役矣侯少讀書嘗舉軍政備倭

揚州太冗兵若干莫或以爲怨又嘗以叅將佐漕運

濬河之事蓋其所素聞者而自南都受勇果之命振

揚威武人咸畏且愛焉吾知其能奉

天子之意無所愧於任使也於其行爲之序以張之

壽鄭母俞太安人七十序

嘉靖戊子夏同年鄭君淮惟東旣以南京戶部主事

奏績於朝得贈封其父若母乃十一月二十九日

適太安人俞氏七十之期君率子弟戒賓友奉所得

勅命冠帔之屬進爲太安人壽其族之黃耆舉觴於

太安人曰太安人飲是惟淮少而孤以育以教以至

世經堂集

卷十一

四

類志



今日太安人力也又舉解於君曰子飲是維我鄭宗  
躡而復振晦而復彰乃茲奉觴之辰明命在庭衣冠  
在列使吾族人亦與有光者子力也既又舉解於太  
安人揖君而謂之曰今日之事則可謂榮且樂矣雖  
然吾願子之進之也夫親之於其子也莫不願有顯  
者焉是故幸而祿於朝其位升則其心怡然以適矣  
莫不願有賢者焉是故幸而齒於縉紳其德升則其  
心怡然以適矣 國家以九品制官自六曹之屬歷  
十餘級而後至於公孤保傅而君子之修其身也由  
善與信歷數等而後至於聖人蓋皆非苟焉者之能

世經堂集

卷十一

五

張華

爲也子其勉之德與位升而壽母之心適矣於是太  
安人訖飲顧謂君曰謹識之君再拜受命大夫士之  
得於觀者述以語予予辱交於君久見其才行之良  
進修之果每竊重君之賢而意其不能無所助乃今  
聞黃耆太安人之所以命君者則遂歎曰君之所以  
勗其德者信有資也夫方以衆宴而黃耆者不以頌  
而以規此雖有侈心誰得而乘之太安人之聞正言  
也不以怒而因以爲教此雖有傲心誰得而生之家  
庭之告戒其親於方冊之爲訓而嚴於師友之切磨  
多矣君之賢也以是相之德其有弗升乎

聖天子在上賢公卿百執事相周旋於下方度德會  
官求古所謂吉人君子以共成正大光明之業而以  
是應之位其有弗升乎然則太安人之心吾知其可  
以無不適而君之所藉以爲榮且樂者不啻今日焉  
爾也遂次第其語大書以贈之使異日或有徵焉

壽寒溪林先生序

昔有隱君子曰寒溪先生林公少業舉子弗就退而  
耕於野於世所競趨而爭逐者泊然無所慕因自號  
寒溪以見志云先生年四十七其子君儀舉進士閱  
二年君儀拜禮部主事又三年嘉靖戊子君儀奏績

世經堂集

卷十一

六

張華

於 朝封先生如其官乃己丑春二月君儀以使事  
適閩將觀省焉蓋君儀去先生六年而先生壽五十  
三矣孟夏八日維先生初度之辰君儀豫圖所以壽  
者謂予曰子不可無言也嗟乎先生孝友之德宜於  
家惠慈之澤被於物廉潔端毅之操推重於鄉評儀  
刑於士類者人人能言之矣而君之歸也奉 王命  
之重出則建旌秉節翱翔容與使鄉之人改觀而爭  
睹入則擁笏垂紳奉觴爲壽使先生不知老之將至  
而樂其子之爲賢畫繡之榮家庭之慶又人人能言  
之矣予將何以頌哉顧予能言先生之必壽也古今

巖穴之士其高風勁節既足以振動一時而凡稱壽  
考者復往往歸焉至或託諸神仙如鬼谷希夷之類  
雖其說不足盡信而於理有可徵者何也其凝澹玄  
默之志足以養其神而弗害也夫天下之事無窮而  
神之得於天者有限無窮則應之易困而難周有限  
則用之易敝而難繼是二者交而神能弗害乎孔子  
之論壽曰仁者靜靜也者蓋所以養其神也而莊子  
不達顧以樗為喻則所謂壽者必皆不材者歟先生  
之才足以用於世今之世非不能用先生然先生少  
而甘隱至視天下之物一無所動於中此其所以養  
神而全壽者未可以易窺也且夫闔天下佳山水處  
也而莆又閩之佳者也清和明粹之蘊發為人文而  
氣之瀟散剛特不可羈縻者又輒鍾而為高人逸士  
然則先生者殆山川之所注情也其獨能無壽耶予  
不能通神仙之說竊以理之常者知先生之壽日進  
而未已也君儀再拜曰是可以頌吾父矣請書之予  
與君儀仕同年學同志先生之壽考蓋所深願也遂  
次以為序俾歸獻焉

送郊進士薦和使山東遂歸省母序

夫越鳥懷枝因風激響海鴈失侶見月摧心故戀土

惜別雖志士未能忘情感物含悽在達人有所不免  
予忝竊科第久羈京師白頭在堂友于睽隔思欲一  
謝軒綬言返丘園而天門九重烟波千里未嘗不  
瞻雲搖恨對雨歎息賴茲朋好相與慰心今年己丑  
仲夏望日同年郊君薦和式奉王命遄徂於齊使  
節儼其在門僕夫戒以晨發四方之志蓋其素蘊八  
鸞之駕惟時所榮且將取道青齊歸省吳會舟楫戾  
止霜風獻秋慈母倚閭如舊迎道詠棠棣之佳什間  
皇華之首章山川為輝草木動色而予素願未愜良  
友復邁征轅不駐撫杯盤恒俛嗟彈鋏之艱仰羨着  
鞭之早指點故國如在目前轉睇清塵漸落天外炎  
風赤日愁聞別鶴之聲苑樹江蘼盡是驚猿之處同  
遊諸彥相率賦詩授予首簡暑雨時作慎哉此行明  
歲之春俟我江滸定省有暇當與君憇虎丘上玄墓  
泛兩洞庭之奇勝攬七十二峯之精英激昂風流睥  
睨塵世快斯志焉

贈邑侯方君考績復任序

湖南方君始令華亭披蠹黜奸約費裕財法所不可  
不以勢怵不以恩貸肆其餘力興學右文閱三年嘉  
靖己丑士歌於庠民樂於野乃八月乙亥來告成績

銓部謂賢將留以爲御史給舍

天子若曰惟天惟

祖宗畀予天下惟是蘇松諸邑賦財俊髦胥此焉出苟非其人孰相予治乃復還公華亭一時縉紳相與仰歎

聖天子愛養黎元崇重守令明示意向以爲化始治安之基與天罔極踰月戊申公既辭行階從邑士大夫餞諸郊外酒半君執爵言曰何以教予坐有應者頌也而君蹙然規也而君躍然比語訖君聽不忘衆相與竊歎君之爲政績効既彰而心不忘降以爲民

世經堂集

卷十一

九

表

王華亭之民其永有賴於是階言於衆曰華亭僻在海隅去京師三千餘里譬諸赤子遠其慈父疾痛狂愚孰究孰問政偷俗敝其勢則然惟

天子仁聖不遺吾人惟君之賢式克用乂出諸塗泥濯以清泉煦以春陽將俾斯人歸於至理惟

天子之澤非君曷布惟君之賢非

天子曷知君臣之間協德一心以竟厥施茲豈惟華亭之休固天下所共嘉賴也而暗無敘述則奚以後華亭之遺張國家之盛列之詩書以爲後則衆僉謂然既乃屬階序曰子職也不可以辭階曰諾次其

事追而贈之

送侍御南江馮君赴南臺序

國家肇建兩京並置監察御史以司糾繩督察之事其爲職蓋同而南臺御史數常不滿二十人公卿大夫之相臨者亦僅得北臺之半故其尊顯獨異諸司而又無朝謁供奉之勞無出按之專責無四方奏愬之擾其所舉刺北御史率先發之故凡爲御史於南者往往羨慕以爲神仙然南都

祖宗根本之地百司庶府錯列其間文武大寮握重兵保釐於其上而隔遠神京其勢不可無所制數

世經堂集

卷十一

十

表

御史者

天子實寄耳目焉是故南臺之選似逸也而實要也似冗也而實重也苟非有聰明強毅特立不羣之才其孰能任之南江馮君以進士爲行人三年

天子擢爲御史於南君之官吾所謂重且要者也而君博學有志節每論事是非利害臧否人物不爽毫髮君之才又吾所謂聰明強毅特立而不羣者也古之君子有其才則思旦暮用於世矧爲

天子所簡擢巍然任其重且要者乎然則君之南其殆不宜徐徐而行也士大夫從君遊而相期以事功

者相率爲歌詩以贈予最故推其意序之若夫畫繡之榮迎養之便鄉之人所詫以爲難者則固可畧云

### 送別駕張君董餉還松江序

余少時則聞董餉之難以爲急則厲民寬則債事二者無一可者其後入於朝而判府襄陽鄭君實董餉事事集而民懷之縉紳能言之徒至爲一舸清風詩以贈則妄以爲易明年繼之者敗官以去竊復以爲難然而不能無疑焉二君者其位同其民同而毀譽成敗異也嘉靖戊子己丑秋別駕開中張君連二歲董餉於北吾松人之從者目不識箠刺之威耳不

世經堂集

卷十一

十一

表

聞追呼之擾而自始發以至都下期之無後期者令之無違指者僅閱月遂以訖事余將斷以爲易而莫測君所以致之就其從者問焉僉曰君自奉約其率吾屬以來毋食飯一孟肉與蔬不求備衣服用器僕從輿馬之費不煩吾屬一錢則始歎曰君之所以得民而集事者其在茲哉然則餉固不難董也夫民之所吝惜者財也顧其在郡縣也征之惟恐其不盡也輸以歸於庶府也收之惟恐其不厚也而苞苴之入又不在是民之財一而取之者三雖或寬之猶不免於病也矧殘之以刑者耶及其窮而無所於出雖或

急之猶無以應也矧持之以不斷者耶如是而以爲難豈不可也仁人者作體其情不竭其有制其用不

私其贏夫苟不竭其有民則何敢受其正之供不私

其贏民則何敢怠其役之常若君今日之事雖以爲

易又豈不可也松自有郡以迄於今繼今以及於無

窮其董餉者前乎君余不能盡知後乎君余不能逆

知然使前乎君而能是則所謂難者安從始後乎君

而能是則所謂易者其有終乎余不能無慨於前而

深冀於後也雖然松一郡也董餉又特其一事也今

天下民就窮而賦亦不登於舊治平君子蓋每病其

救之難矣誠推君之意而處之庶其有濟乎君以名

進士歷官十餘年聲稱彌著固將有天下之責者然

行之自一郡一事始吾聞松守熊侯仁人也舉松之

利弊相與斟酌而罷行之使後之人罔以松爲難治

其不在君耶於是士大夫致私願於君者各贈以詩

而余爲之序且以廣清風之義云

送少尹王君董餉還華亭序

丁亥冬今少尹咸寧王君董餉將還士大夫餞且賦

詩送之余實僭爲之序每歎曰茲舉也前此所未有

也今年冬君再董餉於北比訖事予既從士大夫餞

也今年冬君再董餉於北比訖事予既從士大夫餞

世經堂集

卷十一

十一

表

且賦詩送之而從事其輩二十人復請余言爲贈則歎曰茲舉也又丁亥所未有也華亭人之於君顧可謂無情哉惟華亭之俗世之論者蓋或喜其醇又或病其訐矣以余言之二者之論皆非也夫所謂醇與訐者非以其有愛惡耶愛惡之情雖殊然而順其欲則愛生拂其欲則惡生猶之赤子然其啼與笑情雖不同而皆非有意爲之也華亭人於其長吏自余所聞知固有所同惡如某某者數人焉其政存也其於民之欲得無有未順焉者耶有所同愛如前邑侯江右聶公今湖南方公少尹關中楊君與君四人焉其政存也其於民之欲得無有不忍拂焉者耶民之欲莫大於養生送死安老而慈幼惟其不克自遂而始以望於上之人上之人南面而蒞之食其財而役其力苟違其望雖欲其無惡不可得也不然雖欲其無愛亦不可得也故自其有惡也可以爲訐而實非仇之也自其有愛也可以爲醇而實非私之也夫其愛與惡苟皆非有意爲之則愛公也惡亦公也其愛也吾將同其樂而不獨以爲喜其惡也吾將反其政而不敢以爲病蓋長人者若是而止耳而暇計其醇與訐哉君之前後董餉也廉潔慎勤之政具見於士大

夫之詩余獨慨夫世之論者不知自反而徒責之人其志之所期往往出君之上而卒無以得民也於是乎言

贈沈君建之赴寧海序

五年春今寧海太守沈君建之爲光祿掌醢署正天子將重守今之選詔百司舉其屬之材者以聞於是光祿卿上疏曰臣伏見署正鈇在位六年勤苦修潔不替益固而綜理區畫有餘才爲守其可天子下其疏吏部及是寧海守缺君適以九年考最司銓者曰寧海地僻而貧不治已久撫而輯之非沈君莫可使者即注君寧海州除目始下大夫士交相謂曰是往年光祿所薦耶可以爲寧海矣君故禮部右侍郎掌通政司事贈尚書公之子母張淑人於今昭聖慈壽皇太后爲姑當

孝宗皇帝時沈氏之貴重聞天下然公爲人凝遠端慎在通政敷奏出納詳審明雅人自謂不及階遷級進以至卿佐不專爲恩其教諸子尤有禮法故君之少與其兄尙寶卿抑之則旣以良子弟稱於戚里公歿若干年抑之自中書舍人遷尙寶司丞再晉今官而君亦遂以薦起兄弟並爲大夫君之行意歉然若

不勝任者予走謂之曰今天下仕宦子孫不難於居政而其所共以爲難者二其一世其家之難其一忘其有之難子之先公天下所賢也子之兄又賢也子居賢父兄之間而程休絮譽卓然無愧色不謂能世其家乎子之爲子弟爲掌醢則有聞比得州又獲重語於大夫士而意猶不自以爲足也不謂能忘其有乎進能世其家退能忘其有二難備矣夫是之謂敬德敬以事人則上安其恭敬以使民則下服其教審如是豈惟寧海雖天下可也子其行哉於是君再拜謝曰鈇實不肖無以爲 國家役至於敬德則固聞

世經堂集

卷十一

五

步德

命矣請書之遂次以爲序

### 送汪君淵之守永州序

永州去京師六千里而遙汪君淵之自都水郎擢爲之守或曰當路者忌之也或曰君之爲都水疏剔垢弊怨讒交積當路者思以全之也予謂不然君之爲都水誠賢耶當路者自宜禮而任之雖讒不能爲之感雖怨不能爲之動何必置諸遠郡而後爲全之也然則忌之歟今天下之用日患其多而財日患不足聖君賢相早夜圖以節之又冀得夫善節財者用之而君固其人也是將薦而起焉其尚忍忌乎予蓋反

之而得其說焉士大夫重內而輕外久矣況在永州之遠乎往年

天子屢詔重守令然而詔愈勤而守令之輕不減分毫於昔何者計資而授焉則得之輕指疵而出焉則待之輕二者具而其勢自不得而重也當路者思所以奉 明詔則思反其政思所以反其政則思得人焉先之而借以爲重以祛天下之惑永州之爲遠夫人所知君之爲賢都水又夫人所知以君守永則比臺諫部寺之英聞之舉將曰若是乎其不輕授人以郡也一時之爲遠郡者聞之又將曰若是乎其不輕

世經堂集

卷十一

六

東溪

### 西隱詩序

客有示余西隱詩者余讀而歎曰夫隱居之樂易言而達人之心事難窺也古今稱隱君自許由始山之



爲介雖一瓢之小猶以爲煩而必欲去之而堯廷諸臣所以相堯以爲治安者汲汲焉窮日夕而不倦後世不詆由爲矯而亦不病堯廷諸臣爲貪何者達人之視天下猶其身也是故方其未治且安而回視世之人乃未有起而救之者則不得已攬爲己責以全吾天下之身堯廷諸臣是也苟既有其人矣則固可高隱不出以全吾一身之身由之不臣堯是也故以形而論天下大瓢小以達人之心而論則天下一身而瓢猶身外之物瓢可棄天下不可棄而由棄而隱焉者有堯廷諸臣在也此其心豈可以仕隱二之哉

世經堂集

卷十一

七

顧杰

是故達人之心事難窺也今

天子神聖文武比隆帝堯中外材俊之士講論道德挾持藝能欣欣然立於其位而又搜訪遺逸敷求異人不少厭怠雲龍風虎以爲交都俞吁咈以爲治無異堯廷諸臣于是時有伏而在下姓名邑里不一被於薦書光彩文詞不暫登於天府自非其人真無足爲世用宜不屑以爲而介直有行義如西隱君者獨爲之不顧其心或者以在位諸君子遭逢聖明殫忠効勞自足致治安垂永久故慕由之風思全其一身之身功不必自己出而其爲樂乃亦在雍熙太

和之外而不徒泉石之湛耶不然君之所以爲隱其亦非其時而不足以語君臣之際矣達人之心事其信有難窺者歟客喜而笑曰茲義也其未之聞也讀書之遂次是說使歸質君梅江之上君姓葉氏名廷矩其爲人予得之友人李進士正之云

一松詩序

弘選李先生築別墅於郭西數里所植松其間顧而樂之因自號一松客有過而言者曰先生進無所求退無所慕卜居於野將以自娛而草萊僅闢荆棘簷前兩楹爲室一松爲徒上者不能爲平泉之富貴輞

世經堂集

卷十一

六

何金

川之佳麗其次亦不能少假人力累石爲山引泉爲池雜時佳卉擷芳攬幽以時自適其何以慰寂寥而老歲月歟先生笑而應曰客少吾松耶然客知吾松之寡而不知吾樂之多也吾昔觀於貴顯之人顧忌毀譽較量俯仰嗟嗟戚戚日不自堪據其所處若榮若華其中所操如在牢窸心竊傷之退而居於野寵辱黜陟不聞不知意之所是與之而莫吾貶意之所非罪之而莫吾仇行無趨趨之憂止無拘迫之患日晏而起以遨以嬉客以爲吾之樂何如也夫樂在我者也物在外者也樂苟具矣何物之須抱明月於座

隅挹清風於天末身之所在樂即隨之而況松花可  
採茯苓可斲其植可以爲材其陰可以憩息者乎不  
然役乎外未免勞乎中悅乎形未必娛乎志乎泉壑  
川其始也僅以供耳目之餘歡其終也反以資高人  
之一慨又奚足慕乎故吾之爲此竊自詫吾樂之多  
而不知松之寡也客少吾松耶客無以應述以語予  
予歎曰先生可謂善爲隱者矣古稱衡門之下可以  
棲遲又稱獨寤寐言永矢勿諼世之人重慕外物而  
必欲求其樂於衡門寤寐之外故其勢自不能隱其  
欲隱者亦必有以自給然後可以徜徉而無憂而先

世學集

卷十一

九

清

生之樂乃不遠於一松而得之天下之物豈有可動  
其中者哉宜先生之能養高以全其身而使頑夫懦  
人有所激焉以興起也於是士大夫知先生者相與  
賦一松詩而余爲之序

金精吟社集序

寧都金精山舊有集作於邑人曾蒼山黎月潭而訂  
正於董文僖胡諫議凡談金精之勝者宗之其後三  
十年諸公相繼淪沒詩亦散亡考文徵獻之士往往  
致惜然未有爲之繼者繼之自今謝懶夫輩始懶夫  
輩之言曰五屬幸而生治平之朝無饑饉流亡之苦

又幸而能文辭而又幸而密邇夫金精之勝不有賦  
詠則何以振昔人之遐軌倡後學而教之文也於是  
結爲吟社月必有會會必有作其詩遂傳人亦借以  
償舊集散亡之感諸君子於茲良可謂苦心矣雖然  
諸君子之苦心將以振遐軌倡後學也然而有大者  
焉吾請爲誦之 國家鄉舉里選之法廢而專以文  
辭爲登用之途士之生者不患其無文患其無行詩  
又文之一也其學傳與不傳無足深論諸君子猶不  
忍坐觀其然至道學不明里無善俗寡廉鮮恥以利  
爲義近世大儒力救之而未能者其亦嘗思以倡之  
乎倡之如何修身以及人篤近以舉遠善者與之又  
從而進之惡者懲之又從而教之積之以歲時感之  
以誠意則人心之天復而俗可自敦俗敦而其用普  
矣區區文詞之學徐而議焉可也階不敏方悔舊學  
之謬思進於高明故敢因是集以告諸君子其重圖  
焉

世學集

卷十一

十

清

贈侍御漆川廖君按山東序

今士大夫仕於時喜有賞怒有罰自農桑學校以及  
錢穀甲兵刑獄之務咸得考稽而振舉自藩臬以及  
郡縣之吏咸得刺察而黜陟惟御史之出按者爲然



故士大夫欲行其志莫如御史雖然御史非行其志之難而得情於藩臬郡縣之吏爲難藩臬郡縣之吏其事御史也貌非不肅而或屈體以爲容則有不用敬者焉言非不遜而或詭辭以爲佞則有不用愛者焉諛謀於一堂之上非不懇且至而或揣摩觀望以爲媚則有不用忠者焉三者具而民隱有所不聞關政有所不知賢不肖有所不辨御史者始孤立於上欲行其志而不可得是故得情於藩臬郡縣之吏爲難也古之君子將大有爲於天下也其明足以燭幾事之微其剛足以勝剽繁之任矣至與人處則必自貶以下之誠心以求之虛己以觀之夫是以人有所畏而不敢匿其情有所感而不忍不盡其情情盡則私屏私屏則道合道合則凡聰明才力吾咸得取其有以爲吾用蓋今之欲行其志者亦如是而止矣漆川廖君以御史往按山東君爲人明而不恃剛而不有宅心乎其大而不可以非禮悅所謂古之君子於是乎在而其能得人之情以行己之志有可以預必者予不佞辱與君友幸山東之人將被君之惠澤而吾黨亦借以爲榮也於是乎有以贈君

贈建寧武守李君致仕序

新會李君朝光以鄉進士高等歷判衡湖松三大郡晉貳建寧守居甫期再移文請致仕當道未報允君卽先遣其孥而固請以行蓋中外縉紳未有如君之能去雖去未有如君之決者嗚呼難矣哉夫天下之塗二義與利而已徇義則妨利徇利則於所謂義者亦不免委而棄之蓋二者之相形也不啻白黑之不容混也其不可以兼舉而互存也不啻南北之不容以並而馳也而不察者每汲汲於利之爲圖銖積寸累貪而不能去其欲去利以就義又毋顧瞻前却顧而不能決故方其貪而不能去也若泗大川而莫或爲之援也戀而不能決也若被痰疾而莫或爲之療也其卒也不溺則病予雖未更事竊嘗見數人焉皆所謂聰明才俊者也皆貪且戀困於利者也而君之去此獨若脫敝屣而祛浮埃然用能全出處之義以自卓立於流俗此其爲勇誠有賁育不能加而其素所養殆孔子所深歎息於剛之未見者歟吾雖欲不謂之難不可得也君始判三大郡皆有聲比佐建寧廉靜悌愷尤爲民所愛信法當至大官頃年天子詔銓部用人惟其賢不問資格勢又當得驟顯夫有利在前能不擠其儕而爭之卽不可謂不仁能

不迂其身以求之卽不可謂無恥矣君乃復去而不顧若不知利爲何物古稱大夫七十致仕君之官應古大夫而年去七十遠甚是二者吾益不敢不謂之難也孟子云聞伯夷之風者頑夫廉懦夫有立志今之世其尚有頑若懦者耶抑無其人耶聞君之風可以勸且愧矣君將行予適赴貶與君會建寧之邨舍予立朝無所成名又不能早自引去迄今竄斥而去猶未能決也所謂頑若懦徇利而妨義孰有甚於予者乎予言知不足爲君重而君之賢不可使無聞也爲之序以贈之

世經堂集

卷十一

圭

書

贈邦伯南原李公入 觀序

階昔在翰林嘗取近代名公卿而品第之以爲其廉吏而處已或傷於峻其能吏而持法或流於急峻則失禮於君子急則失心於小民凡天下之未治不必皆庸人之罪諸名公卿亦與有責也當時聞者率以爲然其後往來南北求所謂廉能之吏亦且不可多得頗自悔所評之過而仰歎夫全才之難然又竊疑之

聖天子在上明作厲精夢寐英傑將舉唐虞三代之治其風聲意氣之所招徠不宜併兩漢諸君子之聲

績無聞於下今年春卽貶於延見南原李公之爲政然後知抱全才以佐

聖天子復古之治者固有其人特階所接未廣也公爲政于延一年筦庫之役凡省供億餽遺之費數十百金舊逋宿弊清舉釐革者百有餘事廉能之與振於閭中然與人處恂恂于于雖童子必以貌哀矜鰥寡明慎庶獄戚然有殺一無罪以得天下不爲之心此其視兩漢諸君子所爲誠未知所先後顧階與公生同郡叔父谷易公又與公同舉於鄉而階至於今而後知公也則階向時之論雖或不爲過而其病於所接之未廣不已甚乎階於是有深以爲懼者矣雖然公今入 觀

聖天子詢且考焉知公之爲全才也進公勞焉舉而大用焉四方之吏聞而興起者其將不日異歲殊乎然則由今而後苟階所見聞縱未必如公賢亦公之之徒也階固當以多才爲 聖世賀而所接之未廣有不足懼歟夫詠歌太平述名哲以詔後世史臣職也階雖已不在其位而意不能默焉於公之行姑次以爲序

世經堂集

卷十一

圭

書

贈建寧守詹公入 觀序

今天下之吏惟守令於民最親雖然情抑而弗通宛  
閉而弗洩號呶叫呼而莫或聞知吾未見守令之果  
親其民也言焉而弗信倡焉而弗從詠歌唯諾於公  
庭之上而怨且詈於其室吾未見民之果親守令也  
然則守令之於民將遂疎乎民之憂樂在下而樞機  
在上民非欲與守令疎也理之而非真有心以為理  
字之而非真有心以為字文具日飾而勢日以隔心  
日以貳故非民之疎守令守令疎之耳古之為親民  
之政者其言曰若保赤子人之所最愛有甚於子者  
乎而保民以保子之心有弗得養者寡矣抑其言曰

卷十一

圭

圭

圭

惻隱乃身人之所以愛有甚於身者乎而保民以保  
身之心有弗得養者益寡矣是故必有子民之實而  
後民戴之為父母必有天下一體之實而後民奉之  
為腹心大學之教曰在明明德在親民其論明德曰  
在誠意嗚呼盡之矣建寧居閩上游城之內為都司  
一為衛若邑四廩祿之費歲若干千而民困於賦人  
之居者兵農工賈雜而民黠於訟士大夫東西過建  
者迹相接於途而民疲於役番陽詹公作伯三年樽  
節休息以論以教不動不變困者蘇黠者戢疲者安  
政令之所加民率趨之無怠入 觀之日相與詩而

送之無間言公之於民何相親之深也公為人忠厚  
敦朴其真德實意出於文具之外者固所謂不賞而  
勸不嚴而理者歟莊子曰天無為得以清地無為得  
以寧兩無為相合萬物皆化中庸曰天地之道可一  
言而盡其為物不貳則其生物不測是故觀於天地  
而君子之明德親民者可知也予始赴延識公建寧  
之郵舍今茲行其僚高君羅君屬予言為贈公之惠  
政建寧人述之盡矣何所容予言哉然公之所以能  
與民相親者世未必知也故為著之如此

贈建寧郡伯詹公考績序

卷十一

圭

圭

圭

番陽詹公守建寧之三年將以其績上於銓部客有  
賢公於階者曰公之在建也省刑罰罷科條蠲滌繁  
擾與民休息自始至以迄于行之日若不見其有所  
為者然而觀於野則有餘蓄焉其惠可知也觀於庭  
則無留訟焉其政可知也觀於校則士與於仁義焉  
其教可知也無赫赫之聲而有醇醇之實公之績也  
信有成歟又有賢公者曰公之在建也其言常曰君  
子之治猶婦女之績也夫績順而緩之則理拂而亟  
之則焚民之於好惡有同情焉其不猶績之可順而  
不可拂者乎上之人欲行其化必有漸焉其不猶績

之可緩而不可亟者乎而吾烏得而違之故公之爲政罔拂百姓罔求近功寧拙毋巧寧遲毋速卒以有成效公之績也其真所謂績歟階曰二君之論於公之績幾矣未足盡公之賢也夫喜名譽而樂仕進非士人之恒情歟凡有爲於天下一不試輒懲創沮軋不能自振甚或改圖以求售非士人之恒患歟公始爲政於建上之人羣而笑之旣而毀之又旣而摧抑之于時爲公謀者僉以爲宜少變以應時好而公獨無所動於其心其爲笑也容之若海之納細流而不怒也毀也視之若飛蟲之過前秋雲之倏幻倏滅而

世經堂集

卷十一

主

中

贈邦伯南原李公考績序

善爲政者不遠民以得治而不善爲政者毋求治而失民是故善爲政者之於民也因其生植之而已不必有以益之也因其財節之而已不必有以與之也因其力時使之而已不必有以助之也夫是以上無舉措之勞而下有康阜之實不善爲政者日焦焦然徇私見以繁其令曰吾能利民矣而不知情之未順則適以爲擾守陳言以議興革又曰吾能利民矣而不知時之未合則適以爲病夫是以上有不暇給之名而下有重困之歎此其得失豈特倍蓰什伯之相懸已哉延平故文獻地也然爲郡山多而土少其產薄故其生艱自鄧茂七之變以來其經兵燹特數故其財匱頃年饑疫相繼其生齒日耗而賦役不少減於昔故其力疲上海南原李公以大理評事來爲邦伯一見歎曰是病羸者之狀可以休息而不可以藥劫也於是省文書緩刑罰罷非正之供止不急之役訟之至者平其忿不許其私民之麗於法者正其罪不追其往耕耘種植之務導之以勤不強其地之闢冠婚喪祭歲時之費示之以儉不責其俗之同津梁道塗之政要之無厲於衆不求其觀之美人之視公若不見有所爲而行之暮年而民生遂又暮年而民

世經堂集

卷十一

主

中

財裕民力完比三年而告計之俗易禮讓之教行  
偷之警弛弦誦之聲作嘏嘏然復古文獻之盛有不  
知所以爲之者蓋公之爲政因民以致其養若雲龍  
之種樹然不必益之而實潛恃以爲立不必與之而  
實陰受賜以爲富不必助之而實深有所藉以爲安  
彼其反之者則是孟子所論宋人之振前非徒無益  
又害之者也公非所謂善爲政者歟乃秋八月公將  
以績上千 天朝大叅龍津黃君都諫劔溪鄭君夏  
官主事梅山田君相與謀爲公贈而屬言於階階既  
辭不獲因念公昔蒞延十月階卽濫佐公刑獄以迄  
于今雖甚不肖無所贊翊然於公之政聞見特詳故  
輒序其不遠民而得治者如此若乃  
聖天子陟明之典延士庶去思之情則大叅都諫之  
作言之詳矣階可無贅云

贈方伯浦南胡公赴江西序

正德庚午階叔父谷易公與今江西右方伯浦南胡  
公同舉於鄉階時尚幼獲以通家子姪侍公几席之  
間叔父嘗指公謂階曰此所謂崇山大河能任重澤  
遠者也階謹唯而識之其後數年公舉進士拜刑部  
主事遷四川僉事階亦繼泰進取官翰林往往從蜀

世經堂集

卷十一

五

何遜

薦紳聞公聲籍甚又後數年公遷湖廣副使歷廣西  
叅政遷福建按察使而階先一歲謫爲延平推官於  
公爲屬得觀公政事之詳其條理精密而規謨弘遠  
持已甚介而與人不疑法之所在不可以私屈而不  
爲苛急繁瑣不可近之行因追服叔父所以評公之  
審仰而歎曰 國家自正德以來政之弊可知矣顧  
一時君子有志振作者既多畧於大體而汲汲文法  
條目之求其自謂老成安靜者又一切沿陋習非苟  
幸無事而不知變夫是皆非

祖宗之治之舊也有能知所以復古以佐我

世經堂集

卷十一

五

何遜

聖天子精明惇大之業者其在浦南公之徒歟居一  
年江西之 命下則又竊幸望公者之不孤徧以告  
素所往來者曰術家謂六十子之運數窮則復豈不  
信然哉浦南公且大用天下自茲太平矣夫古昔君  
子之生也得志則自以其身任天下之重不得志亦  
庶幾有大人焉王張於上以自效於百執事之末階  
誠不肖無能有所爲然其心願有以自竭也於公之  
遷也獨能無少覲乎公行旣得日謂階宜有贈於是  
階序公之賢以爲天下賀而因及其私

新泉問辯錄序

君子之學一而已矣一者何也理也理也者人之得乎天而具於心者也天不二則理不二理不二則君子之學獨有二乎哉是故君子之學一而已矣雖然天不二也而或爲日月星辰之昭布焉或爲風霆雨露之鼓舞潤澤焉或爲春夏秋冬之迭運焉是數者非天乎曰天也日月星辰之昭布者天之象也風霆雨露之鼓舞潤澤者天之氣也春夏秋冬之迭運者天之時也合而言之天也是故曰天不二也其在人之心仁也者理之愛者也義也者理之宜者也禮智也者理之敬與辯者也親義序別信者理之著於父子君臣夫婦長幼朋友之間者也出處辭受舉措刑賞極而禪讓放伐萬有不齊者理之散見於事爲者也合而言之理也是故曰理不二也理不二而有仁義之屬以至於萬有不齊者何也此正理之條理而孔子所謂文也夫文非緣物而始有也理之在人心也渾然無象而條理森然具焉是故理在心不在物由乎中而應乎外其未應也未嘗無其方應也亦呈露其本有者耳昔者舜之命禹曰惟精惟一允執厥中舜不言博文而孔子言之此非有異也博所以致其精約所以守其一故夫博者精之謂也約者一之

謂也而禮也者理也非有異也後世理一之義不明於是學者因應物之迹而誤以理爲在物擾擾焉欲四逐以求之是猶見影之在地忘其本吾身之所爲也而曰某地有影焉其長短大小曲直之狀如此遂欲求影於其地嗚呼此豈非義外之說孟軻氏所深辯而力排之者乎而欲以爲學謬矣甘泉先生講學新泉之精舍其門人周君通輩彙次所聞以爲問辯錄若干卷先生之言固皆粹然出於正然其大指則惟以發明夫理之本一故於體認天理蓋屢言之至其曰天理是一大頭腦千聖千賢共此頭腦終日終身只是此一事更無別事者則又弊緊明白獨紹虞廷孔子之正傳百世以俟後聖而不惑者也然則學先生者其尚可求之二哉同僚林君驛卿嘗遊先生門將梓是錄以惠學者階不敏竊有志於學誦先生之言恍乎若有見也僭爲之序因以質諸先生

學則序

古之學出於一而後世之學析而爲二是故古之道問學以尊德性而後世欲舍尊德性以別求所謂道問學之事古之尊德性則必問且學而後世欲舍道問學以別求所謂尊德性之功偏曲固滯竊似亂真



而精一博約之傳自子思孟子沒而遂絕矣周衰迄于宋季千有餘年晦菴象山兩夫子出相與切磋論難以得夫真似之辯而其學粹然惟一之宗蓋嘗即其言求之朱子之教人曰求放心曰爲己曰持敬曰操存曰辯義利而亟有取於程子涵養進學之說陸子之教人曰親師友曰觀書冊曰講明曰理會曰諷詠而謂學問固無窮已其端緒得失則當早辯朱子之於陸子兩稱其肯講學而陸子之稱朱子曰英特曰高明曰泰山喬嶽朱子之責門人曰只成說話曰多不得力而陸子之斥釋氏曰利曰邪曰崇朱子於

卷十一

幸

倪成

程允夫之名齋易道問學以爲尊德性而陸子於傳子雲周清叟李伯敏詹阜民諸人每告以讀書之法蓋兩夫子之學同出於一而精一博約之傳絕而復續者實在於此至所謂子靜所說專是尊德性事某平日所論却是道問學上多者則或朱子一時答問之語未可據以爲終身之斷而其謂道合志同是乃兩夫子之深相契而相許者也顧昧者不此之察既謬以爲二而其間號爲有識之士亦僅以爲如輔車之不可相無而不能究其本一則又何惟其學博觀遠取自以爲宗朱而玩物溺心實異於朱子瞑視却

聽自以爲宗陸而談空守寂寞與陸子背而馳也哉階不敏竊爲此懼日與多士論兩夫子之同出於一者使嚮往焉既又恐其聽之未審也因取兩夫子言之尤弊繁者得書七十有八銘三講義一論二語錄二十有四合爲一編以授之而名之曰學則嗚呼兩夫子之學自其生存以及今日未有定論而階獨比而同之階之爲此誠可謂不自量然學者苟按是以觀兩夫子之學則可以諒階之非妄而卽是以致學焉亦庶乎其不詭於聖人矣

贈憲副東津魏公致仕序

集

卷十一

幸

倪成

今年夏憲副東津魏公疏於朝曰臣不幸生六歲而孤臣母許撫且教臣以有成立今臣蒙恩祿食中外二十有五年而未獲旦暮效薪水之奉惟臣母老矣臣於事母事陛下之日不能無計長短焉乞放還以便養

天子憐其懇惻冬十月詔許致仕於是諸君子同宦於浙者相率送公而屬階爲文以贈階昔讀詩至四牡竊歎古之君子謀其國不遺其親而君之使臣卹其私不盡其力以爲古君臣之間若是乎仁之至孝之篤其所以致雍熙太和者固有由也乃今觀東

津公挾有爲之才當可爲之時而以母老毅然乞致其事推其意將薄三公而重一日之養所謂孝者非耶

聖天子識公羣小吏之中舉而加諸顯位將益任以有爲而一旦聽公之請使得遂其志所謂仁者非耶大忠孝之移也仁義之感也今而後爲人子者聞公之乞去日興起於孝而因以資其忠爲人臣者聞公之得去日感激於仁聖之難遭而益以奮於義然則公茲行所繫於國家甚大階固不容無述而又惜其鄙陋不能作爲歌詩以附四牡之末也姑爲文其

世經堂集

卷十一

墓志

光緒

杭州北關志後序

杭之北關故未有志志之自今桂東王君始嘉靖甲午春君奉命來董關政以其暇日繙諸故牘旁詢黃耆得事之利於國而宜於民者輒喟然曰國家之有關征非得已也佐之以是其庶幾乎而吾可使弗聞乎其有不然則又喟然曰夫其行諸一時不已甚乎而吾忍使繼焉者踵而爲之也於是益加蒐訪上本建置下訖文藝爲關志十六卷卷各爲論敘而梓

之以傳蓋君之慮遠矣階不敏嘗承乏史氏聞學士先生言志有實有文稱乎古足以行於今作乎前足以訓於後者實也其事核其詞辯理約而該博者文也二者具志是以傳是故以考人事以觀時變則史之體存焉以審避趨以徵治亂以寓感創以示褒貶以安民而坊世則經之義備焉若是乎志之重也君之爲是志也其慮遠其詞足以發之所謂傳者其在茲乎雖然傳非徒文之謂也其實存焉耳後之居是官讀是志者階固不能無望而亦不能無慨於輪扁之說也於刻之成也書其後以告之毋俾嗣而志焉者重有感於斯文

世經堂集

卷十一

墓志

光緒

昭遇錄序

少宰中峯先生旣葬厥考頤菴公之明年彙次所得誥敕及諭祭之文與諸士夫所爲銘狀序記之屬以爲錄而取制詞所謂昭昭遇賢之典者題之曰昭遇泣以示階曰先君子之賢天下莫不聞今不幸至於大故孤竊懼夫文之不足後無所徵也將於是託不朽焉子其爲孤序而傳之階辭不獲則遂讀而歎曰嗚呼君臣之際其相遇豈不信難也哉惟昔成化弘治在本朝最爲盛時士有所挾舉獲自見而公



為御史獨以忌出未幾又被讒以罷及

今上嗣統求舊任賢幽遠必達而公則既耄老徒以封命之及其身以為遇故至聰有所不聞至明有所不睹則雖

憲

孝之朝而公不克大其施事有不相值而幾或有所尼是以

今上之仁聖而不獲及公之壯以究其用蓋凡讀公之制詞者未嘗不三歎於斯也今距公始封之歲未及十年而公既沒且葬所遺於人間者又獨此

世學彙

卷十

手

歲

綸綍之音金石之刻可以考見公之為賢而已典刑日遠在縉紳舉悼惜焉矧為之子若孫者耶然則先生茲錄殆非直以為文獻之資也階不敏幸出先生門於先生所以處父子之間者知之為詳故為述彙次之意如此若公行實履歷與先生顯親之孝則錄所載已備不復贅云

贈少叅體齋陸公赴山西序

階少時先君子嘗示以古今人物之槩且為之評曰人之才智古與今不甚相遠願今之建立卒未有幾於古者古之道義明而今榮利之習勝情則喜隨而

惡方政則尚通而鄙介途則貴捷而賤正人則右勢

而左賢其稍知自樹者又或毀譽交而志不能保其

初利鈍形而節不能堅於晚故無以為建立之地也

階謹拜而識之其後持以考紀傳所載徵諸耳目所

見聞無一不合者於是服先君子之評之審而竊歎

夫自拔於榮利者之難其人頃來武林得今山西叅

議體齋陸公則庶幾焉者也公始為儀制被誣謫官

再轉而後僉浙江憲事其為僉事僚友之先後至者

遷轉幾盡惟公歷四歲官如初而茹清飲潔守法持

正毅然不以毀譽利鈍之故少自貶以求速化間嘗

世學彙

卷十

手

歲

語階曰使我再作僉事十年此心當亦猶是嗚呼克公之志節後之建立其可量乎顧無由起先君子於九泉一觀公之成而慰其慕古之心也公自僉事為叅議所增僅一階無足為公賀獨以公之建立既有其地而於茲擢又足以占公論之不容泯循是以往其所以建立者將無病於弗庸也故以憲伯恭川李公之意次是說以識吾私焉李公昔與公同舉於鄉階亦濫同舉進士維階鄙懦不足以望公而二公之志節則實所謂相頡頏者今李公既貴公亦漸顯古人之建立其必有蔚相章而炳相輝者乎階敢遂以

為國家賀也已

官箴集要序

官箴集要若干卷其言出仕宦箴規畫簾緒論諸書其所論說自紀綱法度以及隱幽微細之務靡不盡其槩括以就是編則今侍御汝陽張公以意屬仁和學諭汪天錫為之始公按浙三月亟梓文公先生小學授其屬之仕者學者及再閱月是編成又梓授焉階因得再拜公賜作而歎曰嗚呼公之詔吾人以政可謂至矣雖然公將梓是編也而必先之以小學則其意豈徒然哉夫政與學非二物也顧三代以上政與學一而仁義禮樂之澤達於天下三代以降政與學析而為二而仁義禮樂為虛談此其故何也古之時士知以仁義禮樂修其身而已未始求夫政者而講明之也然自其習於仁也則所以育萬民者存焉自其習於義也則所以正萬民者存焉自其習於禮於樂也則所以節民和民者存焉本諸其身施諸天下惟天下亦自感發於所性之同與其踐履之實而以順以化雖欲二之烏得而二之後世修身之義不明士指其訓詁詞章名之曰學一旦立於民上則見天向之所習果不足以為治不得已俛出於刑名術

世經學集

卷十一

序

無

數以要近功及行之既久亦遂不覺其非名之曰政而顯顯焉執以待用雖欲一之又烏得而一之也故天下不患無善政患無實學古之學者方其出入家塾黨庠之間則已實從事於修身以植夫大人之德業矣其後聖王不作小學遂廢繼遭秦火書亦泯而弗傳文公先生輯今所謂小學者以補古之遺缺其為教雖以行之蒙士然其言固曰是修身齊家治國平天下之本也嗚呼士大夫習乎此所謂政與學者其庶幾乎公於茲刻其後先之間用意深矣階不敏僭有志於三代之學之政嘗欲一闢斯義告諸好古君子乃今於公重有契焉然猶懼夫讀是編者苟不得公之意則終將析政與學而二之也遂承公命序之簡端若公激揚風裁正己格物不專以書者當自有良史言之茲未能悉著云

贈都閩沂東湯君備倭揚州序

昔我

太祖高皇帝有佐命之臣曰信國湯公實定閩越下巴蜀斥倭寇有大功於時公沒百四十餘年六世孫沂東君以署都指揮僉事嗣備倭海上豐頤廣額長幹偉畧又實有公之風往時驕將悍卒奸民黠賈緣

世經學集

卷十一

序

無

利媒寇者舉帖帖不敢動予數語所知曰夫民易治也寇易禦也惟是緣利媒寇之徒有寇之情無寇之形是謂內宄內宄難制乃君能禁伏之可不謂良將軍哉居一年太倉有兵事

天子念非君無可授鉞者會巡撫南畿中丞侯公以爲請遂詔徙君揚州予聞走謂曰沂東君古今稱大節動必曰忠孝夫乘時而不能大有爲不可謂忠襲前人之遺而不能世其美不可謂孝君信國之裔而

天子之所材也予聞太倉盜在其疆急之則逸緩之

卷十一

卷十一

里

張華

復聚疇昔之秋嘗以爲討任非其人功不時建頃天子既以命憲臣飭兵防矣而復以屬君非君自奮於忠孝之會耶君謝不敏予又謂曰夫功非難建者也人情去私則智忘私則勇利害毀譽一牽於中皆謂私勝私勝罔功君在海上任怨與謗毅然不回利害毀譽幾無牽矣守而不變勇智寔生智以謀之勇以行之於建功何有吾願君之母易其初也君再拜曰敢不惟命予亦再拜曰善沂東君之可與爲忠孝退次其說爲贈

贈都閫一山李君坐營南都序

自道義微而士之志於功名者日以奔趨爲能朝暮聚而議曰夫某某也由某某進焉者也又聚而議曰夫某某也其勢且日盛盛則思附焉某也其勢且日落落則思去焉蓋欣然自以爲計之得也以予觀之不然凡制窮達之命者非天乎夫天蒼蒼爾魏魏爾孰得而奔趨之故或奔趨而有得者命則宜得也不然世固有竭心力以圖之而反失焉者何也其不能奔趨而不得者命則不宜得也不然世固有偃蹇骯髒無援於人而顧有獲焉者何也是故曰不可求曰得之有命而世乃謂窮達之算舉由於人而忘命之制

卷十一

卷十一

里

張華

於天也其可謂智乎江都一山李君始爲指揮使以薦佐浙江閫事前後七閱年擢坐營於南都君爲人廉靜寡與部使者之稱之曰一介不取予於人而君亦自謂我不能識當世賢有力者方君之久於浙也士或竊笑以爲不能奔趨者固如是君聞愈安竟以得擢然則向所謂由某某以進而欲計較於勢之盛衰者其謬妄可知也君行矣夫謂奔趨可以奪天命舍天而求之人者亦天所惡也君務順乎天益堅其守天將日佑之雖欲不達其將能乎君性孝宦轍所至必奉其母以俱與人交不爲巧言僞貌皆可爲世

法而以其廉靜行之坐營所以收人心養士氣又均有賴者予獨以士方惑於奔趨之說而君茲行可以破之也故敘君之得擢者加詳焉

贈大叅龍山戴公赴貴州序

貴州於古爲西南夷自入國朝牧以大吏聯以庶司教養之以學校人物地望遂與諸夏等然而仕者猶以爲遠鮮或樂乎其官

今皇帝卽位十有七年益明習政治知民所疾苦凡有辟除加志遠外又嘗命銓司慎選藩臬諸大夫以置兩廣滇貴之間而貴州叅政適以闕告乃夏四

世襲集

卷十一

聖

高聖

月詔前太僕少卿龍山戴公自江西按察副使往蒞之故事士大夫之量移與其賢而擢者率得內地公固量移也而公爲人開敏弘博揚確古今臧否人物動能識其大自典郡臬更歷臺寺入總馬政出振邦紀左文右武具有績効所謂賢者也此得地乃否人咸惟之未有知

皇帝所以加志焉者公意獨自任數曰貴非吾民耶在昔君子以一物不被澤爲己貴貴有宣慰安撫司各一六府四州十衛地東西九百餘里南北三百里此豈直一物而吾幸獲當全盛之時叅承宣之政可

自遠外使聖明之澤有所不被及哉五月己亥遂治任以行階竊自語曰世恒謂三代以下有臣無君又或有君而無臣故於古道合之治志同之交每歎慕以爲不可復見維我

太祖高皇帝平定貴州命汝南侯梅思祖平章潘原明鎮之且諭曰非名臣重望者未可托蓋聖謨之弘遠如此

今皇帝不忘遠之心與

太祖實同而公負康濟之畧懷一物不被澤之憂推之建立將卓然出汝南平章上所謂有君有臣者非耶願世無仲山甫其人不能賦蒸民於高之詩其下亦不能爲王褒之頌韓氏之碑柳氏之雅以紀國家盛事將若公何按察使西陂劉公聞而謂階曰吾屬與公交久公今去此以適千里之外不可無贈贈又足紀盛事於國家雖文不逮古人其容廢乎階再拜曰西陂公詔我大義矣退而次序其事俾後之作者或有所採

送山西少叅我齋朱公序

嘉靖甲午春我齋朱公以監察御史僉臬事於江之西歲戊戌五月詔擢爲山西叅議揆公始至以迄

去之日使之代者四人副使八人僉事六人蓋不獨公才猷聲譽之美宜爲聖明所簡擢姑以資計亦既久且勞矣然則公茲擢也可以昭公論之存哉維昔帝王尊賢使能無論新故其最盛也匹夫之微胥靡之賤一旦舉而爲相君不失人相不失望於天下後世此意微而循資之議起資固非所以待異才也然自世道益衰士之徇於利益急不次之說或假借以希速化而柄事之臣又樂廢其次以便已私於是傍觀者既莫測其登進之由而士亦茫然無所據守則不若計資而用之猶可以少塞倖門定士志然則公之以資擢也亦銓司救弊之意歟予於是重有感矣予昔督學於浙僉憲姑蘇體齋陸公實自浙叅藩山西予僭爲文送之今督學於此而公適往代陸公得山西四年陸五年何二公於山西得之難也然皆辱與予爲友陸又與予生同鄉舉進士同年豈拙者固恒相值耶予不能不以前所言爲天下幸以後所言私自悼也公行矣如欲繼此而速遷也其務擇其所與也哉

送少叅薨崖周公赴河南序

階始舉進士於京師每好爲狂言人率以爲罪獨薨

崖周公與階志相合也公之言曰天生舌於人而使能言豈宜啞啞自全已哉昔三代盛時伊傅周召之徒相與訓戒其君累千百言而不足及周之衰孔子孟子發揮仁義其所爲書亦各數千百言蓋古聖賢不敢自默如此今

聖天子在上六籍大明無所容吾說而又幸而仕於朝爲伊爲傅爲周召茲非其時已哉顧何忍負之也其後數年公自臨川徵拜御史未踰月會禮官言河清當告祀公卽疏其不可當路者交疾公以繫詔獄天子明其無他謫典韶州府幕歷七年三遷爲江西按察僉事而階繼自翰林以妄議孔子祀典出司刑延平歷八年三轉而督學於此以與公會於時階既重自懲艾公亦涵養深粹不欲相尙以言然偶值無事兩人者獨相對其故態不自覺其復作輒又相與太息而別蓋至今年之夏加數焉未幾公擢河南左叅議諷日告行階於是旣自悲其無侶又念中州諸大夫與公相知者不知當幾何人竊有所深慨也然階聞古之君子其所志也苟無戾於道雖或相知之難亦必守之終其身而不變故易稱無悶詩美不渝以爲不如是不足以言成德而後世毀譽利害之私

往往撓人而奪其志人亦因以敗且辱其身然則爲公慮者固不宜計人之知不知矧在聖明之世其知可必乎公博學能文章其爲政廉明果決人不敢欺久之亦自不爲欺嗟乎公苟無變乎其志而以是行之信其必見知也已

### 二楚集序

昔韓子有云謹愉之言難工而窮苦之言易好以階觀之不然夫言非出於心者耶古之人理義以養其心富貴貧賤患難夷狄泊乎無所動於中而其形諸言也無戚無喜無得無喪藹然中和之發則雖謹愉

世經集

卷上

聖

張

窮苦且猶無之又安得而工拙其詞也後世心學不明人溺於利中之盈歉一繫乎外之所遭於是縉紳之徒明志得者失之驕敘成功者流於伐述燕樂者其說靡以淫衍光榮者其詞鄙以陋壯夫貞士相與誦而羞之退考諸山林之作則見其規模氣象雖或病於枯稿悲感而興致格律猶有可觀者遂以爲詩之工拙由於謹愉窮苦之異狀而不知彼不善言謹愉者乃其動於謹愉者也江西按察使西陵先生劉公自幼以詩名其所誦法直追漢魏而上之唐以來諸大家不道也然公始仕於司寇爲美官繼守鎮江

爲望郡督學於三晉之間爲地清且顯間嘗忤時以歸未幾起叅湖藩擢今官爲位尊爲望甚重以公所遭揆之人情蓋於謹愉居多而茲集載公在湖南及今江西所爲諸詩冲和古雅弘遠俊逸雍雍乎袞焉圭璋之度而煙霞丘壑之趣自存焉嗟乎此固容以難工易好言哉階於是識公所養矣昔歲癸未公校文禮闈階實以其年成進士拜公於朝後又嘗會於京口乃今益得朝夕焉世恒於達官貴人數問遺爲敬公至不能舉其字號小大之獄賓旅之交裁決應酬日鮮暇刻而意思瀟灑若無事者公之心豈謹愉所能動而其工於詩豈偶然也公詩在徵用以前歲各自爲集而名之以其甲子茲獨曰二楚者湖之南江之西皆故楚封識地也乃其篇數則於前僅十一焉雖然空青丹砂目其銖粒亦足例其餘矣

世經集

卷十二

吳

張

### 送大叅三峯侯公入蜀序

台州自昔多廉節之士階往年以視學再至其地見其俗特儉質自紹以東溫以西迥然異也因大悟曰台士之多廉節有自也哉夫人生而有耳目鼻口四肢之慾一不知檢則放放而事欲其副則必屈身焉以求之故浮侈之俗成而廉節之志奪在孔子時則

已病夫性之相近習之相遠矣逮及戰國丈夫之所為甘心下乞人而不恥則其俗又已不及春秋況在後世其汲汲於慾復不啻妻妾之奉宮室之美窮乏之得我乎台俗特儉質而其士多廉節固亦俗有以成之也往階嘗觀三代之際其治理之務不先政刑而先風俗以為古之時民偽未滋故能然耳乃若後世當不暇為是及觀於台然後知俗不易則人材不可成天下不可治而易俗之當務在民偽既滋之後為尤急也於是三歎息焉階故吳人吳為俗於天下最浮侈所謂廉節之士固恒有之然不能數見也思

廉節集

卷十一

星

顧時中

徙家於台與諸賢相追逐間以語三峯侯公公台士之名廉節者幸不吾拒也今公擢叅蜀政取道過其鄉方遜志之故宅庶幾有隙地乎其為我卜尺寸而廬焉公起家比部作伯於池飭戎於賴所至有惠政殊績方大用於時而階自顧菲薄又甚多病四方之志黯然盡矣所以樂暮年計子孫實於台是賴公之友一所高子石梁王子素知階者也尚以是告之苟方氏無遺墟焉舍我上蔡祠之側則尤幸也已

理刑疏要序

侍御蒲津先生景公手一編示階曰此吾鄉先進西

磐張公所授也公昔為中丞以風裁著稱而是編三疏於明刑慎罰惓惓焉夫士大夫之勵風裁者能致審於刑獄寡矣吾欲梓以示吾屬司刑之士何如階曰請試讀之讀既作而言曰夫刑非聖人所得已也昔在虞舜象以典刑于時臯陶實為上師皆聖人也然其始也君不敢忘乎欽恤之心臣不敢廢乎明允之命及其終也雖民已協中治已從欲而舜猶不能忘情於明刑無刑之辯蓋其不得已於用刑如此後世帝王具臣既不知以刑為念而英君能吏或轉而入於刻深之求至其臣王異好上下不交者又多有

廉節集

卷十一

星

顧時中

之於是刑罰不中禮樂不興而慨想虞廷之治日益見其不可及然則非世異也所以為君臣者其道殊也

今皇帝寬仁成性小大之獄罔不用情西磐公位為執法又以明慎左右其間觀是編言於

上者三

上三是之君臣之同德雖虞廷無以加也階昔在朝及見見素林公為司寇蓉溪金公為御史大夫二公之議辟天下自謂不寬二公去而西磐公繼為中丞其所建白復具如三疏何 聖明在上賢執法之



相望也階於是見 明良之遇焉見人才之盛焉不  
獨司刑者有取爾也明日以復於景公屬瑞州孫守  
璽梓之景公爲人直諒弘雅其按江藩持憲甚肅而  
用法平恕蓋家居十年所養者深矣工既成謹告於  
司刑之士曰西磐公以

聖天子之心爲心景公又以西磐公事

聖天子之心爲心吾屬而不以景公之心爲心者其  
自棄於 聖明不已甚乎聞者盡悚遂書以弁其端

贈大方伯凌川傅公入闕序

君子之學最可以自驗者其在失得之際乎人情苟

有得皆足以喜有失皆足以悲失得日交乎前而其

卷十一

聖

未竟

中亦日以動然則非獨失得之際可以自驗也雖然  
彼物也吾計其當得而果得焉則有能不喜者矣吾  
計其且失而果失焉則有能不悲者矣惟夫理所必  
不失者吾既據而私之而驟失之未有不瞿然驚泣  
然悲者也勢所不易以復者吾既習而安之而坐得  
之未不有瞿然驚躍然喜者也故自得而失自失而  
復得失得之際非養之深者不能以無動而君子之  
學最可以自驗者此也嗟夫三代以降學術不明天  
下滔滔焉趨於利於其所不當得能不早夜以求之

難矣矧無喜於得與其驟失之而不以悲耶於其所  
不可復得能不委曲以挽之難矣矧無悲於失與其  
坐得之而不以喜耶吾是以重有感於君子之學寡  
也凌川傅公舉正德辛未進士拜給事中出知太平  
歷浙江河南兩憲副至山西按察使遷四川右布政  
使有 成命矣會巡撫王中丞下宗室兩人者于獄  
事連公坐貶河南叅議徊翔四年復自河南憲副叅  
藩江西公素不干進又不皎皎立聲譽與輩行爭短  
長其至江西怡然安焉居一年而擢福建右布政使  
蓋公昔之失也理之所必不失者也今之復得勢之  
不易以復焉者也然階聞公之當貶也報者及門公  
方與客語徐問事始末唯唯而起不少動顏色及是  
命下朋友爭趨賀公亦不喜何其於失得之際能若  
是不動也公爲人端重慎密不欲以辯窮人尤不爲  
高大廣虛之論而臨事乃爾豈其默識躬行是乃所  
以爲養之深歟階不敏幼有志於學間嘗比次孔孟  
周程之緒言爲諸生誦之蓋自謂秩然可聽居常自  
許亦妄謂能無所動於中矣及毀譽利害接而不肖  
之念時時作焉然後知空言之無益而所愧於公者  
多也公行矣階於公非直燕遊之好也其尚有以處

卷十一

聖

未竟



我也哉

贈華亭學諭天柱楊君序

少湖子曰予觀於天柱君知行仁義之易易也以語其徒不必夫詞之繁也然而無弗從也以事其上之人不必夫積之久也然而無弗與也非其心誠有所同然者乎三代衰世日趨於利士修其身施於其官上乃爲功名其次爲詞藝其下則富貴焉已耳未有務爲仁義者也夫其不爲仁義非鄙仁義而小之也其心以爲世方習於彼而吾獨以是語之將以爲迂矣夫豈特以爲迂將訕焉而弗吾從也世方便於彼而吾獨以是事之將以爲拙矣夫豈特以爲拙將怒焉而弗吾與也是故自利之謀勝而仁義之學之教益微夫吾實未始以語人不可意人之弗從吾實未始以事人不可意人之弗與苟無以先之而徒尤之是自昧於所同然也君故太師文貞公玄孫幼以文行亟爲督學諸名公所器賞既來華亭爲諸生立約十餘條其言諄諄依於仁義士相謂吾屬今乃有師無弗奮者居一年督學侍御聞人公聞而褒之士又相謂侍御可謂知人無弗悅者君之語其徒蓋未始繁其詞其以事人蓋未始久也而乎於上下如此予

以是知行仁義之易易也持是而無變其德教之成聲聞之達以名世而垂後庸可量乎予友某某君高第弟子所謂聞仁義而奮焉者也予旣樂觀仁義之行又重諸友請故有以贈君雖然予將由是考君之成矣

皇華忠愛詩後序

大中丞嶼湖秦公出示階皇華忠愛之詩蓋公以御史按江西時中朝士大夫所贈也階讀而歎曰嗟乎古道不見於世久矣茲卷也殆其遺乎非公何以致之維昔周王之遣使臣則爲之賦皇華其詩曰旃懷靡及曰諏謀度詢而仲山甫之城齊尹吉甫爲之賦烝民其詩曰德輿如毛仲山甫舉之曰衮職有闕仲山甫補之夫二詩所云固皆忠愛之事也然而在皇華則多規在烝民則多頌何耶蓋皇華君之命臣也是故規以立誨誨立而忠愛之心不敢懈烝民朋友之相贈處也是故贈以示勸勸行而忠愛之思不容已古之道也後世皇華之歌廢乃其友以言贈者亦率誇爵命之榮美登覽之適而於忠愛未有聞焉此非獨作者之識下亦聽焉者無忠愛之素而憚於聞正言也茲卷爲詩若干篇其語莊其志懇以名節相

砥礪以事功相勉策則本乎規之情其詞婉其氣和  
述才望之隆表德儀之美則發乎頌之義蓋一舉而  
二詩兼焉非公何以致之公忠愛天植自爲御史則  
既凜然有聲稱至於今出撫大藩入佐內臺位益尊  
忠愛益篤階毋愧歎以爲不可及乃於是卷益有徵  
焉竊計他日爲公傳名臣者當有取爾也敬序諸末  
簡以俟

禮記正蒙後序

侍御驢山陳先生刻禮記正蒙成階讀而歎曰嗚呼  
先王沒而三物之教廢士能通經卽衆以爲賢而舍  
實獵華誦言忘味其有得於聖人之道蓋淺降及近  
世於聖人之書且猶不能盡讀拘拘焉各專其經以  
自安於蔽陋而又溺於情倫之習惑於玄虛之論併  
其所謂專經亦復不能究知其旨蓋凡三變而去盛  
世之學益遠矣夫道豈有二哉蘊之爲德行發之爲  
文章無內外無顯微無精麤者也六經非聖人之文  
章而德行所發乎是故習其文章而不知履其德行  
與嚶嚶然談說德行而謂可以遺其文章皆二之之  
過也合而一之盛世之學其可復乎階於是書有望  
焉是書析義情引類詳祛羣疑而一折衷之以聖人

之論自昔言禮未有能先之者乃其志則欲學者通  
其辭因以踐其實舉凡修己治人範世軌物之具口  
誦而身體之達之五經皆然將以使聖人之德行文  
章炳然見於世也先生之謀道於是乎勤矣是書初  
名淺說後乃更正蒙夫蒙而思正之先生之志不可  
識乎易曰匪我求童蒙童蒙求我是書之刻於求童  
蒙蓋先之矣若夫童蒙求我則在學盛世之學者究  
心焉

贈大方伯石樓陸公入閩序

今江以南諸大藩惟閩地最僻賦最寡而又多大儒  
之遺澤故其政簡其民醇號爲易治予往年自翰林  
出典延之刑獄嘗攝其郡事於是時於文法簿書一  
無所通曉而獨舊所誦習楊羅李朱黃蔡氏之書時  
時往來於心因自用其愚稍破去條格以所誦習者  
進其父老子弟而告語之久之民亦便予之愚郡益  
無事以予推之知凡賢且智於予而又爵位通顯有  
聲實以爲之先者其易治何如也嘉靖丁酉春四明  
石樓陸公以江藩右轄晉左轄於閩公爲人操行修  
飭而明敏練達事有難處與獄之難辯者能立語決  
之予所謂賢且智者也 國家建官之制其在外服

莫尊於左轄公之爵位予所謂通顯者也公尊翁碧洲先生昔嘗以御史按閩而仲氏石溪頃又嘗副其臬事人兩賢之公今繼往予所謂有聲實爲之先者也以閩之易治而公挾是三者以臨之固可朝夕冀治之成哉然予聞治莫大於教化古周召之爲方伯其治在詩書可考已今方伯之署曰承宣官曰布政三歲而舉士職曰提調則治亦可知也而世論方伯之事乃徒以財賦當之何歟公茲行禮紫陽之祠弔龜山豫章延平之墓式西山勉齋氏之間揭其所相授受者以詔士庶爲

卷上

卷上

卷上

卷上

天子蔚然興文治於一方是予所深望也公初在江藩今中丞浦南胡公實爲左轄屬予文贈公予未有以應也而胡公數言之嗟乎予之見迂矣其遲之而不敢發豈無意也哉惟公不以世之論方伯者自居則庶乎其有取焉矣

贈謙谷林公赴貴州序

謙谷林公與予舉進士同年始予讀其文辭而其腴及貌之乃若不能言者已而叩之其中益肆以弘不可窮詰喟然曰若是乎養之裕其後公自森官擢湖廣按察僉事遭先封君憂服除改江西行部所至

卷上

卷上

卷上

卷上

翦強植弱不專以威抱規履矩不肅而化然當軸者或不深知公公亦不求知徊翔十年視所謂聲勢之途漠然無足動其意則又喟然曰若是乎養之定哉惟人才生於世也梗楠豫章之產不以古今爲有無則人才宜亦然矣然而人才之在古也上者爲聖賢爲王佐下亦不失爲君子其在後世則爲伯爲術爲刑名爲智與數甚乃爲姦佞此其故何哉古之道義明而後世功利之習勝其生則同而養之得失異也自堯舜禹湯文武沒學校庠序之教名存實亡上之人既不知以道義養士及周之季孔子孟子出以空言賞罰天下顏氏子操簞瓢臥陋巷世所謂愚人也而彼亟稱之管仲相桓公九合諸侯晏子以其君顯世所謂賢者也而彼亟黜之故當其時士雖不獲被先王之澤而賴孔孟以爲之養卒不失其正孔孟沒言之在方策者士相與習焉而罔畏於是養之道盡失功利之說得以深入乎其心其所挾者本不足以見於世而輒自言之一不遇則屈身以求必售靡然富貴之徇而管晏之事業亦且不可復見則人才之不逮古無恠也公生去聖益遠耳目所聞見不異於世之人至其所養乃獨裕且定如此殆有得於道

義者深乎使由是不替而益克之雖至於爲聖賢爲王佐莫能禦之矣公以今年春自江西擢貴州按察副使貴州去京師五千里而遙人咸謂公遷最遲得地最遠宜有所不平而公怡然束舊所讀書數十冊携兩童子躍馬以去所謂不替而益克之者予於是又可預占也於其別飲之酒而張之以文

贈方伯石橋劉公序

嘉靖丁亥戊子間陽明先生講學梧州之督府上大夫四遠而至今東藩右方伯石橋劉公時知梧州亦與受業先生延納訓教坐嘗百餘人而意所器許獨

世澤集

卷十一

堯

嘉靖

公爲最階生晚不及登先生門曩在京師獲從先生帥南頓時高第弟子南野太史遊聞所謂致良知者退以證諸傳習錄及先生所爲詩若文恍然悟夫良知在我而其要在乎能致數自語曰良知之本體其虛靈知覺萬物畢照者固不待求之口耳載籍之間然自夫昏於物欲而求以復其本體則所謂惟精惟一戒謹恐懼以盡夫致之之功實有不容忘且助者舉知而歸諸良舉良知而歸諸致此先生之學所以爲上契虞廷孔門之旨也及走四方先生之弟子既衆所自爲說往往異其師傳於是盛言良知而忘致

之爲要稱率性則厭拘檢以爲煩而不知其弊且流於徇欲貴無我則鄙操存惕勵以爲着物而不知其弊漸入於空虛無實放曠而失守語悖本則宗默坐以爲精約詆窮經以爲浮僞而不知其弊已陷於是內非外槁木死灰之爲階深懼其將害道思爲之論說而去南野日遠又竊自悲其力薄而無與也丁酉春承乏督學江右公適總臬事具以所懷質焉公曰先生言良知以別聞見之非言致良知以別定慧之謬彼紛紛者非俗則禪先生無是也階聞而大慰夫道不易明尤不易傳在昔孔氏之徒身通六藝者求之三千人得七十焉其選精矣然子夏仲弓不一二傳已失其正二程子之門學焉者皆四方之良也而伊川自洛歸以長進稱者獨龜山上蔡兩人以階所見先生弟子若南野暨公可謂得其傳矣噫是可不爲斯文之幸耶公是歲冬循故事入觀遂遷東藩階方賴公共明先生之學而公已不可返然又安知東藩諸縉紳無若階昔之懼且悲者亦烏得而私之也公爲人外和內剛未嘗以私干人人亦不可干以私而用法平恕所至有惠澤衆藩廣西尤有勞於武事蓋真能致良知者階之敬服公固非徒以言之合

世澤集

卷十一

李

嘉靖

而已東藩諸縉紳苟欲明先生之學其尚知所質而從也哉

世經堂集卷之十一

書

卷十一

表

表

世經堂集卷之十二

序二

壽封僉事吉菴王先生暨配張太宜人序

古今之變其可慨也夫古之學不難於言難於行今之學不獨難於行亦難於言蓋昔虞廷之論學僅僅十六字其君臣師友之間又若不專以學爲務者而其時乃多聖人孔子孟子發揮仁義恒數百千言惓惓然聚其徒以從事於學而其時叛道敗德者接踵然彼猶未親受孔孟之教者也孔門從游者至三千人孟子傳食諸侯從者亦數百人使此三千者十而一賢則道統之傳當不獨在顏曾二子此數百人者百而一賢則其所稱許當不止一樂正氏亦不止爲二之中四之下然而不能然也孔子曰文莫吾猶人也躬行君子則吾未之有得夫孔子豈無得於躬行者哉誠病夫學者行之不逮借已言之耳觀於春秋而戰國可知也吾故曰古之學不難於言難於行秦漢以降士益汨於利所謂躬行者吾旣已無望而百家諸氏紛紛不經之說吾亦不暇責之詳至宋大儒輩出其於論學宜足以紹虞廷孔孟之傳矣而支離之弊猶不免焉近世君子表知行之一致登庸之

一源直指人性之本善使求諸內可謂精且盡矣而  
吾屬學者終不能一洗舊聞之陋往往言之失其宗  
又或轉而入於空寂吾故曰今之學不獨難於行亦  
難於言嗟乎言且難而行可知矣古今之變其信可  
慨也夫子友在菴王子自幼聞良知之學能深信而  
篤行之其居於家以孝稱仕爲諫議以直稱出佐藩  
臬於山之東江之西以賢稱蓋不獨能言亦能行者  
也今年夏自江西入賀 聖節得過其家次第爲尊  
翁封翁事吉菴先生母張太宜人壽屬階以文夫世  
壽人者動以壽爲祝又或盛言子之榮貴以誇詡之

世經堂集

卷十一

七

何廉

階以爲榮貴之事君子所不道而子之賢者其親之  
名實賴以不朽則所謂遐壽莫踰於是故序古今之  
學與王子之所以爲學者復焉先生素讀書知道理  
今年八十四生以六月二日太宜人年八十生以八  
月七日協德於先生當必以吾言爲然矣

贈大方伯松泉夏公報政序

天下有公論有公法曰賢曰不肖必當其實者論之  
公也進賢退不肖必如其人者法之公也是二者其  
理本一也然而世之盛也論定而法行則二者恒合  
爲一而出於朝廷之上世之衰也法之在朝廷者不

世經堂集

卷十一

三

何廉

能盡公士大夫之賢不肖亦不取決於朝廷而定於  
閭閻田野之口則遂析而爲二而所謂公論獨歸於  
下階每讀經至詩所刺譏春秋所褒貶未嘗不喟然  
而歎以爲此所云者皆唐虞三代日所進退之常政  
耳方其日見諸行也天下習而安之或且忘焉及既  
不行而托諸此以洩其憤懣不平之情與夫垂訓立  
坊之志則累千萬言而卒無益於政夫固宜論世道  
者慨想於唐虞三代之盛不能自己乎松泉夏公始  
拜右伯於廣西繼遷江西左伯合之得三年焉故事  
當報政公之爲政於粵也階聞之惠而和簡而易煦  
煦若慈母粵去朝廷遠其賦薄其民貧故其政然居  
一年而頌聲作及爲政於茲土也階見之廉而察信  
而斷侃侃如嚴父茲土之賦繁吏巧於文而民習於  
玩故其政然居一年而頌聲又作公蓋公論之所賢  
也而今之時吾所謂公論與法合而出於朝廷者也  
昔公始至也或謂階曰公其遂遷乎階曰未也夫明  
君任賢以圖治猶任匠以作室室之甫構中道而易  
匠非策也其待公績之成乎已而銓部薦公爲中丞  
果不用及是或曰公其遷乎階曰遷矣夫今之時公  
論與法既合而出於朝廷而公績又以成告譬諸五

穀時至而熟矣雖欲無遷得乎昔之不遷以爲民也  
今之必遷爲公論與法也公行既有日右伯雙橋蔣  
公聞階是說俾次敘爲公贈夫階之論公者於理則  
然然而其詞俚矣何足以贈公哉自古文章之士在  
衰世則多伏於山林在盛世則多仕於臺閣詩所刺  
譏春秋所褒貶衰世事也論世道者所深隱也而實  
作於山林舜典敘舜之命官與其羣臣濟濟相讓之  
美盛世事也論世道者所慨想也而實作於臺閣公  
行矣旦夕大拜其將有臺閣之士敘

聖天子所以命公諸公卿之推賢讓能者繼舜典而

世經堂集

卷五

四

何

出乎階請敬錄焉追納公之行序

### 贈鳳峯沈子守寧波序

鳳峯沈子爲刑部郎三年會寧波南昌守缺二郡大  
夫士交欲得沈子以言諸銓部銓部難所與則曰吾  
從其先缺者遂擢守寧波少湖子聞而歎曰昔孔子  
言斯民也三代之所以直道而行也以今沈子之事  
觀之豈不信哉夫自三代降爲春秋其風俗固已日  
薄然而先王之化猶有存者直道之在民無怪也自  
春秋迄於今其風俗之薄當益甚人情同已則喜異  
已則惡其蔽於私當益深二郡大夫士非一人其情

當不能盡一沈子雖賢當不能盡與之同而皆欲得  
沈子何也孟子曰是非之心人皆有之是非之心  
也固直道所從出歟其必有是是非之心也因直道  
所以存歟是故在沈子可以自考在吾人可以勸矣  
自古刑賞之權皆制於君相刑賞者直道之用也孔  
子不以直道與周魯齊衛之君又不以其用事之  
臣而獨曰斯民也三代之所以直道而行蓋傷直道  
不明於上猶幸存於下耳今二郡大夫士交欲得沈  
子銓部以請於

天子而畀之直道庶幾其在上乎予於是竊有喜也

世經堂集

卷五

五

何

然是非之在人心其情殊其理一未有公於是而不  
公於非者也以二郡之交欲得沈子也反而觀之能  
無可懼乎古之人其得民之深有將去而挽留之者  
矣有既去而思慕之詠歌之者矣詩曰蔽芾甘棠勿  
剪勿伐召伯所茇斯終譽之極也直道之遺也沈子  
勉乎哉君子將爲善非祈人之是已也充吾心之所  
是而具是已者自不能違其不爲不善非畏人之非  
已也去吾心之所非而其不我非者自不能外是故  
繫矩公好惡則天下平焉戒懼慎獨以致其中和則  
天地位萬物育焉皆先自直而已沈子勉乎哉予之



所望者不獨能爲寧波已也沈子行有日鄉之諸友請予言爲贈夫沈子則既賢矣予何贈哉其亦曰若沈子者不獨能爲寧波已也乃其道則先自直

贈楊子虛卿序

三代而下稱世家者或再世或三世其盛者桓榮氏五世若乃歷數千年仆而復興衰而復振綿綿焉相望不絕者惟楊氏爲然蓋在漢時太尉震震子秉秉子賜賜子彪四世爲三公唐時於陵爲太子少傅其子嗣復爲宰相嗣復子授爲刑部尚書連三世大顯本朝東里先生文貞公歷相

世德堂集

卷十二

木

頌杰

成祖

仁宗

宣宗三皇帝位至少師其後孫曾爲太僕爲邑博士閱六世而今潮州推官虛卿以進士繼起世家之盛他姓未有也雖然家之盛者其繼實難而所謂盛者又非獨祿位之云也姑卽楊氏之先論之震却金暮夜疏斥樊豐朝廷稱其忠秉不附梁冀引疾去賜詆譏張禹連辭三公之命彪沮董卓忤曹操臨難不改節魏文受禪欲以爲太尉固辭卒抗賓客之禮於陵堅明方峻終始不失嗣復宏辭博學與裴度柳公

綽俱爲武元衡所知授不汲汲於進文貞知人畢達謀斷兼資德業爲名相第一然則所謂盛者不有在乎斯其繼之益難矣虛卿少習屬文予昔督學江右亟試亟奇之諸僚友謂予曰虛卿固能世其家者耶予曰未也已而虛卿舉進士胥曰虛卿真能世其家者耶予又曰未也是其在虛卿之身乎夫虛卿外和內勁其才無不迥而不以自炫乃其志則卓然恥爲今之人也循是不變其爲廉爲節爲名德爲事功以濟世美而繼其先之人也可必矣是故在虛卿之身乎予不敏不能如元衡之知嗣復然與虛卿處三年數以正告焉虛卿不予厭也故於潮之行也以崇義丁子汝簡劉子之意申之以世家之說予聞虛卿常奉文貞像自隨意固欲有繼焉知其不厭聞也已

送嘉興守東蒙王侯入觀序

三代之制其一尚存今朝觀是也雖然古諸侯之入觀也以言於上則無隱以取諸民則不敢有侈費是故上得脩其政而下不病乎其行後世則或巧文以逃責厚斂以求豐其私矣古天子之朝其臣也以慶讓則公以黜陟則公是故權倖之途絕而熙凝之治成後世則或官敗於賄彰賢不肖移於毀譽之口矣

世德堂集

卷十二

七

像手



然則所謂存者無乃獨其名歟予昔讀史嘗借以爲三代之制其宜於民雖同而可考見者莫詳於周今周禮所載大者數十小者未易數也顧其亡者已徒付之慨息而僅存者又獨其名焉斯民之欲觀三代之盛宜其不可得已嘉靖辛丑天下復常朝 觀之期嘉興郡守東蒙王侯如 制率其屬以往侯之治嘉興以身爲政以公爲急於小民甚愛於君子敬而有禮其視所謂侈費既毅然有所不爲而言之於上亦可以無隱矣若乃錄其功以爲慶與其賢而陟加焉此三代明良之所以交也予能無望焉爾乎凡事

之廢久則必復興其興也又必有所從始三代之制廢也久矣茲非興之時乎如或始之則侯其人也君臣之際炳乎其相遭蔚乎其相輝使凡觀者咸曰制之存也以實不以名予將賀三代之盛復觀於今矣侯與予同舉進士嘗司刑於松松之民至今德焉而嘉善令谷君某方以才行爲侯知且與予好也請予言爲贈嗟乎予言豈獨爲侯發哉

董大理合葬錄序

君子之於親生盡其養矣以爲未足也於是厚爲之葬以固其藏又以爲未足也於是錄其言與行鏤之

梓以傳諸後其所以爲親計愈深遠矣是心也何心哉人生而愛其親愛之必欲其壽壽之在天者不可強也固其藏使不速化錄其言與行使永有聞焉是亦壽也其事則在人而得自力也勉其得自力者以償其所不可強而致其愛豈非所謂良心哉良心之在人愈充則愈弘愈室則愈微是故君子之於親必致其愛而夫人或生事之未能夫是二者以相校則甚遠也然而夫人則由之是愈弘愈微之效也上海董子元喪其尊府大理公與母唐宜人既厚其葬矣又次公宜人所被 兩朝之制辭士大夫所爲誌碑傳誄以爲合葬錄曰吾父母之言與行將託是不朽焉子元之於親非真能致其愛何以有此夫愛始於親達於民物終於四海故良心斂之不盈掬而擴之可以保天下吾所謂愈充則愈弘愈室則愈微者也子元能充諸乎大理公夫婦所託以不朽孰大於是詩曰君子有孝子孝子不匱永錫爾類能充之之謂也子元勉之公諱恬字世良別號中岡自爲司空屬迄佐廷尉咸有聲績唐宜人克相以禮語在錄中子元名宜陽以文章知名國子嘗從東郭鄒先生游習聞良心之說者也

賀雪廳孫君序

予少時讀班生傳竊慨想其爲人以爲古儒者之學上之經緯天地次亦足折衝尊俎爲國家消旦夕之憂其道甚六中世文武析而爲二持文墨者賤武功擐甲冒者鄙儒術夫旣已拘拘焉不相爲用而近時所謂文者又皆沿襲口耳嬰情利達於國家之事會不足以爲重輕則誠不若投筆而起馳驅矢石間猶得少有裨益也及走仕途聞西北之警時時有之已復覩

今皇帝南征北伐毅然有殷高周宣之思而平時號

世經堂集

卷十二

十

倪鼎

爲文學之臣不足任用則又益慚其所爲思得人如班生者而從之游甲午予視學于浙識今都督浙東湯君湯君之爲人雄毅慷慨隼擊而不避者也丁酉將視學江西歸觀先太恭人識今千兵雪廳孫君孫君之爲人明敏有機智可與謀者也二君皆嘗游於學憤世所謂文者不足事而假世資焉以自見殆有慕於班生之爲者歟庚子冬湯君旣奉 聖書討賊克有成功君亦以臺察之檄視其所蒙二君之果爲班生則旣有緒矣然予復有說焉班生之功業其在漢世雖炳然可稱述要之上古所不道二君者誠至

于斯而已乎吾猶小之矧其或不逮耶予生也怯於筆不果投然古儒者之學實幸竊聞其繫於二君乎重有省矣孫君之將蒞事吾舅氏顧遠野與其二三友屬予言爲賀予固知君者因以諗之

贈郡博魯湖程君序

予昔讀傳記見士之賢而文者或淪落不獲用輒喟然傷之以爲古之仕者多由薦辟至試進士亦或得以文薦夫薦辟之道其在盛時誠足以致異才得實行逮乎衰季請謁銜鬻交於貴倖之門則彼所謂異才實行者反不免爲之摧抑以死今世科舉之法糊名易書以校其藝雖若所求未出於詞章之末而其道則固可謂之至公士苟有所挾當不患不見用矣及觀於鄉又遍以觀於海之內而吾所謂賢而文者猶未必盡用也則徘徊歎息舉而歸之於命然又妄意以爲今科舉之法公矣而未廣有如以場屋之遺責大臣臺諫使薦辟

天子親試而去取之授之官而責其成其謬舉者罰無赦則庶幾士可盡得而請謁銜鬻之途亦可以逆杜往歲登 朝嘗欲疏言之會以憂歸未果也今年春識魯湖程君君故與吏侍龍湖張公太僕兩厓朱

世經堂集

卷十二

十一

倪鼎

公稱十才子於湖之南其後諸公相繼貴顯而君竟不獲舉進士來爲松江教授于每讀其文察其志所向益歎恨於士之不盡用而向之欲言而未果者未嘗不日往來於懷也夏五月部使者具羔與幣移檄獎君夫使者奉

明天子命以激揚爲職今學校之官其賢而文宜莫如君者顧不能薦而以獎塞責吾不能無憾焉然君教於松未暮其名聲卽已徹

明天子之使既久可知也夫欲上之盡用予心也士或遺於場屋而以薦辟進予所欲言而未果者也君

世澤堂集

卷十二

主

卷十二

雖不獲舉進士今其進幸有地予能無少慰乎作贈魯湖序

### 終慕詩序

松江司訓成都李君始爲諸生喪其母魏以爲不獲養也哭之甚哀其後貢大廷分教陝之寧遠上疏以俸之半養其父朴菴翁未幾翁卒以爲養非能久也哭之又哀比補松江每語及其親與閱其俸之入未嘗不哀以泣也於是華亭學諭泰和楊君爲作終慕篇大書揭於其官之舍士大夫聞者相與詩而和之屬予以序予昔讀論語見其稱學詩者邇之可以

事父因退而考之詩三百十一篇而作於孝子者凡六陟岵鳴羽南陔白華蓼莪北山是也及考其世陟岵者國感而數侵削役乎大國父子兄弟離散故孝子行役思念父母之作也鳴羽者晉昭公之後大亂五世君子下從征役不得養父母而作也蓼莪者民人勞苦孝子不得終養而作也北山者幽王之時役使不均大夫勞於從事不得養父母而作也其作於治世者獨南陔爲孝子相戒以養白華爲孝子之潔白與四牡之篇嘗一及乎將父將母之云耳孝子之詩六而作於亂世者四於是時其人獨多孝耶世治則人獲自致其養而戒勉稱美之詞自不得繁世亂則養不獲遂而其深悲隱怨觸事遂形而言自不能已是則詩之多寡所以異也聖人錄之於經固將使爲人君者知下之失養由於我而不敢以不修其政爲人子者知古之人苟不獲遂其養則不能一日忘於懷而於所以養其父母者不敢以不力故曰邇之事父又曰可以觀可以興者此也李君生當聖明之世其始而學繼而仕實出於國家賓養登用與昔之役焉者殊科諸君子之爲之詩宜以繼南陔白華之什無所事於悲怨然予觀於卷中皆幽惋悽惻不

世澤堂集

卷十二

主

沈誠

可讀而聞也豈其深原君之爲情如四牡所謂不遑來訟者歟夫君與親其尊同忠與孝其道同者也孝子事親雖嘗致悲怨於養之不獲遂而於其君之役亦皆不敢以辭矧在聖明之世學而仕者耶君之慕其親其情則可謂至矣移孝而忠是予所望於君而亦四牡靡盬之義也敢以發卷中之未備與君共勉焉

### 贈司訓虛亭杜君序

今中外之官所繫至重而世恒易之者其惟學校乎學校之官十二出鄉舉其八出歲貢出鄉舉者例以

世經堂集

卷十二

古

送

祿仕俛爲之出歲貢者銓司之授之曰是其資宜然耳非以望也監司之待之曰是老且貧優容之已耳非以爲師也國家之以教責之曰文焉已耳非急於行也是故官學校者朝擊鼓於堂聚其徒教之爲文課情勤第高下以爲賞罰夕振鐸於舍巡而督之不懈有能是卽衆以爲賢矣其因循玩弛積日月以待遷與夫老荒志得者衆亦相與憐而庇之未有斷然以爲非也嗟乎士生斯世其欲聞三物之教以進於聖賢之域也不亦難乎古今論治者多矣其大要不外乎得人蓋有一國之存亡繫於一人之得喪者

矣然予惜其知得人之爲要而不知作人以待用爲尤要也夫人主所與作人以待用者非學校之官乎授之不必其賢待之不厚其禮責之不以三物之教如是而欲人才之有成固不可得也河南虛亭杜君年四十被詔選於諸生中貢爲華亭訓導始至吾友郡伯梓谷黃公亟稱之踰年部使者移文嘉勞之君之得是官與人之待之蓋異乎前所云矣君爲人忠信與諸生言恒先行實後文藝束脩之餽不計有無其貧甚者時周之君之志其有慕於古之爲教將率之以身歟君於官不得專其學事予又力薄不能

世經堂集

卷十二

主

贈

振君然予所懷竊欲言之

聖天子以贊復古之治而不敢遽自諉也故爲君道之雖然言不能必見用其能自必者脩身焉耳君尚慎其脩諸身者以俟吾言之用哉君名倡字其虛亭號也

### 水西集序

嗚呼此予友錫山華君德啓集也嘉靖壬午秋予濫與君同領鄉薦薦明年同舉進士當是時君名聲出予上遠甚顧未幾以謫失官又未幾鬱鬱以卒予每念其事未始不泫然也其尚忍讀君集哉君昔嘗語予

云日者言吾壽不遐果然當以墓銘累子予嘆曰君儒者乃亦惑於是以今觀之彼偶中耶抑誠有所見也古今人恒惜賈長沙仕不遂以至天死以爲誼蓋不遇知己之主故耳予初心亦謂然及讀李廣傳乃喟然曰夫世所謂能貴賤人者非人主乎廣始事文帝帝好文而廣好武其不侯猶可諉也及武帝則所好合矣此於理當與衛霍同幸而帝顧以爲數奇不使當單于廣亦竟飲恨以歿士固有命苟賤也雖遇知己之主不能使貴歟日者之言殆未可謂偶中也史爲廣作傳末及李蔡事若深置不平於廣者嗟乎

年四十五云

崇雅錄序

雅也者鄭之反也昔者孔子惡似是而非以爲鄭實亂雅又以爲爲邦者之所必放然孔子論鄭聲以次似是之末而後世直謂其皆淫奔之辭以今觀之鄭之聲果皆淫奔也奚以爲似是其爲亂雅亦奚俟聖人知之此其論不能無少過矣然而必曰鄭聲淫何也記曰狄成滌濫之音作而民淫亂說者曰狄成者淫佚之意也滌濫者言其音之泛濫猶水然也夫其謂狄成也滌濫也是鄭聲之淫乎夫固似是而非非聖人莫能知者也惟文亦然聖人之道楊墨老莊刑名術數不容以並之固也然士之言聖人之道欲雜以刑名術數之言其非易知也其矜奇衒博溢入於楊墨老莊未易知也是豈非亂雅之鄭而學聖人者所必放歟 國家以文取士百八十年于茲在宣德以前場屋之文雖間失之朴略而信經守傳要之不牴牾聖人至成化弘治間則旣彬彬盛矣正德以降奇博日益而遂以入於楊墨老莊者蓋時有之彼其要歸誠與聖人之道不啻秦越然其言之似是世方悅焉而莫之能放也予往年視學江淞則有志於斯

顧其論議既不足以發其中之所存其才與力又不能爲之振起獨幸多士有以亮子之志而自識其所宗諸所爲文翕然以變予於是得逃責焉而又恨其無以達之天下嘉靖庚子春侍御裁菴楊君奉命董南畿學政始至移書博士弟子教之爲文已乃懸繩衡以去取之已復擇其優者哀爲此錄將以頒諸學官而題之曰崇雅予嘗竊觀之其華藻爛然而宗旨一出經傳信無愧於雅之云而君嘉獎播揚亦信乎其能崇之矣使董學者舉如是天下之文有不盡趨於雅乎然予又聞之古之學者行成於身而言發

世雅堂集

卷十二

太

張華

其志云

送黎山教授楊天柱序

今天下之吏以輔導爲職者在 朝廷曰詹事翰林在親藩曰長史審理在郡王曰教授詹事翰林位尊而地要長史秩大夫審理之品猶在第六獨教授品從九恒仰視諸貴人然其談論經史道德超然出簿書法律外實與詹事翰林等故教授職雖卑有清華之望焉 國初稽古建邦崇重輔導知名之士多在藩府若少師文貞楊公以薦徵入翰林出爲齊審理副復入爲編脩其最著者也降自中葉長史以下既格不得遷而章縫之徒又率慕貴要而厭閒散才者壯者強有力者盡在 朝廷而諸府僚苟以處衰殘迂朽之士間有好脩寡諧者則衆相與損使居之於是才賢之途窒輔導之職虛而河間東平之聲不復聞於世蓋凡有志治理者未嘗不三歎於斯也辛丑冬天柱楊君自華亭學諭擢教授黎山之府君於文貞爲曾孫文與行能不忝其世在華亭七年以身爲教士敬且愛之而年又未耄老其往黎山也當事者其有意輔導之選歟抑漫與之也

今天子仁聖英武動法

祖宗進退人才苟見其賢不問資格苟見不肖雖在勳舊去之亦不崇朝夫



天子視諸藩臣猶士大夫視其族人所館士也賢不肖蓋易聞焉君茲行其務慎其所以輔導者安知聖天子不用文貞事待君乎君仲子虛卿舊嘗從予游今舉進士司刑潮州文貞之勲業不在君之身當必在其子而予獨致迂望於君者近世用人莫獎於資格尤莫獎於待府僚誠欲當事者變而通之以贊我

聖天子光前之治也

贈郡伯梓谷黃公致仕序

予昔讀衡門考槃詩竊念以為士之生也莫勞於廟

書

卷十二

序

金

廟而莫佚於山林然又數疑之伊尹周公其在廊廟以身任弔伐之事且嘗放其君誅其兄排大難以安天下其勞宜矣孔子孟子退處於山林之間此其身宜得自佚而刪述贊脩距楊墨闢邪說汲汲焉一日不敢懈何獨異於詩之云也其後反覆思之而得其說凡隱有二以潔身為學漠然無意於天下者高士之所為也二詩人是也以萬物一體為學無所遇於時不得已而隱者聖賢之所為也孔孟是也二詩人之於伊周其學異其遇異是故寤歌棲遲而其志已足夫安得不佚乎孔孟之於伊周其學同其遇異是

故進不得澤其民退必將以成其後之髦士夫安得不勞乎是二者其小與大較然別也然自榮利之途啓而所謂縉紳者往往重廊廟而輕山林於此有易退之士出焉則不獨其身自託於詩人而彼與之游者亦必舉詩之所稱相率誇詡羨慕之未有以孔孟之事告之者也蓋一體之學不明也又梓谷黃公少讀孔孟氏書聞所謂萬物一體者長復從東郭諸君子相究切焉其仕為戶部郎與守吾松恒先其民而後其身民有飢者已不敢以飽有寒者已不敢以裘帛其進而澤其民可謂勞矣今年春忽上疏致其事夫今之世所謂重廊廟而輕山林者非耶而公獨舍此而取彼其高於縉紳之徒無所待予言也然予以為未足盡公之太故適伊周孔孟以及詩人之勞佚異同者請公擇焉予聞公謀養其太夫人格於例引疾以去可謂篤孝而往時五山張子嘗為予言蜀地僻在山谷間其人士率朴茂喜問學孟子不云乎入則孝出則弟守先王之道以待後之學者審如是吾將賀蜀士之有成而公果得以就其大也徵予言者公之僚龍川施侯元峯龍山兩李侯翠巖黃侯皆嘗用力於一體之學元峯又適攝郡事故為之倡云

書

卷十二

序

金

壽郡憲翠巖黃君序

壽之有祝古也其在二雅親親則祝行葦之詩是也  
賢賢則祝南山之詩是也夫二詩皆王者事也王者  
之所與處雖親且賢其分則臣耳然猶爲之祝如此  
下此可知矣今之稱壽之禮固古之遺也歟古者明  
王代作其字天下不啻母之於子蓋於時民之命懸  
於君後世君不皆賢而章憲具存率而行之皆可以  
治于時民之命則懸於政又至其後人政竝亡維持  
補塞獨州郡是賴于時民則懸命于良有司而有司  
者又不能盡良也民之命遂一懸於歲之豐歉於此

世壽集

卷十二

序

有人焉其爲政於州郡之間廉而不苛惠而不縱忠  
信誠篤而莫之或欺則固民之命所懸也以是而稱  
壽之禮行焉抑其情之不能自己者歟夫天下禮與  
情而已禮也者又緣人情而爲之節文者也其情誠  
不能自己則禮雖先王未之有猶可以義起矧其爲  
古之遺耶有知禮者吾知其必不廢也嘉靖辛丑八  
月十六日爲吾郡憲翠巖黃君初度之辰君之於民  
有父母之責者也而君之政吾所謂廉而不苛惠而  
不縱忠信誠篤而莫之欺者也是則可謂親且賢矣  
宜松人之於君交欲其壽哉然予聞之君子之壽非

徒年之謂也蓋必有不朽之譽焉君子之壽其人非  
徒年之祝也蓋必有胥勸之道焉行葦之亂曰以引  
以翼壽考維祺以介景福南山之三章曰樂只君子  
德音不已斯古之所謂壽也黃君之政誠由前所云  
者充之始於一方達於天下使天下之人致親賢於  
君舉猶吾松也則不朽之譽存胥勸之道得有知禮  
者吾又知其在所予矣請予言者國子林生棟暨其  
弟杭兩生者嘗學於君而予又幸與君爲道義交故  
爲之說如此予與君尚皆未老願相與勉之

送僉憲元峯李公之山西序

世壽集

卷十二

序

往予在 朝嘗竊歎以爲今 國家之法密矣然徒  
便於中人之自守而有志之士則恒病其拘而不得  
爲其後憂歸聞秦晉之間虜騎歲至而議者於刑賞  
之政猶不能稍去舊習以作士氣收人心則益慨然  
傷其所爲然又思之夫所謂有志之士非以能自信  
成敗毀譽無所動其中耶夫苟能自信不以成敗毀  
譽動其中則事有所當爲法雖不吾許固當攘袂爲  
之奚必徘徊四顧歎其拘而不得騁也去年秋聞雙  
江先生聶公守平陽其所設施能不自拘於法心竊  
壯之而當事者顧病其專至黜其功而陰幸其敗然



則士生乎今之世雖欲行其志固終不可得矣予於是重悲焉今年春元峯李公自松江別駕擢山西按察僉事分司平陽元峯之爲人吾知之義之所可衆雖莫敢爲爲之不少憚其所不可雖或羣趨之弗顧也排衆論而惟雙江是與吾於公有望矣雖然君子欲成天下之事其爲之有序則人不駭以疑其轉移有機則人之從已也易身處其難而不自有其功則雖有謗無自興焉故夫以成敗毀譽動其中遂自拘於法者儒夫之爲也能不自拘矣而不委曲以圖其成腐儒之爲也二者高下雖不同以言乎僨事則均耳公行矣予且拭目以觀于襄之功其母併以予言爲儒也哉

送文選鈍軒周君出判河間序

天下治亂繫道術之晦明此其理易知而其效易覩也雖然今之談道術者超然出形器之外可謂高矣而其身乃或溺於流俗其剖析幽微亦既極其精矣而於出處取予之大或背於義而莫之察也則其所談者不已僞乎古昔盛時上篤於教而下篤於學篤於學故不爲僞篤於教故僞自無所容今所謂談道術者既不免於僞而上之人又不務求轉移化導之

方一切詆而禁之此其上下之間無乃胥失乎然而上之疑其下則下之僞實啓之予於今之談道術者蓋不能無憾焉已鈍軒周君始爲御史與予同召爲宮僚未幾以論邊事黜君之入輒爲美官而其再黜皆非其罪然君於得無所喜於失無所怒於得而復失未嘗有顧惜於其心蓋君明乎其大而出乎流俗也遠矣斯古所謂篤於學者耶夫天下是與非而已僞者既在所禁則篤者宜在所與而顧數黜焉何也其無乃疑於僞爲之過併君而不之信歟然予聞議者云道術隱而難知惟政事有迹而易見此雖不知道術政事之出於一姑卽其意推之固將以政事爲道術之徵也河間去京師四百里而近君昔按山東其政事既炳然可述今茲往出其蘊蓄素位而行之化成於其郡而流聲實於天朝後有信君之爲人而因以知談道術者之不可盡誣將必自茲始矣予能無望焉爾乎助教黃子雅與君相知而謂予言有得於贈處之義請遂書以送君其諸同志者竝列名左方

送與山袁君分教南昌序

今之論者曰天下之未治吏失職也故政莫急於又

民而其道莫先於擇吏然予竊有疑焉三代以降擇吏之法未嘗廢也而其得人卒未有若三代之盛此其故何哉人君擇吏以入民猶之擇木以爲室木必預養而後有以應匠氏之求士必素教而後其材足以任有司之選皆非可以旋爲而取效也古帝王之於其民自其塾於家庠於黨序於術既無地而非教而其所以教之者曰節性曰興德曰防淫曰同俗曰致孝曰逮不足曰崇德曰紂惡又皆本諸身心而未始有邪說以參之則其材固皆可以用矣然猶以爲未足也鄉論其秀升之司徒司徒論其秀升之學學

書

卷之十

學

學

正崇四術立四教遲之以九年申之以再簡夫然後論其秀者以告於王而升諸司馬司馬論其賢者以告於王而官之蓋教焉之功三擇焉之功一而已而其官於司馬者顧皆足以舉其職而無負則擇之之法素行於教之中也後世治衰教廢士所謂學靡然溺於詞章功利之間方其在庠序而所向往已無以異於吏之所爲故一旦有事人君雖欲擇人以爲用而勢不可得其或應文取具則其所就亦不過如向所謂吏而不足以副願治之心蓋昔齊桓公初見管仲悼襄公之失德慨然有帝王之想而仲所以告之

者乃不出乎富強之謀漢宣帝勵精爲治守令有名實不相應必知其所以然而時郡國乃多飾僞以邀賞夫齊桓豈不欲得帝王之佐漢宣豈不欲得二心之臣哉然而不能者其教之無素而不容以遽辦也故教無所與於吏而吏必由之以出吏可以略於擇而士不可以不詳於教在君人者審所從事而已子友與山袁君以明經貢於廷踰年拜南昌訓導君之官蓋以教爲職者也國家之制士恒由庠序升於國學其意與古同而其爲教則或未能如古子昔以憲節視學江湖嘗竊憾之及今觀於國學益喟然思易其舊而未能也於君之行有感焉君博學敦行誼其將闡古之教以迪南昌之士而使聖朝擇吏之典得有所施乎予故爲文贈君且曰其庶有以處我

書

卷之十

學

學

壽陳母曹孺人八十序

陳子敏之以天台諸生貢于廷旣得見

天子奉明問一發抒其所蘊蓄卽請歸其鄉曰吾母曹孺人以九月五日春秋八十矣木將奉一觴以祝焉於是士大夫聞者相與賦詩爲敏之祝得若干首敏之奉以詣予請曰願求所以壽吾母者予曰

子之於孺人則既可謂能壽矣吾何以相諸敏之謝未達則告之曰夫世所謂壽其親者非祿與位之云耶夫謂祿與位爲足壽其親者非謂有以榮其身而樂乎其心耶然子觀世之君子矜節之弗立而令名之弗聞使議者邇而訾其所生則是貽之以辱廢政債事以罹大罰使其親怛焉而不得寧則是貽之以憂夫人之壽未有出百年者也以其壽未有出乎百年而又或貽之憂辱如是而謂之壽不可也古之君子脩其身以成其名而因以顯其親於無窮若孔顏曾孟不可及已濂洛關閩諸大儒其身未嘗一日

壽

卷五

六

集

處乎丞弼之位而其道上繼鄒魯歷數百年不廢則後之稱其親者亦至於今不衰夫人之壽方局於百年之中且不能以必得而此乃至於數百年如是而不謂之壽不可也今子讀古之書於人不苟合必以道於物不苟取必以義家甚貧而色恒充入以奉孺人孝以敬人是以賢子相與賦詩而代子以祝傳之四方垂之異日誦是集者舉知有孺人而相與稱慕焉子之於孺人則既可謂能壽矣吾將舉古之壽者以告是子所習聞也其將言今之壽者是子所不屑聞也吾何以相子乎敏之謝不敢當則又告之曰

夫道無終窮者也學無止法者也昔孟子論善士自一鄉以至天下以至友古之人凡四等其自善與信積之至於聖神凡六等而孔子之論學自十五至七十每十年而必一進若是乎不可怠也吾子勉之身爲濂洛關閩氏則孺人爲濂洛關閩之母矣身爲孔顏曾孟氏則孺人爲孔顏曾孟之母矣是子之所以致其壽者乎敏之再拜曰敢不如教遂書爲序俾侑觴於孺人孺人二子長敏之次庠生本孫三人鳴謙堯謙協謙其仲與季通舉子業敏之兄弟少而孤教養皆出孺人君子又以知孺人宜其壽者也

壽

卷五

七

集

壽雙崖李先生八十序

人之壽三而其壽於人五三者何也得氣之厚且完則壽間閭之小民生而能寒暑任勞苦蚩蚩然延其年而不自知者是也寒暑愆則壽深山窮谷之中其人不識鹽醢之味不知有聲利可奔走乃其壽往往至百歲者是也有德則壽君子慎脩其身內固其精神而外以綏其福履於國爲黃耆爲老成於鄉爲先生丈人者是也是三者高下則有間矣五者何也樂其有以師我也而爲之壽則以賢稱者也樂其有以庇我也而爲之壽則以功業著者也樂其有以後先

我也而爲之壽則以子若孫聞者也其勢足以進退榮辱我也而畏焉而媚焉而爲之壽則以位顯者也其人不足稱也姑以其老而貌敬焉而爲之壽則以齒尊者也是五者高下亦有間矣嗟乎道術隱而世教微世之壽者能不盡出於氣稟習俗之幸然乎其壽於人也能不盡出於畏與媚與貌敬焉者之爲乎故古之壽者爲平格而今也則否何者以其畏與媚與貌敬焉者之不盡無也雖然欲其身之壽與壽於人而無媿色也無亦反求諸已乎吾於雙崖李先生有感矣先生少而耕於平定之野事其父孝撫其弟若妹有恩其性簡直喜面規人之過然於人好施於其族悖睦以敬鄉之稱有德者必歸先生後進之士相率以爲師而先生以今年八月廿八日春秋八十一其聰明健強猶壯時也所謂平格者非耶先生之初度子應奎于時爲晉府長史應庚爲順天推官應箕爲鄉進士應斗爲邑庠生孫念爲刑科給事中愈爲戶部主事其所交遊既各爲詩文以贈而都諫傅岩王君又徵言於予予往年識給事君於錢塘端雅而甚文意其必賢者也及入朝果以議論志節高一世先生雖隱而不仕乃其賢則既師於人其功業則

世集

卷十二

手

顯志

有子若孫以措諸天下其壽於人也所謂無媿色者非耶然而先生闇然退然非有所覲於天人之際也是故欲身之壽與壽於人而無媿色吾於先生有感矣先生脩其身誠不以老自懈俾鄉之人恒得以爲師家之子若孫恒有所承藉以光大其功業則先生之壽將無窮而士大夫之以言贈者亦借以爲重子於茲舉也幸實先之敢遂以爲祝惟先生念之哉

贈宗伯程齋先生盛公子假南還序

程齋先生赴召之五月引疾乞歸其鄉詔予假給驛舟以行少湖徐階往賀之曰先生昔以御史中丞去國十五年

天子以爲有道厚幣召先生以來晉秩宗伯勞問之使踵相接於館下乃茲歸復有寵命焉可不謂人臣之至榮哉雖然君子之學道將以致其君也階聞先生以養心之說告

天子天子既嘉而納之矣而先生遽舍以去何居其無乃有忘世之心乎先生曰端明何敢然乃吾所以去者固將以有爲也自三代以降士大夫厚望其君而薄待其身也久矣夫其望於君厚而自待薄也豈不謂君臣之際其交獨以言耶然而上之人聽其言

世集

卷十二

手

顯志

而稽其行有一弗酬則亦拒而弗用也故三代以降君不信其臣而併棄其言也亦久矣吾幸見

天子論攝生之道以爲攝生莫急於養心而養心莫先於寡欲夫勢利者非人臣之大欲歟今吾病苟廢而不去是不能自寡其欲也欲之不能寡而徒以空言致厚望於

天子其誰信之故吾不敢以留者誠欲信吾言而有所爲也於是階再拜曰先生進不求潔其名退未嘗忘世其所見果賢於人矣以是稱曰有道其誰謂不然退又自念曰今士大夫與先生比肩而事主者幾

書集

卷上

圭

聖

人操國之柄以論思諫諍爲職要且重於先生者幾人其平時誦說仁義鋪張化理

天子蓋嘗改容聽焉而治效卒未覩也其或者有不信之心故拒而不用歟夫至誠而不動者未之有也不誠未有能動者也誠之道亦求其言之可信積久而不懈焉耳予且以先生爲法予又且將以先生告於百執事明日先生門下士韓君柱等請階言爲贈階不得辭

### 送太常少卿後屏廬君序

太常之有寺自昔以掌郊廟朝廷之禮樂至我國

家禮樂之事既統諸宗伯又析其在郊廟者以屬太常朝廷者以屬鴻臚而太常寺獨正三品卿若少卿皆取士大夫之有聲譽者爲之其地望視鴻臚遠甚豈非以致敬郊廟故詳於其職而重乎其選如是哉然嘗考之三代以降郊廟之樂既已非古而其祀禮亦或雜於方士之說異端之教與夫家人里巷之爲則禮樂之廢久矣

書集

卷上

圭

聖

今皇帝聰明睿知稽古右文郊廟之禮一洗漢唐之陋而獨於樂有遺論焉何者律呂不備而旋宮之法不可得行六變八變九變之妙不可得觀其周旋於搏拊詠歌之間者又不以屬之士人非所謂秉文德而攝威儀也往年冬予承乏禮部會有以樂言者予以爲古樂之義廣大精深今雖未易猝復然亦不可遂置而不講謂當建官設局博求天下之有碩相與討論訂正仰贊

聖天子制作之萬一而聽者率以爲迂未幾予亦改官以去其議遂寢豈古樂之復固自有待抑予所謂人而不仁不足與於禮樂徒抱叔孫之志而不自知其見誚於兩生者歟今年春後屏廬君自吏科都給事中擢爲南京太常少卿君之官以禮樂爲職者也

而君爲人易直子諒敬慎而溫良庶幾孔子之所謂  
仁也然則考制度之沿革探聲氣之本原協比律呂  
奏之郊廟又因以復大廷之雅樂罷教坊之新聲固  
於君乎有賴矣而論者或謂今饑饉荐臻重以兵革  
天下之民愁歎呻吟未有底止樂非所當急者嗟乎  
是未知樂之談也天下之治本於君心而古帝王之  
作樂直以爲治心之具使朝廷之上誠得后夔其人  
進古樂而反復焉于以養聖德之中和詔瞽宗之  
絃誦其於治化夫豈小補顧不憂夔之無人而詆樂  
非所急何也君行既有日今都給事介石尹君率其

書

卷十一

書

贈藩叅鴻陽周君序

昔韓子有言儒者之於患難其翫而忘之以文辭若  
奏金石以破蟋蟀之鳴蟲飛之聲也以予言之文辭  
之於道淺矣夫奚足翫之以忘患難唐時能文詞者  
莫若韓子其次莫若柳宗元韓之於富貴既不能無  
嬰情而宗元之在柳州其愁苦悲思至今讀其言猶  
使人悽惻亦烏在其能忘之以文詞也人之情必有

所欲惡而後物之可欲惡者始得以動乎其中其甚  
也有一物而欲惡殊者矣農夫之望雨閔閔焉畏其  
不足而塗之人以爲苦軒轅綬綬冕達人以爲累而輿  
臺里巷之子至相驚謂以爲榮然則所謂欲與惡者  
果係於物耶抑其中先有所欲惡觸焉而遂動也古  
之儒者其夙夜孜孜於斯道之外無所事也及自反  
而無惡於志無愧於天無忤於人則克然自得視天  
下之物無一可以爲吾之欲惡者故日與物接而自  
無所動於其中非動而後假翫於文詞以忘之也假  
翫於文詞以求忘則其不能忘也必矣今年春鴻陽  
周君以禮科都給事中出爲陝西叅政國家重臺  
諫之選恩禮視諸司特殊而都給事尤不以輕授其  
爲之者率擢戴卿寺以爲常自弘治以來士大夫往  
往重內輕外而近時藩臬之吏以制於御史又怵於  
京師之毀譽有趨趨嚙跡遠不得自直之嘆故尤  
不樂爲外官至或悲怨忿懣若履患難然者獨君被  
命無幾微不平之色君於世之所惡固無所動於中  
耶子始在翰林則獲從君游見其求道甚力而凡權  
利聲華世之所趨慕奔走者澹然不以屑意片始有  
所自得故不動於物之可欲而因無見於其可惡耶



夫事必不動於欲惡而後能有所爲今天下民日就窮而吏不加恤疆場之政日以廢弛

天子蓋嘗有意振起之而吏率應文襲故未聞有安攘之實問之則曰制於御史與怵於京師之毀譽也今君所蘊蓄如是其出而施諸政吾知其不爲趨趨需囁豫憂其不得直而遂自沮矣夫吾未始有必爲之志而徒曰制於人事不咎其處之未當而徒曰人且以爲毀其無乃薄自責而誣人厚耶毅然以其身易天下予於君不能無望也今都給事虛峯陳君左給事龍津楊君右給事文岡陳君給事蒙泉徐君近

世澤堂集

卷上

卷上

卷上

爲君贈

賀熊母萬太夫人蒙 恩存問序

嘉靖乙巳夏五月太宰北原先生熊公以母萬太夫人壽九十疏乞歸養

上手詔留公而命有司致粟帛存問太夫人以慰公志朝之卿佐交口言曰此殊典也遂相率造公邸第再拜賀曰維人子之情莫不欲壽其親維人臣之情莫不欲被恩於君然而不可得繼得之不可得兼也今太夫人有子如公食厚養躋上壽世既未有與

世澤堂集

卷上

卷上

卷上

伍而又膺茲殊典即在往牒亦未之前聞公於臣子所願欲者獨際其盛而兼享其全國恩家慶其可謂無以加矣公遜謝不敢當階不敏濫從諸卿佐後乃進而拜曰自三代以降士大夫謀其身而遺其親也久矣是故啜菽之義微而絕裾之事作維公位冢宰勵廉節獎恬退振幽滯天下賢俊之士已翕然回風而公復薄上卿之尊而重一日之養以有此疏今而後士大夫日興於孝也其自公始乎敢以爲公賀又進而拜曰自三代以降君之遇臣其不以禮也亦久矣是故四牡之歌息而鵠羽之怨形維太夫人以義方教公用克以勳業聞望師表一世簡在 聖心以有茲命令而後朝廷之遇臣日篤於禮也其自太夫人始乎敢以爲太夫人賀又進而拜曰忠臣之事其君無所爲而爲者也矧其或勸之耶賢母之教其子亦無所爲而爲者也矧其或報之耶維公忠義之性得之天植充之學問以事 聖明吾所謂無所爲爲者也而

上之遇公如是則所以勸公者至矣維太夫人履貞葆順明理道習圖史其於教公吾所謂無所爲爲者也而

上之施恩於太夫人如是則所以報太夫人者抑又至矣夫國之倚公猶棟也屋所賴以立也士大夫之望公猶衡也賢不肖所由以輕重也今而後吾知太夫人將益以大義責公而緩於其身之養公亦得以有司之存問代定省而畢力於康濟之圖敢以為天下賀於是公再拜曰敢不拜子之賜諸卿佐亦再拜曰敢不為天下拜賜於公既退屬階次其說賀太夫人於南昌之里第

贈諫議蒙泉徐君序

異說之害道莫甚於似是而非周之末有之矣鄉原

世經堂集

卷十二

五

府

是也宋之初有之矣禪是也至於今而士大夫喜為無情之說鄉原者自以為為中行而非者也禪也者自以為上達而非者也無情之說又自以為為得之易而非者也易之言曰無思也無為也寂然不動感而遂通天下之故士大夫之好老莊者讀是書而不深惟其義又欲稍變其名以為奇於是無情之說作夫情也者非喜怒哀樂之謂耶人之生苟非若木與石然則是四者聖人不獨不能使之無而已喜怒哀樂之未發謂之中中也者固天下之大本也其發而皆中節謂之和也者固天下之達道也聖人者方將使

人朝夕畢力於中和之致而豈欲禁之而使無也在昔程伯子之對橫渠曰聖人之常以其情順萬事而無情伯子之意以為聖人之於喜怒哀樂隨物應之而已無所與則是有而未嘗有也故必情順萬事而後可以言無情非併其順萬事者而無之頑然感之而莫應又或陽怒偽喜貌悲色樂如世之大奸之為也譬諸鏡之照物方其照也毫髮畢陳然而未至未嘗迎既往未嘗留雖謂之無可也非併其照者而無之也故聖人之教務使人自明以應感而世之說者務使人自昏以息照夫惟自明以應感是故致中也大本立焉致和也達道行焉無思無為而其至寂者未嘗不感而通也夫惟自昏以息照是故照之息也方自幸其無而不知垢之積也已不勝其有使其果無也則歸於頑如其不能無也則卒流於大奸之為而已嗚呼此其說所以似是而非而害道甚也鄉原之在周也得孔孟而世以不惑禪之在宋也得程朱而其說不得肆今固未有孔孟程朱其人也然而鄉原之闢然以行媚士之高明者猶知羞之至於禪則高明者且宗之矣又至於無情之說則深微窅眇彼幸而出乎禪者亦且轉而入於其中矣夫高明者非所謂

世經堂集

卷十二

五

府



適道之資乎幸而出乎禪又轉而入於老莊氏子所以懼焉而思爲之辨也而非其人也諫議蒙泉徐君與予友三年其志趣高明而踐履篤實嘗於致中和之學究心而有得焉予往年遊於浙之東江之西往往與其士人及粵之行役而道焉者接無情之說蓋屢聞之僭嘗誦言其非而莫之信則以非其人也君茲行計其道里自浙以達於江又南入於粵其士大夫尚有以無情言者乎誠以所自得告之使無至於害道則繼程朱而有功聖門其在君矣其在君矣

送大宗伯兩洲先生王公赴南都序

世宗憲皇帝

卷十一

中

何

君子必有以信於天下而後可以有爲而必成然則求爲可信在慎其所取始蓋古之人有伊尹者自上古未有往來天子諸侯之間至五就而不嫌者也而尹則爲之亦未有相諸侯以伐天子又身自放且復其君如奕人之置奕者也而尹則又爲之于是時天下不議其貪不疑其篡唯唯焉惟尹之欲爲尹遂以造殷而安定其社稷此其事豈不奇偉稀闊甚哉及考尹所以信於天下自一介不取之外無有也夫以一介視去就放伐其小大不待明者然後知而尹則必慎於其小天下亦以小而信其大何也凡有小有

者事也其無小無大者道與義也尹以爲道義之所不與卽在一介非有小於去就放伐也而不取焉天下因亦知尹確然惟道義之視其無所利於去就放伐猶其不取於一介也是故從而信焉然則所謂一介者固奇偉稀闊之事所從出而尹之所以必慎歟少宰兩洲先生王公子嘗事之閩中頃又同在銓部公爲人於矩尋繩墨所素守也而尤慎於所取入官三十餘年其衣服飲食僅給天下亦胥信公莫敢以私干者夫自尹以降士大夫欲有爲者衆矣顧其事奇偉稀闊於尹卒莫望焉則其成之宜易而乃不盡然何也彼其所取之慎未有以信於天下而驟爲之是故欲進賢而天下逆以爲且引其所私欲退不肖而天下逆以爲且去其所惡欲有所興革而天下逆以爲且罔其君而規大利令之而不急則急急之則相聚而懼且憂如是何望其能有爲而必成也今公慎於所取而天下胥以信使公益大用其以進退興革惟公之欲爲而必有成也吾可以豫策矣去年冬天子擢公南京禮部尚書國家之制尚書官最尊而近時六卿又多自南京召至公其果大用乎予雅知公故序公之能有爲者爲天下賀且使世之君子

知其所爲卽奇偉稀闊如尹亦非有加於所取之慎也幸反而求爲可信焉或曰禮部故儒臣之選也公多讀書明習百司之舊事爲古文歌詩皆可誦法天子以是用公嗟乎儒臣之爲職獨見開詞章已哉予故不著

送銀臺大夫景山錢君序

今天下士稱科目之盛詞章之工者莫如吳而其習俗之下亦莫甚於吳雖然吳之習俗其亦非一日之積矣周之衰也子游沒而道術淫晉之東也王謝用而風流貴至於近世籠之以科目啖之以祿利則詞

世經堂集

卷十二

星

何

章勝而渾樸漓士之生其鄉者相矜以文相高以達靡然不知道術爲何物而浮競淫侈之事作然以其見聞之稔漸染之深亦胥溺而莫知其非也夫士之品其上道術其次勲業外此非所論也三代以降名公鉅卿乘時奮出雖於所謂道術者槩未有聞然而莫不有淵然之度寵之而不盈確然之守撼之而不懼故其勲業亦自足顯於天下若宋韓魏公是也魏公之不可易及夫人能知之當時稱之者不過曰厚重如勃君子未有聞而非焉者也而吳之士不然擬之以王謝則喜擬之以子游則畏而不敢爲擬之以

世經堂集

卷十二

星

李

習俗如彼而今朝廷所用乃如此士其有所感而興乎夫追惟往昔以振起習俗予所欲爲而未能者也使吳之士誠有感於君之用毅然舍其舊而思以道術勲業顧也予雖不肖不能鞭策以從然幸入而聞弦歌之餘響出而覩聖明之新化夫豈非生平之一快哉故樂道君之見用者以先之雖然豪傑之士無文王猶興亦豈待有所感而然也

贈諫議文岡陳君送母趙恭人還鄢陵序

諫議文岡陳君奉其母趙恭人居京師踰年恭人思歸鄢陵君上疏乞送母如例詔賜可初恭人以就

養之年年六十君既得具冠帔戒賓友稱觴爲壽及是歸又寶奉 明命扶侍以行士大夫榮之爲歌詩紀其事合若干首予讀而嘆曰嗟乎三代以降君之使臣督以義而不暇恤其情臣之事君制於公而不及顧其私久矣惟我 國家仕於朝者例許迎其親以養其不能赴者許覲於其廬就養而歸者又許輟職務假月日以送若君今日之事固國之彝典書之簡冊三代所不能專美也獨陳氏之私榮已乎今君之往也次其道里自京師達于鄢陵郡若邑凡幾自緡紳之士下及里巷田野之人奔走見聞者凡幾望

恭人之車則相與言曰是諫議之母

天子重其歸而詔其子送焉者也望君之車則又相與言曰諫議之送母疏於朝而

天子許焉者也父母莫不思教其子其爲子者莫不思自奮以冀顯其親於風化豈小補哉其不可謂陳氏之私榮信矣雖然予於君竊有請也自古天下之事惟宰相得行之惟諫官得言之君固諫官也今天下民日就窮而吏不加恤姑論君道里所經畿內之郡困於水者三年乃其力又疲於土木之役矣大河之南困於旱者再期乃其財又匱於宗藩之供矣而

有司若弗聞也君顧能無言乎定省之餘進其鄉之賢者與圖康濟之術還以告諸

天子議可而行焉惠澤加於民功業昭於時使士大夫僉曰諫議之篤於親不遺其君如此

聖天子有臣如諫議既孝且忠如此相率以君爲法則所補於風化彌大而於國之彝典有光斯陳氏之至榮也君博學能文章在諫署四年數上書言事直聲動中外孔子不云乎可與言而不與之言失人失人之爲懼此予所以贈君也君行矣予固日望之

陽峯家藏集後序

宗伯大學士陽峯先生張公示階家藏集三十五卷階受而三復焉其大者若 講筵之啓沃典禮之裁定皆致君經國者之所必資其次若 聖制之廣和誥冊之撰擬賦頌之鋪張表疏之賀謝皆討論故實者之所必考又其次詠山川之形勝誌賢士大夫之行能序風俗之同異懲惡民生之休戚皆博物洽聞者之所必取至其體裁之純正詞旨之暢達華藻之瞻麗音律之鏗鏘又皆爲詩文者之所必法天下後世將誦而傳之而顧曰家藏集者謙也古今文章之士多矣然於時或不庸即庸矣或未必爲宰相而其

以相業著者又或不以文稱故漢之相稱蕭曹丙魏  
乃其文稱司馬遷班固揚雄唐之相稱房杜姚宋乃  
其文稱韓愈柳宗元宋韓范富歐 本朝三楊李文  
達先後稱名相而獨歐陽公東里公之文盛行於後  
蓋文章事業其難兼也久矣然蕭曹以下諸君子雖  
不以文稱而所為書疏詩賦與其刻集亦往往而傳  
則豈非重其事業故哉公以厚德宿望受知 聖明  
致位台鼎康濟之業追蹤古人而所為文章又復震  
耀一世然則是集公雖欲秘之以為家藏不可得矣  
雖然不可秘者公之文也謙而不居者公之心也自

世鑑堂集

卷十一

上

保

古宰相莫不以禮嚴穴之士受直諫之言為難則謙  
固未易能也今公之為心如是是豈非縉紳之幸  
社稷之福而事業之所以彌光者乎階不敏辱公數  
進而與之論文既又以序屬夫公之文非可專以文  
章言也故謹為著之末簡嗟乎後之讀是集者其慎  
毋曰文焉已哉

壽封太史心萱嚴君六十序

予嘗讀詩南山有臺竊歎古之君子其君燕衍而頌  
禱之至再三而不厭蓋周之盛王禮待其臣而治道  
之所由興如此及讀曹風傷婉變悲下泉岌岌乎不

可為國而鳴鳩之篇所以頌禱君子者顧猶有南山  
之意則疑以為曹固無君子不然豈其君能下賢而  
國不可得治既而思之南山者人君之詩也鳴鳩者  
國人之詩也世之方治則君子見禮於上而燕饗之  
歌作及乎既亂則所謂君子往往為時摧沮擯斥而  
獨其國之人相與憐且愛之於是竊為之頌禱而其  
志乃有戚於斯饑之感苞蕭之歎者二詩之為詞同  
而指則異君子之生於人國固亦有幸不幸哉封太  
史心萱嚴君蘇人也其事親孝與人處喜成其美而  
卹其不給教其子太史敏卿非道義未嘗出諸口蘇

世鑑堂集

卷十一

上

史

之人交賢之今年九月 日君壽六十士大夫爭持  
羔酒詣君而君于是時方具冠服食其子太官之養  
隱然有南山之遇非若鳴鳩君子獨見憐愛於其國  
之人也蓋國家承平

天子加禮文學侍從之士而推及其親其勤厚優渥  
有出成周之上者君之生其可謂幸焉矣予聞李文  
達公在內閣其父來朝

英宗見之便殿解所服玉帶以賜石齋楊公為少師  
其父尚在食其祿璽書存問縉紳謂榮今敏卿於為  
相既有其階而君之年又足以待異時恩禮所被焉

知無爲君舉南山之曠典播之詠歌勒之金石昭盛治而垂休聲者乎予不佞敢以前所言爲君賀以後所言爲國家願之若夫崇德樹勳追蹤往哲期爲君廷聖朝之寵命則在敏卿矣

### 遊太嶽山詩序

今東南稱名山嶽鎮以降太嶽鴈蕩匡廬武夷其尤著者也自予走仕途太嶽旣無因而至鴈蕩匡廬幸嘗吏其土矣而鴈蕩以試事嚴不暇遊匡廬以病不克遊武夷嘗造其下以雨不果遊竊自怪歎以爲天下之事其制於天者吾不可得而必矣若登覽之適

蓋庶幾吾所能自致而竟莫獲遂焉豈山川靈秀固造物者所秘惜不容以易窺耶乃今讀泰山富公遊太嶽山詩按公自爲記蓋凡行十六日留八日得盡觀其峯巖澗壑之勝雲物之奇與夫神仙之幻迹而後返公于是時方自蜀解官歸人之情苟不得意於仕宦其悲愁抑鬱感慨無聊率有若不能堪者而公於登覽獨未嘗廢至探幽極遐窮日繼夜既去而猶有未足之思而予於鴈蕩諸山方擁傳建節翺翔其境豈不可解紛力疾緩程候霽以冀登覽之一遂乎然而不能也於是恍然自悟非造物者真有秘惜於

其間特繫乎好之不篤爲事物所勝耳公爲人高明灑落數自謂有山水之癖讀其詩可想見其中之所存非予鄙陋能望則其異於予宜也古之君子於聖人之道深信而篤好之故其求之也如飢之於食渴之於飲不得不止而後之君子往往悅樂交戰如端木氏之云故終於無所得予於公茲遊重有感也爲序其詩而傳之

### 下市聶氏譜序

君子之治天下莫先於禮雖然禮之廢久矣不肖者汨於欲則或畏其拘而苦其勞賢者異其見則或恥其卑惡其繁而又或詆之以爲僞然則君子欲禮之行也不已難乎夫禮非無本而作也在昔聖人知人之有愛敬之心也因而爲之禮其凜然不可踰者其施不盡同而皆本乎心之敬者也其周旋委曲藹然不可厭者其施不盡同而皆本乎心之愛者也故當其時論定於朝著之間而天下之人莫不反諸心而識其制作之自其賢者無所容其議其不肖者悅而趨之而先王之禮因得以四達而不悖至於後世不然抱秦火之缺文守漢儒之曲說動以禦人曰古之禮蓋如此夫古之禮也聖人之所制也聖人之制禮

本諸人心之愛敬者爲之而後世之爲禮不求其本而惟文之泥語之以其智之所不能知奔走之以其情之所不能安則夫行之難無怪也雙江先生聶公歸自關中作下市聶氏譜以冀繫世辨昭穆聯兄弟禮也階嘗得而讀之首之以譜原次之以譜述使人知今之疎且逖者其始皆出於一人之身而不忍以薄則本乎心之愛爲之者也終之以譜戒使人知敬其宗以尊其祖修其身以不辱其先則本乎心之敬爲之者也本乎愛以爲禮而凡有愛之心者相與是而趨焉本乎敬以爲禮而凡有敬之心者又相與是而趨焉先王之禮其遂行諸家乎天下家之聚也一家之心天下之人之心也其聚衆則拂而行之益難其心同則因而導之恒易有欲以禮治天下者可以得所師矣先生名豹字文蔚雙江其號舉正德丁丑進士歷官至陝西副使嘗從陽明先生遊聞致良知之學所謂禮之本者蓋身履之非徒示之訓也故譜成而人信以化嗚呼階於今之君子益不能無望焉已

壽少宰學士龍湖先生張公六十序

拘而不可恒者物也變而能久者道也變非久也天

下之勢極而不變則窮窮則不可以久變也者以通其不可久而使之久者也今天之爲天也明晦相禪而晝夜成焉寒暑相推而四時行焉變也不然未有不不息者也其在於人呼與吸遞相續也動與靜互相生也屈與伸迭相用也變也不然其形與氣未有不速壞者也聖人者近取諸身而遠以觀於天其治天下知夫徂於強者必折柔其暴而後強可久也習於安者必傾振其惰而後安可久也淫於富者必返於貧節其奢而後富可久也苦於嚴者必激而無所顧解其苛而後嚴可久也於是乎迎而處之通其變使民不勑神而化之使民宜之而天下之治賴以不廢故聖人之治之久也以能變也夫變聖人非以徇天下也勢極而不變則窮窮則不可以久吾是以順焉與之俱變通其不可久而使之久也是所謂道也混關而無窮者也昔者文王之作易也以開物成務冒天下之道也而於乾用九焉於坤用六焉於乾之德擬諸龍焉文王何取於是也爻之九六既老而當變而天下之物亦惟龍爲能變龍德具而厥施普矣九六用而陰陽之運如環無端矣是故變也者道也九六者其數也龍者其象也彼拘而不可恒者物



也少宰學士龍湖先生張公其學無所不窺而尤深於易蓋嘗曰聖人之道始於立而終於權故行以中爲貴者也義以時爲大者也用以旁行爲妙而功以曲成爲神者也凡可以方所名象拘者皆非也其論當世之務因革損益弛張高下要於宜其民止矣不求爲同也鼓舞之使不勸止矣不泥於故常也信乎有龍德而達乎聖人之道者也今年八月十有六日先生春秋六十而門下士馬子應圖率其同年友若干人奉觴爲壽夫天之有晝夜寒暑也身之有呼吸動靜屈伸也治之有因革損益弛張高下也能變而後能久其道一也聖人法天以養其身以治天下其致亦一也先生有龍德而達乎聖人之道舉其養身者推之以治天下而斂其治天下者還以養其身吾將賀先生之壽考與其所以壽天下者相爲久也爲序之

壽少宰翰學毅齋先生孫公序

是歲十二月十三日爲少宰翰學毅齋先生孫公初度之辰公于時春秋蓋六十七云初公舉正德辛未進士讀書中秘授編脩文名重一時然公恬於世榮迴翔史局者十有六年遭際

今皇帝始以大典成晉中允又久之遷侍讀學士視篆留院會簡官僚召爲少詹事擢貳禮部改今官同時六卿之佐遷轉幾盡而公獨八年不徙公顧浩然有以自樂出與人接入與其妻孥處未嘗有感慨不平之意或諷之稍自敘求進輒謝不荅士大夫得以公爲賢及是聞公壽相與持羔酒致鴈鵠萬年之祝者不約而同也昔孔子言仁者壽至論仁之所以壽則歸之於靜夫靜者豈其身心枯槁寂寞之謂哉淵然之度增之不爲盈挹之不爲損確然之守得志不得志不可移奪是乃所謂靜也自世教衰士大夫牽於進取之私顧忌毀譽較量得失日覲其所不可必致而奔走於其所不當爲憧憧焉如風瀛海以求驪龍之珠且食且恐且勇且怯旣每亂乎其中而其幸得之也驚喜倨肆失其故常卒求一念之靜而不可得若公恬於世榮浩然有以自樂也所謂仁者非耶予於是知公之必壽而士大夫之祝公者非諛矣公今方左右 儲皇將上致其君下綏其民舉一世躋之於仁壽夫德非靜不可成政非靜則民擾以怨公之所以壽一世固將自其中之靜者爲之予於是又曰深幸焉而辱以鄉後進與公門下士修撰李君輩

三百人日侍公之教其所深幸者乃其所樂爲天下道者也遂序以侑觴於公維天下聞公之賢翹首跂足以須大拜之命久矣其又當以予之所深幸者爲非諛也夫

送太宰龍湖張公詩序

詩二十九首作者吉士二十七人太宰龍湖先生張公朝夕授之業者也太史李君胡君二人先生禮聞所舉士也始先生被命爲吉士師予不敏辱以職事從先生後先生喟然語予曰夫學廢也久矣古之君子學以修其身而舉之以治天下其體與用蓋六

書

卷十一

書

書

以貫焉者也後世不知所謂體而以詞章訓詁當之不知所謂用而以刑名術數當之於是體用析爲二物庠序之所習不可以施於有官而官之所業以爲政者亦胥不足以治自三代以降願治之君圖治之臣世未嘗乏而治卒不古若則學之廢爲之也惟國家取士之科莫重於進士今又拔其尤者使學於此

天子之意蓋將以治天下之事責之而吾屬相與砥礪以祗承德意者顧安得以世所謂學應之乎且日進諸子詔之以大學明日證之以中庸又明日證

之以六經語孟爰及程氏朱氏之說諸子者始而駁中而悟終而油然日有得也今年春

天子召太宰西磐張公於留都詔先生往代其任諸子咸悚焉懼失其所宗而予亦妄謂諸子之於學譬諸草木幸有其萌矣而先生遽舍之以去將遂敗於牛羊斧斤以爲大戚謀所以留先生而無從也則解於衆曰學者於師之良非可以必遇也其道在自致其力昔者洙泗之間從游者三千人彼既遇孔子以爲之師而孔子又自謂吾無行而不與也然而三千人不皆至於聖人孟子之生去孔子百餘歲其言

書

卷十一

書

書

曰予未得爲孔子徒也予私淑諸人者也孟子之於孔子不親於三千人其所私淑諸人者固三千人所聞於洙泗之緒餘也而其所造論者則推尊之以繼孔子此無他力有致有不致也諸子侍先生踰年其於學幸既有其萌矣誠自致其力養之使益完充之使益盛卽先生雖舍而去教固在也矧旦夕將召之來乎不然雖日侍先生無益也矧其去而不可留乎吾願諸子之擇於斯也諸子曰諾退謀於二太史爲詩送先生而予因爲之序予聞先生與諸子別意亦有悵然者聞予言其或可少慰矣



壽顧東川六十序

顧於上海爲著姓其曰太守草堂公之孫處士省軒先生之子而賢者爲東川君君有異質喜讀書能博通古聖賢之籍下及醫經字說稗官雜流靡不究覽其施於家父子兄弟相對如嚴師至其中孝慈友悌雍雍如也夫自科舉之業興士遊於庠序之間日誦其所挾二三策計足以應有司取科第卽聽然謂能不復知有博學而其以博學稱者又或優輕誕肆詆修齊以爲迂闊蓋其弊至近時而極而其來則非一朝一夕之積矣若君者不可謂信賢歟三代以降治之

世宗憲

卷十一

壽

本

近古者莫如漢當其時鄉舉里選雖廢而孝廉茂才賢良方正猶往往以之設科未有盡天下之士籠繫之使出一途如唐宋之科舉者也  
聖天子好古有爲子以謂古之制誠幸而復士之可以應明詔宜莫先君者顧久不克遇晚乃以賢薦召試爲御醫入直聖濟予未嘗不爲之惜也然予嘗讀漢書班固氏於諸公卿率爲作傳乃石慶爲郎中令慶弟建爲丞相貴重矣而獨以兩人附其父奮至論奮之事直云恭謹無文學此何以異於傳人者然而不以彼加此蓋行與藝位與德其輕重然也君既有

奮之賢而文學過之卽其子孫位不逮兩人後有班固猶在所稱述矧其雅雅魚魚有貴重之地哉予又未嘗不以是爲君賀也今年三月廿六日君春秋六十其子中舍從禮國子生從義請予言爲壽古之君子知其人之賢也則頌之頌之而不足則祝之今子惜君之不遇與所以賀之者如此雖欲不言得乎遂次其事以復且私於中舍兄弟曰勉之乎爲建爲慶斯壽其親之大者也

送海峯吳君赴湖藩序

世宗憲

卷十一

壽

本

圖治者以求才爲急此古今之通論也然予嘗觀於今庠序之士歲貢於廷者恒數百人三歲而大比士之前後舉於鄉升於禮部者多至三千人  
天子命吏試之舉以爲進士者又恒三四百人朝廷以爲制有司以爲職奉而行之無後期此其求之可謂勤而士之賢者宜無不見用於世矣然而不盡然何也凡欲得才而用之不難於求而難於識蓋馬之能千里者世之所同寶也今或捐千金以求千里馬而見其肉角汗血眼紫艷而口紅光以爲怪也瞿然去之則千里馬終莫幸而得也千里馬莫幸而得則是所爲捐千金以求馬者不可謂求千里馬特求

其驚而已此子所以悲夫今之求才者不惟不得才以爲用將併其名而失之也海峯吳君自少博學於百氏之書其志意論議迥然出乎流俗而力能行之子嘗私於朋友以爲君蓋奇士國家所爲設科而求者此其尤也今年春君以光祿丞且考績忽出爲湖廣叅議夫吾以爲世方求君顧得君而不使之久於內也此無乃與怪千里馬者類耶子聞才之須於世不急則雖至美往往抑而不用今海內承平品式具備士大夫相與狎而安之譬之周旋偃仰於一室之中泰然自足雖得千里馬宜以無用棄及行役迫乎前而禍患驅之於後夫然後須於馬始急而其所謂馬者卽未必良且猶售焉況其能千里也君姑往哉聖天子行召君矣

壽謝母李太宜人八十序

嘉靖戊申五月一日江西叅政謝君少溪之母太宜人春秋八十諫議葉子職方曹子侍御徐子率其同年若干人請子言爲壽諸子者謝君昔以御史按江西時所舉士也子聞之愛敬人者必推而及其親而人子之事親亦恒以得人之愛敬爲盛然自世道衰士大夫相與爲交游方其懽時握手示肺腑若可與

共欣戚然或未久而衰或視勢所在爲厚薄漠然若途人者有之矣則是其於我猶非有愛敬之實也矧能推以及吾親耶夫其無愛敬之實彼則失矣其在於我亦有咎焉何者我於彼非真能知其賢而我之賢又於彼無足以相觀法則其相與爲交游獨勢而已耳以勢爲交游勢去而漠然若途人宜也矧望其以愛敬我者推而及吾親耶謝君自監臨場屋至于今且十年歷時不可謂不久君官在外服而諸子者列要途爲

天子之近吏此其勢固自有在然而諸子愛敬君不衰視太宜人壽相與樂而祝之不啻若己之親也雖諸子篤於義則然在君要必有以致之者君爲人凝重嚴整其督學比畿士苟挾一藝以上無不謂君知已君於諸子信能知其賢而其賢又足與諸子相觀法者耶予於是竊有慕也予往年幸以學使之節與諸子相識雖其明與賢於君不敢望而諸子之待予實不異於君惜先公先淑人不及見也予於是又深有羨焉爲序其事侑觴於太宜人太宜人昔佐都運公有禮教君及其兄弟有勞施于族黨有惠愛事皆可稱述然予謂人子之事親以得人之愛敬爲盛

則夫頌其親之美者宜亦莫大乎此故於他不暇詳焉太宜人李姓登仕郎景明之女山東人

贈太史董君用均予告序

國家於百司其待之至優而養之至豫者莫如翰林雖然翰林之職吾能言之其在經筵君德由之以成在史局紀載由之以信在鄉會試人才由之以出在內閣庶績由之以熙非若百司者得失繫於一事予奪行於一時也然則其待之優養之豫也固將以重責而遠期之乎翰林之臣其欲舉其職也亦難矣予嘗聞前輩言

世經堂集

卷十二

本

張

宣廟時庶吉士讀書在今奉天門之東廡而三楊先生爲之師在東閣時時召諸吉士出百司章奏示之問所當罷行及古今政治同異成敗之狀其才達於政矣又陰察其行必惇大正直顯然負時望者然後留之翰林非專以文詞選也其後閣老不暇爲庶吉士師而庶吉士亦遂館於翰林之署其所謂習獨漢唐人所爲詩若文數十卷耳不復詢之政以觀其才其日課於師月試於閣視以爲去留者獨詩若文數篇耳不暇察其行以收其望於是翰林之職始專以文稱而所謂重且遠者亦始責之而或不能勝期

之而或不能踐嗟乎翰林之設其初固然哉編修重君用均自爲諸生時子則幸識之嘉靖辛丑試大廷天子親第其文以爲二甲第二未幾改庶吉士授今官又未幾詔選翰林五人者俾掌誥敕而君名在第一君固長於文者也然君雅留意當世之務斟酌古今犁然當於時義而持身事親謹詳不懈殆有志於重且遠者乎今年春君上疏乞送母張孺人歸其鄉君既長於文而才與行又卓卓如見蓋天下士所快覩者也自翰林之職專以文稱而天下士修之家以冀選於翰林者益汲汲焉惟文之爲務至吳越之間尤靡然喜爲文君茲歸也或有問焉者乎幸舉其重且遠者應之古之君子其身果足以勝夫責之重踐夫期之遠矣然猶以爲治功者非一人所能辦也於是乎廣求賢才以自輔而所謂賢才者又非可以易得也其道在能長養成就長養成就之道在先示之鄉方故予以爲君告嗟乎予言亦豈獨告君哉

世經堂集

卷十二

本

何金

世經堂集卷之十二

世經堂集卷之十三

序三

陸文裕公集序

陸文裕公集一百卷其子國子生楫所刻公諱深字子淵上海人舉弘治乙丑進士歷官至詹事府詹事兼翰林院學士文裕者其諡也公自少時文則有名既官翰林以文章為職業於是其所著作日益工以富每一篇出士大夫輒傳誦推遜之然公嘗言文以通達政務為尚以紀事輔經為賢非顯顯輪轅之飾已也夫文之用廣矣大矣其體諸身為德之純其措

世經堂集

卷十三

一

顧時中

諸事為道之顯其書諸簡冊為訓之昭古昔聖人以此經緯天地綱紀人倫化成海內貽則萬世故夫播而為訓誥萃而為典謨刪述而為經筆削而為史雖出於聖人之手猶文之一端也而後世不察獨以文字當之於是道德勲業文章判為三途至其甚也又舉所謂文字者歸之乎浮靡詭誕之作而其為文因亦流於俳優之末技家人之俚語則何所繫於人文世道以庶幾古作者之萬一哉惟公之見不然故於輔經有詩微有道南三書有學說有同異錄於論政有處置鹽法狀有裨聖學光治體疏有西川用兵書

世經堂集

卷十三

二

顧時中

有備胡弭盜賑饑諸策問於紀事有翰林誌有經筵詞有郊祀錄有孫炎花雲傳而國家之典章百司之故實散見於碑誌序記者尤多率其言可以適道舉其說可以為治信公之深於文也階往年嘗獲侍公竊窺公之志蓋毅然以經濟自許故在翰林在國子則數上書言事督學于晉參藩于楚旬宣于蜀則皆有功德於其士民而世顧獨稱公為文章之宗匠豈以彼而掩此乎抑論文者沒溺於舊文而然也公沒再期而此集出維公位不登卿輔壽不滿七十其文之在經濟者雖不盡顯於時而所謂輔經紀事通達政務之文猶幸有徵於此然則集之刻固尚論公者所不可廢哉昔公嘗重修蘇文忠傳而近時名公卿品第人物亦率以文忠擬公嗟乎後世合公與文忠較量之當益知階之序公集非諛矣

吳文端公集序

文章之高下繫其所養養不厚則其發也工矣而或失之巧奇矣而或失之露深矣而或失之晦簡矣而或失之削士之善為文者羞稱之至於恠誕鄙背之詞不論也自有文章以來六經不可尚矣國語戰國策其作者往往皆人士之雄此其文宜亦足以訓而

君子至以爲衰世亂世之文非獨以其間時有惟訛鄙背也工而巧奇而露深而晦簡而削彼二書者誠不免焉然以是爲文之疵足矣而國家之氣運乃直有關於是文其可易作哉雖然詩之失愚書之失誣樂之失奢易之失賊禮之失煩春秋之失亂則夫學六經而不至者猶不免於弊也矧諸人以其縱橫捭闔之術嗜利干進之心爲之耶故養莫貴於正正莫貴於厚仁義之人其言藹如斯吾所謂養之徵也吳文端公蘇人也自始爲翰林迄于卒積四十餘年所爲文章合若干首予得而讀之溫醇敷暢而精思奧義與其謹嚴之度雄偉之氣實存焉蓋工而不巧奇而不露深而不晦簡而不削也公其厚於養者耶間嘗考公之履歷其在翰林忤中貴人則出爲刑部員外及爲宗伯掌制詰忤宰相則又出理部事已又改南京吏部未幾遂致仕以歸意公爲人必蘄然不可近而公恂恂于于固未嘗有絕物之形也嗚呼是可

以得公之所養矣昔在壬午予與公子今光祿寺丞純叔同領南畿鄉薦其明年予幸先舉進士間嘗侍公縱言及於文公俛而不答當是時予茫然自失也及今思之予以少年新進而輒論文於先生長者之

前所養可知矣公之不答也其教我者深乎純叔刻公集成首以示予俾爲之序予不肖不足知公文然而公之教不敢忘也因論次所見書諸簡端以質後之君子公諱一鵬字南夫別號白樓文端其諡觀於諡又可以得公之爲人云

壽楮石臞七十序

自孔子歎惜於中行之不可得而思及狂狷於是高明之士率慕爲狂而其流或入於蕩其好修者率慕爲狷而其流或入於忿戾而喜爭孔子又深病之於是鄉愿者出其言蓋隱然自附於中行而孔子則以

爲德之賊孟子復爲之說曰夫鄉愿者居之似忠信行之似廉潔者也今夫有物於此取之卽爲貪而不取卽爲廉潔人之於其言能踐卽爲忠信而不能踐卽爲欺二者之辯炳如黑白若之何其似之也蓋嘗思之鄉愿之心闢然以媚世盜名爲務其於物雖未嘗取也然而將以盜天下之名則貪孰甚焉其於言雖未嘗不能踐也然而將以自媚於世則欺孰甚焉故曰鄉愿似德非德而德之賊也昔者大學之教其功用極於治國平天下而其根本則在能誠其意鄉愿之與忠信廉潔其迹豈有異哉特意未誠焉耳是

故忠信廉潔一也誠其意則爲中行而不誠則爲鄉  
愿狂與狷亦一也彼其意真有志乎古之人而毅然  
不屑不潔則可以次於中行如曰慕其名而已則爲  
蕩爲忿戾亦不過狂狷之似徒爲孔子所深病而不  
足以慰其願見之思吾是以知大學者果孔子之遺  
書而入德之門也石臞褚先生自其少時卽能以財  
讓其昆弟又不有其婦家之產及爲邑博士爲推官  
爲太守所至以廉稱然先生不喜自表暴故人少知  
之者其與人言不爲飾詞陽諾士大夫初從之遊莫  
不以爲難合而其終莫不愛且敬所謂誠其意者非  
生之壽考固豈獨其子孫願之已哉

送大司空直齋屠公赴南都序

直齋屠公自太常卿歷佐兩京工部凡八年同時之  
爲三品與其後至者遷轉幾盡而公獨不徙士大夫  
相與聚而評公其恬靜寡求好古而自信者則咸服  
公之爲而其銳敏通達思旦夕以功名著者則率詆  
以爲拙當是時予意公且自悔公願不少變恂恂然

尺步而繩趨若不知其淹之久也今年春南京工部  
尚書缺特詔公以往於是士大夫又相與言曰直  
齋公遷矣君子之仕其拙也固無妨於進哉後踰月  
公行大司空沃焦文公以予與公同年也屬予言爲  
贈予聞之仕非顯融之貴而以身繫天下之重爲賢  
夫繫天下之重有二當軸處中政由已出則拯危寧  
屯建康濟之業此其得志於時者然也若乃職尊而  
地遠或有其位而無其權則以所謂恬靜寡求好古  
自信之節卓然植立於風波頽靡之中使後進望之  
而得師特焉而無恐此未得盡行其志者然也國

家並建兩都置六部其間體統雖一而地則有遠近  
事權則有輕重今公之南蓋於志未得盡行也然士  
大夫由公而知拙之無妨於進則公所繫於天下者  
雖九鼎大呂無以加矣近世士大夫號爲銳敏通達  
者何限彼其初莫不以功名自許乃其後也或失身  
而無益或勇於進而不克終故夫欲有爲者非有所  
不爲者不能致也以公之節如此他日樹羔裘之軌  
振素絲之風而遂以建康濟之業非公又奚望焉予  
旣病世之詆公者不足以訓又以爲彼服公者未盡  
其用也故序以贈公繼自今公其益安於拙也哉



送少宗伯兩厓朱公還湖南序

往予爲國子祭酒今閣學龍湖張公與予論楚材之宜用而廢者二人曰尚書松石劉公曰太僕少卿兩厓朱公其後予爲吏部侍郎嘗攝其部事松石格於例不克用獨兩厓幸薦起之以爲僉都御史當是時張公旣以爲予功惟士大夫亦莫不以得人爲朝廷賀也今年春予承乏禮書而公自工部侍郎徙禮部予竊自計以予之不肖當賴公以寡過矣未幾有論公者

天子謂然手詔罷公政昔公養望於湖之南十年臺

卷十三

十

濟

誅相與薦公章二十餘上其畧以爲如公者不獨今之人不能及卽古賢公卿鮮有過焉者也今相去數載耳公之進修未有怠於初而論者則已訾之又不幸一擊而遽去人才之在天下其成之難而毀之易也如此哉自頃年以來老成名碩凋落幾盡司銓者槩然懷乏才之憂予嘗妄論以爲救之之道在長育愛惜凡長育在養其始故教之不可不端愛惜在翼其終故論之不可不審今學校之教拘拘乎詞章訓詁之習所謂長育者已無聞矣若乃豪傑之士克自識其宗積之歲年以有樹立此宜若景星鳳凰爲世

快覩而於愛惜又不可望如此然則人才之有成也天也非人也其忽焉而毀也人也非天也有爲國家深慮者能無慨於茲乎公居家孝友歷官所至有績業爲文章取法秦漢而其自守尤確然不可奪自入朝至于今山林之思未嘗一日忘也乃茲被論無損於聲實而得便其私圖予知公欣然而往矣而猶不能無言者非獨惜公也古者薦人而不效則必坐其罰今

天子寬仁雖不予罪而予於義則當去矣湖南多佳山水向欲訪公而共遊焉其買舟以俟我

卷十三

十

濟

柘山李先生壽序

爲老莊之說者曰古之有道者歛其精以養其身保其壽命而推其糟粕猶足以治天下然以爲治天下者必有假乎勢位則猶舍內而託外物以爲重也故雖其功至於治天下必拒之而不肯受其賤至於糟粕必愛之而不肯出此其賢於世之人則遠矣以予言之有道者廓乎其無所累者也今曰某外也拒之惟恐其不嚴其內也深藏固守惟恐其不力無乃猶有所累歟聖人之視天下無一物非已是故無外夫惟無外故亦無內其於治天下樂則行之非有損於

內也吾何愛焉憂則違之非有繫於外也吾何拒焉  
譬則雲聚而雨雲散而霽其變無恒而太虛清明之  
體未始有異此聖人之學所以能躋天下於仁壽而  
不失其養身壽命之常老莊之學既不足以及人而  
其所以自爲者亦不若聖人之果無累也今衡嶽之  
下有隱君子曰柘山李先生其始業舉子工甚既而  
度無所遇則抱其書以授嗣子今都諫君而日怡然  
於事親從兄之間若將終身者及都諫貴先生日誦  
所聞教之事君治民都諫遂爲名郡憲徵拜戶科給  
事中封先生如其官先生從容起受之又若固有焉

世襲集

卷三

九

宋

者其庶幾不愛不拒者耶今年某月某日先生春秋  
六十三工科右給事鳳原張君偕諸君子屬予言爲  
壽夫道先天地而生後天地而存故於天下壽最久  
而人之有道者以養其身以保其壽命則壽亦最久  
先生既庶幾乎道其於壽固未艾也遂次是說以復  
使學道者知聖與老莊之別焉

逸菴楊翁壽序

逸菴楊翁以子司空貴封僉都御史今年已酉壽九  
十二矣毋來視司空能自乘馬馳竟日不倦其飲食  
視聽亦與少壯不殊客或問翁所以養生者翁笑曰

吾何養哉吾生而值盛時無水旱兵革之警凡四方  
之事吾咸獲免焉而又有先世之薄田可以耕做廬  
可以處有子以讀先世之遺書仕于朝以行吾之  
志吾恒早臥晏起悠然自適於畝畝之中而無所制  
於人蓋吾之身幸而逸者如此吾於物無所好凡計  
出入之盈虧校蓄積之厚薄世之所早夜汲汲以圖  
焉者吾恥之而不肯爲而又於人無所怨憎凡虞人  
之報我而曲爲之防冀人之宥我而矯情飾貌以求  
其莫予毒吾皆有所不必爲蓋吾之心得自逸者如  
此吾用是名吾菴曰逸衍衍焉不至知老之至而歲

世襲集

卷十三

十

宋

年之積也吾何養哉他日客以語階階曰善乎翁之  
所謂逸乃真善養生者也夫人神本固也而勞之則  
漓氣本聚也而勞之則散善養生者於其賦畀之初  
非能有所增益能勿使漓且散焉而已世之君子牽  
於利慾既徃徃自戕其生而其貪生之過則又惟方  
士之說是信卒以耗其神而暴其氣蓋二者所爲譬  
之挾策與博所趨雖異而亡羊寶均今翁外有以逸  
其身內有以逸其心又自謂無所養而卓然不惑於  
方士之說其神氣固已全矣宜其踰耄而康強如少  
壯也持是以往翁之壽豈有涯哉十一月二十六日



維翁初度之辰銀臺及山張公謂階及司徒長白李公司寇石淵傳公廷尉石溪駱公少宰南野歐公曰吾屬與司空舉進士同年翁之壽不可無賀於是相率奉觴於翁而命階爲序夫翁所謂逸豈獨足以自養其生哉階故樂次其說以傳欲養德者或有取焉已

賀一竹趙翁暨配汪孺人雙壽序

今年冬

天子遣近臣冊藩王之當封者於天下而諫議桐城趙君得河南之崇藩將以間歸壽其父一竹翁

世襲集

卷三

士

章

母汪孺人蓋翁春秋七十有八而孺人八十一矣翁性剛直慎許可嘗爲進士業連試弗售棄去養其母築園所居之後植竹數千挺數召知舊飲奕其中若與之甚狎者及客去輒撫竹歎曰可與惟此君因自號一竹老人孺人出名族其始來歸翁貧而好修孺人賢能佐其志諫議之少也翁教之嚴或時不憚孺人必泣語諫議翁之所以訓戒責成者諫議用是篤于行而工於文領南畿鄉試第一舉進士拜刑部主事改禮科給事中遷工科給事中有聲籍甚明年正月日當孺人設悅之辰而諫議適持節衣錦

歸奉觴堂下諸縉紳與諫議生同鄉仕同朝者相與言曰茲趙氏之家慶也請予文爲賀予竊有感焉蓋昔聖王設爲庠序學校以成就人才而需其用三代以降政熄教微人才之生於所謂庠序學校漫無所得而獨藉乎家庭之訓故于時隱君淑媛雖其身無所與於政教之責而人才之成就恒必資之然而視昔庠序學校之所就則既寡矣及世愈衰所謂隱君淑媛又不可多得於是人才之成就益難朝廷需用之途益隘而其所資於隱君淑媛者亦益急然則今之世有能成其子以需朝廷之用若翁夫婦者其壽考健強以享子孫之奉固邦家之光不可私以爲趙氏之慶也近時公卿大僚憑藉寵靈冠服足以爲親榮祿入足以爲親養聲光氣焰又足以庇其三族疎動震懾乎其鄉之人視諫議君所有相去不啻什百然率泯沒漸盡或爲後所詆譏而一二賢者當其仕于朝若落莫不足慕乃其名獨炳然久存至其親亦藉以爲重即趙氏之家慶殆不得以持節衣錦世所謂榮者當之也而予尚可以爲賀哉雖然世所謂榮固不足道乃翁夫婦以其身繫邦家之光者不可無述也遂書以復諸縉紳之請俾凡父若母知所以

世襲集

卷三

士

章

成其子焉

贈海村劉君擢貳南太僕序

國家建置封內蕃馬厲兵以待非常自冀北之野以及秦隴汧渭齊魯宋衛之墟莫不有官自孳牧印俵解納以及寄養充給莫不有法其散之營衛則凡騎操之厲禁煩細纖悉莫不備具而又於南京設太僕寺以督課稽察之夫固宜馬政畢舉當寧無皇之憂而有志之士不至於慨想思減而不得見矣邇今顧大謬不然萃生寡而買補艱牧地失而朋養累印俵繁而作息擾解納遠而勞費滋寄養不均而貧

世變集

卷十三

古

禮

弱困其在於民既不勝其苦及一旦入於騎操之手則剪豆竊而羸瘠多倒死頻而兌給數營衛之所有不可以戰而養之內地者廐園日以虛國與民由是交病則無乃督課稽察之者未得其人歟夫魯衛之國在春秋時微甚而楚立之達野之牧詩人歌之列於頌雅至今以為美談豈不以畜文魯僖能用其最爾之地與諸雄爭衡者恃有此哉然魯衛之道威敵之具其難緩急之所繫不待智者而後知也予嘗檢校會典究意時務觀其源委未嘗不往來于中獨念以爲此書生之書而實動數十年不可而

皆有所不得爲也予於是三歎焉今年春海村劉君以吏科都給事中擢南京太僕少卿君之官實以馬爲職而君冲和簡直操行秉心要歸於忠厚至臨刑害與可否事則侃侃不可奪嘗爲兵科給事中司馬之議於馬政之利弊詳而君又魯人汧汧渭之墟望桐野之迹以考其蕃息盛衰之自昔者懸論而臆說者當職受任必有所舉措以慰

聖天子簡任之意矣予所謂督課稽察之得人茲聞其會歟夫理國之術譬之治絲置之則禁終不可解而急之則斷今日馬政習故則國與民愈病變革則

世變集

卷十三

古

禮

又有所不得爲於此有人焉就事而爲之處陰去其弊而陽無所改於其名庶幾有濟乎此予所深望於君也方君爲吏科時所言官人之法蓋累疏矣其大者如疏通貢士薦起遺逸予非讀之未嘗不歎其達於世之務也誠持此以佐太僕何有於馬政哉於其行遂書以爲序

賀太史胡君子文二親偕壽序

嘉靖己酉太史胡君子文自豐城水陸行四千里迎其父東洲翁母徐孺人以養于京師其明年四月廿九日翁壽六十而孺人亦以是月廿一日壽六十二

於是君請于予曰願求所以爲吾親榮者始予督學江西君與其鄉之多士旅試南昌時年蓋十五六予得其文奇之後數年君領鄉薦第一舉進士改庶吉士讀中秘書予適謬領教事君進學甚苦而尤有志乎經濟之業予則又奇之其迎養其親也予嘗語之曰自古父母之於子莫不有榮已之心而所謂孝子亦莫不有榮親之願然而不可必得故曾子爲吏祿不及釜而心忻忻毛義捧郡檄喜動顏色誠以夫致之難也今君爲

天子文學近臣得以其祿入與夫太官之饌奉二親

而養之乎玉堂之邸其榮則可謂至矣亦嘗思所以報乎君曰唯唯夫君爲

天子近臣以得養其二親此予所謂至榮也而君復欲求所以爲之榮者豈以是爲未足歟按字書草木之華曰榮今夫草木之華悅于目者多矣然未必適用即適於用未必至於一日不可缺其適於用一日不得則不可以生者惟五穀爲然古之人以富貴爲草木之榮華又以文章比之春華夫富貴儒者所不道乃若文章固吾人所朝夕俛焉以爲之者也然猶曰春華已耳則所謂秋實必有所在以君之志乎經

濟也宜其不足於予之所謂榮矣予聞東洲翁性孝友淳樸蚤攻舉子業有聲數奇無所遇稍仕爲遠藩引禮卽棄去家居惟讀書課子不殖生計而孺人賢克佐成之審如是其於所謂榮者豈無辯於中乎敢遂以諗之

### 送憲副雙臺林子督學湖南序

國家之制聚民之俊秀者居之庠序而屬之學官使教之又命憲臣督課其勤怠簡厥有成者貢諸鄉登諸禮部而薦諸天子其不能者汰黜之督學憲臣者固士所由升黜而禮部所資以得賢也然自詞章

之學行所謂憲臣率以文督其學官教其弟子故其所業雖幸中於程式而心與行則漸以趨於僞一旦授之政棄其所誦習若弁髦者有之矣嗟乎學官者於其庠序之士得教之矣而不獲與於升黜之柄禮部合天下之士三試之第甲乙而薦之蓋獲操升黜之柄矣而不得舉古人所謂學者與之朝夕討論以致其踐修之力故學官者常病於力不足爲勸懲而禮部常病於教之無素乃若有其力又得巡行庠序問躬督課其所爲業惟憲臣爲然而吾顧未見有舉古人之學以教焉者然則朝廷雖欲得賢而用之

終無由也。雙臺林子以嘉靖辛丑進士改庶吉士。選不應華要之選爲屬官於禮部者十年。簡靜介特無所求於世。世亦鮮知之。今年秋始自儀制郎擢按察副使於湖之南。董其學政。夫禮部之不得素教天下士。林子嘗與予三歎於斯矣。則予今日所望於林子與林子思以爲。朝廷得賢之地者將遂如近時所爲已乎。今士所不齒於清議者有三。曰貪墨。曰淫刑。以逞曰急於進。而三者之害急於進尤大。蓋彼二者固所以成其進之急也。以林子自守之節如此。舉以督其學官。教其弟子。吾知湖湘之間凡學焉者皆知薄利祿。重名檢。以庶幾乎古之人而他日頌朝廷得賢之盛者。將自林子始矣。予於是深幸焉。爲次其說以贈。

賀有懷先生唐公七十序

昔者聖王之治天下。既舉其俊髦。委之政事。使各究其用矣。及其老也。又養之太學。至爲之袒而割牲。執醬執爵。僂僂然如子弟之事父兄。夫是以貴德尚齒之教行於朝廷。而其民亦相與習爲敬讓。不知俯仰升降之爲勞。拜稽之爲屈。以成其老老長長之俗。降及後世。所謂士大夫之賢者。既不得有爲於時。而其

世經堂集

卷十三

七

何金

耆老又或受其播棄。沒溺困踣於閭閻田野之間。其政治風俗。因以大壞。予每上下古今。未嘗不喟然於斯也。今年二月十有二日。爲有懷先生唐公七十之辰。公舉正德庚午應天鄉試。知郴州。歷戶部員外郎。郎中。遷永州太守。身有古子男之封地。與所稱刺史之榮。而公又在郡久。有德於其民。民戴之若慈父。不可謂不用於時矣。獨其倦而歸也。未獲從三七五更。以享太學之養。思古者或有憾焉。然公雖不獲養於太學。而其初度之日。鄉之羣彥從其子太史君遊者。莫不奉羔酒稱壽於公之庭。其俯仰升降稽首而有以先之耶。

世經堂集

卷十三

太

何金

今上聰明睿智高視遠覽。禮文之事。追復古初者多矣。惟所謂養老。廷臣莫或以爲言。故其禮未之能復。而高年粟帛酒肉之賜。猶時時見於詔令。蓋上貴德尚齒之心。得於天賦如此。誠有舉三代之典以告者。

上固將忻然從之。而公年始七十。其享割牲饋醕之奉。殆未可歲月計也。予叔父昔與公同領鄉薦。予又

與太史君交最稔故序以賀公太史君博學篤行名聲聞四方年未四十家食大臣屢薦之不召然上意將老而用之非常情能測也今而後公壽益高太史公亦起佐

天子盡展其蘊蓄以壽天下予尙當爲公賀之

### 會試錄序

嘉靖三十二年復當會試天下士禮部尚書臣德右侍郎臣如霖以聞于時左侍郎臣陞遣祀承天木還而臣如霖有二王之婚禮適正月乙巳詔以吏部左侍郎臣文德知貢舉二月癸丑詔臣暨學

世學集

卷三

序

庚

士臣銑司校文仰惟

皇上取賢歛才與圖治理垂三歲一開科作興修飭視庶政特重若茲舉也臣自

上左右臣文德自銓曹以從事於場屋德意所嚮

重益有加矣臣謏薄不足稱任使獨念人臣之義莫

大乎以人事君臣幸受知聖明眷遇拔擢恩同天

地身無能爲報如竭其心力得士焉可以備他日亮

工熙載之用庶幾仰酬洪造於萬一遂不敢遜避而

以甲寅偕臣銑臣文德同考試官修撰臣元立編修

臣份臣景淳臣春臣思謙臣鏗孫臣居正臣杰檢討

臣世芳臣燦臣大韶都給事中臣良翰左給事中臣思靜臣登之郎中臣載鳴臣應魁主事臣鏘監試官御史臣南金臣炳然及諸執事陞辭入院越丙辰已未壬戌合士之前後貢於有司者四千四百有奇

如故事三試之癸酉遵聖斷取四百人梓其姓名

與其文二十篇彙爲茲錄將以甲戌之旦獻諸闕下

始在館局嘗購往時所謂舉業之文觀之大抵宣

德以前其詞簡而質弘治以前其詞雅而暢至正德

間其詞蔚以昌矣然厭棄師說而流於詭僻驚於恠

奇者亦間有之乃今閱多士所爲文率能發揮所自

世學集

卷三

序

庚

得而實未嘗違背經傳及逸而出於繩墨蓋我

皇上繼天立極道隆君師敬一之箴五箴之註士相

與誦誦服習已非一時久道化成理固然也臣自甲

子迄於辛未屢爲之撫卷嘉歎以爲人才之盛如此

凡亮工熙載之用皆將於是乎取之而不窮竊深自

慶焉既而思曰多士之爛然在臣目者文也其亮工

熙載卓然著於用世者行與業也自進士之科立士

豈無聲實相副如唐宋璟張九齡裴度陸贄宋李沆

王旦韓琦范仲淹司馬光歐陽修諸人者乎抑豈無

靜言庸違文有可觀而人無足稱者乎使多士能爲

文能以行業著於用世臣則可自慶矣不然是臣欲藉以報主不可得也於是又竊有深懼焉謹因錄成恭述 德意而併及臣將 命之心以示多士書有之萬邦黎獻共惟帝臣夫 聖人在上固黎獻所願出而有為之時也矧夫豫教素養於學校而又設科以求之若是其重者耶多士有感於曠世之遭作人之澤則夫交相戒勗以期光贊 聖治而因以釋王司之懼者殆弗容已矣臣不佞方日望之

送宮保宗伯毅齋先生孫公致仕序

自古人臣之事君難矣然未有難於事英王者也英

世權彙集

卷十三

主

記

王之馭臣其明不可欺而其威不可犯明不可欺故無其才則不容竊其位竊則有不任職之刑威不可犯故任其事則不敢言去以便其身圖言則有不為用之責而凡貪冒倖進雍容養重之計皆有所不得施然則士生其時欲見任用位通顯而其倦也又獲謝其政以優游於水泉林壑之間進退去就舉如其志此豈可以易得哉是故事英王難也今

皇帝受命中興內舉禮樂宗廟之事外攘却四夷夙夜勵精以事臣下程功課能莫得為苟容其或疾病乞去往往見責以大義無敢輒言者獨毅齋孫公

自在翰林即受知及以宗伯歸

上手詔召掌詹府進秩太子少保眷寵出羣臣右而頃者公再疏以疾告

上特許致仕 賜乘傳 命其子鄒事克弘扶持以歸公之進退去就於世所謂難者何其異也公為人恬素修謹有古人之節而其心表裏洞達出以語人入以語其妻子不能為一語偽

上實嘉公之節而諒其誠故其初也舍在廷之臣起公于家屬之儲貳之重而其後也聽公之去而不疑益公自結於

世權彙集

卷十三

主

記

上者素矣予於是得事君之道焉傳曰勿欺也而犯之又曰一心可以事百君蓋古聖賢所以為訓者如此而世乃曰臣以智自全嗚呼自三代以降臣之號為有智者務巧辭曲說以徇君之意而固其寵方其未敗時莫不自謂得計一旦情見術窮率不免於戮甚者國家之事隨之以壞而無所逃於萬世之誅然則其所以自全者竟何如也公大臣也進退去就於世道有關焉予故舉以送公乃若道路之光榮如史所稱兩疏事與夫僚友惜別之情皆其小者不復道

賀封工部主事石林凌翁夫婦七十壽序

嘉靖癸丑某月某日封工部主事石林凌翁壽七十其明年某月某日配陳安人亦壽七十時翁伯子雲鵠爲戶科都給事中季子雲翼爲浙江按察僉事其仲某潛侍翁以孝謹稱蘇縉紳仕于朝者相與羨翁之福履徵予言爲賀予辱與都諫昆弟遊蓋嘗因凌氏有感於天人之際矣始翁以文行爲故太宰陸公所知太宰欲薦之翁力辭以免其後人字被逮門下士皆亡匿獨翁視其家夫以翁之賢縱使因太宰除吏豈遽有所貶損翁既不受太宰之薦及其坐法卽引身去之豈遽爲衛將軍翟廷尉所望而翁於彼則辭於此則不避皆世所竊笑以爲迂顧今三十年昔之緣陸氏以進者聲迹既不復存而其亡匿以幸免於難者亦莫或至於貴顯翁乃方與其配以高年膺 朝命之榮享子孫之奉不獨彼笑焉者以爲駭且慕卽翁之自計亦不及此此豈人所能爲哉大也古聖賢言天人之際多矣其曰惠迪吉從逆凶惟影響尤彰彰著明者也而世猶忽而弗畏其下者吾姑弗論卽中人以上苟有所挾未嘗不急於進而謹愿之士見患害如毫髮率棄義而思去之嗟乎彼以爲天者可以人力勝哉予故因凌氏有感也予嘗見都

諫言翁夫婦年雖高其視聽動履不異少壯而都兄弟風度論議士大夫咸稱之名位之盛有進進未已者天固將厚凌氏以爲世勸乎予又因天人之際重爲凌氏賀也於是乎言

賀封禮科右給事中張君序

臨洮張君仲澄少業舉子一旦若有所不樂棄去與其配吳耕于邑之野毅然自食其力其施於家孝謹其視世所慕悅與夫依違澠涇苟以取容之事一切不屑以爲居若干年子萬紀舉進士拜吏科給事中遷禮科右給事滿三載

天子按故事封君如子官吳爲孺人會給事遷知廬州將以赴官之便奉冠服進于君夫婦而斟羊醢酒以爲壽於是朝之縉紳相與謀曰張氏在隴西爲故家自君之祖若父咸以種德爲邑鉅人長者然而連世不顯至於君又不克顯於身及旣老乃始以子貴其發之遲而得之難如此吾屬詩以賀之其可哉予弟尙寶司丞陟給事同年進士也以詢於予予曰三代降而世教衰士之爲善率有計功謀利之心一不副則懈有能終其身不懈以止者吾見寡矣歷一世再世至於其身有不懲以懈者吾未之見也而獨君



為然方張氏之未顯也世豈無疑於天之報施懈其  
心於為善者乎今君夫婦封疑者以釋懈者以奮是  
於世教有助焉且夫士大夫官于朝例以三載封其  
親由國初至於今布素之家以子貴者何啻千萬  
然或指議其平生以為倖得或怨且置冀其失以為  
快而張氏獨以其發之遲而得之難為縉紳所慶喜  
垂之後世有榮聞焉兼是二者其曰可賀信也陟乃  
起賦詩而予干給事有交游之好因為之序君名淮  
仲澄字今年六十三吳儒人少一歲給事好學有古  
行在諫署依然著直聲其用於時而顯其親蓋方於  
世經集 卷十三 畫

是始云

賀都憲東洲屠公進秩太子太保序

今年夏四月左都御史東洲屠公以九載考績

上加公太子太保仍掌院事士大夫相與慶於朝曰

東洲公位一品矣於是少司徒前中丞倪公今中丞

馮公趙公率諸侍御徵予文為賀予為推本土大夫

所以相慶之意為之序曰國朝舉天下之政分屬

之六曹而風紀之司則專以屬都察院每歲奏遣御

史巡行天下及代還得考其稱否三載黜陟計吏六

載合京朝五品以下官考察去留之又得論劾其大

吏之不職其責至重如此故掌院事者率難其人而  
上下二百年間獨太康顧公安福張公淳梁戴公風  
采著於天下然數公者其在位皆不能久其官亦未  
有能至一品惟公恬淡之心清白之守剛毅直諒之  
節與數公等而在位滿九載加秩官保橫玉朝著之  
間則數公莫能並焉此豈偶然之故哉夫法者小人  
之所不便而執法之臣小人所深嫉也自漢以來小  
人之害多矣而莫甚於中官何者彼日在人主左右  
其讒易以入而所憑依者重其勢不易以制即在  
國朝往事之載史冊者可考矣仰惟

世經集

卷十三

美

皇上神聖英武總攬天下之政權悉自己出而待中  
官尤嚴至不敢出一語故功有所必賞則中官不能  
抑之以立威罪有所必罰則中官不能宥之以市惠  
天子以法付之都察院都察院秉法以事

天子安然得行其志而莫敢嫉焉蓋公之能久於位  
以至加秩者誠有所遭遇也漢王褒有言聖主必待  
賢臣而弘功業俊士亦待明主以顯其德故明良之  
遇自昔以為難而其不幸而不相值則雖孔明亦咨  
嗟歎息不得已舉而歸之於命然則公之遇

皇上豈非千古所罕見哉宜士大夫之相慶而不能



已也後有欲知

上之聖明請觀公之所遇欲知今日天下之平治請觀

上與公君臣之間

上春秋鼎盛公亦年踰七十而精神志氣不衰其相資以有為殆不止是也予雖不敏尚當為天下頌之

贈宮保大司馬雙江先生聶公謝政西歸序

階昔為諸生今宮保大司馬雙江先生聶公以進士知華亭進階而謂之曰小子知學乎夫學致其良知而已矣良知者心之本體也廓乎其至虛也而明生

世經堂集

卷十三

序

焉惟夫物以實之則昧湛乎其常寂也而感通焉惟夫私以擾之則窒聖人者葆其虛養其靜於所謂本體者未嘗失也是故喜怒哀樂發而無弗和舜受取與仕止久速以及禪授放伐夏臺姜里伐木絕糧凡簡冊所未前有之事應而無弗當成已成物位育參贊時措之而無弗宜而學之能事於是乎畢故學致其良知而已矣當是時進士之吏於江之南者數十人獨先生以約已裕民民愛戴之如慈母其後階嗣舉進士而先生召拜御史激揚剌舉凜然著不屈之節擢知蘇州飭吏治正風俗稱賢太守徙知平陽繕

城練兵虜不敢犯遭讒被逮禍幾不可救無戚戚不

堪之容及宥而出起為都御史未至遷侍郎尋拜兵書不邑喜在兵部塞請託之門嚴培克之禁力抗姦

兇事循舊章削去苛法士勸以奮指授方畧動有成功蓋先生所歷文武細釐其事殊險夷順逆其地異

而為之莫不有餘力處之莫不有定見階於是知先生之學真能致其良知而竊自愧情偷無能踐所聞

為門下諸生倡獨賴與先生同朝時時獲瞻望德容動其心而忍其性以為幸喜今年二月先生以疾乞

致仕 詔報允階既懦不能留又廢於祿不能繼先

世經堂集

卷十三

序

生自引去典刑日遠懼且汨溺而不自知也懇請於先生曰願賜一言之教使奉以處此先生曰予何言哉夫學致其良知而已矣予則久以告吾子茲何言哉君子之行或遠或近或去或不去歸之乎能潔其身使身苟潔也雖縲囚非辱也況於仕身苟不潔雖山林猶利藪也又況於仕子務潔其身毋嫌於迹之不潔毋自文其私以為潔斯可謂致子之良知矣階再拜受先生教退而銘諸坐間會諸門下士謀所以贈先生者階不得辭遂合前後所聞次序之為贈而因以為質期不敢負焉

涇野先生集序

道至孔子而極善言道者宜莫如孔子然孔子之言載於論語詳矣舉未有出乎日用常行之外而後世儒者則往往高深其說至窮微恍惚不可得而窮此其故何也道必有實得然後有實見有實見然後能言之不失其真夫道不遠人者也孔子得其不遠人者而見夫遠之之非道也故自不容遠人以言道後世儒者慕道之名而不得其實徒以億見揣摩議擬乎其間譬諸簞入之談珠玉以爲不極恆奇不足明珠玉之爲寶於是乎侈爲之說不知說益侈而其失

世經堂集

卷十一

序

張

真乃益以甚然則言道而遠人皆未能實得者之蔽歟洪惟我 朝建學造士一教之誦法孔子至於近時士尤喜言道意將發孔子之精蘊而羽翼其傳其趨可謂正矣然既久而各務以說相勝則漸以入於窮微恍惚而道亦漸失其真獨涇野呂先生不然先生自少至於卒無日不以學道爲心其歷官中外所至無不以聚徒講學爲事然先生之言平易簡質要在反身克己於其日用常行者實致力焉其他未嘗及也先生博覽強記自六籍以逮莊列百家之書問之無不響應肆其才力即窮高極淵爲驚世之語說

名之曰道宜無不可能垂之後來宜亦足以有述而顧舍而不爲嗚呼其於孔子信之篤矣論者或言先生資稟朴茂故其文不喜爲奇意不欲自立於峻故恂恂然與人語而不倦是豈真知先生者哉予往年與先生同在翰林嘗有志於共學未幾予以請告去先生亦出判解州嗣是蹤跡差池者十餘年比予再入朝則先生已致仕俄而計至矣共學之志卒莫副之然予每讀當世士大夫所爲文章反之於心證之於論語賸流俗而思大雅意未嘗不在涇水也今年秋先生高第弟子侍御徐君思行吳君惟錫相與集

世經堂集

卷十一

序

張

先生之文校而梓焉拔趙幟而赤之二君之心所以爲來學甚厚予故推本孔子之言道者序諸首簡使知先生之文果可以誦而傳如此先生諱柟字仲木高陵人官至南京禮部侍郎集凡若干卷

費文憲公集序

費文憲公集八卷凡爲詩四百五首文四百十篇巡按江西侍御吳君遵之所刻也昔歲癸未階瀕出公之門公嘗詔之曰文章可以觀人其文如長江大河則其人必能有所容受承載若如溪澗之流雖其清可以鑑然而爲用微矣階謹再拜識之退而考公之

文出入經傳平正弘博無一不如其言又退而觀公之爲人其度廓乎有容其氣象渾厚惇大足以任天下之重又無一不如其文於是始悟爲文之法而竊自幸獨獲聞公之教庶幾有所成就以無忝於門下士然又嘗疑之自漢以降士以文章名家者莫過於韓柳歐蘇四子之中柳文差傷於峭薄而此行與業柳亦在第四以是質公之言可謂信矣然柳子者翹然負秀出之資其所自待宜不甘於人下而顧三子之不能及此必有物以蔽之公於人品文章兼有其盛此必有以爲之本者于時階既未能叩而公亦不

世經堂集

卷十五

七

以告豈其自得之妙不容輕授姑發其端而使階深思而自識之歟今去癸未餘三十年公已不可復作而階亦向老進修弗力無以副公之教惕焉不寧於心然不敢以身之不肖使公之言沒而弗傳也刻成因論次所聞而并及所未能叩者以告後之君子相與思焉公歷官至少師華蓋殿大學士卒贈太保諡文憲故以文憲名集吳君能爲文有志行故其刻是集在公卒之後又以板藏於公之祠

送少司成文石朱君赴南雍序

自周衰而太學之教廢至國朝建學兩都設祭酒

司業羣天下之士教之以明體適用修孝弟忠信禮義廉恥之行而後藝文今我

太祖皇帝所製學規頒在有司載在國史固聖人之言而周之法也然士之學也出入於耳目則易而體之於身心則難師之教也取辦於其易則率沛然有餘而責之以所難則莫能有以副故其師之所教弟子之所習久而漸失其初獨規規詞章課倣之間相與指爲職業於是士不足爲世用而所謂祭酒司業者官雖尊其事乃無以異於學究予昔爲祭酒竊愧恥之思一復學規之舊而習俗之蔽已久姑卽其所

世經堂集

卷十五

七

爲舉業者與之講論引而歸諸身心于是時士方有所興起而予適遷官以去不克見其成就又未嘗不以爲憾也今年春南京國子司業缺詔以翰林檢討文石朱君爲之君學有本源且與予遊也久凡予前所云君蓋習聞焉而南監者我

聖祖所肇建也學規之頒實於是乎始君行仰誦訓謨儼然見

聖靈之在上而思以贊

今天子菁莪棫樸之化則夫學究之事予知君益有所不屑爲矣然予聞之周之士尚文其後也文日勝

而質曰漓鄙先進務色莊聽其言而不足以信其行是故教由之廢而孔子因有取於剛毅木訥之近仁自予去國子今十有二年嘗竊觀於天下文殆日以勝矣如欲行其教非矯世所尚激厲而裁抑之其勢不能夫剛毅木訥孔子所謂近仁之質也君誠得其人藝雖下必引而進名雖微必抗而使張厚以爲之禮勤以與之接斯矯世之術也昔孔子之有取於近仁也蓋將移易其士習而曾不獲列於學官之末而教卒不得行今君奉 明命西面以臨諸生意之所向莫敢不赴邇孔子之志舉而措諸行事固學孔子

世澤堂集

卷七

三

表

者之道歟館閣諸君子例有歌詩贈君子最厚爲論所宜施於教者以爲序嗟乎君之教有成亦予所借以爲寵也

### 送憲副內山張君督學湖南序

自邇年來南北用兵財與力胥詘而績効罕覩士大夫相與感額聚談莫不欲得才焉爲聖天子理財治兵以紓宵旰之憂然其求之甚勤望之甚切而所謂才者卒不可得何也人才之在天下譬諸嘉穀植於春而斂之於秋非可以懸想坐致也三代盛時羣士於學校擇人以爲之師教之仁義禮

世澤堂集

卷七

四

表

樂進之歲月以養其成故學校者其田也師也者農也仁義禮樂者其植之之術也三者具而人才出於是乎用之而不窮其大者足以輔世長民建平治之業其小者亦足理財治兵收一事之効蓋其圖之者預而爲之者慎以詳也後世學校存而教化廢詞章功利之習汨沒乎人心士之仕者於自爲恒厚爲天下國家恒薄故或才有爲矣而無其志志欲有爲矣而無其誠前之人以浮沉巧僞利其身而後之繼者術益以工趨益以下俛俛乎求理財治兵者而不可得夫理財治兵所謂一事之小也且猶不可得矧其大焉者乎有其田而治之非其人植之非其術此嘉穀所以不生而稂莠蕃且滋也故欲得才莫若明教化欲明教化莫若先擇夫司教化之人今中外之吏以教化爲職者非督學之憲臣歟督學者士之師也意所左右士輒視爲從違矧其體諸身施諸政事炳然著明者乎是故督學得其人而天下無乏才之懼矣張君內山自儀制郎出爲湖廣督學副使往予督學浙江識君於諸生中今與之遊二十年予雖甚淺薄凡告君者未嘗不本於仁義禮樂君亦不以爲迂而聽之其立心行已蒞官行政不爲矯激之行而

確然有以自守若之行吾知湖南之士當有所觀法成就他日出而用世不獨能理財治兵爾矣吾故不以君之遷爲賀而竊賀朝廷之得才將自茲始也爲之序以送之

賀封戶部尚書裕菴賈先生暨配李夫人序

嘉靖戊午春大司徒樵村賈公歷俸二品滿三載而時尊翁裕菴先生母李氏皆在堂年皆八十有四詔封先生爲戶部尚書李爲夫人於是士大夫相與賀先生而言曰凡爲子者莫不欲徵封命以爲親榮凡爲親者亦莫不欲及身之俱存被一命以稱榮於

世經堂集

卷十三

墓

前

間里然而鮮獲遂焉幸遂矣有及見其子之屢遷者蓋加少焉至於金紫又加少焉至於六卿則子之位極矣而猶及以偕老受封命自葉城張氏以後於先生僅再見也豈非家之大慶人情所深願而不可得者哉予始聞以爲然既而思曰氣運與治化相爲盛衰而人之得是氣以生者其才之高下福履之厚薄因之當治化之盛也天地之氣凝聚而完固時則有異人者出或以雄才偉畧佐天子出治於廟堂之間或以高年碩德享有子孫之奉於山林之下而其得氣之尤厚者則又合是二者以出於一家乃在衰世

則不然譬之物之於春也乘氣之至以阜蕃於秋也值其既返而萎落蓋理與數然也洪惟我朝高皇帝用夏變夷功高千古

列聖嗣統子惠兆民後先一道至我

皇上綏之以仁義文之以禮樂治化之盛庶幾唐虞而張氏賈氏相繼以出於畿輔之間先生夫婦內能睦其族外能恤其鄉年雖高強健與少壯等樵村公弘毅直諒歷官三十六年所至有聲績嘗以節鉞鎮三邊虜不敢犯

上以爲能召拜司寇會方有事理財以非公莫可任

世經堂集

卷十三

墓

前

改司徒其父子間才行福履又俱出張氏上非天地之氣應時凝聚而先生適得其尤厚其孰能之然則今日之事乃我國家治化之徵非賈氏之私慶也顧獨以爲先生賀不已隘歟明日予從同年太宰默泉吳公司寇淡泉鄭公御史大夫崦山周公少司寇東橋楊公少司空戈山張公具羔酒升先生之堂遂酌以飲先生曰先生克崇其德以與時會爰偕其配拜茲榮賜於

明天子敢以賀先生之遭又酌以飲公曰願公知榮之所自以無忘圖報且以衍賈氏之慶於無疆退次

第其說告諸史氏之紀盛治而傳名卿者

兩厓集序

予每讀近世士大夫所爲文章恠其說理者或失之腐騁詞者或失之浮好古者或艱深而難知銜博者或泛濫而無統間以評文衡之所載於四者之病亦多不免焉未嘗不歎文之難工而古作者之不易以及也今年春始得兩厓朱公集讀之公爲文根本性命發抒學術上取正於六經下取材於諸子乃其矩度則取法史漢參之韓歐是故雄深博厚平正典雅而鏗然之音蒼然之色自存乎其間予亟歎曰文固

世經堂集

卷十三

序

明

在茲乎文固在茲乎然予與公同舉進士公以太僕引疾家居予實薦爲御史中丞又同在禮部號爲知己顧其時方以行業相砥礪期有所建立仰報明主然後以其餘閒致力於文章以與名賢相馳逐於翰墨之苑而未幾公罷官以去故雖與公友三十年乃所謂兩厓集者迄於今始獲見焉則夫高賢異能之士伏在巖穴予不及知其名而索觀其文與夫厚自珍惜藏諸名山予雖知其能文而未及見者多矣其又安敢以見聞之淺狹遂誣斯世謂不逮於古之人哉自公歸通山今又且十年予既不克再起公

以竟其用而予亦抱病退焉惟丘壑之懷倘荷

明聽其乞去雖老矣尚當從公於翠屏龍巖間相與切磋討論以畢曩日之願其或有所得雖甚淺薄不能以事功顯於朝廷猶庶幾得以述作自表見於林下與公同垂不朽敢遂書集之首簡用訂期於公公名廷立字子履兩厓其自號云

壽節婦封太孺人劉母都氏六十序

嘉靖戊午侍御河南尚君行縣至長洲其士民以今封太孺人劉母都氏之行言於君曰太孺人始歸贈瑞安公爲繼室年蓋十有七後十年而公捐館舍太

世經堂集

卷十三

序

明

孺人嚙檠茹荼撫公元配之子今給事畿暨其子坊堪相繼有成立今年五十九矣其貞心苦節世既莫與之齊而能成其子以亢其宗則雖古亦未之多見也惟制守節踰三十年者得旌其門敢列狀以請於是侍御爲聞於朝明年詔有司旌表如故事而十月十一日適太孺人六十懸悅之辰鄉耆紳相與造予乞言爲賀往予讀國史見其稱給事高祖少詹假菴先生介特自守勢權之地雖故舊絕迹不往竊念以士風之下甚矣如先生者雖其人已不可作得見其子若孫庶幾先輩之風流猶可想見於一二



久之識給事朴而文正而不激至於今又聞太孺人所以守其身成其子者炳炳若是喟然歎曰何先生之教行於家者遠也然先生在天順間天下想望以爲相而不果副先生歿嗣孫湯溪公位不及顯瑞安公亦以早卒人方疑於天之所以報先生而給事母子出焉其賢足以振先生之芳塵而其壽與祿又皆進而未已也予於是見天之道君子之澤惟久而後定故其發必昌遠而不亡故其流益演迤以肆而彼責報於歲月之間者斯陋也已夫事無益於世教雖美弗足書矧足以賀今以太孺人之事究觀其前後

世經堂集

卷十三

墓

通

壽宮保大宗伯毅齋孫公八十序

天既純佑我

皇上億萬壽無疆而士之膺夢賚由嶽降者亦多蕃祉耆老其在朝者姑不論乃若謝政而家居太宰增城湛公年九十四太宰四明聞公年八十一我太子少保禮部尚書兼翰林院學士毅齋孫公年八十其

尤著者也公舉正德辛未進士官翰林歷事  
毅皇帝

今皇帝其述作之功在史館啓沃之益在講筵而惠澤陰被於天下流及後世乃其人則所謂身不勝衣言不出口望而知爲正人君子者也自公引疾歸于今且十年鄉里之後生日得瞻顏色接論議相與去躁釋邪長善而成德若飢渴之飽寂粟飲醇耐若當炎暑爽然濯之以清風若在清廟之中聆琴瑟之音以和平其心志古稱賢者其君用之則安富尊榮而子弟從之則孝弟忠信若公者所謂其人非耶公年雖高然予每得其書動數千百言詞氣與少壯等以理推之公之壽殆未有涯矣夫出諸身法之人謂之教其相嘘之久也則風成焉至其相沿之久也則俗成焉吾鄉固多秀穎之士如是而得公久爲之儀刑孝弟忠信之俗其當遂成乎予於公之壽有深幸也公以十二月十二日爲初度之辰予既不克奉羔酒從諸鄉縉紳賀公於堂會兒子璠予告歸因使道予所私幸者再拜以獻昔文潞公爲耆英之會司馬公少十餘歲特引與俱重其人也予雖不敢僭擬昔賢然辱公鄉里忘年之愛也久異時儻得乞身以歸

世經堂集

卷十三

序

通

觀於俗樂公教之有成而又進而獲侍几杖追洛社之遊夫豈非至幸耶敢遂因壽公頌以爲請公尚忻然而許我

### 浙江通誌序

浙江故未有通誌今爲誌若干卷凡若干萬言總督軍務太子太保兵部尚書梅林胡公謀諸巡按御史際巖周君春洲崔君聘前提學副使方山薛君所輯也往予督學於浙巡按御史西墅張君嘗屬以誌事予竊自念浙於今爲首藩自昔大夫士所爲詩若文流傳四方視諸藩爲盛非獨作者工也蓋有名勝之

世澤集

卷十一

序

助焉以予淺薄如獲成是書託姓名於不朽夫豈非平生之至幸於是盡哀郡志偕今南京兵部尚書克齋李公今禮部右侍郎兼翰林學士潯陽董公相與考訂而編次之業既有緒會有以私撓者予亦適值遷官以去遂不果成迄今三十年追惟舊草未嘗不喟然而歎也自倭夷入犯以來東南繹騷調餉發兵王上數爲之旰食梅林公以御史首被簡擢建節握符以平賊爲事連師百萬統地數千里計擒力討宜日不暇給而乃有餘功以成茲舉固公雄才偉畧自大過人者抑造物忌名非予淺薄者所能竊歟然

予聞之誌之體與史相類其要在紀政治之得失垂諸後來使足爲勸戒非徒炫博逞奇已也浙之事其在古昔予不暇論姑舉耳目所見聞宋素卿之變倭患已萌蘖矣而時縉紳溺於宴安莫或以爲意其後降璽書遣大吏

上蓋深注意於備倭矣而任事者考之不詳處之失當乃更以啓侮論者每追咎其然而痛恨於救之弗及然此猶往事也今民已困窮而寇來之端未杜欲罷兵則有不可測之憂欲養兵則有不能勝之慮公爲政於浙亦既竭其心力矣乃若調維補苴以求善

世澤集

卷十一

序

東

其終也非所望於後之君子乎是故觀山川之形勢可以得戰守之宜觀兵數之多寡可以識選練之術觀戶口之登耗田疇之蕪闢風俗之醇澆可以動樽節愛養之思又遍觀於前軌之得失而其庶政各以時修焉是公作誌意也予辱公命輒爲書諸首簡

### 御史大夫思質王公奏議序

御史大夫思質王公奏議以類分者七以卷次者二十二以篇計者三百七十有奇其子藩叅元美儀制敬美梓以示予予讀而歎曰自古稱文章以能經世爲貴奏議者蓋經世之具也顧天下之事有所因於



前則補緝潤色其術易工而創始者每難於定畫庶富強之業者其策易建而承積衰之勢則振起難於為謀經世之効夫固未容以數觀矣當倭奴之始入寇吳越之人久不習兵革而倭舟往來海中瞬息千里巧銳利刃其鋒不可當上下震駭莫知計之所出天子南顧歎息舉浙以屬公公至始為之議守是以有建城之疏又始為之立法是以有賞格之疏又始為之計食是以有留民壯折銀之疏又始為之置將是以有宥罪之疏又始為之誅首惡杜接濟調客兵嚴會哨擇守令是以有條處海防之疏其事不同昔無所因而創為之者也北虜自庚戌以後氣驕聲張將上聞傲輒戰懼無人色而彘顏諸夷規利伺便陰與虜通厚賞之則慢以侮絕之則怨以叛公督餉遼謂兵不盛則內益恐而外益肆是以請濟師謂餉不足則未戰而兵已疲是以請處月糧又請給本邑謂器不具不可以戰守是以請給神器謂將不擇不足以與圖功是以請更置謂謀不素定不能以應猝是以請據險要請專責成請明探報請撫屬夷謂卒不練不可以必勝是以請選遊兵將領其事不同皆承積衰之勢而振起之者也乃公之言莫不中機宜得要

領其弘規遠畧足以奔走一時之人先見曲防足以制伏姦宄之心而奪其氣蓋公智識明故於幾牙無不燭問學博故於人情物理無不通而又感先皇帝特達之知殫忠致誠圖所報稱詢謀周而計慮審故見諸奏議如此宜其授則中為則成不必有所因而南殄倭氛不必席富強之業而北紓虜患以功名顯於朝廷也昔蘇文忠稱陸宣公曰智如子房而文則過辯如賈誼而術不疎若公者其宣公之儔歟然公始被特簡其言於上無弗從其於戰功有所指擬無不副即古明良之會無以加而其後羣小不悅交肆詆誣以請兵為寇國以告急為脅君則公勲業遂以不竟而且及於難視宣公為裴延齡趙璟所毀貶死忠州繫孽相類而酷過之此所以讀公奏議者亟服公經世之才而扼腕撫膺深致恨於小人也公歿後四年向之害公者相繼坐法誅斥又一年今皇帝登極藩叅兄弟扣關訟公冤詔復故官而奏議亦遂大行於世於此見我國家聖聖相承過唐德順遠矣予故遊公父子間輒以藩叅請序公奏議而并及其所遇於兩朝者使後之

人知所勸戒焉然則茲刻殆不獨爲王氏一家之書而已

世經堂集卷之十三

世經堂集

卷十三

聖主

何至

世經堂集卷之十四

記

華亭縣新建名宦鄉賢祠記

華亭名宦鄉賢故未有祠祠之者今監察御史邑侯永豐諸公也公舉正德丁丑進士來尹茲邑見其民有不獲所者爲節冗費抑兼併發倉庾以賑其窮見其民有信鬼好訟不率教者爲修學宮立鄉社禮儒生以振其衰又見其有不率者喟然歎曰聖人之道遠而未易求吾卽其近者以勸可乎乃博采史乘參互舊聞得前尹某輩宦之最最有聲者幾人某官某輩鄉之最賢者幾人將祠諸學宮之東西以風勵民俗而歲適大侵費無所於出公自捐俸若干鳩工始事太學生陸岳金山衛庠生劉因聞而奮曰茲義舉也成之在我卽公所規地建祠二間左爲名宦右爲鄉賢梁棟桷椳門檻之屬煥然以新丹漆粉繪塗聖之屬爛然以章蓋瓦級輒土石之屬翼然以整而二祠之前舊有隙地復就其兩旁各建樓五間爲絃誦遊歌之所閱五月工用告成時嘉靖癸未仲秋朔也季秋之望公舍奠祠下禮度肅雍品物明備一時吏士得於視者莫不鼓舞振作政有勗以舉其良德有勸

以底於成而邑之父老子弟亦莫不瞻望欣喜私相戒飭以無負公之教蓋一舉動邑幾化焉閱一年公以擢去廩膳生沈某輩若干人相與思公乃合而謀曰華亭東南壯邑名宦鄉賢代未始乏人顧湮沒百年而始祠於公又其義有以感人其教有以化俗皆盛事不可無記徵文於階階公門生也於其崇事始惠之意漸摩最深近嘗登鄉賢祠見其東隅有就圯而莫之葺者益歎公之賢能舉斯祠於久曠之後而後世或不能守之於既成之餘則二祠者將遂廢也川刻石以記曰後之人將爲聶公者耶不爲聶公者耶具可鑒矣

世經堂集

卷十四

二

宋

方齋記

作吾郡湖南鄭侯名其居曰方齋取易所謂敬以直內義以方外也侯少有大志年三十領鄉薦學肆以充行修以潔每舉動輒問義可否不隨俗俯仰於是鄉之學者信侯之能方也相與稱方齋先生云既五試春官弗得志謀於其叔文選公公曰君子貴行道耳必皆進士耶謁選拜令官就公求所以治松者公曰子無忘其方足矣又嘗指車而語曰輪之所以能運者以其圓也箱之所以能載者以其方也非箱曷

任非輪曷行雖然非箱無所用輪也圓其外而方其中柳子有成說矣子其圖之侯奉命惟謹既至松益自裁以義視其貌溫然不見喜愠之色而其中所以自守者確乎不可使遷而就也侯職在治農有以利弊告者侯曰是能使上下四旁舉無病乎倘有不足非絜矩之政也其精慎類如此嘉靖乙酉部使賢侯所爲命董京餉侯首令於衆曰吾與若實有一日之分今茲行也如家人父子然非有大小非有疎戚惟是朝廷之法在吾人之固於法也猶木之從矩也不可以踰吾食不過一豆衣不過裘葛吾祿皆足以

世經堂集

卷十四

三

宋

充焉寸縵斗粟惟爾司之吾無爾侵也聞者盡竦嘗署事上海又三署華亭一以方行之有諷侯少自貶者侯曰吾不能詭以媚人吾惟履方而行焉庶於心無愧也於是郡父老子弟皆信侯之能方相與稱方齋公云嗟乎方之爲義不明於世久矣物有則而不過是所謂中也情有制而不流是所謂和也中和者聖人之大德也而方皆有焉孔子曰七十從心所欲不踰矩故方者聖人之所俛焉而終身也侯其志於聖學者耶侯名直字子敬夫以敬直其內而以義方其外其所以用方者蓋有道矣今年春予既爲侯銘

其齋侯復欲得予記噫方如侯者固予所樂言也

### 海槎記

海槎者王君靜之之所自號也君世家上海觀於海而有感焉喟然曰夫海水之宗也聖人者道之至也故觀於海者難為水遊於聖人之門者難為言信乎海之似聖人也退而覽乘槎之說則又喟然曰吾得從張騫氏以浮於海副吾大觀之萬一於吾生足矣既徙居華亭華亭去海遠而君之思益甚因繪海槎圖朝夕覽焉以自適客有過君者指而問曰子之有取於槎也豈將逃塵俗而遊冥漠者乎夫道之在人

世經堂集

卷十四

四

海

與水之在地非有異同溝渠川瀆要之皆水日用飲食要之皆道大小差焉爾故行潦取於康公川流稱於孔子華亭之西瀦而為湖匯而為泖衍而為川其為道之寓也多矣苟有可觀皆有可樂豈惟海耶君何慕之深也君笑曰子之言知道矣而未知所以求道也夫道與水固無往而不在然而求其全猶恐其失之也而況於其散焉者乎今夫江不可以言廣漢不可以言永舉其一而遺其一道之所以失也昔者三千之徒蓋嘗登孔氏之門舉道之全而識之矣其既也得其一體而不足故君子之求道自其全者始

以其全者主之而以散者充之此吾之所以志於海而有取於槎也且子以吾之槎為何物也哉槎靈物也而人之心最靈者也吾將虛吾心以觀吾道之全故槎者吾所資以入於道之具也吾豈欲逃塵俗而游冥漠者哉於是客無以應予聞之始而疑終而若有契焉造君請記之君曰諾遂書於其上

### 竹村記

竹村先生少讀書長以家蠱棄去晚課其子紹先監先學厥有聞矣喟然歎曰吾以業付吾子茲其遂可隱乎買田構廬居涿溪之上率溪之蒔植竹萬竿清

世經堂集

卷十四

五

竹

陰素波相與環映課耕之暇卽而憩焉俗轍不至惡聲靡聞觴詠琴奕以時自適乃進二君謂之曰樂哉吾竹之為村乎彼汲汲榮利之圖以自貶戚於車塵馬足之下者其為心何如也又曰竹君子所以比德也是故中虛以崇智外直以端軌後凋以砥節吾老矣不能進於是矣樹高標而揚不聲其在子也耶於是二君迷以語余請為之記余曰懿哉先生之志歟何其與世之為好者異也古今稱好竹莫甚於王子猷子猷之言曰何可一日無此君而東坡蘇子嗣為之說其意乃在清俗肥瘦之間他未暇及也先生靜

淵以知事木訥以近仁貞毅以固守休德令聞擬諸  
所好可謂協矣而復惓惓焉惟子之繼承是望詩曰  
教誨爾子式穀似之懿哉先生之志歟能穀其子者  
也彼王氏之槐實氏之桂所以望諸後人者其無乃  
陋乎昔伶倫氏取解谷之竹以爲黃鍾之宮而樂是  
用興又竹鳳所棲也鳳之出天下以爲瑞二君之文  
使遇伶倫焉薦而起之協而奏之固將以鳴國家瑞  
天下而得先生爲之父信所以爲棲鳳之地者與枳  
棘乎異矣然則覽德輝而耀九苞之羽其殆可必也  
夫先生姓張氏名應祥字子善邑大夫士因其居而  
世經堂集

卷十四

六

稱之曰竹村云

望雲記

國子生項君汝清過予言曰某不幸數歲而孤又不  
肖無以養吾母吾兄漢汝潔者遊江淮間母之養資  
焉顧其心未始以爲安也蓋嘗語其曰吾非遊無以  
養吾母然遊非吾好也吾聞古狄梁公者望雲而思  
其親吾俛焉事商賈之業於茲有年矣山川之登眺  
道里之經歷不爲不多雲之接於目者其亦屢焉爾  
矣吾之心每有見焉雖不敢自附於公然未始一日  
忘吾母也又曰梁公之於唐猶仕而顯其親也吾生

也賤不獲顯吾母又舍而遊焉吾之心夫豈獨弗忘  
而已將愧赧咨嗟而不能釋也因自號曰望雲見雲  
焉感歎涕洟或竟日不懌其徒之從者見其然也相  
與慰之慰之弗能得也則相與歌詠而稱道之望雲  
之名徧江淮矣某重愧吾母之不能養而吾兄之念  
母者不置也乞言以爲之記夫天下之事苟有所服  
皆不可以強能其根於性無問智愚貴賤賢不肖皆  
可學而至充其量皆可以無愧於心而名後來者惟  
忠與孝爲然梁公之忠著於反正之舉而其孝也著  
於望雲之思固卓乎不可及矣世之人弗能於忠則  
世經堂集

卷十四

七

龍杰

每以不得位爲解至於孝宜無可諉又輒曰是愚不  
肖弗及爲賢矣智矣貴有位矣進之無聞於忠退之  
不能自致其孝猶夫人也視其貌安焉問之若有所  
限而弗能爲者豈非梁公之罪人哉而汝潔之遊以  
爲其母至所以念其母者又每於遊發之此其心固  
可進於梁公之孝矣有援之使仕忠或可幾也然則  
雖布衣何貶焉用書其事規於有位者

孫氏先祠記

孫氏先祠者碧溪先生之所作也先生名某字某世  
爲上海鉅族今去邑二十七里所稱孫家灣者蓋先

生高祖某以上皆居之後燬於火而曾祖某始徙居  
邑治之南歷祖教諭某考某以迄于先生之兄弟父  
子乃復大振然祠未備也正德丁卯先生以居讓其  
兄司憲鶴而徙居其右里許越十有九年嘉靖丙戌  
謀新焉進其子鄉進士繼祿謂之曰吾聞君子之營  
居室宗廟為先蓋其重也昔我曾祖續先緒之微茂  
功遺澤我後人至于今是賴而祠獨缺時則力未逮  
其心未始忘也君子於其先也將繼志焉矧其重如  
祠者耶遂即所居堂之東構祠三間高深廣各如其  
堂之度中列四龕左右以藏祭器華無踰制朴無廢  
世經堂集  
觀成而奠焉祿獻祝侑一準諸古邑之俊彥聞而善  
之曰先生於是有禮矣夫禮理也事得理而後成是  
故禮之亡也語遠天下失其紀焉語近一家失其則  
焉其存也天下且猶順之況一家乎古者聖人之制  
禮也自天子至於士皆有廟是故時而祭時而思所  
以教孝也過而趨入而肅然如在其上如在其左右  
所以教敬也孝敬具而家之則立矣家之則立而天  
下之紀繫焉矣世教既衰禮之為學弗而不治好古  
君子蓋嘗病之顧其弊莫甚於吳而尤莫甚於今日  
夫自庠序之士以至舉於鄉沾一命於朝皆古所得

立廟者也祠之設固廟之遺也而吾屬士大夫後其  
室而略於祠者間有之矣則豈非古之為禮也自天  
子達於衆庶而今也或不能達於士大夫歟且夫君  
子於其親不敢有死心者也是故象其有養也從而  
為之祭象其有居也從而為之祠祠弗備則祭弗虔  
祭弗虔則祭之禮亦且隨廢循是意也生事之禮能  
久無失乎予蓋竊懼夫禮之就亡而君子之教家以  
及天下者無其具也先生茲舉也信有禮哉先生方  
以世家為時望繼祿亦磊砢能文章將策名大廷躋  
膺仕使邑之人於先生或有化焉而繼祿又執是以  
為政則所謂天下得其紀者固可以推之而無難也  
予故樂為記其事云  
世經堂集  
卷四  
九  
唐君清之以適名軒既而曰夫適未易言也有周公  
之聖而後赤舄几几無失其常有顏子之賢而後簞  
瓢陋巷不改其樂某也何以能之惟古之君子不忍  
一置其身於有過之地而欲寡過又非樂放肆而畏  
拘檢者所能幾也吾惟志於飭焉使無陷於大戾其  
可乎遂更其軒曰飭大書以揭之朝夕以視之曰苟  
忘吾飭是負茲軒也君故都憲公從子門閥亂祚甲

於他族然能敦素以樹名恭儉以基德讀書藝文以世其業士與君遊者素已知其能飭比君以名軒也惕然益過差之爲慮每一言出輒曰是無乃與道悖乎道苟合矣又曰是無乃與時忤乎以至於事無小大皆然於是邑之俊彥相與稱曰飭軒君真能飭者也予聞而歎曰君豈獨真能飭哉乃善爲適者也夫天下之途二理與欲而已理勝則心常虛虛則舒以泰欲勝則心常窒窒則窘以懼是故君子坦蕩蕩其理勝也小人常戚戚其欲勝也君惕然日過差之慮積而久之理常勝而心常虛有不怡然適者寡矣昔

世經集

卷十四

十

表

周公稱克念作聖而自謂若游大川顏子之學曰不貳過非禮勿視聽言動所以用力於飭者豈其微哉知周公顏子之所以能適則知君之爲飭非迂也異日以語君君笑曰有是哉遂書以記諸軒下

竹溪記

松水秀而地多竹許君惟德居黃泥漕之陽其水特澄冽可鑑而君之性尤素好竹沿漕而植焉以萬計因自號竹溪予嘗過而憩焉煙霏之狀交乎前風雨之聲交乎耳蓋水若益秀而地若益勝喟然歎曰樂哉是君乎吾所願徙而家也退而考君之履其鄰之

更曰君故鉅族席富厚然於物澹然無所欲獨時時至竹下笑言詠歌以自爲適有古高人逸士之風則又歎曰賢哉君乎吾所願從而遊也比官於北北土寒雅不宜竹間或一見蓋蕭然數竿耳而水固不可得兼或兼矣其主人非戚里之豪卽黃冠緇衣率無足與語竹溪之勝未嘗不往來於懷而未由一舍此以去戊子秋君之子本中來與予會居一歲而別將歸所謂竹溪者益悵然懷之史事方殷欲去不可嗟乎今世所謂至樂者非以能適志耶予之志在溪山竹石之間而此身顧不得一日自出於塵埃紛擾之外然則予之適與不適可知矣茲豈非重外物者之爲累歟予於君又不能無愧也姑記諸竹上俟獲去爲君賦焉

世經集

卷十四

十

表

坦菴記

御馬少監宋君取君子坦蕩蕩之語題其居曰坦菴而語其徒曰吾昔讀是書以爲聖人者立教姑云然耳至于今乃知坦蕩蕩者非君子果莫能與而夫人之自役於戚戚也夫所謂戚戚者非必禍與患之云也凡天下之物莫不有主其大者莫如名與利而必欲過求焉則憂求之而必欲固守焉則憂守之而必



欲傳諸子若孫則憂是三者循環於胷中而始不能一日自脫於戚戚之境惟君子者無欲也無欲則虛虛則靜靜則平是故無得無喪無寵無辱雖欲使其心一日自脫於蕩蕩之境而亦不可得是故地一也君子為易小人為險遇一也君子為樂小人為憂夫固有以取之矣吾於所謂坦蕩蕩者雖未之有得然而竊有志焉苟非所可冀雖或與之弗敢受也矧其敢過求耶雖或得之弗敢有也矧其敢固守之又思以傳之耶故吾進無以踰人退而有以適焉其言如此子以為世之戚戚於名利者勞頓憂瘁既非人所能堪而其所求亦互有得而不得得之者既自以為能而忘其心之累不得者每自咎其謀之弗至夙夜焉益以累其心至其後或終於無得而彼得之者又或不久而失之是其向之戚戚祇以自病其心均之於身無益也宋君鄙戚戚以為不足為然予聞達人大官苟見君者必以為君子有欲薦賢而用之者必惟曰宋君其人君之心寂乎無所慕而名日以振位日以升無入而不自適焉然則君子小人孰得孰失抑又有辨乎是可為世勸也予故為記之庶後之人觀於是而有動乎其心焉

華亭縣修學記

雙江先生永豐聶公知華亭之二年百廢具興上下胥悅乃修學宮葺故創新具有成績天子徵公為御史又晉公作伯於蘇而于時尚未有刻石識者以為憾已丑春姚江陳君來以鄉進士乞典學事君之始拜命也階為言公作學勤導士懇有古循吏之風君歎且慕久之比至肅瞻廟宇周視黉舍旁稽載籍博詢黃耆進諸生沈東輩謂之曰雙江公之功也前此有之乎曰無有後此有繼焉者乎曰無有雙江公之成果無有也諸生則能忘諸曰諸生則何能忘顧公之功非文無以紀而諸生非其人也乃相與磨石構亭謀徵文史氏而未有所屬今年春階以謫歸乃幣而請曰子昔言雙江公作學之勤導士之懇也徠今得覩而考焉其工役艱其經費廣其綜理密其督課勞信哉勤矣乎修大成殿以崇本修明倫堂以立教作名宦鄉賢祠以端軌作講堂作號樓以居業信哉懇矣乎知雙江公者莫如子子無用辭階昔為諸生受業公之門又親見公之修學及官翰林嘗欲為公作記而公以書止曰是有司之職不足以示今傳後惟仁義忠孝吾與子朝夕所議論者



苟無負吾言則所以爲惠也階拜而識之不敢忘夫仁義忠孝豈獨階有是心乎公之爲政於茲也亦豈獨爲階言之乎而其所以作學而導士者又豈有他指乎凡有是心而不知求與戴公之功而不知服公之教皆非善事公者也然則穿碑峻址不足爲公榮深刻顯書不足爲公悅階不佞無以塞陳君之請輒敢申公意與邑諸彥反而求焉公名豹字文蔚正德丁丑進士修學之歲爲嘉靖改元壬午

泰寧縣重建察院記

我國家簡命御史以察於藩臬郡縣故其官獨以察爲名其所居之院因之曰察而其爲制亦必廣嚴邃密然後可以遠外譁飭內閑澄慮逖視以秩憲度而揚風紀非徒示崇重已也邵武之泰寧故有察院嘉靖丁亥燬於火御史按部至者率就藩臬之分司居之庚寅辛卯間知郡事丘君汝中以爲弗稱議卽故基重建焉會入覲不果壬寅春御史虞公洙邑歎曰吾之至於斯也凡政之墜將察而舉其良乃於院宜苟略之安以爲情首耶吾奉

天子命而來將察於有位使官居其職民居其業而居吾身者非其寓也則無乃邇之弗察耶議如丘君

之指以告分守叅議王公公贊其決乃以役屬典史金某而命推官吳君某綜其成工且舉邑人某等相與言曰御史公之爲院志在察也吾屬能無念諸旣又曰郡憲君率吾尉以親茲役凡以成御史公之志也吾屬能坐以視諸第其貲之贏輸金二百六十餘兩請代有司之費吳君重其義許而授成畫且勸相馬開若干日院以成告周垣重門上堂旁宇後寢下舍遊息之所扁茨之具弘規繼理罔不精備邑吏庶士聚而觀之由外以闕其中穆然以深由門歷階以望其堂閑然以肅登堂以睨其左右却而顧其後翼然以整廓然以容井然以辨蓋隱乎見御史之紀度而震懾於其察焉又不獨居之者可以遠外譁飭內閑澄慮而逖視也御史之有院與院之以察名俱可謂稱矣於是丘君屬某記某素陋無所聞知不能言御史之所以爲察者書之院壁以少飲羣公之美獨嘗思之察非明不能明者宜必貴察而昔人之論乃似謂明可有察不可用則夫明之與察固亦有辨而御史之爲察必有道歟然而不敢以臆而決也爲誌院之成遂以質於君子

封其官冰檠王先生憫俗之汶汶也士大夫之甘柔而不足以與立也思易之以其道耕於安成之野藿布素若將終其身間語其子今方伯兩洲公曰冰天下之至清也人之心亦清也而欲汨之則日昏檠天下之至苦也人之情畏苦者也而欲乘之則日流是故君子動心忍性之功不可以已也又曰冰清也然而物之寒者莫冰若也檠苦也然而檠之良者莫檠若也夫苟清之慕則何所辭其寒苟良之求則何所辭其苦吾之志辨此也久矣子其勉之既方伯公舉進士拜司寇屬改官銓曹先生數以書申昔所告

世經堂集

卷十四

六

成

語者于時

武皇帝在御多權貴人縉紳之士不折於勢則沒於利惟公毅然無所汗屈

今皇帝嗣位公自內艱起司銓進退黜陟不可干以私自文選佐兩京太僕改貳太常倂俱論事與當軸者意不合立棄華顯來為此藩叅議再轉至今官天下益以公出處大節知公能自勵不移於俗而因以徵先生之教曰先生是可謂冰檠者雖然階聞之五音比而後和五味濟而後調濁不可與清對而太清者隘之弊生焉甘不可與苦對而過苦者節之凶出

焉是故古之君子將大有為於天下能使頑夫廉懦夫立而不廢其藏垢納汙之量能使盜言醴交無所於售而和風甘雨之度人亦愛且慕之不衰蓋所以用其清苦者如此方伯公律已嚴然與人和取善恕士始見公者不敢懷非義之心退而固有怨惡所謂善用其清苦者非耶然則非先生不能成公之高非公不能究先生之大信先生之父子賢於人者遠也於是先生作冰檠軒成而階為之記

讀書臺記

讀書以為學也學也者以學為道德也雖然讀書以

世經堂集

卷十四

七

張華

學為道德而道德者非待書而後有也其所謂道德亦非有二物也夫所謂道者非父子君臣夫婦兄弟朋友之倫耶是倫也生而所必有者也所謂德者非仁義禮智之性耶是性也生而所固有者也是故道也德也非待書而後有也道之行於父子君臣夫婦兄弟朋友也其藹然有恩者是之謂仁其截然各得其宜者是之謂義其燦然有文昭然有辨者是之謂禮謂智而其合而名之也謂之德恩也宜也文也辨也隨其倫之所在而各著焉以篤父子以正君臣以睦兄弟以位夫婦以合朋友是之謂親義序別信

而其合而名之也謂之道是故道也者德之散見於五倫之間者也德也者道之全體於一心之內者也非二物也而世之讀書者習其詞旁通其訓詁食奇務博以爲道德獨存乎簡冊之間而不知其舉吾所有者以爲訓句爲之析字爲之辨支離穿鑿以爲此道也不可以言德彼德也不可以言道泥其名之異而不知反其具之同嗚呼此其自誣也不已甚哉而尚可謂之學乎古聖賢之有書也始於唐虞終於孟子舜之命契曰父子有親君臣有義夫婦有別長幼有序朋友有信舉親義序別信屬之乎父子君臣夫婦長幼朋友之身而又言道而不及德孟子之言曰無惻隱羞惡辭讓是非之心非人而又言德而不及道孔子生乎其間子思子述其意而爲之言曰天命之謂性率性之謂道然則所謂道德者斷可識而凡讀書者亦可以得所學也已大叅龍津黃君作樓於其居讀書臺之故址儲書以遺子孫而仍其舊名曰臺屬子爲記子既病夫世之讀書者往往入於自誣而君之子應春又方從子學故爲言所以讀書者如此今而後凡嗣君之緒登君之樓思讀君之書者苟有省於予言其於書也庶不爲徒讀矣夫

世經堂集

卷十四

七

張華

重建了齋先生祠堂記

自孟子沒而養氣之學不傳所謂豪傑之士狗國之臣薄死生禍福以氣節自奮於流俗者蓋亦世有其人然而其氣或慷慨悲壯一發而遽衰或愁苦憂思遂敗而不振其故何也長江大河百折必東而溝澮之水朝盈而夕涸彼其於浩然之氣養之不素而所謂慷慨悲壯者特出於一時感憤激觸之所爲則不必因踣流離之狀足以動其愁苦憂思而敗其氣也苟出於有所感事往而氣亦平出於有所憤怒忘而氣亦索出於有所激觸勢定而氣亦沮矣矧撓之以憂患乎若了齋先生陳忠肅公乃所謂善養浩然之氣繼孟子而興焉者也先生沙縣人宋建中靖國初仕爲右司諫以論蔡京卞之奸罷監揚州糧料院起權給事中又以忤曾布出知泰州謫監建州崇寧中除名竄袁州廬州移郴州稍復宣德郎又以子正寔訟蔡京安置通州大觀末放自便又以所著尊堯錄忤宰相徙台州竟不用以卒夷考古今士之蒙被憂患未有如先生甚者而先生處之前後一節不少貶以求暫容於時蓋先生克已尊賢虚心取善所以養其浩然之氣者非一朝一夕之積是故義有所不屈

世經堂集

卷十四

九

張華

抑之而彌昌意有所不屑遏之而必逝流離困踣人以爲至艱而履之若平夷寬廣之途屢仆屢起毅然必伸其志人以爲奇偉卓犖而視之若寢興語默之常豈彼出於一時感憤激觸之所爲者可同年而語哉階每讀先生責沈文自警詩諭子姪諸篇未嘗不掩卷太息以爲先生之獨立不懼遯世無悶其原蓋出於此未可直以氣節之士目之也先生故有書院在縣西一里許後因以祀先生及從子默堂先生歲久甚圯有司者未之能葺階謀於教諭李邦光訓導林順石愷將出月俸之贏稍修飾焉而邦光等各請

世澤堂集

卷十四

五

改

以其膳直鄉縉紳會君侗等各請以其貲爲助則遂屬典膳蕭延曾言卿撤而新之以爲今祠自嘉靖癸巳四月庚子至歲十月乙亥工以訖功先生裔孫載興伐石請紀成事階因僭論先生之學使後之祀先生者知所嚮往如此若祠高卑廣狹之度暨諸好義者氏名詳具碑陰

南平縣雲蓋里社學記

南平之雲蓋里故有淫祠雜老釋氏所爲像祀之里楊生贊予毀以爲社學旣又病其卑隘卽祠之左作新居焉地高而明屋敞而固師弟子講誦遊息於其

間者旣安且適矣予乃進其師弟子告之曰若知此屋之所由作與吾所以責於爾者乎夫業賈者必於市業農者必於野業儒者必於學此屋之作固以別爾於市拔諸野而登之儒也然而謀利者賈之爲也謀食者農之爲也謀道者儒之爲也賈不能以謀利不可爲賈農不能以謀食不可爲農儒不能以謀道其獨可爲儒乎自三代之衰外誘深而正學隱至於今日益靡然富貴之爲慕師之教其弟子曰吾將使之爲文詞取富貴焉苟有工於其藝雖甚不肖世以爲賢矣弟子之求其師曰吾文詞之未能將就彼而

世澤堂集

卷十四

五

定

學焉苟有能傳其藝雖甚不肖世亦以爲賢矣師弟子之所爲胥失其本業而世又賢而助之爲業日勤叛道日甚其名曰儒其實賈與農焉已耳其居曰學其實野與市焉已耳爾師爾弟子苟所爲若是則此屋之作不亦虛乎故吾有以責於爾居其室必思脩其業享其名必思履其事入而孝出而弟是弟子所以學也率之孝率之弟是師所以教也愛其親舉之以事君敬其長舉之以事上孝弟脩其身而舉之以齊家治國平天下是儒之爲儒也夫故曰三代之學皆所以明人倫謹庠序之教申之以孝弟之義凡吾

之貴於爾非有加於常惟本業之復非有出於位惟所居之稱非有遠於人惟以別於賈與農之爲爾師爾弟子其知所從事也哉於是胥應曰諾楊生曰是將久而忘也請記焉鏡諸石陷置壁間楊生名清從子學儒之知謀道者也

### 觀瀾亭記

故判肇慶余君雲從有池在郡東郭之東亭於其上取孟子所謂觀水有術必觀其瀾者扁之曰觀瀾之亭君卒若干年予來佐郡刑獄南平劉生應鳳從子游而君之子相娶於劉氏劉生得讀書其間因以觀

世經堂集

卷十四

七

五

瀾之旨請曰瀾可以觀道乎曰可夫道語大天下莫能載焉語小天下莫能破焉自天之覆地之載以及日月星辰之運山之峙川之流鳶魚之飛躍草木之生殖皆道也故君子於道觀其高明者徵諸天觀其博厚者徵諸地觀其始終不窮者徵諸日月四時觀其靜而正者徵諸山觀其流而不息者徵諸川觀其充塞無間發見昭著者徵諸鳶魚草木瀾川之屬固所以觀道也曰瀾卽道乎曰卽道也易有之形而上者謂之道形而下者謂之器器與道不相離可以言形而上下而不可分上下爲兩物蓋形而上者以其

不可見聞而言也形而下者以其可以見聞而言也可以見聞者固卽其不可見聞者之迹也曰學道者先之觀瀾可乎曰是未可易能也人之於道必有所見而後能以意觀否則窒必有所契而後能以神觀否則滯彼能觀瀾者其於道有所見而契焉矣曰然則能觀瀾者其學至矣乎曰未也夫山下出泉靜而清者性之初也泉之始達擴而充之者善之幾也原泉混混盈科而進者學之事也溥博淵泉而時出之者聖之德也德聖則與道爲一而學斯至焉矣曰在吾人則何以爲力乎曰吾固已言之擴充其端進而不已斯其方也於是劉生戚戚然若有動於中又欣然若有得焉起謝且言曰請以記於亭予曰諾

世經堂集

卷十四

七

張

### 刻盡忠報國碑記

宋鄂國岳武穆王故有祠在其墓所嘉靖乙未春巡按浙江侍御張公墓王之烈率諸吏士造而謁焉旣乃觀王遺像讀所作滿江紅詞送張紫巖北伐詩慨然想見王之爲人又退而論王之世至所謂以背示何鑄有盡忠報國四大字深入膚理者顧謂布政使任君某范君某按察使李君某曰嗚呼王信可謂無愧於茲矣盡碑之以表王之心胥曰諾於是復謂三

君曰爲我磐石謂叅政洪君某曰爲我書之謂階曰爲我紀成事階昔讀明道先生書有言曰天下之士須才與至誠合一方能有濟才而不誠雖有忠義功業亦出於事爲浮氣幾何時而不盡竊嘗執是評古之人物至武穆王事未嘗不歎王之才與至誠非尋常號有忠義功業者所能擬也王始起徒步在諸將中位最早年最少然而百戰百勝爲功最多鄖城之捷廬州之役雖桀驁如兀術猶悲啼竄避之不暇其才大率類漢淮陰侯信高宗之始用王有精忠之褒有中興之委其爲知遇亦大率類漢高之於信然信

世宗集

卷十

五

困楚之績拒微之言雖有可稱而快快之私卒不免萌於奪爵之非其罪惟王自破劉豫唐州之後銳意欲取中原于時高宗方惑於姦檜以節制光州則不果以諫阻和議則不納以請灑掃諸陵則不從蓋高宗之用王者已大異於初而王援拱毫略汝鄭經營賴蔡爲之益力比進軍朱仙恢復之功且垂成矣而班師之詔遽下未幾王亦身殞於獄以忠受禍至今論者猶共冤之而王怡然就死略無忿懣不平之意其視信失王則不赴討稀之徵臨刑則追咎拒微之誤者固未可同年而語也然則王忠義功業非激於

高宗之知遇如信解衣推食之云非懾於天下之議已如信背人不祥之說特其殉國之心真切懇至意以爲幸不死於戰即歸死於獄苟初心之不違斯隨寓而安耳非誠之至也奚能爲之故語王之純節惟漢諸葛忠武侯唐郭汾陽王可謂儔匹而汾陽之才又似不及王蓋三代以降才與至誠合一卓然炳然者王及諸葛兩人而已侍御公以盡忠報國表王之心也其殆觀王之深者歟公名其字某河南汝陽人其爲政所至崇孝義獎廉節扶植風教若此類者甚多方今天下承平士幸生其時如王之忠義功業固

世宗集

卷十

五

無由自見然而有官守言責者體王之心以修其職以盡其忠則豈有異道乎是又公微意也階故不辭而記之碑爲石四以是歲某月某日立於墓之南

### 海鹽縣重修捍海塘記

海鹽縣捍海塘東直秦駐白塔兩山之間歲怒潮挾風至山下東不得肆則益怒西注而塘實當其衝故其勢特易圯嘉靖乙未冬十月侍御汝陽張公按行海上顧視塘石岌焉下瞰大駭曰此塘不修且盡壞壞則民其魚乎遂以役謀諸分巡僉事宛陵焦君會有以費言者公曰有裕藏之積存焉夫成大事者不



計費況取諸其贏乎又有以勞言者公曰有生之道存焉夫以生道殺民死猶不怨況役諸農之隙乎於是公主其議焦君贊其決伐石于山取材於林擇吏之良與民之好義者因能以授之事分地以程其工崇卑實虛葺故益新疏爲陡門傳爲三堰凡用白金二千四百用民之力前後六閱旬而修石塘二百餘丈土塘二千七百餘丈邑父老以爲神相率抱孫攜子往觀之歸則具酒食召賓客晝夜劇飲相賀曰今而後無憂於墊溺矣其明年秋公既得代又相率肖公像爲生祠而介鄉縉紳方伯吳公昂輩謁階記塘

世經集

卷十四

五

之成績碑諸廡下蓋嘗稽諸往牒自洪武迄弘治之初百二十年間塘凡八修築景泰甲戌之役爲金至三萬九千有奇爲工至再閱歲亦甚勞費矣然而不可以已者何也其利害輕重之實固有在也自弘治迄于今幾五十年地勢民隱非有異於昔而保障之謀塘弗及焉此又何也古之君子以天下爲一身惻怛慈愛根於中而不能已是故憂未至則預爲之備患已迫則亟爲之坊其又甚也排羣議冒怨謗毅然必爲之而後世卒蒙其利今之君子以官爲傳舍憂民體國之志不能勝其自爲之私是故苟可無事則

自託於不授以幸旦夕之安而訐謔至計動以爲迂且拙維侍御公明敏英斷有高世之才而其心又不安於自爲蓋茲役也任事之決可以謂勇計慮之遠區畫之詳費薄力省而功鉅且速可以謂智若乃赴民之急如謀其身惻怛慈愛根於中而不能已則爲仁至矣宜海鹽人之惓惓於公也公名景字光啓焦君名煜字伯升其以吏之良獲授事者嘉興知府鄭綱海鹽知縣董珪平湖知縣黎循典鳴呼後世頌公之績而欲效諸政者其尚求公之心哉

廬州府題名記

世經集

卷十四

五

君子之爲政自盡其心而已矣民寒而衣之飢而食之疾病憂患而拯之藥之自盡其心之仁也有善而賞之過而刑之鬪爭攻奪而誅之極之自盡其心之義也皆非以爲名也世之爲題名之說者曰羣吏之氏名饒之石吾將懼後之議已於政必勉焉嗟乎是爲名也爲名以爲仁義有能至焉者乎人之不爲仁義蓋有冒刑憲蹈水火禁而不從者矣苟非求盡其心而徒自懼以後之議已吾未見能至於仁義也然則題名之刻可廢歟曰何可廢也君子之爲政猶人之養生養生者既審於嗜欲之坊與其起居服食之

節矣又必聚方書而讀之疏古之至人者時而觀之  
夫固所以致其養也君子於政稽諸往蹟不有成法  
乎則方書之謂也徵諸往哲不有師資乎則至人之  
謂也故欲自懼以後之議已則不可欲按古之氏名  
尚論其世得善焉吾行之得不善焉吾改之則皆自  
盡其心之資也何可廢也夫天下固有同事而異志  
者君子不求聞然而恥無聞不求稱然而疾無稱此  
其辨何也求聞與稱其志在名也計獲於事先者也  
恥無聞疾無稱其志在可聞可稱之實也正誼明道  
而不計功謀利者也故題名之刻一也志在取人之

世經集

卷十四

志

甫

善而去其不善則摩挲鐫勒之間無往非自盡其心  
也志在懼後之議已則其流也知義之所在或避謗  
而不敢為知不義之所在或枉道以干人之譽無往  
非為名也此其為同而異殆未以尋丈較量也雖然  
自唐虞迄於今數千歲矣臯夔伊傅周召之名既炳  
然如日月而其大若龔黃卓魯亦皆後先輝映於丹  
青方策之間然則心苟盡矣名且焉逃哉是故君子  
為政自盡其心而已矣憲副太原東庄高公為廬州  
時嘗刻題名之石既遷於浙念未有記其事者而以  
屬階階素知公之為志且欲告於後之觀者舉是說

以復焉若乃謂茲刻姑以識邑里示榮耀則其事益  
下所不必道也

### 紫山書院記

晉江陳侯讓以鄉薦第一人舉進士出典紹之刑獄  
行縣至暨陽登臨紫山降觀四湖愛其形勝爰作書  
院選士之秀異者學於其間而聘教諭安福尹一仁  
氏為之師又為顏其門曰養正之學示志也顏其前  
堂曰禮教堂學者之初習於禮則怠肆之心無自入  
而可與適道示始事也顏其中堂曰作聖堂君子道  
問學以尊其德性而後世學者或認為詞章功利

世經集

卷十四

志

敏

之資揭而歸之作聖示實功也顏其後堂曰求放心  
學莫至於聖人而聖人者非他也在我有良心焉放  
而知求聖於是在示要指也既成會進士樂平黎君  
秀來知縣事益飭治之院之制大備予聞往觀焉進  
諸生謂曰夫良有司作人之勤觀於茲院可知矣爾  
諸生亦求所以無負乎惟學有偽有誠茲院之設以  
養正也使諸生居其室業其事自謂能正矣而心之  
所懷猶未免於詞章功利是謂名正而實邪其所懷  
也自謂能正矣而其用世或未免舍己徇人枉尺以  
冀直尋之遇是謂正入而邪出其用世也又自謂能



正矣而初之所履或不能守其恒治朝之所以自立或不能無奪於危亡之際是謂正始而邪終皆偽也皆自負於茲院者也爾諸生其圖之胥曰諾未幾予徙江右一仁以書來曰昔子之言願鑲諸石俾諸生永有省也予不得辭併爲記其始末如此院爲屋南向若干楹東西向各若干楹陳侯懼其久而廢買田若干畝屬守者以養士之餘歲修葺之別有籍

### 松泉記

松泉夏公厥初卜別墅於黑潭地故多松撫而悅之後十年作室城西山麓發石得泉始流涓涓已乃成瀑又悅之引之爲渠潴之爲池移松於黑潭環而植之而時觀游焉水鳴相宜松翠交映煙霏夕留涼颺晝動集鳥跳魚舉在庭戶合而名其室曰松泉書屋而因自稱曰松泉於是客過公者望閭而佳樹見及門而清泉聞揖讓言笑於城郭之間而湖山之勝具得相顧言曰自昔賢人君子雖身在廟堂計安海宇日無暇時而莫不有遊息之物以寄其意然率苦心竭力蒐抉遐隱及一泉一木得之稍異則又輒刻畫金石自詭爲天作地藏以誇於人茲地之勝前未有也至公始發而公於所謂心力者實無勞焉豈非造

物者秘以遺公耶宜公之托稱於斯也公在正德間爲吏部郎不合於俗出佐揚州鹽運歷七遷積二十五年始來作伯江右其爲人博學有器量徙義若飢渴容害若不足久於外不求進然而天下皆曰公賢者也有長人之望焉夫松百木之長也後凋之操孔子稱之而易於蒙之象曰山下出泉君子以果行育德井之九五曰井冽寒泉食考公之德與其所託稱可謂協矣他日有頌公棟梁舟楫之功與其及物之澤者尚當於是徵之階不敏雅辱公知亦僭自謂知公謹記屋壁以廣客之論公者

### 陽明先生畫像記

陽明先生像一幅水墨寫嘉靖己亥予督學江西就士人家摹得先生燕居像二朝衣冠像一明年庚子夏以燕居之一贈同年淡泉鄭子此幅是也先生在正德間以都御史巡撫南贛督兵敗宸濠平定大亂拜南京兵部尚書封新建伯其後以論學爲世所忌竟奪爵予往來吉贛間問其父老云濠之未叛也先生奉命按事福州乞歸省其親乘單舸下南昌至豐城聞變將走還幕府爲計賊計而吉安太守松月伍公議適合郡又有積穀可養士因留吉安徵諸郡兵

與濠戰湖中敗擒之其事皆有日月可按覆而忌者謂先生始赴濠之約後持兩端遁歸爲伍所強會濠攻安慶不克乘其沮喪幸成功夫人情苟有約其敗徵未見必不遁凡攻討之事勝則侯不勝則族苟持兩端雖強之必不留

武皇帝之在御也政由嬖倖濠悉與結納至或許爲內應方其蹶起天下皆不敢意其遽亡先生引兵而西留其家吉安之公署聚薪環之戒守者曰兵敗卽縱火毋爲賊辱嗚呼此其功豈可謂幸成而其心事豈不瞭然如日月哉忌者不與其功足矣又舉其心

世經堂集

卷十四

三

何金

事誣之甚矣小人之不樂成人善也自古君子爲小人所誣者多矣要其終必自暴白乃予所深慨者今世士大夫高者談玄理其次爲柔愿下者直以貪黷奔競謀自利其身有一入焉出死力爲國家平定大亂而以忌厚誣之其勢不盡驅士類入於三者之途不止凡爲治不患無事功患無賞罰議論者賞罰所從出也今天下漸以多事庶幾得人焉馳驅其間而平時所謂議論者如此雖在上智不以賞罰爲勸懲彼其激勵中才之具不已疎乎此予所深慨也濠之亂孫許二公死於前先生平定之於後其迹不同同

有功於名教江西會城孫許皆廟食而先生無祠予督學之二年始祀先生於射圃未幾被召因摹像以歸將示同志者而首以贈鄭子予嘗見人言此像於先生極似以今觀之貌殊不武然獨以武功顯于此見儒者之作用矣鄭子誠有慕乎尚於其學求之

封丘縣重修鳳山秦公生祠記

人之情最不可以僞爲者惟怨與德雖然世道降而民俗漓深於怨者有矣未或能厚於德也德其人至於俎豆之愈久而益虔斯其致之彌難矣是非有大功足以活其身及其子孫而至誠之意又足以動其心者不能自王道熄爲政者非盡無功於其民其出肺肝以相告語亦非不藹然可聽也然其中也莫不有自爲之私焉是故借之以媒利則富強者之爲也借之以取名則佐霸者之爲也彼方其借之也蓋自謂能愚其民矣而民率莫德之禹之治水其心特以爲民有溺者猶已溺之汲汲焉思拯之已爾非有期於德我也而萬世觀河洛者思禹不置嗚呼此誠僞之別也然則世之情深於怨而薄於德也固亦有自歟鳳山秦公正德間爲河南叅政敗賊楊虎于封丘民因爲公立生祠學宮之右迄今二十餘年祠稍圯

世經堂集

卷十四

三

王礼

輒相與竭貲力興復之蓋建修者再焉封丘人於公何德之厚如此也階嘗往來周齊間見諸父老云賊始自山東窺封丘勢猖獗甚公時行部延津文武吏士下逮耄鰥交口言宜避去公獨奮曰封丘吾赤子奈何棄之卽馳入其城督宋叅將者與戰敗之封丘人得不屠滅嗟乎公之全封丘吾所謂活其身及其子孫功之大者也然猶可能也至其不忍棄封丘穀然以身當之此吾所謂至誠之意深動乎民之心者也不可能也公以誠動封丘之人而封丘人亦以誠應故其德公久益不忘而近時欲得民者顧猶襲富強佐霸之餘術以冀有河洛之思其亦情於理矣公自河南歟歷藩臬遷御史中丞巡撫湖廣所至能和其民爲司徒繼爲司空能縮國之浮費蠲除負逋天下以不凋耗最公之功在社稷爲大一方爲小民之德公宜有先後而獨封丘有祠者職功易見而隱然培護元氣者未易知也階不敏幸隸史氏敢著公之大告後之論世者公名金字國聲別號鳳山仕至太子太保工部尚書祠始作於正德甲戌重建於嘉靖丙戌修於戊戌其屋之制與戰之日月詳具學士張先生所爲記中

### 忠訓堂記

忠訓堂者吾友南江馮君之所作也始君爲童子厥考慈菴公數訓以持已守官忠義廉節之道于是時君既幼而慈菴公爲農家乃其語皆縉紳大夫所有事鄉之人迂之公不爲變未幾病且瞑顧君語曰能憶吾言乎君謝不敢忘遂領之而逝公既卒母吳氏中詔君如公之爲後二十年君舉進士爲南京監察御史贈公如其官封母太孺人上疏詆用事者逮繫詔獄罪至死再下廷讞無所屈論如初奉請西市吏卒萬人持白刃夾道立旁觀者皆泣君不色恐會太孺人率君嗣子行可擊登聞鼓上書行可又刺臂血書疏以請天子憐之得戍雷州由是君直聲震海內士大夫相與言曰南江君真可謂忠臣慈菴公以忠訓其子真可謂不負焉已又五年君被詔放歸其鄉日娛侍太孺人感上之恩而痛公之不可作則取制詞所謂教子謹忠廉之訓者顏其堂曰忠訓屬階爲記階聞之忠也者盡已之心之謂也人之有心萬理畢具而以時出之以昭世趨定國是則爲義以決取舍則爲廉以徇

國則爲節而總名之曰忠故君子於是三者或有之而不能兼或兼之而不能無渝於終始皆於盡心之學未有聞者也君危言極論披奸諛之隱覈忠邪之辨薄利祿捐死生毅然無所顧其於三者既有初矣今雖在野章縫之士日夜幸君之復出則夫圖其終以求盡其心非君所以善承遺訓者歟階不敏辱交於君深敢因以爲勗公諱某字某慈菴其號與太孺人諸懿行尚多茲特記其訓君者故不及行可舉庚子南畿鄉薦嘗挽汪鉉與訟父寃鉉斥之曰爾父爲忠臣爾復欲爲孝子耶使立於朝固能移孝爲忠以

世經堂集

卷四

奏

章

承其祖訓者也

### 青浦縣新建察院記

嘉靖壬寅冬 詔作青浦縣於松江府治之東北巡按監察御史候官舒公汀率羣吏經營之有成議矣會以代去明年春莆田周公持斧繼至喟然言曰松爲里千四百有奇而屬邑維二

聖天子以爲難理作茲新邑蓋所以爲民甚厚而吾屬將順焉者一有不至責其可辭乃進郡守順德何侯繼之推官莆田黃君洪毗計費所出已則俾攝華亭事通判內江張君叔宜知上海縣莆田張君秉壺

督其丞狄希明等爲之閱四月邑有解學有宮巡祭有院神有祠民有廬室蓋訖工之速前此未之聞而民未始告勞也於是侯請予記察院之成刻之石維 國家置御史寄之耳目委之風紀其在於內於事無不得言其按於外於政無不得問故其官曰監察其所居之署曰察院則察固御史職也然予聞之察一也而用之有善有不善善則爲明爲審而天下之治由之以成不善則爲苛爲伺而天下之事因之以僨在易泰之九二曰包荒用馮河不遐遺朋亡夫九二以剛中之德當交泰之會其於誅賞興革固宜

世經堂集

卷十四

三

清

肆其力爲之而顧有取於包荒何也人之才或長於彼而短於此而隨俗習非亦或不幸而入於過如是而欲盡棄焉則有乏才之憂政或不宜於古而宜於今亦或人以爲不便而課其利害則猶利多而害少而吾思所以易之者又未見其果勝如是而欲遽變焉則有滋弊之歎夫惟君子智足以知其然而量足以容之故其智爲光大其道得尚於中行而泰之治成焉斯古善用察者也今天下患在議論多而成功少夫其議論多也亦以用察之義不明敢於嘗人而輕於變法是故易言之及臨事而乏才則旋取其葉

者畀之以位而不知乍進乍退人將無固志以盡其能法立而弊滋則繼焉者必矯之以由舊而不知一革一復之際民已不勝其擾無怪乎成功之寡觀也公之為是院也亦嘗思所以為察者乎頃予見公語法必原夫情語古必詢諸俗其為政不為廉視壁聽而奸自無所容不喜為紛更而調停補葺民實陰受其賜蓋今善用察無如公者嗚呼後之君子居公之室因以紹公之政則斯民之幸而於公亦不負矣公名亮字其嘉靖壬辰進士何侯丙戌進士廉靜豈弟與公志相合故請予記者侯云

世經堂集

卷四

三

金山衛學初置廩膳記

金山衛故有學有師以教吏士之子弟及其民之秀者率再歲而貢士一人于廷比於邑學蓋自正統已未迄于今百餘年矣而其士猶未得養於有司於是其當貢者亦恒爭不能決嘉靖庚子教授王新請于督學御史楊公宜得以文之優者二十人當廩膳之數而次第貢之其明年新率訓導蔣說及諸生孫寅陸中美等言於巡按御史舒公汀曰國家疆域萬里以養士二十人不為費然而可以見一視之仁焉可以見右文之盛焉如以請當無不可公以語郡守

何侯繼之別駕李君慕郡憲黃君洪毗僉曰教授言是黃君則又進曰洪毗閩人閩有平海衛者實得廩其學生金山亦衛也援以請其可於是舒公疏於朝如黃君言大宗伯上議曰御史言是得詔置廩膳二十人教授新既拜舞以謝退語於眾曰我國家以文為治自洪武至正統其化大行則衛於是有學又自正統迄于今化日益淪浹則士始得養於有司蓋其繫乎時者如此不可無述也乃幣而徵文於階階嘗讀易竊有感矣易為卦六十四而有取於養者二其一鼎之象曰大亨以養聖賢言上之養士也其一頤之象曰君子以慎言語節飲食言士之自養也夫上必養士而後可以成治士必自養而後可以佐時二者固恒相須也三代以降聖人之道不明已久故士或從事於學而徇外以戕內則是不能養其入而於節飲食之義乖牽已以從物則是不能養其出而於慎言語之旨悖如是而徒養於上之人其何時之能佐以無負於國家也哉階不敏欲僭規於多士遂不辭而記之雖然亦諸君子建請之初心也

嘉定縣改建啓聖祠記

啓聖公孔氏郡若邑舊無祠嘉靖九年

皇上正大禮秩羣祀喟然以爲孔子之道莫大於孝  
今顏曾思孟配食孔子位皆在堂上而其父顏位兩  
廡不可謂順 詔郡邑爲祠祀啓聖公於學而以顏  
無繇曾蒧孔鯉孟孫氏及宋程珦朱松蔡元定七人  
者配蓋所以推明孔子之道精矣十八年西蜀馬侯  
麟以進士知蘇之嘉定將祀所謂啓聖祠而其主乃  
寓食練川書院之講堂大懼無以廣 德意稱 明  
詔議改爲之會有兵事不果又明年冬盜平政成境  
內大和則卜地學宮之巽隅撤諸淫祠擇其材爲祠  
三間南向爲拜亭三間北向表以崇基繚以周垣鑿  
其門西出合之於學而斥其材之贏以僦工役閱三  
月祠成高明廣深申於諸邑然而不煩民一錢於是  
邑士庶相顧言曰夫邑昔之封也令昔之官也祠缺  
於昔而始建於今人之才力固若是相遠歟或曰侯  
素志乎古之治古之治者上教化緩刑政侯爲是祠  
蓋其志然非獨才力過人甚也訓導康君濂王君廷  
訓聞之不能決則爲書遣其徒周子魁徐子應解以  
質於階階既是志之說又爲申其義以告曰維 國  
家以道爲治自洪武迄正德蓋百六十餘年至我  
皇上繼統立極益重化源若九年之詔可見矣士生

其時非孔子之書不讀非其緒論不談蓋自謂於道  
爲之已力然而卒靡所得其於功利未嘗敢顯爲之  
也然而媒之以詞章則繪絺組織不教而益工固之  
以術智則將迎維護不督而益巧豈才力有優劣於  
其間乎自孔子歿功利之習深入乎人心士名爲道  
而實志於功利夫志誠在是則其爲之也耳若加聰  
目若加明雖有不能焉者寡矣志誠不在是則其才  
與力不爲之用雖或有得焉者寡矣嘉定東南壯邑  
也今於是者皆時之選也一祠之建其才力豈不足  
辦而必有俟於侯是故志可知矣士之於道亦若是  
也夫古之學者莫先於立志故其入學必先辨志嘉  
定文獻風有人焉在泮之彥要皆志乎孔子之道者  
尚益求有得以無負

皇上建祠之旨與賢侯奉行之意哉階不敏謹識歲  
月以俟雖然亦不敢不自勉矣

松江府理刑廳題名記

今世士大夫舉于鄉薦於春官有錄錄以梓 賜第  
于 大廷仕于中外有題名題名者以石其於示久  
遠計愈至矣雖然石之刻也徒以識一時聚散升沉  
之迹已乎則吾不敢知如將以昭勸戒也自唐虞迄



于今數千年彼其時題名之石未有也然而有岳牧  
元愷其人者世未有不知其賢也有四凶之族者世  
亦未有不知其不肖也石不已贅乎曰否天下之道  
二而人之品三二也者善與惡之謂也三也者上智  
下愚中才之謂也上智下愚人所易數而知也岳牧  
元愷四凶之族是也其在中才善小而未成或不幸  
生不庸於時歿不傳於後矣惡小而未著或幸而生  
不為戮歿得以泯而弗聞矣夫豈非彰善癉惡者之  
所隱乎次其氏名刻之石使後之人有考焉而因以  
勸且戒焉是題名者之志也曰石固為中才設歟曰  
然上智者之於善不待教下愚者不可教中才者非  
教則善莫幸而至焉是故聖王之教中才既為之賞  
罰使去惡而遷善矣懼其怠也於是獻賢能也為之  
書仕也為之籍曰庶無改於其素乎又懼其怠也於  
是為之史曰庶無矯偽以欺於耳目之所及乎今所  
謂錄蓋古之籍與書而題名之石其以昭勸戒示久  
遠則隱然史之法也雖然觀乎石退而有感乎其心  
上智者以進於善下愚者以去其惡石亦不能無助  
焉已莆田翠巖黃侯司刑於松再葺覽前任者之氏  
名慨其闕軼則亟取可攷見者刻之石曰善也吾將

勸焉惡也吾將戒焉侯之政予嘗僭評之以為廉而  
不苛惠而不縱忠信誠篤而莫之或欺然猶取善汲  
汲若不足吾於其反之身也見進修之力焉於其昭  
勸戒於後之人也見彰善癉惡之嚴焉皆可書也因  
為記諸上方嗚呼後之觀者慎毋謂侯之志姑以識  
一時聚散升沉之迹已也

華亭縣題名記

華亭東南望邑也按郡志 明興至正德辛未知縣  
事者二十六人自辛未迄于今予所能記數者八人  
其治有聲績誌所載者烏江馮侯榮番易蔣侯惠平  
陽王侯琚瑞安章侯增長壽郭侯綸江陵汪侯宣凡  
六人予所能記數者永豐聶先生豹巴陵方侯鈍暨  
今海寧朱侯執中凡三人噫鮮矣然予於是不獨見  
人才之難得間嘗考數君子之政竊有感於時之變  
也蓋在 國初寇盜甫平法制未備則馮蔣以興革  
稱宣德正統間上下底寧民物殷阜則王章以惠愛  
著成化以降法久而玩治崇而圯則郭汪以振厲聞  
又降自正德淫侈浮競日以成俗而民亦就貧則聶  
先生導之以節義方侯矯之以儉約朱侯裁之以禮  
而撫之以慈蓋數君子因時立政不啻若坊之止水

賴以不潰然而時之變則日已下矣茲豈非尚論者所深惻乎嗣茲以往變之高下不可知其政之臧否亦不可逆觀考前人之遺迹退而思其所終閔時君子其益不能無情也已今年春朱侯祗召且北上悉取前後氏名刻之石侯嘗與予言華亭之財力訕矣苟不加卹後數年必困國家之憂將於是而在而予亦嘗妄謂今西北之食仰給東南東南困則變生乎其間而西北不可得食然後大亂故國家之憂必始於東南成於西北予誠鄙淺不能知天下事如侯所云必有見於中矣石之刻也其將以動閔時者之

世經堂集

卷甫

器

未

思乎予故併著其言以告觀者華亭自唐天寶間始為縣其知縣事者唐若宋曰令元曰尹元又有遠魯花赤監之唐宋之事也遠元之制也夷故今所刻獨國朝諸君子云

長洲縣學尊經閣記

嘉靖壬寅春巡按直隸監察御史候官舒公汀改長洲之福寧寺以為學遂葺其藏經之閣合六經羣籍貯於其上而扁之曰尊經經也者聖人以扶人極以開來學其道甚大羣籍不得竝焉故獨曰尊經也往年紹興南守元吉作尊經閣於稽山陽明先生王公

實為之記其大意以為六經之實具於人心達四海塞天地亘古今無有乎弗同無有乎或變而六經者特其記籍學者能求六經之實於心是則謂之尊經而不當攷索影響牽制文義顛顛焉守記籍以為足階每誦而喁焉然又竊念六經之實其在學者誠不可不知所求而異端之說或得以為之迷溺則夫闢邪放淫以翼成一代尊經之教在有位君子亦有不

世經堂集

卷十四

五

阮

容竝立此自然之勢也今其為書方與易詩書春秋禮樂等而稱經而世之所以嚴事之者其輪奐升碧又僭侈已甚於此放闢不加而徒曰吾將修其本以勝之無乃異於孟氏承三聖之旨歟國家崇重聖真造士斂材非六經不得施用肆我

皇上踐履仁孝發揮敬一數詔有司汰沙門毀僧舍所以樹尊經之教蓋迺出千古而時奉行之吏不能翼以成之於是佛氏之書既未及火而其居亦歸然固存與學宮抗迄今且十年福寧藏經之閣博士弟子始得以侍御公之命虔奉六經以貯其上而凡



學者因益得去佛而歸儒公真能以闢邪放淫爲己責矣夫佛氏之道息則聖人之道著亦自然之勢也今而後登斯閣者知上之教我若是其備也而日致力於心學之求則六經大明而洙泗之傳將復紹於子游氏之里尊經有閣庶其不虛矣乎階不敏敢因記成事以告閣凡五間高五丈廣九丈深四丈八尺其地有玉帶河折桂橋杏花村或謂公以是期邑之諸彥蓋淺之乎知公而其改作之始末與諸執事之姓名則有吳令世良所爲學誌階可略也

丹陽縣報功生祠記

世經集

卷十四

記

記

嘉靖庚子春給事中丹陽睦君燁暨前知南靖丁君玘以書言於其令甫田周侯公躅曰吾江以南財賦之郡七鎮最爲下鎮統縣三吾丹陽地最瘠故其賦又最下然而賓若旅晝夜出于途其役乃與諸望縣等自頃年大吏爲均賦之議奸胥乘之盡去邑故籍割丹徒金壇稅萬百石有奇益之丹陽又增丹陽役錢歲爲金六千兩民益愁困轉徙邑故爲里六百六十今亡里且四十矣其將若何周侯聞之懼將爲之請會邑人郭思倫輩若干人具以狀白巡撫都御史涪州夏公公瞿然曰是固在我檄應天治中隴州閻

侯某亟械治奸胥獄且具民又以白巡按監察御史歷城趙君君曰噫吾固聞之檄蘇州推官陳侯某竟其獄未幾趙君代去御史候官舒君繼至督治獄急奸胥者度不能脫則詭爲疏走闕下自理詔下夏公集郡若三邑之吏議所宜從而餘姚鄭侯某適自御史謫知縣事援國之制與民所以弗堪者爭甚力公曰鄭尹言是寘奸胥于法邑之賦役盡還其舊於是民老弱女婦交呼於道曰今而後吾屬其幸小矣雖然不可忘所自乃相與作祠邑治之東肖夏公趙君舒君像祀之而以閻侯周侯鄭侯配食左右經始

世經集

卷十四

記

記

辛丑之秋冬十二月告成事給事君則又以民之意扁之曰報功生祠卜日而舍奠焉邑人丁璞好義士也以前判澂江孫君曜書來請階記階曰諸君子有功于丹陽人則能言之爾丹陽人之報諸君子亦既盡其心焉矣階尚何說哉雖然階竊有慨於變法之難而願爲政者之慎其後也自古國家盛時任事之臣率主守法中葉以降率主變法夫其變法有二說焉才智之士喜於自見鄙舊制而欲新之則藉口周官者是也小人爲國興利務紛更以便其私則頭箕會斂之爲是也小人者吾不暇論乃所謂才智之士

彼方盛有所挾冀樹勳名於不朽豈欲為民病哉然而卒以病民何也凡法不能無弊猶室不能無壞也室必極壞而吾又自計有更為之才則可以撤其舊而新是圖不然必敗昔者秦隋五代之法漢唐宋嘗變之皆以致治其後自變其法則輒以亂亡此無他漢唐宋之初室既極壞而才又足以有為彼後之人或自多其才智室未壞而冒為之耳江以南諸郡國家財用出焉則壞以賦因民以役昔我

世經堂集

卷十

天

斯可矣而議者欲遂舉而變之若今日之事一奸胥亂之數日之間至合諸君子之力前後再葺而始克還其舊豈不可深鑒哉故階願為政者之慎其後而惜未有持吾說以告之也姑為記以俟焉祠為堂三楹其後為福星堂前為門屋廣皆如堂之度周之為垣百二十丈其財與力皆民所樂施故壯偉甲於邑中夏公名邦謨字舜俞趙君名繼本字孝甫舒君名汀字紹安夏公惇大以惠二君精敏以肅政有功於民甚多丹陽其一事云

三原縣新築北郭城記

今隰以西為縣九十有五其最鉅者莫如三原故家名族縉紳縉掖之士下及水陸所產怪奇珍異之物商賈輦輸以與秦人市者往往而聚而莫盛於北郭嘉靖壬寅有倡於衆者曰是盜賊之所窺也盍城之衆乃自合其財力以請於大吏而或以為迂議遂格乙巳又以請又格丙午夏謀者言虜且南牧當是時邊吏士力不能禦而內地至連數郡無兵北郭之民復以請於巡撫都御史曉溪謝公公許之檄僉事劉君志辛君童督知縣王鳴鳳度地而為之制計民而授之役始是歲六月二十一日春鍾雲集築削競勸踰月城成厚三丈高二丈五尺東西北周之得八百丈而南屬諸清谷之濱望之如珙其秋八月虜入慶陽轉掠而南遠近震懼扶攜亡匿晝夜不得休乃北郭獨特城以無恐於是邑士大夫相與言曰古之君子于城其民既設險以守之矣又飭其米芻之蓄甲兵之衛使外以捍其寇偷而內保其家室蓋先事而憂之如此其在于今邑無蓋藏戎器弗除棄其城郭弗治弗圖民靡所依而寇在閭於是自愛其傾覆奔走嗷呼荷杵以須其君子猶詆且笑之東牒與書安臥而徐趨若茲北郭之役非有謝公再懼夫議之終

世經堂集

卷十

天

格而民之患不可得紓也乃以太守秦君狀屬予記  
興築之歲月使後之人知公之功在北郭者予於是  
有感焉古者君臣父子夫婦兄弟朋友之禮失則夷  
狄橫而窺中國方夷狄之橫也中國之城郭豈惟其  
陵夷毀頓者不免於陷滅而已蓋亦有據金湯之固  
而不能守焉然則君子先事而憂其民抑又有急於  
城郭者耶雖然明吾君臣父子夫婦兄弟朋友之禮  
以爲之本而又以時修其城郭其於禦夷狄也彌固  
是役也其不可無紀謝公名蘭字基嘉靖丙戌進士  
晉之代州人秦君名鎬與予同舉癸未進士諸士夫

世學集

卷十

平

成

及民之伙是役者竝鐫名碑陰

### 太常寺題名記

太常寺卿一人少卿二人丞二人其屬典簿博士協  
律贊禮司樂提點知觀吏目奉祀祀丞若干人其職  
則典 郊廟百神之禮樂而以時修其祭祀乃其選  
則博士以上率處以士人而掌寺事者又往往寵以  
六卿之秩蓋其重也我

皇上嗣統中興加志禮樂每當禮祭有司之步趨俯  
仰一有弗虔聲容節奏一有弗協則輒爲之惕然不  
寧故於太常尤慎其選而時士人乃或因情襲偷無

以當 上意於是工書陳道瀛起贊禮郎掌其寺事  
陳卒禮侍金寶仁繼之金卒今禮侍徐可成又繼之  
凡卿少卿丞莫不以贊禮進其跡若抑士人而其實  
則公且審矣寺正官故有題名刻于嘉靖己丑迄今  
二十年碑之左方不足以待來者可成復礮石爲嗣  
書計徵文於予予諾而有感焉古之君子以禮樂治  
其身心而遂以施諸天下其至盛也王道以之備天  
地以之官四海之內以之合敬而同愛故曰禮非玉  
帛樂非鐘鼓數可陳而義難知也仰惟  
皇上聰明睿知超出千古 聖情所向方將建中和

世學集

卷十

圭

集

之極典禮樂之治旁求逖覽庶幾得人如夷夔者任  
之而在位君子遭逢明盛顧無以當 上意於步趨  
俯仰聲容節奏之間卽數未易陳矣況於義哉自三  
代以降士大夫溺於訓詁辭章之習其於禮樂相與  
視爲虛文不惟義不克知而數亦有不暇究蓋其弊  
至於今而極而世之論者猶囂然以學術爲迂闊而  
不足爲然則禮樂終不可舉而古之治終無自復也  
予故因茲石論士人所以不見用者使毋咎平時而  
反求諸學術

### 刑科題名記

刑科舊未有題名嘉靖丙午冬都給事鮑君某始議於左給事某君某右給事某君某給事某君某聚諸仕焉者之姓名與其踐歷錢之石以置直廬之左夫刑者聖王所以使人遷善遠罪協於中而已者也周衰孔子之言曰古之聽獄者求所以殺之則在孔子時有司之用刑其亦已異乎古之意矣然韓非申不害世所謂深於刑者也乃其志則欲以正君臣上下之分引繩墨明是非施之於名實是猶知爲國也至於近世士大夫急於身圖而其用刑因亦規以自利蓋自予有知至於今三十

年耳而用刑者凡再變其在正德間士大夫沐浴孝皇之澤恥言慘礪則或故爲縱弛以邀寬厚之名至我皇上振綱維飭法守赫然裁之以義則或競爲深苛以避不任職之咎而其所志乃更出申韓下夫豈非論世道者所深慨乎國家設六科畀之言責凡彝章政事以及小大之吏罔不得論奏其有所請而戾於法者則封駁隨之夫觀於所志而其人賢否可知也觀於所論奏與其封駁又準是以觀其身則凡任於是科者其賢否又可知也然則茲石豈非鏡戒

之林而挽回世道者所必資乎古之君子將有所爲其於世道果有繫也雖廢必舉否則雖或倡之莫敢從也是科題名缺於昔而始備於今而其於世道所繫如此予以是知諸君子之所爲有古之風矣爲書其歲月俾鏡諸上方

嘉靖二十年進士題名記

嘉靖辛丑春三月望

皇上進禮部所貢士三百人於廷策試之賜沈坤等及第出身有差又允禮部請立石題諸姓名於太學迄今九年矣而題名之記未刻乃冬十月十日

皇上考故事修廢墜詔臣爲之文臣既謝恩闕下退而思與是科之士共圖報恩萬一則謹告于衆曰國朝因唐制開進士之科然在國初賢良方正人才猶各以其科進其後諸科雖廢而鄉舉歲貢往往與進士同位通顯今則自孤卿外及牧伯非進士莫與焉蓋

皇上登用之恩其加厚如此前代取士率以詞章國朝罷詩賦尚經術士既曉然知所向往至皇上益表章正學開示聖真敬一之箴五箴之註刻在庠序昭如日星蓋

皇上造就之恩其加厚又如此爾多士宜何以爲報哉竊嘗伏讀是科制策惓惓以禮樂爲問夫今郊廟朝廷下逮閭巷儀章品物聖明之制作燦乎備矣顧猶有慕於禮樂何也蓋聞禮主於理而樂主於和高地下萬物散殊理之極也而禮行焉流而不息合同而化之和之至也而樂興焉故循理者君子之所以植禮致和者君子之所以樂樂也今夫人臣之事君也政權當上出而或竊之惠澤當下流而或壅之賢者當進有功者當賞而或抑之不肖者當黜有罪者當罰而或右之法有所當守而或撓之變有所當通而或窒之凡若此者不可謂之能循理可否不期於相濟而同以求容論議不務於相益而復以求勝人各黨其類而自尊以爲能官各拘其職而自利以爲智才也愧於相下而忌猜忿嫉之心生位也恥於相使而驕抗陵忽之私作凡若此者不可謂之能致和然則制策所謂禮樂豈將求諸儀章品物之間哉其以訓戒于有位至矣爾多士誠知聖恩之當報也其尚於聖訓服膺而勿失乎衆咸曰唯唯於是臣拜手言曰惟

皇上明聖能以禮樂教諸臣惟多士漸濡聖化能

知秉禮樂以祗承于上臣不敏幸以禮樂爲職而又獲以文詞蒙任使其敢不夙夜惟聖訓是式以爲多士先臣謹記

嘉靖三十二年進士題名記

我

皇上御極之三十二年癸丑春三月辛卯親製策問試士于廷越三日甲午賜陳謹等四百三人及第出身有差命工部立石題名太學而命臣爲記謹按嘉靖二年癸未士之登科者四百十人今凡十開科而其數乃復踰四百多士之遭逢其可謂至

幸矣然臣聞之人君之取士莫不欲得才焉以資其輔理之功士之修于家亦莫不欲得時焉以行其所學二者其相須甚殷也自三代以降取士之科目繁而進士一科尤世所貴重乃其得才之效顧未有幾於古昔論者遂謂科目不足得人相與慨想夫咨詢夢卜鄉舉里選之制而有君無臣往往以爲憾則豈非爲士者之咎歟仰惟

皇上受命中興任賢保民宵旰匪懈其在更化之初蒐剔奸蠱導宣惠澤百司庶職咸欲得人則博取羣材以備任使若癸未是也至於邇年水旱間作邊警

時聞此在堯舜之世所不能無而 聖心惻然屢儆予之念嚴猾夏之防凡安攘大政修舉已無遺策又思旁羅俊髦與之共治則是科是也然則多士仰承德意而因以行其所學者宜何如哉 愚伏讀 制策發明君臣克艱之義而教多士以力行者至矣誠能服膺 聖訓常無失心志之明上義而遠利秉公而黜私官罔計榮卑必求其稱事罔擇難易必竭其力用佐我 國家太平之業垂之億萬年使後之觀于題名者仰企我

皇上是科得才之盛而多士亦有無疆之聞豈不休哉

世學堂

卷五

奏

奏

哉 臣昔在癸未誤蒙 聖恩賜之及第荐荷拔擢以至今官而是科又獲廁校文讀卷之列自惟淺薄無能報塞隆遇然漸濡 聖化視多士實親且久所以求盡夫克艱之責者願與多士共勉焉故於會試既序以勗之而申告之於此嗚呼多士其念之哉

### 京畿道題名記

御史以監察為職以瀾江等十三道為署出入中外激揚刺舉無避大吏其職重且專矣京畿道又在十三道之右為特置焉說者謂始以僉都御史領之後乃易以御史之久次者然其沿革不見於會典而今

兩京畿道印其一有文曰洪熙元年造則其領以御史也久矣豈僉都御史之設乃洪武永樂間事而御史其定制歟嘉靖丙午今中丞王君某以御史視道事值署舍為雨所圯修復之既而稽前之泚茲道者其姓名往往不存喟然慨文獻之湮沒將猶夫考官制者之久而無徵也於是即所聞見扁之署中而請予記其後御史党君某今廷尉魏君某張君某太僕鄢君某御史邢君某繼至遂相與勒石題名以申前請予惟 國朝建立諸司條理品式燦然備具而又於文案嚴照刷之條重埋沒違枉規避之罰期以杜吏欺飭法守故每省必 命御史董之而是道之設則又居京師重地凡六曹五府暨百司庶正文案之照刷咸屬焉故其文移之體視諸道有加蓋重其任俾得行其法也及其久也吏既視以為常而御史間亦習於姑息送刷者舉其一或遺其二照刷者詳于細或略于大而當時建署設官之良法美意且將為彌文故事日以墜失則前此姓名之不存復何怪哉今諸君精明剛毅咸克舉其職而肆其餘力搜羅前人列之貞石將俾來者指其名第其政予以審淑慝之辨識從違之途此其慮遠矣然予又聞今世文人

世學堂

卷十四

奏

奏



學士往往重史籍而於文卷則詆爲鄙俗至却去不欲觀夫文卷視史籍雖其文細麤古今不同然而國之故實與夫賢人君子經世佐時之具民生政治休戚興替之由舉於是在其有資於見聞政理宜無不同而輕重之若是其異是大惑也予既表諸君之所慮告後之照刷者而予嘗習爲文辭遂併以規於業文之士嗚呼士誠知文卷之不可鄙則其從事於照刷有不思盡其心以舉其職者乎

### 旌忠祠記

旌忠祠者以祀巡撫江西右副都御史贈禮部尚書

世經集

卷十四

五

文

諡忠烈餘姚孫公江西按察司副使贈禮部尚書諡忠節固始許公者也初二公死宸濠之難濠誅詔有司建祠以祀賜令額及諭祭文蓋所以褒崇之者甚至而時有司詘於財力會徙貢院於所謂陽春書院者遂卽舊院之遺宇祀二公其中予昔督學江西每病其簡陋思改爲之未能也嘉靖壬子貢院災甲寅春巡按監察御史吳君視院之制以爲不足以遠火患又視舊院之左右皆可拓也謀諸巡撫都御史陳公疏請復貢院於舊址而作新屋陽春之墟以奉俎豆詔報可吳君乃以某月某日經始祠事閱

幾月告成堂寢門廡宏壯靚深而朝廷褒崇之意於是始稱夫自有載籍以來臣之死難者多矣然其忠雖同而功之在國家則小大有異何者夷狄寇盜人知其爲賊死則足以立節而不死亦不足以惑衆如是而死焉者其功小若夫奸逆之起衆方疑於從違而獨名其爲賊使曉然知奮而攻之此則功之大者也濠之始稱兵也矯稱奉

太后密旨入監國當是時

武皇無嗣而車駕又數遠狩冒風露兵革之虞聞者莫能明其信否賴二公首發其詐仗君臣之義置爲

世經集

卷十四

五

反賊而死之於是天下始知順逆之所在城守堅於安慶義旗建於虔州勇智之士雲合響應而濠遂以敗縛然則二公之死豈徒立節已哉固安社稷之首功也自古國家取士莫利於得賢而所謂賢者莫大於安社稷有事則爲忠無事則爲良二者皆社稷所由安也惟茲乙卯之試吳君於制當監臨其首飭祀典意實有在多士登茲祠景仰前哲慨然動其爲忠爲良之心而持以應有司之選則於君所以風勵焉者庶無負矣吳君名運字某浙之海寧人陳公名洙字某上虞人其諸有勞者竝刻名碑陰而予嘗董學

政又嘗病祠之簡陋有志於改爲故僭記其始末且於多士致厚望焉

### 復碧山吟社記

碧山吟社在惠山之麓其始作於封武昌太守修敬秦翁翁沒而據於邑之豪其後六十年翁曾孫從川先生始克復之葺其堂若榭以與鄉縉紳顧憲副洞陽王僉憲仲山華學士鴻山王侍御石沙賦詩其中而不敢有加焉重修敬之舊也予嘗讀邵文莊公所爲吟社跋語謂修敬之作是社其相與詠遊者十人皆時所稱者俊而三原王端毅公巡撫江南聞其風

世學堂集

卷十四

李

而願見想其時衣冠之盛篇什之富固洛社之流亞哉是宜錫之人相與護而存之而猶不免爲豪之所據使非秦氏有人則幾不可得而復蓋物之有興卽有廢其常理如此況於歌舞宴嬉之地爲賢人君子所不道者顧欲恒有之豈非惑歟然社之復也衆相與修談之以爲故家之盛事而歌舞宴嬉之地則或一失而不復或復之而無可稱又以見文章之貴而所謂利與勢有不足慕者智者於此當自能擇其所託而況又有進焉者也自三代以降士失其學民失其所以生其有望於復殆甚於吟社而予觀於縉紳

間飾詞章而競功利務便其身而閭閻之疾苦漠然若不聞者皆是也豈物之廢也有時而興而道之廢卒不可復耶抑以無其人耶先生學有本源遊於邑之校凡八舉不第遂退而隱處以業授其子今銀臺君君篤於脩身而急於爲民所以復道之廢者固於是乎在予是以因社之復也致厚望焉他日君紹聖學之緒而建不朽之業使後世益稱秦氏爲有人吾知吟社將賴以永存矣

### 無爲州城記

無爲州故有城周若干丈其始不知所由築及元末而圯今復城之者監察御史吳君百朋也嘉靖辛亥壬子間倭夷竊寇海上州人南京通政叅議劉君崙以侍御憂居言於同知今按察僉事許君用中請城以爲之備而無爲去海遠衆相與迂之不聽後三年倭寇益肆數焚燒郡縣劫守吏而取其藏

天子詔有司各得爲城自保于時許君已去州之吏無能任其事者明年丙辰吳君奉命按江北會寇犯維揚遠近洶洶君歎曰是尚可不急圖哉進州守何寬條公帑之羨得若干緡使具諸費而召其民告語之使出力以供諸役民胥應無後始事於某月某

世學堂集

卷十四

李



日凡爲日九十城寇聞不敢犯州父老子弟相與  
樂其生而頌君之功於是劉君走書京師請于記按  
誌無爲隸廬州廬在曹魏及南宋蓋南北之界而攻  
守者所必先也想其時高城固門百倍他郡而民之  
苦於兵革亦有甚焉者逮我 國朝混一區宇

列聖相繼禮教明法令一寇賊姦宄無所容其間而  
廬於天下爲中土其吏與民晏然無復戰爭之慮故  
城之遺址坐視其沒於荒榛野草之間無復以爲省  
者夫豈非治平之徵而臣民之大幸歟然君子之爲  
政未嘗不以其身共天下之樂亦未嘗不以其心先

世澤堂集

卷五

五

南

天下之憂城郭溝池所以設險而守國者蓋不俟患  
之既至乃爲之圖也若茲城之久而後復也又豈非  
有司之失職而論政者所深慨歟自江南用兵以來  
戰守之務取具倉猝以致喪敗者多矣彼其心非盡  
不知患之當備惟夫計遷習惰而僥倖免諸其身故  
備之弗豫也無爲今巨州寇所窺也非賴吳君殆不  
免於焚劫然 國家之制吏率以九載乃得去其官  
惟御史之出按則一年而代計吳君之日宜易以僥  
倖無事而獨汲汲修備以脫州人於兵燹之中此其  
賢於世之君子遠矣予故爲記其事以告爲政者使

知勸焉君字惟錫浙之義烏人初名伯朋  
上改從百其有勞於是役者郡守汪克用通判冀元  
州判黃正色而正色之助爲多

端諒堂記

白灘張君作堂於其家扁之曰端諒蓋君在諫署三  
年

上賜之敕命有端諒之褒故取以爲名也君先世居  
葉謝里高祖曾一始遷邑之南門再傳至憲副良菴  
公舉進士爲御史而故所居草堂火徙家邑中取  
敕詞名其堂曰清峻以黃帛囊敕度之梁間君之少

世澤堂集

卷五

五

草

也從其父居邑西而伯父怡栢翁夢敕囊兩端下垂  
屬於君其後堂鸞於他姓嘉靖某年君贖得徙居之  
未幾不戒於火乃卽故址稍西若干丈作今所謂端  
諒堂者蓋自清峻之建甲子一周君家凡再被 恩  
綸以薦於堂之額其可謂能世其家而夢之祥亦於  
是乎踐矣然予觀漢唐以來士大夫家簪纓主組累  
葉相輝耀者何限顧皆已泯沒無聞而獨一二以德  
業行誼相承如關西太丘者其名與姓至今猶在人  
耳目然則所謂世家豈徒富貴已哉華亭居東海之  
上山川止而風氣凝世家文獻往往甲於他邑然以

端諒繼清峻而起為

天子所嘉獎炳然載於制書者獨君為能然夫君諫官也自諫之有專官端諒之士世蓋未嘗乏而其心恒不獲受知於君則其言亦恒賈疑觸怒棄斥而不用故君以受言為難臣以不逢時為恨其來久矣以今觀君之名堂其所以世其家者可以為世法而其見知於

上者可以為斯道賀也予故為記堂之所由作刻之楣間堂凡三間經始於嘉靖某年某月某日成於某年某月某日

世經堂集

卷四

記

序

嚴州三先生祠記

君子之相天下必本於學所謂學者何哉惟精惟一伊傳周召聞諸堯舜而以相乎殷周者是也慨自世教衰士有如管仲者出挾其小器以規利於諸侯諸侯之相適無知學者而仲因得以行其志由是士大夫慕焉其世愈下其名愈聞權謀功利之習遂以深錮不復知有學而獨一二不得位之君子相與探精一之旨於殘編斷簡之間以淑其身以教諸人而論者因以理學歸之蓋其說公矣然其後也遂以是學為不得位者之私物而相天下者專以業稱則又豈

知學之與業名雖殊而實則一使業本於學則業即

學也使業不本於學則業亦非也而顧析而二之其無乃惑歟由漢至於宋稱名相者今可數矣然以予言之若文正范公者非諸人所能望也何也中庸一書堯舜孔子所以曠百世相授受者也當其未經程氏之表章而公則首舉以告橫渠張子至其體諸身者言必本於仁義志每存乎先憂凡有所為曰為之自我者當如是其成與否則不敢必非有見於精一之方能之乎然則公相業之隆本於學者也非諸人所能望也顧在作宋史者既不知推本公之學而世

世經堂集

卷四

記

何金

亦習其說而未之思故有舉程氏朱氏以及其徒若南軒張宣公東萊呂成公者稱之曰理學則相與信之如舉文正公以列於理學之林未有不疑者也蓋學與業其義鬱而不明又矣文正公在明道中以司諫貶知嚴州後乾道初宣公以直祕閣起知州事而時成公實為郡博士至今徵文獻者宗之然獨文正有祠未有合宣公成公而祀焉者也嘉靖己未文正公開孫學憲君行部至嚴有事祠下既屬韓守叔陽葺治其頽漏喟然曰我文正公非徒以相業稱者也遂奉公之主居中左宣右成略其位而題之曰三先

生祠來請予記予幼有志於學竊嘗討論而識其大端因為發文正公之學以見其同於宣公成公而得並稱先生者如此使韓守刻諸石用告夫學者焉學憲君名惟一辛丑進士韓丁未進士

張家灣城記

自都門東南行六十里有地曰張家灣凡四方之貢賦與士大夫之造朝者舟至於此則市馬僦車陸行以達都下故其地水陸之會而百物之所聚也嘉靖癸亥冬

世宗皇帝以有虜警 詔發營兵戍之先聲播聞虜

世宗集

卷十四

李

顧

不敢犯然戍者無所據依晝夜被甲立勢實不可以父甲子春順天府尹劉君畿因以城請司空雷公禮上議曰城於戍便於守固

世宗報可 敕順天府丞郭汝霖通判歐陽昱內官太監桂琦以二月二十二日始事財取諸官之贖及士民之助者木取諸營建之餘輒取諸內官廠之積石取諸道路橋梁之廢且圯者夫取諸通州之衛卒及商若民之饒於貲者工既舉而財不時集階具以聞 詔光祿寺出膳羞之餘金三萬兩貸之於是諸臣咸悅以奮而巡按御史董君堯封王君用楨程督

加嚴越三月遂以成告周九百五丈有奇厚一丈一尺高視厚加一丈內外皆甃以甃東南瀕潞河阻水為險西北環以濠為門四各冠以樓又為便門一水關三而城之制悉備中建屋若干楹遇警則以貯運舟之粟且以為避兵者之所舍設守備一員督軍五百守之而灣之人南北之縉紳中國四夷朝貢之使歲漕之將士下逮商賈販傭胥恃以無恐至於京師亦隱然有犄角之助矣仰惟 國家建都燕薊百六十年于茲乃灣之有城實自

世宗遣戍之詔始蓋

世宗集

卷十四

李

清

世宗雄才大略出於天縱而 許謨睿算又得於夙夜計安天下之心非偶然者其功在社稷 廟稱為世雖未易以名言然此固其一也夫觀河洛而思禹情也亦義也今而後登茲城者於

世宗能無思乎誠使文武吏士體保固郊圻之意而殫謀以嚴封疆兵之守者懷據依之便居處之安而竭力以奮武衛其在賓旅迺周防山護之恩而各修厥職以供 朝廷之事則庶幾為能思

世宗矣階不敏敢因紀成以規焉

漕運新渠記

先皇帝之四十四年秋七月河決而東注自華山出飛雲橋截沛以入昭陽湖於是沛之北水逆流歷湖陵孟陽至谷亭若干里其南溢於徐渺然成巨浸運道阻焉事聞詔吏部舉大臣之有才識者督河道都御史直隸河南山東之撫臣洪閘之司屬暨諸藩臬有司治之得今萬安朱公衡爰自南京刑部尚書改工部尚書兼都察院右副都御史奉 璽書總理其事公至駕輕輶凌風雨周視河流規復沛渠之舊而時濬者為澤淤者為沮洳疏與塞俱不得施公喟然言曰夫水之性下而茲地下甚不獨今不可治也

世宗憲集 卷十四 堯

卽能治之他歲河水至且復淪沒若運事何召諸更士及父老而問計或曰道南陽折而南東至於夏村又東南至於留城其地高河水不能及昔中丞盛公應期嘗議鑿渠於此而不果就其跡尚存可續也公率僚屬視之果然馳疏以請

先皇帝從之工既舉而民之規利與士大夫之泥於故常者爭以為復舊渠便

先皇帝若曰茲國之大事謀之不可不審也 敕工科右給事中何君起鳴勘議焉何君具言舊渠之難復者五急宜治新渠而增其所未備以濟漕運 詔

工部集廷臣議僉又以爲然 詔報可公乃廬於夏村晝夜督諸屬程役以工授匠以式測水之平錐高而實下導鮎魚諸泉薛沙諸河會其中壩三河口以杜浮沙之壅堤馬家橋遏河之出飛雲者盡入於泰溝滌泥沙使不得積凡鑿新渠起南陽迄留城百四十一里有奇疏舊渠起留城迄境山五十三里建閘九減水閘一為月河於閘之旁者六為土若石之壩十有二為土堤於渠之兩涯以丈計者三萬五千二百八十有奇以里計者五十三為石堤三十里而運道復通已又遡薛河之上流鑿王家口導其水入於

世宗憲集 卷十四 堯

赤山湖鑿薛城之左右導玉花泉趕牛溝之水會於赤山經微山呂孟諸湖達於徐邇沙河之上流鑿黃甫導其水入於獨山湖沿渠之東西建減水閘十有三獨山溢則洩而歸諸昭陽鑿翟家等口導其水入於尹家湖及印馬池凡為枝河八夾以堤六千三百四十六丈旱足以濟而潦不能為災於是新渠之工備矣階惟 國家建都燕薊百官六軍之食咸仰給於東南漕運者蓋 國之大計也自海運罷而舟之轉漕獨茲一線之渠其通與塞又 國之所謂大利大害也河勢悍而流濁塞之則復決濬之則輒淤事

在往代及先朝者姑弗論卽嘉靖間疏築之役屢  
矣而卒未有數歲之寧則今徙渠而避焉誠計之所  
必出也然當議之初上也或以爲方命或以爲厲民  
譁之以衆口撓之以貴勢誣之以重謗脅之以危言  
于其時公之身且不能自保況敢冀渠之成哉賴  
先皇帝明聖不怒不疑徐以公論付之諫臣擇兩端  
之中而因得夫遠猶之所在由是公始得竭智畢力  
以竟其初志而質其謀之非迂然則茲渠之成固公  
之功實

先皇帝成之也昔禹受治水之命於舜盡舍其前人

世經堂集

卷十四

主

集

堙塞之圖而創爲疏導之說彼其驟聞焉者豈無或  
駭且謗乎惟舜信之深任之篤至八年而不二禹是  
以得建萬世永賴之績奉玄圭以告厥成則洪水底  
平雖謂舜之功可也而虞夏之史臣與後世之文人  
學士咸知稱禹而莫知頌舜其得爲探本之論哉洪  
惟

先皇帝力持國是以就茲渠功德之隆較之帝舜可  
謂協矣階曩備員內閣嘗屢奉治河之論邇謝政  
南歸復得親至新渠觀其水土而考論其事之始末  
追感往昔不自知涕泗之交頤也遂因公請僭爲之

記且以告夫修實錄者役前後歷四年用夫若干  
銀若干贊其議者河道都御史孫公慎潘公季馴綜  
理於其間者工部郎中程道東游季勳沈子木朱應  
時涂淵主事陳楠李文吳善言李承緒王宜唐鍊張  
純叅政熊桴副使梁夢龍徐節胡湧張任陳奎李幼  
滋僉事董文案黎德充郭天祿劉贊並列名左方

世經堂集

卷十四

主

集

世經堂集卷之十四

世經堂集卷之十五

墓誌銘一

九江太守王君墓誌銘

九江太守王君諱惠字吉甫別號迂齋其先青州銅川人宋建炎間有諱憲者從高宗南渡始居慈溪傳十幾世至君曾祖頤族久益大頤生璉璉生二子長賜次陳兄弟並以文學有聲陳君考也君生而穎異嘗從司訓錢本深教諭孫文元學二君大奇之邑處士翁梅軒先生將嫁其女曰此吾所愛不可以與凡子謀壻於錢遂歸君今翁宜人也由是君聲籍甚年

世經堂集

卷之十五

一

墓誌銘

二十舉成化癸卯浙江鄉試閱六年弘治庚戌登進士第明年授工部營繕主事督磚臨清悉釐去宿弊奉其父以居能以召養人至今稱之甲寅改刑部湖廣司主事尋遷廣東司員外廣東於刑部事最劇君蓋以才舉云己未遷廣西司郎中父喪去官卒喪改司陝西癸亥以母喪去再起改山西司君在刑部前後七年法習聽審嘗治獄昌平時逆瑾用事意有所左右故先是累訊不決而有司以忤瑾相繼得罪君往一斷以法文辯情覈瑾亦無以加後歲餘始誣以他事罰米三百石蓋其介如此正德丁卯擢守九江



世經堂集

卷之十五

二

墓誌銘

九江素難治前守以刑繩之益肆為詐不可禁君鎮之以靜撫之以慈興學校崇禮義表先賢之祠在境內者或相告許徐以理論之皆頓首解去訟獄遽省寧庶人之未敗也每有求索君悉拒不與旅衛廝役少憑藉恣睢輒以抵法故其民獨不知有庶人之害嘗擬擢湖廣副使不果張綵以君同年居選部初賢君所為欲引之囑君不附已亦不果辛未春竟以忌去其所署考曰才長於治郡禮拙於逢迎云幼善詩家居十餘年日與朋舊吟詠為樂不一問外事嘉靖乙酉六月十四日以疾卒於正寢距其生天順甲申正月十二日享年六十二子男四言玄京高言京皆邑庠生玄都司知印女二長適翰林修撰姚君惟東次適鄉貢進士袁在孫男三天保天慶天佑女一言輩卜以丙戌某月某日葬君貴里三峯山之原乃奉修撰君狀來徵銘君孝友修謹平居恂恂言若不出口至臨事則慷慨奮發必行其志予往年讀方伯楊公司業陸公贈君文詞則固已知君而修撰君予同年友也得其狀益詳為之銘曰  
王氏之南自宋歷元間有作者未大厥門譬彼桐梓日培其根君一發之以曄以繁君生恂恂其言溫溫

乃若其中有剛者存仁以爲基義以爲藩翼室堂  
綰紳所尊如何不弔梁折煉燔有義者丘三峯之原  
我銘揭之貽厥子孫

贈承德郎南京戶部主事汪公墓誌銘

南京戶部署員外郎主事汪君漢淵之卜以嘉靖某  
年某月某日改葬其考贈承德郎主事公於其所蓋  
公之卒至是二十有三年矣始予見淵之誦公遺事  
未嘗不泣以爲是父子之情固然比見其鄉人言及  
公者率歎惜歔歔而不能禁而人之聞之又莫不企  
慕慷慨若其生而欲一先之也嗚呼賢哉公諱某字

世澤堂集

卷十五

三

業

克寬先世居歙系出越國公之後宋末徙皖入國  
朝徙懷寧聚其族成鄉焉今猶稱汪家園再傳至公  
曾祖某族散而始微祖其父某皆不果振公四歲失  
母熊又一歲失其父育於他姓九歲邑長者丁肅求  
得撫之疑重軒轅不與羣兒伍識者謂汪氏有人長  
好客遊弄出輒獲厚息業用是興然不爲私蓄賂遺  
賓客周卹貧弱治杜梁川塗盡力乃止嘗以錦綺若  
千寄金陵某私之詭以盜對爲券期明歲償公公  
信不疑比往會某以他累貧竟不責約而返又嘗遊  
江許見覆舟急命僕援之出者九人自言舉子當上

春官時天方寒公延歸親爇火燎衣數日人贈衣  
一襲白金一兩易舟遣之畧不問姓字或言公當問  
者歎曰吾行吾義耳何問爲又或言公施太厚色赧  
然不敢當且自以爲未足也嗚呼今天下淺夫鄙人  
視捐毫髮利可以取義寧失義無所與又其甚者利  
人之危而奪之而公之所以爲義者至不欲知其人  
而責之報此其視利何如也揆諸古昔不猶在先生  
長者之流與宜其沒而有遐思也已公生正統甲子  
六月八日卒正德丙寅十月二十五日享年六十三  
娶錢氏繼娶今贈安人詹氏有懿德實生淵之淵之  
幼從吉水謝履素學歲時問遺必豐於諸生蓋以公  
之賢而孺人又克相之淵之所以有今日也女三長  
錢出其二詹出壻曰葉斐袁伯郭山孫男一器予與  
淵之同舉於鄉旣又同舉進士而濫以文辭爲職業  
遂敘而銘公銘曰  
惟人有言生則必亡乃如其終亦繫否臧彼死而晦  
此久而彰纍纍者丘中實異藏猗嗟汪公好義慨慷  
流風逸響沒世不忘身則已矣其存者長改卜而安  
奕世其昌

世澤堂集

卷十五

四

業

封太安人陳氏墓誌銘



封太安人陳姓諱某其世曰寧國之太平人曾祖某祖其皆以隱德稱於鄉其歸曰封承德郎王事焦公志剛其子曰南京刑部主事煜次燁次烈最少庠生煌燭曰里之人陳祿孫男曰廷翰廷珍廷爵廷瓚廷宣廷堅廷璧凡七人孫女曰某某又四人其生曰天順甲子某月某日卒曰嘉靖戊子十一月二十一日享年六十七其葬曰某年某月某日地曰某山之原其行曰事繼母孝事姑如其母事封君禮敬如賓處妯娌無忤言亦不為比教諸子耕讀皆有法煜既貴迎養宦邸每戒之曰無怙威無濫繁法無以喜終重

世澤堂集

卷五

五

何喬

輕凡深故之報不干爾身必于爾子孫煜奉以周旋安和明慎有聲南都素勤儉至拜封命猶日事紡績曰以是相吾子廉且使勿懈也嗚呼是可書矣予與煜同舉進士遂按車駕主事鄭君宰甫狀為之銘曰

翟之祁祁象服之宜子而斯材功也繁誰封之翼翼玄宅之恤是曰令終維內之則

明故宣城伯夫人張氏墓誌銘

宣城伯夫人姓張氏華亭龜蛇里人大父盤仕至南京兵部尚書叅贊機務有聲

孝宗朝贈太子太保諡莊懿父某以尚書蔭授福寧州判官病不果往為詩文自娛終夫人生而娟好又性儉素諸所被服不慕華美尚書愛之携以自隨口授女誠能通其指由是滋以為慧必欲使為貴人妻年若干遂歸衛氏配今宣城公於勲衛和順端恪動準矩度閨門之內不聞忤言公祖壯勇公性嚴毅雖處父子如在朝廷下至飲食亦務精潔夫人代姑顧夫人綜家政輕重高下不爽銖兩躬執烹爨事承其懽寡有約束壯勇公必問家人是新婦晝否曰然即笑行之食上必問是新婦調否曰然即盡嘗之如是

世澤堂集

卷五

六

何喬

以為恒壯勇公面謂夫人曰新婦賢善事我宣城公父子亦因禮夫人有加後遭三大喪相宣城公襄事戚易如禮公既嗣伯允佐以道間有諮議輒對曰妾聞之吾祖云云諸子侍側數正色語曰吾昔見吾祖言五侯家子弟好奢逸鬪雞擊鞠走馬舞劍以蕩凌德卒致傾敗心竊傷之汝曹幸有世祿惟日敬畏可以久存如五侯家所為慎勿學也諸子咸奉教戒不敢以過失聞嘉靖甲申拜伯夫人封庚寅春皇后親蠶北郊特詔克三公命婦禮成賜衣二襲其夏上作園丘命公知營建提督神機營如故公退朝夫



人迎賀曰

上知夫子實深以有茲選惟妾亦以夫子之故獲有事公桑 國恩至矣妾則無以爲報夫子其重圖焉秋九月遘疾公日往視辭曰夫子有國事毋以妾爲憂比疾革語終不變公涕泣領之既卒哭之慟爲不再娶亦不畜婢妾曰以是下報夫人嗚呼女德之助其來尙矣顧在純綺以及閭巷狃安習情局見溺聞雖微美必彰而植立彌寡若夫人明於理道修身飭辭卓然自出流俗以與古名姬淑媛上下交稱豈不可謂偉哉宜宣城公傷之深也夫人卒以十月二十

世經堂集

卷十五

七

表

九日距生成化丁酉二月十一日享年五十四歲辛卯某月某日葬都城西翠屏山之陰所生子男三人長守正次守忠又次守信女二人長適楊司空子右府都事木次適游都尉子錦衣百戶鉞孫女二宣城公謂葬宜有銘而予嘗執筆隸史氏又與夫人之弟刑部檢校啓雲好也遂奉李正郎尙綱狀以請予不得辭銘曰

張氏世德龜蛇之原施於尙書不替益敦尙書之教被其女孫其中旦旦其容溫溫女孫來歸元勲之門不泰不驕以封慶源慶源厥躬將昇後昆曰忠於

君遺言則存凡後之人其永勿謬

明故竹賓吳君墓誌銘

竹賓吳君屬續之前一日既經紀其家事乃以書屬其友黃子龍津鄭子劒溪曰臻死必二子者狀而請少湖子銘君卒且葬黃子語鄭子曰子交竹賓稔於我蓋狀諸於是鄭子爲狀而偕黃子詣予以銘請如君言始予與君相處重其敦朴謂有古長者之風乃歲元日子許以文爲君七十壽未及期君病度不可作則又心許銘君然則予今不得負也按狀君諱臻字至善南平之普安里人其先世號審律先生者有

世經堂集

卷十五

八

表

重名於宋十二傳至通直郎奎又幾傳至君曾大父董三董三生仲祥仲祥生仲純皆克嗣其德仲純三子君於行第二仲純擇而教之未冠補郡弟子員歷二十餘年貢入太學卒業圭峯羅先生之門有能文稱弘治辛酉領北畿鄉薦正德甲戌謁選試高等拜廬之無爲知州州故濱江多水災君隄防賑貸具有條理又爲釐馬政之弊葺學舍建鄉塾表士之賢者與宦之有聲績者若干人民歸其德既兩考以無子不樂仕嘉靖壬午疏歸其鄉悅梅山之勝徙居山之南麓今所卒處也君爲人不外飾顰笑偃仰如其所

懷不隨人作悲喜每與人語雖極小事非親見不敢言亦不能爲巧譬曲喻爲酒食召賓客管治累日必豐潔乃發書書必閱數過然後以授使者其居介郡縣治之間雅自重寡與縉紳相接一時樂媚佞喜華侈者亦多不愜君所爲門之外極落實君終不變予既佐延刑獄亟過君君乃以予爲知己然禮貌亦不有加於其素嗚呼以君之敦朴使久存於世豈不足少勵薄俗哉而不幸以死是可傷已君生天順甲申三月十六日卒嘉靖癸巳二月五日官止進階朝列大夫葬以卒之某月某日墓在晋安鐵場之三坵田

君再娶初娶官氏無子繼娶王氏側室陳氏魏氏竟無子乃以兄輝之次子鏞爲嗣君引且發而鏞卒今奉君以葬者輝之長子鋼銘曰

世趨下溺其逝川孰返之猗鄉之多賢有人顓顓寡笑與言不豐其華而全其天後學有瞻不幸而死典刑兮曷傳墓之石文以堅我銘是鐫以此塞悲兮吁嗟乎其然吁嗟乎其然

明故南京禮科給事中劔溪鄭君墓誌銘

嗚呼自劔溪君卒而予無益友矣君性高邁介直不隨人愠喜亦不能隱人之過其爲論說剖析義利決

擇是非能使人聽之晝夜凜凜坐不敢言去予昔司理延平與君處三年有不善未嘗不予告苟弗能改未嘗不憂即能改未嘗不飲予酒歡笑竟日也而今不可作矣嗚呼是豈獨君之不幸哉自道世交喪臣之於君既靡然誦以求利之爲務至於朋友其利幾何然而一辭色之好能不誦以求之者寡矣故苟志於利無所不至焉苟不志於利亦無所不至焉以君之處友而其事君可知也以予之不獲受君之益而天下之失望於君可知也嗚呼夫豈獨君之不幸哉君諱慶雲字舜祥延平之南平人曾祖某祖某世有隱德考友以貢授賓州司訓娶林氏生君君幼奇敏爲文多不屬草然其詞乃若宿構故自少卽有聲年二十二領正德癸酉福建鄉薦明年甲戌舉進士拜

京禮科給事中  
今皇帝卽位首劾中官楊琳貪不奉法及畱守大臣

之不職者立報可後三年大禮議起君引濮議以爭不能得引疾歸劔溪家如諸生時志晏如也未幾遭賓州喪獨不用浮屠服除會新制廷臣病滿三載皆罷不用當路者素嫉君文致以爲當罷竟斥去君亦不尤復歸劔溪閉門吟誦若遂與世絕然人益賢君東西過延平者莫不造其廬君亦與之傾倒栝觴詩奕各志滿而去予之始謫也君方待命國門一見語意合及予抵郡數月君亦罷歸予於是數過君其瀟灑脫落之趣人咸得親之而規誨劇切則予所得多焉蓋君之待予厚矣君所居自扁曰劔溪草堂近世名公卿多爲賦于將鎮鄧神異之事者然君意實有所托故予嘗作劔溪解褒之及其卒也爲四詩哭之而遺其孤文卿書曰銘汝父者必我後兩月文卿卜地得故劔浦廢驛將以某年某月某日葬而奉大參龍津黃君狀以銘請龍津載君屬纊之言曰必乞銘於少湖予於是復大哭次其事而爲之銘君生于弘治壬子十一月十七日卒于嘉靖戊戌三月二十六日享年僅四十七娶王氏無子側室郭氏實生文卿及女一人今嫁爲士人劉季春妻君自弱冠至於卒所爲詩文甚多其最著曰延平郡志劔溪塊稿郡志

旣梓行矣規稿予且序而傳之銘曰

豐城神物光燭天鐔津化去今千年精靈狎世不自禁戲一躍出津水邊寒芒旁射觸者斷世上無物稱完堅神乎厭棄下土濁旋復化龍歸九淵嗚呼南山有虎雄視耽耽東海有蛟饑吐涎我欲借爾除此二害者今爾復化使我有志徒潛然嗚呼今爾復化使我有志徒潛然

封太淑人董母婁氏墓誌銘

嘉靖丙申六月十三日封太淑人婁氏卒太淑人其出爲前御史屏梅公女其歸爲故雲南知府封詹事府詹事兼翰林學士顧齋公配爲吾師今吏部左侍郎兼學士中峯先生母其封於國之制爲三品然其生也家無貲卒也橐無遺財及且葬階往爭先生而爲文祭太淑人退語所知曰嗚呼自伯夷沒顏子夭士大夫汨溺富貴于今幾千百年率揚揚自謂得志往予觀於鄉見富者數人焉皆故饑貧者也皆仕爲小官去其簞貧時三五年或十年者也方其富也肥甘醲鮮可以醉飽室宇可以居臺榭池館歌舞絲竹之屬可以息遊宴樂又推其餘結納貴權能號令奔走郡縣之吏旁噬其里人後生無識者慕之已輒

踵爲之至於今益甚太淑人之貧雖其夫若子所樹立有大過人者顧所以左右先後之功豈小哉嗚呼可謂賢矣太淑人始歸董氏頤齋公方試春官不利偕仲兄僉事公卒業太學時乃無僮僕資斧太淑人躬執炊爨薪絕手拾穢遺暴而焚之無怨言其年頤齋公舉進士拜黟縣令太淑人在官所朝夕惟爲公設肉身及子女皆茹淡被服甚儉一衣非十許年弗易後公徵入爲御史按畿內真定諸郡太淑人畱京邸有干請者絕不與通繼按閩值歲大比浙鎮守中貴人爲其姪求舉密遣人致重賄太淑人時寄寓族子舍賄者以治第爲諷言殊委曲卒不顧公自閩代還多所糾劾以忌出知雲南太淑人益佐公爲清約居九年忌者竟罷公公既素貧四子一女至不能婚嫁太淑人早作夜休躬蠶繅課樹藝次第畢事公賴不煩弘治乙丑先生試春官第一進士及第官翰林嚴重端簡人無私交太淑人聞之喜曰吾乃幸有子數寄語先生慎無易其初故先生自爲編修至於少宰以廉節聞天下及先生被讒歸視其室蕭然太淑人出視行李亦蕭然母子各大慰先生日晨起撝蔬煮粥奉以進太淑人太淑人食之盡膚色加充澤階

嘗謂先生先生賜之坐屋僅十餘間坐處稍完潔中可着七八人餘則已敝漏有頃賜食設大盂置菜數種久乃有魚肉味皆淡薄杯盤之屬小大黑白錯階大駭異以爲此布衣之士所不堪旣而詢諸其鄰曰先生平時飯客尙不能辨此也嗚呼頤齋公爲知縣爲御史爲知府於人情可以富先生在翰林二十年爲少宰又五年於人情可以大富以先生繼頤齋公再世仕宦於人情又可以富然而無改於貧太淑人旣不撓其夫尤其子又臞身竭力以爲之助正言悅色以勸以勉故先生父子所自樹立雖本大過於人而太孺人左右先後之功豈少哉嗚呼可謂賢矣太淑人生于正統辛未八月二日距其卒享年八十六初封孺人進恭人再進今封計聞天子念先生日講舊勞特賜祭葬於是守臣建北域于高山之陽而先生以年 月 日奉頤齋公及太淑人合葬焉先生於太淑人爲仲子其於父母甚愛年二十三猶與頤齋公共臥初婚之夕鷄鳴尙侍側頤齋公固遣之乃去兩上春官及謁告還朝抱持太淑人而泣屢旬不能別頤齋公力推拽之太淑人亦怒語曰汝不務爲大孝願作兒女態耶不得已

出門行數十里猶淚下不止故人又以徵先生之孝與太淑人之善教也太淑人諸懿行尚多語在陳太史約之狀中太史蓋先生壻其知為詳銘曰

太淑人賢耶能佐其夫貧而不能使為卿能教其子又貧而不能使為周師保商阿衡太淑人未賢耶董氏再世位不足而優於名吾安取哀請以比黔婁氏之妻和靖氏之母位耶名耶其孰重輕嗚呼世方靡靡詆嗤賤貧口腹是憂而忘其身彼皆丈夫此乃婦人我刻銘詩以詔于斯民

明故封文林郎大理寺右評事海槎王公墓

墓誌

卷五

十五

張華

誌銘

封評事海槎王公以嘉靖戊戌十月五日卒其子廷評君卜以己亥月日葬公莊港之東原手為狀請予銘其墓昔予叔父谷易公與公交友好也予幼與廷評君同學長同仕宦而予弟隣又娶王氏予兄弟與公父子嗣相好也銘其可辭王世家上海自徙華亭以醫聞公少嘗治毛氏詩通大義矣會得羸疾亦去學醫然非其志也思多讀經史百家之言以自表見四方之士有挾古策籍者無不厚價購之即語合雖傾囊無所靳即不可得必借以歸口誦手抄汲汲

若不足故公生於世五十有九年繼以廷評君貴有

田僅百畝屋僅足以居而其藏書乃多至萬七千卷

予始為編修時見京師沈氏者其家多藏書士大夫

欲借書讀之必之沈氏後予自延平量移歸公飲予

酒予因請書目觀焉多沈氏所未有也嗚呼其可謂

篤於好矣公素能詩工小楷及藏書益多見聞益博

所為詩及楷書行草皆出入諸體妙契精奧嘗燕處

一室焚香展卷怡然自娛人莫窺其際也嘉靖甲申

乙酉間郡知公能醫補醫學正科太守汶上路公順

德何公每見必以貌壬辰廷評君舉進士知會稽丙

申擢今官其冬

皇帝作九廟成推恩羣下封公文林郎大理評事

配姜氏太孺人人謂公之藏書既成其身又成其子

卒食其報為不負云公諱山字靜之海槎其號上世

有輔者永樂初以人才薦授東平吏目遷全州判官

全州生昱昱生祥祥生繼繼生宗宗號濟軒是為公

考以父命後其叔暹暹父璿號東溪始徙居華亭以

醫聞者也公雖已居華亭而其族眾畱上海者力矚

恤之至朋舊亦然廷評君在會稽公數寓書勗以古

持已牧民之說君是以為政有聲拜封三年於有司

未嘗有所干謁卒之日至無遺財焉子二人長教即  
廷評君次政國子生女一人子弟隣所娶也銘曰  
惟世於利吝以貪羣然白首終昏酣偉哉王公百不  
就室中何有書千龕奇文與典得飽探收拾精蘊付  
兩男雲霄馳逐服與驟彼乾沒者如吳蠶生死一繭  
無餘詣以此較彼孰媿慙我銘厥幽歎息三

明故柳溪唐君暨配劉孺人錢孺人墓誌銘

吾華亭之白砂里有望族曰唐其先汴人宋建炎間  
將仕郎貴一者扈從南渡實始居白砂歷傳百

十餘年以及於柳溪君君蓋耕雲處士玉之曾孫

世修家集

卷十五

七

高

贈車駕王事壙之孫而北園散官柞之子也諱儵字  
子美少警敏純篤知自力於學弱冠補邑庠生與兄  
太學生俱相師友所期許甚重未幾北園公病配宋  
孺人憂之亦病君歎曰夫所謂學者非學為忠與孝  
耶吾既家食無以自効其忠而吾父母病不能養不  
可謂孝遂絕意進取朝夕治醫藥具修瀧以奉北園  
公夫婦疾頓瘳後北園公夫婦卒喪葬一以禮事伯  
叔父如父事舅氏如其母唐內外之族交謂君孝友  
正德間子明甫就外傳君數試數奇之益竭貲力課  
之學嘉靖初明甫果補郡博士弟子文蔚然有聲歲

甲午明甫再困場屋急遣入成均日以盡友天下士  
鄉縉紳又交謂君善教其子君為人於義重於財廉  
尤善鑒別微惡幽隱無所貸早歲人多嚴憚君者晚  
更為樂易卜居泮溪環植以柳日與姻故觴詠其間  
翰林待詔文先生為賦詩有不須更說陶元亮之語  
蓋以擬靖節云嘉靖己亥五月三日得疾卒距生成

化癸卯正月九日享年五十六君凡四娶初娶郡庠  
生劉綸女端重凝一相君以禮故君無失事於賓祭  
正德己亥四月十四日年三十三卒生子自新自古  
自謙古謙皆早夭自新者明甫名也女一人嫁為鄉

世修家集

卷十五

大

高

進士朱承祖妻次處士戴女寬弘慈惠相君以仁  
故君無失恩於鄉族嘉靖癸未月日年二十八  
卒生子自立自守次尚書文通錢公曾孫女沈靜嚴  
整相君以義故君無失譽於朋友嘉靖甲午月  
日年三十五卒生子自修最後處士姚某女生女一  
人尚幼明甫卜以是歲月日葬君菴港北源之  
新塋而啓三母以耐自為狀率其兩弟及子本堯述  
堯相堯介朱進士諸予以銘請予素知明甫近又與  
進士游得具聞君之賢而本堯述堯年甫髫髻俱已  
能文章益信慶源之有自也遂為銘辭曰



唐有氏始於堯世承傳繁以遙居白砂自汴徙宋遺臣唐別子維柳溪篤於親守一丘訢終身蓄不施以畀後肆子孫孝以秀唐之柳王之槐史作銘徵後來明故文林郎吏科都給事中致仕麟山楊公墓誌銘

嗚呼此予友麟山楊公之墓也始予自江右歸卽擬過公與商訂當世之務且發舒平生所扼腕而不平者抵家聞公病意公素強旦夕當愈未卽往居數日忽報公卒遺言屬予銘嗚呼予方以不及見公爲憾尙忍銘公哉然而遺言不可負也乃按蘇侍御一齋

世經堂集

卷十五

九

表

狀序而銘之公諱秉義字士宜麟山號其先自上海徙華亭之葉謝鎮語在宗伯文僖顧公所爲府丞公誠中府丞公諱璨故散官諱文信之孫封工部王事諱雲之子而公之考也府丞爲諸生時與文僖及兄玉峯憲副先後以文名公入奉家庭之訓出從文僖游文譽日起正德丁卯領南畿鄉薦甲戌舉進士授行人司行人丁丑遷兵科給事中當是時寧庶人有異志而諸權倖相比周爲姦公知言不用引疾歸庚辰

武皇帝內誅外討政由已出公乃起至則改吏科辛

已

今皇帝卽位銳意治理公上言

先帝初政勤明中遭壅蔽國事日非陛下承付託之重當臨蒞之始乞以爲鑒崇正學親儒臣謹號令

絕進獻責執奏於有司付參駁於臺諫詔旨不爲空言章奏不至停閣然後諸邪莫入而至治可期

上深嘉納焉中官魏彬以迎立功入掌司禮又封弟

英爲伯公言彬以鷹犬事

先帝虧損聖德陛下入嗣大統本出祖訓彬何功而受重賞詔奪兩人官劾楊侍郎儀姦回固寵

世經堂集 卷十五 干

罷之奉命犒邊軍故事隆慶步隊軍餘及鎮邊召募之衆賜皆不及而守禦白羊口堡諸軍以名隸涿

鹿亦不與賜公至居庸奏其勞詔賜白羊視居庸餘皆半給至宣府盡覈漏丁奏補給銀二萬兩又奏

發內帑戶部羨銀積粟居庸紫荆鴈門等關爲戰守備邊人賴之未幾丁母周宜人憂甲申服除仍爲吏

科奉命巡視京營上言

祖宗重根本計久遠設五府以統四十八衛立三大營以蓄精銳十二團營以備調遣今承平既久官軍

日減官馬日耗一旦有警何以爲策宜詔兵部選將



官實軍伍惜戰馬如

祖宗之制從之丙戌遷右給事中丁亥詔百司陳政之利民者公首疏七事曰懲貪刻定法守輕差徭省包賠蘇糧役恤竈丁謹邊防時稱有識會制考察京朝官劾奏大學士張孚敬而下二十四人或詣公自辯公曰予言誠謬然願吾有此言不願君有此行辯者愧服其秋司徒錫山秦公司空安成趙公相繼去國而陳道瀛以黃冠為太常少卿公抗疏論之不報遷禮科左給事中戊子遷吏科都給事中尋病疽解官歸初府丞公兩為南考功嚴重諒直冢宰信

世襲集

卷十五

主

張

靖廖公知之薦為尚寶卿連疏乞南僖靖高其節擢貳京兆公實無所與力而公之為都諫也周侍御在徐侍御州都侍御元洪邀公有所論列公與議不合謝之已而三侍御俱得罪而公以材任中丞薦已丑張桂罷忌者詆公為桂黨其辭曰巧遷父官陰傷善類會當軸者素嫉公不附已遂與致仕時論囂然不平而公方丁府丞公憂絕口不辯至終其身恒然曰心苟無瑕後當有知我者居閒十年未嘗以事干有司創世墓建家廟置祭田修族譜設義醫義塾思以孝友禮讓化其家及其里人巡撫歐中丞薦之朝眾

世襲集

卷十五

主

張

方有所深冀而公遽卒嗚呼以公之賢縱不為世用苟使享壽考發其所未竟於鄉閭族黨之間其於風教夫豈小補顧失於彼復不得於此何也公生以成化癸卯八月十一日卒以嘉靖己亥閏七月八日享年五十七初娶夏氏封孺人先十三年卒繼娶王氏子男三人允修側室劉出允雋王出允佳側室袁出女五人長適一齋子國子生克柔次適姚王政從子國子生簫皆夏出次受何散官子鈿聘袁出次劉出最幼王出公之卒也允修年十五允雋允佳始八歲弟國子生秉謙實率允修十以是歲月日葬公

尹山涇先塋之昭位且撫視諸孤所著奏議若干卷予議梓之秉謙曰惟我在銘曰

生才實難古聖所咨孰難其生而輕毀之嗟惟楊公直辭偉度司諫兩朝驚駭駭驚遺誣而歸道義是敦煌煌厥聲被于後昆既嗇厥施胡不遐壽顏短蹠長孰任其咎人之云亡季世則宜吾不悲公為世孔悲

明故義烏訓導封中憲大夫長沙知府鶴峯

李公墓誌銘

嘉靖十八年長沙知府李君日章以治行徵拜山東按察副使至則奏疏曰臣章猥以不肖守兩郡晉

貳臬司 陛下所以寵臣甚厚臣於義不敢言私然  
臣父老矣不及今為養臣恐日之不待也惟 陛下  
哀憐之疏上具為書報其父鶴峯公公亟以大義止  
君會 命下不允君拜且泣曰吾父知教章以忠吾  
乃不能以孝委曲巧 闕下幸終見聽不可為子即  
日遣其孥將再疏以請其冬十二月十五日公病卒  
享年七十七於是士大夫嘉公之能後其身圖也憲  
副君之急於養也蓋賢於人遠云公諱霆字民畏鶴  
峯其號以真為義為訓導六年以憲副君貴棄其官  
歸封刑部員外郎封中憲大夫長沙知府初公為  
諸生階季父谷晏公實與同筆硯季父固以文有名  
聲然猶心畏其能及階嗣游於學公則已仕獨得與  
憲副君暨其兄國子君日宣同試有司階于時復畏  
君兄弟甚其鄰之太嘗語階曰公昔困場屋數中夜  
擲書歎曰吾竟不得一第耶願見二字察視眉目輒  
又喜曰天固以此償吾負也悉抱所為文授二子引  
觴滿飲而罷階具其事識之至於今具如公云公之  
先汴人扈宋徙上海望公曾大父德芳客死其孤晟  
始來居華亭晟生枰是為秋田翁以高年授冠帶實  
生公公幼事秋田孝長能友其兄與人處寧為所負

不敢以薄尤有襟度租俸入門為酒食召賓友歡讌  
連日夕或持所餘以去亦不吝惜間值空乏意恒怡  
然在義烏與居其鄉迪引後進汲汲若不及故其門  
多名人配許氏贈太安人加贈太恭人子男五長國  
子君次憲副君次日積次日就次日進早卒女一嫁  
張汝器孫男七乾亨豫亨泰亨升亨觀亨益亨鼎亨  
豫亨為色博士弟子世其學女三公卒之又明年二  
月 日憲副君偕其兄弟葬公李巷涇之原合祔  
許恭人塋以公門人侍御徐君狀屬階銘其墓階曰  
夫銘於行必著其大者子之先公有文以詒子兄弟  
老又獲重語於士大夫行孰大於是是可銘已銘曰  
九峯兮參差鶴昔鳴兮子和之鶴去兮何所子鳴孤  
兮惻以楚惻以楚懷遺音其音則遠我知其心以鳴  
貽子子貽  
王朝宜蓬丘夕玄圖刻銘墓中非廷女華表他年鶴  
應語  
明故處士菊坡朱君墓誌銘  
嘉靖二十年八月六日華亭處士菊坡朱君卒於赤  
松溪之里其冬十一月三日嗣子鄉進士伯元率其  
諸弟葬君松隱之西北原先事手為狀請予言曰孤

不幸喪我先君凡顯榮孝養之事無所致吾力矣惟先君之隱德所以使永有聞于後者幸有墓中之石敢以銘諸伯元故與予遊而年稍長予蓋以兄事之乃諾而銘君按狀君諱秀字廷芳菊坡所自號也其先有諱德新者是生麟麟生璧號儀齋世以力田爲業然皆喜詩書有清白聲儀齋娶陶氏晚生君君幼則從事於學會儀齋卒棄去喟然言曰夫古所謂學者其止於詞章科第已乎則吾不及爲如其非詞章科第之云乎吾固不害有以自見也於是益力田取賦之贏盡以奉其母母大樂之比伯元生君異其質

墓誌

墓誌

墓誌

墓誌

抱先世所遺書授伯元益大肆力於田取奉母之贏盡以資伯元學嘉靖乙酉伯元遂舉於鄉弟煦弟煥亦相繼爲邑博士弟子兄弟並以文有盛名朋友間性介直人有過數面規之退未嘗出一語爲訾毀與人謀必盡人與之謀不輕爲然諾諾即無弗踐者歲凶里中有人有所稱貸度不能償恒折券畀之賓友過從不問有無必畱與飲飲必極醉當其得意時歌詩投壺引滿相屬視世俗一切可憂喜之事漠如也君生成化已亥五月十四日距卒享年六十三娶陳氏生五男子長勳是爲伯元次烈早卒次煦次煥其季

曰默孫男九人懋光懋充懋隆懋忠懋恩懋升懋延懋陽懋傳懋光已爲邑庠生餘亦業舉子女八人曾孫女一人予嘗過松溪南望平疇間林木鬱然其下屋數十間制殊儉朴詢之曰君所居也及登君堂中所有獨圖書耒耜蓋於是見古之風焉其可銘也已銘曰

漢治近古爰徵力田本實旣崇化猷以宣其後俗薄舍田而市上下驚馳惟利之視倚歟朱君獨古作求手耒與鋤樂彼林丘穡事之成以奉慈母亦有圖書式開厥後我懷若久漢濱鹿門潛藏闡然化源實存其人則往我欽其德刻石幽墟過者必式

墓誌

墓誌

墓誌

墓誌

明故文林郎湖廣道監察御史一齋蘇公墓誌銘

公諱恩字從仁別號一齋姓蘇氏仕終文林郎湖廣道監察御史嘉靖己亥八月十二日得壽五十七以卒公幼孤母薛孺人撫且教之公生則寡言笑恒若有所思念不與羣兒徵逐爲歡好年二十出應科舉選有司置其文高等明年遂領鄉薦人猶罕識面目者正德戊辰舉進士拜秀水令秀水去華亭百里而近姻故造請輒戒門以絕諸所與革惟法之從視世

所謂周旋委曲槩以爲違枉與監司語不能抑揚致  
媚厚邑之豪不得肆則誣公不法若干條按察使思  
文致之比辨乃無絲毫實名益起徵拜御史鄉人有  
附貴倖竊勢權者公意輕之彼慍曰小蘇乃敢爾耶  
會侍宴殿中劾奏錢寧江彬驕不時赴詔釋不問  
公知不能容乞歸養薛孺人尋丁孺人憂諸貴倖踵  
相繼斥戮以免喪復爲御史出按四川飭已持憲  
繩引斤斲人不敢失尺寸奪巨族侵民之田若干頃  
配其奴同年友黥于貨摘發無少隱當是時論公者  
一以爲嚴師一以爲鳥驚公因引疾歸後四年起按

書

卷

七

七

廣東或舉蜀事爲戒公不答至則籍寺田歸之官敕  
郵吏毋濫給食察其食之濫與食焉者根鈎罪之費  
大省英德令受民賕聞公且來卽夜去其邑不敢以  
門第姻黨冀萬一免將相疾公之爲爲新法大考諸  
臺諫從臣疏三上竟罷公御史最公之政始爲秀水  
則幾失官爲御史初寒臺禍幾不止失官按四川又  
幾失官至廣而踏皆以執法自舉進士迄致其仕垂  
二十年食祿之日僅十有三嗚呼其可謂篤信特立  
矣公家居不樂與賓友過從宴衍問遺之跡不及郡  
縣意有所會或時忿悵不平一發之詩長篇短章皆

勁雅可誦嘗讀唐御史蘇渙集喟然曰吾與渙姓同  
官同好靜又同獨詩不逮耳予因請題其稿曰三同  
公屬予序予諾之未暇爲也乃於今與公韓子云官  
不遂歸譏于時身不得年其又尤誰予於公情可知  
矣公先世居東明里曾大父浩始徙沙岡大父俊父  
謹連三世爲鄉長者謹獨以公貴贈監察御史元配  
衛氏封孺人有子克柔國子生繼配憲副良菴張公  
女有子三人克厚邑庠生克恭早卒克溫爲舉子學  
女三人長適大叅檇菴宋公孫寵次適唐上舍子予  
采幼許嫁宗伯毅齋孫公子其孫男三人守約守正

書

卷

七

七

守益歲庚子十二月二十一日克柔率其二弟葬公  
沙岡之原前事以邑博硯江金君狀介予友鄉進士  
張子監先來徵銘予既深悲公爲之銘以慰之其詞  
曰

玉以琢毀瓦由棄全校得寡多其歸則懸故形情易  
滑而智有所必擇權衡誠設而利有所必捐倚嗟蘇  
公尚千百年安于其阡

明故通議大夫大理寺卿前巡撫江西都察

院右副都御史浦南胡公墓誌銘

我

皇上受命中興羣賢景附于時有宣力任事之臣曰  
華亭浦南胡公諱岳字仲申起家刑部主事歷員外  
郎四川按察僉事湖廣副使廣西右叅政福建按察  
使江西廣西右布政使江西左布政使擢都察院右  
副都御史巡撫江西改大理卿未上卒公爲人以氣  
節勲業自許事至能立斷爲刑部時慮囚鳳陽大姓  
甲者與乙爭田鬪不勝因殺叔誣之獄具憚莫敢決  
至公乃決

上之卽位憊選藩臬大吏與圖化理以公爲才遷四  
川芒部寇川南公當分巡會病議更川西奮曰人固

有死必川南邪卽督兵入其山斬木通道二百里募

死士塞賊走路大合兵搗之誅若降若干人捷聞

賜白金文綺松潘兵備副使遷當路者曰是重地且

其政廢久非胡某不可使攝胥檄公公往覈戎籍實

倉庾厲侵尅之罰卒以月餉實富室計其息及十三  
爲取券焚之居數月米餘於廩人有餘力繕甲仗營  
堡關梁事改於舊諸夷警焉總憲于閩數據法直民  
死罪按賊吏不以御史意假貸語時譏御史御史至  
面發赤流汗乃止閱故牘得事之未報者晨夕下郡  
縣盡闔之屬檄日常八九至吏傳寫不能給而公聽

讞乃恒有暇手校四書五經及晦菴先生集翻梓以  
傳江西吏巧文而輕犯法爲置簿書勾稽以時遠視  
廣聽姦至卽發問以禮規御史御史怒公不爲撓曰  
吾務盡其在我者治事如初至疾病猶扶掖以出御  
史竟不能有加後至者以績聞拜中丞公益自奮  
首爲書數千言徧以授羣吏已乃汰冗費更役法民  
視產出錢歲不過十一役於官有常期榜懸籍刻吏  
無得動

郊廟建詔市材楚蜀吏盜官錢更賦民或張旗幟  
擊鼓伐金從徒百餘行視民所植出黃紙封之縛其

楚人賴安歲饑平疏以請

上爲減所輸全活甚衆公既勤於政疾復作迨被徵

已艱於行會聞繼母喪自江西歸其家踰月遽卒公

平生於財廉所望未嘗市民一物其與人處言笑歡

詭洞然不疑然或以不義撓之輒詬怒已又輒霽嘗  
面折人之過聞者震懼不能勝及論薦人才終不沒  
其善交游姻故雖在寒賤拯援周卹必盡其情然不  
可干以私故賢者服其誼不肖者忘其怨宣力任事  
初若不容於俗而卒成其名致位通顯蓋非獨所遭

際為然公生成化甲午正月三日卒于嘉靖己亥五  
月十七日享年六十六曾祖其祖斌父琬仕為湖州  
府學訓導封刑部主事與斌贈俱通議大夫都察院  
右副都御史祖妣 氏妣顧氏繼妣 氏贈封俱淑  
人配張氏封安人先公八年卒贈淑人子三長鍊郡  
庠生以公廕入國子次鏜國子生次錫郡庠生 卒  
孫男三嗣孝嗣弟嗣敬歲 月 日鍊董葬公  
奉顧少叅伯從狀來徵銘公昔領正德庚午鄉薦於  
階先叔父為同年甲戌舉進士於階為先輩其後階  
自翰林出為延平推官於公為屬自浙江為江西提  
學副使於公為僚公遷中丞又為屬幸獎識焉乃泣  
而銘曰

士昔未逢志咸在民及既遇時謀止其身溫溫非恭  
訥訥非慎曰世尚隨毀方為狗卓矣胡公侃侃揭揭  
衆所遂巡獨奮以決孰良無告我覆露之撫之摩之  
又乳哺之孰為蠹賊為狼為梟搏磔薙夷罔敢或驕  
孰為國常我主持之先之後之左右維之孰隼而墉  
孰孤而城我膺我懲則莫敢攖究公之志曷顧曷慕  
將俾八荒遵我王度惟人之壯或勇於為暨于疾病  
氣因以衰惟位之崇或有所恃厥初未達多遜以俟

繫公毅然始郎迄卿二十六年不替厥聲彼徑以趨  
我才驟起駕虬駟鸞翔驚千里方躋而顛識者所傷  
功則多有邦家之光公心如震我亦非密報公以文  
來者是述

明故廣東布政司左叅政南岑吳君墓誌銘  
吳氏故汴人宋時有諱崇本者從高宗南渡始占籍  
浙之錢塘至 國初子昌以貲徙實京師其子孫仍  
家於浙閱三世誠為右副都御史贈其大父原敬父  
士寧如其官謹義授承事郎以子貴贈奉政大夫廣  
東按察僉事其妻莫與其側室周贈皆宜人族乃益

大顯君諱玘字汝瑩別號南岑舉嘉靖癸未進士拜  
行人司行人歷司副刑部員外郎廣東按察僉事副  
使布政司左叅政贈其父大夫者也始大夫三娶無  
子年五十七周宜人乃生君故君最愛於父母然於  
問學不督而能弱冠為諸生名蔚然起方伯夏公延  
置師席時與論古今人賢不肖及事成敗有幸不幸  
語甚相合引為忘年交在刑部時嘗同考順天鄉試  
其所為文章諸老先生自謂弗及故海內知君能文  
然君固知兵習吏事為員外摘抉姦隱平釋冤滯精  
練以敏大廷尉讀君獄詞必曰吾固知非吳員外不



能爲其所治因卽罪死無號呼不平者爲僉事飭兵  
嶺南蒐士卒立保伍明法令察盜所出沒根拔苗穉  
境以大寧連寇作督師征之殺二千餘人降千餘人  
清遠峽險以多盜以卒六百人鑿山三十里爲梁二  
十有一舟用得挽以濟爲副使籍民舟之賈於海者  
什五爲綱紀約寇至共擊之其去爲盜者衆發之不  
發與連坐海寇頓輟性疎爽喜調笑諧謔治園亭西  
湖之濱與賓客燕遊其間若樂而忘檢者至持官奉  
親特嚴以孝縣吏植柑分巡解中間遺君君曰此官  
物吾不可以食盡易錢輸之庫連寇平都御史御史

世宗憲集

卷十五

墓

墓

張宴具金幣勞君固辭以免周宜人病痢刳股肉和  
藥血淋漓下不召痛大夫以食辛遽疾終其身不忍  
食辛宦遊四方必奉像櫬懸之祭則展拜以泣比病  
不能言數引手上指像忽自墜其僕曰得非欲奉以  
行乎頷之而逝吁其可敬也已君生成化戊戌正月  
二日卒嘉靖庚子六月十二日享年六十三初君至  
嶺南勤於其治按行郡邑觸冒毒瘴遂患癰疽比爲叅  
政會

天子有事安南治益勤既疾革猶日命吏抱文書置  
榻前臥聽之故以羸卒配宜人王氏生男子二人長

涵邑庠生其次曰泳女子二人適庠生唐守國子生  
朱卷皆早卒孫男二人程朴女五人涵以 年

月 日葬君

以廣西叅議

默泉吳君狀來徵銘予與默泉皆君同年進士且相  
好也遂爲銘銘曰

叅政耽經始以文稱施於其政乃匪一能出入刑官  
允毅且武凡民之奸孰敢予侮與其友處傾倒嬉娛  
炳然大節矩度不踰生不忘忠沒不忘孝嗟君之學  
孰窺其奧生才實難誰則毀之原泉茫茫又誰起之  
君藏厚完竟來安只我刻銘詩爲國惜士

世宗憲集

卷十五

墓

墓

鶴山楊君墓誌銘

鶴山楊君其先世歸德人勝國時有諱榮者以總管  
從伯顏平江南畱屯海隅而以仲子和卿贅曹涇岳  
萬戶氏子孫因爲華亭之曹涇人至於君八世矣君  
祖怡清與大司馬莊簡張公相友善而早卒君生十  
餘年則慷慨有志量莊簡公愛且憐之命其從子南  
墅君贅君于家未幾走歸代其父繼役其勞費一不  
以望其兄弟又請於運使建鹽倉覈蕩田歸之官運  
使奇之君能益聞然君顧自下卽有慢侮笑不與校  
人乃益賢君其相詬爭或積歲不能決得君語立解



去君爲人厚喜成就人與赴人之急叔父友菊君饒於貲而卒其子婦有違言涕泣諭解之有外侮必力扶持之以免羣從子弟薦於鄉錄於博士聞卽幣以賀又率其族鼓而迎諸郊其幼者督之學里人張止亭顧竹菴幼與君好也張富甲海上諸熱附者翕翕作媚語君獨匡以義張卒獨君視其孤顧老不能自衣食館穀之終其身不倦嗚呼君可謂篤於行者矣君生成化丙戌十月十二日卒以嘉靖辛丑四月七日享年七十六然人猶相與咨嗟言曰君之二遽君諱錦字文夫有女兄歸秦氏早寡母王孺人晝夜思以泣君數迎諸秦又時時集諸妹嫂婆娑孺人前後孺人年九十君奉觴爲壽雙鶴下而獲焉顧侍御西巖以爲孝感題其居曰來鶴故自號鶴山曾大父善大父琦父竑連三世不仕然皆以德稱琦卽所云怡清者也子男女六正出者女嫁宋世承子曰沛字澤卿舉嘉靖戊子南畿鄉試與予友二十年敦信而溫文庶長子曰滂次曰浙陳氏出女賈氏出壻曰馬浦陳氏嫡之子幼而育於君者曰汴君卒之明年十二月九日澤卿與其兄弟葬君祖塋之昭予旣善澤卿又嘗登君坐徘徊覽觀歎賢者之得其藏焉於是以澤

卿狀爲銘銘曰

歲在寅斗建丑日會牛月次酉海山前環浦且厥後葬君于茲安以久

曹太安人墓誌銘

曹太安人奚姓曰太安人者其封也奚氏世家華亭有諱盛者仕爲合州知州其子刑部郎中吳以文學政事有名省署間而與雲南僉事賓梅曹公好也故以女歸曹氏爲今封南京工部虞衡主事筠坪翁配生南京工部營繕郎中嗣榮是爲太安人太安人幼慧敏刑部教之孝經小學蒙求諸書能通其義刑部卒太安人年蓋十有六獨奉其母潘安人居以孝聞及歸虞衡逮事其祖姑趙於是時趙春秋高非貳膳不足以養而雲南三子三女子又皆有室然而居官廉衣食恒不能給太安人日夜勤織紉繡縫其闕雲南安之雲南卒家益落太安人相虞衡益勤葬趙及雲南無廢禮嫁二幼姑人人如其意所欲得長姑早寡携其子來歸姑性下急而與雲南側室張胥婦視太安人至或不相下太安人事之卽又無不悅毛氏姊卒撫其子二人女一人如所生營繕少有才而不羈其就外傳虞衡課之嚴太安人夜必取所讀書爲

正句讀時時出菓餅佐誦習間被撻血蔽體下不諫  
止或以爲言輒曰今人有子墮落不克振率成於母  
之姑息吾敢乎哉吾敢乎哉營繕嘗夜歸虞衡怒蹠  
之牀下夜半燭盡滅太安人寢而覺呼視之猶在地  
因大驚嘔血泣語營繕曰吾爲若至此吾今則旦暮  
死毋重吾地下憂也營繕由是大慟力問學能爲古  
文章歌詩舉嘉靖乙未進士由南京工部虞衡主事  
再轉爲郎入總司政出督沿江之蘆洲有聲績太安  
人既貴與姻族處一不驕嘗在宦邸御僮僕局門戶  
甚飭歲辛丑營繕奏績如京師其冬十月太安人疾

世經堂集

卷五

七

業

作越六月遽卒享年七十五營繕歸至蘇聞訃哭踊  
不欲生已而曰吾尚有父在於是強自節以禮又明  
年正月一日葬太安人沙岡之新阡先事謂其友張  
子濟之曰吾母有美而不克使聞是愈不孝也子爲  
狀其將徵銘史氏遂率其子邑庠生復來泰來而下  
六人孫二人詣予請予曰太安人之行皆可書也雖  
然其大者莫如能成其子敢以銘其辭曰

有玉在璞世未識良工得之三歎息磨礱琢不遺  
力製爲瑚璉價百億獻之朝堂 帝動色錫封曰安  
昭內則良工良工意誰測治玉彌苦愛彌極考德幽

墟視茲刻

明故容城教諭封翰林檢討從仕郎育菴閣  
先生暨配張孺人墓誌銘

山西之榆次有育菴閣先生者諱某字某年二十讀  
書源渦寺中連晝夜不少懈一旦忽有所悟於是盡  
棄浮末獨取孔孟周程所說講誦諷詠之以得其旨  
其爲文雄肆俊拔必出於己不少貶以徇時好晉之  
士咸尊師之予往年聞先生名竊語人曰昔者孔子  
言道蓋至於一貫止矣于時羣弟子不能盡識也故  
自文章性道之說出而道始離自德行言語政事文

世經堂集

卷五

美

業

學之科立而道析而爲四秦漢以降訓詁辭章之習  
深入乎人心雖大儒者作猶不能無疑乎德性問學  
之出于一後生不察羣而和之其始岐而爲二已則  
併其問學茫然失其所指流爲口耳轉爲功利而遂  
與道背而爭馳至于近世其資口耳以媒功利日急  
而剽竊蹈襲伎倆顧日益下若先生所謂出於流俗  
之外者非邪先生既學與人殊數試有司或得其文  
相傳觀以爲惟擅不得錄嘉靖癸巳始以貢分教浙  
之安吉安吉人故嘗讀陽明先生書聞先生說服焉  
其習大變戊戌擢教諭容城進語諸生具如安吉士

且彬彬起而先生已厭事居一歲遽歸然諸生相論難卽譁不可屈或徐曰先生之說蓋云軌唯而退先生幼事親孝父嘗病禱於天乞以身代母歿哭踊有踰禮又善事兄兄卒視其孤既老於家非冠帶不出非禮燕未嘗入城府故鄉之人於先生也信先生曾大父諱某大父諱某父諱某世有隱德其生成化戊戌三月二日晚以子樸貴封翰林檢討從仕郎嘉靖壬寅八月十日卒享年六十五元配張孺人同邑處士積女其事姑敬以順治於內儉以有禮先生是以得肆力於學先生治家嚴孺人乃更爲博大終其身

世學集

卷十五

表

附

無疾言遽色家之人安之正德戊戌八月一日年三十六以卒繼配孺人李二孺人凡出于男七長梅次卽樸今爲右春坊右贊善兼翰林檢討次樓縣學生次桓次格次樞次梯女四長適趙堯臣次適舉人李彥士次許聘郭廷付其季未笄孫男七煥煒炫燁燁燁燁炫以上皆業舉子女三長適任維志二尙幼贊善君卜以癸卯月日葬先生古城之原啓母張孺人樞附先事奉文選鈍軒周君狀請予銘予旣雅聞先生而贊善君巍然端且重與予同官予甚敬焉又以徵先生之教果行於家故銘先生者予也銘曰

學不局聞惟古是趨教不擇方惟寓而乎嗚呼容城身道則俱係官坊尙嗣厥圖

封奉政大夫廣西按察司僉事顧菴潘公墓誌銘

誌銘

昔我先公吏侍府君有友數人焉其一封奉政大夫廣西按察僉事上海顧菴潘公諱奎字用章公爲人疑靜沖泊凡世俗嗜好誇詡之事一無所入於其心與人處不能爲委曲熟媚其寡於言天性也往往至竟日不出一語始階爲諸生嘗獲侍公于是時階少耳不樂近也後五年舉進士間一再見則稍安公之

世學集

卷十五

碑

附

爲又後二十年以洗馬壽公於家察見公中所自得乃大歎服以爲公蓋古所謂離禮去智與道幾者退而憫然自失焉蓋先公與公友其知之深矣公少治舉子業比長以家累棄去爲從事邑中久之授河南項城尉正德間巨盜流劫周齊宋衛之郊王師不能討而項城當盜衝邑且爲墟公佐其令招亡撫存已又甃其墻高若干丈廣若干丈民以不恐管錄所繫囚有童子坐盜當死公曰是不幸失所從耳立改獄辭縱遣之攝令商水邑豪或易公公條其政之良與民所不便者罷行若干事豪大服御史以王師夜出

南頓南頓故數被盜民相聚自保以為盜也拒之御史怒捕繫二十人將殺以徇公爭曰是無死法悉得不死公於為政位雖卑然數持法與大吏抗疑幾不可奪民以是頌公而大吏竟恥為所屈故其官亦止於尉嗚呼人之情不樂近公也豈獨階少時為然耶先公仁厚介直嘗丞兩劇邑有功德於其民前後十五年而卒不一調階於是竊慨夫古之道果不可行於今也公先世毘陵人元末有諱添二者始避亂從上海再傳至麟仕為所大使大使生慶娶邑唐氏生公公之將誕也唐孺人夢異人遺之袍帶人謂公且

世襲集

卷十五

聖

表

大貴既乃不盡然公既老而伯子思舉進士歷官廣西提學僉事山東副使叔子忠領應天鄉薦仲惠季怨俱為太學生伯能其官而三子能文章將相繼以顯夢之祥也其在乎是公生天順癸未十一月二十五日卒嘉靖乙巳五月二十六日享年八十三元配趙氏無出繼錢氏以憲副貴贈宜人凡生四男三女皆曰顧嗣庠生俞文榮一早卒孫男九允晰邑庠生允升允穆允修郡庠生允亨允立允徵允達允肅孫女三曾孫女一錢宜人先公而卒其葬在陳涇憲副以其地下改卜得 之原將以其年某月某日葬

公而遷宜人以附公既與先公友而階與憲副又舉進士同年知來卒業國子階實為祭酒乃按學憲龍江唐先生狀為銘銘曰

好以俗移位是以卑行與眾違頌是以歸卑我者人不卑者吾反而得我其又曷圖卑我則往不卑實存矧其有子有壻有孫維我維人得孰少多刻石幽墟訓用不磨

### 何母孫孺人墓誌銘

孺人孫姓諱某世居華亭之驪河里曾大父豫當文皇帝時以賢良方正徵累官山西右布政使至今

世襲集

卷十五

聖

表

人以官名其家孺人者布政家孫處士某女也年十八邑人何聘君靜軒喪其配曹其父澹菴翁曰吾家自雷州公以來族望幸不薄非孫氏無足與婚且女賢不可失也厚幣娶孺人以繼曹之室入門柔婉端靜內外親迎觀望見咸相賀以為得人後三年澹菴翁卒聘君奉其兄嫂以居于是時兄有妾衛而聘君有妾鄒曹又有女幼也孺人居其間上承下撫恩禮交至家庭之內不聞間言及女當嫁簪珥衣服恣所取不問女嫁若干年喪其夫抱二子以歸何氏孺人為衣食之不煩聘君有所計畫指使聘君性喜密郡

中賢豪長者數相約過聘君聘君聞益喜具酒役菓蔬與飲食連晝夜不倦費皆出孺人教諸子正以慈誦誦遊息具有時度故諸子之於學勸嘉靖辛丑子良傳舉進士其明年孺人年七十而進士以使事歸壽孺人於家時聘君卒三年矣孺人感泣懷思未嘗樂也又明年進士以行人使藩已又使魯連得謁孺人居無何輒促使北上曰毋以我故曠若職其能知大義又若此歲乙巳十月十四日遘疾卒距生成化癸巳二月十七日享年七十三丙午某月某日附聘君葬其鄉半岡之東子男三長良佐國子生娶張氏再娶沈氏次良俊後其伯父訥軒公以選貢入成均凡七舉不第然能為文章有名公卿間次即良傳今猶為行人嘗病革妻宋氏輒死以殉事聞旌其門曰異烈女四其長所謂曹出也嫁郡庠生沈欽次鄰出嫁曹準餘孺人出一嫁董大理族子應弼一育於衛嫁宗伯文僖顧公孫應錄孫男五長蔚次禱俱庠生次彭次延年次尙幼孫女四長適大名通判張公孫庠生嗣賢次月輪次寶輪次許嫁張給事龍山孫德瑞曾孫女三子故娶於沈氏庠生欽者予室恭人仲父也而張生嗣賢於予今淑人為姪故予知孺人

詳銘曰

翼翼驪河方伯之門再世不仕發于女孫女孫來歸聘君之室厥聲藹藹如以相有德是生三子二以文稱雷州之緒八葉以興七十三終附聘君葬鬱鬱松楸東岡之上其身已矣慶則有貽琢辭最功祀饗式時封新喻知縣文林郎節齋趙君墓誌銘

趙氏故洛陽人宋之南陞今劍州為隆慶府而趙有諱致中者以進士來知府事值亂不能歸因家其劍門鄉故今為劍州人君諱松字時茂別號節齋隆慶七世孫也大父佐當

憲宗朝知汝寧之西平繼配呂孺人生子濟娶於范生君君甫晬父則已沒呂與范以二婦人撫且教之弱冠能為文章川長吏將禮致以為博士弟子二母泣相謂曰趙氏兩世獨此兒在豈忍使旦夕去吾側君亦束書自屏匿竟得留以事二母呂嘗病君籲天請禱額盡傷出血於是州人士多二母之節而君以孝聞君為人坦易無吟域或遇以非禮未嘗較然其

月廿八日年六十遘疾卒配鄭氏同郡處士諱朝立之女淑慎儉勤事二姑能承君志呂孺人疾革引其手語曰吾無以報汝孝願生賢子孫其事汝若汝之爲年五十五以嘉靖辛丑四月十二日先卒子男二長挺然死無後次御史炳然女一嫁郡庠生母愷孫男一居敬女三御史初以進士知新喻廉仁而有威政成封君如其官母鄭氏孺人及爲御史數月丁孺人憂服除不欲行君以大義強之乃出宣大自兵變以來卒驕不奉法其將吏倚爲奸私金穀出納至焚不可校

世經集

卷十五

星

五

天子知御史才使與給事巴江李君奉璽書以往至則盡披其隱伏罪小吏若干人歸而疏罷大吏又若干人按宗藩之與虜通者以置重典二鎮之士始知有朝廷然而不聞一言譴於是

天子益奇之俾按畿內諸郡未幾君計至祖而號曰炳然不孝去吾父屬耳遽及於是何以生爲已而曰不可以不孝故使吾父之行不聞於世乃以給事梓潼何君狀詣予曰炳然將以某年某月某日合葬吾父母於某地敢徵銘予故視學江西知御史也久不得辭銘曰

上古貴德厥多隱君末世急官苟利其身維君爲親抗志弗仕周典旣紬漢科亦廢遺餘厥後御史是膺煌煌國恩被于丘林刻碑墓前

天子有詔子仕而忠父隱以孝維野有賢邦家之光孰占少微視此銘章

明故太子少保吏部尚書贈太子太保諡恭

肅周公墓誌銘

公周姓諱用字行之號白川蘇之吳江人也少以文有名弘治壬戌舉進士拜行人司行人正德初遷南京兵科給事中後九年改禮科給事中當是時士大夫重內徙得輒動色以賀公獨曰南於我便乃復以爲南京兵科給事中

世經集

卷十五

星

五

武皇帝好佛遣中貴人迎大寶法王於西番公上書諫甚力已又論倖進諸大臣及鎮守江西中貴人不法其身引而南其所論奏顧侃侃出北臺諫上久之遷廣東叅議督兵討賊之逋誅者凡戮九百餘人平寨十有八猶以前敢言功不得錄

今上卽位天下士有聲實者率起爲大官公於是得浙江副使未幾遭母憂服除改山東副使整飭臨清兵備爲捕盜格若干條盡臨清之境盜不敢入遂遷



福建按察使故事鎮守市舶中貴人日給食三山驛費錢至若干公敕驛減十二且曰吾將以漸盡去之踰年遷河南右布政使歲侵詔發內帑以賑會汝寧分守缺公輒自請攝事盡罷俗吏所爲具文苛法全活甚衆事聞起拜都察院右副都御史提督南贛軍務捕斬劇賊若干人已而曰民之爲盜非得已也夫事固有源不窒其源流終不可得塞徒多殺人父子兄弟何爲移書屬邑薄賦稅平徭役緩軍餉之徵行之期年盜果不復作召還協理院事晉吏部右侍郎轉左侍郎尚書有所薦引失宰相意而尚書故

世經堂集

卷十五

星

木

與宰相比因諉過於公調南京刑部右侍郎公終不自辯後兩人相繼罷去即拜公南京都察院右都御史遷南京工部尚書工部市物於民吏受賕率先給直而故緩其入黥賈者因據以爲利公令民有物得自輸輸已授之直罔後弊頓革嘗修都城召匠與之分地籍而藏諸官匠內自畏城以不速圯改刑部尚書

九廟災上疏致其仕嘉靖二十二年癸卯公自吏侍去國至是十年矣

上友而益明其賢用御史薦徵拜工部尚書總督河

道數月改督理漕運未至以爲都察院左都御史士之干譽意進者傳聞望見不待戒以絕明年當考察京朝官公廉得其人賢不肖狀輒手書於籍又第其高下丹鉛識別之其改定或至三四苟賢矣雖仇不問苟不肖雖親有勢力必黜天下服其公又明年滿九載加太子少保賜寶輿牽羊上尊其秋太宰唐公罷

上若曰

孝宗時舊臣而賢者誰乎于時公廷推在第三特詔以爲吏部尚書自近歲來郎中於爲政專尚書至

世經堂集

卷十五

果

金

不暇有所可否而侍郎遍相踵以噤不出語爲知體郎中者其智與力困則盡以任吏於是銓部之政幾由吏出公將有所舉措必謀諸侍郎兩侍郎莫不樂爲公盡而郎中亦遂以簿書任其僚吏不得爲奸私故公之典銓不嚴而肅公素強及爲吏部勞然以新被命勇不自顧惜疾遽作會冬當大計羣吏之治奮曰此重典也吾不可以病自懈晝夜取部使者所上籍閱之又採輿議品厲其賢不肖去留之疾增劇丁未春正月僅訖事以其月十九日卒距生成化丙申九月二十二日享年七十二公性孝友而薄於嗜慾



歷官四十餘年恒不以家自隨人餽之物卽果蔬見之輒不憚故其卒也至無以市棺教諸子嚴予嘗俛公其子國南竊語予寢食狀公目且瞑遽呼曰兒母及外事其不亂如此曾大父諱景芳大父諱瑄父諱昂連兩世以公貴贈資政大夫南京都察院右都御史母計封太孺人贈夫人配施封孺人先卒贈夫人子男四長卽國南以公廕爲右軍都督府都事施出次北南太學生式南乾南縣學生俱側室姜出孫男八京甸來甸資士京甸縣學生其二尚幼孫女二長適縣學生顧名義次許嫁張某公卒既踰月國南以

世樞堂集

卷十五

聖

漢

計聞

上震悼贈太子太保諡恭肅賜祭四壇命有司治葬事給驛舟歸其喪大臣之卹典於是乎備然而衆莫不曰宜某年某月某日國南葬公澄源鄉西亢之原先事請予銘墓予故與苑洛韓公西陂劉公以侍郎樂爲公盡者也故旣爲詩三章哭公又敘其事而爲之銘曰

維古大臣社稷是謀厥後爲身與時濫浮公昔始官擇衆所棄直聲凜然聞者震悸再仆而興以歷畏途衆所遂巡獨奮以趨國有公議吾秉吾植國有奸良

吾黜吾陟始冬迄春早夜孜孜吾志必酬吾死徇之身之弗圖矧其細者歸視于家蕭然貧也筑塹叅軍貸錢市棺公身則儉公心孔安榮哀始終天子有詔我銘著之來者是告

封潁州知州劉君墓誌銘

君劉姓諱時字尙忠別號介軒其先江西隆興人元末有諱文信者以避亂徙家蜀之內江傳子至曾孫連三世秘其才不仕

憲皇帝朝國家之文治彬彬然盛矣於是玄孫珏應進士舉歷官南京戶部主事員外郎郎中鶴慶知府

世樞堂集

卷十五

季

漢

而封其父志寧爲南京戶部主事母段爲孺人君考也君生成化壬辰六月十一日弱冠鶴慶當之郡畱侍段孺人未幾貴竹夷亂道梗不相聞君數從間道往觀鶴慶母子恃以不憂恐鶴慶嘗買田山谷間硤莽不可耕君心手計指督僮僕甸之甚力及田成一旦以讓其弟鄢藍盜夜犯君君負段孺人脫走又還求鶴慶凡三遇賊竟得鶴慶以免故君自其少以孝友稱嘉靖初君年踰五十矣以前鄉貢士通判揚州當是時士大夫重進士選其以鄉貢得官者率猥自沮棄由是途益輕君獨自奮取於民毫髮無所苟其

以臨政無間小大不爲應文逃責閏八月遭祖母喪去揚州人相與計日言曰君其庶幾復來其後服除果再爲揚州判揚之人大喜而君亦益自信治之加勤踰年鄉人有爲御史督鹺於揚者既移疾矣猶時操利藪與賈人爲市君入以義責之御史面發赤流汗不能堪君遽悟曰是將中我卽其日致仕蓋距始得官三年耳君父子既薄於財而君又不久宦歸之日其衣食僅給然未嘗以貧語人郡邑吏欲禮於其廬輒避不受顧時喜施予凡嫁姑之女一人友人待以要者一人脫其友之子於奴一人平生與人語雖

世系表

卷十五

七

至微賤若恐傷之里人盜其豕得固爲諱曰豕偶類非盜也其德厚又如此嘉靖廿六年五月六日享年七十二卒元配張氏贈宜人繼娶黃氏張宜人孝謹而有禮生子男三養仕起家潁州知州封君如其官今爲戶部員外郎以使事過家及視君殮養直舉進士爲給事中嘗論邊事人服其識蹟而復起今爲吏部考功員外郎養民邑博士弟子女四壻曰黃健陳鎬馬鍾周藩皆學于邑博士孫男十元亮元冲元和元善元化元熙元素元朴元孚元復女九考功與其兄卜葬君於鶴慶之兆而奉張宜人祔吉卜日得其

年某月某甲子又吉遂以文選主事趙君狀來徵銘予雅知考功兄弟且以君之賢而仕不達知其後必大也爲銘曰

黯乎日章兮維德之光義以退身兮維行之方畜而弗施兮以篤其慶龜則告之兮其藏孔臧

封南京吏部考功主事竹泉薛君墓誌銘

君諱卿字寅卿別號竹泉常之武進人其先奚仲爲夏車正實始封薛春秋時以國見經其子孫因以爲氏散處四方至極爲宋叅知政事封毘陵郡公於是武進之薛始顯叅政再傳至孫文而

世系表

卷十五

七

集

高皇帝定鼎金陵當是時國新建訕于財文遣子彥泓盡以其貴佐經費

高皇帝謂賢詔給驛歸鄉里彥泓生祥伯自邑城徙居余巷是生瑞瑞二子鈞鏌同爲縣學生鈞娶無錫秦氏生君爲次子而鏌死無後因以君後鏌君少好書學于母舅贈太保畢牧秦先生且有聞矣然性疎宕不喜事家人作業以故產日落尋亦廢學稍稍治生養其母而以贏餘餽遺飲食四方之遊士士爭造其廬君雖隱處其名聲乃出諸達官上嘉靖乙未子應旂以會試第二人舉進士出知慈溪慕古循吏之

為政日與其郡爭民所便不便郡不能容則上疏請  
為九江教授三年遷南京吏部考功主事封君如其  
官踰年晉郎中會考察庶僚引繩操矩多所罷斥謗  
語囂暴謫判建昌南臺諫合詞言

天子方用法守責羣臣不宜使考功以守職去吏部  
以請召為刑部員外郎前後十年間再仕再起而君  
處之澹若一日刑部居官廉其於奉養雖既貴恒不  
能給君顧自喜曰我教兒固如是歲丁未七月一日  
刑部持母吳安人喪未終君繼卒享年七十七大  
夫猶以為君之壽未滿其德也君初娶史氏贈安人

世經堂集

卷十五

墓誌

墓誌

凡生四男子其存者長曰應廷次即刑部又次邦臣  
為從父本立後繼娶吳安人生子一曰應嘉孫男四  
近齊近魯近勝近鄒孫女四刑部卜以卒之歲十二  
月十三日葬君韓村之新阡奉前太常少卿許君狀  
請予銘墓予嘗病世教衰父兄之望其子弟自富貴  
以外無有也乃於君三歎焉為之銘曰

梗楠豫章非崇山不生吾以知君之子所由成雖然  
所謂崇山者非梗楠豫章弗名吾又以知君之賢所  
以能永於聞嗚呼誰其無父又誰無子我刻斯銘以  
作世軌

世經堂集卷之十五

世經堂集卷之十六

墓誌銘二

湖廣左叅政龍津黃君墓誌銘

往予在延平所與遊者兩人君及諫議劬溪鄭君是  
也鄭君為人慷慨尚志節而君冲夷簡遠有翛然之  
度兩人者其氣味不相類然皆與予好也其後予督  
學江西鄭君卒今予幸登朝而君以嘉靖丁未二  
月七日年六十五卒自予去延平至於今十四年耳  
而兩人者相繼淪沒夫兩人者予所冀以為且復用  
者也而皆已不可作予寧能無法然哉君諱焯字子  
昭龍津其號延平之南平人其世系具予所為君考  
貞孝先生表中君生三十年舉正德甲戌進士拜南  
京禮部精膳主事滿三載封貞孝如其官母胡太安  
人迎養之官邸已卯寧庶人叛謀言將犯金陵勢張  
甚君入再拜言曰兒有官賊至當死大人其行矣於  
是家人盡哭君終不召變辛巳遷儀制郎中貴人子  
入太學後期繁治之如法嘉靖癸未遷知永州州人  
情不事耕作其親死輒破產餚僧及無以葬則舉而  
委諸野尤恥貧賤苟貧賤矣女子雖已字舍之他適  
苟貴富有氣力即往往奪人妻君至痛繩之以絕故

事有司用兵九溪諸蠻費皆自民出而郡有鹽引錢率給私使君悉歛貯之曰以是供軍饌後遂不敢有盜鹽引錢者九疑相傳有舜塚為置祀田設守者二人作濂溪先生祠關東山書院聚博士弟子教之又廩孝子楊成章貢之州人以是知學庾寅遷湖廣左叅政會其使病君攝事再踰月名聲出使上人咸望君為真而君素不能飾言貌以悅於世數曰吾幸有親在得歸效一日之養足矣壬辰遂致其事葺觀物園奉親讀書其間朋舊過從破崖岸與之接及有所請屬輒拂衣而起蓋予與君遊三年未嘗見君言之

卷十六

李

二

李

及私也予是以敬君而往來於觀物益習君亦不予鄙遺其諸子前後受學焉今其丰神面目猶宛然見之而身則既卒且葬矣君平生喜為詩文所著有尊美堂政錄五卷修來編 卷中庸讀法 卷貽光堂集 卷葬以其年某月某日墓在其山之原子男三應春配鄧安人出應林應詔側室孫出皆庠生女二長出鄧安人嫁庠生楊繼周次出側室張尚幼孫男二期升期鼎女四君將卒顧言曰必請少湖子銘嗚呼君固以予為知己可託以不朽也夫銘曰嗟嗟黃君遂葬此玉毀劒埋誰實使吾儕海內凡有

幾十四年間兩人死由今準後可知矣我諾銘君悲曷已

### 明故大名府判鶴沙張公墓誌銘

公張姓諱 字 別號鶴沙其先自揚州再徙華亭之龜蛇里華亭於天下為望邑故家大族往往而是而張為最著當成化弘治間張姓凡兩尚書公蓋太子少保南京兵部尚書叅贊機務贈太子太保諡莊懿諱鑒之孫而淮府紀善贈都察院右副都御史貞孝先生諱璠之曾孫也初壯懿廕其子景入太學景素高不樂仕 詔授福寧州判而以廕公正德庚辰需次得都察院檢校遭母顧孺人憂服除改刑部公既出名卿後其為人又特儉朴被服飲食至與儒素等由是大司寇靜菴胡公以為賢其禮待過於世所謂智能者久之遷刑部照磨 國家之制刑部都察院實掌天下刑獄公居常寡言然聞有冤輒為之白一時諸君子率皆諒公多平反者乃其人固不知也嘉靖乙未奉使廣之東西守土吏以故事致舟車費盡却去之道遷大名通判黃河自開封溢而北決則大名當其衝歲費修堤錢若干而有司率為具文逋責至私其贏以自利公乃獨否部使者亟奏旌之居

卷十六

王

王

王

三年

上符於承天中貴人怙勢奴視諸吏公歎曰吾豈能以升斗祿受挫辱為先人羞中貴人怒誣以缺上供事下御史公于時薄仕進不力辯遂詔致其事乙巳九月二十九日得疾卒壽六十八矣配朱氏尚書嫁溪公女初尚書以通家子擇壻得公及公且娶而莊懿父子皆已卒因贅公於家公亦德尚書留事之二十年晚始出而仕然其受於朱獨宅一區耳故人以為廉子男三朝封邑庠生朝桂國子生其尚幼女四長適千戶顧朝次林政次為階妻淑人又次適上海學生董容大孫男六震伯府學生仲謙領應天丙午鄉薦觀叔府學生季履其皆習舉子業孫女一許嫁工部員外郎范君子其曾孫男四重一重不重宣重文曾孫女一葬以戊申某月某日墓在某處維公仕雖不達然其生為善人為循吏上克世其家而下克啓其後人其可銘也已銘曰

張氏厥初紀善發聞尚書拓之爰及公身公德長者宜達而屯蓄其休祥以昇後昆紀善於張如木有根公維其幹枝乃其孫維枝之榮維幹是因維根之沃維幹實承嗟公之功其孰與倫我銘于幽以詔弗泯

貴州按察副使閻山馮公墓誌銘

閻山馮公諱某字某臨胸人也少孤育於叔祖母池氏及為諸生池卒為持三年喪有司就辟之至再三不赴其為學喜誦習朱程之說反求之身心齊魯間諸宿儒咸自謂不及正德戊辰舉進士出知華亭當是時海內治安士大夫計無以自見則爭為嚴急或妄取故事更張之公獨恂恂以廉平為行其有所為必視民便不便不苟異同邑嘗大水取其逋均之上田大吏不悅誣公加賦民交走言狀事竟白猶改知蕭縣蕭故豐碭之區俗犷悍尚豪俠又新被兵公厚撫之其強者得不去為盜賊弱者以不饑死遷晉州知州黃河自城北徙而南北地日瘠而賦乃視南高公更其額民大悅遷南京戶部員外郎督儲中都畱守中貴人素驕公不為下中貴人怒陰伺公踰年無所得乃已稍遷郎中久之遷平涼知府以赴官後期改知石阡凱播酋相攻擊為正疆界計所殺傷償之如其俗即其日不復為亂遷貴州按察副使飭兵威清土酋龍里死其兄侵之里妻率其眾據險以禦兵各數萬人遠近震恐公單車往諭皆散去嘗視司篆熟苗犯程畚議者奮欲用師公徐曰無以為也遣斷

事其撫之遂定在咸清三年忠信惠愛孚於其人然公於財廉無書問以遺貴近又不能飾詞貌為媚說故當塗之士乃鮮知公者嘉靖甲午被論致其事公聞怡然曰吾仕宦三十年數脫奇禍今得老牖下足矣居家不一問生產厚薄與鄉人處和以介召之飲輒往往輒為盡醉或以私請則辭性喜為詩晚與諸名士結詩社其所倡和傳於人多至數百首乙巳六月廿四日年六十七卒公之先居臨朐 明興曾大父某以選戍廣寧至公始復故以其年十一月一日葬臨朐洋溪之側大父某父某贈奉直大夫南京戶

世澤堂集

卷十六

六

志

部員外郎母李氏贈宜人配宜人伏子男五惟健戊子舉人惟重進士官行人卒惟敏丁酉舉人惟訥進士今為松江府同知惟直縣學生女三長適廣寧傳偉衛學生次適濟陽黃有次適益都朱泗孫男五子益縣學生次子臨子履熊孫又次幼孫女三長適益都石繼芳縣學生其二亦幼公既葬而郡丞君與其伯兄以侍御齊君狀來徵銘予固華亭人自為兒時邑父老往往為予言公之政乃今得侍御狀益詳為之銘曰

古仕為人悶悶爾厥後徇名乃為己以民易官公獨

取抱貞致一百政理三遷遠徵再左徙吾道非耶世莫以桐鄉南陽史所美公沒猶存矧有子

明故大中大夫太僕寺卿石溪毛公墓誌銘公諱渠字公澤別號石溪東萊掖人也父紀以成化丙午山東鄉試第一人舉丁未進士累官少保兼太子太保吏部尚書謹身殿大學士卒贈太保諡文簡母官氏封一品夫人大父敏杭州府學教授曾大父福英皆以文簡公貴贈少保兼太子太保戶部尚書武英殿大學士文簡生丈夫子大而公行第四其始就傳文簡則既顯矣然其往來師友之間徒步布衣

世澤堂集

卷十六

七

末

不異寒素識者奇之嘉靖乙酉與仲兄戶部員外郎暨同舉于鄉公名復第一明年舉進士改庶吉士而文簡在內閣士大夫家言文獻之盛必以毛為稱會時宰有不樂諸吉士者例補外公於是得工部營繕主事戊子丁官夫人憂辛卯復除虞衡主事未幾改禮部儀制主事

天子加恩典禮之臣 賜太學衍義欽天記頌祖德詩各一帙癸巳遷精膳員外郎以 詔恩進階奉直大夫封其配劉為宜人甲午遷祠祭郎中當是時天子方建



九廟及大內諸宮其儀文規度多出公畫已又奉  
皇太后祇謁

陵園有司以無故事相視駭愕公徐取古今諸禮參  
酌損益草其儀以上 詔盡從之 莊肅皇后崩或  
謂宜殺其禮公獨請如制賴

天子明聖議以不奪皇史宬訖工 詔加俸一等

九廟成遷太常少卿提督四夷館尋以上 兩宮尊  
號 賜綵幣已亥改通政司右通政提督膳黃辛丑

遷太僕寺卿公生而習爲文章其所歷官又皆不以  
錢穀刑名爲職業及在太僕諸所釐革乃有老吏不  
世業集

卷十六

八

九

能逮者故人謂公通才甲辰滿三載蔭子延清爲國  
子生其秋省文簡於家踰年遂遭文簡喪初官夫人  
卒公實以歸省得盡其誠信於送死之事及是復然  
人咸歎息以爲孝感而公則以哀毀致疾終喪甫閱  
月遂不起丁未十月朔也年五十一耳公爲人坦易  
弘博與人處委曲有情趣至待昆弟宗族恩禮尤厚  
往予入翰林幸及事文簡其後爲祭酒而公子鄉進  
士延魁復來卒業因獲與公遊長軀方面望之偉然  
竊以爲如公者其文章器量姑不論卽其狀貌固世  
所謂福人也乃其位與壽僅止此予實感焉然予觀

自古名臣之後克自樹立不辱其先者寡矣有能以  
文章取科第與天下士爭長者百人而一也能取科  
第者寡矣其有至於卿大夫者千萬人而一也公以  
宰相子繼登朝著官爲卿階爲大中大夫秩爲三品  
趾美前人垂蔭後來壽雖不遐其亦可無憾矣公卒  
之明年延魁匍匐入京師疏乞祭葬

天子念公世臣且所以用之者未竟也 特詔如所  
請 年 月 日遂以 恩命葬公城西祿山之新

阡而請予銘墓予不得辭公生五子延魁最長次延  
厚府學生出後戶部君次延清延祀延太女二人俱  
世業集

卷十六

九

張

未嫁所著有石溪子稿若干卷銘曰

崇山巨川珍異所生賢者之後宜公宜卿倚昔毛公  
授詩漢代迢迢千載聖經是賴施于少保德音不瑕  
贊襄密勿功在邦家天相厥胤公用繼起重朱累金  
以佐

天子生有榮遇沒有殊恩其流之餘又被厥孫福則  
自求善靡不報我銘于幽百世有耀

贈監察御史南溟馮先生墓誌銘

馮先生諱某字某學者稱爲獨齋先生後又稱南溟  
先生黃之蘄州人也蘄故多巨族而馮氏尤以文學



世相傳有名聲先生曾祖銘父翺皆賞貢于有司然其仕不幸不至通顯銘為京衛經歷翺終兗州推官推官父漢以經歷之不遇過自懲不仕以卒然馮氏雖不仕乃蘄之人言高衡德門必以馮為首稱意其後必大先生少而能文章督學使者前後十數輩至輒取所為文置首選而先生行又甚修數曰君子之學要無媿乎其獨其施於人事依於厚至其自守凜如也其赴人之急若已與有至其平居未嘗有疾言遽色也于是時先生雖在庠序其賢聞四方人則謂馮氏當遂振矣而先生十試於鄉竟不遇復繼其父

以貢入太學祭酒甘泉湛公司業葵溪陳公得其文奇之已又廉知其人益奇之陳公館先生於家使教子若婿而先生賢亦益聞六館之士踵先生門思得聞緒論接容色幸有所警發者屢相接也未幾注選歸踰年喪其父方父病時先生終夕侍湯藥而天甚暑其室又迫隘父力遣之先生即戶外露處閱月由是得濕疾比父沒先生哭又甚哀疾增劇嘉靖辛卯六月十六日父喪甫小祥而卒遺言以素服飲距生成化丁酉九月二十三日得壽五十五蘄之人相與誨曰天之道固不可信乎後五年乙未子天馭舉進

士授大理評事改御史贈先生如其官再奉命董南畿學政遷大理丞諸所與友盡海內名士而士之出其門者亦咸知重行檢薄利祿自別為午山弟子午山者大理號也於是人爭言曰馮氏之厚積而選發如此予故與大理遊聞而歎焉今年大理以中丞賈公狀請予銘墓予既得論次其事則又歎曰嗟乎人之與善豈非其性然哉有不善人於此其於彼非有損也然而聞其用則以為憂聞其敗則以為喜有善人於此其於彼未必有益也然而咨嗟於其不遇而幸其後之昌者至於久而猶然蓋予所見聞若是

者多也而先生尤著自修者其殆可以勸夫為再拜而銘之先生子二人長即大理次國子生天峻女三其二蚤喪存者適生員張儒葬以卒之歲十二月一日墓在安陽山之隅銘曰  
茲維先生之宮耶其拙於躬者既賴子以顯融其垂於後者又待予以無窮耶嗚呼先生塞耶通耶彼暫焉者果足以介於中耶  
潛夫張先生墓誌銘  
萬安之橫塘有處士張姓諱某字某少治舉子業既有聞矣忽自棄去獨用所讀書為詩語皆清淡簡遠

人傳爲法相與稱潛夫先生云先生上世蓋楚之湘潭人有爲吉州路總管者始家廬陵之西街而震發澤發兄弟當宋之南相繼以省元薦蔚爲望族元時有號雲樵居士者自廬陵徙萬安之西凍後乃徙橫塘數傳至國朝生器重器重生傳菴博菴娶於蕭凡生五男子而先生行第四最愛於其母年七八母猶抱持之及遣就外傳卽其日囊書去無悲戀不能舍之色父老以是知其不凡弱冠讀歸去來辭慨然慕古隱君之節視世所謂科第者旣以爲不足爲而其一切靡麗可喜之事尤不以屑意自賓祭外蔬食布衣怡如也先生性又輕於財歲侵諸積穀者爭爲賈出而先生獨貸或貧不能償輒焚其券鄉人有屢貸不能償者當先生貸時慙不敢往先生召與之粟其人竟不能償亦竟不問張氏自雲樵而後子孫日蕃至不能相識先生首以錢若干倡於族爲合食之堂旣又修橫塘譜若干卷譜成告於祖遂以其族宴而爲之約曰毋陵幼毋傲長富毋驕以畜施貧毋愆而不立於是族人翕然興於禮義而四方之士時先生之合食奔走來觀亦罔不感動者邑大夫賢先生毋舉鄉飲必虛賓席奉書幣再三以請然先生素

高不樂與縉紳接卒不赴或褒以冠服終其身未嘗服也先生嘗構別業龍山之陽意甚樂之會寇至燬退營居於橫塘其鄰不戒於火又燬人咸以弔乃先生吟笑如平時嗚呼先生之度如此宜其於勢與利漠然無所動也夫先生生景泰壬申八月十一日卒嘉靖甲辰正月十三日享年九十三初娶郭氏繼劉氏生子各二人士新士仰士優士佳仰爲益府典膳優以子貴封監察御史女各一人壻曰蕭遠益府引禮劉巽孫男十二人敷譽徵徵遂述雨霽霽霽霽雨舉進士出知清豐擢雲南道監察御史與魯及霆以下皆邑庠生女五人嫁邑人某某邑庠生劉宗武郭相桓曾孫男十四人文鎬宸寅寅瑚銳錄鉉恭樂榮榮某某文鎬邑庠生女十二人一嫁鄉進士曾棟一許嫁宗伯南野歐公孫某又一許嫁蕭某又一許嫁司寇淺齋郭公子其餘俱幼先生旣卒之四年戊申月日御史君以貴州之節便道葬先生于之原予習與御史君遊而重其才與志故銘先生者予也銘曰昔漢王符好學有聲不仕著書潛夫是名於維先生抗志高蹈作詩自娛潛夫是號千載之間凡兩潛夫

其世則異其人不殊孰傳先生請附於符先生其俞

封兵部尚書梅齋翁公墓誌銘

嘉靖己酉秋八月某日封兵部尚書梅齋翁公以疾卒于家再越月計聞于是時公子東涯司馬新自北邊歸本兵屬天下重望而公又自以行義著南海之上故薦紳大夫人人爲悲哀之公之先蓋莆田人有秀峯隱士雄者來居揭陽之鮑江今遂爲鮑江人秀峯四傳至義叟奕世積德而義叟尤嗜書好古顓頊守善爲邑聞人則公考也公諱某字其梅齋其號幼閑朗翹然思亢宗折節就學且成矣屬連遭大喪弗

世修家集

卷十六

南

金

果卒業獨時時以所學教授鄉里及司馬生而茂異公喜曰酬吾志者在茲耶即膝前爲道古經義司馬了了迎解則益爲譚說遠大與世俗之所以不足慕者他日客或過公言顯貴人田宅財利公目司馬厲聲曰是詎足言耶夫士誦法聖賢見用當世宜表表有所樹立即事華侈詭聞巷已耳則壠商市賈也客爲竦然已司馬歷官歸俸于公盡以置義田供祭祀卹宗黨又購地爲亭朔望率父老讀鄉約其中州里之爭多就公質成者得片言輒躍然解去歲嘗大歉有司議賑卹請公王其事公既賢又益以已貲全

活甚衆明年復歉穀價踊甚公發私粟賤鬻之邑中

富家亦各發其粟價遂平司馬爲中丞分陝使人迎

公公入關今有懷百金爲壽者公從容言曰今賢吾

子當自知毋庸以是自溷也不受竟亦不以語司馬

公固雅飭自好又容止楚楚傾道上所過士大夫爭

慕望之因知司馬之賢爲有自云公以司馬貴封而

父義叟亦累贈資政大夫兵部尚書母楊氏累贈夫

人公於是大喜曰吾子果酬吾志配許氏繼配楊氏

俱累贈夫人又繼黃氏男四長郎司馬名萬達許出

次七品散官萬紀楊出次太學生萬程黃出次萬達

世修家集

卷十六

圭

禮

側室鄭氏出女五人長適鰥浦李其次適邑庠生鮑浦陳其次適某次適某其一尚幼孫男三思俊思佐思偉女七俱未并公生成化甲午某月某日詎其卒享年七十有六卒之明年某月某日司馬葬公于某山之原以中丞似菴郭公狀來請銘爲序而銘之銘曰祝融之墟厥有逸民不出戶庭而聲孔振歛厥賸餘以昌後人嗚呼古有荀陳委祉自身我儀圖之非公其孰與倫

贈戶部尚書南峯夏翁暨配郭夫人墓誌銘

嘉靖己酉秋今太宰松泉夏公以司徒之績上詔  
改贈厥考贈方伯南峯翁為戶部尚書母郭為夫人  
泣而言曰惟我考妣積德累行以大庇于我後之人  
惟

聖天子寵褒小臣以上及其所自出則既茂以加矣  
而墓之石未刻其何以示永久乃以翰林檢討毛君  
狀請予誌而銘之按狀翁諱彥策字士言其先世居  
英山五代祖顯一元末避兵徙蜀之巴縣生子景隆  
孫朝佐再遷於涪遂為涪州人朝佐生輔輔生友綸  
娶于李生子彥肅繼娶熊氏生翁翁幼讀書已斬然

世系表

卷十六

太

七

見頭角忽自念曰夫學者以學為人子為人弟也今  
吾有親在菽水之奉可獨以累吾兄遂棄去力耕為  
養視聲華利達澹如也後熊夫人卒事繼母羅氏高  
氏咸如夫人與彥肅同爨若干年以湫隘別築室江  
之南盡舉先所遺田宅以讓友愛篤至白首無間言  
活之人曰翁真能為人子為人弟者太宰公之生翁  
年三十餘矣然未嘗一日以愛廢教太宰遂以弱冠  
領鄉薦繼登正德戊辰進士拜戶部主事于是時聞  
人瑾專太宰於仕弗樂也翁曰自古有奸人竊政柄  
而能久者乎未幾瑾果敗太宰自戶部改考功主事

世系表

卷十六

七

金

忤時宰出為兩淮運判翁手書律已馭吏愛民平賦  
十餘事以戒太宰益奮勵政有異聲移守通州擢貴  
州僉事提學位駸駸起翁顧愈挹損非公事不至城  
府郡守貳或飾輿馬往迓時一會會已即歸不為私  
干教諸子若孫必以禮讓涪之人又言曰翁固能為  
人父為人兄者性簡默至與人接則油然而喜又喜  
紆人急凡稱貸而貧者往往不責償其或以怨仇相  
搆得翁數語輒解去蓋所孚於人者素云翁生景泰  
三年七月二十九日卒於嘉靖九年九月十六日享  
年七十九元配郭夫人同邑處士諱某之女端雅淑  
靜善事其舅姑翁之初徙能自勤苦以裕其業太宰  
公始知學佐翁教之方正婉曲得母道甚接遇尊卑  
行輩咸有儀法然其要務在以慈故雖僕使終其身  
不一見愠怒之色先翁五年卒壽七十五繼夫人胡  
氏翁子三人長即太宰邦謨次邦功次太學生邦問  
女二人壻曰丁善林藻孫男十人棐樟太宰出棐以  
廕補太學生果桀桀案案俱邦功出棐邦問出孫  
女四人曾孫 人長潢郡弟子員餘尚幼太宰既  
以嘉靖十年十二月十九日合葬翁夫人於宅東園  
之岡至是始徵銘志實有待予重翁夫婦賢又重太

宰公念其親不遺其君可謂忠孝是為銘其詞曰  
凡士用世不必其躬或代為之功與已同矧翁夫人  
太宰自出施于邦家孰非爾極  
天子報功赫赫龍章太宰拜受曰予敢忘忘君非臣  
忘親非子爰刻茲石以識厥始維  
天子聖仁維太宰忠孝禮卿作銘子臣是詔豈惟潛  
德之耀

明故興濟知縣劉君暨配王孺人墓誌銘

往年予如京師道出興濟其父老為予言當建昌侯  
時有張忱者怙勢恣睢令莫敢何問獨扶溝劉君拒  
不與相接嘗以私請君裂其書擲之督治益急忱怒

思中君使其黨日夜伺君短長竟三年不得毫毛過  
會君以母憂去忱勢復張興濟之民日苦張氏虐泣  
相語曰劉君庶幾其復來予聞賢君獨以不得其字  
名為憾後十年考功副郎劉子體乾以殿讀安陽郭  
君狀請予銘其祖考若妣之墓於是知所謂劉君者  
體乾祖也然以君之賢其官亦竟止興濟予噫吁悲  
之而又幸君之有子孫以為為善者猶得恃以無恐  
然則予於銘君固不得辭按狀君諱瑞字邦器其先  
元處士伯亮生子原弼 明興原弼以貢仕為刑部

本

主事生子讓讓生淵淵生憲君於憲為次子補邑庠  
弟子員亦以貢起拜浙江常山丞常山民富以喜訟  
君於民能一無所取其綽紳或携金壺試君君為指  
天以誓名乃益彰而其民用是不畏令而畏丞督負  
租捕有罪清理冤獄凡所欲為無不如志者君又能  
兵王浩八寇常山數與戰有功寇平遂令興濟其抗  
忱說者謂與戰浩八用力等故得不敗君性直諒少  
時鄉人有貴而驕者君絕不與遊乃所往來必慷慨  
有氣節士人以此是夙知君之不凡君生成化丙戌十  
二月十六日卒正德己卯十月十六日年僅五十四

世德堂集

卷十六

七

末

娶寧陽王氏居家善事姑在官能以節儉成君之清  
白生成化丁亥二月六日卒嘉靖己酉三月二十四  
日年八十三歲子男五東歲貢生采果訓科東昌平  
知州女三嫁謝資張琬庠生李文煥孫男十五自修  
選貢生自強嘉靖甲辰進士體乾名也自得自任俱  
庠生自秀自存自樂自養自充自勵自警自觀自順  
喜兒重喜孫女六曾孫男四繩武庠生成兒連兒大  
武曾孫女七東與諸弟十以庚戌 月 日合葬  
君夫婦於邑南 村先人兆次而體乾舊嘗卒業國  
子予為師故以銘請銘曰

吁嗟乎今之人孰位卑而名永存孰拙于躬而昌其子孫吾以是慰君夫婦於九原且俾來者式于茲墳

尚書司司丞致仕洛原白君墓誌銘

洛原白君既卒踰月其子祠祭主事啓常奉吳太史澤峯狀請予爲銘啓常娶於華亭而官於禮部且曰尙寶君之治命也予不得辭按狀君諱悅字貞夫別號洛原系出秦大夫乙丙宋末有諱季昇者由洛陽徙晉陵國朝省晉陵入武進故白氏爲武進人季昇若干傳至均禮均禮生思恭思恭生大治縣教諭珂金贈光祿大夫柱國太子太保刑部尙書珂生刑

世集

卷十

七

七

部尙書贈特進太保諡康敏諱昂康敏生都察院右副都御史諱圻君於康敏爲孫於中丞爲冢子生三年而康敏致政歸數指謂中丞曰繼我與汝者是兒也及成童中丞遣從先正陽明王先生學先生字之而贈以文所以器許之者甚厚正德丙子君旣冠矣補邑庠弟子員應應天府鄉試不舉會中丞卒以廢改國子生而北學于今光祿芹山陳公嘉靖壬午遂舉順天府鄉試上疏請以弟怡補廕其後怡累官至雲南廣西府知府壬辰舉進士授戶部陝西司主事改禮部主客司歷陞員外郎郎中轉儀制司己亥冊

立東宮禮成賜白金若干兩羅衣一襲

上之南巡君以儀制充扈從尋改左春坊左司直兼翰林院檢討不得從繼君爲儀制者不奉命不敢從法當奏請代君坐不奏請代出爲永平府通判踰年陞南京後軍都督府經歷南京吏部驗封司郎中乙巳復調外丁未通判河間府戊申陞戶部主事己酉改尙寶司司丞其秋啓常舉應天府鄉試明年舉進士人謂君連不得志於仕宦其末路當大亨亨且自今始而公遽遭疾辛亥三月陞江西按察司僉事病未能詣闕謝會被論詔仍以尙寶致其仕願

世集

卷十

七

七

謂啓常曰吾食祿二十年碌碌無補茲得奉骸骨以歸於吾願足矣急命治行而病已劇四月二十日竟卒距生弘治戊午十二月二十五日享年五十四君能爲古文歌詩行草小楷皆有法意興所到濡筆引紙往往屈其坐人故每見謂浮薄性又喜賓客延訪結納朝夕不暇而時名公鉅卿之好士者亦喜與君遊故又見謂奔競及旣病日閉門與客絕間有訪君榻前者君輒與論時務臺不置故又見謂矯抗其仕宦以是不達然君之心固未嘗一日不忘於爲善也士生於世其仕止毀譽信有幸不幸哉配鄒氏累



贈宜人繼楊氏累封宜人子五長即啓常次啓京府  
庠生次啓詹啓吳啓河女五長適宜興褚偉次適漂  
陽楊繼璋俱監生次受姑蘇皇甫林聘又次受太倉  
陸端復聘其一幼孫男二紹先紹元孫女一葬以卒  
之歲八月某日墓在芳茂山銘曰

予觀乎古之人其爲善也要無愧於其心故不計乎  
毀譽之紛紛其爲文也不苟求知於今故汲汲焉沒  
其身而力益勤芳茂之原青山白雲苟心之不瑕而  
後之有聞彼目前者奈何乎君

封宜人王母李氏墓誌銘

世經堂集

卷十六

主

四

嘉靖庚戌六月十九日鄉寧王子喪其母李宜人將  
以其月某日祔於厥考薊州公之墓走使三千里請  
予爲銘初王子與海鹽鄭子武進唐子及予三人者  
友也王子長身廣額昂昂如野鶴而其志行峻介嚴  
潔不可以不義動予三人者恒相與推服之其後爲  
文選郎善善惡惡直行無所顧禍且旦夕作而宜人  
適就養宦邸諸爲王子謀者度不能奪則懼之曰將  
若宜人何王子笑曰茲固吾母之所教也吾昔舉進  
士司刑蘇州吾母教之曰母驢貨母殉名以謀爾之  
身而戕民之生吾實拜受焉及晉銓司吾母又教之

曰毋阿世毋蔽賢毋舍爾之學以辱其先吾又實拜  
受焉今吾母方日夜咎吾教之弗克率而豈忻戚於  
世之所慕畏也未幾王子果被逐布衣徒步奉宜人  
歸而耕釣河汾之間宜人食糲茹淡其色充然若祿  
於朝者當是時唐子已落職踰年鄭子亦貶而予獨  
幸存既竊以爲媿又念王子得竭力以事其母而先  
淑人不逮於養未嘗不泫然悲也今年春聞宜人卒  
方以書報鄭子於南寺報唐子於家謀爲文以弔而  
王子以銘屬義不得辭宜人聞喜人父曰文繡仕爲  
豐潤丞擇壻得薊州公遂以歸王氏凡生三子長培  
齡次與齡次喬齡與齡者與其兄同舉嘉靖己丑進  
士而予與三人友者也喬齡縣學生女三孫二長整  
縣學生次教宜人事父事姑以孝聞薊州公於官前後  
十五年更三劇地門以內事一不以累公而其成仲  
子之節尤炳炳著白予是以銘其辭曰  
華之津利之塗棄而歸視若無汾之稼河之魚食而  
甘老不渝嗟宜人女丈夫彼儒頑空眉鬚刻銘文示  
後模

封翰林院編修文林郎志梅林君墓誌銘

世經堂集

卷十六

主

四



君諱鵠字九霄別號志梅陸姓其曰林者從其外氏也始君考馨翁娶於林凡生三子君最幼甫三月而孤母舅槎軒君屬其子浩子之其後槎軒父子相繼卒陸亦中落兩家之孤寡與其婚嫁喪葬之事皆仰給於君於是時君以孝義有聲於鄉著甚及君益長喜讀書能誦說古今言鏗鏘可聽又喜施與罄所有無吝色故君雖自處峻乃鄉之人莫敢望焉嘉靖辛丑子樹聲會試禮部第一遂舉進士改庶吉士授翰林編修封君如其官吳之俗縉紳父兄子弟往往藉聲勢廣交接君獨不入城府郡大夫有終三年未及識君者編修既仕則欲復其姓數懇以請君流涕曰汝他日自爲之吾不忍也編修重建君志不果今年春將舉翰林之有文行者授二王經予與大學士李公首以編修薦疏且上而編修得君書心動卽乞歸省予益賢之比至則君已卒君故有篋常置案間疾革指而言曰吾所存惟是編修泣發之獨遺言一紙諄諄欲其子孫仕者爲良臣居者爲良民而已嗟乎人死乃見真性若君者其平生爲善豈有所矯飾耶君世居華亭曾祖諱某祖諱某考諱某字某鄉人稱之曰馨翁配沈氏先卒贈孺人子男三長樹芳次

卽編修次樹德鄉進士女二嫁吳日新張紹孫男三壑國子生埜庠生元壽女六曾孫男二女四君生以弘治庚戌三月十八日卒以嘉靖壬子四月六日享年六十三卒之歲月日編修與其兄弟葬君封澳塘之原與沈孺人同墳而以學憲莫君狀來徵銘銘曰

北谿范君暨配顧孺人墓誌銘

范文正公有十五世孫曰啓曄字景輝少學書以孤貧弗克竟自蘇來賈華亭之泗涇于是時泗之賈人以百數獨君被服言動儼然儒者泗之人咸愛敬君君亦盡交其豪傑因家泗上而迎母沈孺人以居後二十年君益有田宅又有子若孫子又已貴而君北望陽山涕泣言曰吾先人之所廬也自號北谿以見志歲數過蘇掃墓其春秋會祀文正祠下未嘗後期日及配顧孺人卒謀葬事謂其子曰吾當從先人於蘇卜地得吳之清流山遂以孺人葬君既不忘其初性又喜施予見族之貧者輒厚贈遺之其孤者載與歸衣食之族人交賢君請主祠祀於是君聲聞兩郡

間嘉靖辛丑子惟一舉進士知鉤州聽請君就養君喜曰先文正監簿忠宣諸坐洛中吾儻得灑掃其下於吾願良足至則走洛展墓畱書戒惟一以潔已勤民無忝先世策其馬徑歸兩郡之縉紳由此益賢君而惟一亦奉君教以廉能著名績今累遷廣東按察僉事君曾祖諱元瑛祖諱從江考諱汝信自元瑛以上世居長洲支礪山至汝信贅陽山之沈氏生君四年而卒故君念陽山不置君卒於嘉靖辛亥正月十六日距生成化辛丑四月十三日享年七十一配顧孺人性孝君每祭祀泣孺人亦輒泣沈孺人始來

世澤堂集

卷十六

墓

華亭意頗不樂孺人孝養曲至久之顧益懽君育族之孤嫠率常數人孺人課紡績佐其費無倦邑年四十七以嘉靖辛卯十二月十四日先君卒子男三長卽惟一次惟立次惟不領丙午南畿鄉薦女四適朱祀陸有椿趙璠國子生馮文孫男二允升允謙女一予雅重君父子意其女必賢也聘爲吾兒琨婦會憲將以壬子四月二十七日啓顧孺人墳葬君而請予銘予不得辭銘曰

家于松葬于蘇子從父妻從夫其藏孔安神則偷慶澤以衍吉永乎

明故光祿大夫太子太保吏部尚書贈少保諡文襄唐公墓誌銘

嘉靖丙午夏六月太子太保吏部尚書唐公病弗能朝三上疏乞致仕

上方倚公重以爲忘國奪其官放歸七月十九日公輿出都門三十里卒于旅舍有司莫敢以聞後三年權相觀山祖塋之側其明年子汝楫舉進士第一授翰林修撰又二年具疏明公不敢爲欺狀詔復公官賜祭葬贈少保諡文襄於是士大夫相與戴上之仁明而幸公之有子且以識天道之存焉明年

世澤堂集

卷十六

墓

秋修撰將改葬公遂以狀請予爲銘納公之墓禮也按狀公諱龍字虞佐別號漁石系出堯之胄唐侯歷戰國秦漢晉隋仕者不絕而苒宋兩公前後開國於唐尤號貴盛唐末苒國裔孫仁恭避地餘杭後再徙蘭溪世以武功顯宋末始復業儒明興公祖贈尚書思州公與其子贈尚書望嶼公皆以文行爲鄉閭所推望嶼公娶于鄭是生公公之在娠鄭夫人夢獅居門而向日及生日光正射羣其貌儼然獅也人相與異而傳之稍長受業楓山章文懿公爲高第弟子弘治辛酉領鄉薦正德戊辰舉進士知郟城郟于時

荒甚公使民得貸粟於官而薄其息禁豪猾毋多賦却羨餘之賂吏者以佐轉輸民用不困大盜起燕齊間流劫至郊公督兵拒之斬首三百餘級賊怒令其黨大至公發碗口長柄諸砲斃其驍銳六十餘人賊乃遁以功陞俸二等丁單嶼公憂服除拜監察御史出按雲南上疏乞戒巡遊黜貴倖又數以法抗嬖臣人爲公恐公笑曰吾職固然已卯寧庶人誅江西新免於兵而歲荐饑公以選往按賑災卹貧疏連十餘上西人以安嘉靖丙戌自陝西提學副使遷按察使驛作徒數十人歲暮餓而遁有司常以越獄公悉縱

世澤堂集

卷十

五

金

囊數寇邊

天子爲之晏食遷兵部尚書兼右都御史總制三邊軍務兼理賑濟公馳入關奏平糶節用等十事民賴

全活者二十餘萬人已乃簡戎伍飭器械明賞罰任梁震王効劉文諸名將以師三萬耀武陰山虜大驚北徙六百里明年虜犯鎮遠公督震効擊之斬首百四十級甲午春虜犯延綏時震方授大同公趨震還而檄參將任傑以兵出虜後合擊俘獲五十餘人其夏敗虜於嚮水斬首七十餘級秋吉囊自將十萬衆犯安會公使文迎敵而伏兵其旁戰既合伏兵起乘之虜大敗遁歸至興武効邀擊敗之至乾溝鎮追擊又敗之凡斬首四百五十有奇奪夷器無算兵部上公功 詔賜金幣廕一子爲國子生丙申改刑部尚書初大同卒叛都御史東平劉公帥師討之將盡誅其黨卒懼爲飛語中劉公徵下獄公言大同凡三亂輒戕其帥不一正法無以令天下而論者專務姑息以冀苟安今罪源清邊人益得窺 朝指矣劉公於是得釋劉東山與其徒乘時爲奸利至播間 兩宮株連貴近吏坐獄不窮竟去者數十人公獨以抵法無所憚

世澤堂集

卷十

五

金

者章三十餘上甲辰秋 召為南京刑部尚書以母  
辭不允改南京吏部尚書會有邊警改兵部尚書鄭  
夫人諭公曰茲所謂金革之事非汝將母時也吾偕  
汝行矣乙巳春奉夫人入都公故習邊事以為虜去  
來若風雨而我收保恒後時故多亡失檄諸邊修城  
堡遠斥堠虜至持滿待之其秋虜果不得入自頃年  
來吏喜以文法繩邊將其跡弛雄傑之才往往獲罪  
而柔佞乃幸全公請有諸在繫者使立功以贖廢錮  
者量其才用之士聞咸奮

太廟成加太子太保冬十月太宰缺廷推首屬公

世襲集

卷十六

手

杰

上方重兵事傾銓衡非公不可疏留中一日竟改吏  
部公為政兼論資望殊勞異能疎遠必拔而中才不  
得越次以進其有所用舍聚僚屬共謀之衆議合然  
後署疏以請嘗舉廢棄四十人皆時譽也雖不果用  
正論為伸夏四月公病足又數與執政議不合於是  
毅然求去馴至奪職以卒縉紳悲之公性坦易與人  
處畢露肝膈而其意氣激昂慷慨見者盡傾尤好獎  
拔後進士多賴以知名今中丞平涼趙公其一也素  
善屬文當其得意時長篇短章操觚立就莫不婉麗  
暢達或戲為奇深文難字至不可讀然終不詭於理

所著易經大旨若干卷漁石集若干卷雲南江西督  
府總督奏議各若干卷傳於世公生成化丁酉六月  
二日享年七十配徐繼劉俱一品夫人子男七長汝  
器國子生次修撰次汝舟舉人次汝梅汝渭汝澧皆  
邑庠生最少汝淮女一適監生朱朝尹孫男十二廷  
俊廷佐皆官生廷佑廷儀廷仕廷傅廷儲廷偉廷修  
廷信廷侍廷僕女三公既以文武才有盛名而予嘗  
偕宛洛韓公以吏部侍郎與公同事修撰及其兄弟  
又多出予門者故為銘銘曰

惟士於才古難其兼孰文且武為時具瞻偉哉唐公

世襲集

卷十六

主

清

魁顏鉅鼻學恥一長高步遠視揮毫藝苑捷若雲飛  
聚為犀玉散為珠璣運謀戎幄奇若神相陰陽翕張  
風霆震盪出總制闔入長卿垣英髦宿將藹其在門  
始殞于途縉紳胥悼 聖聽繼回卹典有耀贈官少  
保三孤之崇易名文襄焯賢象功吁嗟公身歿受多  
祉惟 皇仁明惟公有子世美必濟 王恩必酬公  
多子孫尚慎厥修

明故巡撫河南都察院右僉都御史寶齋陸

公墓誌銘

昔在甲辰湖南饑中丞陸公珙時守岳州盡發倉庫

之儲躬省視其民月一賑之凡活數十萬人御史以聞吏部言于

上曰古者守令能舉其職則有增秩賜金仰惟

皇上愛養元元德意甚厚而有司惜偷鮮或以佐民為急今臣瑯獨克奉明詔多所全活宜有顯擢以勸來者詔報可徵拜公太僕少卿加御史俸一等於是天下益曉然知

上意所向爭以治行目見而其後激勵之典曠焉莫行吏得有所藉口復怠以肆論政者謂焉公舉嘉靖丙戌進士其始讀書則恥為章句嘗曰人心與事物

世宗憲

卷十六

五

不相離舍事物而徒求諸心者禪學也逐事物而不求諸心者俗學也至其自檢尤篤行誼重氣節毅然以古人為期故其歷官於職事必竭其力而凡厨傳書疏問候起居繁文縟節世所藉以利其身圖者一切以為不足務其為南京刑部主事嘗有所平反與大理丞議不合白尚書具疏以請詔竟從公遷員外郎郎中丁父憂服除鄉人有欲引公者拒不應改刑部郎中尋乞改南京武庫郎中武庫掌諸司隸直率名取羨餘供費而陰為奸私公獨於緘識未嘗廢視廉聲流聞遷知常德以能治繁徙武昌尋徙岳其

自岳入佐太僕去養馬之不便者若干事自太僕為南京鴻臚卿遷南京光祿卿與內豎約毋過取文辯意懇宿蠹為除河南吏懦而民貧宗室索常祿不得則相聚呌呼數走闕下自訴會巡撫缺

上曰是宜得廉而肯任事者庶其有濟詔公以右僉都御史往撫公冒暑雨疾行遂病既入汴病有加歎曰吾縱不能效犬馬力上報

天子其又可曠常職遂乞致其事歸三月告終庚戌十一月十七日也距生弘治丁巳十二月二十五日得年五十五縉紳惜之公字秀卿別號簞簞其先賴

世宗憲

卷十六

五

人七世祖勝二當元之末避亂徙嘉善傳至玄孫耘以義旌門於是始稱大家耘生畦畦生贈刑部郎中鵬娶於陶生公公初娶亦陶氏贈安人再贈宜人繼娶胡氏封安人再封宜人子男二長敷錫國子生次中錫女二適同邑沈炯吳江丘棟俱庠生孫男一繼淵女一公能文所著有詩輯傳習錄辯疑及古文詩賦若干篇其歷官所至有遺愛集若干卷敷錫皆將銀梓以傳予往與公同領應天鄉薦公之召拜太僕予實在吏部為侍郎而中錫娶於吾友少叅顧左山氏遂以左山狀來徵銘銘曰

學爲已仕爲人偉哉公孰與倫業未究不永年嗟哉公誰使然我刻銘垂不朽猗哉公享以壽

封奉直大夫刑部員外郎直麓王翁暨配張宜人墓誌銘

太守王君綬將奉其父封刑部員外郎直麓翁母張宜人之柩返葬于上海詣予泣以言曰吾父少孤育于其女兄及長走京師謂貴宦可指取有不幸無所遇恥不肯歸會吾外祖張翁家京師因娶而留焉于是時無尺寸之地可仰藉獨與吾母朝夕食其力已乃遊齊魯河洛之間冒寒暑風雨波濤之險者二十

世鑑集

卷十六

墓誌

年始克有家綬之當就傳也吾父授以易使學于光祿卿惕菴崔公洗馬九川滕公幸而能文詞正德癸酉幸錄於北畿之試吾父又謂於金紫可旦夕得而綬不幸凡七試不獲中進士選以副吾父之望綬者綬竊痛吾父生而其志不獲伸也吾父之卒也命綬曰必返葬綬不敢違焉然自京師抵上海跋涉四千里歷三月乃克至又必數月乃克卜地以襄事綬又痛吾父吾母沒而不克遽卽於安也維吾父性惇篤重信義家雖貧喜賙人之急親舊之婚喪往往待吾父以舉丹陽褚十六盜官錢逮繫吾父憐而貸與之

世鑑集

卷十六

墓誌

得不瘦死後十六不克償遂焚其券吾母勤儉慧敏凡家之事豐儉厚薄能如吾父意所欲出中外以爲賢今吾父生不獲伸其志歿不克與吾母遽卽於安而其一二善行綬又不能假重名公卿託諸金石以便有聞於後則吾父母將不瞑於九泉而綬之不孝彌大也敢以銘累執事予聞而悲之念昔在翰林與故大學士龍湖張公數過君君出所爲文爲予兩人讀之聲琅琅可聽予兩人者亦甚奇君而君竟不舉進士其自謂不幸誠然然則凡所云皆可信也爲誌其事而系以銘翁諱明字景昭世爲上海人生天順乙卯四月四日卒嘉靖乙巳十二月廿二日年八十七宜人先姑蘇人生成化庚寅十一月廿三日卒嘉靖己酉正月七日年八十子一卽綬自刑部司務歷員外郎郎中出守平涼以抗直不合於時而歸孫男五長體元次體健順天府學生蚤卒父體順順天府學廩膳生又次體謙體信皆治舉子業孫女四長適錦衣總旗韋槐次適戶部主事崔學復餘尚幼孫男七喬年彭年堯年舜年禹年皋年鑣年女五其墓在某山之陽葬以某年某月某日銘曰孤則守丘烏則懷枝矧伊人耶其鄉之弗思千里雖



遠竟無不之苟遺言之弗違尚永安於茲

封孺人顧母李氏墓誌銘

孺人李姓其先宋荊州刺史邦當高宗時來居嘉定之西楚涇繼徙江灣歷元入國朝子孫日蕃以大號江灣李氏弘治間有為太學生諱鎬者謁選得州判官自計不能與世俯仰棄而歸鄉人稱其賢鎬子海娶上海董氏生孺人三歲知推遜其兄七歲習女紅傳不煩兩邑之大姓爭欲得以為婦而董諸父大理少卿恬與廣南太守上海草堂顧公為通家因以孺人歸廣南之孫令御醫君定芳始至顧之內外

世經堂集

卷十六

三六

清

親莫不謂有禮居數月又莫不謂新婦孝敬其僮僕婢使又莫不謂於我有恩未幾廣南父子相繼卒御醫君方遊大學恂恂為儒生鄉人多肆侮者君日夜就有司求直乃家政悉屬孺人會姑陸孺人數病目而君弟光祿署丞其與族之孤遺先後當嫁娶孺人躬儉素課耕織連晝夜不懈用克外佐御醫君之費而內以治藥餌具衣服酒漿供婚事之百須卒不墜其家御醫君多讀書善談當世之務海內大夫士咸樂與遊其餽問慶弔走使於四方自牲醴幣帛以及果蔬修脯謀諸孺人無問多寡無不給足後君直聖

濟子中書舍人從禮供事內閣地清而俸薄孺人歲時致米帛寓書曰勉事

明主母內顧御醫君父子賴是能久於京師嘉靖乙巳從禮以三載考績詔賜孺人封明年子從仁病孺人憂之甚瘍發於左乳越五年辛亥七月廿八日卒距生弘治壬子十月十六日享年六十子男六長即從禮次從德國子生次從仁先卒次從義中書舍人出繼其叔光祿次從孝從敬俱庠生女五長適國子生唐贊次受國子生張之臣聘未嫁而卒次適李賓陽夫婦皆先卒次適凌景賢又次適沈紹伊皆宦族孫男五九疇九敘九錫九華九孫女六長適邑庠生唐國柱次適府庠生張雲門次許嫁馮允達餘尚幼從禮以父命卜癸丑十二月日葬孺人邑西肇嘉浜之原先事奉母舅李郡博士龍狀請予銘墓予獲交顧氏父子間而予女許嫁從禮之子九錫不得辭乃銘曰

既孝以仁又儉以勤厥德之良劬于其身以貽後人惟澤之長子孫振振簪笏繩繩乃報之常刻文貞珉彌久弗湮荷後之光

封荆部王事柳溪劉君墓誌銘

世經堂集

卷十六

三六

清



君姓劉氏諱鏜字大淵御史崙之父也嘉靖乙巳秋天子作九廟成覃恩中外時御史爲刑部主事封君如其官君素高不樂隨俗俯仰及歲晚益思與人事絕營別墅於城之南鑿池其中植柳環之而日詠遊其下因自號柳溪云君世家廬之無爲州曾祖清仕爲嘉興同知以廉稱祖克恭父琛連再世不仕官而琛善治生至君喟然曰富在行其德財不足多聚也數推所有撫其兄之孤岑又及其貧交疏昆弟莫不給足歲侵有司檄君賑饑明覈詳慎凡活數千人其以私財賑者不在是然君於自奉儉食未嘗具重肉

遂趨赴闕至則虜已退居五月君計聞於是侍御自痛恨哭幾不能生嗟乎君可謂知爲臣御史可謂知爲子矣君葬以其年某月某日墓在其處予雅善御史乃以其同官阮君狀爲之銘曰柳之風穆然以清維君之名溪之水淵然以積維君之澤倚風水兮相遭波成文兮浪增高君之家兮多孫子流無窮兮聲日起

友松胡翁墓誌銘

友松胡翁名某字某今翰林編修懋中之父也胡氏故居六合國朝洪武初有諱名乙者以戎籍隸密

雲生子敬永樂初敬從

文皇帝靖內難有功陞東勝左衛正千戶生子海海生琛琛生興調山東威海衛而琛弟鏞復以官餘改隸南京鷹揚衛生子徹徹娶於孫生翁故今爲南京人翁生九年而孤稍長盡以產讓其諸父而獨奉母以居泊然若有以自樂及旣壯念無以爲養則遂歎曰丈夫能株守一室務經硜以儉其親耶偕弟瑛徧遊江湖間身勤苦儉約與賈人最下者等而積累贏利歸以養其母凡廿旨溫煖之奉不求而具母大樂瑛性豪至或不喜就檢束翁乃益崇退讓恂恂如儒

生久之瑛更爲雅飭瑛客死歸其喪厚葬之撫其孤  
娶恩義備至南京故士大夫所聚于是時翁孝友聞  
四方諸士大夫莫不折節願與之交也翁年五十六  
始生編修喜曰必此子亢吾宗者編修當就傅則又  
歎曰幸有子可教寧容沒於利不自知止足如世俗  
賈人之爲卽以貲屬其僕而日課編修學後二十三  
年編修領嘉靖壬子鄉薦明年舉進士改庶吉士又  
二年授今官 命下十有六日而翁卒蓋翁雖不獲  
享編修之養然及見其取科第以文學侍從

天子出入玉堂金馬之間於所謂亢宗之望可謂不

世經堂集

卷十六

甲

四

負矣豈翁孝友之行鬼神固有以相之歟翁生成化  
甲午十一月十九日卒嘉靖乙卯十二月二十二日  
享年八十二初娶陳氏繼李氏丁氏又繼熊氏子男  
一汝嘉是爲編修懋中其字也熊出女二長陳出嫁  
龍江指揮張弛其次李出嫁陳瑤孫男一宗燁編修  
卜以其年某月某日葬翁某山之原奉侍講邢君狀  
來徵銘編修予會試所舉士不得辭銘曰

徂徠有松焉獨立乎山之崖水之隈而庥者莫不樂  
其陰過者莫不稱其材倚嗟胡翁植德不回本實是  
培發聞厥躬委祉方來其斯所以爲松之友而世相

與信翁之自稱者哉

贈監察御史時齋馮公暨配吳孺人合葬墓誌銘

馮君子仁爲南臺侍御抗疏論時政語侵權貴人君  
子以爲忠而權貴人構之逮繫詔獄議殊死賴

天子明聖得從末減謫戍雷州後三年放歸葺堂以  
奉其母封太孺人吳而因誦其父贈御史時齋公之  
所以爲教者請名于予予辱交於君久爲取 制詞  
之意名之曰忠訓迄今十有三年太孺人亦卒君以  
友人鄉進士朱君狀請予銘其父母之藏予因得考

世經堂集

卷十六

甲

四

見其教益詳乃次序其事而系之以銘時齋公諱某  
字惟中居華亭之北圩塘家故貧儒也生若干年喪  
其父會歲大饑米斗百錢公日負米百里外以養祖  
母浦及母胡曰小孝用力吾所以行吾孝者當如是  
祖母沒嚮其居以奉葬事遠徙楓溪力耕以養母而  
大書壁間曰丈夫廉節自勵乃能窮不失義故公雖  
貧其於人未嘗有所俯仰至貧益其節乃益堅鄉人  
高之庶弟遠嘗與公同舟而溺公解衣授水援之或  
呼曰有祟勿投也公亟投弗克援哭嘔血數升病數  
月始愈後十年竟以嘔血卒太孺人年十八歸公建

事二姑祖姑瀕死曰小新婦孝愛願天爲生好孫以報德公之居楓溪太孺人躬織紉佐公連晝夜不怠用能成公之節侍御君生公數抱持語人曰此兒當亢吾宗少長輒訓以居官之事書忠孝廉節四大字貽之公卒時君年纔弱冠所以教養之以底成立咸出太孺人及在繫太孺人詣闕上書請以身贖留京師三年君得釋士大夫爲賦貞慈詩君當赴雷太孺人泣謂曰雷雖遠然衆皆欲汝殺

上獨憐而活汝聖恩不可忘也蓋公與太孺人所以教君如此宜君所樹立卓然異於人歟公生某年月日卒於某年月日享年五十太孺人生某年月日卒於某年月日享年九十五合葬某鄉某原馮氏世居雲間鄉國初以著姓戍滇南至公祖仲文始改

世經集

卷十六

聖

改

京衛徙居北圩塘以授徒爲業生子海則公父也海性至孝母浦寢疾累月叩北斗求代者無虛夜母幸瘳而身以勞斃里人私謚曰苦孝先生公三子長卽侍御君名恩子仁其字太孺人出次惠次憲俱庶出女三人嫁莊華庠生陸府鍾鳳孫男十一長行可領應天鄉薦年十二陸馳數千里從太孺人於京刺血爲疏乞代父死天下聞而偉之次際可達可學可再

可輔可皆太學生繼可庠生衍可時可曾可庶可尚幼孫女六人已嫁者三壻曰朱星馬汴顧大化星汴皆太學生曾孫男女各四人惟馮氏有侍御君父子能世其德而孫曾之盛又如此嗚呼公夫婦之食報於茲爲盛矣銘曰

德必有基慶必有源矧其再世忠孝之門倚嗟馮公夫婦婦以教于家父父母親厥子孫載用爾思訓于無疆刻此銘辭

封太安人莫母朱氏墓誌銘

貴州學憲莫君如忠卜以嘉靖乙卯月日啓厥

世經集

卷十六

聖

考贈儀制主事省軒公墓附葬其母太安人而奉太史林君狀請予銘太安人姓朱氏世家松江之華亭父諱昂舉弘治壬戌進士拜御史遷廣東按察僉事生女四人太安人其長也年十六擇壻得儀制館于家會舅東昌通判一軒公卒從儀制歸執喪無違禮喪畢復依朱氏以居尋喪其姑太安人曰資壻非古也矧舅姑之祀在遂歸於莫然是時東昌無厚產遺子孫而儀制方讀書不暇省家人作業太安人甘儉約力勤苦以資儀制正德癸酉儀制舉於鄉莫内外族咸曰太安人之助也學憲君幼僉憲數捐其頂謂

太安人曰是兒當吾宅相好育之太安人固奇其子及聞僉憲言益自信凡所以教學憲與禮其師友者無不備至學憲由是舉進士高等以文章稱學憲初官南虞部奉太安人以俱已分署真州卽又奉如真州踰年丁儀制憂服除當赴銓曹徘徊不忍別太安人以義迫遣之至則改儀制主事秩滿詔授太安人今封又明年學憲居京師五年矣會聞太安人有念已言遽請告歸今制予告有期限不得越因奉如京師而太安人不習其水土數病臥學憲時爲祠祭郎中泣語其友曰吾少以多病累吾母病每劇母

世德堂集

卷十六

品

輒顧天所以身代雖至成立母視吾猶兒時飲食必親視出則候僕踵至歸稍踰期輒爲筵安否故忠平生不敢遠遊而羈宦數年自非奉母俱母無旬日不哭經月不病者母今病於此吾豈可以終累吾母哉遂請外得今官冀便母養而貴州道險遠不能奉與俱留數月以太安人命勉就道至漢陽心動上疏乞致仕詞甚懇

上憐而許之抵家治醫藥在煥寒寢食之節者兩年太安人乃卒嗚呼學憲庶幾得盡其孝於其母矣太安人性醇確好施予賙卹貧乏囊至無留錢在官邸

恒勗子以清白雖奉養菲甚心顧樂之嘗命子如信後其伯知費縣北溪君北溪旣得子卽召以歸田宅粟帛毫髮無所受其知理道又如此生弘治庚戌九月二十七日卒嘉靖甲寅三月二日享年六十五子男四長如忠是爲學憲次如信國子生次如德國子生側室吳出次如爵生員側室陸出女二長嫁王謬次側室唐出受凌聘孫男十人是龍生員次是驥餘尚幼學憲受業于友荆川唐子之門而予在禮部學憲實爲祠祭於其出處之際相知深焉故爲銘太安人其詞曰

世德堂集

卷十六

聖

禮載內則詩歌女士婦職相夫母實成子嗟太安人備德與儀以正爲順以訓爲慈教行于家澤流厥嗣稽經作銘來者所視

明故巡撫雲南右副都御史瀉陽周公墓誌

銘

曩予在經局日從東郭鄒子荆川唐子念菴羅子相與切磋於身心之學于時士大夫之賢者大率辱與予四人遊若瀉陽周公其一也公爲人養深而守定視其貌爾然懦且怯及與之言閭閻侃侃乃漸發露至於臨事雖死生在前終不可屈奪蓋孔子所稱仁

者之勇也當是時朋類莫不推公賢以爲公他日在廟堂必能爲國家定大議鎮雅俗使海內獲覩正人君子之作用庶幾以明講學者不盡爲空言公亦勇自任毅然不撓人乃日覺其異自禮科都給事中出爲陝西右叅政遷福建按察使四川右布政使轉左使徊翔藩臬者十有二年始遷都察院右副都御史巡撫雲南公於內拜最遲得地又最遠士或爲公不平或爲公喜以爲忌公者終不能以其私廢輿論之公終當有以慰昔之所屬望者而公蒞鎮旬日遽遭外艱歸其廬四月以過毀得疾遽卒嗟乎其命也耶

世鑑彙編

卷十六

聖

本

其抑有忌之於冥冥之中者耶公生正德丁卯十二月六日卒嘉靖丙辰五月二十六日得壽僅五十無子以兄之子耀承後年十有二予往年讀太史公所作伯夷傳心竊病其怨誹之甚於中道末爲令及今觀於世享富貴久長者其人率如彼而公於位於壽於子孫獨如此然則太史公之怨誹亦其情宜然也公卒後數月耀承具疏請卹典格於例得賜祭一壇及葬費之半於是耀承以公遺言請予銘墓予固悲公者不得辭公長沙寧鄉人諱采字子亮瀉陽其號舉嘉靖壬辰進士授中書舍人選吏科給事中再

遷至吏科左給事中充會試同考試官遷禮科都給事中補外歷官所至交薦胡御史彥曾疏于朝曰居然大雅卓爾不羣論者以爲知人曾祖添裕祖鎮以公貴贈通奉大夫四川左布政使父策領湖廣鄉薦知貴縣有聲封文林郎中書舍人再封左布政使母唐氏贈夫人配某氏繼劉氏贈封皆夫人女一劉夫人出耀承幼不能悉知其父事故予於其政亦不得詳姑以曩昔之知公者誌而銘之其詞曰吁嗟瀉陽埋骨于茲誰實生之又誰尼之吾悲者時明故陝西叅議春谷潘君墓誌銘

世鑑彙編

卷十六

聖

孫

嘉靖丁巳正月八日陝西叅議春谷潘君卒年四十有四君自幼以才顯名年十九登進士第授大理評事當是時朝多賢士大夫文章政事各以所長相高而其篤志好古者則又相聚以講良知之學視文與政以爲不屑爲而彼亦詆此以爲僞勢幾不相容君盡遊其間論雄詞辯莫可窮詰諸前輩相視以得君爲重於是君名益聞然忌者亦益衆每諸司有所建白其詞稍不襲故常輒譁曰春谷筆也出之陝西踰年以前大理罷官其祿食僅九年年二十八耳君既罷論者咸謂處君太過君亦痛自懲思盡屏去華藻

以就精實士大夫乃更賢君凡持節蒞晉者文章以薦竟格於例不果用嗚呼若君者其信可謂生之難而毀之易矣昔歲己亥予與東郭鄒子荆川唐子念菴羅子同被召爲官僚獲徧交一時之名士而君與焉其冬君入關明年予以憂去三子亦相繼罷黜今予幸登朝而三子者猶未召君又已作土中人予安得無惻然於中也君諱高字子抑春谷其號先世居廬之合肥國初有諱興者從

皇祖起淮泗拜山西寧化所副千戶遂爲寧化人與孫銘以功遷正千戶銘孫璟生五年而孤其母節婦

世澤集

卷十六

哭

杰

施鞠育之既長能其官數考軍政第一君考也君方姪時母王孺人夢蛟入懷寤而生故君才與貌奇偉豁達皆若蛟然措諸施爲排難解紛濟艱應猝人所不足處之有餘乃其在陝西釋繫囚均賦役搏擊賊吏禁戢豪宗特其可見之淺淺者而位與年皆止於此命也配王氏太宰恭襄公之孫後府都事內泉君之女恭襄擇而嫁焉生子二長雲祥郡庠生次雲程尙幼女二長適高憲副東庄子生員一麟次許嫁孫光祿汲泉子訓雲祥卜以其年某月某日葬君自爲狀奉東庄書而介汲泉請予銘墓予既雅知君又嘗

與東庄同官於浙與汲泉同朝且重雲祥能汲汲於表揚其親也爲之銘曰

蛟神物也或乘風雷變化騰凌或蟄于淵寂若無能蛟有異耶視其所憑嗚呼士等才耳達則泉淪遇乃雲升雖賢哲其奈何吾是以三歎於君夢之無徵

明故廣東按察司僉事進階奉政大夫竹溪

先生黃公墓誌銘

嘉靖某年月日竹溪先生黃公卒于家距生某年月日享年八十其子南京光祿卿養蒙以少宗伯康公狀來問銘予固與公同舉嘉靖癸未進士公之以僉

世澤集

卷十六

哭

金

憲歸也予并追服其才而太息於其用之未究及見光祿君舉進士官吏部欽然起爲名卿方幸有以慰公於林下顧未幾而公卒予復喟然惜焉思所以致其情於公而無由也銘其可辭按狀公諱澄字廷肅別號竹溪其先大興人也七世祖真仕元爲泉之南安令因家南安故今爲南安人祖彝父德平以公貴贈刑部員外郎公釋褐爲行人國家之制科道缺員則以行人選授而諸行人亦莫不冀爲科道以得不得爲憂喜乃公爲行人獨辭不預選遂由司副遷刑部員外郎當是時咸謂公恬退人耳未必解吏事

乃公為刑部則又精法比善讞決以廉直著聲居五年出為廣東按察僉事飭兵嶺西會徭劫高州朝議用兵剿之人謂公雖解吏治未必知兵乃公則又曉習兵法所攻無堅破賊巢十有三斬首千一百餘級歸被虜生口八百餘人獲馬牛器械無算督府上其狀詔賜白金文綺公所轄高肇二府民居與生熟之徭相半徭時生徭禁不得出市魚鹽諸賈人亦不許入公曰魚鹽彼所賴以生也如是其能行乎於是令賈人得通魚鹽諸峒中而獨禁徭毋擅出其熟徭或時至庭下獻茶密為壽必厚以魚鹽償之溢其望

世經堂集

卷末

辛

志

以故諸徭咸德公終其官無為患者然公故峭直不能姘阿媚人在刑部嘗以執法卻貴璫之請及是奉職守官多與上下忤乃歎曰吾不能瓦合於世也明矣竹溪之上吾足自老焉尚何所戀慕哉即日棄其官歸與朋舊為詩酒會暇則課僮奴治稼圃時自荷長鋤雜作其間人不知為貴人也公嘗以父不逮養歲時祭祀必極豐潔曰祭之豐以補養之薄也諸父有以部運覆沒者縣官督償甚急公為輸其半又撫其孤其孝友大節如此初南安詩失傳獨公治毛詩以其學講授里中及公成進士光祿君繼繼天下其

門人轉相授受由是詩學始盛相與稱黃氏詩予家素業詩先叔父進士府君尤號有深造予嘗叩公即予家所傳固無以過也公既老以子貴進階奉政大夫配李氏有賢行是生光祿君先公四十四年卒贈安人繼贈宜人側室孫生子養道吳生子養新女八人嫁李天佑訓術傳佑生員蘇棟傳勳者俱宜人出嫁史國賓解元章日闇生員李日新者俱孫出嫁生員張文詔者側室趙出孫男五人某某某某女三人光祿君以其年月日奉公葬許坂山之原與李宜人同塋禮也銘曰

世經堂集

卷末

壬

志

學以獨得蔚為士師仕以獨行卒厄於時嗟是二者伊誰之為將詘於身而子是貽吾不能知銘以俟之

世經堂集卷之十六



世經堂集卷之十七

墓誌銘三

明故資政大夫總督湖廣川貴軍務都察院

右都御史贈太子少保諡襄惠淨峯張公

墓誌銘

公諱岳字維喬號淨峯其先蓋出黃帝之後少昊氏有子曰揮能制弓矢教民帝賴其用命為弓正而封之尹城賜姓曰張其後世子孫益蕃代有顯者漢留侯良晉司空華唐文獻公九齡其尤著者也五代時始自曲江遷閩之惠安入明有為桐廬丞諱茂者

世經堂集

卷十七

一

公會大父也祖諱綸萍鄉令考諱慎英德令自萍鄉至英德皆有文行以公貴贈都察院右副都御史母鄭氏贈淑人公生而室有光桐廬異之曰是必亢岳宗名之岳岳大名也及長端凝不為羣兒戲好學不勸遂博極羣書弱冠試于鄉其所對策書紙背盡滿主司大奇之擢置第一舉正德丁丑進士授行人武皇帝寢疾豹房獨宦者數人侍公上疏請令大臣亭諫朝夕起居不報寧庶人謀逆聲播遠近上將南巡中外洵洵諫者數十輩已前繫詔獄公復率其僚切諫

上怒杖闕下既而釋之調南京國子監學正今皇帝即位盡還

武廟時諫者官復以公為行人居久之遷司副尋擢南京武選員外祠祭郎中丁祖母憂服闋補主客郎中由主客出為廣西提學僉事復改江西坐廣西所貢士廷試黜落七人貶廣東提舉初公為主客大宗伯與執政議禘禮不合執政知其出於公也忌之然未有以罪至是乃貶云甲午起知廉州始教民田而嚴盜珠之禁民以不滿死改建學宮選其俊髦親為講授廉用得去荒陬而中州安南以亂久不克貢

世經堂集

卷十七

二

朝議將討之公疏言遠夷相攻殺不足為出兵勞弊中國既不報則遂治兵食立營堡計王師所從入水陸道里之詳事有緒矣會滿三載擢浙江提學副使尋擢布政司參政以方有事安南調廣東至則莫福海已款鎮南關乞降公為督府畫所以受降之策其備安南平詔賜金幣陞俸一級是年秋督府徵崖黎涉海南攻羅活抱萬抱宥諸洞破之再賜金幣陞俸一級於是

天子以公果可大用壬寅拜僉都御史巡撫鄖陽改江西江西饑公疏留當輸京師銀五萬兩又請折正

允改兌米數十萬石民饑而不傷乙巳擢副都御史  
總督兩廣軍務徃擒數寇廣右公既久在兩廣熟知  
其山川險易與僮之情偽至則以兵計會封文德文  
滑腦諸巢平之遷兵部右侍郎賜銀幣明年平融  
懷遠諸僮進攻馬鞍魚窩平之又陞俸一級賜銀  
幣召為刑部侍郎御史奏留不果行又明年平連山  
僮兩廣無事復召為兵部侍郎尋以前後平僮賊  
功擢右都御史總督湖廣川貴軍務先時湖之麻陽  
鎮實貴之銅仁諸苗叛當事者僥倖苟安曲意為撫  
由是貴苗益肆而湖苗亦且伺釁以動公既開府于

卷七

三

沅聚錢穀飭戎伍易將帥之不足任者下令為征勦  
計而朝廷方議撫守二策公力言其非詔報可  
苗始大恐然猶欲藉口於撫以誼誅乃放兵四出寇  
印江寇石阡寇思恩幸朝廷以失利去公而罷兵  
詔書切責最後奪一官以激之而公用兵愈急以計  
獲其內調田應朝斃諸獄集土漢兵九萬二千有奇  
檄諸將分道進勦前後斬獲以數千計其頗逃匿山  
簪悉諭降之苗既衰破震懾其黨皆自分必得相繼  
擒首惡龍許保吳黑苗以獻三方遂寧功未及奏而  
公卒前數月有大星隕西南公曰我當應之至是果

卒卒之三年本兵殿上其功

上復公右都御史贈太子少保諡襄惠廕子賜祭  
葬皆從中降蓋特典也公生於弘治壬子十月四日  
卒於嘉靖壬子十二月二十四日享年六十有一配  
陳氏封淑人綜理內政與公合德後二年亦卒子三  
宓太學生娶黃大叅潤女寓官生娶洪御史庭桂女  
宿幼女一適庠生李忱孫男女各一公識遠器弘乎  
居冥言笑天性孝友篤於人倫其學宗宋大儒程朱  
曰程朱之言如著龜神明不可忽也故其教學者必  
以持敬窮理反躬實踐為務而凡談說性命一切指

世宗集

卷七

四

以為籠罩揣摩毅然排之而不顧一時賢智之士亦  
莫能屈焉歷官風采毅然不為身計利害時宰將以  
事罪公士由廣西貢者相約毋就試公適在京師強  
之曰若輩涉萬里以求升斗之祿奈何以吾故乃爾  
及試公果坐落職亦無幾微見顏面公始以文章氣  
節著名及交南用兵更推有將帥之略雖蠻夷亦聞  
其威名莫福海將入款謂其人曰向廉州太守安在  
也然是時邊臣為自全計競餽遺用事者公獨不通  
一書故每用兵有功常薄其賞微失利輒被譴賴  
天子明聖卒能以功名終兩廣沅皆立祠以祀鄉人

亦祀諸學嗚呼公可爲一代之名臣矣公所著有惠安誌古文要典三禮經傳宋元名輔事業宋名臣奏議載道集大儒文集聖賢正傳歷代兵鑑恭敬大訓小山類稿凡若干卷藏于家皆有補於世教云公弟戶部主事峯率宓等以其月日葬公許山而乞銘于予予故與公爲道義交而兄事焉乃爲銘曰

張始受氏以弓正封植固而蕃赫赫厥宗旣振文譽亦繼武功良籌垓下華定江東曲江策叛半稱遺忠矯矯裏惠克配於先三已無愠百鍊彌堅俎豆揖讓文教屢宣帷幄笑談決勝萬全有頑不庭王師四征

世經堂集

卷十七

五

墓

或偏或專功罔不成黎患旣息蠻寇亦平蠢茲鬼方三年弗克有謀盈庭宜撫以德公曰無庸普滅此賊蠻方言言王旅翼翼罔入其阻殪戎糾忒公始視師衆論謂危惟

皇之斷信任弗疑公之旣沒寇亂始夷惟

皇之仁褒錄弗遺旣多受祉生榮死哀刻銘幽墟以勸千來

明故前監察御史蒙泉包君墓誌銘

嘉靖丙午蒙泉包君以侍御謫戍莊浪後三年厥妣楊太孺人卒于家君痛其生之弗能養也疾之弗獲

侍也歿之弗克奉以葬也窮晝夜哭泣比卒喪衰經不去體又五年弟侍御吳石繼卒君持齋號曰誰代我奉時祀者於是哭益悲竟以是得疾歲丙辰六月二十八日卒於戍所年五十一初君生五歲而孤太孺人身教養之勤苦備至及嘉靖壬辰乙未君與吳石接踵舉進士君以東昌推官徵入北臺而吳石自中書舍人爲南御史太孺人則已向衰君之按滇還也將上疏乞侍養會吳石以終養得請太孺人悲曰教子者獨爲身謀不思爲國家用耶君不得已入朝未幾奉命按湖南劾中貴人不法若干事爲所誣構得罪當死

世經堂集

卷十七

六

墓

天子憐而活之故君之赴莊浪雖甚危苦未始有不平色其所居頽垣敗屋不蔽風雨而君處之甚安獨以太孺人故悲傷蚤殞謝雖於君爲不幸然亦足以觀忠孝之大節矣君爲人慷慨偶爽口所欲言不顧其人之忤於色心所欲爲不計其身之及於難嘗清戎福建出按滇南鎮守世臣悚然爲君降禮而貪墨之吏望風解印綬以去至湖南先聲所被莫不震疊一時稱真御史者必歸君然君亦以是不見容又無財足以自救其卒也棺殮之費皆出西寧兵備大渠

孟君淮孟蓋素與君以意氣相許者也君諱節字元達別號蒙泉其先嘉興人曾祖俊贈南京禮部郎中祖鼎與其弟兼同舉成化戊戌進士官至池州太守父志贅曹涇楊氏君遂占籍華亭領應天鄉薦以起子三人長杞次梓季梗杞梗皆國子生梓邑庠生孫男二兆祥兆隆女三長適國子生屠仲行餘尚幼往年梗陸走八千里省君莊浪會君聞倭寇寇曹涇遣還視太孺人塚行未抵家而君卒杞梓聞訃相與迎君喪歸卜以丁巳年十二月十八日葬于龍居菴東之新塋於是梗奉孟君狀走京師求予銘且曰吾先

子所著有苑詩類選西戍北逮錄通考意抄二十一史意抄釋疑錄湟中稿合若干卷梗兄弟將刻以傳嗚呼梗之兄弟庶幾能致其孝於君矣予故與君遊而子孫女又許嫁吳石之子漸林乃銘曰

物忌剛毀亦恥巧完以身殉名烈士所安螻蟻烏焉其致惟一矧於客死又奚足恤倚嗟包君字以達稱魂其來歸享此嘗烝

明故江西臨江府同知細林楊君墓誌銘

君諱樞字運之別號細林華亭人也大父溥例授承事郎父欽例授伊府典膳凡再世皆以善稱於鄉君

少穎敏年七歲出語驚其座人弱冠補郡弟子員丁母憂明年大父卒而父病家又多外侮君晝出幹父晝夜讀書僧舍中率鄉晨乃已戊子領應天鄉薦卒業南廡爲祭酒張文定公司業歐陽文莊公所知又師事涇野呂先生受毛氏詩名聞四方庚子丁父憂甲辰謁選得福建延平府推官滿三載吏部以君治行聞贈父如其官母俞氏孺人踰年擢辰州同知庚戌當考察會有讒君者調漢陽推官甲寅考績如京師于時薦君者章凡七上吏部擬擢太僕丞不果乙卯遷臨江同知議且召君而君以過勞得疾卒丙辰十月二十有九日也距生弘治壬戌正月十有二日享年五十五君爲學不專治章句務有以體諸身見諸行事自爲諸生卽請於其父作祠堂以倡族人居父母喪哀毀踰禮與其兄弟六人者處終父之世未嘗有間言所著言史慎餘淞故述火餘雜著雅歌譜傳心數學蒙養正訛等書若干卷皆足傳於世其居官一以廉慎平恕在延平時河南饑民男女八十餘人流入閩監司盡繫之將坐以盜公力爭曰世固未有攜妻子以爲盜者遂得釋部使者使查盤它郡獨不爲深文嘗直漳倖之誣倖德君乘君方飲以美

帶潛易君帶而去君覺立追還之在漢陽均賦役置學田奪湖利之侵於豪右者歸之民民大畏以悅及佐臨江郡境大旱禱彌月不雨諸役皆疲命君始攝篆盡散遣諸役而獨齊被以居閼三日遂雨郡有驛四巡檢司六故事歲留驛金千又令司以鹽之羨金六十供郡費君一斤去不顧其治事恒以昧爽興至夜分乃寢曰吾不忍自佚而病民嘗以除夕草清理驛傳檄比成夜漏下四十刻矣卽出具服望闕稱賀君旣生而癯又自奉薄而又勤於其政故年未及下壽遂病以卒卒之日臨江民哭之哀歸視過豫章猶

世澤集

卷十七

九

張

追而送之士大夫相與稱曰古之遺愛也嗚呼君於學於政其諸過人遠矣配李氏禮部尚書至剛五世孫以君貴封孺人繼以子豫孫貴封安人子八人長卽豫孫舉丁未進士今官祠部郎以學行聞于時次蒙孫萃孫升孫貴孫鼎孫井孫謙孫貴孫殤謙孫幼其五皆庠生女二人長適庠生張觀叔次適黃欄孫男二曾唯曾弘孫女六人初君計至京師祠部陸走四千里匍匐扶視還卜以丁巳年十二月十七日葬蔡成涇任淇洪之原奉司業林君狀來徵銘予舊與君同學於博士君僅長予一歲仕未達而卒予旣以

悲君然君有賢稱而又有子如祠部卽九臬可無憾也乃銘以慰焉其辭曰

位與名孰重輕兮君試邇求乎權以程之身與子孰短長兮君試逆觀乎度以明之淇洪之原土厚水清兮君其永安乎徐享而迄成之

銘

明故中憲大夫福建按察司副使卜君墓誌

往予視學浙中每喜得材賢士以需世用於秀水得卜君吉夫所爲文奇之已又見君卓然有志聖賢之學其在衆中稽經評史不苟爲異同或群議競發君

世澤集

卷十七

十

張

常持以靜徐出一語決可否莫不犁然當於道予則益喜指謂其守曰此當爲國器時予所望於君甚厚君嘗夢詣國子有泉湧上出遇故太宰恭肅周公謂曰泉上出及物象也汝志之覺而感奮遂自號監泉以貲入國子嘉靖丁酉領順天鄉薦明年舉進士授刑部主事慮囚江之南以平稱歷員外郎拜湖廣按察司僉事督下江防先是議者言自九江入楚蘄黃漢岳會于洞庭江流彌亘千里而遙盜負濤浪行劫甚且攻剽州縣有司莫能制宜立上下江防置憲臣便詔以君往于是時事皆草創而地又當皖汝淮

楚之交吏各私其人法易梗而奸不易詰較之上江防尤難君既按行謹俗去民所疾苦飭封守立里保審形勢定經防乃移文鄰壤為陳一體之義及相成之利因與約關白勿違異按捕勿格失弗察者與同論令行期年群盜屏息部使者連上其治狀稍遷湖廣布政司叅議時征苗久弗克君至慨然曰兵貴先知其情以形合之知勝而後戰定策而後進是為知兵否則以兵試者也因著征苗圖記總督張公得君說意合而君亦提湖兵會沅水上遂以平苗由是聲益起會海寇挾倭作難海所在皆震而閩為禍首時論推君才擢福建巡海副使客有問海事者君應曰倭所處聯絡海島譬如颶風掣電猝絕之難恃備在我耳夫禦外者必內固今不吾固而與倭逐是馳驅擊電鮮克濟矣乃趣駕至海上簡卒伍詳烽堠控險要大治樓船積糗糧以待賊又輯備倭圖記授吏士言其悉初閩人多入海與諸夷市而漳泉為甚縱弗禁則法廢禁嚴則奸民失利而倖亂往往導賊入或且攘臂群起以張賊勢最號難治而海禁兼筦利權下者既多自敗其名潔廉者又率避弗肯為以故海防日益廢弛獨君毅然任之既修飭內治諸所興革

一切與民為宜民咸安其政賊亦知有備終君任三年弗犯閩而屢寇甌會吳越間攻掠城邑數千里被其毒至動天下之兵不能制獨閩得君晏然君卒後二年乃始告警君生正德己巳月日卒嘉靖乙卯九月四日年纔四十七嗟乎以君所慶與予向所望於君皆不止此而今顧止此何也然君雖未竟厥施其所注措已足以立於世垂於後人可必無憾而憂時艱者方欲得材賢卓立之士如君者布滿天下以共圖弘濟乃復失君一人嗟乎予豈獨為君惜哉君之先世居秀水思賢鄉有名璿者以財雄里中璿生顯顯生周周生國子生宗洛能飲有氣槩不樂與世俯仰自稱長醉翁君考也以君貴贈刑部主事再贈刑部員外郎前母周氏母賀氏封太安人再封太宜人長醉翁生四子君居長次南京刑部主事大有次大觀次吏部考功主事大順刑部考功相繼舉進士君數貽書勉以樹立又貽書大觀為言祖宗積累之難宜益謹飭引於長久故仕者咸著聲績處者亦恂恂以善聞云君名大同吉夫其字配周氏封安人再封宜人恭肅公弟之女先君卒子男四雨蒙皆庠生某某尚幼女三適吳江舉人吳承熙庠生沈

僑周家孫男一孫女三考功以學士董君狀來請銘予故知君而學士嘗與君同筆研予得其言益信所以望君者非謬而重惜於不果副也遂誌而銘之其詞曰

感涕極泉厥流瀾瀾吾見其進未見其止才孰豐之壽孰新之時耶命耶銘以訊之

### 梅淑人墓誌銘

詹事府詹事兼翰林院學士贈禮部侍郎諡文裕上海陸公厥配梅淑人既卒之六年其嗣孫官生郊走京師言曰臣先臣深幸獲遭逢聖明日侍講幄歿

世經堂集

卷十七

古

化

有葬有祭有贈有易名之典先臣死且不朽矣惟故事日講之臣率蒙恩推及其妻臣祖母梅以歲癸巳十二月十八日卒臣力未能葬也惟

聖主哀憐而賜察焉疏上詔禮部賜淑人祭一壇

啓公墓以拊仍併祭公其年月日郊奉淑人葬

遂以少司成朱君狀請予銘予昔在翰林公方以文章有盛名於後輩少所許可而獨深器予先夫人之

墓銘公筆也然則銘淑人予豈得辭按狀梅故上海

鉅族有號太初處士者以隱德稱於鄉實生淑人淑

人于歸時公猶未第能從史公出讀書學舍遂領鄉

試第一舉進士改庶吉士授翰林編修凡門以內事

淑人一不以煩公公用是益得肆力於學天下士服

其文公居父母喪能相以禮及為祭酒謫延平淑人

朝夕慰解公甚至公以詹事致仕歸日具酒殺延諸

門下士與公遊公故達不以仕宦得失為意賴淑人

益安公卒淑人哭泣不欲生會子楫卒無嗣遽曰我

死誰與陸氏計門祚者遂輟哭疏於朝立郊為楫後

補公廕讀書成均又命郊割田五百畝助鄉人役出

金二千兩城其邑而自以金三百築邑之小東門其

智襟智慮殆出丈夫右乃若闕鄰睦族儉勤等事在

世經堂集

卷十七

古

化

婦人所可能者不道也淑人生成化丙申月日

卒時年七十八子一卽楫女一嫁思州推官瞿師召

亦先卒惟文裕公英偉磊落志在經濟官不竟其所

欲為淑人之賢復過人遠甚而不幸無嗣然有郊恂

恂足保其家茲又能乞卹典為淑人夫婦榮其亦可

以瞑矣銘曰

荷天之恩無孫有孫歸安乎魂

明故中順大夫邵武府知府致仕魯溪彭公

### 墓誌銘

往年予叔父谷陽府君求士之端嚴者以誨諸子得



魯溪彭公於諸生中而予因得與公遊于是時公年甫踰冠終日危坐讀書其有言必依於正其門人有小過必痛斥之至媿悚無所容乃已故予家兄弟出公門者皆務檢飭好義而徇名今國子生子進南京太僕卿子明其尤著者也公旣以文行蔚然負時望然苦數奇年四十始領應天鄉薦又五年成進士出知樂清樂清在東海之濱貴家勢族率事武斷或兼併以自利公一置諸法乃於小民則盡屏去煩擾與之休息於是不便公者日造爲謗語而小民則交口頌公眞以爲父母當事者廉知其自謗不克行會中

世經集

卷七

五

宋

丞秋崖朱公以巡視開府檄公勞師公心手計畫倉猝立辦庭中趨走吏士數百人竟席無譁者能聲蔚聞徵拜南京刑部主事轉郎中遷知邵武鋤強植弱約已裕民視永嘉益勵而募兵除器外禦倭寇內制山賊網條畢舉時有措置傍觀者多不能明其然已而莫不服其然巡按御史吉君澄首列公治狀于朝其後巡撫王公詢巡按樊君獻科相繼薦公將屬公重任而公患偏左遂乞致其仕詔有司俟病瘥以聞未幾竟卒嘉靖戊午十一月二十四日也距生弘治庚申七月三日享年五十九初公領郡有聲予謂

以公之賢遲暮而始達其積之既久則其發之宏固宜及聞公病猶冀其再出故於章疏之間深致意焉而不虞其不果副每與大夫士論當世之才未嘗不喟然於公也公世家華亭曾祖諱文祖諱忠考贈刑部主事東園公諱溶前母贈安人張氏母贈安人馮氏馮氏方娠夢麟入其舍寤而生公故公麟名字允禎又字太符魯溪其別號云配封安人周氏生三子三女子曰汝達府學生汝毅汝讓皆治舉子業女適刑部郎中袁福徵府學生吳伯光許汝升刑部在童穉時公識其不凡許嫁以女後遂與公同舉進士人

世經集

卷七

六

宋

謂公知人汝達上以己未月日葬公之原奉都諫白灘張公狀請予銘墓予與都諫皆公所知厚也都諫旣按刑部所敘述爲狀又附以所親見二事曰公嘗自外歸觸友人蒼頭所持蓋而仆折二齒友人方駭責蒼頭公忍痛曰非彼不慎乃吾自不慎也其後每語及齒痛卒無幾微見顏色赴試南都館人有少婦盛飾挑公公罵却之明日卽移館舍以避嗚呼觀人者必於其隱此可以知公矣銘曰隱之不欺以爲人師謗之不知而民是綏其賢也荷發之孔遲不竟其施其數也噫琢石幽墟銘以著之

其垂也永而

封安人陸母沈氏墓誌銘

平湖陸君與繩初舉進士知濟縣部使者以治行薦于朝章累十餘上于時士大夫咸謂君必且官要近而君念其母沈安人體素羸力請得南京祠祭主事迎安人於宦邸以色為養又數延諸名士講學續文討論當世之務安人每竊聽而樂之諸名士聞亦益樂與君遊而相與頌安人賢以為古歐蘇氏之母無以過也後三年君遷儀制郎中奏績闕下奉安人歸其鄉比至當道有欲留君者泫然曰吾豈可以離

世經集

卷十七

七

金

吾母立上疏引疾去又二年嘉靖己未二月二十八日安人卒論者謂君能使安人以賢聞縉紳間又生能致其養歿及視其殮其可謂孝矣明年庚申君請於父刑部胥峯公將以九月二十七日葬安人於烏程菁山之原自為狀請予銘墓予固習與君遊且深知其孝者也不可以辭按狀安人嘉善人高祖鏐祖葵連三世為散官葵尤稱長者父槩為諸生以文行著聲邑人尊之曰平齋先生安人生數歲平齋口授之孝經小學時時舉古賢人淑女忠孝節義之事為安人誦說安人輒能通其大指平齋嘗誦於有司意

不能無少望安人前解曰兒聞大人言應舉非本情今顧當以得失介諸胷中耶平齋驚曰誰教汝言此者由是奇安人以歸刑部愛於其姑王淑人陸氏世以財雄里中至刑部祖程鄉公始仕宦乃其家亦自程鄉始落程鄉子光祿東濱公官益尊家之落顧益甚刑部之始婚伯兄司空石涇公已舉進士居京師諸兄弟亦次第官學於外其所受父貲蓋不滿數百金而又方讀書不暇治產業安人屏浮費節衣食夙夜課耕與蠶以身先其下乃遂累奇贏闢田宅凡其家吉凶之百需刑部自入冑監以至成進士舟車館

世經集

卷十七

木

杰

舍之費外及賑貸施予舉刑部所欲為沛然無不給然而刑部不與知也安人性孝哭其舅姑往往至毀瘠治祀事寒暑必親見遺物輒泣不忍視平齋既老而貧歲時致酒肉衣帛又為豫其後事及一旦啓手足無弗備者與妯娌處敬以和御子女婢僕凜然有矩度門以內不聞急走疾呼之聲至其待親故則雖甚貧賤詞色未嘗不溫也君與其兄弟或時籌論古今於安人前安人以意評一二語皆簡而中每聞朝政得則喜失則憂聞忠賢士摧仆困窮色慘然若及其難其以婦人而有丈夫之略又如此安人以君貴

封其生弘治癸亥正月十五日享年五十七子四人  
長光祖與繩其字次光裕舉人光祚已未進士後  
其伯處士一齋次光宅縣學生後其伯刑部司務伍  
塘女三人長嫁舉人陶九韶次嫁太學生包杞次嫁  
舉人趙邦秩孫男五人基誠基忠基道基恕基仁女  
六人皆幼子既得與繩狀知安人懿行為詳又見君  
諸父太保東湖公言光宅之後伍塘也安人數囑善  
視其庶子光宙至割田宅與之嗚呼其又可謂不私  
其子矣銘曰

徂徠之山維松所生松既稱材山亦以名古云有母

世修集

卷十七

本

實生是子又謂觀母惟子是視我銘安人其將曷云  
請徵于古式永厥聞

明故南京禮部尚書贈太子少保諡文恪季

泉孫公墓誌銘

嘉靖庚申六月二十日南京禮部尚書季泉孫公卒  
於位士大夫交相弔曰嗚呼失一君子矣其知者則  
又交相弔曰嗚呼凡吾望公以有為者今其已矣或  
語及公姓字官爵輒相與泫然悲焉既久而不能釋  
也初公皇考忠烈公燧死寧庶人之變公時年十九  
隨其二兄誓死赴讎會反者就縛乃奉喪以歸廬於

墓不飲酒食肉者三年遇忌日輒衰經以哭又善順

其母而嚴事其伯兄故公未仕以孝友稱及入官益

務修身慎行端重畏謹擇地而蹈曰吾敢以辱吾先

其與衆處正色危坐竟日不語笑尤不喜言人過然

於是非賢否甚辨以哲其問學未嘗自矜術然於六

籍百家金石竹簡之傳無不窺於國家之典故問之

無弗知其臨財廉於世所窺伺以為進取之會退避

若懦夫然然而勇於義故士大夫莫不服其德而其

知公者則深有望焉乃今不可作矣是誠可悲也公

先世居睦州後唐有廉吏曰三司使岳者卒葬餘姚

世修集

卷十七

本

之燭湖子孫遂為餘姚人七世至應時舉宋淳熙乙

未進士通判邵武軍倡道東南學者稱燭湖先生既

歿從祀孔子廟庭又五世至原彝為山陰教諭原彝

生銳以長子泓貴封監察御史其次子溥生新新生

忠烈

皇上褒死勸生推恩所自贈皆禮部尚書妣皆夫人

忠烈公娶夫人楊氏生三子伯堪由武舉第一人仕

至都督同知以孝旌仲堦仕至尚寶司卿公其季也

諱陞字志高季泉其號少嘗作越王臺弔古文見者

奇之嘉靖乙酉領鄉薦丁亥遊太學大司成今少師

分宜嚴公及上海陸公兩試皆首選名聲益聞四方士多從學者乙未對 大廷進仁禮之說

上親為批定 賜第一甲第二人授翰林編修燭洞既以理學聞及忠烈公炳然樹大節而公與伯兄又以文武科相繼魁天下凡稱世家未有過焉者也乙巳以校勘

列聖御文五經二十一史遷右春坊右中允與修大明會典清理軍職貼黃丙午主南畿試稱為得人己酉遷國子祭酒其教先器識抑浮競為格二十二條懸之屏間不以親貴關說有所左右諸士咸服辛亥

世宗憲

卷十七

三

清

遷禮部右侍郎年自為洗馬與公遊而好也及公遷禮侍予實為尚書事必咨公以決其大者若 裕景附冠讀禮是也壬子

上即舊邸建元佑宮成以為

二聖重地安神重禮選於諸卿佐 命公奉敕以行有司聞公至治廚傳其具公一麾去不受襄鄧間方役民治河公軫其寒飢作詩遣守臣諸役者遂得廩於其吏令其詩鐫石存焉癸丑改吏部丁楊夫人憂執禮如忠烈公時足跡不一入城市服除部使者薦疏踵至徵拜禮部左侍郎未幾仍改吏部遷南京禮

部尚書陳較術業數事 詔嘉納之自近年來仕者謂留都為遠外每當往輒不樂公之南也獨自請以行士大夫愈服公之高冀旦夕入相

天子獲覩其所設施而竟不及召以卒于固素知公然則悲公者殆莫予若也公自少嗜書其在翰林終日手一編絕不與他曹事及既顯猶然為文宗兩漢詩宗杜氏所著述凡若干卷公既素貧而諸子又胥奉公教食指滋多貧乃滋甚未能刻也昔公與宮諭華州王君友善王卒公亟收其遺文敘以傳知人如公者哉予不患其弗傳而獨慨其以眾所屬望者託

世宗憲

卷十七

三

清

諸空言是予所以重悲也公生弘治辛酉三月二十六日得年六十元配韓氏先公二十八年卒繼楊氏以子鋌貴與韓贈封皆夫人子男五長鑰丙辰進士今為兵部職方員外郎次即鋌癸丑進士今為翰林編修次鈞戊午舉人次鑄官生次鑣尚幼女一曰鑣嫁少傅李公子中書舍人允鑰鋌韓夫人出鈞鑣鑣楊夫人出鑣側室馬氏出添男一女三俱幼計至鑰等以卹典請 詔贈太子少保諡文恪 賜祭二壇命有司治葬事嗚呼公之蒙恩於上則可謂渥矣其竟足以塞予悲也否乎鑰等十以

某年月日葬公燭湖之月山李公既與公為婚姻而  
鑲與予子瑛又皆太保陸公壻也於是鏞等以李公  
狀徵予銘予深悲公者重以親誼不得以不文辭銘  
曰

奕奕龍山姚江之濱儲精炳靈是生哲人維是哲人  
世其忠孝曰君制義曰父有教眾所競慕耳若不聞  
矩步繩趨左右典墳日修其身以對君父不出戶庭  
望隆公輔夢卜猶稽濫焉云亡有用弗竟識者之傷  
惟彼淵泉或流或止澤被於物其究均爾我銘公行  
百世有師用之竟耶其在於茲

世經堂集

卷十七

主

木

封太孺人趙母許氏墓誌銘

封太孺人許氏者故封翰林編修平涼趙公諱王之  
繼室今御史中丞以仁母也父曰安東護衛義官宣  
母張姓太孺人生而儉朴不喜隨諸女婦施鉛朱為  
容年若干歸于翰林逮事其舅平谷丞及繼姑某某  
待子婦苛翰林元配史繼配范皆不能得其意鬱鬱  
以卒范卒時有子時元甫七歲其復虐之翰林以為  
憂太孺人至則日具鮮腍為奉或時遇詬辱無纖毫  
不平意見於色詞某遂悅遇時元亦有恩平谷卒某  
盡私其宦資謀他適太孺人告翰林勿止曰毋貽子

孫患其薄於利而為趙氏遠計慮若此翰林以貢授  
元城訓導置側室王生子時泰踰年太孺人始之元  
城時中丞生數歲有異資而時元年十八太孺人為  
娶段氏夫婦皆好逸每有煩言太孺人若不聞曰吾  
幸有兒可教他何足介吾意其教中丞必先忠孝戒  
毋得美衣食習宴安然事必以身先之糲飯練裳怡  
然自足雖在疾病未嘗廢績絰尤惡巫覡佛老之說  
或語及輒掩耳不聽故中丞之為人甘貧苦尚節義  
辟斥世俗一切非聖之書而獨尊信六經語孟曰不  
能行此不名為人嘉靖丙戌會試禮部第一讀書翰

世經堂集

卷十七

主

金

林當道者忌之授戶部主事尋改兵部以論時事失  
官薦者章數十上召為翰林編修兼司經校書又以  
論職事失官庚戌有虜患召為兵部主事屢抗逆鸞  
幾為所殺出僉山東按察司事轉副使鸞誅拜僉都  
御史巡撫山西又以論邊事失官前後凡三失官然  
太孺人聞之輒喜曰吾兒丈夫也庚戌之召所親咸  
以虜勢重請太孺人諭止中丞太孺人獨曰國方有  
急不即赴可乎中丞居山東職領民兵戍薊門遣使  
迎太孺人養所親又請母行太孺人曰吾不行無以  
堅兒志故中丞仕於世不達然縉紳相與稱士有大

節緩急可倚仗及可望以必死者率歸焉太孺人素所教也嘉靖辛酉五月中丞奉太孺人遊於北園食至太孺人忽苦寒促歸臥遂以二十二日卒距生成化癸卯八月十二日享年七十九子三人獨中丞爲所出名時春以仁其字女一適郡學生張雲龍而側室王有女太孺人以嫁平涼指揮使王文生子思慎卒文素貧無屋以居王女攜思慎歸於趙太孺人長育之今襲指揮使矣孫男四守正守業時元出守嚴守愚中丞出守嚴俊敏有父風女四皆中丞出長適今兵部主事周鑑次適傅太叅子生員中二尚幼中

墓誌

卷七

墓

丞上以是歲八月日附葬太孺人於翰林南山之塋屬鑑爲狀來徵銘予辱交於中丞三十年兩人者當少壯時所與往來多海內名士意氣相期許要不肯後於古人今漸次零落而其渝盟變塞以徇於世者亦間有之獨中丞不懼不沮若金之百鍊日以益精乃予亦自幸磨涅之餘其本來面目未盡喪也故雖仕處異迹而猶得兄事中丞太孺人於予有母道焉銘其可辭銘曰

趙家平涼編修發聞曰有女士自許來嬪厥德既合爰生中丞維中丞公允武允文既孝而忠爲時名臣

南山之原有翼其墳過者必式雖歿猶存

明故整飭蘇松兵備山東布政司右叅政兼

副使贈光祿寺卿復菴任公墓誌銘

嘉靖癸丑倭夷寇東南于是時天下承平久吏與民不知有兵革賊至輒奔以潰復菴任公同知蘇州獨訓練所統民兵與力戰而躬介胄策馬以先之自書其姓名於腹背手足曰死戰吾責也雖然先人之遺體不可棄也茲用以識庶得收葬焉聞者咸感泣公又與其兵同寢食或連日夜粒米不入口或露宿草莽植立泥淖中未嘗稍自異所得俸直及諸上官之

墓誌

卷七

墓

牢醴悉分與其兵由是兵亦日奮敗賊於上海之八團方戰時寇拔劒擊公賴庖人某身蔽公以免公猶被三創旣而守太倉以積勞疽發于背公子爾孝請公還郡就醫公叱曰吾誓不與賊俱生幸吾疾愈而賊滅當與若共太平之福否則有臣死忠妻死節子死孝而已歸以是語爾母吾不能與婦子對泣幃榻間泯泯以沒也會報賊至公遂裹瘡出海擊之怒濤如山南人習舟者皆震眩失色公意氣彌厲手劒麾舟師擣之賊大敗俘斬百餘未幾又敗之陰沙敗之保山敗之南沙賊望公旌旆輒遁去捷聞擢山東



按察司僉事整飭蘇松兵備甲寅賊犯蘇民爭走入城聚保而門鑰不得入民相抱號哭聲震原野公泣曰城池視百姓重等耳奈何棄之亟命啓門而謂其守曰賊入者其請任其責活數十萬人明日賊至以計敗之葑門乙卯賊復大至復大敗之斬首六十餘級 詔進公副使 賜白金文綺廕一子為潞州衛左所副千戶世襲丁母趙夫人憂部使者及諸士民連疏乞起公 詔責公大義而特贈公母為孺人以慰公公不得已受 命明年倭寇平疏乞終制 詔報可仍陞山東布政司叅政以旌其功又明年丁嫡母張夫人憂海內士大夫方望公服闋出為 國家排去難立大功而公以前勞戊午 月 日疾作遽卒享年僅四十於是士大夫又莫不悲公用之未竟與 朝廷之失士而蘇松之士民則相與為祠祀公給事中蘇人徐師曾請於

上贈公光祿寺卿然其父老猶相與言曰未足盡報公云公諱環字應乾復菴其號世為潞安人曾祖增祖仕父翔以公貴贈文林郎滑縣知縣公生正德己卯二月十八日幼警悟不凡年二十三舉山西庚子鄉試甲辰登進士知廣平以才優調沙河丁父憂改

滑縣沙河當南北之衝疲於役甚公首為省廚傳罷許求以次釋冤獄毀淫祠凡所興革必視民所便沙民大悅其治滑如治沙語具二邑生祠記及德政之碑辛亥徵至京師公之族有與宗室婚者故以例佐蘇州配李氏先是公以其母壓於嫡不敢為妻請封公歿爾孝以請始特封宜人子男二長即爾孝郡庠生次爾節今襲千戶女一適郡庠生仇承爵孫男一可淳公為學先行誼尚名檢始為諸生時大書壁間曰營私者無上虧行者無親又曰充海闊天高之量養先憂後樂之心必如是始可以言士故其歷官清貞介特迥然異於時流而忠義之績在蘇松者尤著爾孝等卜以庚申 月 日葬公柩塋之原予松人也遂以督學江陵曹君狀為銘其詞曰

世每患多故而乏材幸有之矣乃復中道而摧嗚呼人耶天耶且奈何哉銘于幽墟豈獨以識吾之哀

明故亞中大夫順天府尹近川查公墓誌銘嘉靖辛酉閏五月十又六日亞中大夫順天府尹近川查公卒于官其子太學生志文以計聞 詔賜祭一壇 命有司治葬事

上方慎重卹典即於例合猶必問其人何如而公位



三品未滿一考獨獲被恩數於是士大夫仰見上之知公又惜公幸既受知而不及竟其用也公為人凝重簡遠有黃子之度居常獨見謂長者耳及臨事確有定守不可以毀譽利害擾之使亂迫之使急至於進取之際澹如也當始舉進士時將疏請展墓或謂公宜少遲以需臺諫之選笑不應及予告還例授黃州推官尤公者雜至終笑不應其在黃州諸所獻鞠不視上官意為重輕亦不以請託有所縱捨召拜禮科給事中上議舉莊敬冠讀禮當事者惑傍言不敢任而以禮繁難行為解公抗疏請簡其儀節後踰年卒如公議行之楚世子弑其父有司未能正法公數其報計日月之訛而律以春秋不嘗藥之義獄遂定轉戶科右給事中尋轉左會朝覲考察疏陳黜酷吏禁罰贖緩征科等若干條語多犯時忌竟以言謫雲南定遠典史復為建寧推官遷刑部主事改吏部累遷至文選郎中盡取諸條例去其舛複裁為一定吏不得為奸有干請者溫詞遣之卒無所撓屈間見誚責居之如常或教以迎合謝不能而起遷太常少卿改大理少卿遷太僕卿所至舉其職遂尹順天涖事五日觸暑得疾以卒距生弘治甲子四月

十三日享年五十八耳公之先出於周以所食邑為姓唐時胥臣為司空師詰為柱國南唐時某為尚書宋時某為龍圖待制其後有號仁齋者自休寧徙居海寧之花園七傳至御史中丞約於公為叔父故公祖益封南京刑部主事又封奉政大夫而公父繪號雪岐生四子公與仲兄南京刑部郎中秉直相繼以科第起查氏遂益有聞公於為子為弟以孝敬稱撫其伯兄之孤志學志譽以慈稱自為諸生以文稱歷官以廉稱然未嘗自表襮與人處退然若無能者蓋其性然也配陳氏封孺人又以子志立貴封恭人子男五長即志文次志宏領戊午順天鄉薦次即志立舉丙辰進士今為禮部郎中女二長適徐善胤次適朱來旬俱太學生孫男五孫女二葬以年月日墓在之原予自再入朝與公游而好也遂按禮侍石麓李公狀為銘諸幽曰周原瓜瓞生綿綿因邑為姓惟查先司空柱國貴且賢尚書待制麻光聯入明火德蔚復燃中丞首奮公繼嚮宛如玉潤停如淵勢不能懾欲不遷諫垣選部聲鏗然器可大受不永年我作銘詩瘞茲阡石不可朽名其傳

封一品太夫人楊氏墓誌銘

一品太夫人楊氏者贈少保兼太子太傅禮部尚書  
武英殿大學士醉夢李公之配今少傅大學士南渠  
公母也父諱諒娶於吳生太夫人而無兄弟太夫人  
生七年吳氏卒哭泣不欲生諸母止之不能得其父  
悲曰若欲我憂死者耶太夫人乃強食粥年十四歸  
少保公爲繼室及事其舅姑姑胡夫人治家嚴太夫  
人每侍飲食立移時不敢退胡夫人嘗病太夫人與  
少保公晝夜侍醫藥再閱月不就寢兩家人交稱曰  
孝性又慈少保公元配俞夫人遺女甫四歲太夫人  
愛之如已出及既嫁猶然至其老亦無不然其於婢  
使未嘗輕有罵詈門以內雍如也少保公之卒少傅  
猶業舉子太夫人時時稱舉少保公所爲訓者以飭  
少傅少傅學遂大成舉進士歷官至國子祭酒迎養  
太夫人於京師嘉靖己酉

上慎簡輔弼之臣特命入內閣少傅歸覲太夫人且  
謝且賀太夫人謂之曰往汝父客於文正謝公嘗爲  
予言文正之事若無小大無敢欺也其於持己無小  
大無敢苟也今汝官文正也亦思與文正同其心與  
行乎少傅固能尚名德遠權勢聞太夫人教應聲曰

所不惟母命之奉以事

天子者不可謂忠且不可謂孝

上數賜少傅金帛暨諸上方之珍品少傅以奉太夫  
人太夫人必呼萬歲然未嘗侈服食每指布蔬與諸  
婦曰惟此爲可久也及受一品封少傅奉 誥命歸  
太夫人北向拜呼萬歲者三又謂少傅曰

聖天子恩至渥矣吾一婦人何能爲報惟汝勉之少  
傅益自感奮常深夜計畫曰如是而天下可使安四  
夷可使附如是而庶幾無負於母氏之詔我者予與  
少傅同在翰林相先後入閣無逸之直又同廬舍每

世襲堂集

卷十七

三

聞少傅云云輒低回歎服而因以知太夫人之賢舉  
以語縉紳莫不幸太夫人壽以成少傅之志也歲辛  
酉五月十日太夫人得疾卒少師嚴公偕予以聞

上命禮部賜祭者四併祭少保公者一 命工部給  
喪葬具兵部給舟車 遣大行一人護其喪員外郎  
一人治葬事而 賜少傅乘傳以歸蓋

上知少傅深故太夫人所被卹典備極隆厚而在縉  
紳則以少傅之去加悼恤焉嗚呼是可銘矣太夫人  
生成化甲辰三月十七日享年七十八子四人長本  
卽少傅次禾蚤卒太夫人每念之少傅爲立後且移

葬太夫人之墓側次樂南京太醫院判次采中書舍人孫男十三元允皆中書舍人見錦衣衛百戶充後軍都督府都事允中書舍人堯國子生冠魁冕充旭尚幼孫女五長適管大叅之子浙江都指揮僉事海次聘於宋中丞之孫某又次聘於大司寇楊公之曾孫某又次聘於陳學士之子某又次聘於陸刑部之子某曾孫男五少傳卜以年 月 日葬太夫人之原先事以學士狀屬予銘予雅賢太夫人者不得辭銘曰

詩歌徽音母教則基不出戶庭功施于時倚太夫人

世經堂集

卷十七

孟

木

少傳之母爲女爲婦德儀多有規於少傳侃侃色辭曰父有訓爾其承之少傳拜受以輔大政厥德乃心協于

明聖聖曰嗟哉是實教忠生封歿卹恩數竝隆之原有碑崇峙顯刻深書

天子所賜亦有信史金匱之藏名載列女燁其輝光人誰無母又誰無子巋然茲丘孝慈所視

明故太保兼少傳後軍都督府左都督掌錦

衣衛事贈忠誠伯諡武惠東湖陸公墓誌

銘

東湖陸公諱炳字文孚浙江平湖人唐宰相宣公之系也成化間有諱塤者選充錦衣衛小旗獻皇帝之國選充興府儀衛司總旗傳于松事今上於藩邸

上之登極松以扈從功陞錦衣衛副千戶世襲典詔獄歷陞指揮使管衛事官至都督僉事卒贈都督同知則公考也公生而器宇軒豁志氣雄偉長才遠識文武兼備以舍人當都督公之存中嘉靖壬辰武舉授署所鎮撫贊書薊州甲午春虜犯冷背關公斬虜一人陞副千戶都督卒

世經堂集

卷十七

孟

孟

上念舊錄勞 命公世襲指揮僉事兵部合公武舉所得署級請於

上改署指揮使管南鎮撫司事戊戌

上謁諸陵 命公管衛事扈從以行其冬實授指揮

使 賜誥命冊天禮成加俸若服色一級己亥春

上南狩駕至衛輝行殿火公親負

上以免由是

上謂公忠甲辰冬 命署衛印提督官校陞都指揮

同知乙巳春掌衛事丙午夏

太廟成陞署後軍都督僉事仍加俸若服色一級冬

以緝獲功陞都督同知 賜羊酒寶鑑又以功陞  
冢子經爲署百戶戊申以 聖節恩加光祿大夫柱  
國冬以緝獲功陞右都督歷次子紳爲總旗庚戌秋  
虜犯京師警始聞當事者盡閉諸城門民走入保不  
得啼號之聲載道公亟啓門以納凡活數萬人虜遊  
騎薄城下城中惡少密相結乘時爲亂有期日將發  
公廉知其狀縛魁渠置諸獄遂以無事冬以緝獲虜  
賊功陞子經副千戶時逆鸞兼總京邊兵又多畜死  
士將謀不軌公請於

上建射所選官校舍餘分番習射以陰制之鸞果憚

世經堂集 卷十七 三

不敢輒發辛亥以緝獲功陞左都督冬以諸邊底寧  
加太子太保尋又以緝獲功陞從子緒爲錦衣衛百  
戶壬子秋鸞病死其所畜死士故嘗橫於京師及是  
懼罪洵思變公爲好語安之而奏請還諸各鎮京  
師遂安未幾鸞逆謀洩 詔剖其棺斬首傳示九邊  
公分遣旗校授方略盡獲其黨時義侯榮等以置諸  
法義榮本與虜通當是時非公幾北走虜矣癸丑  
詔追論公功加少保兼太子太傅歲支伯爵祿贈曾  
祖軾祖輝考都督公如其官曾祖妣舒氏祖妣王氏  
前母張氏母范氏繼母李氏皆一品夫人自庚戌之

變虜數垂涎京師之南關

上用羣議作重城 命公提督公陳拓城基建樓關

集夫役增工食嚴賞罰給醫藥等六事

上皆從之而公於督視尤竭心力城成加太保歷一

子爲錦衣百戶其秋 召直無逸冬兵部以諸邊捷

聞加祿米歲五十石乙卯陳鋪戶甲役之累言甚懇

詔都察院如公言釐諸弊端民費大省丙辰 賜諸

進士宴于禮部 命公列坐文職二品之次丁巳奏

發中官李彬貪黷恣橫諸不法狀彬時方幸人皆爲

公恐賴

世經堂集 卷十七 三

上聖明捕彬及其黨付詔獄中外又皆動色以喜故

事錦衣諸所及二鎮撫司有管事官有帶俸官公疏

請汰管事官之年老有疾者俾帶俸閒住以清冗員

而其帶俸官十年以上者給半俸十五年以上者量

給俸三之一二十年以上者月給米一石以省冗費

又請令輸粟授總旗者不得註錦衣衛以杜冗濫

詔皆從之秋以 聖節恩加兼少傅 賜諭曰以公

兼孤云戊午春虜攻圍大同右衛致仕叅將尚表率

諸將士固守而城中乏食勢不能支會千戶張大用

奉 命逮總督楊順還具以告公公疏聞

上諭公選官往勞而語總督江公東急運謀救之公復遣大用及百戶謝麟以行大用等至宣

上德意會江公所市芻糧亦集大用等因與江公及其鎮巡選調士馬會於左衛城歃血盟諸將以四月十五日鼓行而西虜懼遁去遂以其夕入右衛說者謂遲五日則右衛不守矣已未夏以先夫人葬承天乞祭葬 詔特允之秋以 聖節恩加祿米二百石庚申十二月十一日暴卒距生正德庚午十月十五日享年五十一公為人忠義正直視國家之事苟可效尺寸必竭其力禍福生死無少惕於心見有奸於

世宗憲集

卷七

三

法亂於紀者疾之如讎搏擊無少避故觀其持已行法若剛不可犯而介然與物無情者然其事繼母能以色養待其弟太僕少卿煒友愛周至惟恐拂其情施於朋舊拯難賜急有其人意望所不及與自謀之所不逮者尊賢禮士問遺造請不計有無不憚寒暑有危急務保全之其謙恭委曲視前所為若兩人然蓋公讀書明理道故義之所激千萬人必往而禮之所在輒異懦如書生非獨其天性然也於是上詔有司曰炳予忠國之臣贈忠誠伯謚武惠 賜祭十六壇齋糧麻布五十石 命工部具棺造塋

兵部廢子繹為錦衣都指揮僉事已又念繹幼 命掌衛事都督朱公保視之并經紀其家事公雖不獲享遐壽而其受恩於

上則雖簡冊所載未之前聞於此見忠國之報矣公初娶吳氏繼黃氏張氏趙氏子男三長經次紳俱先卒次即繹次綵公卒後側室李氏出女五長嫁成國朱公嗣子時泰次嫁少師嚴公孫錦衣指揮僉事紹庭次受子子瑛聘又次受宗伯孫公子鑲太宰吳公子綬聘孫女一嫁錦衣南鎮撫司都指揮僉事袁憲文公存時嘗卜地於朝陽關外三里屯至是諸姻故合而謀曰公之意不可違也乃以辛酉二月初七日葬公而遷張夫人以柩子素與公相期以忠孝公之建射所捕逆黨解右衛圍予多與謀而予孤危之迹又數賴公以免患故公之卒也予哭之慟退而為之銘其詞曰

世宗憲集

卷七

三

宣公之後有人崛起既武既文以佐 皇明有狐在城莫之敢睨時其出穴一矢而斃有虎負隅莫之敢攫翦其翼牙卒死以烹近既寧止乃謀於遠翊贊廟謨重城以建內既綏止爰及邊方解圍右衛外患以攘其將有為奮不自顧退接士友曲中矩度其在

用法根扶枝披撫視孤煢又何惠慈倚嗟嗟公克世其德百身莫贖我悲奚極朝陽之原有墳隆然銘以揭之過者式焉

明故太子少保禮部尚書兼翰林院學士堂詹事府事贈太子太保諡文簡孫公墓誌銘

公諱承恩字貞甫毅齋號也其世曰孫氏出晉御史大夫康宋之南自汴徙居武陵元末有為上饒錄事諱伯英者避方國珍亂始來華亭再傳至士達生子獻領宣德乙卯鄉薦署廣信訓導訓導生衍舉成化

嘉靖

卷七

三

戊戌進士仕終延平知府郡人為立遺愛祠自延平而上凡三世皆以公貴贈太子少保禮部尚書兼翰林院學士妣皆夫人其生曰成化辛丑十二月十日卒曰嘉靖辛酉八月二十一日享年八十一其配曰吳氏封孺人累贈至夫人繼娶楊氏封夫人所子兄之子曰詹事府主簿克紹側室錢所生子曰前軍都督府都事克弘女三壻曰太學生陸鏞黃相戴邦傑孫男五曰生員某某其俱克紹出曰昌福尚幼克弘出其葬曰嘉靖癸亥十二月十六日墓在蟠龍塘祖塋之右其歷官曰公舉正德辛未進士改翰林院

庶吉士授編修當是時權貴人數亂政公歸臥於家者七年

今皇帝即位始拂拭其衣冠告所知曰吾可以出矣及登朝以選使安南又久之以纂修明倫大典遷左春坊左中允充經筵講官兼講大學衍義連主南北畿鄉試遷南京翰林院侍讀學士皇太子生召為詹事府少詹事兼侍讀學士禮部右侍郎缺命司舉陸文祿公及公以聞詔特用公仍兼少詹事侍讀學士充經筵日講官數遣視牲南郊陪祀帝社稷代拜永明祭先師於大學眷禮出尚書上

世系

卷七

四

轉左侍郎改吏部左侍郎掌詹事府事同修玉牒充會典副總裁主考會試遷禮部尚書仍掌府事改掌部事兼掌府事會有忌者力引疾以歸然上每念公見謂可信任逾年召掌詹府加太子少保疏請皇子講讀不報遂以疾再疏乞致仕詔賜馳驛拜許以克弘侍行凡居家十年卒其郵典曰自聞喪至於葬賜祭四壇遣中書舍人梁致治葬事贈太子太保諡文簡又將廢其孫其行曰公事親孝始延平以祈雨得疾公每值有所雨者輒感額不欲聞母阮夫人以上元日生公歲張燈為壽夫人

歿不復燃一燭撫其兄之子克嗣孫昌祖族之孫全鄉進士友仁及焦氏之寡姊母族之孤嫠朋舊之貧且病者咸有恩於辭受無所苟然生而直項寡言與人交雖所知厚自一揖外不能致款曲即有所德於人亦不能懇懇為謝或說以名位可智力取輒辭曰有命又或強之面發赤不復荅聞有毀已者笑曰吾固無愧於心間受人欺輒又笑曰誠不意乃爾於書無所不窺及對賓友一不以資談論故在士大夫之賢者罕克知公而其不肖者因謂公易與思有以摧沮陵蹴之獨賴

書集

卷七

聖

七

上識公醇謹遷轉召用多出御筆公遂得至貴顯上在位又明於人情凡大臣請告者率見疑獨公以誠見諒得以恩禮去位自少至於老手不識握算亦未嘗一問米鹽細小物價之盈縮故公年踰八十乃其心渾然赤子之初其制作曰在

武宗時有修德應天賦

上之登極有正始箴有鑒古韻語

上南狩還有大孝頌皆志存勸戒雖或取忌取謗為之不疑垂卒有遺表曰慚負國恩虛生人世捐殞已矣銜結茫然惟

聖躬康壽天曆彌長則臣死之日猶生之年讀者以為公於愛君至死不替有古大臣之心而其他若使交紀行稿使郢稿集古像贊易卦通義女訓灤溪草堂全集以文章稱雄於世者未暇論也予後公舉進士十年猶及與公同在史館宮僚之選予自江西副使獲隨公升于朝後公視篆詹府而予繼為禮侍公歸予實代為禮書公之再起予忝在內閣與公處甚久稔知公之為人蓋真所謂長者故公之歸予為文贈之又以文壽公八十及既卒又合論法所謂博學好問一德不懈者諡公而茲又按大叅鳳峯沈公狀

書集

卷七

聖

七

序其事之大者以銘于幽銘曰

世衰道微文乃盛孔子因之思先進公生業文獨質勝口無甘言色不令紛華滿前一無競羣趨衆譁持以靜人莫知公

主明聖南宮詹府佩兩印既歸復召親錫命行且相公公則病吁嗟有德用未竟餘光燁燁照史乘易名文簡行允稱

明故廣西叅議左山顧公墓誌銘

嘉靖壬戌九月三十日廣西叅議左山顧公以疾卒于家階悼故舊之凋落也才賢之不可以復作也自



京師爲文祭公於是公之弟大叅豫齋公書來曰中  
孚不幸喪吾兄而吾兄幸辱哀於吾子宜有以圖其  
不朽者乃自爲狀授公仲子正倫以示予曰顧氏出  
吳丞相雍逮梁黃門侍郎野王始占籍華亭入國  
朝有諱景陽以能詩稱者吾五世祖也永樂初有諱  
彥迪以儒士佐英國公幕者吾高祖也弘治正德間  
有諱斌仕爲興寧知縣以文行稱靜虛先生卒贈刑  
部主事者吾父也吾兄生而吾父奇愛之遣受業於  
尚書文僖顧公文僖之門故多士然獨以國士稱吾  
兄卽諸先輩讀其文莫不愧且屈也年二十二領正  
德丙子鄉薦後十年登嘉靖丙戌進士爲南京刑部  
主事丁吾父憂服除改刑部故事有本科以看詳諸  
司之章奏非文學政事兼者莫克與其選尚書謀於  
衆咸曰惟吾兄宜於是吾兄專其事者三年會吾母  
太宜人病醫謂弗宜其水土吾兄曰迎養以爲親也  
奈何反以病吾親立上疏乞改南復爲南刑部逾年  
遷儀制郎中又逾年遷山東按察司僉事嘗行縣發  
其粟賑饑吏曰粟必白撫按俟報乃得發吾兄叱之  
曰民且死何報之俟青徐間賴以活者數千人縣又  
嘗苦蝗檄令尉曰及蝗始生易撲滅也蝗卒不能爲

世編彙集

卷十七

里

九

災有 詔發銀礦以佐國羣盜競窺焉撫按曰非顧  
僉事莫能辦此人或爲吾兄危吾兄曰誠率之以無  
私而行之以法孰敢干吾紀者已而果帖然屬吏有  
以賄聞而見徵者請於撫按卽以其事白之銓曹銓  
曹械歸其人於是羣情甚快而黨惡者大不悅秩滿  
遷廣西歸覲吾母一見愀然曰報母之日短矣疏乞  
終養明年吾母捐館舍而辛丑竟爲怨 中所致其  
仕吾兄爲人剛明而直諒其中有所懷 嘗不發於  
言乃其所言者中固未必有也其所問 在於用世  
故其政隨所至有聲而其形之制作燦然可觀者特  
其緒餘也其處宗端事必從厚而於孝友尤篤至於  
老不衰也其襟度夷曠不以世故戚戚於中題其居  
曰洪厓堂名其詩若文曰洪厓集蓋庶幾古所謂達  
者也然而仕不竟其志壽不能及七旬其命也夫吾  
兄諱中立字伯從左山其號生弘治乙卯十月三十  
日享年六十八配朱氏贈宜人無出繼娶吳氏封宜  
人子男四長正誼次卽正倫次正心正時俱生員女  
三長適右都御史上海潘公之子今南京工部主事  
允端次適巡撫河南都御史嘉善陸公之子生員中  
錫次適吏科都給事中同邑楊公之子生員允僞孫

世編彙集

卷十七

里

九

男二嗣科嗣賢孫女二長受李氏聘次尚幼葬以癸亥十月八日墓在

始吾父官興寧中孚幼

且多病其撫且教之以至成立翳吾兄之功吾父罹寇變中手時知萬載不即聞吾兄在南都棄其官奔以還而吾母之卒吾兄時在侍故吾二親之舍殯中孚得無憾焉者翳吾兄是賴至於中孚之家居朝夕所仰以寡過者亦惟吾兄是師而今已矣此吾之所重悲也予讀竟顧謂正倫曰予自未冠獲交於尊公凡茲所稱皆予所知即予不能有所張大揚詡其又忍使弗傳遂誌而銘之曰

世澤堂集

卷十七

墓

金

才無徵耶燁其休聲才必徵耶不竟於聞我者才用我者人其徵與否又奚足云狀公者弟銘公者史信于百世徵其在此

封通議大夫吏部左侍郎兼翰林院侍講學

士靜菴郭公墓誌銘

靜菴郭公以嘉靖癸亥三月三日卒于家其子太子少保吏部尚書兼翰林院學士朴以聞 詔賜公祭加等遣官治葬事而 命太宰馳驛以還蓋異數也太宰哭謂予曰朴奉吾父之教以幸有今日顧主恩未及報而吾父則已不可作惟誌其流光委社

之實傳之後來庶吾父為不朽而朴時一誦焉亦或於圖報

聖主而光顯吾父者庶幾其有助也因再拜以銘請予故與太宰友善不可辭按狀公河南安陽人諱清字靖之靜菴其號曾大父恭領鄉薦知真定之藁城大父銀父瑋以貢主魚臺簿公既寡兄弟而主簿自魚臺歸家又甚貧須公以養故公少廢學耕於洹之野有田五十畝屋六楹至不足給衣食而公襟度夷曠篤於義而輕於財每與人飲連日夜無勑色人有急傾所有資之不少吝初封翰林編修又封通議大

世澤堂集

卷十七

墓

杰

夫吏部左侍郎兼侍講學士又親見太宰握銓持衡進退黜陟天下士者踰年視昔耕于野貴賤殊絕矣乃服食用器無所加於前數步行里閭間非素相識者不能知為太宰父也故人尤以為盛德嘗就養宦邸會太宰主考南畿鄉試分教禮闈鑰門謝客訖事乃已太宰既在銓司數迎公養不赴鄉人入都者或索公書為贊輒謝曰吾方飲酒不暇為煩語吾兒勉事

聖主母以吾為念先是太宰拜掌銓之命上賜手詔曰慎評庶職先之守令于時天下翕然想

見

上圖治之心而竊懼其難副及太宰考察內外羣吏注授百僚賢不肖不爽毫髮天下又翕然頌太宰真能舉其職而公方康寧健強相與樂公之壽庶幾太宰之政有成而遽以憂去於是凡屬望於太宰者又相與歎惜於公之卒至涕淚而不能自禁也公生弘治癸丑九月一日享年七十一配李氏封淑人子男四長卽太宰次樞次楨俱國子生楨先二年卒次棟舉人女二長適庠生鄭中次適典寶正徐琪孫男十人煥焜俱庠生燦官生煊焯燿餘尚幼女十六人壻

世德堂集

卷七

墓誌

李

馬緒徐佶俱國子生李喬枚張煇庠生餘亦幼曾孫子二人曾孫女一人公葬以年 月 日墓在洹水之陽銘曰  
惟民望治甚於渴飢幸旣得止又懼失之故天下以太宰而樂公之壽及公之卒復以太宰之去而悲穆穆太宰

天子所知尚遄其來以慰邦人之思

明故中憲大夫四川按察司副使春山富公

墓誌銘

春山富公以正德庚午與予叔父谷陽府君同舉應

世德堂集

卷七

墓誌

李

天鄉試公時年二十餘方面豐頤堂如玉樹而意氣閒雅飄逸予以童子從旁窺視之竊敬且慕焉後予稍長間以府君命侍諸先輩飲公待予獨厚辛巳公舉進士拜工部主事推木荊州閱二年予亦遂幸忝竊又五年公以服闋改刑部會予免先少師喪復官翰林益得從公游故於公習焉公才高其於爲政初若不經意而所措注詳練精密卒莫能易之初試於荆荆故利數司推務者往往遭怨謗以去公條所不便於商及舊制所宜復者爲奏罷行之聲望蔚起自刑部郎中出知重慶盡取民所出賦役裒以爲籍而事爲之限使民自輸於官奸人至環視不能有所乾沒自重慶遷副使飭兵建昌鑿山堙壅起海塘堡爲陸道數百里以避瀘水之瘴先是建昌摧井鹽以餉兵其後鹽丁逃而兵據有鹽井之利於是稅廢而餉存當事者雖知其然然莫敢奪公令計所當受餉與鹽稅相准費乃頓紓故時論者以公爲通才公又有定力於毀譽得失之際能無所動其心在刑部時侍御南江馮君以論汪鉉下獄公爭以爲無死法鉉銜之出守遠郡公不怨尤及道江漢下瞿塘歷巫峽峨眉青城諸山顧其僕笑曰吾嘗數夢家萬山中茲豈

偶然也在重慶時蜀王與都司劉永昌計奏不法若  
干事 詔遣公事中御史案之蜀既大藩而劉又素  
兇狡二人以檄公或謂公勿往公不應至則一斷以  
法僅十日獄具奏報可在建昌發屬吏之貪酷者其  
僚以為請弗聽則護公巡按御史御史惑之會當大  
計天下吏公即棄其官歸所過登眺詠歌若以遷至  
既抵家不治生產數出遊湖山經月乃返返未月又  
買舟以出自少至老未嘗一日廢觴詠即獨處亦未  
嘗不怡悅與人處未嘗不盡人或負之雖至再三終  
不校蓋公多讀書尤喜談神僊氏之說其所自得者

世修集

卷七

哭

七

深矣公諱好禮字子超春山其號厥初洛陽人從宋  
南渡始家華亭曾祖禎壽官祖綱父洪洪以公貴封  
工部也田司主事贈副使母丁氏封太安人贈恭人  
配張氏累封恭人子男三長于文光祿寺監事次于  
德于仁皆庠生蚤卒女三長適貴州提學副使莫如  
忠次適監生張承祖又次適禮部郎中白格常孫男  
一可大郡庠生于文出女二于德于仁出曾孫二俱  
幼公卒以嘉靖辛亥 月 日距生成化丙午某月  
日享年六十六子既習與公游而公之卒也命于文  
必請予銘予往時嘗語後進云士大夫子當以于文

孝謹為法及是于文來致其父命予不得辭銘曰  
有廢必舉有為必成惟材之弘外無役於形內無戚  
於心惟養之深生也子知歿也子銘惟文永傳以慰  
幽冥

張母朱孺人墓誌銘

張母朱孺人既卒之十閱月嗣子封兵部主事朝封  
率其弟朝桂庶弟朝奎啓其父大名通判鶴沙公之  
墓奉孺人合葬焉先事以孺人從子國子司業大韶  
狀屬階為銘階孺人壻也不敢辭然階聞之銘也者  
以昭德而示後也孺人之德狀所載者多矣詳於細

世修集

卷七

序

七

不若著其大者之簡而傳也乃掇其二端以刻于石  
曰凡勤儉敬恭之節在貧賤之人非難而在富貴者  
為難其薄於利而篤於義在男子且難之在婦人女  
子其難可知也惟孺人於封御史慎恒公為曾孫於  
按察副使鉅菴公為孫於南京禮部尚書琰溪公為  
長女其歸張氏於南京刑部尚書莊懿公為孫婦於  
鶴沙公為正室於宣城伯之夫人為弟之婦而其子  
二人朝封以子貴封兵部主事朝桂為國子生孫仲  
謙舉進士為兵部武庫郎某某其皆為博士弟子  
曾孫某某亦以文學繼諸父以游於郡之庠女長嫁

為千戶顧 妻有子承勳為河南都指揮使掌司事  
次適階封一品夫人有子璠為太常少卿現為中書  
舍人季適府學生董容大最華亭之仕者尚書五人  
雖人品高下不盡同而孺人之父與夫之祖居其二  
為司業者三人而夫人之從子居其一其以侯加少  
保總

天子之六軍者一人以少師居政府率百官左右  
天子者一人而皆於張為壻則故宣城伯衛公諱暨  
階是也孺人之富貴其亦可謂盛矣然孺人身常衣  
布素至老猶手紡績治木絲作布悅不間寒暑與內

世經堂集

卷十七

李

收

外親及鄰之媿嫗處高下厚薄一視禮所宜未嘗有  
傲色非性於勤儉敬恭者耶自邇年來天下靡然趨  
於利窮晝夜之力圖其所不當得至蠹倫理敗風俗  
不少顧即士大夫能自拔於流俗者鮮矣孺人少愛  
於母秦秦嘗與之珠環及嫁溪公側室之子生母索  
環曰此汝祖所寶當歸諸其孫孺人出之無難色鶴  
沙公初贅於朱孺人以長女理家政於朱之金帛分  
毫無所私後從鶴沙公居新橋而嫁溪公輯內室獲  
遺金及簪珥數事檢其籍則孺人理家時所留也以  
歸孺人孺人竟不受非篤於義而薄於利卓然出士

人之表者耶嗚呼古之君子以一言一行之善至名  
天下聞後世歷數千百歲不衰孺人之賢如是是誠  
足以傳矣孺人生成化戊戌六月二十日卒嘉靖癸  
亥正月十一日享年八十六葬以卒之歲十一月十  
一口墓在車墩之原銘曰  
善不必多惟其絕殊福不在身視其遺餘孺人母張  
而出於朱蔚其賢聲光兩尚書慶積澤流由張暨徐  
子壻甥孫榮暉燁如荷嗟孺人德與福俱有徵賢者  
其在茲歟

世經堂集

卷十七

李

全

世經堂集卷之十七

世經堂集卷之十八

墓誌銘四

明故中憲大夫山東按察司副使海樓李公

墓誌銘

公諱日章字尚綱

今天子紀元之歲與予同舉於鄉其明年同舉進士  
寡飲酒酣輒歌李太白所為梁父吟將進酒諸篇慷  
慨言曰士君子必有空宇宙而超今古之度然後能  
不動於物以大有為於時有如登百尺之樓凭欄而  
望東海攬三山於几席納百川於杯盃斯其為度也

世經堂集

卷十八

墓

庶幾矣乎因自號曰海樓後三年拜刑部主事有巨  
璫謁公欲有所逮捕公曰越百里而逮人非法也中  
貴人怒以危言恐公公終拒不聽遷員外郎郎中出  
知襄陽以才徙長沙先是太瀉寇數千人屢招輒叛  
叛則其所焚掠益甚於前公曰此我驕之耳遂身督  
兵往討縛其酋斬若干人降若干人事聞 賜白金  
文綺郡故喜訟稍抑之即肆為詆誣太守往往賤法  
以徇公獨不撓至其獄詞則老吏猾胥相環視莫能  
損益一字由是訟頓息能聲聞四方遷山東按察司  
副使

章聖皇太后梓宮南祔

顯陵當是時舟之先後行者以數百計吏之奔走執  
事者以數千計公私之役遠近至者以數萬計公預  
籍其數而為法授有司令餉以人給夫以舟限俟於  
境者無後期出於途者無稽程費大省而事集居踰  
年丁父憂會大計天下吏有忌公者騰飛語謗公銓  
司不及察罷公政士大夫意公素剛必且抗疏自明  
公笑曰仕宦在行志耳志苟不行即列侯將相曾不  
足等海中之一漚其聚與散交於吾前而吾目猶不  
屑一顧也矧足動吾心哉聯諸縉紳之家居者以為

世經堂集

卷十八

二

墓

社日賦詩較奕徇佯林壑間見嗜進者必指其口曰  
能吸盡滄海之波乎見戚於退者必撫其背曰悲哉  
溺於苦海乎公守官廉傾其囊得百金作狎鷗亭於  
所居之後因題所著詩曰狎鷗亭稿當其脫落塵鞅  
傲睨一世真若所謂白鷗沒浩蕩可望而不可馴者  
然其憂世之志至老不衰毋見郡縣長吏為陳民所  
疾苦與政所宜興革其言侃侃雖或致怨尤不顧也  
蓋公所謂空宇宙而超古今之度其發見不同均之  
無所動如此嘉靖癸亥十二月二日公得疾卒于家  
距生弘治丁巳五月十一日享年六十七於是子太

學生豫亨庠生升亨奉侍御南湖徐公狀來京師請  
銘予與公交久且厚也不得辭公先世洛陽人從宋  
南渡居武林繼徙上海之王渡里至曾祖德芳始家  
華亭德芳生晟晟生壽官枰枰生義烏訓導霆霆娶  
許氏生公以公貴封長沙知府而贈許恭人公二子  
豫亨配董恭人出升亨側室夏出女三適太學生董  
光裕張允言其季受楊繼心聘孫男六茂承茂昭茂  
向茂賞茂對茂達女三俱幼甲子十二月十六日豫  
亨兄弟實啓唐子洪董恭人之壙以葬公云銘曰  
猗達人之大觀兮納六合於其臂之中獨立乎海上

世襲堂集

卷八

三

表

之層樓兮狎煙濤而睨蛟龍之宮窮萬變與百形兮  
超塵瑤以遊於太空嗟有才而不竟於用兮又奄然  
以長終夫既齊得喪與毀譽兮宜無繫於去留之蹤  
勒斯銘於幽墟兮庶後世其知公

建昌同知朱軒朱君暨配周孺人墓誌銘

朱軒朱君始爲諸生以治易有聲予遣季弟今南京  
大理卿子明往受業焉其後邑大夫陳君昌福聞之  
延以教其子於是君聲益振然數試於京闈輒不利  
或謂君曰夫進取者豈必文之工哉蓋亦有命存乎  
其間不可強也君曰不然夫國之廢興命也然而在

聖人有永命之道人之死生命也然而在神仙有延  
命之術仕之達不達亦命也其在我也獨無拘命之  
文乎哉於是益晝夜讀書其爲文注思甚苦每自誦  
讀爲聲甚悲越若干年竟以貢領南畿鄉薦連上春  
官又不遇人又謂之如前君亦持其說不變君性儉  
約食不輕具肉間有所往雖數十里率常步行其劬  
於書而薄於自奉至面色枯槁人見之不能堪而君  
志益勵嘉靖丙辰君既已三下第年亦六十四矣乃  
擲書歎曰舉進士信有命耶謁選吏部時士之同試  
者百數十人君稍出其緒餘及唱名猶在第一故事

世襲堂集

卷八

四

表

第一人當得京除會無缺遂以知定州定大州也軍  
與民雜處而達官怙勢數侵侮小民民不能勝則盡  
舉其產半售之以利其庇已有司莫能禁州又當孔  
道士大夫晝夜出其途輿馬之費日益而客猶見罪  
以爲簡君至則出令曰自守而下各毋取民一錢軍  
或暴民及與民以利爲奸欺者必罪守或取非其有  
軍若民共攻之衆遂帖帖不敢犯士大夫至者君迎  
送于郊極恭至輿馬則必視其所當與一不少徇州  
人便之然士大夫率以故多不悅君於聽訟意在得  
情實常遲之以俟詢訪左右因肆其奸君弗及覺不



悅者遂以爲謗故在州三年部使者莫或薦君獨以  
守不失至已未冬例遷建昌同知閩寇竄建君故儒  
生不習兵也檄諸屬邑募壯勇簡精銳禦之賊竟不  
敢窺郡城民以爲德而當事者猶以屬邑被焚劫効  
君不任事壬戌大計天下吏銓司入先言擬調君簡  
僻君發怒得病徑歸至家未踰旬以六月二十五日  
卒顧謂子胤徐曰悲哉命也夫君少貧能盡以產讓  
其兄而自授徒以給衣食人以爲難後從學者衆束  
修之入鉢積寸累家更以富稱乃君勤苦前後猶一  
日君當未仕時能識朝廷之政體與貴宦者之情  
狀其與人畫計策料事當成敗率奇中響應又善談  
謔每君所至卽風雪羈旅人忘其憂比去雖高筵盛  
會不樂也嗚呼以君之才辯如此而仕竟不達服勤  
茹苦以終其身宜其深致憾於命也歟君諱某字某  
未軒其號先世高淳人國初有諱寶者以微累戍  
金山再傳爲君曾祖海海生景景生機機生二子而  
其仲爲君有異質里周翁廷瑞妻以其子實能務織  
紉畜雞豢彘以資君爲學君年五十未舉子爲娶妾  
傅氏已又爲娶金氏始生胤徐享年六十三先君八  
年卒葬張涇之新阡女二人長適大叅東老沈公之

子鍵次適侍御南江馮公之子學可俱國子生君生  
於弘治癸丑六月二十六日卒時年七十胤徐卜以  
歲十二月二十二日啓周孺人壙合葬焉而未有銘  
至是奉大叅鳳峯沈公狀走京師哭謂子曰先子昔  
幸受知於公公又嘗憐其不遇以死願有以銘諸幽  
予乃爲銘曰  
命可拘耶天虛器耳不可拘耶人事贅矣君之於命  
拘者半焉爰稽其自夫孰使然能拘者人不能者命  
往哉九泉其尚奚恨

封翰林院檢討徵仕郎餘山朱公墓誌銘

南京國子司業朱君象玄喪其考封翰林檢討徵仕  
郎餘山公之三月自爲狀而以書授其女兄之夫沈  
方石俾謁予京師曰先君子少砥礪名節蓋欲自立  
於君子之塗植學績文亦思見之實用而不幸不獲  
試其所望於不肖孤者謂或能樹鴻蔚之聲以不朽  
其親乃不肖所就又止此惟執事賜之銘使天下後  
世庶幾知有先君子即不肖孤死無憾矣予讀而悲  
之往予與公同受業博士後象玄讀書翰林予實濫  
奉教習之命予初娶沈夫人之於方石暨今張夫  
人之於象玄皆兄弟也然則銘以慰公之父予予固

不得辭按狀朱氏其先開封通許人宋時自汴徙吳興又自吳興徙華亭之七寶國初有諱尚德者贊烏溪趙氏於是始家烏溪尚德再傳至純菴公諱基舉正統戊辰進士仕至山西按察副使生二子長諱基是為南京禮部尚書茲溪公次南京天策經歷橫溪公諱某公蓋天策之次子也初天策不得志於仕宦抱故所讀書以授長子河南布政司都事良諫既乃以病羸輸粟入國子及公生頗敏絕人書一過目輒覆誦不差一字橫溪公喜曰此所謂二郎必做者也年十九提學安成張先生選以為郡庠生後四年橫溪公卒時茲溪公已謝政鄉之豪猾相與侮公公奮曰易稱幹蠱而咎裕蠱吾獨宜坐視蠱之日深耶毅然起攘之家以不頓落公才固足進取志又不屑隨人後自理家政外手未嘗釋書屬母陸孺人病瘵遂亦應詔輸粟冀得旦夕侍孺人尋丁孺人憂服除卒業南雍祭酒張文定公費文通公司業貞齋江公奇其文亦舉以最多士公又能為詩其語夷曠俊逸往往似曰江州蘇長公名聲益彰徹公出常乘銀馬駒因相與稱白馬生云嘉靖丁未象玄以鄉薦第二人登進士第改翰林庶吉士授檢討癸丑封公如

其官于是時松之封君數輩郡縣諸大夫以為公世之遺才也敬禮之有加然公不自矜銜數步行田野間與故知識談說耕稼占候晴雨若不知身之已貴與人之貴之也公為人孝友遇天策公及陸孺人之諱日哀慕如初喪歲時祭祀必思其所嗜以薦都事君老而貧奉之甚虔一味之旨必與其之女兄歸唐氏者蚤寡依公以居年七十未始一日憂衣食弟基坐累戍邊公出粟若干石倡族人贖其罪基以不枉桎死其於朋友慎所與而篤於義方石之父銀公與口許為婚姻會基卒竟贅方石於家分與之田宅沈君載采困於宦遊公賑之粟帛十年比疾革猶問象玄曰曾餉宜山否宜山者載采號也倭奴寇烏溪公奉四廟王夜跣入郡城寇燬公居殺一老僕以去象玄得公書持以泣欲棄官省覲當路者知其意以佐成均於南象玄迎養公宦邸公一見甚懼已又念墳墓歸視之未返而象玄以忌罷官公聞賦詩不念疾忌者而更以杯酒得團圓為樂尚書孫文簡公見之歎曰餘山可謂能不汨沒於世味矣癸亥冬公得冒疾及歲且盡冒風雪往哭其從兄守莘疾遂益甚甲子六月三日卒於郡城之新居距生弘治戊午十月

十二日享年六十七公諱某字某自號餘山子配張氏封太孺人子二長卽象玄次曰大英女二長嫁沈方石次嫁顧正誼側室沈有子一引孫女一受李某聘孫男一驥大英出女二出象玄者許嫁王憲副之子某出大英者許嫁李憲副之子某象玄卜以是歲十二月日葬公於施涇天策墓之穆公存日所自營也銘曰

公歸兮施涇中父兮左兄心夙注兮體魄永寧有才三世兮施弗弘儲厥慶餘兮以畀其孫曾我銘幽墟兮洵久而徵

世學集

卷十八

九

清

明故通議大夫吏部左侍郎兼翰林院學士

中峯先生董公墓誌銘

嘉靖丙午六月二十六日吏部左侍郎兼翰林院學士中峯先生董公卒于家其子思近謂階公門生也奉學憲汪君狀屬銘公墓而階意有所待遲之二十年今年秋其孫祖慶復以請階因念昔之待者既未可必副而身已衰老一旦溘先朝露則公之行將遂不克彰顯於世其何以見公地下乃敘而銘之公諱玘字文玉其先汴人宋之南有諱康者來家會稽之東小江遂爲會稽人入國朝彥昇以薦被徵而昇

子諫諫子敬相繼以文行聞浙之東西敬二子長某仕至某處按察僉事次某舉進士歷縣知縣雲南知府有祠於其民某章氏繼某氏實生公公少以神童稱然凝重靜默至終日不出一言年十九領浙江鄉薦第二游於太學祭酒楓山章公奇之指示諸生曰此天下士也弘治乙丑舉會試第一廷試第一甲第二授翰林院編修予假歸娶召修

孝宗實錄及成陞俸一級當是時逆瑾欲摧抑天下士使必已屈出公知成安稍遷刑部主事人意公於法律非所習且有所不屑爲乃公治獄獨不少厭倦其所爲獄詞卽老吏自謂不能及又時用事者諸所按劾務爲刻深公數抱律以爭曰法固止是用事者

世學集

卷十八

十

清

往往屈而從焉改吏部考功主事張衆附瑾欲盡更故事命取諸司故牘焚之公持不可乃止瑾兄死朝貴咸走甲公作東遊紀異以刺人咸爲公危會瑾誅還公翰林同考辛未會試甲戌滿九載遷侍讀丁亥充經筵講官尋遷左春坊左諭德兼侍讀丁丑乞歸省色養者五年

今皇帝登極雲南公以大義促公行至則與修

武宗實錄充日講官賜衣帶嘉靖壬午王考南

畿階時以諸生試為同考所黜落公閱而改品題焉  
且將以為第一屬有沮者乃以為第七凡階所以有  
今日皆公賜也甲寅陞侍講學士尋充副總裁官先  
是

孝宗實錄焦芳多以意毀譽其間而

武宗朝大奸相繼亂政其事龐雜諸史官相顧不能  
書公於紀載詳而不冗簡而能盡又因以正前錄之  
訛謬歸之至公其有功於國史甚大少師費公母舉  
以語人遷詹事府詹事兼翰林院學士而忌者謂故  
事書成遷轉不越二級公獨得五級於是謗始作矣  
世宗實錄

卷六

七

九

其冬以日講勞賜誥命贈祖及封雲南公皆詹  
事贈祖妣及前母封母皆淑人會修  
肅宗實錄仍充副總裁丙戌主考會試奉命教  
庶吉士秋實錄成陞俸一級丁亥遷吏部右侍郎仍  
兼學士轉左侍郎戊子滿三載詔詹子入監讀書  
冬十一月聞雲南公喪詔賜祭葬給驛以歸初公  
在吏部拒絕請託尤嚴於君子小人之辨御史胡明  
善所為多不法公疏出之草已具而計至不果上公  
又薄都御史汪鉉鉉明善是公之請卹典也值  
方郊有司不敢覆請及命下則去聞喪已踰月

鉉明善因誣公謂有他覲不肯行而昔之以請託見  
拒者咸相與搆之詔落公職公方在疚不敢自明  
其後三年誣始白奉詔與致仕南北臺諫及御史  
之按浙者交章薦公而公猶以前持法為羣小所不  
悅不果用最後有知公者則公以遭妻淑人喪積毀  
成疾繼以卒聞矣嗚呼惜哉公為文精於理而深於  
思每命階屬草塗竄損益存者不能十二三階督學  
于浙數謁公公語諸竟曰未嘗以子弟親舊為託而  
諸藩臬之吏至不得一識公面其廉介自重如此元  
配潘氏繼程氏錢氏子一即思近以公廕為知  
府後公年卒女長適河南提學副使陳東夾  
適國子生何紳孫男一即祖慶今為紹興府學生孫  
女三嫁某其某公生成化癸卯八月十七日享年六  
十四葬以卒之歲十二月日墓在會稽大善山之  
原其所著有中峯稿階方序而傳之銘曰  
巍巍禹穴會稽之南鍾靈孕奇哲人出焉其人謂誰  
仲舒之裔曰行與文罔不克似觀公之外退然如愚  
其中所存舍命不渝公與眾處終日靜默及在朝廷  
危言正色始官翰林逆聞出之天開日張既隊復飛  
晚且入相厄於怨讎金鑠杼投竟不召起倚嗟嗟

小能因公身百千斯年公名則存幽有銘文明有信  
史彼讒有知其類宜泚

太醫院吏目雪谷施君墓誌銘

君諱文治字德顯別號雪谷華亭人也大父松巖公  
濟父悅泉公燦世以善聞於鄉而悅泉公尤著君生  
有異資愛於父母十歲就外傳日駸駸能文章居四  
年丁悅泉公憂又五年喪其母韓孺人君既困於幹  
蠱於是始廢學晚乃習爲醫所治輒效而家故有籍  
在尚方會 詔醫之子弟得輸粟補官君於是以例  
拜太醫院吏目云君爲人慈惠恭謹女兄蚤寡迎歸  
世樂堂集 卷十八 主

養之終身嫁其女第三無失時與人處卽幼且賤必  
引與釣禮拜揖跪起竟日無倦色其有施於人不責  
報或負之亦未嘗有愠言至其受施於人報之必倍  
也善飲酒或時大醉終恂恂如初筵元配徐氏於吾  
先少師公爲季女於予爲妹於吾弟刑部侍郎爲女  
兄然未嘗以予兄弟故有所干謁於有司及失禮於  
隣里姻族故士大夫稱盛德必曰施君施君繼娶湯  
氏子二兆山聘鄉進士王君之路女如山聘翰林庶  
吉士陳君懿德女俱側室薛氏出女一嫁府學生員  
蔣師古子妹出君生以正德己巳九月二十五日卒

嘉靖壬戌五月十九日享年五十四兆山等十以丙  
寅十二月十六日葬君菜花涇之新阡啓予妹柩以  
祈初予赴祭酒之 召也畱兒今太常少卿璠守墳  
墓屬君夫婦視之君愛如子而待如賓嘗有疾予妹  
憂之至爲喪心自投井幾死君亦禱于神請以身代  
故予於予妹之卒也哭之哀於君哀之如予妹予兄  
且病凡以文字請者輒謝去顧念以爲君之賢不可  
使無聞於後有如因予文而不泯則予所以報君者  
庶其在茲乎遂以吾弟狀銘諸其幽曰

孰儲之厚兮而發弗光孰瘞之深兮而流弗長猗嗟  
乎君有負未償其後必昌

誌銘

嗚呼此予癸丑所舉士右春坊右中允兼翰林院編  
修陳君之墓也 國家以文章取士往往因言以得  
人而邇年士所爲文率恠誕浮靡豐肉而少骨君獨  
溫厚平實間指言時事不激不阿予徧語同考曰茲  
其所謂有德者之言歟及撤棘君來見拜起跪揖不  
拘拘爲恭敬而規矩繩尺無一不合踰月對 大廷  
天子親擢以爲第一君又來見坦坦翼翼如前時予

心語曰茲有德者之容歟畱與之語其於天理人欲君子小人之際辯之甚晰持之甚堅而退然若無能者已又察其所爲自朝謁後日閉門讀書不輕與人接尤不輕有所取予益重之曰君真可謂有德矣天子以是人儲之翰林他日講筵綸閣當必大有所補益非獨文爲國華已也後三年

天子降節冊遣使封諸藩君入拜 命後期柄臣素惡君慢已遂出爲惠州推官予意君必愠君顧深自咎無幾微不平見於顏面亦無憔悴可憐之色又以予嘗推延平數過予問所以理刑之要至聞小民爲吏侮法所苦輒感然若身受之予於是又歎曰君之德滋益厚矣夫德厚者其所享必裕雖出當復還抑

天將使習民事以全其才而大授之耶明年予力薦於銓部改南京太僕寺丞尋改尚寶司丞又三年轉南京國子司業甲子考績入都予時濫秉政因請畱爲中允管 誥敕予以爲昔所望於君者行且副矣踰年丁其父修撰君憂明年得疾卒告者屢至予終不肯信最後洗馬林君恒貞涕泣爲予言之予始哭曰嗟乎 朝廷失一士矣凡予所望者既不可副而天亦於是乎不可知矣方爲文祭君而君之弟誥與

集賢堂集

卷八

七

庚

集賢堂集

卷八

七

庚

其子以編修張君子維狀乞予銘墓中之石予不忍聞恒貞復謂予曰德言待此以瞑目予乃爲之銘冀以慰君而塞予悲焉然予每中夜屈指天下士可爲朝廷用者必及君蓋予望之素深每忘其死如此嗚呼予之悲其殆非銘所能塞也夫君諱諱字德言別號環江世爲福州之閩縣人曾祖志祖琛壽官父伯亮以君貴封翰林修撰母卓氏元配石氏繼鄧氏贈封皆安人子一應虞女二長適龔某石出次許嫁林某鄧出君生嘉靖乙酉閏十二月十二日卒丙寅三月十日年僅四十三以丁卯某月某日葬 山之

原君在翰林同考會試者再得士甚多其他善行亦多可紀予獨識其悲君者故不及備書然有子維狀事核而語文亦足以傳矣銘曰  
力而升之兮孰抑而卑之曲而進之兮孰拒而睽之望而不果副兮姑銘之以塞吾悲嗚呼悲可塞兮不可塞兮重爲君臨文以嗟咨其將奈何兮天實爲之  
封通政叅議從川秦君墓誌銘

君諱瀚字叔度號從川錫之玄文里人也其先自宋淮海先生子處度倅常州因家新塘後乃徙錫之胡垓再徙今居高祖季昇祖旭旭有高行鄉人私謚爲



世經堂集

卷十八

本

盜

世經堂集

大前

四

江

笑人

食其實者將在其邪

食其實者將在其邪



克類自少以孝稱年十九補邑弟子員以為學於家庭者未足也出游兩京太學盡友海內文章之士為文日益工而試於有司願輒不利君於是歎曰夫學在澤民耳獨為科第謀哉謁選得許州判則又歎曰茲吾先輩邵文莊公所治也其敢使弗克嗣以為鄉邦羞凡律已治人毅然一準諸法監生某者武斷恣睢有司啖其賂莫肯問君至立以付獄境內帖然久之遷知武城治如許州未期年部使者亟以為薦然武城瞰衝途其飾厨傳繕舟楫以媚賓客勞恒倍於治民君意不樂遂棄其官歸隱滄溪之上鑿池築臺

士弘子言禮孫男一某葬以其年 月 日墓在某地予少時嘗從宗伯文僖顧公聞文肅之賢既長讀武宗實錄知文肅以守正得罪於逆瑾心竊慕之欲一識其兄弟子孫邇年馭來簿詹事於予為屬而太師成國蔡亭朱公與其弟太保都督憲巷公馭表兄也數與予稱君之為人茲葬既得吉馭以董憲副狀來徵銘憲副予同年予觀其狀益徵兩朱公之言非私乃銘于其幽曰

吳家宜興厥世有人文肅繼之聲益以振武城恂恂文肅之弟居為長者出為能吏滄溪之間流風藹如百世而下式此幽墟

明故刑部尚書贈太子少保謚端簡鄭公墓誌銘

嘉靖甲寅乙卯間倭奴入寇江之南北運道為梗上下憂之端簡鄭公時以兵部右侍郎兼都察院右僉都御史總督漕運巡撫鳳陽諸府州勵將士選民兵集鹽場之壯勇禦之於通泰襲之於如臯擊之於海門搗之於呂泗圍之於狼山斬首九百餘級賊震恐遁去東南之賦四百萬石歸輸于京師無後期議者謂公有功於 國家甚大而時宰分宜公故與公不

相得僅擬賜金幣加服俸一等後公爲刑書猶諧公  
自專落公職及公卒子履淳等訟于朝會分宜已得  
罪去

世宗皇帝詔復公職

今皇帝嗣統改元 賜祭葬贈太子少保謚端簡廕  
一子入監讀書於是士大夫相與戴

世宗之明感

今上之恩而又惜公之不獲竟於用也履淳等以隆  
慶某年某月某日葬公勾城山祖塋之次自爲狀乞  
予銘予固知公深當分宜之去位予嘗請於

世宗

卷八

王

五

世宗且召用矣而公遽卒予甚痛焉則今敘公行傳  
之無窮非予責也夫公諱曉字室甫別號澹泉其先  
開封人遠祖某從宋高宗南渡始家鹽官幾傳至信  
菴公積書萬卷以訓其子廣東提舉東谷公某孫遵  
化訓導吾核公某世以尙書教授里中弟子各數百  
人訓導娶於費生公有異資年十二能誦經傳及通  
鑑節要訓導數指古今人賢不肖事以誡曰汝他日  
當爲此不得爲彼故公自少至於老毅然必爲君子  
不以毀譽利害貳其心訓導之教所漸濡者然也嘉  
靖壬午舉浙江鄉試第一明年中會試高等學士中

世宗

卷八

王

林

峯董先生力薦引之公竟不一見政府廷試得二甲  
授兵部職方主事日取故牘閱之由是盡知天下阨  
塞與其士馬虛實強弱之數大司馬蓉溪金公屬撰  
次九邊圖誌三十卷人爭借其草錄之甲申以議大  
禮杖 闕下乙酉大同卒殺其巡撫都御史當事者  
請赦之公抗疏以爲不可不報丁母憂服除補武選  
張文忠時秉政欲改公翰林又欲改科道皆不應尋  
丁父憂去戊戌許文簡爲太宰調公考功踰年乃起  
至則分考辛丑會試轉考功郎中巡按御史有所糾  
劾不當公勘得其實反請御史貴溪罷相有 詔考  
察臺諫分宜意在去異己者公更黜其所厚若干人  
癸卯嚴世蕃以治中求爲尙寶丞公謂非故事不聽  
分宜益怒密疏公抗上市恩 詔貶和州判而世蕃  
遂遷尙寶少卿公至和日夜治民事訪諸所欲惡次  
第罷行之民大悅未幾遷太僕丞丙午遷南考功郎  
中又遷南尙寶卿歷南太僕少卿鴻臚光祿太常卿  
癸丑遷刑部右侍郎甲寅改兵部出撫鳳陽公素以  
文學聞海內又癯然若不勝衣而至鎮乃獨以武功  
顯於是人益知賢者之不可測也乙卯遷吏部左侍  
郎尋遷南京吏部尙書

世宗以公知兵畱爲右都御史協理戎政奏罷諸軍之役於工作者衆咸感以奮戊午改刑部尙書猶兼掌兵部事是時大司馬虞坡楊公總督宣大而南總督有覬補本兵者其黨欲爲之地相與言楊公宜爲社稷計畱鎮北門議者惑之公疏以爲楊某還本兵則九邊將帥咸得人而其戰守之事咸飭不獨宜大一方特以無恐計安社稷宜無良於是

世宗從之在刑部奏論錦衣所治獄多失實而五城御史受民訟非舊制旣又謂王直於法必當誅畱都亂卒於漸不可長皆與分宜議不合譖言日騰庚申

世宗集

卷六

七

清

詔公閒住及

世宗覺爲所誤則公已病又馴至不可作矣嗚呼惜哉公居家角巾布衣數攜一童子訪故所識與論桑麻晴雨或時共飯山蔬水藻相對終日見者不知其爲名卿性儉朴尤審於辭受賞言士必有伊尹一介不取予之節然後可窮可達可常可變故歷官垂四十年家僅有田數百畝松窓竹几蒲茵練帷蕭然如山僧焉乙丑忽命履淳等治後事丙寅夏甫畢其秋遂病及易簀顧履淳曰南北無警否中國司馬起居安否無一語及家事公爲學王於用世其持論正而

不迂嚴而不刻剛而不激高而不亢所著吾學編七

十八卷古言二卷今言四卷奏議文集各十卷禹貢

圖說史論各二卷策學六卷予嘗以爲文中子陸宣

公之流馬周諸人不道也生弘治己未正月 日卒

嘉靖丙寅九月十四日壽六十八祖若父贈皆刑部

尙書妣及妻皆夫人子三履淳壬戌進士引疾侍公

養側室沈氏出履準官生履洵恩生側室顧氏出女

五嫁南京吏部主事項篤壽嘉興府學生彭紹賢者

元配劉夫人出嫁國子生湯承寵嘉興府學生呂性

祖者沈出嫁鴻臚署丞吳紳者顧出孫男一心材女

世宗集

卷六

七

清

四長許嫁卜方沈思憲與心材皆履淳出其二幼履

準履洵出初予與公同舉進士者四百十人公獨遇

予厚予外以兄事公心實師事焉數極論時事感慨

涕泣期有以共濟艱難垂之不朽而公竟阨於讒邪

顧不果副其忻戚之情具見予所爲祭文乃公臨卒

所云中國司馬者蓋謂予也予每自愧淺薄於

二聖始終之際不能有所建立慰公幽冥乃茲銘公

惟重悲於人之云亡而已銘曰

鄭之南以從君家何有典與墳維公生世其文闡討

猷殄夷氛身爲儒策戎勳嗟伊人孰與羣厄於讒老

海濱子叫闌大知聞 詔下頒奸良分卹典備輿情  
忻我爲銘豈徒云欽 明聖揚英芬

明故太子太保兵部尚書贈少保諡貞襄  
公墓誌銘

我

皇上嗣大歷服首降德音錄故公卿之行應卹典者  
於是諸臺諫舉故太子太保兵部尚書肅公等若干  
人以聞 詔贈公少保諡貞襄 賜祭九壇 命有  
司治葬事蓋公之卒至是五年矣某年某月某日公  
從子儀部郎中靜嗣子錦衣千戶龍啓公贊以葬而

世澤堂集

卷六

五

宋

持通政叅議宋君狀來徵銘階公門人也不可辭按  
狀公諱豹字文蔚先世居永豐之磊塘自晉歷宋元  
再徙而家雙溪故公自號雙江 國初有諱敏瑞者  
其配楊以守節旌生澹樂公汝璉澹樂生異菴公日  
聰異菴生水雲公玉治是爲公考以公貴封文林郎  
華亭縣知縣配鄒氏封孺人公舉正德丁丑進士乞  
歸省者二年庚辰始知華亭立法行政自其身始發  
諸奸欺籍所侵盜金萬六千用代通賦澹塘港三萬  
丈有奇復塘之廢者萬二千丈民以不苦水逃亡來  
歸者至三千二百二十三戶建名宦鄉賢祠關射圃

世澤堂集

卷六

五

宋

日進諸生與之論學其說本於易所謂寂感而證之  
以中和證之以孝弟又證之以古聖賢所以成已成  
物守約而施博者簡而明暢而實階時幸有聞雖甚  
不敏然於心竊有契焉今既五十年惟公之言是訓  
是行亦惟公之言味之而益肯履之而益效也乙酉  
徵拜御史劾奏司禮太監張佐違詔收補工匠禮書  
席公不當乞畱其弟於翰林直聲頓起戊子巡按福  
建奏罷鎮守太監趙誠及中官之司市舶者追論延  
平守賊濫黜之擒寇鄭新建養正書院刻傳習錄二  
業合一論以示學者人謂真御史而權貴則以此嫉  
公出爲寧波知府改蘇州至則治之如華亭而加嚴  
曰吳人習縱肆久不先約之以法教未易行也其後  
法舉而人果率公教踰年丁水雲公憂又丁鄉孺人  
憂服除臥不出南北臺諫交章薦之辛丑冬以虜頻  
歲寇山西召知平陽公曰國方有急吾不可以不赴  
既至歎曰是其民饒於財虜所必攻也爲書諭富民  
及釋其罪之疑者得金二萬餘修郭家溝冷泉靈石  
諸關隘募兵六千人親教練而使守之壬寅虜果犯  
郭家溝守者殺其前驅二人虜知有備遁去御史以  
功聞

世宗喜顧問侍臣曰豹何狀乃能爾于是時公名聞上下而忌者誣公於罰金有所乾沒大吏和之謗亦遂流播明年擢陝西按察副使會當計羣史或竄公名拾遺疏中詔巡按御史查勘前後五年經三御史咸謂無纖毫私而鄉人有謗公於時宰者時宰怒逮繫錦衣詔巡按御史覆覈未幾時宰亦下獄曰吾慚見雙江乃公與相對無怨尤色時宰大悔服明年事白落職歸永豐謗者則先以他事謫戍而時宰亦既伏誅蓋天之惡傷善人如此庚戌虜犯京師世宗切責兵部及邊臣不任事而慨然有良將相之思階時為禮書因以公薦立召拜都察院右僉都御史巡撫順天整飭薊遼軍務尋遷兵部右侍郎辛亥奉命巡視京城九門條六事奏之語皆要且急者轉左侍郎協理京營戎政數與仇鸞議不合已而鸞請調宣大兵入衛意在弱二鎮以納虜公疏陳四慮謂宜固守宣大宣大安則京師安鸞益怒密伺公所為將中以罪既數月無所得乃已壬子遷兵部尚書首奏修邊牆建關隘慎選將士預處藹糧分屯重兵以控要害尤拒絕請託動循法例一時聲望赫然已又奏城南關遺今少傅虞坡楊公經畧薊州邊務

罷易州通州昌平三都御史冬虜犯紫荆關公遣邊兵乘其惰擊之斬首四百餘級加太子少保廕一子錦衣衛千戶甲寅虜攻薊州凡六晝夜不能入加太子少傅倭奴寇蘇松奏設總兵官於金山設把總於南匯吳淞江劉家河鎮江及淮之鹽城俾畫地以為戰守吳人賴之明年趙文華請視師朱隆禧請差田賦開市舶時宰主其議譽之於世宗公執奏以為不可詔降俸二級羣小乘上意日毀公踰月遂以老疾致仕公既歸建賜老堂聚門弟子弟講學其間曰吾不得行諸天下庶幾行諸一鄉公受業陽明先生之門而與祭酒東郭鄒公宗伯南野歐公修撰念菴羅公相發明其師說切磋論難不苟為同所著有大學臆說被逮稿困辯錄幽居答述致知議畧良知辯質疑存稿蓋以學終其身焉公生成化丁未正月十三日卒嘉靖癸亥十一月四日享年七十七夫人宋氏無子妾氏生子營吉六歲而殤故公以龍嗣而以同祖孫耿為營吉後龍子二人冬孫孝孫儀部子五人長棟以公廕為左軍都督府經歷餘皆能讀公書銘曰聖學既喪異端出俗儒禪伯其失一偉哉公生抱卓

識邇孟及思本諸易曰感有萬體則寂常寂常感妙不測是謂良知非外索養寂應感萬事畢公見高明履篤實發為功言胥可述左持戎樞右簡冊武功文教相輝赫老予撫趨自幼日心惟身體得正脈無由起公蒞講席刻銘墓中垂後則

明故巡撫山西都察院右僉都御史浚谷趙公墓誌銘

隆慶元年冬十二月二十七日巡撫山西都察院右僉都御史浚谷趙公以疾卒于家明年五月總督三邊兵部右侍郎郎鑑川王公為請卹典有司循故事得

世經集

卷九

志

志

賜祭一壇於是予西望拜且哭曰嗚呼予負公矣予負公矣予與公友三十年自謂世之知公無如予者今予方在政府又幸際

聖天子嗣大歷服盡召起巖穴有聲實之士而予乃不能亟薦公使竟其所欲為予負公矣予負公矣公為人嚴毅介特與士大夫處意有所不可議論有所不合必引繩按矩詰責之不少貸故賢者服其正而

灘丘福不足平也故在賢者幸壯其志而亦頗訝其太輕憂其太銳然自邇年來士務以柔媚全其身將畏懦不敢一言戰政日以弛虜日以驕其狀如人之病痿漸入於不能起予以為得公出而矯士之習作將之氣於時必有所補益而又念士大夫於公尚未有定評使其所長不曉然著於天下萬一有妄議者公必怒而引去不肯復出故委曲為白其所以然其論定然後薦且計公年未六十用世之日長而不意其遽卒蓋不獨予負公即公亦且自恨其不及俟予說之行也嗚呼其殆有數然耶公幼與羣兒戲每列

世經集

卷八

手

志

旗部署自長御之年十四舉陝西鄉試十八試禮部裏然為舉首當是時海內伺其有所製作爭傳誦之而公則習騎射談甲兵日以邊備之不修為大戚及再失官虜果入犯遊騎薄都城

世宗皇帝用予薦召為兵部職方主事遷山東按察僉事領民兵轉副使遷巡撫山西都御史提督鴈門諸關庶幾用當其才矣然公在職方坐議馬市非策又以能兵為逆鸞所忌幾得謗死在山西檄將士禦虜代州身甲胄督兵繼進斬虜若干級而總兵李冰乘勝入虜伏中敗沒詔解公官聽調迄今十五



年予日思薦起焉乃竟不克遂虜固未當滅耶何公之難於用也公讀書日能記萬餘言凡史氏所載天文地理戶口錢穀多少之算與寇戎蠻貊之詭姓隱名歷歷誦之不爽所爲文若詩豪宏闊肆如司馬子長李太白而卒澤於仁義道德初舉進士改庶吉士授戶部主事調兵部武庫主事即疏請禁諛佞以正士風又疏錄用諫官明善惡闢異端等七事下詔獄爲民賢改編修兼司經局校書疏請 正東官朝會禮儀備文武官僚以崇國本又罷爲民爲政於晉斥貪墨者征徭抑求請絕餽遺曰吾不敢竊府庫以自

世經堂集

卷八

主

本

潤亦不能借府庫以市恩宗藩貴官相戒莫敢犯法一時文學氣節政事之聲振動天下乃公則皆曰此儒者之末事其志專在攘夷狄復祖宗之疆宇遺後世以長治永安而卒不獲試此予所以深慨於負公也公諱時春字景仁浚谷其號祖福以國子生爲平谷丞考玉霑化教諭贈編修母計封太孺人其家世與其父母之賢詳見康太史及予所爲誌配劉華亭人封孺人先卒子二長守嚴平涼學生次守愚俱側室王出女四長嫁四川提學副使周鑑次嫁邑庠生彭中亦王出其二末字側室張出

孫男一藥女一幼初公以歲饑出粟數千助賑詔授公兄子守正指揮僉事公卒之前一歲與虜戰死植梁死之蓋有激於公之志云公卒時年五十九墓在其處守嚴上葬得 年 月 日奉學憲狀來徵銘往予銘許孺人於公不懼不沮之節蓋嘗附見一二茲直於公志致詳焉將使後世不以公所謂末技者目公庶幾無負公於地下耳銘曰  
龍興而雲弗從伯樂與驥幸相值兮而不克收以爲功世方貴劍術而干將鏌鋌曾不獲與鉛刀並庸數耶人耶吁嗟乎公

世經堂集

卷八

圭

金

明故左春坊左贊善兼翰林院修撰贈奉議大夫光祿寺少卿諡文恭公菴羅公墓誌銘

自陽明先生倡致良知之說學者始知舍聞見而求知於心然其傳之訛也語心體而遺工夫則日入於高虛而無益其又訛也槩舉夫不待學習者以爲良知而不復究愛親敬長之本指則以欲爲理以任情爲率性以戒慎恐懼爲戾於自然而去道日益以遠左春坊左贊善兼翰林院修撰念菴羅公有憂之數正色言曰近時傳良知之學語知矣而不必良語良



知矣而不必能致往往聞用功語輒生詭訝其弊將多於晚宋支離之失又曰陽明先生良知之教本之孟子故嘗以入井怵惕孩提愛敬平旦好惡爲證然以三者皆其一端之發見而未卽復乎全體故言怵惕必以擴克繼之言好惡必以長養繼之言愛敬必以達之天下繼之孟子之意可見矣先生得孟子之意者也故亦不以良知爲足而以致知爲功公家居弟子四遠而至其爲教恒主易所謂寂然不動周子所謂無欲故靜者而申告之曰能靜寂然後見知體之良能收攝保聚然後能主靜而歸寂又曰儒者之

世經堂集

卷十人

重

章

學在經世而以無欲爲本夫惟無欲然後用之經世知精而力鉅階昔未冠卽幸受業雙江聶公之門及舉進士與南野歐陽公爲同年益得相切磋於問學二公先生高第弟子也又後六年始獲識公公于時所交游盡一世名士而與予言獨相入未幾公請告予亦以論孔子祀典謫不相見者十年已乃同召爲官僚明年夏予遭先夫人憂歸其冬公及荆川唐公浚谷趙公論東宮朝儀罷爲民自是不復見以卒亦憶與公對榻劇談宛然前日事未嘗不泫然而泣也公爲學尤務力行居父母喪終三年不入室先世

所遺田宅盡以讓二弟其季卒哭之累月寢食爲失常與人處言語恂恂乃其中毅然不可動以利所居沒於水巡撫中丞馬公覈公前後所却坊值謀改築焉竟不受少師分宜公旣推轂荆川起家爲兵部主事遂以書致意於公公對以願畢志林壑荆川邀公會齊雲巖將強與偕出公辭曰天下事爲之非甲則乙其所欲爲而未能者得兄爲之卽比自效可也罷贊善歸足未嘗入城市繼闢蓮花洞作正學堂讀書其間益與世削跡然聞民所疾苦輒蹙額思去之邑故多虛糧言於有司盡丈邑中田計畝而稅弊頓絕

世經堂集

卷十人

重

章

建同江水次倉去邑之虛丁二萬民以不困於賦役歲饑移書郡縣得粟數千石率士友躬賑給之閩廣寇流入吉安握兵者不能制公爲畫策守嚴而戰力寇遁去嘗遊衡嶽僧楚石欲授公外丹公謝曰吾道自足寧須此友人有以仙學招者作長書拒之故公之初士大夫或疑其學近禪久乃知公真能主靜歸寂本無欲以措之經世卓然得致良知之真傳也公

當

世宗皇帝朝旣屢爲時宰所擯沮今皇帝登極公論明矣乃公則已先卒僅贈奉議大

夫光祿寺少卿諡文恭而不及見諸用豈非斯世斯文之厄歟公諱洪先字達夫念菴其號厥初豫章人三徙而居吉水曾祖良廣海衛經歷祖玉以子貴贈奉直大夫兵部員外郎考循舉進士仕至山東按察副使嘗抗逆瑾僞僞著風節娶李氏以弘治甲子十月十四日生公公年十五卽下視舉子業得傳習錄手抄而讀之晝夜不置嘉靖己丑舉進士第一

世宗批其文曰學正有見言讜而意必忠宜擢之首者授翰林院修撰壬辰以病痊起克經筵展書官己亥召拜贊善克經筵講官凡三立朝皆不踰歲而

世宗憲集

卷十八

奎

木

歸甲子八月十五日卒于松原之新第年六十一配曾氏生子世光吉水邑庠生能世其學孫履靜良靜公卒之明年三月側室劉氏生子曰奕光某年某月某日世光葬公赤石潭山之原介其姻文選曾君同亨暨公門人曾乾亨王暹劉教以公門人提學憲副胡君狀來徵銘予與公友三十年既不能及公之存薦起之則今誌其美傳諸無窮固予所不得辭也公有文集若干卷吉水令王子蘇子已錄梓邑齋而公嘗手書一冊與今提學侍御麻城周君大要以言說爲不濟事以落思想落存守爲不能隨用具足而以

不存而存爲學之至公絕筆也予且告周君刻而傳之銘曰

昔在洙泗以聖爲師於道之傳猶或失之矧世之下學以口耳違道日遐理固宜爾荷公奮起獨悟道真非矯以言實率以身仙佛詞章一時盡詘斯道復明厥惟公力公身雖隱公言則彰我銘揭之彌久弗已

明故兵部武選員外郎贈太常少卿諡忠愍

楊公墓誌銘

公諱繼盛字仲芳別號叔山忠愍者諡也國朝之制非大臣不得與於易名公位下乃得諡者今

世宗憲集

卷十八

奎

五

皇帝御極觀化源謂公死諫節甚偉宜尊顯以勵士大夫故奉遺詔贈公太常少卿廕一子應尾爲國子生而特賜今諡其義則取諸危身奉上在國逢難云初公舉嘉靖丁未進士授南京吏部驗封王事師事大司馬苑洛韓公盡通其天文地理太乙壬奇兵陣之學名聲重一時辛亥遷兵部車駕負外郎當是時大將軍仇鸞驕然心憚虜欲利啖之以緩兵請與虜爲馬市有成議矣公上疏斥其不可者十辯其說之謬者五鸞因詆公撓邊計惑衆心詔錦衣逮公置訊獄具貶狄道典史踰年擢知諸城尋遷南

京戶部主事又遷刑部員外郎調兵部之武選嘗獨居深念至夜分配張安人問其故公曰吾受

上恩思有以報耳安人曰嚴相國方用事此豈君直言時耶公不應而心自計欲報恩其道莫如去姦人使不得亂政遂以癸丑正月疏論少師嚴高十罪五姦請召 二王問狀公意以嵩在位久其黨與布滿中外

上卽問必不肯言而

今皇帝以明聖在東府冀一 召問可盡得其實嵩更借以爲讒 詔逮公訊所以引 二王者公具對

世宗憲集

卷六

七

七

侃侃至斷指出歷不易詞 詔杖公百送刑部獄郎史君朝賓議從輕比而其長貳皆嵩黨竟當公詐傳親王今肯絞公之將受杖也或遺之蚺蛇膽却不受曰椒山自有膽或謂公勿怕公笑曰豈有怕打楊椒山者及繫刑部創甚吏畏禍莫敢睨公公乃自破薏碗刺右股出血數升已復手小刀割小股去其腐肉旁觀者咸爲戰慄公顧自如在獄三年以乙卯十月晦死西市臨刑賦詩云浩氣還太虛丹心照千古平生未報恩畱作忠寬補天下相與涕泣傳誦之嗚呼士方平居語及節義往往扼腕張眉目自謂能之一

曰臨患害僅如毛髮輒心悸色變不敢出一詞或走匿以規苟免有能自奮如其言者寡矣未有蹈必死而不懼者也偶出不意蹈一死及旣脫率深自懲創毀方以爲圓又或自滿足不復肯爲危言正色者有矣未有慷慨激烈赴再死而不顧者也公始忤仇鸞偶不死奔走絕塞間稍稍微用去訊繫時無幾痛苦之狀宜猶在心目張安人所以語公與古牛衣之說亦何以異而公不懼不惑卒直諫以殯其生此其視唐子方諸人且猶過之矧世碌碌者耶公死之歲刑部郎今藩叅王君世貞爲求救於嵩所厚嵩曰行卜

世宗憲集

卷六

七

七

之其子世藩不可而其黨鄢懋卿等亦相與諍曰不殺其所謂養虎自貽患也故公竟死公死而地爲震者累年其後給事中今中丞吳君時來刑部主事今中丞張君紳太僕卿董君傳策相繼論嵩嵩又將殺之奏上地忽震

先皇帝悟而止由此觀之精誠之至天地且爲之動矣嵩業已讎公等其必欲殺公不足怪彼黨輩者獨何心哉夫其導嵩以殺公恐貽患也然公死七年先皇帝用御史今中丞鄒君應龍言罷嵩政逮世藩謫戍嶺南又二年御史今中丞林君潤發世藩逆狀

詔棄市籍其家則夫所謂患者果可以計免否也公死時應尾尚幼藩叅君與其友吳君國倫徐君中行宗君臣倡諸縉紳經紀其後事兵部主事今中丞王君遯歸公喪且以女婚其次子由是諸君者相繼獲罪而藩叅家禍尤酷今十有二年公既受恩卹於朝又以御史郝君杰請建祠保定賜額曰旌忠諸君亦次第登用而嵩之黨則盡已斥逐嗚呼後之欲為君子小人者可以鑒矣公先世小興州人洪武中有諱伯源者奉詔徙容城傳四世至青青生贈南京吏部主事富是為公考公生以正德丙子五月十日

世集

卷八

七

七日年僅四十子二長卽應尾次曰應箕皆張安人出昔歲甲辰公領鄉薦卒業國學予時為祭酒奇公文因日進公為講說經義與所以立身事君者公亦不鄙而聽之故予與公相知深公死予悲之倍於衆數謀於中丞王君視諸孤而日跂望於恩卹之及去年幸聞末議然後所以悲君者獲少紓萬一焉已巳月日應尾改葬公村之原奉藩叅君狀來徵銘予義不得辭也為撫公大節俾歸而納諸墓中若公居家之行狄道之政諱具公所為年譜及藩叅君狀銘曰

萬物稟氣以為命公生其中得厥正位卑身什益自奮君恩必報以死殉人心為憤地為震歲星一終天乃定羣姦漸滅主明聖易名建祠錫贈廕制詞前後相輝映嗟公一死重孰並我銘揭之為世鏡

明故尚寶司丞寓菴吳公墓誌銘

常之宜與其俗於吳下為最淳其士大夫率好古而茂朴然其所推服必曰寓菴吳公公諱性字定甫其始為郡庠生授徒里中修行業文動以身訓畫程著式按而行之始終相較不輟毫髮年三十七舉嘉靖乙未進士于時仕者方喜躁競公獨謂可愧恥上疏

世集

卷八

早

乞為校官得河南南陽教授南陽人鄙野而尚奇衮卽諸生亦然公歎曰茲教之廢為之也雖然教人者徒務責諸人已乎榜於門盡謝問遺壺漿束脯禁不得入已乃察其有志行者禮之資可進者課督之婚姻喪葬戒毋計資賄用浮屠以次教之冠射諸禮士習變焉故事進士就教再期轉胥監三年遷部屬公既無貴授又不以資俸自言於人積五年始遷戶部主事且南京也公意願恒自得尚書任使其屬以推稅為便利筦庫為叢劇公於次當推揚州關稅乃得筦庫不以非序少有怨尤於心久之監浦口倉迎父

及伯兄養諸官舍父子兄弟飲醴茹蔬竟日相怡悅  
歷員外郎郎中滿三載封父如其官贈母錢安人公  
固以母不逮養爲憾至是焚黃墓前曰吾願足矣卽  
引疾歸未幾遭父憂丁未服闋補戶部乞改南太宰  
四明聞公曰是素恬於進宜有以勵士改南京禮部  
主客主事踰年復請告作天真園與朋舊詠遊其中  
將遂終身焉旣而曰吾本以疾告於出處未明也壬  
子強起補南京車駕主事未上乞致仕吏部寢所奏  
且促之行不得已至南都又疏以請吏部謂公賢不  
宜聽其去然又重違公仍予告丙辰以期滿至京師

世鑑堂集

卷八

七

金

當軸者欲借公取名改尙寶司丞公不樂再上疏乞  
休語人曰吾不得去不已吏部知其意覆請從之公  
舉進士二十一年在官不滿二考其慕退處甚於人  
之嗜進而其圖去視求進者加急雖古達人隱君無  
以過也爲人不尙迂談不採虛譽常曰聖學只一敬  
字王業只一豫字無憂勤惕勵之心則放恣而不敬  
無誠實淵深之心則怠弛而不豫未有能成者也故  
其事親持身治家必以禮事伯兄如父對妻子未嘗  
有惰容要束僕從盡斥去蕩佚華矜之習子壻有欲  
藉公補博士弟子者峻拒之曰自古至公惟取才一

路吾豈敢以干有司居家不務生殖然恒有以及人  
銖積寸累皆得之儉約蓋其敬且豫者如此是以能  
薄利祿退無所求於世而進不辱其身也公生弘治  
己未十二月十七日卒於嘉靖癸亥九月一日年六  
十五曾祖觀祖昊祖妣儲以貞節稱於鄉父禮封南  
京戶部主事有子三人其伯子某實能力耕以成公  
之學公所爲父事之歿又以祔諸祠者也元配杜氏  
蚤卒贈安人繼娶段氏封安人凡生四子可行翰林  
院編修志行文學爲詞垣所重中行領嘉靖辛酉南  
畿鄉薦尚行邑庠生同行業舉子一女嫁蔣秉惠孫

世鑑堂集

卷八

聖

杰

八其

女二長嫁郡庠生黃世芳其

所著述有詩文若干卷讀禮備忘二卷宗約族譜家  
訓年譜各一卷甲子閏二月十一日可行等葬公郡  
城東之丁堰可行予癸丑所舉士也奉宗伯履菴萬  
公狀來徵銘公嘗論銘墓以過其實爲不直故宗伯  
之爲狀自謂不敢誣而予亦罔敢過稱焉其詞曰  
古道既喪世趨下誰其障之使返者公於世味能獨  
捨食毋無魚出無馬著書說禮處于野岫如長堤制  
奔瀉吾茲失公與益寡刻銘識悲非誤也

明故光祿大夫柱國太子太保兵部尙書東

塘毛公墓誌銘

光祿大夫柱國太子太保兵部尚書東塘毛公既卒之二十三年

今皇帝用臺諫言錄故大臣之有勞於邊者 詔吏部若曰尚書伯溫其復官階勳如故於是公子右軍經歷棟奉 制命告于祠又告于墓已則泣曰茲上之至恩吾父所朝夕冀而不敢必者也不有金石之刻其何以昭

上恩於無窮乃以贊善念菴羅君故所為狀來徵銘按狀毛之先循人宋初有諱休者以國子祭酒知吉

世經集

卷八

墓

州迎其父尚書就養尚書卒因葬吉水而家焉其子孫遂為吉水人慶曆間洵舉進士歷官鎮東節度推官以孝旌於朝景炎之季昇從文信國公起兵勤王署贊理軍事故毛氏自尚書以降號世有人入 國朝敘倫以子廣西知府超貴贈兵部車駕員外郎超子榮起鄉薦為浙江布政司經歷公考也公生有異質及長以文章為提學虛齋蔡先生所知正德戊辰舉進士授紹興推官紹故多訟有司惡其然務懲以嚴刻而民乃益囂以肆公獨為平易諸所推鞠反覆辯證使各服其辜郡人呼為青天訟必求請公以決

由是公聲籍甚攝判常半越中辛未徵拜河南道監察御史出按福建劾罷左布政之以賄遷者釐正賦額歲省民財萬餘丙子按河南戒諸司不得與民為市籍凡賦役令各以丁若稅為差吏相視不能有所高下民某挾鎮守中官為奸利公捕治之某走匿中官所公使人謂曰不來吾且併劾匿者某遽出就獄戊寅按湖廣洞庭湖寇數剽掠郡邑而水陸之邏卒以畫地相諉莫肯捕公請移守備駐岳州兼督之寇乃漸戢已卯寧庶人反檄兵斷上游獲逆黨若干人湖廣多親藩其軍校率怙恃為暴公一繩以法摘姦

世經集

卷八

墓

墓

鉤隱莫有遁情今婦人女子猶能道公事至或造飾奇恠取裨官所紀述悉以歸公聽者亦莫疑其非也

辛巳

世宗皇帝入嗣大統公劾奏司禮太監蕭敬章竊黨前太監張銳張忠冀脫其死請併戮以謝天下銳忠竟抵法壬午遷大理寺右寺丞甲申轉左寺丞辛亥遷都察院右僉都御史巡撫寧夏罷衙前兵三百人歸其營修漢壩唐壩瀦河水溉民田若干頃大獄起公以嘗佐大理當連坐夏人上疏畱公者三千餘人戊子例罷歸壬辰用薦者 召巡撫山西未行改撫



州未上 召還院明年遷右副都御史河南之宗室有與巡按御史相訐奏者意公右御史語侵公時宰素嫌公不遜已因又罷丙申議征安南公時居父憂詔起復爲右都御史辭不允丁酉夏公亦且禪除乃就道至則上方畧六曰正名用兵用人理財明賞罰一事體會兵不果出秦寢改協理院事冬作

永陵遷工部尙書提督工役始爲八輪車致石柱他所經畫勞半而功倍者多類此戊戌復議征安南遷兵部尙書兼右都御史公條上五事曰均管轄處錢糧具官屬破常格懸重賞兵復不果出公亦復協理

世宗憲集

卷十八

聖

聖

院事己亥 駕幸承天 敕總理山西宣大三關軍務 賜大紅金彩飛魚衣錦袋銀瓢刀箸各一初大同巡撫張文錦令叅將賈鑑以兵萬人築五堡鑑不能拊循其衆爲所殺後遂無敢言堡事者公歎曰昔之生變由所任非人非建議謬也卽故鎮川堡之東增築堡曰鎮邊又卽弘賜之西增堡曰鎮虜曰鎮河堡相去各二十五里募軍三千實其中蠲廢田之租使耕以自給設一叅將領五指揮守之五堡錯峙聲援易及虜遂不敢輕入以窺大同夏五月還院 莊敬太子將出閣 詔選官僚加太子賓客仍理院事

秋

世宗決策南征申命公督諸師得便宜行事當是時議者率謂宜誅莫登庸擇立黎氏後又或謂宜取其地郡縣之公皆不應比至廣州集上漢狼達水兵二十餘萬令自兩廣及雲南各分三道以入九月次南寧登庸懼來言黎氏死無後願歸欽州四峒地世世奉朝貢正朔如黎氏使屢至益懇公進文武吏士告之曰安南故陳氏地也登庸得之於黎視黎得之於陳等耳而殘民之生爭昔

祖宗所棄地不可謂仁竭中國之力以爲外夷報讐

世宗憲集

卷十八

聖

不可謂智

聖天子方全覆宇內惟恐一物不得其所吾體上德意奉便宜而行之職也遂計以十一月納降鎮夷關至期築壇設 黃屋登庸率其屬徒跣繫頸北面蒲伏奉降表遣姪文明請 命闕下公爲具言其狀 詔從之以登庸爲安南都統使而進公太子太保加賜銀幣卽以其日班師還掌院事壬寅公至京師舉時弊所當釐革者大畧以爲近世刑獄任情民多冤死官司上下相蒙多承風旨伺喜怒剝民爲供張鈞取機利而御史不能辨奸僞日肆貴賤化習風



靡俗流漸不可返請一一覺察如制 詔報可會  
東巡按御史縱左右受賄劾去之臺中盡悚都城故  
無郭公疏請爲之不報後十年竟郭於郊之南如公  
指冬改掌兵部公疾邊帥盜官餉又時假科條沒入  
其卒衣糧賂貴要以規進取首檄五城調其持賄入  
都者置諸法邊帥相戒不敢復踵故所爲團營軍耗  
不及額時議召募補之公言京師募兵徒得賈豎遊  
民無益於用宜止召募而嚴簡閱又言兵不用命其  
弊在法令太寬請自今有逗遛者都指揮以下巡撫  
得斬首以徇總帥則具狀以請至今論邊事者以公

世修集

卷十八

聖

未

爲師公於用人虛已博訪務當其才遇有諸兵疏至  
卽發孤墮遠戍咸恃公無恐錦衣官校多動戚中貴  
子弟怙勢干寵名實不可究詰公毅然請汰去之由  
是怨讟日起甲辰冬順天巡撫都御史朱方以薊保  
間無虜警請罷戍兵未幾虜犯大同方得罪公亦罷  
爲民猶坐前持法云乙巳五月公病疽遂以六月一  
日卒于家距生成化壬寅七月十六日享年六十四  
公諱伯溫字汝厲東塘其號性博大明則臨大事斷  
處不疑亦不動聲色見人之善與其疾苦稱揚救援  
汲汲若不及入仕三十七年始爲名御史老爲名卿

而安南之師爲功尤偉卒之日朝士大夫及鄉父老  
子弟無不嗟惋泣下者嗚呼其可謂大丈夫矣配謝  
氏以公征安南之歲先卒子三長朴益府引禮舍人  
謝出次卽棟又次楠側室鄧出女一嫁國子生藍教  
側室郭出孫男一懋宗舉江西癸卯鄉試孫女一曾  
孫男一公之爲兵書以建 儲恩及五堡功再廕子  
入國學爲官保滿三載得 賜四代誥命故曾祖祖  
考贈皆如公官妣與配贈皆一品夫人謝之卒 賜  
祭葬如例而棟懋宗皆以廕起獨公卹典尚未行然  
以

世修集

卷十八

果

未

今皇帝明聖慈仁後命固可改而俟也公葬以丁未  
元日墓在廬陵縣城北真君山之原銘曰  
湘之水清兮力不能以泛觴山之蘭兮材不足以  
爲薪矧以爲棟梁惟江河及松栢兮輕萬斛之舟而  
可以構清廟與明堂嗟人才亦若是兮公因所謂萬  
夫之望蔚聲名而炳勲業兮猶韓在宋猶裴在唐倏  
九原而不作兮夫豈非吾黨之傷黯投淚以圖公不  
朽兮刻此銘章

封太宜人胡氏墓誌銘

太宜人胡姓以子肅卿貴封父鉄世居南昌之車塘

故祭酒季安公從子也其歸曰贈光祿少卿畏軒萬  
公公治尙書屢誦於場屋改業詩又連試不得意將  
授徒寧州憤謂太宜人曰若善事吾父母撫吾兒吾  
苟不能取一第將沒身四方矣太宜人泣送之奉舅  
介軒翁姑姜孺人與所以撫肅卿者具如公指後二  
十年公志竟不就而肅卿未冠能文章公歎曰茲天  
所以償吾負也乃謝生徒歸與太宜人內外課肅卿  
學嘉靖甲辰肅卿舉進士拜南京文選主事

太廟成封公如其官太宜人爲安人丁巳肅卿爲考  
功郎中當品第諸司去留其賢不肖時公已卒獨太

世經堂集

卷十八

墓

杰

宜人就養宦邸數謂肅卿曰吾婦人於所謂惜才長  
善之道不能知然吾知人情生男則喜能誦章句則  
又喜能致身科第則又大喜爲京朝官則又益喜觀  
於所喜而其悲且怨者可知矣兒慎毋輕有黜謫也  
肅卿跪應曰諾故是歲所考論人咸以爲允戊午太  
宜人年七十士大夫日持羔酒往壽太宜人悉辭謝  
不見而獨見宗伯季泉孫公肅卿請其故答曰吾聞  
孫中丞仗節死是其子也貌或類父欲一觀之耳庚  
申肅卿以南京光祿少卿滿三載奉太宜人歸南昌  
其冬 詔贈公光祿太宜人晉今封壬戌肅卿再遷

南京鴻臚卿取道歸觀畱未行會用事者敗太宜人  
亟撫床曰兒昔爲權貴人抑居南銓者十三年光祿  
者五年今彼敗固兒仕時矣肅卿乃就道未幾改大  
理少卿至官甫三月

世宗皇帝思屬異才與建安攘之業超拜兵部右侍  
郎甲子轉左侍郎兼都察院右僉都御史出撫山西  
盡罷將吏之不任職者拔其有才而不獲試者覈軍  
實繕器械弔孤血死選鋒畫奇以與強虜角明年二  
月遂敗之於老營又敗之於利民堡前後斬首百六  
十餘級九月又却虜五萬騎於鴈門奏至上下動色

世經堂集

卷十八

墓

杰

以慶初肅卿視事數月太宜人得胃疾每晉使至太  
宜人必出見令語肅卿曰邊事方棘其務殫力以報  
朝廷吾病且愈勿以爲念也比疾革猶對使者強啜  
粥示無恙肅卿由是得無內顧益究其所欲爲却虜  
踰旬而太宜人卒九月二十四日也丙寅 詔錄肅  
卿功 賜太宜人祭葬並祭公如故事君子曰太宜  
人始欲成公志毅然身任事育之責阨於命不果酬  
晚以大義教肅卿至忍疾病強飲食必欲觀其成用  
能可不亂心以克底厥績今讀其語凜然有英氣焉  
其可謂女丈夫矣太宜人生於弘治己酉八月二十

日享年七十七子男二長恭肅卿其字次泰南京太醫院吏目女一嫁某孫男十四安邦安仁安義安禮安智安信安吉安祥肅卿出安正安升安少安任安侍安諭泰出其長二人者俱已為庠生孫女二嫁某其曾孫男四允慎允信允祿允聰曾孫女二肅卿上以丙寅十二月十日啓公洞陽山之藏奉太宜人合葬謂予相知深屬為銘予蓋嘗聞君子之論者爰撫而銘之曰

婦王內治自古則云孰施於國而克有聞荷太宜人處順履正陋彼煦煦以義為訓子身在官心則在親

世經堂集

卷十八

五

五

曰慎勿然君重我輕忍疾強食俟捷之至捷書既奏含笑而逝

天子論功卹典乃頒恩綸燁然賁於洞山母貴多有母賢實稀曷永其傳刻石幽墟